

四庫未收書輯刊編纂委員會編

四庫未收書輯刊

北京出版社

貳輯·貳拾叁册

四庫未收書輯刊



四庫未收書輯刊編纂委員會編

北京出版社

貳輯 · 貳拾叁册目錄

留計東歸贈言八卷 [明] 畢自寅輯

一

盡節錄二卷 [清] 朱纁輯

二七

坊表錄十六卷 [清] 蘇宗經輯

一五三

中興將帥別傳三十卷 [清] 朱孔彰撰

二六九

鶴徵錄八卷首一卷後錄十二卷首一卷

[清] 李集輯 李富孫等續輯 後錄 李富孫輯

五五五

〔明〕畢自寅輯

留計東歸贈言八卷

明崇禎刻本

留計東歸贈言小引

化自幼學易而有感于易之
所稱龍德也樂則行之憂則
違之確乎其不可拔乃知君
子當我道消長之際衆方失
厥所懷來君子獨神于其幾

東歸贈言

序

一

微章剛柔應之如環故稱萬
夫之望夫松栢不與蒲柳爭
而水枯雪老自足領袖陽和
騶虞不與豺虎爭方其磨牙
吮血之時惟有却走深林耳
君子之進退亦若是而已雖

然此其間有成局于胸中性

以植之學以淬之非取辨于
咄嗟之意氣也猶憶我

師司李雲間年方少剛毅之
氣凜不可犯所供三淵水千
里尊耳至不言而飲人以和

東歸贈言

序

二

又如披春風莫不意消歷試
中外朝野之望愈隆留都重
地正人君子方藉以依歸乃
痛逆黨之毒焰不忍坐視一
旦拂衣而歸高卧東山是時
識者莫不咨嗟歎息祖帳勞

勞驥歌載道

王大家宰怙雲有云急流自

昔臣隣重嫫節重煩

御墨題蓋實錄也時奉有以昭

嫫節之

旨故云迄今誦諸篇什恍覩我

東歸贈言

序

三

師清風勁節真如千仞之輝

疇能攬而下之人但知碩果

不食見今日之天心然非志

不渝命又惡能含章以默回

造化耶我

師生平不喜危言激論皦皦

一時朴誠應物一似洛下司

馬或出或處如刀圭之真可

起痿菽粟之果能療饑至大

節所在屹然山立直令羣小

膽落方車騎之出石頭城兒

童父老爭嘆黑頭公何遽便

東歸贈言

序

四

旋乃化自去冬來京我

師以

環召拜大司農晉

宮保數得入室請益雖風神精

采不減留都第蒿目時艱苦

心康濟頓令新舊二餉在在

圓滿每一觀而髯為之一枯
古稱老成謀國退亦憂進亦
憂不虛耳化適承乏八閩學
政拜辭函丈謹附數言于卷
端以識仰止云

崇禎一年歲在屠維大荒落

東歸贈言

序

五

月在姑洗之吉

賜進士出身

欽差福建等處提督學政按察
司副使華亭門人何萬化頓
首拜撰

畱計東歸贈言目錄

四言古

劉民悅

七章章八句

五言古

徐憲卿

留日唯

韓位甫

朱知盛

畢生輝

七言古

畱計贈言

目錄

張鶴鳴

方一元

楊 錦

周士登

曹可明

蔡三復

于燕芳

弟自寅

有序

五言律

蔣守藩

二首

七言律

王在晉

四首

倪斯蕙

有序四首

林宰 <small>二首</small>	顧起元
俞彥	顧起鳳
姚履素	徐弘基
張錫命	魏浣初
姜一洪	朱葵
林應聚 <small>四首</small>	錢承擴
王濬初	溫禧
田所賦 <small>二首</small>	洪聲遠
單養蒙	劉大川
陳開泰	邵繼孟
張鳳翼	王政
顧國縉	張可大
楊大烈	吳日景
邵士逢	孫之儼
五言排律	
杜士基	葉天陞

趙嗣芳	張有譽
霍化鵬	薛坤
朱慶棐	朱知城
七言排律	
楊棟朝	潘光祖
郭文封	田有年
顧國縉	弟自寅
七言絕句	
王建忠 <small>六首</small>	唐汝詢 <small>十首</small>

雷計東歸贈言

弟吳橋令畢自寅彙輯

男官生際壯

官生際有較正

四言古

屬吏江夏劉民悅

惟嶽美畢公也公以南大司徒請告

詔嘉答焉君仁臣良賦惟嶽

雷計贈言

惟嶽岱宗其雲熊熊觸石膚雨寰瀛是同維賢式

鍾為卿為公為國棟隆洵我畢公

惟公忝德繩其祖武補 帝袞黼正色率下凡百

有士循循其組惟矧惟崇以譽以處

惟東有奴訶於海滌 帝命督撫鞠旅津門乃武

乃文其旂焯焯餉我三軍士飽馬騰

帝念南都乃命司徒慈我國儲根本斯對億萬仰

嘯自南自北載將載輸何天之衢

公拮据只民汔紆只爰乞休只 帝曰俞哉爾績

載嘉爾節載媵佚我耆耇令聞斯遐

泌彼溜水其流涓涓有園有丘可游可漫有琴可

彈有書可翫貽爾子孫式穀以燕

帝有溫旨公歸自濟毋過其驅蒼生望只令名斯

完嘉賓燕喜公拜稽首 天子萬禩

惟嶽七章章八句

雷計贈言

惟嶽七章章八句

留計東歸贈言

翁吳橋令畢自寅彙輯

男官生際壯

官生際有較正

五言古

贈大司農畢老公祖五言古一章

古婁徐憲卿

青城畢夫子矯矯負靈植清毓萌水源秀挺巒山

留計贈言

三

色初司雲間理繼拜爽鳩職平反照覆盆凜冽剪
荆棘秦晉多奇豎罔卿膺內秩經濟固難量心計
尤超軼再帥東諸侯海外渡玉粒關寧挾纒溫東
江亦足食六師懽未央距曲躍唱拍到處能不朽
秦松與漢栢八座領留計休休類無識目擊庾藏
空三疏抒忠赤勞薪憤懣深謝客餌芝朮叅衡且
晚間棄擲如遺跡竹溪六逸堂可霍憂時疾大清
小清流聊以資嗽石莫折補缺手豈容擁雲息藍

璧竟夕輝終為良工得

屬吏光山曾曰唯

錦衣當晝遊冥鴻羨元老名哲澄靈襟保身機獨
早綸綉稠登頌寧比歸來好釣竿風雨收驚濤一
線掃東魯山色穠可以狎綺皓束公扶天手林泉
屬幽討美哉喉舌司榮旋亦奇造

屬下充壹韓位甫

四序有代謝壽敢居成功豈不戀明王退休微尚

留計贈言

四

冲所以洛師又碩膚念明農臣某拜稽首還笏歸
山東優詔特嘉答廉頑激頽風五畝花竹秀一溪
荷芰溶菽麥足饘粥詩書當笙鏞龐老思貽安柳
下不易公日飲神泉水時尋鹿皮翁邑子實翫巖
晚歲纔登龍未進玘橋履敢叩豐山鍾他年登日
觀樞衣訪鴻濛

奉贈白翁老先生榮歸一首兼求教正

通家鄉晚生朱知感

祥麟出海隅瑞靄騰員嶠威鳳鳴高崗文彩炳二
曜君子有徽猷德音翔清廟憶公起海東巍科發
前導一再縮兵符聲名走遐奧勁氣肅瀾安仁風
解懸倒劍鋒匣青鱗旆影收赤鷁至今東北鄉偉
伐仰洪造 聖人旌神略司農得內詔遠餉無逸
期雜轉隨所調古來蕭劉後微公孰能肖髮雖爲
國白神采彌英邵豈謂泉石心急流遂高蹈盛也
守桂藁顧盼激清照珠玉數千言感載入懷抱在
雷計贈言

宗任生輝

元凱表虞廷邈矣今誰嗣吾宗司徒家八士相輝
賁叔夏對公車南宮望標幟季騶屏關門奴虜靖
烽燧燁燁表文昌仲忽躋三事惟 帝急畱儲欽
爾抒勤瘁四十八衛中如饑方得孳何哉虞滿盈
忽遂思休致曳履星非遙歸舟風已駛眇余忝阿
咸又復竽曹吏所嗟旬月間後先違交臂葛藟紛

相糾樾蔭畱餘庇儼從繩墨中猶想輸人意雖忻
家有儀寧忍 朝無貳以茲稷契儔可金巢繇寘
亟矣拂茵旒 內召行將至

雷計贈言

六

畱計東歸贈言

弟吳橋令畢自寅彙輯

男官生際壯

官生際有較正

七言古

江上老漁行爲贈大司農白陽畢老年丈請
告榮歸

年弟穎上張鶴鳴

畱計贈言

披香青虺三千丈裂雲掣電飛天上鄴城花艷女
兒多白櫻桃盡奈若何巢燕喃喃出吳宮栢梁午
夜金盤紅老漁江上釣江春撥刺呀呷雙錦鱗換
得江邨酒一盆掉入烟波不見人

南和方一元

神皇昔日嘉者舊半若齊賢貽厥後一時豐草與
長林石以枕今流以漱悠哉枕漱亦 主恩九闕
楊報咸思扣鼎湖遺 詔勤訪落及出東山何所

作白陽先生名世儔岱宗珊瑚靈氣托清任和兼

到大卿苦心不是博功名司農 豐鎬便更隱署

前山禱復江清猶嫌未若泰山下七十二泉泉上

耕忠勤又荷今 皇鑒豈有功成令缺陷朝拜乞

骸夕拜歸誰謂先生易拂衣今皇皇善法 神皇

意體大臣宜貴得微 聖世畱餘藉元老莫作尋

常視釣磯白駒空谷弗草草已下東山出遲早吁

嗟乎二疏之行重千古立朝少見存遺吐先生行

畱計贈言

矣有畱者中外紀勳猶可數畱計疏草特一斑欲
識先生考其語

年家屬吏錦城楊鎔

昔當海內誦兵食特拜司農爲周急偉哉我公膺

厚 恩曳履南來殫心力根本重地回空虛能易

嗷嗷爲嘖嘖無人無我似浮雲足食足兵真報

國公家吏部舊有名會計度支先率職位譽方崇

倚眷殷疏議宏才兼膽識胡爲瑞鳳千仞翔欲作

大鵬六月息力請 天庭乞 賜閒百寮需賴何
憑式予也小子更依依與公愛弟况同籍趨送匪
徒堂屬情相期端見棟梁植白門祖饒盛衣冠綠
野遊娛暫文墨 帝心簡在下金甌元老終爲
聖君翼

屬吏毘陵周士登

周家修誦畢公烈海岱畢公尤卓越武庫蟠胸六
宇雄文章經世中原絕持平法署稟蕭規治獄無
雷計贈言

寬定國埒仁恕公明兼擅之長才潔守誰顏頤參
藩晉秩表羣寮八面威名何凜冽韓范奇猷星斗
寒匈奴羅拜膽皆裂金城方略動楓宸借筋瀛津
至眷切百萬軍儲待轉輸叩關費盡幾心血賜金
賜爵酬庸功握計周詳劉宴策半壁東南倚借殷
功成身退不煩決洛社香山何陶陶放飲高歌隨
登登不覩商山黃綺公于今千載仰高節 聖明
羽翼應思公震履旋看曳帝闕

屬吏勾曲曹可明

方今雷計計不支司農仰屋虞焚絲誰提空乳乳
羣兒我公至止獨云否炊婦有無誰分咎有米而
炊何需其怒然持籌問倉困批奸直欲批狂狷肯
使左右憑叢神水滴石穿嗟自昔凜凜奉行惟三
尺自茲泉府多裒益裒益萬方難具陳試觀道路
無脫巾水輸陸輓已駢駢昔何以饑今飽伍昔何
以通今紅腐漏下衡書良獨苦惟予羣隸承下風
雷計贈言

一見甫驚黑頭公未幾華髮已鬢髮固知盡瘁惟
公獨公不巖廊不樞軸誰實裨休誰造福方期驛
召自 天來公獨攬鏡驚霜皚此種種者胡爲哉
曰予拮据已極矣胡不聞之貴知止我其陳詞告
天子 天子重睽股肱賢東南半壁惟爾肩爾姑
息肩宜淄川淄川實非考槃室庖刀善藏方善出
雒社暫爾棲君實一朝綸旨飛丹楓飄飄歸與逐
征鴻輕裝夕指般陽東裝無長物圖書在鬱林片

石猶云儼賢哉大夫衆所蒙蓋聞江湖心廟廊矧
今時事多捨擻誰云泉石可尚羊都門供帳盈江
潯共歌九戩爲公祖願公信宿膺華黼

屬下古河蔡三復

大海茫茫吞淮濟浸地稽天渺無際岱宗峩峩表
八殞篤生我公真名世津門治餉開治兵籌軍儲
國多血誠但聞壁壘一時變狡奴不敢驅長旌御
史執法自察率矯矯人中推屈軼神羊觸邪邪屏

雷計贈言

十一

藏簪筆生風霜凜粟東南倚命惟司徒心計猶稱
鼂大夫言念財實稱泉府泉流出入宜均輸舊額
逋借外者竭積靈耗蝕內者滯楚賦之波逝不還
旁竄新增隄亦穴一一裁量奏 帝聞 帝意從
之若靡遑直令衰藹色漸起又復三殿亟輸將正
爾 明廷勤借箸公忽抽簪賦歸去去矣當如蒼
生何道路驚傳胡太遠慚予駑鈍蒙驅拂辱比參
琴成藥物顧今感激豈私恩所爲 廟廊思補

江湖 廟廊故相關鴻飛遵渚公其還天爲保釐
屬元老太傅豈得淹東山吁嗟乎太傅豈得淹東
山

奉送大司徒白翁畢老師 予告暫歸七言

古一首

門生雲間于燕芳

龍江雪霽新除垂傾都祖餞問送誰行路日嗟嗟
信宿信宿袞衣心傷悲初自公來秉雷憲大法小

雷計贈言

十一

廉墨吏遜巫紛執掌白簡持葵卹血脰皂囊獻未
幾有 詔陟司徒杼空所在告庚呼何人視國如
視家一疏再疏修髯枯惟是補浴藉敷擾公私兩
裕慰億兆至尊色動上卿賢封事每奏輒俞表一
朝移疾賦遂初溫綸朝拜夕懸車 玉璽巨書
萬古折柳何事獨欷歔歔歔風人歌水更窮元氣
波映征蓋差喜長白春爲期從公賭壘東山當屬
指携筇碧嶂中急流勇退黑頭公只恐時限

晉書衣早晚載非熊

咏石隱園詩

六弟自寅

司農白陽兄自為郎時闢地為園松竹鬱蔥花
卉精好疎堂小閣華而不靡前後左右峙有玄
象靈壁魁星月窟苗蒼鳳翔垂雲太樸秋鷹
豸豸十石盡態極巧饒有幽趣號為十友題曰石
隱園及畱計歸猶狎其中陶陶如也雲間門人

畱計贈言

三

于紀先負笈過從為作石隱園記十石各系一
絕余因嘆吾兄立 朝勲業俊偉彪炳難以枚
舉未杖拂衣樂志泉石因象命名良有契合非
偶然也輒賦排律古風各一章讚詠其事

可徒園中何不有問園何以石隱名曾佐 聖明
執大象故邀玄象作至盟樸茂古風振頽俗靈心
妙手抉玄精關西鷹隼門庭列江左魁元月旦評
匏餉航檣雲俱進拾輸心事月同明冠冕蓬蓬雨

都憲 鳳誥頻頒三代榮茂叔池開香逾遠晉公
堂闕韻彌清神交康至為朋侶道契行聯作兄弟
愛石欲將石俱隱豈同曲士守硜硜擎天砥柱暫
休沐終日閉關介石貞共道東山謝安石德時廊
廟作璜琮阿誰為君記石隱瑯瑯擲地有金聲

畱計贈言

古

留計東歸贈言

弟吳橋令畢自寅彙輯

男官生際壯

官生際有較正

五言律

粵西蔣守藩

相臺尊獨坐蘭省履中樞霜氣千林肅泉流萬派
輸安危憑碩望獻納藉訂謨錦里洵云樂蒼生早

留計贈言

五

待蘇 其一

陪京湯沐重往籍版圖存物力惜南國葵心映曉
瞰斗旋杓自遠莖直露猶蕃林壑寧長戀蒲輪早
拜恩 其二

留計東歸贈言

弟吳橋令畢自寅彙輯

男官生際壯

官生際有較正

七言律

拙句贈大司農白陽畢老公祖得請榮歸

舊治年弟王在晉

一封直上解朝衣王事勞人問息機三老那堪同

留計贈言

十六

去國二疏爭似識先機雄材歷下今無敵勇退都

門近亦稀獨愧駑駘猶戀棧勦勤久與世相違 其二

周南旋旆指三齊霜落丹楓葉滿谿江上同人吾

老矣天涯遊子賦歸兮急流自昔臣鄰重嫫節重

煩御墨題黃髮向來堪顧問徵書東下莫言稽 其三

戊辰春日有懷白陽畢老公祖又賦二律詩

已得 請歸里

黎陽王在晉

家園松菊久相違明月江頭憶釣磯自是東山高
蠟屐每從泰嶽望春暉 廟廊昔日多黃髮鄉國
於今半白衣別後幾迴頻送客渭城楊柳色依依
其一

博說倉廩粟朽紅而今時事問蒼穹漢家本計先
湯沐周室人材讓畢公河海輓輸添百億東西兵
車嘆三空 聖朝上佐還思舊指日丹書出 禁
中 其二

留計贈言

十七

年弟渝州倪斯蕙

余自壬辰釋褐同白陽舉公謁天宮選公得
雲間李余得楚澤令一行作吏南北各天閭
問遂蚩然矣乃公殿屋中外駿聲蔚起迴翔
南北周踐臺部蓋吾榜中白眉也不佞蕙自
謝銓務一臥二十餘年姑從兵燹之後再成
小草得侍公於南大司農部也日共朝夕奉
以周旋亦奇合哉公勉望隆甚中外引領公

入筦銓銜晉陟探席乃公遽以告老求去
何嘗老哉 上不忍拂公之意暫從其請且
夕且 召公矣才賡填筮遽賦繡衮三十年
何握手之難而分袂之易也謬成四章以別
三朝元老大司徒媿美賢哉漢大夫暫許畢公離
左右豈同賀監乞江湖豐城斗燭難埋劍濱海淵
深更媚珠 聖主有恩容賜沐久虛麟閣待君圖
其一

留計贈言

十八

此去懸車十二年飄然誰不羨登僊老臣去國心
猶赤蚤歲辭榮髮尚玄家近東山瞻日觀階聯南
斗切星懸青松白石堪爲侶只恐林巖未穩眠
寥落知交漸漸稀朔風威話將歸一尊千里悲
離席九戩三章賦袞衣偏愛丹崖遠俗好豈應白
眼傲時非持籌覽捲絲綸手且理漁竿上釣磯
如雲供帳出郊關人指溫公向洛還綠野儘容闕
白社明時豈合臥青山籌邊曾借談兵外裕國頌

勞握算間若有四夷問出處爲云司馬正紅顏

通家侍生漳江林 宰

朔風吹雪度離旌咫尺登僊羨此行歸去泰山九鼎重謝將國計一身輕 清湖楚詩榮歸沐

主終應憶老成玆重東山須善飯廟堂旦夕待持

衡 其一

望望清齊路未賒 聖恩特許甕還家金門漸遠

三山色玉洞將開萬樹花似爲 三朝優大老豈

留計贈言

十九

容一壑臥烟霞東山只恐難淹久會晴新除出御

麻 其二

江寧顧起元

履聲共識漢尚書忽憶東山賦遂初 帝許杜公

藏武庫天容李相適安輿松岩舊種龍鱗老竹徑

新添鳳尾舒 國計尚須煩借問耳霖猶自望波

餘

江右後學俞 彥

乞得東郊未老身頓教豐芑失元臣海鷗已狎忘

機容楚鳳從悲岐路人一飯何曾遺 聖主二毛

真欲感比鄰所嗟遼祲連溟渤佇有蒲車下隱淪

江寧顧起鳳

班頌文昌傍紫微東山未許北辰違陪京牖戶思

黃髮鄭武甘棠寄袞衣身繫安危留 主眷道隨

舒卷豈知希綸闔祇今宵肝切佇看司馬總揆機

白下姚履素

留計贈言

二十

早公事業耀三宸忽厭風塵乞此身竹葉江湖漁

艇夜梅花煙雨芟裳新岱宗山色朝生翠渤海波

光遠媚人記得爲郎同舍日燕臺揮塵白雲春

魏國徐弘基

躋榮八座賦歸田別墅東山紫氣纏耆舊清忠旌

列聖鎬豐德愛被千年定知 新寵頒來渥自是

元臣望獨先堯佐未容稱慶老安車猶冀入朝

天

送白翁大司農先生榮歸

東川張錫命

節鉞親持靜碧流東來稜氣一時收丹心自許
三朝顧黃髮偏深四海憂秋月春花饒詠嘯清泉
白石恣夷猶休言歸臥雲林久祗恐蒲輪只尺投

姑蘇魏浣初

重軫東西目為蒿軍輸無奈望投醪司庾曲使頌
儲應當宁深知仰屋勞歷盡崎嶇憐驥足放開空
雷計贈言

主

潤遡鴻毛誰云汗漫滄洲興一柱依然戴六鰲

贈大司徒畢老先生得請旋里

姚江姜一洪

台星長嘯紫微宸此日懸車駕五雲國計久需籌
石畫 王知今已賁元臣三朝望重垂青史八座
名高耀聖林從此頻來 天子顧功勳應共斗山
尊

屬下司務年侄朱葵

雷計欣聞曳履聲尊鱸忽起故園情冰心一片風
頑儒嫖節千尋動 聖明時奉有以昭嫖節之古故云 岱嶽峯
高秋月朗淄城雨過暮雲橫時清未許耽泉石矧
建三旌秉國成

屬吏清漳林應聚

八座崇階尚黑頭遽將簪組付滄洲功成欲辟留
侯穀勇退先浮范蠡舟從此 聖心勞夢寐其如
國計莫分憂願公亟慰蒼生想肉食而今慚遠謀
雷計贈言

主

歸舍遙將 帝旨頒 殊恩纒縷幾人攀清風長
拂司農署卿月孤懸碧海灣仲父才高宜握計謝
公望重豈投閒此行煖席無多暇佇奉徵書顧鷓
班 其二

釐保勲崇徹 紫宸鴻飛漸息謝風塵壯猷何事
辭 明主嫖節于今表大臣南國紳纓虛曳屐東
山烟月好垂綸但愁四海多虞日難賦歸來老此

喜從畫省霑光輝一自投簪願已違黃髮邇來看
漸少白駒此去音還稀時艱莫說宦情薄身隱仍
憂邦貯非不獨屬員偏惜別兒童擁道望公歸其四

屬下西蜀錢承擴

北斗璣衡 主眷深辭榮知足老臣心忠畱鳳閣

山公啓興寄龍門白傅吟紫氣曉瞻函谷馭褒綸

恩重漢庭金勛名長繫蒼生望終見商巖起作霖

畱計贈言

三

屬吏雲中王濟初

上臣經濟婉夔龍岱嶽峻嶒世所宗秉憲久推三

獨坐持籌專仗大司農聲馳西北消塵警政洽東

南見賦竇妙矩最堪羣屬式斗邊僊履許誰從

屬下巴蜀郎溫禧

龍馬精神海鶴姿獨司北斗佐明時 三朝望重

需調鼎千載清風菴茹芝裴野黃花畱晚節楓宸

天語沛溫詞蒼生未輟東山想勲德應勞 聖

奉送白翁老堂翁老先生榮歸

年家鄉晚學用所賦

勒就燕然于重摩功名鍾鼎轉嗟賦東山詎肯終

安石銅柱從來倚伏波輪輓定勞黃髮久林泉忽

藉碧雲多休言畫錦春如海飛鳧蒲車只尺過其

一疏批鱗乞此身手持優 詔挂朱輪粉郎滿坐

推先達蓮府諸公拜後塵柳色漸隨蘭棹遠梅花

畱計贈言

三

亂撲酒尊新懸車綠野從容日正及雲林醉好春

其二

屬下古黃洪聲遠

東嶽崔嵬接太空靈鍾元老道彌崇憂時漸覺添

華髮報國唯知秉赤衷三徑黃花榮晚翠百年青

史勒高風身懸四海蒼生望千載重誇洛社翁

屬下古蓼單養蒙

颺颺風吹江上岑江干頓起竹溪心當年幾與向

晉履今日忽投太傅簪兩袖清風歸夾谷三司其
雨遍蒼黔保釐從昔公家事行看宜麻范水濤

屬吏易水劉大川

上臣憂國豈謀家經濟三朝髮未華宸鑒卽今懸
日月山林何必戀烟霞早霖碩望知彌切 環召
新恩定可誇司馬自堪駭虜膽邊烽行見靖胡沙

屬吏粵東陳開泰

鄴下多才近若何清尊言藉故田莎賦歸不爲荒

雷計贈言

五

三徑知止常思擲一梭禾熟玉山堪果腹夢關綠
楚倦鳴珂于今海嶠皆羊謝莫道碩人自寤歌

屬下上黨邵繼孟

碧霞翠嶂峙高崧申甫應推社稷功漕艘榜歌清
濟月戍開鏡和黑山風北門囊策猶餘皂南國倉
庾尚積紅赤舄豈聞同墜履涓川應復起飛熊

東郡張鳳翼

春風旌彩大江邊南國羣僚袒祖筵此日笑譚定

二疏他年夢卜注三銓津門需餉身先急會府兼
漕脈自聯元老只如尊泰岱逍遙洛社傾真詮

晚學秣陵王政

共識星辰曳履聲荷囊忽謝起歸旌東山已隱
三朝望 北闕還期一德廣維勞延年榮晚操羅
蘭香國紉芳珩蒼生霖雨思偏篤旦暮蒲輪想趣
迎

門生雲間顧國縉

雷計贈言

五

當途誰肯賦遺榮公獨翻然去舊京冰合長干旌
旆遠風暄夾谷薜蘿生謝家雙玉千雲秀于史門
高結駟行黃髮廟廊求正急鶴書早晚下延英

楚環張可大

經綸妙手壯王猷保障江南最上游蒿日軍儲杼
石畫勞心國計抱深憂 聖明慙許歸香社寮案
爭誇向十洲盼望錦帆移別浦不勝雲樹思悠悠

岱東楊大烈

應懷長白舊雲峯此日懸車興愈濃海岱共迎新
逸老鎬京瞻送大司農籬邊灑酒纔移菊澗外携
琴偶獨松芝草神泉能注世鹿皮前代有遺蹤

白翁畢老年伯錦旋俚言奉送

年任秣陵吳日景

元老朝廷倚度支如何勇退急流時溫綸暫許鵬
為息重望兼看鳳有儀京國入燕銓待握郵亭歸
魯傳聊馳獨憐猶子年家誼世世惟翁感最知

留詩贈言

毛

俚言奉送大司徒白翁畢老先生畫錦

通家晚學邵士逢

黃閣勲名切上台赤松何事早歸來東南不復煩
籌箸中外空瞻酌斗才手演一函充宦家望隆三
錫動果愚它年屈指蒲輪詔好向臨淄綠野開

祝其孫之解

石頭王氣藉公揚突爾縣車鬢水蒼苒苒探四
皓紫欲分金乏兩疏黃勒名鼎上蟲魚瘦賜潯

中烟月長只恐東山棲不穩九州轉運苦戎羗

留詩贈言

夫

留計東歸贈言

弟吳橋令畢自寅彙輯

男官生際壯

官生際有較正

五言排律

門生雲間社上基

間氣鍾名世文昌拱舊京岱宗聿表峻滄海共涵

清偉略三朝望崇標八座傾烏臺方秉憲鳩府更

留計贈言



元

提衡水旱天行劇札瘥物力憊縱稱財賦窟安得

廩儲盈吏弊紛難詰民艱未易鳴焦心厯設策蕙

目閱持平輪輓纔能繼歛施恰中程果然克士腹

展也豫 皇情會有 褒綸屈旋看晉秩迎林泉

忽引興簪綬澹浮榮悟 主心逾切抽身慮更明

懸車太早計聽履尚餘聲未穩山窓臥常祭斗柄

橫能潛復能見難弟亦難兄闕外收奇捷朝端復

老成齊流竹帛譽金勒鼎鍾名此日壺漿送當年

圖繪并感恩矢下里聊為竭衷誠

大司徒白翁學老先生蒙 恩予告微賦排

律二十四韵以憶欽挹之懷

年家晚生葉天陞

錫命周常伯辭榮漢大夫津門先握節戶貳遂懸

符兵餉權交鉅風霜塞更逾天驕尋遠避 帝眷

益旁敷總憲神臯重司徒豐鎬殊金錢苦綜核庚

癸杜潛呼憂國情偏切持籌鬢欲枯丹心標疏草

留計贈言



三

嚴令費紓圖士馬皆騰躍倉庾漸轉輸清風輝黼

座夜月湛冰壺當道推元獻羣髦羨表模壯懷惟

補袞歸夢每烹鱸一疏排 天闕千秋表大儒

皇仁昭媵節臣道凜遐趨祖帳東門盛芳踪異世

孚年家誼不淺頽俗氣能扶時事紛披後 朝端

功績需春明鶯語滑浪暖鷓飛娛擺脫超塵壚殷

勤引海隅彈碁安石暨醉酒步兵厨聽屨先垂則

追鋒近有謨歸鞭應未穩 仙詔欲來紆試看蒲

侍行當耀遠途

屬下年家晚生趙嗣芳

勇退初衣遂孤標負絕塵風雲扶正氣海岱毓名
臣有念皆謀國無營但致身賢聲蜚李郡起草動
楓宸網釋蘇凋瘵波寬縱湖鱗豸繡關河徇恩威
電露勻 聖朝資弼亮百辟藉陶甄鶚印清戎索
鷓班領緝紳津門擎一柱 祀稷倚千鈞喉舌階
愈峻度支績轉新中外捨多務南北共憂貧大都

曹計贈言

至

商錫兩豈有粟紅陳簡括匠心計節縮總眉顰
闔柱鼠雀握算廩軍民何以念松菊塌然想鱸尊
引年非洛社高臥已滄濱岩雲生佩劍海月伴垂
綸徙倚丹經在行吟綠綺親紫芝餐作餌黃綺結
為鄰野水橫舟艦物望屬松筠願言高赤鳥珍重
符蒲輪

大司徒畢堂翁老年伯蒙 恩予告敬賦五

排二十四韵以述鄙懷

屬吏年侄張有譽

問氣鍾齊魯明公邁等倫 中朝推媵節南國表
儒紳一自持籌日偏勞報主身籌燈咨帑細雪涕
悵度貧脉絡從來久侵漁那可陳軍興苦凋敝肉
食但吟呻庚癸呼非遠壘瓶耻有因傷心懷祀慮
草蔬感 楓宸握髮憐才急虛乘下士頻無聞徒
潦倒有幸荷陶甄束帶攀稽後趨曹御李新立談
標矩誨起草出迷津共羨衝邊略能生重地春陽

曹計贈言

至

回將朽木沐潤欲枯鱗 皇眷方聽履閒情忽憶
尊高風千古隻短奏數行真祖帳東門勝 恩綸
北闕新憂時羣罷市慕誼獨霑巾于役羈江介前
驅到海濱漫傳歌召憇遙拜頌莊椿未許便高枕
相思早賁輪尼山原誕聖恭徽總生申虞夏多求
舊春秋賴統均調元顏正渥拭目冠麒麟

屬吏南海霍化鵬

肅相轉輸日留侯辟穀年扁舟移柳外萬騎祖江

邊鷗兩宿中細豚風拜上平烏衣維晚棹黃鵠引
歸舩行止適然事家國夢裏天持籌嗟獨苦釋負
得毋傷庚癸呼逾急東南力已股治安餘漢策菱
蒨想周賢朱綬直長物蒼生豈恻然懷人歌不盡
甚者涕交漣別墅新題咏汾陽暫敞筵君恩無限
處未許臥林泉

閩清薛坤

聖世逢霞舉軒軒出上都春風推去轂花雨擁歸

留計贈言

三五

途魯酒酣東嶽秦松揖大夫高天才聽履南國久
紆謨霄漢瞻黃鵠人間咏白鳧軫時方有託懷德
豈能孤麗藻山川毓風期日月扶繁花爭晝錦素
雪映冰壺氣向函關識功仍漢閣圖攀轅無計及
惆悵枉吾徒

通家鄉晚生朱慶棊

烜赫中朝望疇庸版部光清風還粟里懋績著旂
常龍峽飛泉碧幢山古木蒼流連詠歸地延仰具

瞻鄉卽恐蒲輪 召難深荔服藏品廊詒法憲海
寓冀熙康未遂高雲臥應知趣治裝

五言律十韻奉贈白陽畢老鄉翁書於斗牛
槎之得一處

淮甸朱知熾

絲綸許身乞冠蓋出 皇州總憲無雙月司農總
一秋徙薪深國計積粟爲軍籌俗朴風承化門清
訟每休捐資收暴露讞獄釋幽囚聲教頻宣布恩
留計贈言

三五

波實溥周焚魚且歸去卧輒總難留夾岸青驪送
橫江彩鷁浮片雲看冉冉一水隔悠悠鍾阜飽年
望思若涕泗流

聞計東歸贈言

弟吳橋令母自寅彙輯

男官生際壯

官生際有較正

七言排律

鶴川楊棟朝

乞得閑身自艾年
星辰曳倦攬雲烟
秣陵早折千條柳
灤水晚栽十丈蓮
閣畫麒麟人豹隱
班辭鸞

聞計贈言

壬五

驚事鷗眠山中宰
相鬚眉綠河上僊
翁食息玄辭把瓊
芝招綺里笑着玉
笋出藍田絃聲吹
動玻璃璋詩句敲
殘玳瑁筵戀闕葵
心常耿耿籌邊花
夢正娟娟蒲輪只
恐從天下未許輕
浮范蠡船

屬吏金城潘光祖

兩臺掌後大司徒
六府脩明五典敷
弘濟親親承運泰
坐籌部伍息庚呼
姬公未是明農日
疏傳先快止足圖
人望九章嗟信宿
駕還三徑理荒蕪
慈

青樹長雙條玉長
白山儲千里駒雖
以傳經存脫計更
須調鼎向天衢九
重正想龍佐四宇
爭思霖雨滿眉壽
即今將指使霞觴
端與鶴書俱

江夏郭文封

論道經邦亮一人
調元贊化茂孤卿
夾持日月雙輪照
會感風雲二氣清
魯岱齊淄亞丰格
秦松漢栢稟周行
勲崇民部無憂杞
春澀離垣有誦楨
草野黎顏誰菜色
岩廊嘉告盡葵誠
東南財賦饒飛

聞計贈言

壬六

慨西北鍾彝待繫
纓危論螭頭餘舊
檻高尋鷗渚愜新
盟三公不易凌中
嶽一介精參矯北
溟正是富民堪大
拜誰言益下不干
璜小吏渥膏春細
雨老臣垂照夜恒
星金刀錢布同時
範舟楫鹽梅堂彙
征粒粒聚恩如聚
米聲聲吹德勝吹
笙茅堂遙憶攀龍
謁鈴閣如聞嘯虎
聲挽回世道稱真
字會見皇王億太
平

屬吏西秦田有年

畢公釐保已多年節鉞高開天府邊飛輓津門饒
轉運灌輸留後復流泉籌先借箸歸黔餉蠹剔侵
漁弼仔肩仰給控惚劉宴策坐消栝尅李常賢素
絲獨著羔羊節丹鼎能令雞犬仙一疏初衣方自
乞三公華臚便相捐濯纓湖有芙蓉伴祖道人攀
驚鳳鸞總是蒼生懷謝傳東山未許共留連

大司徒白翁畢老師 予告榮旋俚言奉送

門生雲間顧國縉

留計贈言

三七

司農萬寶告成初詔許抽簪暫返臚游倦固應聊
息駕時清豈合卽懸車長千衰柳難留騎夾谷深
林好着書劬在廟廊雖鼎勒性親鷗鷺樂郊居南
山採秀情虛戀北極和羹力有餘周室中興方藉
尹漢廷止足未同疏重教初服生烟霧旋睹徵綸
出石渠故里媿將函丈忝陪京欣奉客顏舒歌驪
詎忍分金絡望袞還期拜玉除指日老成仍召用
無繇龍臥欲何如

石隱園

六弟自寅

我兄愛石矢弗諼早歲先開石隱園廝遍青山探
月窟鑿平碧落躡雲根恍疑演國來玄象忽訝丹
山翔彩鶴獬豸觸邪讒佞盡鷹鷂驅雀醜夷吞欲
開菌萑炫晴日乍吐奎光映斗垣壁立空靈觀竅
妙天藏渾沌識真元雨餘苔長滋清潤月下烟凝
倍栗溫竹影橫披光卷霽松風斜拂勢騰掀排衙
閣外看如畫肅隊堂前聽不諠古樹參天常蔽蒨
密蘿覆地自緇緼騷人尋賞停游屐元老摩娑駐
大軒我亦從來就石癖苦無慧劍割冗煩

留計贈言

三八

雷計東歸贈言

弟吳橋令畢自寶彙輯

男官生際壯

官生際有較正

七言絕句

屬吏巴蜀王建忠

先後追隨海岳光仙宗蚤已倦遊梁由來憲老思

黃髮為促舍人好治裝

雷計贈言

堯

畱侯辟穀事如何丹穴遙分五色多咫尺龍門千

萬里無緣東海問煙蘿

聖明詔許賦歸來鸞鶴踟躕海上回多少風塵車

馬客幾人閒臥白雲隈

桶廩曾沾柱下霜何緣畫省謬為郎臨岐欲奏巴

人曲笑指南山晚正芳

青海上夢曾疎焚得鑿魚却遂初為問漁樵想

識否飄然舊是白尚書

國計民生奈若何憂時無那涓滂沱懸知夷夏瞻

司馬未許丹心付薜蘿

白翁老公祖請告歸淄青歲暮妻其離懷充

斥漫賦十絕言別

華亭治民唐汝詢

桂香飄處謁司農踐豆相邀意更濃不料雙旌難

久駐陽關歌即在玄冬

大聖如周不易逢洛城卜後欲明農公今亦愛田

雷計贈言

早

園樂須慮徵綸出九重

縱然恬曠樂閒居心跡還應擬二疎試問漢廷平

勃輩幾人瀟灑在田廬

舒卷隨時道益尊投簪歸且臥雲根赤松舊隱華

不注逢着黃庭好共論

臨吳清似三江水鎮海威當萬里城誰謂急流難

勇退司徒署裏謝歸耕

溫旨俄然下紫霄老臣歸喜傍漁樵即恐白下呼

庚急請粟何人引舊條 其六

五葺城裏舊遺氓廿載纔通一姓名正喜論文起

東閣乞身疏已入承明 其七

長干雨定雪將飛心逐懸旌帳有違一曲驪駒千

片淚何人更禮芰荷衣 其八

客中書劍總蕭然謬以雕蟲得見憐三月步趨千

里別大江斜日浸寒烟 其九

官署籤緗未暇傾閉門今擬著書成秦淮濟水無

爾計贈言

多遠秋鴈南來好寄聲 其十

〔清〕朱纁輯

盡節錄二卷

清康熙二十六年澹寧堂刻增修本


海內諸名公贈言

忠烈太夫人盡節錄

澹寧堂敬輯

盡節錄序

夫人之所以為人者克
孝而止如中白生公祖之為
人也性至孝善文辭謙



盡節錄

張

忠孝堂

光彬雅厚量寬弘甲戌

進士起家未幾而上膺

綸命榮親以至於無等可

謂孝矣逮其後戡任天旌

權日兵憲愛民如管子治

國如治家忽位級變又捍

禦多方即張睢陽之扶

搖高疆不過如是心力

盡節錄

張

忠孝堂

信吾之子能爭勝于一旦

西被執偽俘脅之降仰

面叱之大罵不絕遂捐軀

赴義耿、丹秉直與

先帝自歸誠臣、夫夫千
古猶生誰不稱忠焉中
白公祖之為人真也媿於
天地之間如令人仰慕言

盡節錄

張

忠孝堂

首正能不為之流連過希
至聊紀數言以誌不朽

治通家侍生張弘道相

撰



叙

夫孤情之心歎抗得死而成
正氣之心不祖造生瑜永心以
睢陽決死誓矢志於堅貞自長

盡節錄

王

忠孝堂

弘殖身遂飛華於化蒼朱
中白公之罵賊殉國其殆庶幾
乎公生于宛子賤鳴琴之鄉與
余交最篤其相期殊厚也於憶

年未間余道出英雄值公持
憲節為留而談天下之務者
累日相與尊酒豪摠奮髯必
咽舌扶危掃翳之氣浩浩而

盡節錄

王

忠孝堂

出殉國之誠已有不可掩者迨甲
申春暮聞公訃夫臣子殉封疆
固人之願尚樂道第中白公道
脩德金文贍寸茂方將儀型當

代昭示來茲而亘云云之流
涕五肉為摧數年來俛之於
懷恨無以闡知己之丹心乃於辛
卯冬晤其嗣君方來于長安即

盡節錄

王

忠孝堂

次見梓思喬不勝款款情斷問
荅間方來出盡節錄一卷索余
序嗚呼中白公之殉國自不待
文而顯亦不待序而傳乃今

恐為公序耶惟是不敢厚意
請收書數語於左端

年家勳孟津王鐸撰



盡節錄

王

四

忠孝堂

盡節錄序



臣百任封疆而際國蒙板蕩
之會舍一死外棄長策食其祿
奢糗其事寫天經地義所當焚

盡節錄

蔡序

忠孝堂

為忠臣者大第曰我分如是胎
盡吾心始安所不翼而後
名所名遂昇日用爭光後以
興煖憑弔雖易弄而後猶稱揚

不置非譽也持天經鑿義之不
泯乎多也焉有雖焚等死也亦
激言罪者任事莫履一篋事迫
躬委身於壑平時竟非死臨

盡節錄

恭序

忠孝堂

難矣不焉苟免寧曰非忠焚瘁
身未瘁職也死粹非死素也燿
瘁其職亦致其身死於素亦履
於粹斯分量也事本於學貞於

性成仁取義非一往氣決者必
故讀朱忠烈公盡節錄不禁增
慕且增慨也公任大名兵備邁
闖賊亂城破死之事在崇禎十

盡節錄

恭序

忠孝堂

七季貳月初卯日越十貳日亦
社稷爲墟矣翰廷報是之與不
薄亦國殿君亡未邀旌典南靄
建立遠歎恭離旌典舉亦未脩

是可慨也公在任值北兵環攻
七日拔孤城堅不可下寇譟
起勦禦百計卵境得保非虞已
盡賊於可盡之日所不支于大

盡節錄

蔡序

四

忠孝堂

屢以將傾及見繫不可為貽書
訣反是盡定於壹視死而歸而
患言死不避公之死殆贊於使
人之死故可慕也先忠襄殉節

太原與公任同時患同遭生同
功死同盡公于牙來武秣輩能
揚先烈而余不肖徒哀眉極所
以增慨增慕而更增悲之爰泐

盡節錄

蔡序

五

忠孝堂

淚而序之

予江後學蔡牙炳九霞氏

頓首奉題



浙西沈鶴明倩氏寫



盡節錄序

嘗讀韓昌黎作張中丞傳後序謂李翰為張巡傳獨不為許遠立傳頗

盡節錄

趙

忠孝堂

為遺憾計翰立傳時距張許守城僅二十餘年而當時遂多濶畧不能致信昌黎力為表章而兩公行誼

炳如日星至今讀者猶覺生

氣凜々忠義之事固不待文而傳然文之有關於名教者雖片言隻字能使英

盡節錄

趙

忠孝堂

風偉節千載如生而况

國史煌々與夫名公鉅卿所稱道勿絕者乎今

聖天子饒祀維風崇獎忠義

搜集舊典特

詔儒臣纂脩故明一代信史

而前大名副使中白朱公殉

節之事遂為立傳以傳不

盡節錄

趙

忠孝堂

朽海內學士大夫闡揚先

烈撰著更多今嗣哀集成

編屬余叙之余僻處易水

下邑與公天雄舊治並隸

畿南固為公政化所留遺之

地而余昔膺

簡命為充郡守又為公生處

之邦得與公令嗣華文聞

盡節錄

趙

四

忠孝堂

公義烈頗悉遂不敢以石文

辭而勉為之序夫公以身

殉國從容就義登諸史策

備載諸公撰述矣余為再

三披讀益見夫剛毅正天之
氣人所共稟而所以成此剛
毅正天之氣俾之塞天地質
鬼神俟百世而不惑者則性

盡節錄

題

五

忠孝堂

與學殊士幸而生盛世也學
古入官凡古之所謂兵農禮
樂工虞得其一足以成名得
其全即可以報無慚於君

又至功滿天壤重垂鐘鼎
之際誰復問其學術之醇
疵哉不幸而值夫國家之
多難也張皇苟且逡巡退

盡節錄

題

六

忠孝堂

循或擅兵以自衛或棄城而
留存否則避衝就僻辭難
居易語人曰我將待以有
為嗚呼國家之何賴有茲

臣子哉其蒙面求活之念曾
匹夫匹婦慷慨一節之不
若也此豈學之病哉余故
曰古之雄傑不必皆聖賢

也今傳中所紀公為書報父
賊血城頭之語孝以忠全蓋
不僅盛世工虞一得之士也其
碎賊牌斬賊使被賊執罵

賊不絕口而死雖睢陽之齒常
山之舌夫何異於是非醇厚
醇者其烏能擇之精守之固
之如是歎然竊怪二公之在

當日大義卓卓宜乎國史
載筆而外表章而著述之
者難以更僕而文辭率不
少概見今公異代丹心炳耀

青史蓋不玷昌黎所云闕畧
之憾矣而且使見其事聞其
風者咨嗟嘆息或發諸詩
歌或筆諸簡編揄揚惟

盡節錄

題

九

忠孝堂

恐不至四十餘年間累牘
若干篇則公之忠義固已
不愧二公而諸文之傳公者
當亦與公並垂不朽云是

為序者

康熙丙寅嘉平上浣之吉
中憲大夫原任兗州府知府
涑水舊隣治年家弟趙

盡節錄

題

忠孝堂

蕙芽頓首拜題



盡節錄序

嘗讀明史忠烈傳至中
白朱先生之仗義死
節未嘗不撫卷息

盡節錄

張

忠孝堂

想見其為人也當逆闖
猖獗自關西拒畿輔河
朔無堅城時公監司大
名繕戰具築巖疆橫

梨誓師與城相存止不

幸城陷被執罵賊以死

嗚呼公之精忠不與與

平原睢陽比烈於唐李

盡節錄

張

忠孝堂

源父愷斃於賊手後源
悲憤不仕李文饒薦之曰
天寶呂來士罕仗義以
身殉城者獨愷蹈刃不

屈臣節之先言出其
右歷五十餘年未蒙褒
錄臣竊惜之穆宗甲子
詔褒忠旌孝以源為諫

盡節錄

法

三

忠孝堂

議大夫先生之歿亦四十
餘年其胤方來卧林
單赴

闕陳公殉節狀

當宁愷公忠既已俎豆百世
矣獨臣紀載未備表章
者尚待於後也今明史
業已纂修成書列公名

盡節錄

法

四

忠孝堂

於忠烈傳中言之亦肝
義膽雜然流行將與日
月爭光我

國家之獎勸忠臣眎唐季

又當何如也昔甄逢嘗
以父名不列國史為恨而
逢夙與元稹善趨書於
史館韓愈曰逢父甘心

盡節錄

張

五

忠孝堂

白刃分死不回可稱亂
世百一之人史不可略然
則公之得登茲國史也
方來昆季庶可以稍慰

其固極乎茲又裒集諸
公詩文付之剞劂巨垂
後禩推此志也朱氏之
忠孝過於李源甄逢遠

盡節錄

張

六

忠孝堂

矣
皆
康熙歲次丁卯上元前一
日

賜進士出身知金鄉縣事

辛酉同考

欽取吏部文選清吏司主

政南州年家眷晚生張

盡節錄

張

七

忠孝堂

泰來頓首拜撰



盡節錄序

古稱求忠臣必於孝子
之門余謂求真儒亦必
於聖賢之里蓋彩雲上

盡節錄

羅

一

忠孝堂

結下產奇珍瑞氣旁流
中生芝草理固然也今
觀忠烈朱公之殉難而
益信焉憶昔闖逆犯順

之秋自關西抵畿輔所
至披靡河朔一帶無堅
城公獨屹守天雄作中
流砥柱不啻睢陽城也

盡節錄

程

忠孝堂

斬使碎檄髮指目裂不
啻擊賊笏也力戰不屈
怒罵就死不啻侍中血
常山舌也凜凜正氣直

逼尼山使燕臺諸君子
聞之相繼捐軀報煤山
於地下者公固有以感
之也學問正而節義昭

盡節錄

程

忠孝堂

天澤之大分直以一身
維之非遊聖賢與窳之
域者安能望其項背哉
公生長單父近聖人之

居若此其甚也而單父
又爲宓子鳴琴之地流
風餘韻若此其未邈也
車服禮器依然如昨也

畫節錄

禮

四

忠孝堂

衣剗劍佩恍然若接也
登聖人之堂而慕入賢
人之室而思非止彈琴
可見其人還寢可邀於

夢也公是以勿陳俎豆
長習詩書存成仁取義
之心懷先憂後樂之志
居鄉穆如立朝卓如雖

畫節錄

禮

五

忠孝堂

其天性實優哉亦沐浴
於聖賢之教化者有素
也有明二祖十一宗養
士之報前有遜志先生

後有忠烈公豈非無忝
祖父而爲孝子追躅聖
賢而成真儒者乎今
聖天子開館修史崇獎忠

盡節錄

程

六

忠孝堂

義至忠烈殉難之事
詔儒臣立傳以垂不朽甚
盛典也而四方鉅公碩
彥復爲之歌咏以紀其

事彙成一編名曰盡節
錄竊思忠烈之名炳如
日月不必因頌颺顯也
然人欲見忠烈而不可

盡節錄

程

七

忠孝堂

得爰借篇章以鳴其仰
止亦猶古之賢者想美
人於西土特寄懷於山
榛隰苓云爾余膺

簡命承乏單父每欲肅瞻
廟貌接忠烈於几楹棖
桷之間無如簿書鞅掌
謙讓未遑惟於息肩案

盡節錄

翟

八

忠孝堂

牘之暇讀盡節錄不覺
掩卷太息想見其爲人
而令子輩請余數言以
弁其首余辭曰尊公一

代真儒孝子也忠臣也
聖賢之流亞也庶秉玉
管之材者可以紀之况
諸君子瑤章璀璨旣足

盡節錄

翟

九

忠孝堂

與尊公並壽天壤矣余
實不敏安敢作貂之續
以取戾於佛頭澆乎乃
不獲命遂囑筆而爲之

序

康熙丁卯暮春之吉

知單縣事浙水樵李年

家晚生翟堯佐頓首拜

盡節錄

翟

十

忠孝堂

撰



序

嘗概有明三百年而統

計之道學不及宋詩不

及唐文章不及漢而節

盡節錄

五

忠孝堂

義則非前代可及蓋唐

之節義始終未大著而

漢則盛於東京之末宋

則盛於南渡之後惟有

明自遜國以逮煤山始
終一節義維持而煤山
之變衰然以節義顯者
則斷推忠烈朱公一人

盡節錄

王

忠孝堂

公單人也任大名兵備
副使遇流逆自秦犯順
過無堅城至天雄公則
碎其牌斬其使城破不

屈死之乃甲申三月六
日也後十三日而京師
陷一時燕臺諸君子駢
首就戮其殆忠烈公有

盡節錄

王

忠孝堂

以倡之乎噫國運當否
閱之際勇夫悍卒平昔
熊虎貔貅自擬一旦鼠
藏兔脫而公以翩翩文

士卒能砥柱中流捐軀
殉難為

國史光者何歟誠以理義
之養勝而詩書之學深

也蓋公通籍於甲戌為
名進士殆所謂滿腹忠
義文章不忍相負者因
憶金川之後姚少師請

勿殺孝孺留讀書種子
後人咎少師失言以為

孝孺不死豈復有讀書
種子哉忠烈公承有明

教育之盛倡先靖獻俾
二祖十一宗收養士之
報其關係有明一代之
氣運豈淺尠者而原其

自則本於讀書識大義
故與正學先後爭光然
則遜國之方侍講煤山
之朱副使殆天生兩賢一

畫節錄

忠孝堂

始一終以維持國運云
今
天子開館纂修明史筆削予
奪遠軼前代而史臣徐

畫節錄

上

忠孝堂

青來先生特為之傳諸
大人先生名儒碩士復
為之歌咏紀其事竊思
莫為之前雖盛弗傳莫

為之後雖美弗彰公令
嗣文孫皆能續先緒而
光顯之或望重蘭臺或
佇膺民社霖雨蒼生黻

黼皇猷亦孰非忠烈公
 昌後之報為之繁衍於
 無極乎余秉鐸單父職
 司風化考其事甚詳因

盡節錄

王


忠孝堂

為拜手颺言以誌之

昔

康熙丙寅嘉平單縣教
 諭芝陽年家春晚生

王世瑞頓首拜題



盡節錄

王

九

忠孝堂

凡例

一序文後首列

徐青來先生撰尊

朝廷重

國史也繼載

穎翁劉姻伯徵詩引姻伯與先忠烈風雨雞鳴同壇

站中人敬父執念夙好也閱者鑒之

一採輯廣輿記併山東通誌悉載先忠烈姓氏里



盡節錄

凡例

忠烈堂

居則碎牌斬使罵賊殉國之事已遐邇共知赫

在人耳目茲盡節錄之刻非敢曰阿其所親也俾

海內覽者知余小子表揚先烈克符乎廣輿記山

東通誌云爾

一

諸名公贈言或長篇或短律未分門類止以惠詩之

蚤晚為壽梓之先後非敢以遠邇爵齒臆為次第

也大方幸諒

一詩文傳紀秦疏公呈以及各憲台批語俱遵原

本未敢粉飾刪改一字閱者鑒之

一德政記生祠記惠愛口碑詩序悉權杭時事及

守廬江守天雄觀察順廣秉憲大名俱流氛猖獗

之秋士民日夜保聚荷戈守陴間有善政不遑稱

頌觀權杭時士愛民悅其餘可考而知矣

一附以墓誌墓表知先忠烈一生居官善政居鄉

善俗立身行已無不可以告天地質聖賢非止抗

盡節錄

凡例

忠烈堂

節殉國一事足以煩瑣筆垂

國史已也

一附以鄉賢祠碑文竊念先忠烈北門鎖鑰克倅

夫秦襄毅之功著邊陲抗節天雄更烈于田鴻臚

之捐軀土木允宜從祀學官共享百代血食非徒

識重建之歲月異後人之繼述已也

一此刻將竣竊念事業本乎學問學問發為文章

先忠烈著作繁富喪亂之後散軼過半倘日久湮

沒則罪戾滋深今訪諸故舊檢之家橐得經書制
義後場雜著共三百餘篇僅獲什一于千百之中
沐手授梓鏤板成書編為忠烈朱公遺稿每一展
讀先忠烈之性情學術恍然如覩庶幾與盡節錄
並垂不朽云
一
諸名公惠言業已剞劂成集真不啻琬琰寶之什襲
藏之矣倘

盡節錄

凡例

忠孝堂

海內鉅公騷壇惟士不惜金玉之音俾不肖續登棗
梨行將拜百朋之錫亦以借九鼎之榮企予望之
曷勝手額

不肖仲男繆稽首識於澹寧堂



同邑晚生黃求可書



盡節錄

上卷 目次

忠烈朱公傳 纂修明史徐公諱潮撰

徵詩引 劉公諱士聰撰

廣輿記名宦朱公傳 蔡公諱方炳增輯

山東通誌人物朱公傳 勞公諱之辨編輯

舊詩三十五首 未入明史舊編

新詩一百四十五首 入明史後輯

盡節錄

目次

忠孝堂

續入詩 首



首

忠烈朱公傳

纂修明史右諭德兼翰林院修撰 徐 潮撰

朱廷煥字中白山東單縣人崇禎甲戌進士除工部主事轉員外郎中陞廬州知府丁內艱歸服喪竟補大名有蹟崇禎十五年十一月北兵至大名廷煥城守攻七日夜不克去擢順廣兵備徙大名十七年三月流賊漸近廷煥為書報父曰男生不辰適逢危難惟濺血城頭以盡臣義大人年老罔極之恩未報念之目不瞑也賊

盡節錄

明史

忠孝堂

權將軍劉宗敏遣人齎牌諭降廷煥怒碎其牌斬之卒兵民守與縉紳屬吏賊至發大砲殺傷頗多賊疾攻南門城破廷煥被執見賊帥罵曰若等非朝廷赤子敢好憲臣我死告於上帝醜類必盡賊怒遂殺之弘光中弟廷炳具疏陳狀贈右都御史與祭塋

徵詩引

伏以

丹心映松青牙細千古生色

蒼腕披葵赤理編萬襍騰輝先哲表彰後人實繁吾

邑

忠烈朱公少歌鹿鳴旋登雁塔化行南國錢塘江上有遺音績著北門天雄軍中畱餘澤昔逆闖肆虐中原板蕩眾方發蒙振落公獨戮使碎牌就義捐

盡節錄

引

忠孝堂

生忠貞貫日節烈已久傳於儒林行蹟實初入乎國史夫賈長沙之於屈平異代猶弔以文章韓昌黎之於許遠同時而卽書以傳記况人人所耳而目之者乎 鳳共雞壇兼叨蘭譜觀茲

新典曷勝舊思伏祈

大人先生或作之歌或叶之什慰九壤之忠魂光溢

梨棗表一代之偉節誼重圭璋恭疏短引恪候

岑箋

曾

康熙二十三年歲次甲子仲秋後一日

同邑八十一歲劉士聰頓首拜啟



盡節錄

引

忠孝堂

廣輿記

直隸大名府

名宦

平江蔡方炳九霞氏增輯

朱廷煥山東單縣人爲大名副使闖賊傳僞牌至廷煥
碎之與紳士分城而守尋賊至攻陷不屈死

盡節錄

名宦

忠孝堂

山東通誌

人物

提督通省學政按察司僉事石門勞之辨編輯

兗州府

朱廷煥單縣人崇禎甲戌進士歷官大名道副使多惠政值闖寇逼城下廷煥碎其偽牌城陷抗詈偽將劉宗敏不屈死之

盡節錄

人物

忠孝堂

明誥封中憲大夫大名兵備道副使贈都察院右都御史忠烈朱公盡節錄

繡

之琦之璣之璣

男綬孫

之琦之璣之璣

敬輯

紹

之璣之璣之璣

滑縣魏昭乘 登海

東魯名賢百世師先生氣節果稱奇孤身已赴長城陷一木還將大厦支罵賊餘威天地震報

盡節錄

詩

忠孝堂

君至性苑生宜文山千載堪憑弔河嶽精靈永不移

長垣邵獻珂 德章

燕臺劫火突成灰仗義如君志不同一片丹心懸

日月千秋烈氣吐風雷

綸旌賴有雌深急史筆寧知國士哀自古精忠俱不朽

睢陽廟貌又重開

合泥王寢大 幼華甲戌進士

大節淪亡世久凋精忠栗列白君標起曹悴血墓

方峻外相威弧控獨進不藉吹箎摧寇嘯誰期射
檄湧軍潮

恩綸渙處幽甍醒萬襖唯陽作友僚

順天錢良翰 雲將鎮江太守甲戌

丈夫偉烈百年心易水蕭蕭慷慨吟誓死自甘從
繡袞結纓寧復問擎簪英雄仗劍身不屈國士成
名恨亦深寥落忠竟何處寄那堪憑弔淚沾襟
江寧凌世韶 鏡浦甲戌進士

畫節錄

詩

忠孝堂

天生偉器迥凡倫忠孝芳聲自有因音畧禦城寇
自遜宏猷報

國政方新睢陽一死忠竟烈兵憲千秋義膽真

聖至於今旌舊哲高開圖閣畫麒麟

曹州朱庶 介巷北直學院丙戌

二十四城無義士千秋大節一人存誓將忠血噴
天日肯向婁風泣夜魂楚夢不能招汨水芳尊何
處弔平原潛潛有淚哭難盡願植山薇滿舊園

金鄉秦士奇 易水崑山邑侯乙丑

天雄兩守陣雲橫報

國孤忠久自盟豈意衆心成解瓦未遺一矢潰堅城
九原含笑丹衷耿百折難回勁節撐臨難看他苟
免者朕朕泉下枉偷生

單父時致祥 秦字貢元

西來千騎如雲屯鎖鑰俄驚陷北門賴有純忠死
社稷長留灑氣震乾坤沉寃欲化莨弘血遺恨猶憐

畫節錄

詩

忠孝堂

精衛魂千古綱常從此植饒他功業任天掀

單父時碁昌 廣乘名士

養士迄今三百年風靡秦晉半輪燕剩餘一個男
兒志鼓動人間起後賢
北關魂飛心戀三泉臺夢遠志猶關可憐一點忠
臣血碧却天雄五鹿山
從來史管豈無人多少空留苟活身就死從容良
匪易如君方許是忠臣

知已年來自一人非因貧賤故相親為憐病裏開
君念忽憶南遊淚滿巾

單父李開芳 合章頁元

弱柳萎迷亂古阡忠臣地下已經年舌端猶在傳

鸚鵡頭血不乾染杜鵑戀主貞魂送

北闕捐軀烈燭橫南燕夜臺應必先皇侍感慨無忘

話補天

大名錢 綸 時麗克州府別駕

盡節錄

詩

四

忠孝堂

為重綱常志不磷忍傾碧血濺群氛孤忠久許盟
天地雙節猶憐泣鬼神抗志矯兮高爽代英風凜
矣壯千春波靡砥柱憑君挽一劍成仁萬古身

單父郭推已 見一武城教諭

雕馬河邊沙似雪黃昏風雨聲咽咽空列睢陽雙
目齒留得常山一片舌百年心事千年恨十載心
知三載別百花塢上影沉沉沙撻山頭夜深深可
憐多少貪生子却把新簪換舊簪君不見歷代史

死死生生定誰是執聽年年三月暮杜宇不聲淚
難已

南宮宋文運 開之滋陽邑侯

直節凌霄漢丹衷金石堅捐軀寧報

國烈志不違顏逆怨懷孤憤精忠光後先幽魂超魏

水竹帛承流傳

鄧縣許利恒 孟嘗名士

天喪斯文蚤那堪此一逢挺身甘被難饒舌必全

盡節錄

詩

五

忠孝堂

忠節義稀今古清標振國風束芻興浩嘆無計叩
臨叩

光州胡章 五雲山東右布政

鉄骨冰心節更奇滿腔熱血報君知鬚眉不負真

忠烈留得芳名萬古題

利津李完金 青陞單邑訓導

夙仰文章盛英風北斗平人皆惟惜死公獨不貪
生碧血寒群醜丹心照古城吁嗟歌正氣耿耿日

星明

膠州張應桂 立林翰林院學士壬辰

望斷朝歌夜欲霜何年戮力劍蒼蒼魂飛漳水鯨
鯢息血灑燕山草木香大節千秋思信國孤忠七
日老睢陽低徊擬問綱常事應有麟臺誌不忘

單父王奪標 赤堇鎮平邑侯壬辰

天鍾一代之偉人挺然自命社稷臣臨難殉國家
何計忠則許君孝許親沙麓山頭曉練白紛紛縱

盡節錄

詩

六

忠孝堂

橫數萬載多少俛首偷生子幾曾口罵一聲賊堪
詫紫陽靈氣雄眼光如電氣如虹誓死靡他仗一
劍身作長城勁弩弓北望燕嶺幾長嘆正氣欲扶
顛可斷川原茂草金馬沉魂繞黃雲聚弗散百花
塢上恨悠悠幾度春風幾度秋祇有浩氣當空照
感得英雄橫眼秋昨夜五鹿風雷吼節義可同天
地久羨君慷慨舞龍泉自昔薏龍堪與交忠肝義
胆護鬼神駕雲擎月拜嶙峋嶙峋不可攀回

首沙河兩淚潛我今憑弔話今古寒烟冷月紛紛

吐直北香亭山與齊愁雲深鎖大荒西可憐當年
碎首地幾樹殘陽鴉亂啼啼破興亡千古夢滄桑
影落山河動黃草零亂野狐肥天地長嘯神人恫
君不見殺身成仁有誰陽

青史麟麟炳日光又不見蘇武堅持兩漢節天祥不

受大元鐵冰骨稜稜勁如鐵名垂天壤永不滅孤
魂杳杳欲何之山高水長其在斯舌調鸚鵡悲新

盡節錄

詩

七

忠孝堂

賦血灑杜鵑哭古碑

單父郭三重 有之大谷教諭

誰是握符者幾能植天常時窮見節義世亂識忠
良卓哉朱副使正氣塞天壤節鉞鎮內地鎖鑰控
湖方一朝蒙大難慷慨自至張矢心惟殉國豈敢
負彼蒼寧為忠義鬼不作苟活耶視死甘若飴
軀報

聖王不見忠臣與義士古今歌誰行持節不屈若子緝

奮椎一擊若子房舌可斷兮顏常山齒可折兮張
睢陽君出任禍敗懷古愈激昂凜凜存大義英風
不可當從此一憑弔仰止雲霄傍忠魂向

北關輿觀返故鄉弔者今在閭閻者已在堂羨君能全
在三節矣論成敗與存亡嗟乎七尺今已矣雖然
玉碎骨猶香貞心揭日月勁魄凌秋霜矯矯真國
士梓里亦生光口碑道不盡遺爾

青史揚

盡節錄

詩

八

忠孝堂

涇川章元際

星源單邑侯

封疆告變一面當軫恤黎庶抱如傷孽氣西蔽誰
能止潮捲巖崩盡寇鄉監臬大名威震攝鎖鑰要
害護中央羽書旁午雜運到誓師挺戈同虎嘯城
頭孤矢一旦空尸濠血窟憐殘照黯霧慘雲晝亦
迷乘義就執公鮮疑烈並泉鄉今再觀睢陽慷慨
結夙知閉庭啼鵲聲弗息日月懸忠衰草悲方知
生苑關頭大取義成仁始表奇壯心尚爾未了恨

英魂極賊建旌旗異節芳踪曜

史書揚親展孝美佳兒大道不喪標懿則他年猶自

煥麟圖

闕里孔尚則 方訓刑評郎中

丈夫有身直許君壯節英風天雨泣但使丹心耿
不磨骨可爲泥肉可殲奇矣朱公取義捨生前年
寧帷畿內田彌望桑麻遍九阡一朝天地爲慘昏
黃河倒流白日翻誓不與賊俱生存賊黨揮刀亂

盡節錄

詩

九

忠孝堂

砍下罵賊身死魏城闔白日鎖陰房屍影愁天光
不爲芳名播千古直爲

朝廷乾淨土我旣委質而事主焉得回腸問茶苦頭斷
賊前聳如戟血濺游塵應化碧氣作長虹亘空起
易水蕭蕭骨作堆薊南城郭爲之摧彼獨何心不
愛生綱常萬古昭日星狙豕蒸嘗奕世英英乃知
長樂老不盡麟閣中

闕里孔貞堪

茂生曲阜邑侯

佩而紳者孰非臣不愧臣名維朱君起自巍科登仕籍補洛風願堅且慤歷任嘉績灌宸耳因擢大名作副使職所應為無不為夙夜勤劬心弗止勤劬本期贊大業何曾逆計建奇節誰知大難無堅城罵賊不屈死烈烈吁嗟君死誠得所寸心耿耿照萬古沒沒而死世何限孰與君死為不腐君死不腐大有係綱常由之不傾墜只完臣子一日心能發百代英雄淚

盡節錄

詩

忠孝堂

闕里魏肯構明華河南道橫民大聚成其勢剗艾未經恣狂悖突來河北少堅城不測一朝失重地上而聖主增深憂下而民人何所寄將卒重命不殺賊儒紳何恃將敵退慷慨一罵殞身軀烈烈憲副已殉義哀哉未獲展胸藏瞬息泉摧君命致天降喪亂不可為盡節報國心靡愧覓定不菴闈者欽英名青史昭奕世知君所欲甚於庄願為人間表正氣忠

臣之後必有與埒見子姓勲名遂文亭劉淮景南園子監丞庚午國步已多變貞心不改移遡風孔俊日及溺胥淪時盡節全公義成仁報主知丈夫真烈烈志定甘如飴汶上路衍淳子復名士貞元大名不可守竟為大名死直道在人心綱常賴有此一代表丹衷千古光

盡節錄

詩

忠孝堂

青史莫廢薤露歌先生不死矣宛陵裘衡樂吾名士歌繩正氣有先生不守孤城已大名事到二心皆可愧忠非一死不能明殺身自信歸根地罵賊難緘報國聲碧血欲成千古淚照人顏色在丹誠古蒲陳履端白南華邑侯醜寇猖狂百萬騎孤城捍守碎來牌叶力窮不避

劍鋒慘勢迫方知氣節奇
罵賊鳴忠髮欲指泣書

辭父死如怡綱常萬古一身任
愧殺臨危苟免見

巢陵楊賦亨 元 歲庚午舉人

烈烈剛風折倖人誰甘
義取一殺身琴彈單父源

來遠鑰鎖澗淵氣更新
罵賊已脫飛仙去厲鬼猶

留萬古春何事偷生惜
死輩遙看勁節起嶙峋

東郡董 涓 附 卷庚午舉人

我愧一書生無能洩國憤
齋爾彼小醜舉朝何怖

盡節錄

詩

忠孝堂

忠孝堂

震豈無

聖明君當權反賣陣
圍脫身符行軍不可任
惟有

北門守剛烈獨自信
城破心不破罵賊節益峻
生

氣垂萬古泉香與玉潤

單父劉士聰 今 齊 州 府 濟 寧

憶昔大名殉難時
碎牌斬使誓登陴
辭親書上心

成淚報三城頭血
濺願往代許張
接後武同朝

史景前期蒸嘗營衛
皆千古羞殺偷生恨
死遲

關西邢

祥

金 鄉 邑 侯

咄嗟考亭裔至性天所予
冲齡負大志耿介遵古

處孝友瞻宗黨琴臺有別墅
才名重山斗赤霄鵬

翻舉敷歷輒歌思人方期
伊吕節鉞鎮天雄國步

正險阻神州已陸沉慷慨誓
師旅日月半晦蝕隻

手獨燃炬片紙別嚴父
遺媪送兒女登陴陣雲黑

城破血流杵被執終不屈
視賊僅狐鼠大罵不絕

口忠壯如張許嚴氣凜
秋霜銅馬亦消沮舍生而

盡節錄

詩

忠孝堂

忠孝堂

取義何懼畏鏖夷自古皆有
死公死得其所介弟

與詰嗣呼捨抱痛楚父老
值歲時感泣掛錢楮攀

髯騎鯨上蒼薛老鐘簾
正直遷豆榮哀鶴立浦

小子生也晚招魂以桂
齋仰止在高山西風動禾

黍每讀節烈傳歎歎不能
語千載骨猶香自有

太史敘

以上諸詩係未入明史舊編

營陵閻世繩 賢 詩 左 中 允 兼 翰 院 編 修 丙 辰

未遂先生志殞身並遠
巡策名推國士臨難表忠

臣浩氣還天地丹心泣鬼神
簡編披偉蹟烈烈照千春

西泠廬

琦 西寧人 嘉慶進士 丁未

黃巾何地不應昏孰效睢陽大節存
正氣兩間光

日月孤忠一柱砥乾坤丹心異代酬

青史碧血當年貫紫垣寂寞天雄祠
畔路至今風雨

護幽魂

日照李應薦

恩 廬北直學院丙辰

盡節錄

詩

忠

忠孝堂

正氣男子非虛生
生作當世名公卿
一郡一邑皆保障
臨難玉碎何崢嶸
勝國之季軍政失
潼關以西明機槍
官軍倒戈賊如火
河朔入望無堅城
大名使君真義烈

皇天后土知精誠
書訣老父期滅血
授命鋒鏑多餘榮
逆賊敢遣招降使
手斬鼠輩懸高旌
大厦已傾孤城陷
被執不屈雙眸睜
守土惟有斷頭允
願化厲鬼誅長鯨
公歿計今四十載
為披遺文蜚英聲

聲不絕公不滅
沙麓我疑漳河清

雲間周金然

廣應翰林院編修 壬戌

每讀睢陽傳骨戰毛為磔
凜凜生氣存千載罕儔
匹明季昔喪亂守土半巾
幘聞風先乞降肉袒獻
城百朱公復何恃以死誓
不易豎髮誅寇使裂毗
碎偽檄未幾孤城陷巷戰
猶戮力力屈迺被擒厲
呼惟罵賊碧血雖膏刃不
磨者毅魂亦知天柱摧
一木支何益義在敢辭難
絕脰其奚惜至今天雄

盡節錄

詩

忠

忠孝堂

郡浩氣猶赫赫
百年天地間疇免入鬼籍
何限偷生徒所爭
只駒隙悠悠泉臺路
羞顏見公赤倘遇張中丞
公也笑莫逆題詩弔忠魂
清香遶行墨

邗邪李澄中

漁村翰林院檢討 己未

朱公秉道真捐生
乃正命矢志守孤城
身作金鈇勁國破力不支
一死義已定豈不惜餘生
力欲追賢聖至今遺烈芳
聞者淚猶迸流風激頽波
亂賊縱復橫慨焉念昔賢
松柏有本性

構李程堯佐 堯工單邑侯

公本生來鄒紳鄉成仁取義植綱常命懸鋒鏑聲
猶厲血濺沙塲草亦香擊賊不惟推秀寔推秦豈
獨美張良當年如許貪生子怎比琴臺俎豆長
百戰孤臣別帝鄉封疆盡節豈尋常骨如宗道生
原傲舌比常山炮亦香只願赤心無愧怍不期
青史表忠良經綸莫展平生志芳草萋萋此恨長

海鹽俞兆曾 大文乙丑進士

盡節錄

棲霞山顛兮栢翠松蒼挺生偉人兮於彼之陽少
壯立志兮鳳翹高崗輪材運籌兮利用賓王南北
歷仕兮民多頌揚再蒞天雄兮節鉞輝煌賊氛方
熾兮人之云亾危城堅守兮奮武彷徨特立不屈
兮百戰於陸吁嗟大節兮捐軀鋒鏑今古幾人兮
史冊馨香仙李作配兮矢志貞良撫有子孫兮統
戶琳瑯爰惟合兆兮荷荷皇皇彼哉保身兮菌蔭
草荒先生不施兮日月同光

濮陽蘇金鉉 爾昂四子監助教

卓哉朱先哲大節莫與京早歲擢高第歷官等
聲權杭杭人愛守廬廬政清晉秩秉節鉞借寇
各城無何屬喪亂履挺勢縱橫賊氛臨河朔一身
乃獨嬰慷慨炮自誓厥懷無所縈惟茲父與弟報
書大義明忠貞貫日月孝友本生成私謚既允當
公論還相旌鋒鏑誰云炮狙豆常崢嶸
國史新編載千古垂芳名

盡節錄

忠孝堂

睦州方象瑛 涓仁翰林院編修丁未

烽火當年逼薊門天雄城畔陣雲昏誰能斬使堅
兵氣始信捐軀報
國恩半世文章留吏績一時父老泣忠魂承家喜有
文孫在

珥筆重將舊史論

古任潘應賓 雪石翰林院檢討己未

忠貞烈烈大夫哉盤錯經營更偉才五馬春風行

破郡三騶清憲閱烽臺孤城但整心
糜碎社稷蒙塵舌可灰英氣千秋

青史外其弘碧血已成堆

磁州張榕端子文翰林院編修丙辰

天地蘊間氣棲霞培厥址有美鍾哲人
令聞新圭璧力行敦孝文撐腹富
齒史蚤題鴈塔名聲色素不邇銘
座謫聖賢高山胥仰止仰止崇令
範德化普南天香社典文教綏征
恤窮

嘉節錄

詩

忠

忠孝堂

原別歷古天雄恬卓歲九遷方期
教養洽詎意運途逆維時秦寇劇
四野匪烽烟烽烟匝地起孤城勢
崩缺戮使勵同舟有終揭臣節矢
死報君親抗顏張許列生平讀詩
書幾人能決絕芳名照汗青端不
愧前哲

獲鹿崔如岳雪峯翰林院檢討乙卯

聞說甲申流寇熾北門鎖鑰寄朱
公守城已竭孤臣力戰巷猶傳志
士風謾顧蒼旻傷節概幸遺

青史表精忠古來就義誰為烈
河朔睢陽先後同

曲安路元升廷彥翰林院檢討壬戌

嶙峋峙泰岳間氣出臨淄篤生忠
烈公仗義扶綱維讀書慕古人苦
憾時俗早釋褐登廟廊歷仕輒聲
施廬州廉太守遂令風俗移漳南
建節鉞軫恤起瘡痍北門鎖鑰地
天雄壯藩籬時維甲申初闢寇突
如鴟畿輔盡烽烟大名百戰時飲
血酒城頭誓眾共登陴山摧良木
折廣厦安能支赴炬豁胸

嘉節錄

詩

忠孝堂

臆鋒刀甘如飴嗟哉天命改人力
亦何為鞠躬盡臣節一死安足辭
碧血化啼鵲此心天地知迄今
里父老猶鐫墮淚碑

楚黃金德嘉會公翰林院檢討壬戌

桓桓大名道大名竟千古身殉大名
城血濺大名土死去何所陳列宗
與二祖明亡於魏璫燹廟器已竄
士氣摧殘盡中原莽豺虎崇禎初
討賊用師力猶努賊困房竹間警
彼漁游釜如何熊文燦養

癡事招撫獻忠叛毅城擢髮罪難數文燦乃噬臍
李園實啟侮武陵出視師大剿立營伍驟貴左良
玉用以爲支柱左師寵漸驕逍遙而跋扈焚掠慘
於寇三楚無完堵以此闔滋蔓僭號傳兵部便殿
策剿除西向揖揆輔俛首立斯須醜顏對明主嗚
呼甲申年堅城齊爛腐太監有杜勳緋衣迎宣府
保定郭中軍真定丘郡守輸款望風降捷如趨市
賈伏鉞何中丞僞死小旗鼓可憐居庸將備伏柳

盡節錄 忠孝堂

潯潯當年受
國恩良玉同珪組城外三大營曾無一鼓弩火車巨
礮列縱橫恣賊取危急議犒軍求金於肺腑周奎
直多藏逸巡十應五豎陴勅內侍詭言乏千櫓杜
勳絕城入洋洋爲賊翊守陵申闔來奄傳悖逆語
先是秉國鈞宋檜唐林甫誤國雖伏誅賊遺乃君
父大易誠履霜周詩綢繆戶禍積於忽微有明則
宦豎二百七十年九遷三大蠱魏誅餘孽存南渡

猶辨猶知殉事臣握拳透爪怒苟活爲纍俘備
受刑罪罟未久亦同盡殉輕於鴻羽何如忠烈士
日星共竄宇忼慨祈九閩俯視燃臍塢范倪諸大
臣汗簡千春觀賀相殉江夏里居節猶苦封疆書
盡瘁大名與宣武大名單縣人差不媿鄒魯所以
同學翁爲作招魂譜白首望天雄浩歌淚如雨
代州馮雲驢 懿生翰林院編修丙辰

盡節錄 忠孝堂

北來黃巾赤眉紛角逐肥酒大肉常在邊八風之
舞常在腹燎原不滅炎崑崙二十四郡無忠良朱
公伏節殉河朔大義凜冽寒秋霜正如睢陽之百
戰矢竭葦盡靡摧傷城頭擊鼓士僵卧督率巷戰
氣轉強又如温序與荀宇貪生忍死非所取以節
擗賊賊驚趨街鬚著口恐汗土天地飲泣鬼神驚
而今奕奕猶如生
聖朝闡幽重義烈後先史策相崢嶸

山陰朱 阜 仰山翰林院左中允論德庚戌

鈴閣勳名世所推更看河朔効忠時孤城斬使心
偏壯白刃捐生道不移砥柱竟隨烽火盡堅貞還
賴

聖朝知從今大節光

青史千載流徽勝口碑

宛平高 裔 素侯翰林院編修丙辰

自古誰無死綱常獨自存孤忠光日月正氣壯乾

盡節錄

詩

世

忠孝堂

坤百代臣心烈千秋

史冊尊推崇身後事當日復何論

瀨上潘麒生 一韓翰林院檢討壬戌

甲申三月之變忠烈公從容就義德配李
恭人歷險保孤均於大義無媿敬賦二章
以誌其畧匪敢云有當萬一也

故國衣冠講治平燎原烽火任縱橫如公節烈追
張許禦禦千秋苑亦生

死生殊轍似西東大義分明取濟同世上鬚眉幾

男子公家粉黛亦英雄

晉陵周清原 維嶧翰林院檢討

遺烈欽先哲餘光照一門捐生臣義盡矢節古風
存碧血埋青塚丹衷貫紫垣芳名留宇宙千載泣
忠魂

茂苑尤 珍 謹庸翰林院編修壬戌

中原方轉關北地亦烽烟獨守陽平郡孤城壁壘

盡節錄

詩

世

忠孝堂

堅丹心照白日碧血洒清川忠烈真無媿應爾

國史傳

吳門錢中諧 官聲翰林院編修丙辰

銅馬當年逼漢宮孤臣誓死守天雉丹忱易代標
青史碧血經時貫白虹光嶽嶙峋騰顯氣靈旗颯沓
閃英風

聖朝最重成仁節令典頻褒為教忠

少華武維寧

中原鬪沸勢猖狂國士臨危獨慨慷力保孤城血
可滅身當萬刃骨猶香捐生正氣乾坤滿誓死芳
名日月光大節騰輝

音簡上武陽寧讓古唯陽
松陵董 閻 方南翰林院檢討癸丑

當年英烈著旂常信史

清時重表揚野老吞聲銷日月忠魂飲泣歷星霜銅駝
尚識荆榛苦汗簡長留姓氏香遺澤千秋憐舊友

盡節錄

詩

忠孝堂

徵詩携得滿奚囊

武安吳一蓑 漢章翰林院編修壬戌

崇禎季歲潢池煽走鎬流鋒滿畿甸二十四城誰
男子天雄節憲真英彥城頭橫槊看烽塵濺血封
疆不顧身嚼齒豈唯殉馬革號弓先往攀龍鱗君
臣誼重身當殞不有滅洪空下壺煌煌鉅典今瓌
球

盛朝一字榮華袞歸天箕尾爲列星人間碧血炳丹青

想像精靈河朔野猶聞叱賊鞭風霆

秀水徐嘉炎 勝力翰林院檢討己未

九京何處起斯人勁節千秋孰等倫寒塚骨香看
馬鬣荒祠樹老作龍鱗琴堂尚友標鄉月玉署傳
家拂甌塵仰止高山誰得似青編

紫諾一時新

楚澗熊賜瓚 遷修翰林院編修丙辰

鼠竊潢池偶弄兵天雄慷慨遂捐生著書白鹿同

盡節錄

詩

此

忠孝堂

雲耳報

國睢陽老弟兄血碧北邙孤塚在汗青南史一編成
續紛芸閣傳心事誰道精忠却爲名

宣府姚文光 映垣壬戌

正氣當年張許儔天雄重鎮衛神州壕邊拔劍誅
銅馬城上彎弓却火牛力屈心還依

北關時艱事已付東流至今父老談忠烈日冷風淒鼓
角樓

皖江龍 變雷岸翰林院檢討已未

氣數休論國在亡先生大節獨堂堂誓捐七尺心
難改歸到重泉骨亦香篋底珠璣驚夜月閨中栢
若傲秋霜由來茲事關名教

盛史何慙第一行

睢陽王 紳公垂工科給事壬戌

名高岱嶽鬱岩巖往事艱難劫火燒白馬於今餘
戰壘紫金當日繫孤標表忠李翰書傳恨哭父王

盡節錄

褒痛未消華表倘歸遼左鶴悲歌漫擬楚魂招

長洲馮 蜀方寅翰林院檢討召試

岱峯我我海甸中磅礴壯氣生朱公筆端獨蘊班
楊彩孝友不愧田姜風隻身許國自慷慨携琴視
椎西湖東西湖清名照流水廬江惠政籌軍工建
牙天雄逼畿輔孤城血濺櫻危鋒飛書報父勇決
絕碎牌巷戰披丹裘力屈堂堂義不屈擎拳罵賊
騰霓虹常山睢陽震千古公之大烈將無同卓哉

夫人亦矯矯贊公節輕偕老斷食捐生既了然
微軀強為英雛保一死遲公幾十年同逐忠魂達
蒼昊異代

恩綸炳九閭俎豆於今薦蘋藻

梁國王貫三 蓬巷內閣撰文中書癸丑

重握兵符濮水邊縱橫鵬帳與山連存亡未許經
生逆姓氏還從史筆傳萬卷詩書輕一炬兩楹燈
火繼千年門才幸有仙人子更喜陶家湛母賢

盡節錄

葑涓彭定求 訪濂翰林院修撰丙辰

正氣還瞻穹壤伸挺生人傑骨嶙峋天雄遺愛西
鞭銜沙麓旬宣壯塞堙千載丹心堅似石孤臣碧
血久成燐忠貞食報應非爽會見蘭鐔蔚炳麟

宛平顧祖榮 培園詹事府右贊善癸丑

黃沙衰草贖忠魂奇節爭誇萃一門生有遺文聞
正氣苑無餘憾答深恩紋楸局換當灰劫寶葵星
沉入夜昏千載貞珉芳躅永膺軒蚤為奏

君開

雲間王九齡 雪澗翰林院編修壬戌

北門鎖鑰夙稱雄
畫戟牙旗夕照中
欲掃赤眉抒壯畧
惟留碧血表孤忠
睢陽聞笛詩篇在
峴首題碑憑弔同

史館近來編纂盛
褒揚節義屬扶風

順天顧 汧 伊在左諭德癸丑

明季屬喪亂戎馬正
旁午臨危肯捐軀
如公未多

盡節錄

詩

忠孝堂

數裂牌斬偽使忠肝壯
旗鼓百戰無外援
一死得其所故鄉有遺廟
巍然貫今古丹青圖史中
爽氣猶可覩

廣陵許嗣隆 山濤翰林院壬戌

尼山遺澤在鄒魯
人物殊難更僕數
單父朱公復堂堂
忠義凌峻彪今古
文章直足擬卿雲
勛業還看匹方虎
蚤年射策列南宮
築城權稅著首庸
越水吳山與文教
談經講藝何雍容
其時國運際陽

九赤眉銅馬無不有中
覩烽燧逼江海英山霍山

皆盜藪金陵門戶在合
肥累卵之危安能久為
問誰堪萬里城單車就
道公山守椎牛繕堡更
緩征孤城無恙藉赤手
五馬再遷到武陽保障
奇助能救荒憲府重開
天雄鎮北門鎖鑰公獨
當誰知逆焰遍河朔旌
旗匝地鳴鼓角蜂豺計
日躪陽平公惟貫弓與
橫槊老父愛弟兩紙書
報國捐軀其大畧碎牌
斬使守空城城摧巷戰
不少却臣力竭矣

盡節錄

詩

忠孝堂

乃成擒身不可降頭可
斫睢水常山轟烈同一
朝大節歸霜鏢丈夫殉
國妻殉夫夫人投繯行
復蘇忍淚吞聲非苟活
少緩須臾為諸孤布蔬
自甘慈且孝生殉忠節
寧殊途孝子文孫克繩
武天之報施何厚歟嗚
呼忠烈之慘誠不易忠
烈之名真不虛憶昔吾
叔官文部甲申三月弔
湖去三尺黃麻從聖君
十行紅簡酬嚴父即今
祠宇峙江皋賜謚忠愍
真異數一炮望後一望
前十三日中分後先

正氣常留天地內龍比同游或隨肩吁嗟乎我公亦應

國史傳

先叔名直崇禎甲戌進士官吏部考功員外郎甲申三月十九之變以紅箋作書并絕命詞六首寄父投繯死本朝賜謚忠愍建祠予祭廕其一子真曠典也事適相類因感泣而并書之

盡節錄

語溪顧

鐔詩成監察御史丁未

畿南節鉞備非常豺虎當年正陸梁本謂田單全卽墨那知許遠殉睢陽英名不共山河盡正氣還隨沮豆長千載天雉城下路蕭蕭松栢挾秋霜
江寧胡士著 璞崖左贊善甲辰
西風吹塵暗河朔黃巾萬騎橫戈數三輔赤縣無堅城天雄使君氣嶽嶽逆豎僞檄如羽馳大河以比誰男兒手裂賊檄斬賊使峻節如山不可移一

自櫻城誓師日尺書拜辭嚴親膝惟將濺血報

君恩許國以身身遑恤豨突狼奔動地來驚濤沙麓

為崩摧義軍四顧晨星落大呼巷戰聲如雷臣執

臣力已竭矣斷斷嚼碎睢陽齒指天正氣亘長虹

烈烈孤忠歸視死粼粼碧血洒春風驟虬駭電摩

蒼穹祇今白馬河邊水年年哀咽泣朱公

楚黃曹宜溥 鳳岡翰林院檢討已未

誓提殲群盜全軍陣鶴鵝只緣吾義重翻覺此身

盡節錄

多正氣存三輔幽懷寄九歌千秋祠下客予意如何

陽羨儲 振玉永右春坊右庶子丁未

沙磧荒荒野徑昏祠宮沮豆慰忠魂雲迷古塞

空劍日薄孤城叫夜猿千載丹心懸日月百年

青史照乾坤松杉落盡風塵色雷得人間正氣存

平陵史 蕪 陟齊翰林院編修壬戌

昔賢雷澤地宓子有遺音川嶽鍾英盛舟霖屬荷

任西湖翔教遠北海頌恩深保障推中柱丘墟慨
陸沈百年銷王氣一死殫臣心于櫓尊儒素篇章
重墨林忠魂猶擊賊廟祀屢除稜爲說天雄路謳
思乃到今

西雒袁

拱崇臣壬戌

冥冥氛稜暗連營大節昭然星日明若使當時遲
一死竟將何地置先生尋常孝子忠臣事寂寞千
秋萬古情今日天雒城下水東流猶自爲君清

畫節錄

忠孝堂

古吳彭寧求

文治翰林院編修壬戌

銅馬昔橫行中原遍壽螿偉哉宋憲副時艱見忠
赤初守廬江時寇氛已充斥登陴繕備禦江淮鞏
門闕旋移泣大名斬使裂僞檄轉戰旣不支三齒
猶罵賊濺血化膏燐荒郊耿殘碧忠孝兩克全有
婦補子職嗚呼明末造朝紳盡巾幗典忍丐餘生
視顏苟視息如公夜幾人浩氣不磨沒煌煌忠烈
謚千秋作臣極

任丘龐

澄雲臺翰林院編修乙卯

天雒城下黃塵起賊兵朝渡漳河水守埋人稀氣
不振旌旗無光鼓聲死使君慷慨親操戈環鼓四
面吹金螺作書寄父還寄弟濺血自誓心靡他神
京門戶託重地誰秉國鈞筭戎事告急空馳羽書
飛相援未見蚍蜉至居人鹿走城門開天昏地慘
哭聲哀創急可憐猶巷戰劍光一動長城摧身是
王臣守王土男兒一死酌明主君不見嚼齒罵賊

畫節錄

忠孝堂

顏常山正氣遙遙並千古

臨州石中琳

雲華翰林院典簿己酉

先生奇節振天雄臨難不回氣貫虹續史已登忠
烈傳致身正與范倪同歷丹鎖鑰如山重結碧髮
鬚長墓中會得文孫共秘省不曾親炙也聞風
平原張完臣良哉侯補主事乙未
大厦難將一木禁孤臣灑血涕如霖捐軀已分王
綱絕報國寧忘帝澤深名在家邦翻借色時危天

地竟何心漫言直道存

青史父老猶能傳至今

闕里孔貞瑄 璧六濟南教授庚子

天雄陌上戰塵明風捲巖城斷析聲勁節真能爭
氣數孤忠原不為功名捐生無悔臣心靖瀕死猶
懷亂畧平

青史重編張許傳子孫振振藉餘榮

三韓宋義立 敬止濟南訓導

盡節錄

詩

忠孝堂

牌碎當年賊勢窮英風千古氣仍雄丹忱不肯埋
芳草

青史騰輝慰落虹南國文章烟水外北門勛績夕陽

中至今野老歌餘澤劍影光寒江上楓

濟南高 瑾 方貢名士

三百年來養士功鬚眉不肯與人同霜侵鐵馬親
書檄月冷金笳自上弓南陌寒尸乾淨地北門皓
魄大儒風於今嶽嶽常山舌彷彿猶存

國史中

三韓劉弘緒 耕五

就義從容出處難鬚眉不愧雪霜寒

與朝珥筆書麟史野老吞聲思豸冠江上濤聲歌玉樹
軍中劍氣繞金蘭遙聞大節思無已懷抱孤忠敢
自寬

罵賊常山慷慨時忠貞貫日鬼神知尋常已辨風
塵色誦讀真堪賢聖師花萼英英

盡節錄

詩

忠孝堂

青史著丹懷奕奕夜珠寄古今多少西芳者對此超
然白玉姿

濟南王 萃 麥村名士

天步相尋鍊馬塵城頭橫梁黯孤臣從容知載詩
書福斷割能完君父身野老吞聲生碧血河山飲
泣變青燐九原若遇端皇帝攀髯應班二十人隨
破那自開學以下以身殉明懷宗者二十一
鼓聲欲死逼忠魂肯負高皇養士恩蹴踘危城戈

戰勢憑陵殺氣雨風痕魚腸悲爛黃昏夕馬革扶
 歸烽火村此禍誰為亡國恨不堪壞堞戰雲屯
 明廷帶礪垂垂盡廢壘靈旗攘攘中靡問千秋歸
 地下只將一疋答天雉編年差勝唯陽後論定幾
 於信國忠大節自今光竹帛不徒俎豆走春風是
公後人請於朝補
 祠祀公鄉賢祠中

西園孔貞燦 垣三四氏學錄

魯史紀年薪盡火傳史魚執簡直道雙縣唐宋而

後日流溢妍讀史三嘆豈曰能賢
 惟我朱君鹿雁策文北門南國皎皎殊軼舍生取
 義正氣氤氳西園小子矢音有聞右魯史二
 章章八句
 玉峰王喆生 辭叔翰林院編修壬戌

明季黃巾起中原遂鼎沸肉食竟無謀乘軒鶴徒
 貴揭竿肆梟獍剝膚及滑魏守令解綬逃官軍望
 塵畏壯哉朱副使乘陣厲士氣析骸劍鉞寒飛矢
 陣雲熾張拳悵力竭巷戰看血漬睢陽誠慷慨常

山終不貳魂魄為鬼雄成仁酬素志謚卹曠
 國典表章係史事弔覽有餘哀悲風增歎喟
 陽信張益亨 謹卷戶部員外庚戌

中原萬里見凋殘欲挽狂瀾肯避難帶甲揮戈天
 地暗登城濺血斗牛寒已將一疋酬千古願把孤
 忠媿百官松栢姓名

青史重至今食報看芝蘭

秣陵倪燦 開公翰林院檢討

陸沉無計起神州一炬寧為廟食謀擊碎偽牌傳
 節烈誓師河朔仰忠猷凝從鐵騎朝朝去想傍龍
 淵夜夜雷金斗天雄存廟祀溪毛薦罷不勝愁

古邨魏男 蒲瑞翰林院庶吉士乙丑

先生立寰宇挺然出霞表弘毅每自任襟懷月皎
 皎恒論在科名科名世不少推崇重事功事功臣
 職同維公懷丹赤浩氣貫長虹初命司夏曹奏績
 大司空尋權武林委善政稱獨異香社至今傳泐

碣墮人淚風清湖水白澤潤吳山翠

天子簡循良阜葢煥龍章寇逆當陽九仕宦哀踰踰烽
埃頻告驚哀鴻滿道無措理善更迭催撫盡悲咽
築藩不妨農民樂官心竭萬里犬無聲白野鼠無
穴利器逢盤根芳聲共日新矢心盟白雪器宇凌
青雲屏籓衛輦轂保障建奇勳突遭天狗蝕河朔
兵戈逼數行拜高堂從此絕愉色一死忠孝全為
子為臣則卓哉張許流泉下共悠悠求仁而得仁

盡節錄

詩

忠孝堂

忠孝堂

此生復何求歿同蘇武榮不抱李陵羞

東吳荆

庶元直

六釐立極警甌莫英英南董蒐文獻前代忠臣後
代聖往者表章來者勸朱公抗節凌雲霄厥歷中
外清風饒國無人焉計戰守黃巾白馬紛如梟誰
灑侍中血誰吐常山舌誰驚崖海潮誰擁麻衣雪
乘障登陣却敵氛論功仍脩天雄軍酒酒西風酬
士怒刑牲北岳誓臣勳兵懋城空計莫守槌心絕

痛逢陽九進將血淚寄高堂一身許國不知有戮

賊使碎賊牌倡明大義志不回臨危罵賊聲如雷
砥恒山寒易水日月無輝天地否公殉忠公不死
盛朝昭雪垂青史
古潤荆元實歷存
有明三百襍忠烈幾千秋衛帝身先殉辭親血漫
流求仁原佩魯取義貧師鄒
聖代昭青史名同日月悠

盡節錄

詩

忠孝堂

忠孝堂

壯志渺難償群陰剝一陽時危未授鉞力屈復臨
墜衣雪先臣烈乘潮宋相剛斯人堪不朽信史闡
幽芳

武安王可大

易從詹事府司經局正字丙辰

先生挺嶽秀間代鍾其英文章領東魯甲第騰輝
聲含香動丹陛持論每風生

天子重循良出牧先泥城期年歌異政遐邇誦神明既
改北門守憲澤遍蒼生輿論達當宁坐擢揚水清

天雄開憲募鎖鑰嚴提衡無何逆屠熾孤掌難獨
鳴戮力以報國視死如輕鴻忠貞貫日月不與社
稷傾只今崇廟祀令譽千載廣吁嗟碌碌人草木
同死生富貴亦何有如其如永芳名
大陵鄭豈瑛 萬靈翰林院庶吉士乙丑
先生仗節誓戎軒稟烈丹心萬古存南國遺音歌
士女北門偉績照乾坤黃泉巡遠為朋友
青史嚴嵇為弟昆讀得詩書能識字鬱關

盡節錄

詩

卷

忠孝堂

君父更何言

廣平盧 汲公引

何事流氛處處驚孤臣報國一身輕睢陽仗節名
堪並諸葛懷忠志未成森森漳河流尚噴英英浩
氣宛猶生魚麗分守終無濟遺恨千年月照營
浙石沈辰垣 正岸翰林院庶吉士乙丑
虎符手握寄專城兩袖清風萬古名因矢赤心君
國重拚拋白骨宛生輕猿啼夜雨忠魂淚木落荒

原過客情欲識當年遺澤遠已看
形管記精英

深陽黃慶麟 視芝翰林院庶吉士乙丑

世運迭亨屯正氣流天地浩然塞蒼冥卓犖觀名
誼猗歎忠烈公弱冠負奇志策足躡青雲長衢勝
逸驥仁風被南都鎖鑰北門寄一朝天步艱群雄
方角倚蟻賊徒紛紛先聲輒驚悸公也冒櫓槍守
死戰不利濺血張鬚怒罵猶噴視捐軀良獨難

盡節錄

詩

忠孝堂

慷慨羞充位艱厄堪睢陽嗟罵常山嗣遺烈光汗
青千秋標大義

華亭董 廣約之名士

從容殉國難擊碎賊人牌只為
君恩重豈甘義節乖教忠成父志報怨藉孫儕落落
英風在千秋不可靈

長洲陸肯堂 滄成翰林院修撰乙丑

歲當癸甲遘陽九關中狂寇如紛麻逆氛漸煽徧

河朔東齊西晉烽交加摧鋒破壘及畿輔天雄城
外疑悲筵誰其撫此令困頓英雄束手空容嗟單
父朱公獨橫梁枕戈登陴堅重關黔黎駭散雉堞
陷督衆巷戰猶牽擊此身寧惜爲國死從容就義
心何賒凜然名節貫日月血埋成碧蒸雲霞况有
德配彌壺訓贊公殉難尤堪誇勉留撫孤見成立
芝蘭玉樹饒清華一門忠節世所罕
絲綸褒卹祭天葩孤忠懿範在穹壤貞珉萬古纏龍蛇

盡節錄
忠孝堂

羅浮龔 章合吾翰林院檢討癸丑
當年烽火照咸陽大隊黃巾下太行沙麓日移妖
霧黑馬陵風急陣雲黃孤城遍洒英雄淚大節長
懸日月光取義成仁真不愧千秋俎豆有餘芳
濟南田 需 雨米翰林院編修己未
孤忠端不異睢陽奮臂靈旗日角光千里巖疆連
魏博三年碧血化青蒼秋山漠漠幽魂泣漢水悠
悠歸路長聞道墓門松已拱夜深風雨自悲涼

婁縣馮 瑞 黎陽翰林院庶吉士乙丑
當昔中原淪覆日潢池草竊爭鳴張范范河朔數
千里疾風迅捲塵飛揚公時備兵監畿輔緘書酒
血辭高堂男兒出身卽許
國况當逆燄搖疆場磔賊狗師氣慷慨孤城誓與俱
存亡一朝城陷義不屈丹心凜烈橫秋霜公也許
忠婦許節同殉國難扶倫常投繯救免志彌厲諸
孤撫視神恻傷一一養成雛鳳羽四十餘年苦備

盡節錄
忠孝堂

管天心報施昌爾後三珠垂蔭森成行文章暉映
踵前武賢孫玉署先廻翔慨陳祖德紀忠烈讀之
齒頰生馨香我亦生平慕大節爲公長嘯驚穹蒼
德州孫 勳 孟齊翰林院庶吉士乙丑
當年雅望重封疆戮力艱難寄一方橫梁赴師申
約束口碑載道誦循良魂歸箕尾英雄在血濺城
頭俎豆長如此刑于元不易遂令巾幗亦昂藏
壽光李 懋 孟木翰林院庶吉士乙丑

碧空夜半落星明
聲震蛟龍海宇驚
紫市從容天地淚
睢陽慷慨古今名
當年誰表孤臣節
公殉國難
異代能昭報國聲
朝入俯仰中原多少恨
忠魂時向北庭行

龍湖許賀來 秀山翰林院庶吉士乙丑

明季昔喪亂
寇盜跳梁人心日无解
國步蹙以亡
探本溯其源
咎在隳紀綱
廉耻道既喪
四維委不張
烈哉朱憲副
忠憤獨激昂
秉節鎮天雄
賊勢

盡節錄

詩

忠孝堂

時披猖城池忽破碎
碧血沾衣裳
忠誠貫白日
一死扶剛常
孤忠在天壤
歷久而彌彰
况乎李蔡人
志操媿共姜
事親以立孤
厥後今克昌
未亡三十載
自首歸北邙
徽音徹山左
墓栢翳崇岡
聞風起頑懦

青史增輝光
歌罷仰天嘆
天色殊蒼蒼

山右謝陳常 雪樓翰林院庶吉士乙丑

粉署含香退
食運紫陽家
學世爭推錢江
視榷調

琴鶴魏郡分符薄
繭絲節挺亂離酌
短劍心懸鐵石照
殘碑
聖朝惇史傳
遺烈無復松楸萬古悲

古劇安 質 雪閣翰林院庶吉士乙丑

板蕩多奇烈
嗟君殉大名
丹心垂汗簡
正氣掃樓槍
血濺別離宇
公臨難臨父書有泉流嗚咽聲
試看雙節傳
天雄錢公殉難事甚悉應緒顏真卿
任城潘兆元 長公上虞邑侯

盡節錄

詩

忠孝堂

孤忠誓死寇氛中
果是扶輿一代雄
定卜新恩垂信史
并傳高節永清風
遺書報父心如鐵
晉賊同讐氣吐虹
名貫日星堪不朽
知公含笑九泉東
單父單如春 慶生貢元
誰執短鋏與長鐔
泄泄憑教巨寇南極目
川原俱是血
滿朝貌虎盡非男
致身壯志畢臣節
報主英魂助國戡
剩有天雄口碑在
共傳忠義作奇談
單父袁以仰 華雲名士

大名城上霜草紅大名城下弔朱公瑟瑟松風起
稟粟耿耿明月照丹衷聞說賊到天雄日有明社
稷半已失紛紛守司爭鼠逃孤掌豈能與角力倘
使此際計身家何難避官走天涯視却專閭投降
士臣力竭矣未為差先生義氣獨烈烈稟稟肝胆
堅如鐵碎牌戮使震怒生背城期將生炮決無奈
賊勢撼山斗壘邪孤城不可守白刃欲接寶刀折
北門鎖鑰已為有被執三日不肯降願將一炮報

盡節錄

詩

忠孝堂

君王光祿舌枯罵未息侍中血濺日無光為公賦堅
竹竹破節自存為公咏白玉碎白不磷七尺慨
然殉國難百年終是大明臣於今庾公樓邊月南
照睢陽城頭雪晶晶天宇一色看千秋萬歲同皎
潔從容就義豈為名丈夫期不愧生平請看
青史流芳遠生者非生死者生

單父郭鴻嘉

潤橋名士

先生臨難日小子正蒙時時在父兄側與聞忠烈

奇聞今成異代續史載芳規效炮終明季畿南更
有誰

單父李應昇

用梅名士

天生血性不尋常盡節從容慨以慷萬古忠魂炳
夜月千秋正氣凜冰霜報君不愧文丞相罵賊何
減張睢陽莫道英靈今已遠冥途日日待端皇

劍池吳德沛

元生

青史煌煌載遠巡琴臺忠烈更蘭芬仁成自是來

盡節錄

詩

忠孝堂

清譽義就原非迓令聞隔代
褒封崇勁節千秋血食弔英魂獨能克儔倫常事報
國捐軀第一人
碎牌斬使守孤城不二丹心答聖明天教一時死
社稷人遂兩地祀嘗蒸履官如此方無愧闕史從
今大有榮賴得

興朝編纂盛更令千載仰如生

闕里呂坊之

景文候補邑侯

秉鉞天雄值用兵親披介冑守孤城但知國事家
何有羸得身亡恨未平霄漢至今懸壯氣河山猶
是炳忠誠更看壺範貞風美柱史雙標節烈名

單父袁以嶂 盧雲名士

黃雲陡歷天雄郭沙蠶石崩紋剝落鬼螭妖狻夜
嘯呼陰森白日驚魂魄維時虧得朱兵脩蒿目艱
難弘經濟智勇深沉守禦完昂藏脫盡書生氣抗
言屢上救時疏內閣無人耳哀如傷心幾次長沙

盡節錄

詩

忠孝堂

忠孝堂

哭貫日虹霓卷太虛北請邯鄲出救兵臂膊聯絡
濟陽城三千健勇屯雞泊十萬強弩伏馬陵一戰
能破潢池膽再戰期把渠魁剪攻者技窮固有餘
招降四面紅旗展金牌額篆帶風塵利害詳明反
復陳言下勃然真性觸陣頭瀝血不遠巡十旬慷慨
壯志在掘鼠朝餐志不懈大厦難將一木撐臨
危不失英雄槩狼烟突起城濠上城裏哭聲摧蕩
濠拋命猶勒短兵來分頭力戰東西巷丹心照耀

清宵月馬嘶寒絕征鼙歇衰草平原燃碧燐斑痕
直是忠臣血

熙朝信史搜遺事彩筆琳瑯鐫綠字指日焚黃到墓門
鄉賢久奉春秋祀共信孤臣後必昌竹孫亂蚪勢
蒼茫金堂日煖花磚影玉漏星寒寶炬光不聞張
許子如何未致常山繩武多無那一編忠烈傳浩
浩遙配正氣歌

單父賈繼祖 伯繩名士

盡節錄

詩

忠孝堂

忠孝堂

寧止科名文會重綱常盡節古為難致身自許生
何計報國酬恩志莫寒

聖主闡幽知義骨史臣纂定註忠肝先生百代傳朝里
豈但秦牲兩處看

單父陳珮 宗玉名士

感慨勝朝履變時天雄節鉞靖忠期碎牌浩氣凌
山嶽踐血英魂拜御墀一片丹心惟報三千年
青史許誰遺於今纂入流芳遠况復蒸嘗飲豆秦

單父張 麟左 海名士

虹連赤日貫朱門照耀丹誠動

九關安國烈風齊若水常山大節時平原衣冠不朽鬚

脣氣劍佩長雷血淚痕明史新成香四射亭亭千

載舊英魂

單父郭 壇 居易 邑 序

勁節秉天性忠貞邁古人生平多仗義臨難可成

仁氣壯山河色名雷日月新千秋榮

盡節錄

國史俎豆有餘禋

南華朱昌運 慧生 平鄉 邑 侯

家崇正學篤忠貞取義成仁夙夜盟斬使逆知難

卻敢報君豈忍墜降旌兩傾石淚關南黯風捲蘆

鎗北斗橫血濺天雄輝信史讀書真不愧科名

江南汪宥薦 刺 華

天柱地維原屹立孤臣熱血灑穿蒼毀牌怒嚼帶

山舌戮使堅持許遠腸鎖鑰雖扁瞻北涕旌旗空

復望南陽啼鶴泣黯澶淵樹史冊颯綴日月光

單父李伯龍 沛 霖 邑 序

天雄四望草芊芊忠烈英靈宛在焉只謂孤貞扶

日月寧知大節震山川碎牌軍內人驚矣濺血城

頭義凜然

聖主於今修實錄首將姓氏著明編

闕里孔尚榆 伯 楠 曲阜 世 尹

昔年驅馬過天雄父老權呼說烈忠慷慨捐生報

盡節錄

聖主從容就義別尊翁百花塢上誓聲壯五鹿墟

前血濺紅上下古今抗節士真鄉之後推朱公

白下叢克敬 教 菴 築 修 幸 舉 盛 典 丁 巳

運甕挾香志巖疆出鎮年荒城百戰後大節一身

全坎險嗟偏值坤貞更卜賢至今原上樹貞幹統

寒烟

嘉定孫致彌 文 翰 林 院 庶 吉 士 戊 辰

血戰城摧義不生祠傳忠烈武陽榮當時只重邦

家事身後還垂千載名

一自騎鯨去帝鄉園中淑德更流芳卽看西子湖

頭月猶照先生社獨香

闕里孔尚基 西野 丙寅 拔貢

古多慷慨士罵賊以捐生今日復有單父之偉人
抗節魏郡義氣不讓顏真鄉粹然臨大難奮思酬
生平陣雲慘故國壁月隱空營忘身忘家泣誓鏗
鏗血濺城頭談笑事完得箇殺身以成右贊

畫節錄

詩

五

忠孝堂

草白沙黃戰氣奢捐軀報國誓無家當年赫奕城
頭上畱得英風繞百花

單父陳陞琳 五玉邑名士

前朝養士報忠烈孰如公國難炮生裏身名成敗
中貞魂殉地至血性濺天雄千古長山恨悲歌誓
許同

單父楊翹生 佳士歲貢

巖巖正氣補天傾挫撼山河百二城祇有一心殉

大難曾無轉念戀餘生春官登豆隆蒸祀太史特

書旌墓坐欲識忠魂逸寄處常山結伴憶芳名

單父徐助 元公邑庠

青史煌煌印鬚眉馨香節義令人師當時殉國無
旁顧此後榮名見志期寰里攸光持正氣乾坤有
賴盡倫彙莫言泉下乏知己

聖主特恩注簡思

單父李修文 克教邑庠

畫節錄

詩

五

忠孝堂

方畝松楸地千年節烈墳身隨宗社去名與汗青
芬看篆啼鵲淚拜封識漢雲甲申三月後唯有意
中君

壽光李廷生 崇前單邑訓導

朱公大節震當時

青史於今初撰詞浩氣應隨日月久鴻名堪借鼎鍾
題西湖岸上畱餘澤北鎮臺前列舊碑坐冷廣文
景往憲揮毫再拜獻新詩

闕里陳裔謙 六頁甲子舉人

千秋浩氣鍾吾東前有真卿後吾公一為截舌在
長山一為吞血在天雄天雄流氛通天誅攻城陷郡肆
戮屠吾公凜烈七尺軀鎖鑰畿南縮半符大命一
領豈可扶背將忠孝換頭顱報親題詩悲哺烏闔
門仗劍有丈夫英風颯颯起頑懦君不見多少高
官與大爵印纍纍綬若若風鶴何曾有影形携家
奔竄隨飛箝杖之吾公雖後死嗟哉草木同朽矣

盡節錄

忠孝堂

朽同草木已堪憐况復人間有

青史試看古道城隅水一方四十年來姓字香流出

丹心日月長

單父王芳標 紫城貢生

勝國多名德羣推忠烈公義聲標

青史直節貫蒼穹壁野留遺愛廬江餘惠風敢從隔

代後執筆紀宗功

穀城房 嵩垣齊內閣撰文中書已未

天雄殉難日大節總無前報國丹心苦留歌正氣
傳乾坤悲往事日月表進編烈烈高風在還應啟
後賢

古莘李大朗 縣公金鄉訓導

古來一矩殉國難慷慨就義何須嘆吾于朱公獨
不然讀罷節章腸欲斷先世與公攀桂枝一生懷
抱獨深知忠義性成凌金石功烈還期著鼎彝朱
肩妖氛紅日蔽黃鉞白旄應子儀公分一旅守孤

盡節錄

忠孝堂

城殺身徒自了姜維君試看漳河水上天雄都怨
靄愁雲朝暮垂

盤溝周 碩子避名士

棲霞山前水向東鍾靈毓秀產朱公文字直堪傳
秦漢居官常以孝作忠犯顏敢上救荒疏出守廬
江萬戶足四野歡騰頌龔黃吏不狡猾民不辱會
當復治大名時書屏報最績更奇水鳳遂下除兵
憲知公力能剪潢池中州奄忽妖氛走國家多難

靖者誰長驅大進犯神京可憐全是倒戈兵裂牌
梟使唯公在誓必死戰守孤城臣力竭矣長城毀
殺賊未能罵賊死寥天皎日無纖塵三百年來奇
男子正氣凜凜欲吞虹人到於今說天雄呼嗟乎
睢陽顯常山舌介弟痛哭陳北闕綸音旋下謚忠
烈再奏

與朝褒貞魂奉有

溫旨慰臣節煌煌珥筆標明史忠烈忠烈真人傑

盡節錄

詩

五

忠孝堂

構李高佑鈺

念祖貢元

殉節天雄日今踰四十秋表章垂信史歌頌盡名

流取義同黃葉

黃石齋葉潤山皆
有明忠介名臣

成仁并魯鄒西

湖遺愛在廟貌豈悠悠

先生未命權吾杭南
新閩商民建有生祠

秀水吳源起

準卷禮科紛事辛丑

嘗讀正氣歌光芒在前史板蕩識忠臣古今同一
致咄嗟忠烈公冰霜凜自矢擾擾黃巾亂孤城保
百雉天意已難回從容竟就死皎如日月懸重似

山岳峙我來古單父芳名灌人耳得過忠孝門才
華識令子國器非常有比翼期青紫顯揚廊廟間
彌耀前人美應同張許儔千古昭俎祀

苧村楊

瑄玉符翰林院編修丙辰

擔荷綱常屬偉人臨危一死見成仁丹心未遂風
雲氣青史長留社稷身大節千秋科目重榮光
當代愍綸新不才媿附道門雅讀罷遺編倍愴神

錫山周

瘦鴻牧貢生

盡節錄

詩

五

忠孝堂

鎖鑰當年重北門堅城嬰敵陣雲昏豈徒慷慨身

堪灰猶冀艱難國尚存河朔竟淪烽火地干戈因

化雪霜魂孤忠一片充天壤

青史名還動

至尊

震蕩干戈動地塵弄兵羣盜本王臣頓令社稷無
完土遂致英雄不有身沙麓歸來應化鶴妖氛殲
後總成燐只今載筆承明

詔成事畿南第一人

城頭血濺杜鵑魂未答親恩答主恩叱咤甲兵紛
樹影淒涼風雨暗燈痕

聖朝論定名垂史野老年深哭滿村嘆息一時河朔郡
落花飛絮任蜂屯

雲日莽蒼荆棘裏山河破碎劔鋒中極知臣方須
史盡方失重關百二雄信國有樓存正氣常山無
舌得孤忠翠臺浪水均遺恨萬里神州見朔風

盡節錄

詩

五七

忠孝堂

秀水沈之奇

天易貢生

縱橫羣盜徧征塵坐困天雄社稷臣本謂保城終
殺賊邠知報國竟以身心懸霄漢還扶日氣壯山
河不化燐屈指同時忠義士班班竹帛幾何人
青燐白骨遍招魂爭似將身報國恩遺父血濺書
一紙誓師背裂淚雙痕霜飛慘澹無人地星隕沉
埋何處邨聞道至今沙麓畔平原時有陣雲屯
銅駝金谷傷心極斥埃烽煙滿眼中不是運籌無

策畧祇緣曆數困英雄孤城陷敵終遺恨一劔何

人共效忠虛憶當年乘箕尾九原碧血冷秋風

長垣李聘華起丙辰進士

睢陽罵賊後又復見君賢一劔甘殉主九原可告

天芳名重

國史大節凜家傳丙夜披吟罷臨風意渺然

大野于贊黃中戊辰進士

群飛海水蔽天杭力守孤城一劔當親擊賊頗如

盡節錄

詩

五七

忠孝堂

秀實感田士氣似睢陽北門鎖鑰曾何忝南史簪
筆信有光死也猶生真不死後來者好細思量

濟水張耀台梅岩名士

昔傳正氣歌文山此日公留著世間罵賊真卿舌
尚在殉疆許遠事相班生扶社稷杼丹悃歿見君
王不赧顏三救天雄身未保一辛巳歲敵公捐命
勳賑保全數萬生
一壬午東兵攻城公多方守禦七日不克乃去一
癸未土寇盜起往來焚劫公堵禦有法卒保無虞
此三救大功也滿城贏得淚潛潛

生者徒生死者生一人敢與賊鋒爭祇知抗節身
全義邊計褒忠史載名滅血城頭申子志捐軀刃
下報君誠慚山漳水歸

清版奕世貞克屬大明

濟水張際昌

盛斯庠生

義作經塗禮作關千秋俎豆在人間捐軀勁節高
陵許報國貞操遠繼顏觸目雖移新宇宙捫心祇
慟舊河山遙思從容就死處一吊忠克淚欲潛

盡節錄

詩

五九

忠孝堂

廣陵陳鼎炎

聖養名士

明事全非總不振先生孤掌欲強伸丹心自愛身
寧死青史能傳志未湮一劍成仁堪報國九原遺
憾在辭親只今惟有啼鵑血猶向天雄泣暮燐

魚臺常延渚

思道名士

為良不易為忠難兩美惟公一力全世泰匪襄會
媿魏時艱節烈敢爭顏非關利念和名念止出情
天與性天冥府正溪家國恨謾言青簡慰幽泉

崑山徐樹本 道積丁卯舉人

登陴誓欲靖乾坤豈料妖氛白日昏不惜捐軀成
父志唯將嚼齒報君恩魏州童叟號衢市魯國衣
冠哭里門况有

典朝垂信史九原應得慰忠魂

吳下沈

鶴明信已百舉人

讀忠烈傳恭頌 併序

忠烈朱太先生名叶瑗樞允冲終斗泓從沛國家

盡節錄

詩

六

忠孝堂

稱萬卷藏書親自分邾人著一時折檻策名
上第釋褐華年甫由至水之司便遶外臺之
秩丹旆風灑蒞此巡方書戟霜凝陟子分岳
服官騰僨烈之聲率屬撞清剛之譽無何祠
內狐鳴郭門蛇鬪寇彌新市盜滿平林藍田
箭盡兩睨無光河島途窮三川流血灑酒而
談不頹藏身鄉隴登陴而誓惟顛戮力京師
嗟乎斯乃一門爭死七尺無歸而已然聞關

亡命猶援孝經涕泣避仇尚傳論語將謂少
孤不死庶幾亡者復生見大厦之傾危驗未
亡之節操偉茲巾幗荷此門楣和熊食蓼用
成博士之名書荻傳經勿墮清卿之業乃有
齊朝文士半知袁聚之孫晉室名公盡錄趙
衰之後僕偶來單父幸躋忠堂景高山于泰
岱眷流水于黃河不辭糠粃敢附瑱瑤
百年父老話天雉猶見潸潸哭朱公暮雨未來山

盡節錄

詩

室

忠孝堂

欲黑秋風不待葉先紅侍朝折檻無雙士許國亡
身第一功忠孝文章垂信史蒸嘗奕世獨推隆
袍笏猶存千古上凜風如昨聞道是盡臣當日監
司橫梁過處狂沙蔽道路澍雨彌空暗五嶽既讀
書許國可忘身恒盤錯天雉鎮驚飛魄沙麓城
哀飄泊拚劍埋泉底菽姑奚託慷慨生平因主切
妖氛赫然完城郭喜

清時蓬豆配費宮春秋爵

右詞滿江紅

浙江王克芝山貢上
絨書灑血臨風寄視死如歸概世英秉節寧爲袁
聚沒守孤不作彥回生流徽百世賢良泣備烈千
年士女驚凜凜卅忱何處問幾番撫卷淚瀟瀟
陋巷顏伯倬漢章丙寅拔貢
力拒西來十萬師睢陽未許獨稱奇全城誓共群
情勵報國還將大節支子孝臣忠義兩盡夫皆妻
經分全宜爭光日月垂千古滄海桑田此不移

盡節錄

詩

室

忠孝堂

盡節錄

下卷 目次

抗節紀事 郭公皇巖撰

忠烈祠記 陶公爾成撰

紀言 葉公廷秀撰

忠烈傳 錢公翰撰入單縣志

紀言 陳公履端撰

大名兵憲忠烈朱公屯節紀 張公耀台撰



盡節錄

目次

奏疏 弟延炳撰
甲申十一月

吏部議 尚書張公捷覆

禮部議 侍郎管公紹寧覆

禮部咨 侍郎管公紹寧給

工部劄 屯田司管公近運給

工部劄 尚書何公應瑞給

工科咨 都給事中李公清給

諭祭文 翰林院學士曹公勳撰

忠孝堂

吏部劄 尚書張公捷給

吏部咨 驗封司邢公世爵給

禮部咨 儀制司吳公本泰給

奏疏 弟延炳撰
順治二年

大名府元城縣大名縣三學公呈 三學生員

單縣入鄉賢公呈 本縣鄉紳士民

為盡節道臣事實堪紀等事公呈 生員劉士聰等

為明末屯難文臣事公呈 生員單價等

盡節錄

目次

為欽奉 上傳事牒文 單縣儒學

為欽奉 上傳以慰忠魂等事呈稿 另敘

權杭德政碑 錢公受益撰

武林權關德政碑記 汪公漸碧撰

權關生祠碑記 錢公受益撰

權政告成序 章公自炳撰

權杭德政詩序 洪公鼎祖撰

惠愛口碑詩序 錢公受益撰

忠孝堂

德政詩序 翁公鴻業撰

德政詩序 徐公灝撰

杭州府門下士公祝序 錢公受益撰

廬州府閩屬州縣公祝序 吳公光義撰

墓誌銘 孫公光祀撰

墓表 龔公鳴琴撰

重建鄉賢祠記 男縝記

重修鄉賢祠記 黃公琦撰

盡節錄

目次

三

忠孝堂

跋郭公鴻嘉撰

跋言 弟廷炳識

原刻乞言小引 男縝撰

刻盡節錄紀言 男縝識

天雄鎮朱兵憲抗節紀事

朱公諱廷煥字中白單父人庚午以能

成甲戌進士以二甲初授水部繕治墩陞稱

上意詔賜獎諭等陟轉湖杭關差民懷吏畏商賈戴德

士佩服其文學迄今惠愛口碑一刻為南中畏壘

社稷云後五馬廬州以內艱補天雄郡治聲益茂

著旋膺兵憲之

命駐屯本郡午未冬春兩值

盡節錄

紀事

忠孝堂

東兵壓境公盡心乃職夢

關聖帝君示兆云欲全爾城須設我形是亦天人之感

也踰巖流關獨振自關西抵濟輔所謂河北無堅


城時也公益厲素志擊碎偽牌蓋亦疾風勁草空

谷足音矣不期大隊突臨風聲煽動士卒駭散公

猶督家僮糾家巷戰時久旱是日忽大澍公棄戈

嘆曰天意也遂着明衣冠從容就炮有愛公者旁

贊欲全之公毅然謂我以秀才登進士位憲節而



時事至此不究何辭遂大罵不絕下階不顧嗚呼
公宛矣夫封疆之臣宛守土亦何足異獨以城破
如振落士節如波靡之秋有以一柱砥中流如公
曷可多得哉後李闖至真定以公宛為不能保全
好官罪其黨至六人蓋公節烈有以感之也今
大清誕興表節錄微想且晚有旌閭之寵而仁人君子
或茂勤不没人善之思則余今日之引當不止備
稗官野史之遺已因蒼頭有事大名知最詳故余

盡節錄

紀事

忠孝堂

耳食之臚列如左云
青
甲申六月同庚午榜年弟東魯郭皇畿撰

大名兵憲中自朱公忠烈祠記
元氣日升充塞天地剛健之精毓為仁人上浮日
星下凝河嶽前乎開天之泰為晉為觀後乎傾天
之否為夷為節潛以此學見以此行利不能奪害
不能移歎擔剛常而後孤撐宇宙成以巴蜀鄙儒
荷
先帝特恩遠牧單父奇逢琴臺恨時艱守拙不能造
福群黎而景仰高山惟尊賢惠民之語日盟諸心

盡節錄

祠記

忠孝堂

厥惟贊明朱老先生端方清白睦族週鄰父兄我
事奉教唯謹長公兵憲朱公廉能清正尊庭訓而
畏簡書雖未覲面而切守茲土行誼備悉也公諱
廷煥字中白崇禎庚午登賢書甲戌成進士以冬
官尚書郎築城有功
詔賜獎諭陟權武林民懷吏畏商賈戴德署中西廡
有古梅奇石皆宋時大內物公退食之暇進諸士
子於此立為香社而品題之門墻桃李雲蒸霞蔚

兼之雅好湖山每載酒携侶嘯唳於兩烽烟水間
一時風流不減蘇白至於捐金築勝實西湖功德
至人也去後士民思之爲立生祠於西湖之渚墜
廬州知府時烽火相望饑饉頻仍公撫蒞多方不
期月而民安物阜有太平象無幾以內艱歸百姓
如喪考妣碑思建祠之外扳轅而送者呼號數百
里不絕抵家居喪盡禮哀毀踰常時單荒稷菹苻
蜂作燬關攻城人相食恬然爲常公竭其資產築

盡節錄

祠記

四

忠孝堂

城浚濠經營守禦復施粥施藥施衣施棺收養途
中遺棄小兒數百僱貧婦撫之存活甚衆鄉人咸
賴之服闋補大名知府治聲益懋以僻荒竒績遷
順廣兵憲大名紳衿借寇請畱兩院特
題改授大名道兵備副使至十七年春三月流關自
豫雍直抵畿南勢如破竹公益勵素志誓死報國
嗣賊使至公碎牌斬使與家人訣有誦其遺封翁
書曰子受國恩甚深際此危難惟有濺血城頭以

報

朝廷雖死於鋒鏑亦有榮施及大隊至軍民駭散城
陷矣公乃北拜
先帝南拜父母從容就死賊觀公才貌欲全之公大
罵不絕口遂遇害後數日面色如生時年蓋四十
有四此其筮仕殉難之始末也歲時解組寓杭公
之流風善政口碑猶存旣而驚聞寇陷
神京一時殉節惟景文范公元璐倪公邦華李公世

盡節錄

祠記

五

忠孝堂

奇馬公偉汪公理順劉公數臣因憶兵憲朱公孝
義素敦逆知必死廼持雞絮於西湖之祠而祭之
及至南都而公之節烈已宣揚朝市矣復有南下
者始詳公之殉難如左云及遇迺弟廷炳更爲備
述嶺末予不勝喜深幸素所景仰者得死所矣大
丈夫闢立乾坤生當立功與日月爭輝死當與雷
霜比烈如公者仁爲己任知及而勇守之舌可罵
賊寧斷不屈心必靖至寧剖自甘卓哉一死忠可

報

先帝孝可對封君近可昭當時遠可垂奕世琴堂正
氣長存天地間矣諸葛武侯所云鞠躬盡瘁死而
後已文山公所云成仁取義庶幾無愧微公吾誰
與歸成 忝年家曾宰單父是以特為之記
甲申歲仲秋月吉旦
欽賜特用授單縣知縣西蜀成都年家晚生陶爾成
頓首拜撰

盡節錄

祠記

六

忠孝堂

祠扁

節標天壤

祠對

義取仁成直揭丹心對天地
忠完孝盡永垂青史照山河
求忠臣必於孝子三百年來扶正氣
紀鄉賢應屬名宦億萬世後仰清風
蜀資年家晚生陶爾成拜撰

紀言

夫天有日星地有河嶽人有忠孝此三才之所以
並建而不朽也朱公諱廷煥號中白性最孝善屬
文每不得志於有司然有大節不事迂儒介節之
學量寬德厚温克和平內操剛方正直之氣難惑
以非及中年遊泮登崇禎三年庚午鄉薦中甲戌
進士筮仕工部都水司主事築臺有功差杭關司
竹木商民戴之轉營繕司正郎陞廬州府知府時

盡節錄

紀言

七

忠孝堂

值流氛捐金畫守愛民若子頌聲如雷幾半載丁
內艱服闋補大名知府歲饑年歉民不聊生助給
牛種屯田足餉陞順廣道因在大名紳衿請畱兩
院特

題改大名道兵備副使至十七年春三月賊自豫雍
直入河朔懷衛等處偽將傅牌至境公見憤然立
命碎之矢精矢誠與衆力守奈何徒勾引賊衆我
寡城陷被執迨協威降罵不絕口遂被害滿城號

泣白晝昏靈狂風大作天地震憤至五月

弘光卽位建康憫其殉難之臣

詔贈公都察院右都御史發

帑金百五十兩差官造塋

賜祭二壇封三代蔭一子建祠表著時年四十四歲

此公之巔末事也嗚呼權隆韓寇節勵顏張氣壯

雲霄聲垂史冊純忠極孝並之日星河嶽使百世

千秋景仰節烈亦將久而彌芳遠而彌光於公有

畫節錄

紀言

八

忠孝堂

厚慶焉姑畧述之以爲記云

甲申拾壹月朔

賜進士出身吏部郎葉廷秀頓首拜題

兵憲朱公忠烈傳 入單縣誌

大名兵憲朱公者諱廷煥號中白單父人生而剛

方魁梧人爭奇之文學警拔識者知爲異才崇禎

庚午以能經舉於鄉甲戌登進士始授冬官郎繕

治墩陞厥功丕著擢權浙杭澤洽氓庶惠溥商賈

德教大行於庠序一時彬雅之英盡爲桃李且公

性嗜山水每借諸多士載酒攬勝嘯咏於嵐壑蕩

漾間一段慷慨磊落之氣可憚也而寔可親故士

畫節錄

傳

九

忠孝堂

民思之爲立生祠於西湖之渚嗣遷廬州守政多

奇異吏畏民懷不期月而大治繼丁內艱廬之士

民扳轅遮道者繹絡不絕抵家讀禮歲值饑僅桂

符四起公廣施衣食以活衆捐資築鑿以固城雖

盡罄其囊弗計也服闋補吾天雄郡伯治聲益懋

復陞順廣兵憲吾鄉士庶不忍公去乃借寇乞爾

旋收大名兵憲時崇禎之癸未也追甲申季春流

鬪入關直抵畿南河北一帶無堅不破公聞而壯

志益堅丹心愈烈矢天誓日曰吾頭可斷身不可
屈也未幾賊以偽牌至公赫然大怒斬使碎牌遂
遺書以訣封翁曰子身業已許國惟有濺血城頭
以報

朝廷無何而大隊猝至勢若雷霆忽而城陷民潰公
乃具衣冠伏劍北向再拜以立隕其如群寇之擁
執何時偽渠望公才貌甚奇計欲生全之公神色
不改怒罵不絕俄而血染青鋒壯哉公死矣元配

盡節錄

傳

十

忠孝堂

李恭人一聞公信三投縵而求殉卒為家人救解
恭人曰夫死忠獨不令妻死節乎賊亦感動遂促
恭人扶襯以歸嗚呼凜凜綱常一人獨挽堂堂氣
節夫婦並傳尼父云殺身以成仁又曰從容就義
難朱公暨恭人其兩得之余家世居天雄故悉公
之抗節巔末較真且切今余竊祿兗郡以公事跡
單父登公之堂拜公之儀因為公成忠烈傳以誌
不朽若夫褒忠崇烈則自有

朝廷之盛典在余奚贅哉抑奚贅哉

兗州府督理馬政濟軍驛傳鹽法捕務通判署兗
州府事天雄治下晚生錢綸頓首拜撰

盡節錄

傳

上

忠孝堂

紀言

人臣際國家無事勉身立功思效尺寸者蓋比比然也及至變故猝臨而慷慨赴義甘賜饒如節史傳所載每落落晨星死生之故固自古難之矣有人焉取人情所難者而從容致之斯浩然之氣所云塞天地配道義而萬古為烈者也顧世之具斯氣者其人平昔又類皆有篤情至性深植于中非取辨於一時者可能予觀忠烈朱公之生平始末

盡節錄

忠孝堂

忠

忠孝堂

益有以信其不易也公諱廷煥號中白生而狀貌英偉天姿卓絕文章詞賦擅名海內崇禎庚午以能經舉於鄉甲戌登進士第始授冬官郎以繕治城隍有功擢權武林通工惠商遐邇咸翕然懷德而公餘之際惟日以簡閱文字造就人才為樂事間意興至則輕車短棹借二三知己遊詠於湖山名勝間予嘗過杭拜公之祠而見其遺趾所存覺勝事風流至今如昨也嗣遷廬州守撫恤瘡痍朝

久不倦未期月而境內大治等丁內艱廬之士民

板轅而號送者數百里不絕抵家讀禮適本鄉兵荒交至草根本皮無餘至人相食不知怪公罄竭資產生者衣食之死者棺衾之復倡率紳衿捐資築城浚壕嚴修守具而荏苒乘間竊起者知公有備遂因而望風遠去單邑得以安全者皆公之力也公之天性至仁肫篤其見於居官之始與在鄉者有如此服闋補天雄守勤勞益著

盡節錄

忠孝堂

忠

忠孝堂

朝廷懋嘉丕績旋膺兵憲之任時崇禎之癸未也甲申年春值闖寇狂逞畿南河北一帶所過無復堅城偽牌至公赫然發怒碎牌斬使未幾而數十萬之寇蜂擁城下公親冒矢石櫻城捍禦柰孤立無援士卒潰散公知勢不可為乃從容具朝服北向拜三東向拜三以與君親別時寇感公忠義力欲全之公厲詞怒罵不止寇知不可奪乃加刃焉計至元配李恭人誓死投繯緣家人再三哀勸謂立

孤事大恭人死如諸孤何乃勉強視息扶公之視
以歸斯與公可謂兩節並著矣公與予叔父臣忠
承謙公甲戌同籍適予拜

命待罪茲上登公之堂景公之烈低徊慨慕因取公之

生平始末而備紀之使後之修史者褒揚大節激
勵綱常有所據依以勸不朽云

順治十六年歲次己亥小春之吉

知單縣事聞中古甫年家晚生陳履端頓首撰

盡節錄

紀言

內

忠孝堂

大名兵憲忠烈朱公死節紀

嗟乎予何忍爲公紀也公殉難時英風勁節予所
目覩今已四十餘年回憶之儼然如昨淚隨筆下
予何忍爲公紀也公生平行誼載志傳中茲不復
贅獨是公之備兵天雄也予時隨先父任大名今
當崇禎甲申之春流寇自關西直犯畿輔聲勢若
迅霆河北一帶至無堅城公憤然激烈集群僚紳
庶修樓櫓雉堞爲堅守計而人情洶洶全無固志

盡節錄

紀

內

忠孝堂

二月廿六日賊僞牌至公怒命實中軍領親丁斬
使劈牌民心益懼迨三月初六日賊大隊十萬餘
猝臨城下公率衆登陴指揮施炮擊賊俄而西南
城陷賊已斬關直入公甫下城遇西門內親隨星
散公遂被執擁至賊所賊帥奇公才貌令其降曰
吾過河入境卽聞爾與朱推官張知縣爲官廉明
百姓感悅俟燕京平定卽咨送吏政府自是大用
公矐目叱曰我堂堂大明憲臣肯從爾反賊耶賊

見不屈以威懾之曰劈牌斬使是爾實中軍拿來
正法須臾擲寶中軍至塔下公厲聲曰彼雖劈牌
斬使吾實使之於彼何尤賊帥怒既足爾意當一
併正法公曰城陷自當死賊何必怒聲色俱厲眾
擁公遂出賊猶欲生全之意故逡巡公不顧臨難
北向拜猶罵賊曰吾死當爲厲鬼訴上帝盡滅爾
狂賊遂與寶中軍延頸死是日風霾昏慘日色無
光闔城士庶見者聞者莫不飲淚咨嗟賊亦旋悔

盡節錄

紀

卷

忠孝堂

曰此城人心無良吾聞朱兵備有三救大名之功
吾不得不行法爾何無人保救即日令其收殮論
同時官寮致祭柩前賊亦遣僞官致奠又諭留守
賊黨護送家口出城先是公書吏某舞文公察知
責逐之公殉難日擲榆公前肆言曰何不再打我
賊帥知之即日拿獲誅於公前噫賊亦知重公矣
後李闖至真定聞公死爲將軍劉宗敏在大名不
能保全好官誅其黨六人蓋公之忠有以感之也

當是時恭人李氏聞公死誓以身殉自經者三次
皆爲家人救解可謂忠貞出於一門矣公之正氣
若文山忠烈若睢陽而從容就義又若卞壺之持
節殉難也當逆闖狂獠所至披靡無一人一邑敢
撓其鋒者公乃奮不顧身知勢不可爲也而竭力
捍禦見城之已陷也而視死如歸非平昔讀書到
見義真勇克臨難不苟如此公之行誼上不負君
內不辱親直可與日月齊光矣今

盡節錄

紀

卷

忠孝堂

朝廷纂修明史褒崇忠烈公之大節已載史冊太史徐
公旣珥筆爲之立傳而當代名卿或爲傳紀或爲
詩歌旣已表揚足堪千古公次子輯盡節錄而梓
之闕予當時目擊其真造廬詢予予卽不忍紀公
而公當日忠烈情狀恐湮沒不傳又何忍不爲公
紀也遂投淚吮毫而爲之紀

康熙二十九年歲次庚午嘉平月

濟上年家晚生張耀白頓首拜撰

奏疏

原任直隸大名兵備副使殉難朱廷煥胞弟山東
兗州府單縣儒學增廣生員朱廷炳謹

奏為臣兄殉難忠烈堪憐謹遵

新詔據實瀝陳懇祈矜恤以慰忠魂以勵臣節事胞
兄朱廷煥中甲戌進士初授工部都水司主事修
築城臺櫻心勞瘁本部尚書劉遵憲特為
題敘加陞二級隨轉營繕司正郎陞廬州府知府時

盡節錄

奏疏

五

忠孝堂

值流寇攻城捐金畫守保全城池未半載丁母憂
回籍服闋補大名府知府適遇歲歉流離載道施
牛開荒助種補給於十五年十一月初九日
東兵大至圍困七日勵眾匪懈城民安堵如故曾經撫

按

題明卽陞順廣道因在大名紳民沐澤借寇嘗道兩
院特為

題請卽改為大名兵備副使至十六年二月十九日

東兵復來整練兵民堅守以俟知有備遂去有兵科臣

傳振鐸

題請奉

旨察明至十七年三月間賊益熾自秦而晉望風披靡
直入河朔懷衛等處震鄰剝膚衆心風鶴惟兄誓
不與賊俱生重賞勵衆時有偽將劉宗敏自懷慶
傳牌以及大名兄煥一見擊碎偽牌與鄉紳士庶
分守各門防禦嚴肅詎期奸徒勾引賊倏然於初

盡節錄

奏疏

六

忠孝堂

四日蜂擁而至重圍環攻幸矢砲相加自朝至暮
打死逆賊無數奈何賊衆我寡勢難拒敵攻破城
南兄煥被執立逼威降兄志不屈罵不絕口觸賊
之怒鄉縛梃杆卽時忿殺以示碎牌不降之罪闔
家眷屬懸梁投井相繼而死者慘不可言滿城軍
民莫不痛哭

天地鬼神咸為震憤伏讀

監國新諭載有殉難官員許其子弟據實陳情一款

因道路梗塞不能遠陳幸今

聖明監國仁恩翔洽七月十一日恭接

御詔內云忠義殉難者該撫按確察

題請准與贈卹廢謚還與建祠有遠年未沾恩者炤

例一體施行不得需索阻難

天語煌煌幽明畢達切念闖賊猖獗之時望賊而降者

十之八九罵賊而死者臣兄一人其節之烈其死

之慘深為可憫時欲泣訴當道奈該地方撫按乏

盡節錄

奏疏

七

忠孝堂

人久欲赴

闕陳情苦病父年邁兄子孤幼俱難遠涉病誼切同

胞情難自已故衝鋒冒死陟險奔來用具哀忱蓋

以一腔忠烈視死如歸寄埋浮土誠為可憐况殉

難諸臣

卹典均被兄弟其事亦同忠烈更著伏乞

垂慈恩念得蒙

卹典庶昭當代孤臣之節烈以勵萬世臣道之綱維

風化所係非特貞魂一家之私幸也為此具

本親賚謹奉奏以

聞

崇禎拾柒年拾月

日奉

聖旨該部知道

盡節錄

奏疏

六

忠孝堂

南京吏部為謹遵

屢旨補覆殉難忠魂事

一大名道副使朱廷煥炤會臣所請身死封疆例
贈右副都御史廕一子入監讀書等因十月二十
八日具題十一月初一日奉

聖旨奏內殉難諸臣贈廕祭葬俱依擬給

盡節錄

吏部議

附一

忠孝堂

南京禮部右侍郎署尚書事管

為謹遵

屢旨補覆殉難忠魂事該部議得

一大名道副使朱廷煥先碎賊偽牌固守援絕城
陷罵賊死察四品文官應祭一壇今應炤身死封
疆例請

特恩加祭一壇葬贈謚廕俱炤例給死難諸臣琅琅大
節俱無愧易因奉

旨嚴重不敢遽請容發單誌訪補奏仍乞許各臣子孫

盡節錄

禮部議

附二

忠孝堂

自具工價建祠致祭其幽芳隱節臣疏未盡者併
乞

勅下所在官司採緝以聞等因具題十月二十六日本
月二十九日奉

旨這殉難各官忠烈可嘉衛景瑗等五員俱依擬與他
祭葬贈廕建祠謚用正擬徐有聲等依擬分別與
他祭葬贈廕何燮遵前旨免給該衙門知道

南京禮部為謹遵

屢旨補覆殉難忠魂事祠祭清吏司案呈奉本部送准

禮科抄出本部右侍郎管題前事具該司案

呈看得殺身取義人臣之大經卹死勸生

帝王之大德比都之變諸臣慷慨殉節已蒙

皇上允臣請將范景文等二十一人盡與贈謚祭葬乃

猶恐

恩卹或有未遍惓惓以補察遺漏再三申命每一踧讀

盡節錄

禮部咨

附三

忠孝堂

未嘗不感頌

皇上卹忠之仁如此其至也謹將諸臣之奏請子孫之

陳乞已經奉

旨確有實據者臚名上請伏候

聖裁

一大名道副使朱廷煥先碎賊偽牌固守援絕城

陷罵賊死伊弟單縣生員朱廷炳奏請奉

旨該部知道欽此察四品文官應祭一壇今應炤身死

封疆例請

特恩加祭一壇祭贈謚廕俱炤例給死難諸臣現現大

節俱無愧易因奉

旨嚴重不敢遽請容發單謚訪補奏仍乞許各臣子孫

自具工價建祠致祭其幽芳隱節臣疏未盡者併

乞

勅下所在官司採緝以聞等因具題奉

旨這殉難各官忠烈可嘉衛景瑗等五員俱依擬與他

盡節錄

禮部咨

附四

忠孝堂

祭葬贈廕建祠謚用正擬徐有聲等依擬分別與

他祭葬贈廕何變遵前旨免給該衙門知道欽此

欽遵抄出到部送司案呈到部擬合就行為此合

行炤會該布政司察炤本部題奉

屢旨內事理炤依諭祭葬舊例轉行所屬該府縣一

體欽遵施行須至炤會者

右炤會山東等處承宣布政使司准此

崇禎十七年十一月初八日給

南京工部屯田清吏司為懇昭贈官品級改正造
葬事奉 本部號簿內開得本司各項工程匠作
料價工食等項支領銀兩合應考今置文簿一扇
發仰該司收掌如遇一應商匠人等支領銀兩本
司出給印信領狀填註銀兩數目登簿印鈴給與
本人資發節慎庫比對本司衙付相同方准支給
等因奉此今後開應支銀兩相應出給印信領狀
給付本人執赴節慎庫對明白數放給施行須至

盡節錄

工部部

附五

忠孝堂

領狀者

計開

原任大名道副使今殉難節今贈副都

御史朱廷煥造墳安葬料工銀一百五十兩

崇禎十七年十二月十八日給

南京工部為懇昭贈官品級改正造葬事等屯田
清吏司案呈 本部送據原任大名道副使今殉
難節贈副都御史朱廷煥胞弟生員朱廷炳呈
稱切昭身兄殉難恭蒙

聖恩准贈葬業蒙 禮部察昭生前副使職銜給文本
省造墳今復現荷

皇恩浩蕩贈官副都御史察與副使品職不同所有原
領昭會公文理合呈請更換伏乞仁恩俯昭今贈

盡節錄

工部部

附六

忠孝堂

官品批司改正給文造墳安葬等情奉批司昭品
給文奉此遵行聞又奉送據朱廷炳呈稱切昭兄
廷煥殉節奉

旨賜葬今贈前職具控恩墓蒙批昭品給文安致復續
痛兄生前任任賦性清介一塵不染宦囊如洗及
今死後忠愍暴露歸壤無力情實可憐且山東多
屬殘破卽蒙昭會濬司工料給發無期兄樞妥葬
何日泣叩洞鑒苦情俯准本部賜給工料歿存均

感頂戴等情奉批山東止此一位料價准劄給他處不得比例奉此察得原任大名道副使朱廷煥既經吏部題贈都察院副都御史應昭

會典三品半葬例該料價銀一百兩夫匠銀五十兩遵奉批示劄庫給領案呈到部擬合就行為此合劄本官昭劄事理如遇費執該司印領到庫察對銀數相同即便放給施行須至劄付者

計開

盡節錄

工部劄

冊七

忠孝堂

原任大名道副使今殉難死節贈副都御史朱廷煥造墳安葬銀一百五十兩正

右劄付本部管理節慎庫主事姜紹書准此

崇禎十七年十二月十九日都吏王應元

欽差巡視節慎庫工科左給事中李 批准赴庫候發

欽差巡視節慎庫都察院游 批准赴庫候發

南京工科都給事中李

題入旌忠祠據吏部咨送遵奉

俞旨入祠忠臣

一大名道副使今贈右副都御史朱廷煥等昭禮

臣所請身死封疆應入旌忠祠附祀文臣七人

計開

朱廷煥 孟明章 顧 鉉 余至虞
徐 標 彭 瑄 徐有聲

盡節錄

工科咨

冊八

忠孝堂

以上應祀文臣七名該禮部即移咨交到工部營繕司郎中劉沂春速做神牌送入旌忠祠候祭

論祭文 二道

翰林院侍讀學士 臣曹 勳 撰

皇帝制曰臣子有捐糜之義不顧身家朝廷有優卹之仁每崇節烈典章不墜令冊如新咨爾原任大名兵備道副使朱廷煥當逆賊犯順之秋行提孤旅坐鎮嚴城痛一木之難支雖易子析骸而靡濟憤三綱之既毀視穴胸斷脛以如飴手碎偽牌段秀實藉笏擊賊之忱于斯正美身膏兵刃張睢陽奮

盡節錄

論祭文

附九

忠孝堂

髯殉難之壯可謂齊芬用是贈爾為都察院右副都御史與祭二壇以安泉壤之英魂茂鼓封圉之毅氣尚

享

皇帝制曰咨爾原任大名兵備道副使今贈都察院右副都御史朱廷煥命授于危國家之正氣已行以耻誦讀之徽猷嘉爾河嶽之精弼朕股肱之郡艱難多事器久利于盤根磨礪以需願將滅此逆寇

乃孤城當金湯之重猶半壁作玉壘之嚴豈謂蟻屯蜂聚振檐之氣未吹奈何援絕力微奮笏之背

空裂成仁取義墨藏衣帶還香喫血剖心聲挾風雷亦怒嗚呼既糜身而許國胡不百年竟甘蛇以如飴為之一涕顏平原生猶罵賊偉節曙如張睢陽死不忘君芳忠懋矣風流未遠英烈在斯維此寵儀庶幾歆服尚

享

盡節錄

論祭文

附十

忠孝堂

弘光元年正月

日

南京吏部爲謹遵

屢旨補覆殉難忠魂事該本部題驗封清吏司案呈本部送吏科抄出禮部右侍郎兼翰林院侍讀學士會等題前事等因于崇禎十七年十二月初一日奉

聖旨奏內殉難諸臣贈廕俱依擬給欽此欽遵抄部送司案呈到部該本部看得廕子一節奉有俞旨今准太子太保工部尚書何應瑞印結得同鄉原

盡節錄

吏部劄

附十一

忠孝堂

任大名兵備道副使今贈右副都御史朱廷煥嫡長男朱綬年一十六歲山東兗州府單縣人合應承廕既經取具供結前來理合開名具題于本年十二月十八日奉

聖旨朱綬等准送國子監讀書欽此欽遵擬合就行謹將朱綬咨送禮部轉送國子監讀書外爲此劄給本生欽遵收執須至劄付者

右劄給恩生朱綬准此

崇禎十七年十二月二十四日給

盡節錄

吏部劄

附十一

忠孝堂

南京吏部為謹遵

屢旨補覆殉難忠魂事驗封司主事署郎中事荆

題前事奉

俞育今准太子太保工部尚書何應瑞印結得同鄉原
任大名兵備道副使今贈右副都御史朱廷煥嫡
長男朱綬年一十六歲山東兗州府單縣人合應
承廕十二月十五日題覆本月十八日奉
聖旨朱綬等准送國子監讀書該部知道

盡節錄

吏部咨

附十三

忠孝堂

吏部移咨送禮部儀制司吳 又移手本送
國子監印色銀二兩四錢例應准免

南京禮部儀制清吏司為入監事奉

本部送據恩生朱綬 賁 天府引 南禮咨

南戶咨 本省公文到部送司查得本生咨文可

據為此除稟堂外合用手本送去南京國子監將

本生收發肄業施行須至手本者

計開送恩生一名

朱綬山東單縣人 計一名止

弘光元年正月初五日

盡節錄

禮部咨

自記

附十四

忠孝堂

右部議部覆部咨併諭祭文十一道悉甲申冬
日事維時家孟秉家政不肖方九齡不止未知
有此亦未聞有此也迨

與朝纂修明史先大夫碎牌斬使罵賊殉國之節叨蒙

纂修史臣翰林院徐公諱潮採入忠烈傳中有

弘光朝贈右都御史與祭壘不知何所考而云

然不肖草茅下士難向

九闕而叩其由也後不肖刻盡節錄遍搜家乘得葉公

廷秀記言又云弘光朝詔贈都察院右都御史發帑金一百五十兩差官造塋賜祭二壇封三代廕一子建祠致祭又不知何所據而云然更不能啓潤山先生于九原而問其由也今秋偶于敝簡殘篇中檢得一冊細讀之乃先二叔父杼白公在南京手書其赴闕陳狀併部中議覆准賜祭塋贈廕文移始末也敬鐫以附疏稿之後竊思我

盡節錄

自記

附五

忠孝堂

皇上卹忠表幽遠適封墓式廬之盛卽明末殉難諸臣莫不胥叨旌表先大夫卹典當日舉而未行不肯又何敢隱諱而不表彰耶因憶先大夫與文烈劉公理順忠愍許公直蘊石左公懋第生同榜仕同時患同遭死同志三公邀與朝恩卹甚隆先大夫入史傳而外止明名宦鄉賢兩祀焉嗚呼不肯諱劣無能深自愧痛徒哀罔極而已惟子賢子孫有厚望云

告

康熙四十一年壬午冬日不肖仲男纘沐手記

盡節錄

自記

附六

忠孝堂

奏疏

原任直隸大名兵備副使殉難朱廷煥胞弟山東
兗州府單縣儒學增廣生員臣朱廷炳謹

奏為臣兄罵賊殉難忠烈堪憐仰遵

新朝據實瀝陳懇

賜矜恤以慰忠魂以勵臣節事臣兄廷煥中甲戌科進
士初授工部都水司主事以築城功加陞營繕司
郎中陞廬州府知府丁內艱服闋補大名知府以

盡節錄

奏疏

忠孝堂

忠孝堂

救荒奇績未期月陞順廣道因大名紳民沐浴借
寇復改大名道兵備副使至十七年三月闖賊自
秦晉直入河朔傳牌大名臣兄一見擊碎誓與鄉
紳士庶櫻城固守無奈賊勢甚衆孤城無援潰陷
被執多方逼降臣兄痛罵不絕口賊怒綁縛梃杆
即時磔殺同時眷屬慘害難言滿城痛哭

天地震憤伏遇

典朝褒節賞忠仁恩翔洽切念畿南首郡控禦艱難臣

兄獨櫻其鋒至今忠魂寄埋浮土上拋七旬之父

下遺數歲之兒慘苦異常莫不控額俯念事雖異

代勅忠則同周武封少師之墟宋祖贈韓通之秩

史冊傳誦懇祈

皇上垂賜

卹典酌加應得祭塋贈蔭庶昭當代孤臣之烈而風化

攸係非特貞魂一家私幸也臣不勝激切待

命之至為此具本謹具奏

盡節錄

奏疏

忠孝堂

忠孝堂

聞

順治貳年陸月拾壹日具

奏本月拾陸日奉

聖旨該部知道

大名府元城縣大名縣三學生員公呈

呈為旌錄節義特加卹典以慰忠魂以肅臣紀事
竊聞捐軀殉國誼臣之偉伐褒義賞貞與朝之曠
典故湖西赴難魏帝圖龐惠之形睢陽決死唐宗
勒霽雲之碣扶植名教綱紀人倫振古為昭於今
為烈伏見原任大名道朱公廷煥光嶽元精扶輿
正氣孤忠自矢大義炳如初縮銅墨作士愛民如
文翁之化蜀晉秩藩臬詰暴懲奸類寇老之鎮魏

盡節錄

公呈

忠孝堂

泊逆闖悖謬恣狠心以犯上逞豺聲以欺天賊寇
憑陵蹂躪畿南師次大名本道糾集中千先行毀
牌以遏橫潰出戰群校同強入守百雉齊固息意
牽羊羞鄭師之大臨甘心易子鄙宋臣之病告以
有盡之疲卒拒無限之強寇力窮勢蹙城陷被執
誓賊不屈遂遭血刃斷脛抒忠無傳變之秋歎勿
身明憤有周苛之慷慨擬箕尾山河之壯同泣鬼
驚神之烈至今羣顛之耄憶餘韻而隕涕黃吻之

齡望棠蔭而飲淚但精忱未達於

義也懇乞

形庭朽骨抱恨於泉壤非所以風諭臣節祈進人心之
大宗師吊王燭於亡齊之境暗狼暉於荒國之墟代
上褒章俯賜優卹如周武封少師之墟宋祖贈韓
通之秩則人知忠孝戶敦誼節風徽俗美比屋可
封作臣鏡於千秋垂明猷於萬禩矣須至呈者
大名府闔城居民

盡節錄

公呈

忠孝堂

告為公舉節義懇乞申 題以昭公道以愜輿情
事竊惟歲寒而松柏始見國亂而節義乃顯稽古
迄今其理不爽已故大名兵備副使朱廷煥翩翩
甲第挺挺名宿初任郡伯愷澤已布於閭閻繼遷
臬憲賢能益著於畿輔設法守城天雉兩賴生全
多方撫字魏博百賴保障允矣當代之循良誠哉
斯民之父母正宜超擢以需大用不意於本年三
月內禍值寇闖壓境抗節不屈遺孀僞符於中途

舍生取義而辱賊將于宦邸遂致肆市堪悲葉街
可憫然而譚笑就刑不翅視死如歸真乃慷慨拍
軀何媿舍命不渝非等久欲赴

闕表揚叩

關代請無奈草野無能徒膺

君門於萬里幸而咫尺有路恭遇

天臺於一旦此正開揚幽苦之會而抒將積愆之時
者也懇乞

盡節錄

外呈

五

忠孝堂

仁慈老爺鑒彼奇節體茲下情准賜轉申片言重九
賜之榮恩行代請奇格等星辰之麗公道幸甚悚
惶上告

大各府知府蕭公起元批

看得本宦秉性剛烈矢志堅貞思奠乾坤未遂澄
清之志欲扶山河已成殺身之仁臨難不避視死
如歸名不媿於竹史義有光於旂常盡忠一時全
節千秋臣道之極已立聖德之隆宜加伏懇

憲台俯憐赤血仰達

聖明廣普浩蕩之仁鼓勵臣子之節起黃泉於既死嗟
白骨而更生庶茫茫荒土猶留浩氣渺渺忠魂稍
慰泉壤彰幽之典愈光勸善之規益隆矣等情

大名道楊公毓楫批

原任大名道朱偽官之牌可碎偽官之面可唾
孤忠勁節真足以貫天地而矢日月矣其一時之
碧血傳萬禩之青史不辟易古今也耶急宜轉報

盡節錄

外呈

四

忠孝堂

以候

題郵

按院衛公周胤批

朱副使志節凌霜忠誠貫日允宜旌表以慰幽魂

屢奉

旨殉難各官俟平定日彙敘先立案候

題可也繳

撫院王公批

原任朱副使能殺身以成仁仰候平定之日敘報以副

聖典

盡節錄

公呈

莊

忠孝堂

單縣鄉紳陶學公呈

呈為忠烈足風宜祀鄉賢以光俎豆事切鄉賢一祀國家用以淑世維風所關最鉅蓋必實有賢哲之明德始無媿於祝史之陳辭名位無論尊卑年數無論遠近惟憑輿情之公以為崇祀之實若遇難盡節之大名兵備副使朱廷煥者湮鬱忠魂未可久候雖事隔異代而人心難忘是以合詞之專有請也本紳學深誠正檢身如不及已登泆泗

盡節錄

公呈

莊

忠孝堂

之堂而入顏閔之室自中明朝甲戌科二甲進士初授水部繼視杭關出守廬江再守天雄到處政平績懋廉能之頌至今在民即家居無多而善俗特聞孝友倡及閭里使人敦尊親愛弟之實他如捐貲修城袁粥瞻饑施糧施衣施藥施棺以及保嬰瘞骨何莫非義慈之推也婦女兒童咸知積行鄉紳裨國益鄉鄰難多得所望周歷台閭兼善天下豈期秉憲大名忽值闖逆禍亂而畿南首郡適

當其鋒持大義以碎偽牌堅與靈以示死守迫勢窮被執猶罵不絕口凜凜正氣至死不屈卽張睢陽何多讓焉學問正而節義真君臣大綱直以一身持之豈與小忠小效可同日語哉大名府元城縣大名縣三學諸生久具呈直隸兩院詳批候題本紳胞弟朱廷炳曾具疏上

聞奉
青到部某等再暢久邇之論懇鑒久定之公伏祈慨賜

盡節錄

公呈

天

忠孝堂

轉申風勵名教使陳積燦然進祀鄉賢之列同堂俎豆爲之增光實衆心之所大快也爲此合詞公呈須至呈者
單縣里老鄉約百姓人等公舉呈
呈爲盡節前紳芳行可仰懇乞轉申進祀鄉賢以彰風化事切有本縣鄉紳朱廷煥起家忠厚出身潔清孝友著於家庭惠愛遍及閭里筮仕前朝國而忘家乾坤正氣全鍾一人出處大節罔有虧欠

原任大名道兵備副使遇逆闖城抗節不順罵賊殞身已經數載於今緬想本紳生而服官潔已澤民美政多端生已爲名臣死而全節捐生罵賊烈燭不磨死應爲明神况本紳昔處鄉黨人切冬日之親療寡孤獨莫不普沾惠露貴賤貧富心尸意祝日愈久而仰愈深想彼建生祠者碑去思者其中不無要結獨此已死之前紳灰燼烟銷若非明德及人誰弔忠魂寂寞懇乞轉申念輿論之咸

盡節錄

公呈

天

忠孝堂

同表芳踪於既往俯往進積鄉賢祠中使春秋得與祝典雖一縣一時盛事實天下萬世風化所關據實公呈
本縣知縣徐公化民批
查得原任大名兵憲朱公忠孝性成綱常身任居鄉則善俗歷官則善政至於遇難抗節則頓忘身家歷歷有據若此者不止可以風一世而直可以風萬世也紳衿里老合詞公請進祀鄉賢祠中以

見人心之僉同而葵德之難民事開風化有合祀
典急宜轉申以彰盛舉
兗州府知府錢公綸批
原任大名道副使朱忠貞天植孝友性成慷慨
成仁從容就義志未竟於匡時聞之酸鼻學自優
於淑世誦者芬牙允宜轉申有合祀典
提督山東道省學政右叅議鍾公性樸批
大名道朱副使居鄉善俗居官善政至其抗節殉

盡節錄
公呈
忠孝堂

難尤視宛如歸輿論已孚尸祝何忝准擇吉請入
鄉賢祠繳

盡節錄
公呈
忠孝堂

單縣儒學廩增附生員劉士聰石官祿吳鉉等
呈為盡節道臣事實堪紀懇乞轉申具
題以備採纂事切照義士忠臣關百代之風化聞幽稽
往見
與朝之宏謨伏蒙本府轉奉司道檄文查緝紳舉
監士庶之家凡抄有天啟崇禎實錄或有彙集邸
報有野史外傳集記等書速行回報事關
欽件毋得延遲等諸生念本縣距京畿千有餘里草茅

盡節錄
公呈
忠孝堂

疏遠未與朝政傳聞不真安敢臆說所確知者有
崇禎朝大名道兵備副使朱廷煥係本縣人中甲
成進士歷仕潔清秉政尤為峻嚴自期稷臯致君
堯舜豈料闖叛肆毒大名係畿南首郡正衝其鋒
初碎其牌誓守堅陣以拒既而城陷被執義在不
降遂罵不絕口城亡與亡其尚媿此封疆重寄乎
以朱兵憲禦禦奇節矯矯孤忠不啻農天稀宿實
常山睢陽之後所僅見耳夫闡幽表忠用以激勵

臣節是亦王政實錄之一端兵憲胞弟朱廷炳於
順治貳年已具殉難墳末一疏奏

聞奉

旨到部並大名府元城縣大名縣三學生員具有公呈
該道撫按此詳在案又有大名府屬鄉紳魏炤乘
等曾目擊心傷題輓詩文刻鏤成集不特東魯之
郭皇識遙聞作抗節紀事一錄也野史有口齒頰
生芬諸生學本忠義寧無景仰謹具寔述呈狀伏

盡節錄

祈轉申具

題倘蒙採列明史以慰忠魂以勸後效匪淺鮮矣理合

具呈須至呈者

順治捌年陸月 日具

單縣知縣徐公化民批

看得良臣忠臣初無二念至於時勢已窮矢忠盡
節忠臣較良臣其心獨苦若非山嶽不拔之掞星
日爭光之烈鮮有不為威武屈而利害移者若朱

兵憲之捐生馬賊洵難多得矣雖事隔異代芳馨
如新學士大夫之口既不能泯石樓金櫃之喋應
必採收緣係

欽件 卑職不敢怠忽即遍查城野別無天啟崇禎實錄
傳記惟此朱兵憲殉節一事在通學呈詞搜出殉
難疏稿並盡節抗節紀事已刻三冊抄錄大名府
元城縣大名縣三學生員公呈一緝府道撫按批
詳肆宗具文中上伏祈照驗轉申施行

盡節錄

兗州府知府錢公綸批

原任大名道副使朱 心懸日月氣吐風雷殺身
成仁無歎歎回顧之思盡心報國有慷慨赴義之
志允宜採纂以作臣鏡

兗州府單縣儒學廩增附生員單價阮應昌張允登等

呈為明末殉難文臣事 本府帖文奉 布 按二司

劄付奉 禮部送 禮科抄出 內三院恭奉

聖諭明末寇陷都城君殉社稷文武諸臣豈無一二殉君殉難幽忠難泯大節可風着禮部會同部院衙門詳訪確察殉職名併實蹟具奏勿遺勿濫欽此欽遵遵行道縣諸生竊以遇難盡節屬革代之

盡節錄

公呈

呈

忠孝堂

臣忠弔往闕幽乃

興朝之曠典

聖明卽詳於下問公論方得以上

聞明末崇禎朝有甲戌科二甲進士朱廷煥授大名道副使於崇禎十七年三月初六日闖寇圍城勵衆扼守城破被執罵不絕口激怒賊渠遂遭白刃士民收殮行人聞之無不淚下迄今東魯天雉兩墟嘆慕不第郭皇畿當年作抗節紀陶爾成遙聞作

忠烈傳已也此一官者烈比雕陽恫同常山正恐

揚托無自致令忠魂久湮際此行查幽忠大節或

不至於泯沒據實公呈伏乞轉申仰俟

皇恩施行旌前風後所關於綱常節義匪渺小矣理合

公呈須至呈者

順治拾年叁月

日具

盡節錄

公呈

呈

忠孝堂

兗州府單縣儒學爲欽奉

上傳事准 本縣故牒奉 本府帖文遵奉

聖諭明末寇陷城都文武諸臣豈無一二殉君死難幽

忠難民大節可風着禮部會同各衙門堂上官詳

察死難職名實蹟勿遺勿濫欽此欽遵抄部送司

爲此出示曉諭明末死難各官子男弟侄遵照

聖諭即將盡節日期姓名實蹟詳開呈報以憑移覆外

行文各省通行到縣隨准本縣牒送闔學生員呈

盡節錄

牒文

呈

忠孝堂

詞公舉明末大名道官朱廷煥盡節死難又牒送
廷煥子廩膳生員朱綬呈詞詳陳殉難日期職名
等情到學據此查得朱兵憲封疆重臣鎖鑰巖寄
威望久著天雄保障費盡心力值國運將移猶察
凜持正以碎偽牌登壘守陴晝夜不懈因賊勢大
猶孤城無援一旦被執惟有抗節不屈卽白刃加
頸抵死罵不絕口可謂忠矣烈矣公論合一詳確
無疑既經查明宜合牒回緣係

上傳事理 甲戌未敢擅專今將前山牒呈伏乞轉申施
行須至牒呈者

盡節錄

牒文

呈

忠孝堂

山東兗州府單縣儒學廩膳生員朱綬

呈為欽奉

上傳以慰忠魂以勵臣節事切綬父朱廷煥中甲戌進士由工部主事歷陞大名道副使及崇禎拾柒年闖賊西橫蹂躪畿南一時人心惶惶城無堅志偽牌傳至大名綬父一見卽碎其牌大義鼓衆堅陣死守既而賊怒大至圍城環攻力窮勢蹙城陷被執賊將劉宗敏威逼降順綬父罵不絕口遂於三

盡節錄

呈稿

忠孝堂

月初六日殺死於南城桅杆之下以示碎牌不降之罪家口縊溺十僅一坐慄不忍言滿城痛哭大名紳衿士庶憐父報國之苦忠於

順治元年具呈撫按已蒙詳允候

題後綬叔廷炳於順治貳年具有殉難巔末一疏奏

聞奉

旨到部今欽奉

上傳許殉難子弟據實呈報盡節日期職名實蹟

皇仁浩蕩垂念忠節誠九原之枯骨更生而淹滯之孤

魂吐氣伏乞

大宗師俯憐具

題上廣

與朝之仁下罔幽忠之志生生世世啣感曷極須至呈

者

順治拾年貳月拾伍日具呈

禮部蒙

盡節錄

呈稿

忠孝堂

題

大堂郎公丘胡公世安批祠祭司果有疏否說堂具

樞杭德政碑

杭關之權商木坊於成化其端遺司空尚書郎也
則昉自正德之季云先後持使節至者無慮百餘
人獨太守楊止菴與大司馬王帖雲兩公為最著
揚公心真鑑朗興利蠲弊皆務為百世之規而處
脂不潤實惠逮商至今稱之王公當稅瑞方熾之
日力爭利害潛調默護使商虞咸獲高枕才猷膽
決真有過人者是以先後雖多名賢必首推兩公

盡節錄

德政

元

忠孝堂

為不可及單父朱公蓋今之楊王也篤生名邑沐
浴流風故寬平豈弟望而知為淑人君子以名魁
入

對雄文大篇流傳吳越巍如泰山灝如滄溟人人竊
願一當公也既釋褐任冬曹旋奉

命權吾郡雲霓俟驩聲若雷及下車而日月光華風
雨霑潤悉如所擬以故商虞樂甚浮蛟龍之官等
之衽席望蟻尅之使猶邇父母也公勞來安集不

遺餘力厲胥吏之禁弊牙保之愚察游徼之奸寬

程度之則道擔販之征徭新舊緩急之賦急公惠
下一以真實樂易出之凡衣食於關者無不各得
其所欲今夏民殃於疫貧不能具醫藥者強半公
捐俸羨購藥物延十全之醫開局琳宮藥一郡之
不能藥者活人數百千公不止惠商且及民矣郡
中多高才生公以禮延致結社古香各授楮墨每
月親甲乙而次第之壽梓成帖士咸感奮公又不

盡節錄

德政

元

忠孝堂

止惠民更及士矣先是河途梗塞貨舟商木爭道
於一帶水公汰後單之冗濫者請於部部給船帖
永無損增商民以安公又不止惠一時且及久遠
矣西湖山水妙天下亭臺寺觀鱗次櫛比今已半
為荒烟公復建望湖亭壯湖山之觀重葺善利院
崇江海之勝其他古剎名藍無不捐助公又不止
惠士民且及名勝矣元人周公謹嘗輯武林舊事
可以佐正志補稗官久不復存公從斷簡中得之

增補重梓俾吾鄉士民耳目聿新若响嘖神碑見
吾寶四再見人世公又不止加惠湖山且及文獻
矣種種善狀未易殫述瓜期得代將報績於
天子士民以其德政譜也不更為權署生色乎哉公名
廷煥號中白山東單縣人甲戌進士
賜進士第儒林郎左春坊左贊善兼翰林院簡討直
召對記註
起居館編纂六曹章奏

盡節錄

德政

聖

忠孝堂

經筵展書奉
命典試湖廣持
節冊封楚藩年家弟錢受益頓首拜撰
賜進士出身奉直大夫吏部驗封司員外郎前驗封
稽勲考功文選主事通家弟來方煒頓首拜書并
篆
崇禎拾年玖月 口吉旦

武林權關朱公德政碑記
余不佞衡文東臯拜瞻闕里低回不能去遙睇濟
陰窅子賤之琴臺在焉父事兄事培釀深厚人文
舊典代有賢者如郝廣基所謂桂林一枝崑山片
玉良非欺我至今日乃復見諸中白朱公公進士
起家補冬官郎奉
命視武林南權權專理竹木然關使者得兼攝河道
武林數省遍衡生齒百萬南新北米匪今斯今况

盡節錄

德政

聖

忠孝堂

百貨磨至是任是負不能猝達勢不得不假力河
舟以濟利之所在人爭趨之一法立一弊生事事
祈于便民久而不便者蝟蟻矣公下車震公編審
不以其瑣屑細務而委之下吏不以其豪強利藪
而聽之竿牘一切浮冗空名汰而去之舟必有人
人必有次雁行魚貫利普役均雖甚孱弱無獨為
匪民之嘆至於蹂江而河蹂河而墅上下數十里
間設數關以稽往返覈出入亦將為禦暴計耳暴

者反乘之妄立名目巧索金錢筋力摧於長年脂膏飽於飢虎使君渾厚每寘罔公獨嚴爲禁制犯三尺者雖強禦弗赦而遭齟齬者雖矜寡得以自白毋敢假公借私恣谿壑之欲焉凡舟新則必油飾舊則必葺治此舟人之子之事也好事者多蒙請闕君求爲查勘查勘甫行需擾橫出舟利幾何堪此剝削公一切謝絕之聽其自便于是舟人之子事育無缺卽公家之征亦無缺矣城濠淤塞

盡節錄

忠孝堂

一

忠孝堂

食利於中者應任其開濬功公猶以爲厲之也寧損養廉之資爲勞力之食子來不日厥成晏如公真衆人之母哉余不佞雖占籍武林而新安實其業梓邑邑子多商木聞人人頌公恩固已句如椽之筆勒之瑱珉招舟子乘葵懿德亦有同好因余所親徵余文志不朽焉噫經云居家理故治可移於官今公已居官理矣他日朝廷柄用公公治國國治平天下天下平於公何有且

又聞之公退食之暇多進諸子矜譚文講說彬彬郁郁煥然改觀而賦頌無減商貨樂趨端居琴臺不下堂而治夷似奉教於必單父者夫政事修舉又能使文學彰明桂枝崑玉廣基誠賢未能備美余又何以測公之所至也耶有甚盛德必名筆描摹庶幾增重代大匠斲慮傷余指獨是舟人之子縱未獲熊羆是裘而藉公明德永其業長子孫於斯石可泐也名不可湮也弦可更也琴不可廢也

盡節錄

忠孝堂

一

忠孝堂

則後有來者砥此刻文
賜進士第朝議大夫山東布政司使右叅議分守東
充道前奉
勅提督山東學政按察司僉事禮部儀制清吏司員
外郎工部營繕清吏司主事年通家侍弟汪漸磐
頓首拜撰
賜進士第文林郎湖廣道監察御史奉
勅巡按直隸督理長蘆鹽課河道驛傳轄山東河南

開歸彰衛四府徐宿延保四州復

勅巡按廣東兼督清軍鹽法監察御史前中書科中

書迴家侍生葛徵奇頓首拜書并篆

崇禎拾年孟冬日吉立石

盡節錄

德政

置

忠孝堂

武林權關朱公生祠碑記

蓋愚之讀書中秘也暨一二同人盱衡時事往往
顧頰稱難至縮徵輸以佐國用則尤難而賦力於
竭澤之東南則又難夫以商之重困於茲也姑息
行而國病武厲督而商病且而豪右之譁張奸佞
之齟齬恠幻百端而上與下兩窮而交病自非常
事者目習二百年之掌故胸晰億萬姓之情形以
手廓雷霆雨露之作用者詎易辦此則我朱公真

盡節錄

生祠

置

忠孝堂

其人也公以甲榜經濟宏才擢

命視權吾杭屆此罷弊之餘旁觀者不識公於商民

何若以無虞

簡書乃期月而頌聲噴噴矣甫瓜期而膏春雨者悵秋
霜者靡弗謳思而計所以眷永懷者矣夫人情痛
極則呻吟感深則愛戴苟非漸肌洽髓永矢勿諼
抑亦過而不厲耳而公何以得此於浙地哉蓋商
民之言曰關之蠹商也莫行人為甚而厥夫佐之

一當量報惟所置塚遂從而上下其手苟賂若曹商不堪命弗賂若曹商尤不堪命公甫下車首嚴看尺之法木之小大稅之重輕賴若畫一諸宿奸者若麗中天而颯颯宵遁矣凡商采木於山比達武林遠者更歷數郡近亦浸淫數百里而豪有力者從中鈞竒撓抑彼不逞之徒又詎負無已不則質市者陰陽獫狁其間迨已付之長流而瀕伏草竊鈎盜弗戾嗟此刻削刀錐幾何間關誰憫公則

盡節錄

生祠

一

忠孝堂

啟閱精嚴符禁法誅迄無漏網而源源來者不啻赤子之蒙怙恃矣且公之甫受事也正水涸木落之秋持籌難以問諸水濱而按籍弗遑取盈課頰卽諸商之哀籲院臺而稍祈借寇也公且從容慰藉必不以報績故而重累商民苦心拮据不忍言矣河廣江永軸轡相望畱難歲月木壅商貧比乃一切奉公神明而木左舟右迫不畱行矣先是學使者俞前部請始羅商子弟之秀者升之費序公

則權政之餘廣進諸士分題較莠而董翼之間又以朝廷德意諭諸商民而鼓舞効忠者愈聞風而子來矣其他典利遠害錫惠孚威暨久大之規模卻融通之情而益枚舉之不得而領頌之無窮者也夫公以一代大儒試錮小割而邦之士庶已總不及報公借公爲疚卽

聖天子之書最尚賢虛席召公以簡之九列三事問其茂著安攘之畧以膏澤天下者不且大地崇陰賁

盡節錄

生祠

一

忠孝堂

彤史於不朽哉然則天下事豈足以難公而奚翅東南一路福星哉諸商民且進曰甚矣子之言未足休美我公而揚著之也雖然關南之不得長有公也得子之言而關南之未始不長有公也吾儕小人終其永懷是爲記

賜進士第儒林郎左春坊左贊善兼翰林院簡討直召對記註
起居館編纂六曹章奏

經筵展書奉

命典試湖廣持

節冊封楚藩年家弟錢受益頓首拜撰

賜同進士出身翰林院庶吉士

欽假歸省年弟吳太冲頓首拜書并篆

崇禎拾年秋季

吉旦

盡節錄

生祠

說

忠孝堂

權政告成序

今天下稱最重且急者莫先征稅四方多事九邊孔棘大司馬朝夕蒿目而無能應軍需之急也於是

簡書督關使甚嚴而關使者最難其任漁獵於征而商不堪歌舞於塗而賦不足疇其克爾善哉於茲竊有慕於浙之關使朱公也奉

命來浙津控錢塘木蔽江海一關之彈丸地其鄧林

盡節錄

德政

序

忠孝堂

楚澤哉將嚴於法而商旅其困於塗矣或旣於法而狐兔即藪其中矣國家何藉以備軍需焉乃公則曰吾唯奉

簡書以佐國急使征稅不足或足矣而病商其何以

上體

天子惠商足國之旨而乃鑄畫一之規樹抽分之法開通津之路動出塗之權而國賦以充厥心無生掃豺狼之當道引鷗鷺之狎波俾東南賦稅之咽喉

地藉以通國脉答明

旨佐司馬之蒿目焦心者功何鴻烈哉余向持

節過武林竊聞之輒欣慕之不寔茲且權政告成報

命還朝矣余子培德胤爾足走百里許請之曰德胤

與男以邁辱朱夫子植之門牆之末春風時雨大

栽培焉茲以報

命行矣唯大人賜言以重祖帳庶幾報萬一也不佞

曰俞公魯之單人也以邁單之姜君弘通子培也

盡節錄

德政

忠孝堂

余從姜君悉公之素履鴻業大為執鞭之慕及過
武林而飛歌溢頌响窮越水之濱公之善政可知
也唯是入報

天子行將臨軒慰勞燕賜蓼蕭推銓衡左席以居公喜

不啻工師之得大木也從此梅之調閩槐之獨坐

榭楠杞梓悉入王庭桃李不為公門私有公之為

朝廷撐柱石扶宇宙詎一權關之惠商足國足為公

艷偉績乎爾父子走送關游其以余言上之公謂

余為朝家慶厦成爲軍國賀燕喜爲社稷時泰山

業且千秋炳煥不朽若不佞之夙慕姜君之善述

爾父子之大荷栽培榮施亦不朽私言也乎哉

賜進上第中憲大夫福建等處提刑按察司副使兼

布政使司右叅議奉

勅分守漳南道通家弟章自炳頓首拜換

崇禎丁丑歲次孟秋菊月吉旦

盡節錄

德政

忠孝堂

樞杭德政詩序

中白朱使君以冬官尚書郎視樞武林將報竣大司空以副

簡命一時商若士念教思容保之體相與歌袞衣使君

舍浙而東行將入輔我

后浙人思則咏咏則歌猶東人之頌遺愛也蓋單父為

宓子鳴琴之邑父事兄事稱才數使君振藻明廷

都人士讀南宮試牘胥奉為懸藜結綠增重丹青

盡飾錄

詩序

卷

忠孝堂

之價茲司樞吾浙僅試大匠之一班進而棟梁廟
社舟楫大川當不外是何也史稱十歲樹之以木
百歲成之以德吾於惠商中而見其造士若斯皇
皇甄植是務他日建豎必有迥乎人者視事甫期
月而旱魃為虐人恒恐課額不登無以佐司空仰
屋方圖稱厥職之不遑又何暇進多士於庭啟迪
焉埏埴焉日莘莘未有艾也惟我使君以輕歛息
民力之凋敝以清廉培軍國之流泉復於公暇開

香社汲引後學其時門下士執經問業若登闕里
之堂而彬彬濟美雲蒸霞蔚不啻鄧林之冬材今
天下簪笏多故

聖天子方側席全才弘濟時艱昔陶士行綜理竹頭木
屑而卒成勘定之勲詩不云乎維其有之是以似
之使君之謂也夫為政者悅人於始而無以厭其
情則思者易竭其誰為歌詠之不忘今使君惠商
商頌造士士歌其門人輩瞻焉於公之去謂不敏

盡飾錄

詩序

卷

忠孝堂

曰吾師行且北上安得秉憲節司衡於浙人為我
香社主盟乎余笑而應曰以使君之才衡士吾浙
固將絜嫩騰薛二君子諸生何獨為自私計不為
天下計乎以使君造士於浙孰若以使君造命於
天下浙人士亦胥有賴焉於是縉紳與及門馮生
輩各有篇詠授剞劂以識不誼余乃綴數言代九
巽之什

武林通家侍生洪瞻祖題於聽雪山房

權杭德政詩序

武林環山負海據吳越上游少微太末縉州睦婺之區夙稱材藪因材制賦

天子歲遣司空大夫持使節按期供課仔肩匪細今時烽火相望征繕頻興儼僅相仍竭脂繼之以髓固稱權政劇難之日雖欲課毋絀不易得也况欲下病

國不病商及期報政俾士民允懷復起西門漳水之

盡節錄

詩序

重

忠孝堂

歌會稽城鳥之頌乎中白朱使君東魯名賢鵲起魏科奉

命來權甫下車卽殫精筆畫凡可爲寬商計者旦暮勤思務求稱便始安雖銖葦星綴期無縮頰益穰於德稔於謀澹於衷心衡如水晶若冰壺姦獍猾胥素幻景天日異遁霆砮使君懸神鑑照之肯立窮至於疏河流之梗導上下之宜舳艦郵尾尤數十年所無也署中西廡有古梅若蟠虬花時香亘

十里又有芙蓉石嵌空玲瓏如巫山片雲皆宋時大內物使君雅好延攬退食暇進諸士子於此立爲香社分題授簡句櫛字比之四方譽髦聞風景從門墻桃李蒸蒸乎其盛矣茲報政還

朝若商民若多士皇皇攀轅不可得因昉漳水城鳥已事輒歌頌而贊美之識不忘也今時事棘甚作霖作楫蒼生屬望至殷藉使君之才諧建奇標倬若燧之火珠之露可立致焉

盡節錄

詩序

重

忠孝堂

聖天子在御將虛揆席以待治行增輝聲稱彪炳寧歎專美鳩鳩之署哉
丁丑巧夕仁和年家弟錢受益題贈

朱使君德政詩序

夫人在心為志發言為詩詩者所以理情性而施諸上下者也自喜怒哀樂之動乎中而褒譏諷刺之形其口故處豐鳴豫之日為風為雅為頌而不淪於騷惟懷恩戴德之章可與可觀可群而不涉於怨有若使君既多惠愛凡茲覆下忍乏歌謳奉璽書而建節關梁仁民匪徒禦暴通泉布而司衡山澤裕國先及安商考諸古法孟夏則關市無禁清白

盡節錄

詩序

卷

忠孝堂

何嘗遠爾還慕良規歲凶則董枯不稅寬弘便即同然督賦賦辦典利起別蠹蠹祛而具徵才用臨刷不劇遲疑不疑嘗變不變而別有神行獨抱如水之臣心河津鑑照并念沸羨之俗習鑪冶調來從名教之地因多教育之方乃進讀經之人而究經濟之事比比棟材盡入梗枿樞梓之選矣拳拳巨室寧弛山林川澤之搜乎日課月試文章供眼底花簾不異寒瓊雨化雲霏士氣吐胸中講

席何妨吏牘蓋錄使君之道親闕里直從洙泗衍

長流學占琴臺宜向江湖生逸釋言語妙天下尊諸儒誰弗尚之智畧慰時艱漢廷臣無出右者所以縉紳士民工商之感私莫容已而呻吟贊詠倡和之篇什不言奢要之舌本爭腴孰與播芬各於四境口碑載道孰與垂簡冊於千秋閉門佳句不如盍簪擊節之語密也對客閒題不如塗歌里誼之意切也是集也原精菘苑之琢磨益振詞場之

盡節錄

詩序

卷

忠孝堂

瓊璆工符黼黻郁郁文哉被協管絃洋洋盈耳誠堪嗣音乎三百奚肯漫律夫尋常馮生輯成而余為之序豈不曰四詩資卜商之引三都假士安之談余非其在乎倘所謂聞樂而竊拊當不遜前茅而綴言

錢塘通家弟翁鴻業拜題

朱使君德政詩序

天地之道譬北尺盡則抑而還南譬南尺盡則抑而反北明天地之為物命而抑其身影也周禮布位分治制為司空所以安擾邦國奠地守制地貢以為地法而待地政備冬之德焉厥職懋哉
聖祖龍興法周禮而命官浙之有都水使猶洛之有虞衡也倪天地之抑其身影使皆還南爰見通商郵民至意昔漢陳寵任其職去籍通賓客以示無所

盡節錄

詩序

卷

忠孝堂

不容時論大之唐李筠棲任其職凝重端方魁然頁宰相望後世交頌之今中白挺生望國名撥蓋榜其制舉之業以程朱為心印以洪永為法律然其超逸似象山劉摯似忠宣風濤似機雲名理詞章俱擅其勝所刊枕秘雄文嶽起大部洲以外天皇氏以上歷歷在口眼中誰不芬菲送之正襟危坐將之哉且其為人秉姿貞茂器器恢恢論世而為之事權事而為之謀舒之天下而不窺內之尋

常而不塞所謂樂與不改餐豕突不改音誠公輔器也今奉

簡書為

天子使于浙頃值東南力竭之際治既弊之商者如無錡銜鑿策綴而御駢馬此實難矣乃中白一惟易直子諒為慈惠之師春風風人春雨雨人有良法而無鈐誅潔已足

國會呂之開例韶注之引端皆所屏去是以商不困

盡節錄

詩序

卷

忠孝堂

而課不乏稱綬領之治焉更有大焉者立香社而課士取其人可列道德取其言可券忠孝不使吉量爭杜蘅澤馬近麒麟故一時自好之士皆飭於名簡淑於文章為得其正矣而且曰直鑄蒙瓌扶盧修聲時刈時播則人人可才也於是聞風者流見彈而求鴉炙見廣而求成布亦不病募乃知居上者而能無數作人使君子守其俎豆小人承其絃歌璧玉起於身毒之闌山脊之為蒲穗之為穀

千金百金視直於其工金起於荆揚之右滄赤之
爲日白之爲月或和或泰視能於其匠故題之以
寶焉然皆工匠之力也迺中自造就人才如此其
三才之工匠乎浙士何多幸耶水部之例以瓜期
代今中白奏最南尺盡而反北之時也恨余黥鄙
備員楚之武陵雖心切仰止有如蹄涔之望泰岱
一延頸而不可得緣何慳也且以余之鞅掌簿書
拙於撫字繁於征科腸胃盡俗卽對洞庭始波木

盡節錄

詩序

全

忠孝堂

蕙微脫之景皆非幽韵孰若中白怪石官梅公餘
之暇與多士橫經講藝靜言思之幾作天際真人
想矣虎林友人馮德良者醇正博雅士也於中白
爲箭鋒函蓋之合與縉紳士民輩沐膏澤而咏勤
苦者筆之詩歌以誌勿拜馳郵筒徵敘於余因感
椒馨之奏越數千里而驅脛不長豈能咸致然星
列於天而明故人得指之澤被於世者衆故下樂
歌之詩咏雲漢爲章壽豈作人何多讓焉且桃符

題居玉堂入夢其忠於

國勤於政矣滅晦庵玉局哉躋崇階而列華選企予
望之然日被中白嘉德者一旦如乳童之離襁襦
攬清秋而欲絕牽芙蓉於江臯憶帝子於神闕難
爲情矣雖膏雨隨其輪轅秋濤弭其張蓋復何能
甯之於遵渚遵陸耶語曰螿蟪巢皆嚮天一夫
螿蟪巢皆嚮天一者至和之所存爾今被之詩
歌所以鳴和也

盡節錄

詩序

全

忠孝堂

聖三方愆於求治而樂於得人行將令太常氏採風而
譜樂歌必以茲編綴於甘棠漢廣之後
歲在丁丑蓮月門年弟徐灝書於楚之武陵官署

恭祝

大師柱即天卿中翁朱使君老先生華誕序

國有六職工職其一繁重異他職虞氏命九官陶

刑夔樂人稱一任獨水土虞工惟其人復脩其官

益難言之也我

朝稽古以建九宮室城郭樓櫺山林川澤舟車噐仗陶

冶鼓鑄悉董於司空氏而材木之藪津梁之衝歲

從尚書即中擇清勤慈惠才望茂著者分地權其

盡節錄

序

忠孝堂

忠孝堂

賦祇奉

簡命聃諸曹體較崇勞苦筭緝聃諸曹任較劇水溢早

滂豐歉無定數課賦漕餉歲月有定則聃諸曹勝

任又較難恢恢亦遊而行志沛澤載離飛之色增

王事之重者惟我

中白朱使君使君生宓子賤鳴琴之邑餘韻沅風沐浴

有素少治葩經盡得毛萇韓嬰之蘊故有聲二東

掄魁省闈釋褐南宮猶掇之也尋以水部即持節

盡節錄

序

忠孝堂

忠孝堂

權武林武林為睦婺太末諸郡所經扼江而闡材

木蔽江而下者得權之碩虞不出則商病商不通

則課病項者塵寇氣中外交訐用費弗給大司農

自仰屋梁下取盈增羨之令襟肘是掣展摠其難

使君寬和樂易行所無事一切峭刻纖碎之政悉

屏去以是商虞望闢門如家望權使君如豈弟父

毋也使君以羔羊之節砥其躬勞來煦育不遺餘

力且也東胥吏以保護之汰游徼以安集之繩鷹

攫蛟聚之厲吾民者以休養之先是河途梗塞舟

楫不行衣食此者每以為言皆有難色謂實惠未

必及單貧而徒與士紳懟也使君下車未久毅然

復之盡革浚單之詭且胥者列上大司空期未著

為令其定力不撓有如此權事稍暇輒進高才生

揚挖經義娓娓無勦色子衿頌於庠商虞戴於道

汜廬之民歌舞城市咸願使君福祿壽豈時時願

復我也嘉平十有一日為使君攬揆令辰春王近

矣和問之梅將放綬山之桃漸華棍棘之位松喬之齡皆結根於此東皇方以飛景薦觴毋俟諸士民春酒介也余宗雲將司農與使君同籍復問權於杭余籍是獲交使君因得快讀其國門之懸屬余糠粃方媿小鳥拋穢佛頭而馮茂才騏與及門數子感國士之遇者復徵言以爲伯夫升恒之祝諸君子饒爲之何埃余言使君他日受玄圭之錫宅伯禹之揆揖讓

盡節錄

中

一

忠孝堂

天廷載賡喜起余史士也行將借金閨諸彥爲使君蘸筆紀叙歌此共嚙矢矣昔
崇禎丙子嘉平之吉
賜進士第徵仕郎左春坊左贊善兼翰林院簡討直
召對記注
起居館編纂六曹章奏
經筵展書奉
命典試湖廣持節

冊封楚藩年通家侍弟錢受益頓首拜撰

沈鳴新 嚴 沆 江兆行

陸鳴登 俞時篤 嚴 津

王嘉禎 鮑 哲 傅正邦

門下士 張 埔 俞明嘉 徐 芬全頓首祝

柴世壘 畢繼芳 丘 山

葛鴻徵 張 玄 洪秉謙

來龍生 俞之瑞 馮 騏

盡節錄

序

一

忠孝堂

恭賀

大台柱即天卯中翁朱老公祖榮壽初度序

茲歲之嘉平十有一日為吾郡朱老公祖之覽接
辰也公所却守若令諸父母思帥觴禮禮公酒
既具屬不佞修酌者之辭余維郡守古列侯也師
帥守土之壽與凡象異今夫耄耄之老其主伯亞
旅聚嫺戚考鼓鐘伐縱擊研酌兕介眉如是而已
若夫位列專城尊居五馬黃金橫帶而跨諸邑此

盡節錄

序

忠孝堂

其人必仰壽

君親俯壽百姓而後能大一已之壽以為功論是可以

知公壽亦可轉而壽公矣蓋廬陽為

陪畿股肱郡南控荆楚西枕中州東北拱護

三陵誌有之太平稱樂國有事即四戰之地焉週年寇

燹頻仍民多鄙天遊宦者視為畏途即

命下有目矣慮無不婉轉避去遂致宵旰我

皇上無已也而銓曹以公名上

制曰可益公會奉

命監稅武林商賈所輸絲粟毫髮畢入公帑

天子心嘉乃績曾有紀叙之褒故以公典廬郡為得人

云公既膺是郡矣即念此土數遭蹂躪彫敝之衆

征課為艱遂上疏以緩征減賦為請

明旨雖未俞允而公仁壽生民之意已概見於天下矣

自公紫馬南來鳳闕虬嗟作郡恩主澤泛無私油

油滲漉諸如嚴奸猾絕請託戡暴悍禁迫呼修城

盡節錄

序

忠孝堂

郭張錢穀良法笑意難更僕數蓋廬俗性狡詐者

動以官府營三窟揣摩意旨因緣為奸公一嘖一

笑克婉河清吏奉法讀文書而已遠巡無措趾處

冠紳家掣守令肘每有興除如道傍舍非鐵面冰

心者即執法狗耳公凜凜中天自礪人以請謁行

輿臺弗敢通刺惟徒倚庭槐矚暮鳥大息去矣郡

以教苦寇士民懇上臺請制兵爰有一旅乃其衆

晝挺子矜於市不絕如綫邑人士喪氣寒心公繩

以法不少貸子矜賴以獲安猶弱子之依慈母去
虎狼之側而置之懷中云耳一二胥徒捧上檄深
山窮谷夜鮮寧字遂破中人之產不足以盈籛
壑公不輕發一符而卒之令行禁止庭無廢事匹
夫匹婦私語於墻陰卽無非懷德畏威之感矣劇
賊數攻郡賴雉堞累累保無恙頽星霜屢換土石
或崩公登陴自諭闕者補頽者甃敵樓臺之摧折
者屹然門建也廬陽一郡儼乎千里長城人以頌

嘉節錄

字

辛九 忠孝堂

公之功德於不衰云先時守茲土者錢穀之出入
或任至者遊移其間公嚴筭鑰綜會計勤稽察使
蠹賊不得侵乎其內故紅粟朽貫陳陳因之國雖
飢有恃以無恐焉大抵公之處已也廉而不劓其
待物也寬而有制古之不剛不柔保釐東土者殆
與公相近也哉故公蒞政未朞月而善政種種民
游樂郊壽及百姓矣民惟邦本本固邦寧如陵如
岡壽及

君上矣何以錫之路車乘黃諸侯有善讓德於親壽及
二人矣壽其民以壽其

君壽其親公之壽亦不大矣哉蓋鄒魯爲扶輿勝壤其
生才往往多令哲公之生也上應四七之音下符
五百之瑞惟其鍾靈也弗嘗故其救時也亦異仁
爲福本德爲考祥豈虛語乎嘗稽有漢循臣廉范
爲蜀郡守民歌來暮張堪爲漁陽守民頌而咬劉
寬治南陽蒲鞭示辱龔遂治渤海賣劍買牛公其

嘉節錄

字

忠孝堂

兼兩漢諸循良而軼其上歟

天子一旦修神爵五鳳之故事公以治行第一入爲宰
臣詩書所云三壽作朋壽胥與試吾已若吾身親
見之矣余雖偃仰林泉猶得借手我公效天保定
爾之祝是爲序

崇禎十一年歲次戊寅季冬吉旦

賜進士出身正議大夫兵部右侍郎前巡撫河南等處
都察院右副都御史通家治生吳光義頓首拜撰

屬下吏無爲州知州林愈隆

六安州知州饒 璿

合淝縣知縣侯 佐

舒城縣知縣高 榜

廬江縣知縣耿廷籙

巢 縣知縣寧承勳

英山縣知縣高在嵩

霍山縣知縣鄧繼球全頓首祝

忠孝堂

字

忠

忠孝堂

前誥封中憲大夫大名道副使中白朱公暨元配恭人

李氏合塋墓誌銘

賜進士出身中大夫翰林院提督四譯館太常司少卿

加一級前太常寺少卿吏戶兵三科都給事中侍

經筵湖廣主考武會試同考禮科左給事中刑科右給

事中禮科給事中翰林院庶吉士濟南眷年姪孫

光祀頓首拜撰文

賜進士出身中大夫通政使司左通政加一級前通政

盡節錄

忠

忠

忠孝堂

使司右通政太常寺少卿翰林院提督四譯館太

常寺少卿禮科都給事中刑科左右給事中吏科

給事中戊戌同考侍

經筵耶擢年家眷侍生任克溥頓首拜篆蓋

賜進士出身中憲大夫內陞以正四品頂帶食俸仍畱

管河南道監察御史侍

經筵前掌河南道事湖廣道監察御史加二級巡視兩

浙鹽課掌陝西浙江兩道巡按山西巡視西北兩

城刑部湖廣清吏司郎中加一級山西清吏司員外郎廣東清吏司主事浙江金華府推官充辛卯科鄉試同考官卓異

賜表武定年家眷待生李之芳頓首拜書丹

賜進士出身中憲大夫太常寺少卿前吏部考功司郎中壬午山西正主考蘭陽年眷弟梁羽明頓首拜行狀

夫天地貞剛之氣聚而為正人在盛世則為帝師

盡節錄

誌銘

忠孝堂

皇佐之勲在末季則為高行方軌之士當興朝則為佐命開基之彥當亂世則為伏節殉難之臣雖際會相懸取舍斯異要以名義所係今古同歸不可以常變為榮悴亦不可以生死為壽殀也單父朱公與先君子同舉於鄉時光祀年方及髫髻拜公客邸間隨父過從讌集側聆公言論甚悉見其舉止恪慎非禮弗履恂恂乎篤行君子也後公成進士歷官憲副備兵天雄值闖逆之變焉賊炮孤忠

義烈表著天壤先君子嘗為光祀言或至泣下唏噓不能已云迨辛卯後始交公胤方來昆弟知公喪抵里家門之事賴恭人李母持茶拮据訓諸子於有成迄於今若而年恭人以疾卒於家諸子將擇吉襄事附公窀穸又念昔卜塋時兵燹載路弗遑謀誌幽之石用有恫於厥心方來乃匍匐千里以公及恭人狀授光祀曰維兩先人生平不忍湮沒子其為之銘光祀不敏曷能以文為公及恭人

盡節錄

誌銘

高

忠孝堂

重然自幼視公為父執而年來與令子游頗耳母教則是公及恭人之懿行芳躅亦既見而聞之矣其又曷敢辭按狀公先世為晉之洪洞人明洪武初遷單父世有隱德洎高祖堂生試文試文生衣衣生王佐是為公父邑增生勵學有行誼舉賢良方正不仕配崔氏舉子三人長即公也諱廷煥字中白生而端慈有異稟恪遵庭訓讀述馬足為文日益進理學周霖禪先生見其制義期以大成然

小試初不利至天啟丙寅以片畧五莠受知督學
項公夢原始補弟子員旋見知督學李公喬領備
崇禎庚午薦省試第七人甲戌擢第授水部郎以築城
功賜封父母如秩等命權杭釐剔多善政商賈便
之立西湖香社興起文教凡所識拔士科名項背
相望又捐俸建名勝修遺書杭人立祠湖上惠愛
口碑一編至今傳之旋陟廬守時郡已殘破聞之
者足縮縮不敢前公受命毅然任之無難色遂疏

盡節錄

誌第

忠孝堂

請緩征撫民值廬解軍器部駁不知式令更造因
併請改折從之省費十五六抵任築城濬隍抑強
恤弱期月郡境大安會崔太恭人卒訃至歸里哀
毀幾於滅性廬人悲號送之數百里始去單方荒
饑兼疫癘爲虐死喪徧野盜蜂起攻城公罄資倡
邑人防守城得以全又施粥施糧施藥餌衣棺單
之人所以獲賙恤而安百堵者公之力居多焉服
闋補守大名其砥搥力政一如治廬時教養典釐

聲績益懋亡何以備荒功陞順廣副使士民請
得允仍爲大名副使覃恩封中憲大夫踰歲闖寇
自關西抵畿輔河朔無堅城公以死自誓報父書
云際此危難惟濺血城頭以報朝廷罔極未報目
難瞑耳貽弟書云受國恩甚深雖死鋒鏑有餘榮
寇使至斬之碎其牌畫夜督守弗懈比大隊至軍
民駭散城陷猶督衆巷戰力屈被執賊逼降罵不
絕口遂遇害士大夫做私謚法謚曰忠烈單令陶

盡節錄

誌第

忠孝堂

公爾成撰忠烈祠記陳公履端撰忠烈紀言天雄
錢公綸作雙節傳郭公皇畿鐫抗節紀事滑相
魏公炤乘蒲張公弘道鐫盡節錄大宗伯王公鐸
序其端順治二年公弟廷炳赴
關陳公殉節狀奉
旨該部知道詳載邑乘辛卯邑人舉鄉賢從祀學宮天
雄父老請祠名宦其德在人心久而不忘若此家
居時常書座右云立身行己但求無愧於心何必

說仙說佛居家履官苟能有對於天便可稱聖稱賢守大名時題齋云習勤朝運覽省過夜焚香公之志見乎辭矣公平日孝友性成制行醇謹取予然諾有節無聲色之好其居官也兢兢以愛民勤職爲務似不離乎循尺幅勵官守之所爲而及其致危受命泰山崩於前而色不變白刃交於頸而志不懾以身殉國從容就義一何壯哉光祀觀古來節義之士使其遭遇盛時皆能建非常勒鐘鼎

盡節錄

忠孝堂

忠孝堂

忠孝堂

而其生不辰時當禍亂誠見夫名義至重一身爲輕與千古爭氣節自不屑與一時爭存亡所以爲良臣易爲忠臣難也配李氏邑處士元醇女性仁孝嫻內則歸公婉敬有德容事翁嫜處娣姒內外無間言惟布捺作風雨無倦公力學伊吾恭人以機杼佐之聲相和也封公以所居僑監食指日繁命析箸恭人謂公曰君已食餼無虞歲曷以薄產貽兩弟悅二親乎公從之先封安人再封恭人翟

冠象服拜命一御而已隨官武林嘗語公曰檢可養廉勤則事治公是其言在天雄魁急卽以大義贊公及城陷公殉難恭人投繯絕粒家人環救得解曰若是則誰撫諸孤乃扶柩歸爲公畢塋局戶哀瘠斬衰六年布衣蔬食終身不御綺繡太翁卒舍殮塋祭如禮又推太恭人心於公妹王外家崔以時餽問曰此先姑之所愛也內外孫姪輩相見士則勉之嚮學農則教之治生持家棟四十餘年

盡節錄

忠孝堂

忠孝堂

忠孝堂

尺布斗粟母妾費至孤獨凍餒者則委曲周恤惟恐不及已亥年飢輸粟數百斛爲賑鄉人頌德督諸子勤而有法過則予杖今方來昆弟文譽翔起諸孫復森森秀立行將馳驅天路以亢厥宗恭人之教也今春仲微疾暮春朔忽語長公曰夜夢爾父祖祖母及爾外祖外祖母殆不起乎遂寢疾延醫弗效雖爾時神色不亂親疎遠近皆遣以言又誠諸子曰勿過慟聞同榜張君哭母以隕是當

為戒月聯言動如常類問天何許時遂嘆大抵公與恭人誼則相莊義則相成取古人處常處變之道而出之以至當非公不能捐軀以全節非恭人不能訓子以善後公之死恭人之考終命兼得之矣公生於萬曆辛丑十二月十一日卒於明崇禎甲申三月初六日享年四十有四以本年四月十四日葬城北五里之新阡恭人生於萬曆庚子十月初五日卒於

盡節錄

誌銘

五九

忠孝堂

皇清康熙辛亥三月三十日享年七十有二今卜壬子歲三月清明日啟公兆塋焉子男三人長綏卽方來原貢生娶庠生徐諱民治女次縑恩貢生娶庠生黃諱萬里女繼庠生郭諱塏女季紹庠生奉祀娶鴻臚寺少卿劉諱瑞圖女女二人長適貢生張諱元徵子庠生法程早卒次適觀城縣教諭劉諱士聰子庠生國銓孫八人綏出者三長伯琛郡庠生娶保德州知州徐諱鳴珮女次叔琪郡庠生聘

庠生姜諱礪女次季琬幼未聘縑出者一之璉幼未聘紹出者四長之瑜太學生娶庠生朱諱璉女次之琦郡庠生聘曹縣拔貢生高諱曠女之璉之琰幼未聘孫女十人綏出者八長適庠生張諱天惠子廩生繼程早卒次適曹縣丙戌進士福寧道高諱鵬南孫庠生其枋三適曲阜縣聖裔壬戌進士吏科都給事中孔諱開詩孫尚恪四適曹縣中書袁諱本澄子貢生嘉樞五字貢生姜諱豹子掄

盡節錄

誌銘

忠孝堂

英六字壬辰進士王諱奪標子潢七八俱幼未字縑出者二長字廩生張諱克昌子楣次字庠生吳諱蘭子昌祚爰系之銘
銘曰扶輿間氣挺茲偉人志存匡濟功在生民時丁禍亂克艱厥臣誓死捐軀以告蒼旻孤貞卓立大節嶙峋舍生取義有勇全仁名在天壤千古猶新德配相成徽美維均儉勤佐政篤於天倫撫孤昌後蘭桂彬彬崇丘鬱蔥山峙水滌於萬斯年咏

此貞珉

盡節錄

志銘

全

忠孝堂

明中憲大夫大名道副使忠烈朱公暨元配李恭人墓表

故大名道副使忠烈朱公以明崇禎甲申三月六日李賊之難守城殉事越二十八年康熙辛亥其元配李恭人以疾卒於家長子貢生綬哀瘠徒跣走二千里乞予表其墓以予與公有齊年之誼且廬人也公昔守廬州治平稱第一惟予知公最深不敢以不文辭按公諱廷煥字中白宛之單縣人

盡節錄

墓表

全

忠孝堂

少讀書即忠孝自命制舉業根據理要同邑名儒周霖楫先生以名世相期天啟丙寅片晷五莖受知督學項公夢原入庠己巳督學李公喬錄科領檄崇禎庚午以葩經魁東省甲戌釋褐授工部主事有築城功得賜封父母如秩旋權稅武林釐剔著聲立社西湖造就文士經義手爲月巨士咸興起旣去杭人俎豆於講習之地辨香口碑不輟也陞廬州府知府時鳳陽新被賊剽江北一帶村舍皆墟

頰毫英霍山谷之間逆氛飄熾廬爲金陵門戶虎視眈眈如累卵不可且久支公聞命毅然驅車履任修築城堡鼓勵士民繕疏以緩征速撫爲請廬軍器解部駁不中程疏請改折省費十之五六期月之間固圍咸有固志境內以安適崔太恭人訃至哀毀幾殞其生去廬之日扳卧靡從號泣送者數百里不絕單際旱疫人相食群盜蜂起公讀禮之餘綢繆桑梓防禦備至復多方施賑以善其後

盡節錄

卷表

忠

忠孝堂

地方賴以輯寧服闋補大名府知府撫卹黔黎申嚴保障一如治廬時以備荒功擢順廣憲副緣地方保留得允改任大名副使覃恩封中憲大夫崇禎十七年甲申逆闖猖獗河朔無堅城公橫槊誓師與城存亡報父書云際此危難惟濺血城頭以報朝廷罔極未報目難瞑耳再貽弟云受國恩甚深雖鉅鋒鏑有餘榮迫寇使僞牌至立斬碎之倡導順逆大義晝夜堅守有死無二尋大隊至兵民

駭散城陷公猶督率巷戰力屈被執罵賊不絕口遂從容就義距京師陷先十三日耳士大夫倣古私謚法謚曰忠烈天雄錢公綸作雙節傳謂公與雍丘劉文烈也單令陶公爾成有忠烈祠記一時撰著之家多所紀述鄉賢名宦俱崇祀焉順治乙酉公弟廷炳赴

闕陳殉節狀奉

旨下部元配李氏初封安人再封恭人仁孝勤儉準於

盡節錄

卷表

忠

忠孝堂

內則奉尊孀處娣姒人無間言公昆弟三人當太公命析箸恭人謂公曰君已食餼無虞歲益以薄產貽兩弟悅二親乎及公薦賢書捷南宮筮仕服官所在嘉猷懋著恭人匡贊實多後隨天雄署值潰亂每以大義贊公公盡節恭人卽投環殉公家人環救曰諸孤宗祀所係今若此如諸孤何乃扶柩歸塋斬衰六年布蔬不易其素比太翁卒含殮祭塋如禮不啻忠烈公身之也又能推太恭人愛

及於公妹王外家崔四十年執家政無妄費至孤獨疾苦者周卹有加己亥年飢出粟助賑義糶減價全活衆多里人感德不置云憶予以甲戌附公譜未見公仁恕正直行事慎密有條理觸義激發勃不可遏知能擔當國事人也公知吾郡予適待罪斬水兩地皆賊烽充斥予旣日夜率甲士枕戈登陴竊念公必能竭力守吾廬倘事會不可知吾兩人惟從張許遊耳旣幸無恙方各慶生還豈意

盡節錄

墓表

五

忠孝堂

遭時不造公卒以身殉大名獨烈烈以死也公盡節之日予方用言事忤當軸繫貫城後亦瀕死者數今洪湏餘生有愧於公多矣昔唐立宗聞河北亂嘆二十四郡無一忠臣旣顏真卿使至喜曰吾不識真卿何如人所爲乃如此然則人至所願願得於臣子而識其人者莫重如此也機會一隙可圖則鞠躬盡瘁不敢委之天命迨時去事移惟有捐軀罵賊以答知遇爾已使公不死於大名則亦

必爲真鄉忠烈心事異世同符也微獨公卽恭人之諧識大義亦高出於巾幗兒女子數等矣嗚呼忠孝者天地之元氣而末流之砥柱也公生爲廉吏歿爲名臣三代直道存於里巷是非之口號曰忠烈詎不炳炳千禩與竹帛爭光哉予故因長君之請特表而出之以告天下後世之守土者至世系姻婭生卒歲月之詳別具孫少鄉誌中光祿大夫禮部尚書加一級侍

盡節錄

墓表

六

忠孝堂

經筵庚戌會試正至考前兵刑二部尚書都察院兩掌院事左都御史乙未甲辰庚戌充文武殿試讀卷官戶刑二部左右侍郎翰林院提督四譯館太常寺少卿吏禮兵科都右給事中同甲戌榜進士出身合肥舊治年弟龔鼎莘頓首拜撰

重建鄉賢祠記

單邑之有鄉賢祠蓋昉於遷城建學之始在故明嘉靖初紀云甫百餘年而鞠為茂草每遇春秋兩祀執事者結廬成禮畢則移木主於別室焉相衍非一日矣先是崇禎癸未先君子秉憲天雄明年甲申遇闖逆之變抗節殉國越十三日為三月十九懷宗皇帝殉社稷嗚呼滄桑變易君親罹難尚忍言哉時余方九齡茫昧無知未克相從逮

盡節錄

記

卷七

忠孝堂

與朝定鼎修明禮教迨褒殉難諸臣順治八年辛卯邑

紳衿父老不忘先君子碎牌斬使罵賊殉國之節請於儀部從祀廟庭維時家伯氏就舊基而創建一室以棲諸賢木主越三十年庚申為風雨所圯余復修之後十一年己巳邑人念先大父誥封公守城恤鄰之事亦請於部允入祀典自庚申迄今又十八年矣恐久而復圯非所以妥神靈嚴對越也余小子仰先賢之典型叨祖父之餘澤勉力冀

建易甃以甃蓋以兩楹翼以牆垣護以神龕增供案一鑄香爐一聯扁帳幔併祭器之屬俱備計用甃一萬七千有奇瓦一萬有奇木料人工不與焉初始於二月戊子落成於閏三月丙午事竣敬記歲月以示我後人俾賢子孫繼述勿替云爾至若諸先賢之勲名遺蹟與余先人之事業文章或載邑乘或列國史余小子又何容贅

肯

盡節錄

記

卷八

忠孝堂

康熙三十六年歲在丁丑中秋上浣之吉

忠烈朱公次男邑廩准貢生朱縵沐手謹記

重修鄉賢祠記

閱縣誌鄉賢有祠無記傳云鄉先生歿而可祭于社者則立祠以祀泰之祭法蓋所稱法施于民以勞定國與夫捍大災禦大患者也而以死勤王事則尤祀之此其創祠所自始乎吾邑歷朝來崇祀鄉賢者七人或經文緯武匡定社稷或純心質行不欺暗室又或績著循良民歌召杜至今相與傳聞固所稱有光廟庭表表可記者也若夫忠烈朱

盡節錄

記

允

忠孝堂

公之祀鄉賢也獨能以身殉國大折逆閭之敵而動敷天同仇之心當是時遂有洞識天命戮力同心一舉而逆賊授首用報君父之仇以佐我

大清萬世昇平之業者審是則公之忠勇義烈激發鼓舞豈不有光前七賢哉卽擬之張睢陽輩堅守孤城罵賊盡節用杜安史猖獗之衝以成郭李廓清之功又曷多讓焉於戲忠烈公碎牌殉難于天雉誥封翁捐資守城于單父父子繼美後先輝映入

廟享祀血食百代所宜然耳但茲祠也嚙昔傾頹

成墟群主皆露處今則廟貌重新駁奔而肅祀繁誰之力哉公家嗣方來創修于前仲嗣武林重建于後且易甃而磚示久遠也度地而垣便陳設也神案祭器備具肅對越潔潔盛也以衆家之廟祠而武林一身獨建之是烏可以不記而武林固辭僉曰前此鐫盡節錄刻忠烈公遺書修神道碑棧種種孝思悉獨爲之此武林家事耳可以不記茲

盡節錄

記

允

忠孝堂

者一人而修衆家之廟祠爲我諸人倡我諸人能率是意而歲修焉則塗茨丹雘輪奐重光廟貌百世猶新矣豈復有傾圮之慮哉是烏可以不記乃爲之記昔

大清康熙三十七年歲次戊寅四月吉旦
邑後學甲子科舉人黃 垓撰文併書
鄉賢後裔徐 楠 張所基 張運典
張 傑 徐 階 秦廷焯

張子貺	徐題	張日焜
郝斯功	徐鉅	徐映震
郝嶽	張方騰	秦廷煌
徐遠	徐顯	徐映霖
秦漢	張方興	
同邑親友	王芳標	劉國銓
張法程	張克遠	劉光泗
		未能成全立

跋



盡節錄邑朱子武林述其
先公忠烈先生之大節而傳
之者也以余小子與雋校之役

既成書將附一言冊末顧其
所錄其表明先生終如信
矣故不論之未及者濞上葉
潤山海內所謂君子也與先生

同方友善聞先生難哭三日
不食設主為詩以吊之既而
曰予生平不識黃石喬面能
識朱大名心一救之生一哭之

盡節錄

忠孝堂

死兩人皆往矣吾獨安歸
悲夫信斯言也其視先生之
死也抑何重歟吾聞潤山為
人慷慨稜直當世鮮當意

者先生溫栗典雅煦一常
下人氣官侶不相侔而相知
心其卒也死難者乃在先生
哭先生者乃在潤山此非世俗

盡節錄

跋

忠孝堂

所能料也明之也與難者不
勝書茲當賊在畿南時所
過無完城先生獨以正命
為倪范諸公用其先可謂

表之震天壤矣今觀錄中
所載詩文大抵皆我
朝人士事久論定之詞與先
生同時者寥寥恒不多有由

盡節錄

四

忠孝堂

是觀之成仁取義不獨為
者難知者亦大不易傳曰
同明相照同氣相求相得而
益彰也嗚呼非能救石齋

者烏能哭先生哉且自甲
申以來閱四十餘年天下
無問黃髮稚子咸稱石齋
語先生名或未遍知惜不能

盡節錄

五

忠孝堂

起潤山於九原負其所以同
也北人雅不好名學者拘於
見聞棋觸此諱此無足怪
今先生入明史為列傳矣百

世後有讀史慕先生者必
考信於是錄焉斯得以折
衷矣

康熙丁卯春穀雨後學罷

盡節錄

跋

忠孝堂

蒼野郭鴻嘉沐手拜書



跋言

夫殉生亦大矣自朝聞夕死著於
彝論而釋氏了生死之說遂相符
合云故有不可以生而生者而生
不明則有可以死而死而死者而死未
死也慟哉余兄之分巡大名也時
闖寇孔棘四方多不守余兄殫盡

盡節錄

跋言

忠孝堂

心力櫻城捍禦視死如歸寄家君
書云男兩守天雄際茲危難惟有
濺血城頭以報

朝廷又與余書云深受

國恩必力守封疆雖死鋒鏑亦有榮
施於戲余兄之死不殉於殉身之
日而已殉於守城之時矣及賊至

無外援城陷被執賊壯兄之貌義
兄之名欲全之兄大罵不絕口遂
遇害面目如生殆所謂生死了然
於中賊欲生之而固不能余兄欲
死之而即可也此成仁取義與夫
子朝聞夕死之說又何憾焉幸四
方

嘉節錄

忠孝堂

二

忠孝堂

先生不惜齒芬輓以詩文予故洒淚
濡毫聊附數語於後嗚呼心傷不
能多及

甲申初冬胞弟廷炳識於金陵邸
次



原刻乞言小引

痛憶

先忠烈殉難大名時乃甲申歲之春三月不孝蘇甫

十有五齡先以應試歸里未獲相從地下終天永

恨五內崩摧然猶得事

先大父時聞庭訓不意戊子歲我輩罪逆深重禍延

於祖所謂無父何怙者併祖亦不可得而事矣老

母幼弟榮煥相依自顧薄劣亦安所藉為顯揚者

盡節錄

小引

忠孝堂

禮云祖父有善而不知不明也知而弗傳不仁也
爰檢於笥得盡節錄一冊係當日之

學士大夫憫

先忠烈之苦節目擊心傷所贈詩文出其原本未敢

一字粉飾因思俯憐靖節遐爾應有同心曲繪殉

身筆墨皆成信史伏望

大人君子鴻章綺藻惠辱片言俾後鑄梨世守用光家

蔡庶精

名公長者之靈永傳不朽而不孝之銘哉

鴻恩宰特卑佾淺滄耶泣血頓求齋心踴禱

昔

順治七年春三月清明日原任大名道副使殉難

朱諱○○男儒學廩膳生員朱紱泣血拜懇




盡節錄

小引

忠孝堂

刻盡節錄紀言



先大夫抗節天雄

不肖繼

方九齡蒞

昧無知未克相從蒙

先恭人慈訓家伯氏教益遊泮食餼

廿餘年間六入棘闈祈博一第以

揚先烈不幸辛亥春

先恭人見背運拙時乖寔命不猶壬

盡節錄

紀言

忠孝堂

子而後多事傷心瘋憂莫告甲寅

以來炊臼屢夢悲悼相仍因而日

益放廢恐負荷之弗克致恫怨於

先靈且頻年老屋薄田兢兢拙守

卽勉力應酬之際亦未嘗不慮先

烈未彰而刻刻自慟也恭逢

盛朝纂修明史

先忠烈碎牌斬使罵賊殉國之事叨

蒙

珥筆採入嗚呼

先忠烈之盡節遠可與張許並傳千

古近可同倪范共垂不朽矣一時

薦紳先生交遊長者念舊烈之重光

慶史冊之新傳或贈長篇或賜短

盡節錄

紀言

忠孝堂

律雖卷幘足以光家乘必登梨方

可共海內敬輯昔日挽章傳記以

及疏呈序銘之文共鐫成書非敢

曰表揚先烈也亦將以

先忠烈之苦節告之天下後世而已

至若謚廕祭贈大為表彰

不肖繚

竊於賢子孫有厚望焉事竣稽首

紀之簡末

肯

康熙二十六年歲次丁卯三月

仲男纁沐手識於澹寧



維揚祁雲岫鐫

盡節錄

紀言

忠孝堂

〔清〕蘇宗經輯

坊表錄十六卷

清光緒十六年家刻本

光緒十六年刊

鬱林蘇文菴輯

坊表錄

本宅藏板

坊表錄序

天下之類書多矣非以之佐詞章卽以供談笑其甚者則
淫詞小說足以敗風俗而蕩人心求其平正順理使人易
從者罕矣易曰多識前言往行以蓄德書曰學於古訓乃
有獲吾人自倫常之外以至於日用周旋古人皆有言行
可爲師法學者能存於心則於行事處世之際憑古人之
成迹作今日之施爲雖不能事事印合而胸有所據覺對
古人而無愧卽對今人而無慚豈不勝於庸碌者之憤憤
東西罔向乎余少好學而有竊慕古人之心凡所讀之書
覺有可學而至者因分類記述以爲時常披覽略開鄙者
坊表錄 序 一

文庵氏撰

坊表錄卷之一

鬱林蘇宗經文庵氏輯

君臣類

汲黯以嚴見憚武帝嘗坐武帳中黯前奏事上不冠望見
黯避帷中使人可其奏 漢書

霍光輔昭帝政自己出桑宏羊等忌之與燕王旦通謀詐
令人爲燕王上書言光多不法又擅調益莫府校尉臣旦
願歸符璽入宿衛察姦臣變伺光出沐日奏之上官桀欲
從中下其事宏羊當與諸大臣共執退光書奏帝不肯下
明旦光聞之止畫室中不入上問大將軍安在左將軍桀

君臣類 卷一 一

對曰以燕王告其罪故不敢入有詔召大將軍光入免冠
頓首謝上曰將軍冠朕知是書詐也將軍無罪光曰陛下
何以知之上一曰將軍之廣明都郎屬耳調校尉以來未能
十日燕王何以得知之且將軍爲非不須校尉是時帝年
十四尚書左右皆驚而上書者果亡捕之甚急桀等懼白
上事小不足遂上不聽後桀黨與有譖光者上輒怒曰大
將軍忠臣先帝所屬以輔朕身敢有毀者坐之 漢書

金日磾忠信於武帝出則驂乘入侍左右初馬何羅與江
充相善及充敗衛太子何羅弟通因誅太子時力戰得封
後上知太子冤乃夷滅江充宗族黨與何羅兄弟懼及遂

謀爲逆日禪視其志意有非常心疑之陰獨察其動靜與俱上下何羅亦覺日禪意以故久不得發是時上行幸林光宮日禪小疾卧廬何羅與通及小弟安成矯制夜出共殺使者發兵明旦上未起何羅從外入日禪登廁心動立入坐戶下須臾何羅袖白刃從東廂上見日禪色變走趨卧內欲入行觸寶瑟僵日禪得抱何羅因傳曰馬何羅反上驚起左右拔刃欲格之上恐并中日禪止勿格日禪掉胡投何羅殿下得禽縛之窮治皆伏辜由是著忠孝節日禪自在左右目不忤視者數十年賜出官女不敢近上欲納其女後宮不肯其篤慎如此

漢書

君臣類

卷一

二

朱雲字子游魯人也事蕭望之受論語好倜儻大節當世高之時丞相安昌侯張禹以帝師位特進甚尊重雲上書求見公卿在前雲曰今朝廷大臣上不能匡主下亡以益民皆尸位素餐孔子所謂鄙夫不可與事君苟患失之無所不至者也臣願賜尙方斬馬劍斷佞臣一人以厲其餘上問誰也對曰安昌侯張禹上大怒曰小臣居下訕上廷辱師傅罪死不赦御史將雲下雲攀殿檻檻折雲呼曰臣得下從龍逢比干遊於地下足矣未知聖朝何如耳御史遂將雲去於是左將軍辛慶忌免冠解印綬叩頭殿下曰此臣素著狂直使其言是不可誅其言非固當容之臣敢

以死爭慶忌叩頭流血上意解然後得已及後當治檻上曰勿易因而輯之以旌直臣雲自是之後不復仕

漢書

魏相字弱翁定陶人事宣帝繼韋賢爲丞相多才略總領衆職甚稱上意敕掾史案事郡國及休告從家還至府輒白四方異聞或有逆賊風雨災變郡不上相輒奏言之

漢書

夏侯勝事宣帝爲諫大夫給事中爲人質樸守正簡易無威儀見時謂上爲君誤相字於前上亦以是親信之嘗見出道上語上聞而讓勝勝曰陛下所言善臣故揚之堯言布於天下至今見誦臣以爲可傳故傳耳朝廷每有大議上知勝素直謂曰先生通正言無愆前事

漢書

君臣類

卷一

三

馬武湖陽人光武與功臣讌語言曰諸卿不遭際會自度爵祿何所至乎高密侯鄧禹先對曰臣少嘗學問可郡文學博士帝曰何言之謙乎卿鄧氏子志行修整何爲不掾功曹餘各以次對至馬武曰臣以武勇可守尉督盜賊帝笑曰且勿爲盜賊自致亭長斯可矣武爲人嗜酒闖達敢言時醉在御前面折同列言其長短無所避忌帝故縱之以爲笑樂帝雖制御功臣而每能回容宥其小失遠方貢珍甘必先徧賜列侯而太官無餘有功輒增邑賞不任以吏職故保其福祿終無誅譴者

後漢書

宋宏字仲子京兆長安人光武時爲大司空薦桓譚爲議

郎給事中帝每讌輒令譚鼓琴好其繁聲宏聞之不悅悔於薦舉伺譚內出正朝服坐府上遣吏召之譚至不與席而讓之曰吾所薦子者欲令輔國家以道德也而今數進鄭聲以亂雅頌非忠正者也能自改耶將令相舉以法乎譚頓首辭謝良久乃遣之後大會羣臣帝使譚鼓琴譚見宏失其常度帝怪而問之宏乃離席免冠謝曰臣所以薦桓譚者望能以忠正導主而今朝廷耽悅鄭聲臣之罪也帝改容謝使反服其後遂不復令譚鼓宏當讌見御坐新屏風圖畫列女帝數顧視之宏正容言曰未見好德如好色者帝即爲徹之笑謂宏曰聞義則服可乎對曰陛下進

君臣類

卷一

四

德臣不勝其喜時帝姊湖陽公主新寡帝與共論朝臣微觀其意主曰宋公威容德器羣臣莫及帝曰方且圖之後宏被引見帝令主坐屏風後因謂宏曰諺云貴易交富易妻人情乎宏曰臣聞貧賤之交不可忘糟糠之妻不下堂帝顧謂主曰事不諧矣後漢書鮑永字君長鮑宣之子上黨屯留人也事光武爲司隸校尉先永曾事更始至是行縣到霸陵路經更始墓引車入陌從事諫止之永曰親北面事人豈有過墓不拜雖以獲罪司隸所不避也遂下拜哭盡哀而去西至扶風椎牛上荀諫家以永曾爲其屬吏也帝聞之意不平問公卿曰奉

使如此何如大中大夫張湛對曰仁者行之宗忠者義之主也仁不遺舊忠不忘君行之高者也帝意釋後漢書

孔僖字仲和魯人也元和二年春帝東巡狩還過魯幸闕里以太牢祀孔子及七十二弟子作六代之樂大會孔氏男子二十以上者六十三人命儒者講論僖自陳謝帝曰今日之會亦於卿宗有光乎對曰臣聞明王聖主莫不尊師貴道今陛下親屈萬乘辱臨做里此乃崇禮先師增輝聖德至於光榮非所敢承帝大笑曰非聖者子孫焉有斯言乎後漢書

君臣類

卷一

五

吳漢佐光武出征妻子在後買田業漢還讓之曰軍師在外吏士不足何多買田宅乎遂盡以分昆弟外家後漢書蜀漢昭烈既得諸葛孔明情好日密關張等不悅帝解之曰孤之有孔明如魚之有水也願諸君勿復言關等乃止蜀志

嵇紹爲侍中以天子蒙塵承詔馳詣行在所值王師敗績於蕩陰百官及侍衛莫不散潰惟紹儼然端冕以身捍衛兵交御輦飛箭雨集紹遂被害於帝側血濺御衣天子深哀嘆之及事定左右欲浣衣帝曰此嵇侍中血勿去晉書魏徵嘗對太宗曰願陛下使臣爲良臣勿使臣爲忠臣帝曰忠良有異乎徵曰良臣稷契皋陶是也忠臣龍逢比干

是也帝深納之 唐書

褚遂良為御史中丞高宗將立武后召長孫無忌李勣于志寧及遂良入或謂無忌當先諫遂良曰太尉國之元舅有不如意使上有棄親之譏又謂李勣上所重當進曰不可司空國之元勳有不如意使上有斥功臣之嫌曰吾奉遺詔若不盡愚無以下見先帝既入帝曰罪莫大於絕嗣皇后無子今欲立昭儀謂何遂良曰皇后本名家奉事先帝先帝疾執陛下手語臣曰我兒與婦今付卿且德音在陛下耳何遽忘之皇后無他過不可廢帝不悅翌日復言對曰陛下必欲改立后者請更擇貴姓昭儀昔事先帝身

君臣類

卷一

六

接帷第今立之奈天下耳目何帝羞默遂良因致笏殿階叩頭流血曰還陛下此笏乞歸田里帝大怒命引出 唐書

劉安世為諫官正色立朝扶持公道其面折廷諍或帝怒甚則執簡卻立伺怒稍解復前抗辭旁侍者為之竦栗目

為上殿虎 宋史

宋雷德驥判大理寺一日有疑獄非次請對時太祖放鷺禽於苑見德驥奏曰陛下以放禽為惡刑獄為常臣切未諭上怒舉持玉鉞撞之二齒墜地德驥拾而結於帶中上謂曰汝持訴我耶德驥曰臣安敢訴陛下自有史官書之

上悔厚賜遺之 國老談苑

李沆相真宗曰取四方水旱盜賊奏之叅政王旦以為細事不足煩上聽沆曰人主少年當使知四方艱難不然血氣方剛不留意於聲色犬馬則土木甲兵禱祠之事作矣吾老不及見此叅政他日之憂也及旦親見王欽若丁謂等所為欲諫則業已從之欲去則上遇之厚乃嘆曰李文靖真聖人也 言行錄

李沆為真宗所敬常問治道所宜先沆曰不用浮薄新進喜事之人此為最先帝問其人曰如梅詢曾致堯等是也帝深然之後或薦梅詢可用真宗曰李沆常言其非君子時沆沒二十餘年矣歐陽修嘗問蘇頌曰宰相沒二十年

君臣類

卷一

七

能使人主追信其言以何道頌曰獨以無心耳蘇東坡曰陳執中俗吏耳特以至公猶能取信主上況如李公才識而濟之無心耶 言行錄

真宗問李沆曰人皆有密啟而卿獨無何也對曰臣待罪宰相公事則公言之何用密啟夫人臣有密啟非讒即佞臣嘗惡之豈敢效尤 龜山語錄

王旦為相張士遜言皇太子學書甚好旦曰皇太子不待應舉選不必學書由是文懿曰以善道規贊皇太子 言行錄 陳恕為三司使真宗命具中外錢穀大數以聞恕諾而不進久之上屢趣之恕終不進上命執政詰之恕曰天子富

於春秋若知府庫充實恐生侈心是以不敢進上聞而善之言行錄

江萬里既致仕當元兵渡江萬里隱於草野間為遊騎所執萬里大詬欲自戕既而脫歸先是萬里聞襄樊失守鑿池芝山後圃扁其亭曰止水水人莫喻其意及聞警執門人陳偉器手曰大勢不可支余雖不在位當與國為存亡及饒州城破軍士執其弟萬頃索金銀不得支解之萬里竟赴止水死宋史

謝枋得當宋亡時乃變姓名入建寧唐石山轉茶坂寓逆旅中日麻衣躡屨東向而哭人不之識以為被病也已而

君臣類

卷一

八

去賣卜建陽市中有來者惟取米履而已委以錢卒謝不

取宋史

高汝礪為左司郎中一日奏事紫宸殿時侍臣皆迴避上所御涼扇忽墮案下汝礪以非己職不敢取以進奏事畢上謂宰臣曰高汝礪不進扇可謂知體矣金史

明范文從蘇州人文正公嫡派也洪武中拜御史忤旨下獄論死太祖視獄案見姓名籍貫遽呼問曰汝非范文正後人乎對曰臣仲淹十二世孫也太祖默然即命左右取帛五方來御筆大書先天下之憂而憂後天下之樂而樂二句於上賜之諭曰免汝五次死人感上之仁而歎賢者

遺澤之遠朝野紀略

海瑞以南京都御史卒於官僉都王用汲入視葛幃傲氣有寒士所不堪者歎息泣下啟其篋僅十餘金士大夫矜金為殮具士民哭之罷市者數日喪出江上簞食壺漿之祭數百里不絕座右編

楊椒山叅嚴嵩被逮械由順承門入神色不變從容咏詩有風吹柳鎖滿城香之句椒山文集

羅復仁吉水人與劉基同在帝前率意陳得失嘗操南音帝亦喜其質直呼為老實羅而不名間幸其舍負郭窮巷復仁方聖壁急呼其妻抱杙以坐帝帝曰賢士豈宜居

君臣類

卷一

九

此遂賜第城中明史

郭威襄公簡靜好讀書教訓子孫以儉素力學為務時公卿多置田產公獨不治上問之對曰臣一布衣荷陛下寵靈叨有封爵子孫衣食餘饒安敢增益以生侈心上善之嘆曰廷臣若郭登之忠誠朴實諸人不及也地吉錄
明宣宗幸史館撤金於地命眾取之學士李時勉獨立不動上嘉嘆取袖中餘錢賜之玉堂叢話

坊表錄卷之二

鬱林蘇宗經文庵氏輯

男 王秉 孫 龍 恂 校

父子類

曾子再仕而心再化曰吾及親仕三釜而心樂後仕三千鍾不薄吾心悲莊子

曾子之妻之市其子隨之而泣其母曰女還余反為女殺
甕適市來曾子捕甕殺之妻止之曰特與嬰兒戲耳曾子
曰嬰兒非與戲也嬰兒非有知也待父母而學者也聽父
母之教今子欺之是教子欺也父欺子而不信其母非以
成教也遂烹甕韓非子

父子類 卷二

一

子路問於孔子曰有人於此夙興夜寐耕耘樹藝以養其
親然而無孝之名何也子曰意者身不敬與辭不遜與色
不順與荀子

子路曰負重道遠者不擇地而休家貧親老者不擇祿而
仕昔者由事二親之時嘗食藜藿之實而為親負米百里
之外親沒之後南遊於楚從車百乘積粟萬鍾累茵而坐
列鼎而食願食藜藿為親負米之時不可復得也枯魚銜
索索幾何不蠹二親之壽忽如過隙草木欲長霜露不使
賢者欲養二親不待故曰家貧親老不擇祿而仕說苑
曾子讀喪禮泣下沾襟曰往而不可還者親乎子欲養而

親不逮是故椎牛以祭不如鷄黍之逮親存也說苑

孟子之舍近墓其少也嬉游為墓間事母曰此非所以居
處子也乃舍之市旁其嬉戲為賈人銜賣之事又曰此非
所以居處子也復徙舍學宮之旁其嬉戲乃為設俎豆揖
讓進退母曰此真可居吾子矣遂居之孟子既學而歸孟
母方績問曰學何所至對曰自若也母以刀斷其織曰子
之廢學若吾之斷斯織也孟子懼旦夕勤學列女傳
伯俞有過其母笞之泣母曰他日笞子未嘗見泣今泣何
也對曰他日俞得罪笞嘗痛今母之力不能使痛是以泣
說苑

父子類 卷二

二

金日磾字叔翁本匈奴休屠王太子也武帝時與母降於
漢母教誨兩子甚有法度日磾由馬監見知武帝未嘗過
失上甚愛之聞其母賢愈為貴重母死詔圖畫於甘泉宮
署曰休屠王闕氏日磾每見畫輒拜向之涕泣然後乃去
日磾子二人皆愛為帝弄兒常在旁側弄兒或自後擁上
項日磾在前見而目之弄兒走且啼曰翁怒上謂日磾何
怒吾兒為其後弄兒壯大不謹自殿下與宮人戲日磾適
見之惡其淫亂遂殺弄兒即日磾長子也上聞之大怒日
磾頓首謝具言所殺弄兒狀上甚哀為之泣已而心甚敬
之日磾世名忠孝七世內侍家法之肅所以遠於霍氏乎

漢書

疏廣字仲翁東海蘭陵人宣帝時為太傅歸老於家所得賞賜日令家共具設酒食請族人故舊賓客與相娛樂廣子孫託廣所信愛者勸廣買田宅廣曰吾豈老詩不念子孫哉顧吾自有舊田廬令子孫勤力其中足以供衣食與凡人齊今復增益之以為贏餘是教子孫怠惰耳賢而多財則損其志愚而多財則益其過且夫富者眾之怨也吾既無以教化子孫不欲益其過以生怨又此金者聖主所惠養老臣也故樂與鄉黨宗族共享其賜以盡吾餘日不亦可乎 漢書

父子類

卷二

三

鄧禹字仲華新野人內文明篤行純備事母至孝佐光武定天下封高密侯常欲遠名勢有子十三人各使守一藝修整閨門教養子孫皆可為後世法資用國邑不修產利帝益重之 後漢書

毛義廬江人少即家貧以孝行稱南陽人張奉慕其名往候之坐定而府檄適至以義守令義奉檄而入喜動顏色張奉志尚士心賤之自恨來固辭而去及義母死去官行服數辟公府為縣令進退必以禮後舉賢良公車徵遂不至奉嘆曰賢者固不可測往日之喜乃為親屈也斯蓋所謂家貧親老不擇官而仕者也 後漢書

薛包汝南人好學篤行喪母以至孝聞及父娶後妻而包分出之包日夜號泣不能去至被毆杖不得已廬於舍外旦入而洒掃父怒又逐之乃廬於里門昏晨不廢積歲餘父母慚而還之 後漢書

江革字次翁齊國臨淄人少失父獨與母居遭天下亂盜賊並起革負母逃難備經阻險常採拾以為養數遇賊或劫欲將去革輒涕泣求哀言有老母辭氣愿款有足感動人者賊以是不忍犯之或乃指避兵之方遂得俱全於難革轉客下邳窮貧裸跣行傭以供母便身之物莫不給建武末年與歸鄉里每至歲時縣當案比革以母老不欲搖

父子類

卷二

四

動自在轅中輓車不用牛馬由是鄉里稱之曰江巨孝後仕至諫議大夫謝病歸 後漢書

趙咨字文楚東郡燕人也桓帝時為博士靈帝時遷燉煌太守以病免歸躬率子孫耕農為養盜常夜往劫之咨恐母驚懼乃先至門迎盜因請為設食謝曰老母八十疾病須養居貧朝夕無儲乞少置衣糧妻子物餘一無所請盜皆慙歎跪而辭曰所犯無狀干暴賢者言畢奔出咨追以物與之不及由此益知名 後漢書

楊震性公廉不受私謁子孫常蔬食步行故舊長者或勸為開產業震不肯曰使後世稱為清白吏子孫以此遺之

不亦厚乎

後漢書

龐公居岷山之南未嘗入城府見天下之亂而躬耕不仕
荊州刺史劉表詰而問曰先生苦居畝畝而不肯官祿後
世何以遺子孫乎龐公曰世皆遺之以危今獨遺之以安
雖所遺不同未嘗無所遺也表嘆息而去

後漢書

東吳顧悌母得父書常洒掃整衣服更設几筵舒書其上
拜跪讀之每句應諾畢復再拜

三國志

晉范喬年二歲祖馨臨終撫喬首曰恨不見汝成人因以
所用硯與之至五歲祖母以告喬喬便執硯涕泣

晉書

晉太始初徵蜀漢李密為太子洗馬密以祖母年高無人

父子類

卷二

五

奉養遂不應命乃上疏曰臣密今年四十有四祖母劉今
年九十有六是臣盡節於陛下之日長而報劉之日短矣
烏鳥私情願乞終養

晉書

陳叔達嘗賜食於御前得蒲萄執而不食高祖問其故對
曰臣母患口乾求之不能致欲歸以遺母高祖嘆曰卿有
母可遺乎因賜物百段

唐書

狄仁傑授并州都督府法曹其親在河陽別業仁傑赴并
州登太行山南望見白雲孤飛謂左右曰吾親所居在此
雲下瞻望佇立久之雲移乃行

唐書

崔元暉母盧氏嘗誡之曰吾見姨兄屯田郎中辛元馭云

兒子從宦者有人來云貧乏不能自存此是好消息若聞

貨貨充足衣馬輕肥此是惡消息吾常重此言以為確論

比見視表中仕宦者多將錢物上其父母父母但知喜悅

竟不問此物從何而來必是俸祿餘資誠亦善事如其非

理所得此與賊盜何別縱無大咎獨不內愧於心孟母不

受魚鮮之饋蓋謂此也汝今坐食俸祿榮幸已多若其不

能忠清何以戴天履地孔子云雖日殺三牲之養猶為不

孝又曰父母惟其疾之憂特宜修身潔己勿累吾意也元

暉遵奉母命以清謹見稱

唐書

王珪隱居時與房元齡杜如晦善母李氏嘗云汝必貴但

父子類

卷二

六

未知汝所與交者何如人耳而試與偕來會如晦等過其
家李見之大喜具酒食盡歡曰二客公輔才也汝貴不疑
矣

唐書

前宋戴法興父碩子販紵為業法興二兄延壽延興並修
立延壽善書法興好學山陰有陳載者家富有錢三千萬
鄉人皆云戴碩子三兒敵陳載三千萬錢

宋書

前宋何子平事母至孝揚州辟從事史母本庶側籍注失
實年未及養而籍年已滿便去職歸家時鎮軍將軍顧覲
之為州上綱謂曰尊上年實未八十親故所知州中差有
微祿當啟相留子平曰公家正取信黃籍籍年既滿便應

扶侍私庭何容以未滿苟冒榮利且歸養之願又切微情
覲之益重之 宋書

胡威素清廉晉武帝嘆其父清因謂威曰卿與父孰清對
曰臣不如也帝曰卿父以何為勝耶對曰臣父清恐人知
臣清恐人不知是臣不及遠也 晉書

陳顯達子休尚為郢府主簿過九江拜別顯達曰凡奢侈
者未有不敗塵尾蠅拂是王謝家物汝不須捉此自隨即
取於前燒除之 南史

宋隱謂其子姪等曰苟能入順父兄出悌鄉黨仕郡幸而
至功曹吏以忠清奉之則足矣不勞遠詣臺閣恐汝不能

父子類

卷二

七

富貴而徒延門戶之累矣 魏書

蘇易簡母薛氏太宗召入禁中賜寶冠霞帔命坐問曰何
以教子對曰幼則束以禮義長則訓以詩書太宗歎曰孟
母也賜白金千兩 王稱東都事畧

前宋郭原平養親必已力閑木工傭任以給供養性謙虛
每為人作匠取散夫價主人設食原平自以家貧父母不
辦有肴味唯殮鹽飯而已若家或無食則虛中竟日義不
獨飽要須日暮作畢受直歸家於鄉里中買糴然後作爨
宋書

前宋何子平事母至孝揚州辟從事史月俸得白米輒貨

市粟麥或問曰所利無幾何足為煩子平曰尊老在東不
能常得生米何心獨享白粲每有贈鮮肴者若不可寄至
其家則不肯受 宋書

宋栢年與同縣孔覲友善栢年素貧母以冬月亡衣並無
絮自此不衣綿帛嘗寒時就覲宿衣悉袂布飲酒醉眠覲
以卧具覆之栢年不覺也及覺引卧具去體謂覲曰綿定
是奇温因流涕悲勵凱亦為之感傷 宋書

韓忠憲公琦嘗語子弟曰進取在於止足寵祿不可過溢
年若至六十可以退身謝事歸守父母墳墓則忠孝兩全
矣 徐度却掃編

父子類

卷二

八

王佑世多稱其陰德手植三槐於庭曰吾後世必有為三
公者此其所以志也後子旦為相 宋史

歐陽崇國公文忠公修之父也免喪後歲時祭祀必涕泣
曰祭而豐不如養而薄也間御酒食則又泣涕曰昔常不
足而今有餘其何及也 古文

王哀字偉元儀之子痛父死於非命隱居教授累辟不就
廬墓側旦夕拜跪攀柏悲號涕泣著樹樹為之枯母存日
畏雷母歿後每雷輒至墓曰哀在此讀詩至哀哀父母生
我劬勞未嘗不三復流涕門人為之廢蓼莪詩及司馬纂
魏終身不西向坐以示不臣於晉 宋書

宋洪皓遊太學十年不歸其父作詩寄皓曰太學何妨且一歸十年甘旨誤庭幃休辭客路三千遠須念人生七十稀腰下雖無蘇子印篋中幸有老萊衣歸時定約春前後免使高堂賦式微浩得詩即歸養

人語

江伯兒日照民以母疾病殺其三歲子祀岱嶽有司聞於朝帝怒其滅絕倫理杖百戍海南因命禮部尚書任亨泰定旌表孝行事例亨泰議曰人子事親居則致其敬養則致其樂有疾則致其醫藥卧冰割股事非恒經割股不已至於割肝割肝不已致於殺子違道傷生墮宗絕嗣尤不孝之大者宜嚴行戒諭倘愚昧無知亦聽其自爲不在旌

父子類

卷二

九

表之例

明史

孔公恂字宗文先聖五十八世孫也景泰五年舉會試聞母疾不赴廷對帝以問禮部具言其故乃遣使召之日且午不及備試卷命翰林院給以筆札登第

明史

曹正儒全州人父學程萬歷間以進士官御史言事下獄正儒朝夕不離犴狴見父憔悴骨立嘔血仆地久之乃甦因刺血書奏乞代父死後學程寬雪而歸崇禎時旌正儒爲孝子

明史

馮行可當父上疏論諸貴人下獄問死行可年十四隨祖母擊登聞鼓願代死弗聽行可刺臂血上書曰臣父慈罪

萬死念臣祖母已八十餘臣父死祖母亦死臣豈得不死惟願陛下置臣於辟而赦臣父陛下戮臣不傷臣心臣死不傷天下法上手持其奏繞殿者三命中使廉視其臂血乃下法曹議未減戍雷陽

明史

陳紹孫父列以罪流肇州紹孫年十歲號泣隨或語曰我返汝故鄉願乎對曰既不能以身代父當死生以之祝世喬字子遷江西人方穉祿時父神谷遠遊未歸世喬年十五獨行尋父歷楚及秦數瀕危殆先是楚有楊某者德神谷療其疾思報之及見世喬亟欲妻以女世喬泣辭曰父尚未見敢言妻哉遂辭去而秦山高地寒值嚴冬靴

父子類

卷二

十

瘵無完膚自分必死久之乃遇父父子相抱而泣觀者咸爲酸感奉父至高陵始卜室焉世喬雖窮途孤旅讀書不輟選入鬻官後以選貢授南康通判佐郡有聲汪存欽縣人事父極孝常隨父商舟歸宿邑之汝灘天未明父捨舟先歸人言前路多虎存不待時冒雨雪追四十里始及父果遇虎山陬存立告天曰願虎傷已毋傷吾父虎遂去

續耳談

周琬南京人父知滁州以疑獄論死琬年十六叩闕請代父刑明太祖少之疑爲人所教曰牽去砍頭琬顏色自若乃宥其父死戍邊琬復請曰戍與斬等死耳父死臣安用

生願卽就戮命縛至市琬色甚喜行刑者曰死足樂耶琬曰以死免父胡爲不樂上察其誠赦之親署於屏曰孝子

周琬尋授兵科給事中臣鑒錄

明方正學父克勤洪武初爲濟寧州有誣以擅用倉中炭

鞏者被逮正學上書政府願以身從軍贖父罪不報竟謫

江浦會空印事起吏又誣及克勤正學復草疏將伏闕訴

之而克勤沒於京師論者謂正學平生臣子兩遂忠孝並

全玉堂叢話

薛遠歷官至大司馬家無長物食無兼味室無媵妾曰吾

少事親不足今安忍有餘臣鑒錄

父子類 卷二

十一

明沈鍊號青霞少時父翁談其室走京師誓終焉後青霞

舉於鄉入京悉要其鄰人爲供具長跪請歸其父翁哀痛

慟號旁人無不感泣者父遂感動亟命駕歸翁嫗相敬如

初徐文長集

王侍御復齋公常買妾困於妻公出按時幽閉一樓上餓

且死妻子毓俊甫八歲給母曰餓死人人謂不賢不如日

食以粥湯一盂令其徐徐自死可緩謗也母從之而俊陰

以小布袋藏麵食魚肉乘粥時食之得不死逾年生一子

侍御潛育於張總兵家及侍御卒俊撫愛其弟特至座右編

崇禎乙亥元夕流賊犯鳳陽已及司李南昌萬文英之署

惡索李官安在公子元亨字爾嘉泣謂父曰吾不得復事

吾父矣惡着青衫出大呼曰死賊索官何爲我乃官也賊

遂厲聲脇之公子罵不絕聲賊首怒甚命加刃公子死賊

以爲真官也遂去遺愁錄

高起鳳陝西涇化縣生員家貧甚崇正五年二月流賊至

擄其繼母秦氏並妹荆媧以去生卽馳赴賊營曰吾父年

高倘必奪吾母與妹則吾父不保賊曰得二馬贖之生竭

蹶求得一馬賊止還其母乃與妹訣曰我去汝卽死賊聞

之遂遮道不放欲并留爲書記且曰汝能勸妹順我當惟

汝所欲生大罵不從賊殺之於是百計誘脅荆媧亦大罵

父子類 卷二

十二

不已亦被害時年十六後巡撫吳甡疏請旌表崇正長編

坊表錄卷之三

鬱林蘇宗經文庵氏輯

男 玉霖 孫 龍 恂 校

兄弟類

卜式河南人以田畜為事有少弟弟壯式脫身出獨取畜
羊百餘田宅財物盡與弟式入山牧十餘年羊致千餘頭
買田宅而弟盡破其產式輒復分與弟者數矣 漢書

韋元成丞相韋賢之四子也其長兄早故三兄守墳墓次
兄宏初為太常丞職奉宗廟典諸陵邑煩劇多罪過父賢
以宏當為嗣故勅令自免宏懷嫌不去官及賢病篤宏竟
坐宗廟事繫獄罪未決室家問賢當為後者賢悲恨不肯

兄弟類

卷三

一

言於是賢門下生博士義倩等與宗家計議共矯賢令使
家丞上書大行以大河都尉元成為後賢薨元成在官聞
喪又言當為嗣元成深知其非賢雅意即陽為病狂卧便
利妄笑語昏亂徹至長安既葬當襲爵以病狂不應召大
鴻臚奉狀章下丞相御史案驗元成素有名聲士大夫多
疑其欲讓爵辟兄者遂以元成實不病劾奏之有詔勿劾
引拜元成不得已受爵宣帝高其節以元成為河南太守
兄宏泰山都尉 漢書
薛包篤於孝友異母弟求分財異居包不能止乃中分其
財奴婢引其老者曰與我共事久若不能使也田廬取其

荒頓者曰吾少時所理意所戀也器物取其朽敗者曰我

素所服食身口所安也弟後數破其產輒復賑給 後漢書

瀆于恭字孟孫北海淳于人也王莽末歲饑兵起恭兄崇

將為盜所烹恭請代得與俱免後崇卒恭養幼孤教諭學

問有不如法輒反用杖自笞以感悟之兒慙以改過 後漢書

姜肱字伯淮彭城廣戚人家世名族肱與二弟仲海季江

俱以孝行著聞其友愛天至常共卧起及各娶妻兄弟相

戀不能別寢肱與季江調郡為賊所劫取其衣物欲殺之

肱謂盜曰弟年幼父母所憐愍又未聘娶願自殺身濟弟

季江言兄年德在前家之珍寶國之英俊乞自受戮以代

兄弟類

卷三

二

兄命盜戢刃曰二君所謂賢人吾等不長妄相侵犯棄物
而去肱車中尚有錢數千盜不見也使從者追以與之亦
復不受肱以物經盜手因以付亭吏而去之 後漢書

孔融字文舉魯國人孔子二十世孫也山陽張儉為中常

侍侯覽所怨覽為刊章下州郡以名捕儉儉與融兄褒有

舊亡抵於褒不遇時融年十六儉少之而不告融見其有

窘色謂曰兄雖在外吾獨不能為君主邪因留舍之後事

泄國相以下密就掩捕儉得脫走遂并收褒融送獄二人

未知所坐融曰保納舍藏者融也當坐之褒曰彼來求我

非弟之過請甘其罪吏問其母母曰家事任長妾當其辜

一門爭死郡縣疑不能決乃上讞之詔書竟坐褒焉後漢書

李充字大遜陳留人家貧兄弟六人同食遞衣妻竊謂充

曰今貧居如此難以久安妾有私財願思分異充偽酬之

曰如欲別居當醞酒具會請呼鄉里內外共議其事婦從

充置酒讌客充於坐中前跪白母曰此婦甚無狀而教充

離間母兄罪合遣斥便呵叱其婦遂令出門後漢書

繆彤字豫公汝南召陵人少孤兄弟四人皆同財業及各

娶妻諸婦遂求分異又數有鬪爭之言彤深懷憤歎乃掩

戶自搗曰繆彤汝修身謹行學聖人之法將以整齊風俗

奈何不能正其家乎弟及諸婦聞之悉叩頭謝罪遂更為

兄弟類

敦睦之行後漢書

趙孝之弟趙禮為餓賊所得孝聞之即自縛詣賊曰禮久

餓羸瘦不如孝肥飽賊大驚並放之謂可且歸更持米糒

來孝求不能得復往報賊願就烹眾異之遂不害鄉黨服

其義州郡辟召進退必以禮後永平中兄弟俱宦顯後漢書

李燮李固之幼子也初固劫梁冀知禍不免乃遣三子歸

鄉里時燮年十三姊文姬為同郡趙伯英妻賢而有智見

二兄歸具知事本默然獨悲曰李氏滅矣自太公以來積

德累仁何以遇此乃密與二兄謀豫藏匿燮託言還京師

人威信之有頃難作下郡收固三子二兄受害文姬乃告

父門生王成曰君執義先公有古人之節今委君以六尺

之孤李氏存滅其在君矣成感其義乃將燮乘江東下入

徐州界內令燮姓名為酒家傭而成賣卜於市各為異人

陰相往來燮從受學酒家異之意非恒人以女妻之十餘

年間梁冀既誅遇赦又詔錄大臣冤死者子孫燮乃以本

末告酒家遂還鄉里姊弟相見悲感旁人既而戒燮曰先

兄弟類 卷三 四

許武舉孝廉以二弟晏普未顯欲令成名乃請共割財產

以為三分武自取肥田廣宅奴婢強者二弟所得悉劣少

鄉人皆稱弟克讓而鄙武貪婪晏等以此並得選舉武乃

會宗親泣曰吾為兄不肖盜聲竊位二弟年長未豫榮祿

所以求得分財自取大譏今理產所增三倍於前悉以推

二弟一無所留於是郡中翕然遠近稱之後漢書

庾袞勤儉篤學事親以孝聞咸寧中大疫二兄俱亡次兄

毗復殆瘴氣方熾家人皆出次於外袞獨留不去諸父兄

強之乃曰袞性不畏病遂親自扶持晝夜不眠後毗亦愈

晉書

張存性孝友嘗爲蜀郡得奇繪文錦以歸悉布於堂上恣兄弟擇取常曰兄弟手足也妻妾外舍人耳奈何先外人而後手足乎收恤宗族嫁聘窮殘不使一人失所 宋史

呂僧珍在任平心率下不私親戚從父兄子宏以販葱爲業僧珍既仕宏乃棄業欲求州官僧珍曰吾荷國重恩無以報効汝等自有常分豈可妄求叨越但當遠反葱肆耳 梁書

張暢弟收嘗爲獬犬所傷醫者云食蝦蟆可療收難之暢含笑先嘗收因此乃食由是癒愈 宋書

蔡廓奉兄軌如父家事大小皆諮而後行公祿賞賜一皆

兄弟類 卷三 五

入軌有所資須悉就典者請焉從高祖在彭城妻郝氏書求夏服廓答書曰知須夏服計給事自應相供無庸別寄 宋書

徐勉嘗爲書誡其子崧曰若有所收穫汝可自分贍內外大小宜令得所汝既居長故有此及凡爲人長殊復不易當使中外諧輯人無間言先物後已然後可貴 梁書

傅映字徽遠昭弟也三歲而孤兄弟友睦修身勵行非禮不履始昭之守臨海陸倕餼之賓主俱歡日昏不反映以昭年高不可連夜極樂乃自往迎候同乘而歸兄弟並已班白時人美而服焉 梁書

房景伯性純和涉獵經史諸弟宗之如事嚴親及弟伎亡蔬食終喪期不內御憂殷之容有如居重其次弟景先亡其幼弟景遠期年哭臨亦不內寢鄉里爲之語曰有義有禮房家兄弟 魏書

牛宏之弟弼好酒而酗嘗因醉射殺宏駕車牛宏來還宅其妻迎謂之曰叔射殺牛矣宏聞之以無所怪問直曰作脯坐定其妻又云叔忽射殺牛大是異事宏曰已知之矣顏色自若讀書不輟其寬和如此 隋書

楊播家世純厚並敦義讓昆季相事有如父子播性剛毅弟椿津恭儉謙退兄弟旦則聚於廳堂終日相對未嘗

兄弟類 卷三 六

入內有一美味不集不食廳堂間往往幃幔隔帳爲寢息之所時就休偃還共談笑椿津年過六十並登台鼎而津旦暮參問子姪羅列階下椿不命坐津不敢坐椿每近出或日斜不至津不先飯椿還然後共食食則津親授匙箸味皆先嘗椿命食然後食初津爲肆州椿在京師每有四時嘉味輒因使次附之若或未寄不先入口椿每對所寄輒下涕一家之內男女百口總服同饗庭無間言 北史

李勣性友愛其姊病嘗自爲粥而燎其鬚姊戒止之答曰姊多疾而勣且老雖欲數進粥尙幾何 唐書

黃庭堅與從弟書曰每思昆弟間多有困頓貧乏稍從容

者便當助其甘旨吾儕所以衣冠仕宦者豈已力哉皆自祖宗積德偶然沖和之氣在此一枝耳其實相去不遠宜深念之

學德錄

張楚金年十七與兄越石同以茂才應舉所司以兄弟不可兩收將罷越石楚金辭曰以順則越石長以才則楚金不及請某退時李績爲州牧歎曰貢士本求才行相推如此可雙舉也令兩人同赴上京俱擢第

大唐新語

王魏公旦母弟傲不可訓一日遇冬至祠家廟列百壺於堂前弟皆擊破之家人惶駭公忽自外入見酒流滿地不可行俱無一言但攝衣步入其後弟忽感悟復爲善終亦

兄弟類

卷三

七

不言

言行錄

司馬溫公兄伯康年將九十公奉之如嚴父保之如嬰兒每時少頃必問曰得毋饑乎少寒必撫其背曰得毋寒乎

文集

沛國劉璉嘗與兄璉連棟隔壁璉呼之數聲不應良久方答璉怪問之乃曰向來未著衣帽故也以此事兄可以免矣

顏氏家訓

趙汝愚父善應家貧諸弟未製衣不敢衣已製未服不敢服一瓜果之微必相待共嘗之

宋史

田真兄弟三人共議分財生貲皆平均惟堂前一株紫荆

樹共議欲破三片明日就截之其樹即枯死狀如火然真往見之大驚謂弟曰樹本同株聞將分斫所以顛頓是人不如木也因悲不自勝不復解樹樹再榮茂兄弟相感合財寶遂爲孝門真仕至大中大夫

續齊諧志

范文正公輕財好施尤厚於宗族嘗語子弟曰吾吳中宗族甚衆於吾固有親疎然而吾祖宗視之則均是子孫吾安得不卹其饑寒哉且自祖宗來積德百餘年而始發於吾若獨享富貴而不卹宗族他日何以見祖宗於地下今何顏入家廟乎於近郭買良田數千畝爲義田以養羣從之窮乏擇族人長而賢者一人主其出納人日食米一升

兄弟類

卷三

八

每歲衣練一疋嫁娶喪葬皆有贈給

人譜

陸九韶與其兄九淵昆弟自相師友其家累世義居一人最尊者爲家長一家之事聽命焉歲擇子弟分任家事凡田疇租稅出納庖爨賓客之事各有主者九韶以訓戒之詞爲韻語月朔家長率衆子弟謁先祠畢擊鼓誦其詞使列聽之子弟有過家長會衆弟子責而訓之不敗則撻之終不改則聞之官長屏之遠方焉

人譜

顏氏家訓曰兄弟之際異於他人望深則易怨地親則易弛譬猶居室一穴則塞之一隙則塗之則無頽毀之慮如雀鼠之不卹風雨之不防壁陷楹淪無可救矣僕妾之爲

雀鼠妻子之爲風雨也甚哉人譜

趙彥霄兄彥雲游蕩廢業霄諫不聽遂求分析未幾兄生

計蕭然困甚霄窺其有悔心也除夕霄置酒迎兄嫂曰弟

初無分產意以兄不節爲兄守先業之半今足給伏臘請

歸仍主家政即取分券火之付以筭鑰更出所蓄債諸負

債者兄慚受而易轍焉後霄與長子俱顯厚德錄

馮元常一門孝友或居兄弟服制晝則從事夜則盡會禮

堂雖病亦同卧東西壁一牀而已除服乃歸私室居處唐新語

張邦奇公第宅廳僅二楹旁一楹乃其叔居叔有宿逋願

兄弟類 卷三

九

售公倍價買之將重構焉告於封翁用川翁知其倍價也

甚悅既而潛然淚下曰吾想至日拆彼屋以豎吾柱何以

爲情公惻然曰兒當還之翁曰想價已償人矣公曰併價

不取可也翁欣然曰如此慰我甚矣人譜

乙普明兄弟爭產經年結訟各相按證訴於清河太守蘇

瓊召諭之曰天下難得者兄弟易得者田地假得田地而

失兄弟於心何如因下淚諸證感泣兄弟叩首交讓人譜

顧成憲司理處州有兄弟訟累年不決者呼謂之曰汝兩

手兩足相爭否兄弟手足也而相爭非怪事乎乃恬不以

爲怪何也既相爭自相治可矣各授之杖謂其兄曰爲我

扑若弟謂其弟曰爲我扑若兄兩人相顧愕然公故促之

兩人叩首請曰昔者官爲析曲直故不服今當服矣不知

曲直也願得自新公喜令兄弟相揖謝兩人大哭而去譜

明初休寧汪彥光彥禮兄弟和睦光五男禮僅二男父遺

貲厚將析箸禮曰吾兄弟平分吾兒信有餘吾侄薄矣請

七分之里人高其義居家金鏡

鄭濂浦江人自其七世祖琦教子孫率訓惟謹世共居不

別籍人號其里第曰義門太守旌之賜扁曰天下第一家

至濂已十一世明太祖卽位聞其名召至京問之曰汝何

名天下第一家對曰臣合族共爨已八九世本府知府以

兄弟類 卷三

十

爲可以激厲風俗遂建造牌坊賜以扁名實非臣所敢當

也上曰家食若干人對曰千有餘人上曰千餘人而同居

世所罕有誠天下第一家也而所以處之者亦有道乎對

曰無他但不聽婦人言耳太祖一笑適河南進香梨遂以

二枚賜之濂以雙手擎梨於首趨出上命一校尉矚之至

家召族人立兩傍向闕叩首謝恩分食之使者還報太祖

喜復有人懇其家與權臣通賄上曰鄭門無是也誣之耳

金華志

宏治中吏部尚書王與奏臣例當蔭子然長子沂叨中進

士次子洛年幼學淺惟侄廩生澄粗已成材乞送監讀書

從之 文獻通考

沈奎子騰蛟能孝友奎晚生騰龍析箸不及蛟之半使之父事蛟焉奎卒後一日蛟召龍飲割已之半子之妻子不知所出徐曰此先君不言之意也 海鹽志

畢構為四川廉察有兄弟爭財者構呼其兄弟三人以人乳食之訟者感泣而止 臣鑒錄

陳選字克庵嘗謂其子戴曰吾藉祖宗餘慶官二品祿入之產汝何可獨享其分十之六為思遠莊以事先以周宗族乃捐田百四十畝於公家迨公卒後貧甚族人欲以田還其子子不可曰先人行義戴取而私之獨不愧於心乎

兄弟類 卷三

七

人謂公有子矣 人譜

明洪武時京師有兄坐法兩弟各自縛請代太祖遣使問故同詞對曰臣少失父非兄無以至今日兄當死弟安敢愛其生帝陽許之而戒行刑者曰有難色者殺之否則奏聞兩人皆引頸就刃帝大嗟異并其兄赦之 明史
虞宗濟常熟人父兄並有罪吏將逮治宗濟謂兄曰事涉徭役剛法嚴往必死父老矣兄家嗣尚未有後我幸產兒可代死乃挺身詣吏白父兄無所預吏疑而訊之悉自引伏洪武四年竟斬於市 明史
張拱辰曰兄弟之間不論施報惟當盡其心而已豈可以

兄友而弟不恭遂廢其友弟恭而兄不友遂廢其恭而因施為報使一本之愛作市井交易之道哉 厚德錄

何椒邱為太守有兄弟因析居相訟何公察之知為內讒故以詩判之曰只因花底鶯聲巧致使天邊雁影分泣隨筆下兄弟俱感悟願終身不析居 厚德錄

施相之翊之兄弟皆為知州致仕家居田產參差有唇齒之隙親友曰為處分不能解同邑嚴鳳素以孝友聞一日偶遇翊之於舟語及產事嚴輦蹙曰吾兄孺吾正苦之使得如令兄之力量可以盡奪吾產吾復何憂因揮涕不已翊之惻然遂援嚴同至兄宅且拜且泣深自悔責相之亦

兄弟類 卷三

七

涕泣慰解各欲以田相讓遂友愛終身 厚德錄

固文燦夏縣人其兄嗜酒仰燦為生兄醉時曾毆燦隣人不平燦怒曰兄未毆我汝何離問我骨肉也司馬溫公每書其事以戒人 厚德錄

張元閏延安人八世同居家人百餘口無閒言日使諸婦女各聚一室為女工工畢歛聚一處無私藏幼稚泣涕諸婦見者即抱哺不知其孰為己子兒亦不知其孰為己母也齊建元中旌表 蘇譚

坊表錄卷之四

鬱林蘇宗經文庵氏輯

男 王玉霖 孫 龍愉校

夫婦類

晉曰季使過冀見卻缺樽其妻盥之敬相待如賓與之歸
言諸文公曰敬德之聚也能敬必有德德以治民君請用
之左傳

王章字仲卿為諸生時學於長安與妻獨居章疾病無被
卧牛衣中對妻涕泣其妻呵怒之曰今觀京師尊貴之人
誰如仲卿者今疾病困厄不自激昂乃反涕泣何鄙也後
章為京兆欲上封事妻又止之曰人當知足獨不念牛衣

夫婦類 卷四

中涕泣時耶漢書

張湛字子孝矜嚴好禮居處必以修整每遇妻子必講說
禮訓及前言往行以教之如嚴君之御臣下

曹世叔妻傳曰夫婦之道參配陰陽通達神明信天地之
宏義人倫之大節也是以禮貴男女之際詩著關雎之義
由斯言之不可不重也夫不賢則無以御婦婦不賢則無
以事夫夫不御婦則威儀廢缺婦不事夫則義理墮壞方
斯二者其用一也後漢書

曹世叔妻傳曰陰陽殊性男女異行陽以剛為德陰以柔
為用男以強為貴女以弱為美故諺云生男如狼猶恐其

飛生女如鼠猶恐其虎然則修身莫若敬避強莫若順故

曰敬慎之道夫婦之大禮也夫敬非他持久之謂也順非
他寬裕之謂也持久者知止足也寬裕者尚恭下也夫婦

之好終身不離房室周旋遂生褻瀆褻瀆既生語言過矣
語言既過縱恣必作縱恣既作則侮夫之心生矣此由於
不知止足也夫事有曲直言有是非直者不能不爭曲者

不能不訟訟爭既施則有忿怒之事矣此由於不尚恭下
者也侮夫不節譴呵從之忿怒不止楚撻從之夫為夫婦
者義以和親恩以合好楚撻既行何義之存譴呵既宣何
恩之有恩義既廢夫婦離矣後漢書

夫婦類 卷四

王駿王吉之子也元帝時官至丞相駿為少府時妻死因

不復娶或問之駿曰德非曾參子非華元亦何敢娶漢書
鮑宣渤海人娶妻桓氏字少君宣嘗就少君父學父奇其

清苦以女妻之裝送資賄甚盛宣不悅謂妻曰少君生富
驕習美飾而吾實貧賤不敢當禮妻曰大人以先生修德
守約故使賤妾侍執巾櫛既承奉君子惟命是從宣笑曰
能如是是吾志也妻乃悉歸侍御服飾更著短衣裳與宣

共挽鹿車歸鄉里拜姑禮畢提甕出汲修行婦道鄉邦稱
之宣哀帝時官至司隸校尉子永中與初憚郡太守永子
昱從容問少君曰太夫人可復識挽車時不對曰先姑有

言存不忘亡安不忘危吾焉敢忘乎

後漢書

樂羊子河南人娶妻某氏羊子嘗行路得遺金一餅還以與妻妻曰妾聞志士不飲盜泉之水廉者不受嗟來之食况拾遺求利以汚其行乎羊子大慚乃捐金於野而遠尋師學一年來歸妻跪問其故羊子曰久行懷思無他異也妻乃引刀趨機而言曰此機生自蠶繭成於機杼一絲而累以至於寸累寸不已遂成丈疋今若斷斯織也則捐失成功稽廢時月夫子積學當日知其所亡以就懿德若中道而歸何異斷斯織乎羊子感其言復還終業遂七年不返妻常躬勤養姑又遠饋羊子常有鄰鷄謬入園中姑盜

夫婦類

卷四

三

殺而食之妻對鷄不餐而泣姑怪問其故妻曰自傷居貧使食有他肉姑竟棄之

後漢書

許升吳人娶妻呂氏字榮升少為博徒不理操行榮嘗躬勤家業以奉養其姑數勸升修學每有不善輒流涕進規榮父積忿疾升乃呼榮欲改嫁之榮歎曰命之所遭義無離貳終不肯歸升感激自勵乃尋師遠學遂以成名

後漢書

盛道健為人娶妻趙氏字媛美建安五年益部亂道聚眾起兵事敗夫妻執繫當死媛美夜中告道曰法有常刑必無生理君可速潛逃建立門戶妾自留獄代君塞咎道依違未從媛美便解道徑柁為齋糧貨子翔時年五歲使道

攜持而走媛美代道持夜應對不失度道已遠乃以實告吏應時見殺道父子會赦得歸道感其義終身不娶焉

後漢書

許允妻阮氏賢明而醜允始見愕然交禮畢無復入房意妻遣婢覘之云有客姓桓妻曰是必桓範將勸使入也既而範果勸之允入須臾便起妻捉裾留之允顧謂婦曰婦有四德卿有幾婦曰新婦所欠者容耳士有百行君有幾允曰皆備婦曰士有百行以德為首今君好色不好德何謂皆備允有慚色知其非凡遂雅相親重

魏志

夫婦類

卷四

四

涕命左右扶起冠幘加襲起對趣令妻還其貞絮不瀆如此吳志

梁鴻字伯鸞勢家慕其高節多欲妻之鴻並絕不娶同縣孟氏有女狀肥醜而黑力舉石曰擇對不嫁至年三十父母問其故女曰欲得賢如梁伯鸞者鴻聞而聘之女求作布衣麻屨織作緝績之具及嫁始以裝飾入門七日而鴻不答妻乃跪牀下請曰竊聞天子高義簡斥數婦今而見擇敢不請罪鴻曰吾欲裘褐之人可以與俱隱深山者爾今乃衣綺縞傅粉墨豈鴻所願哉妻曰以觀夫子之志爾妾自有隱居之服乃更為椎髻著布衣操作而前鴻大喜

曰此真梁鴻妻也能奉我矣字之曰德曜名孟光居有頃妻曰常聞夫子欲隱居避患今何爲默然無乃欲低頭就之乎鴻曰諾乃共入霸陵山中以耕織爲業有頃又去適吳依大家皋伯通居廡下爲人賃舂每歸妻爲具食不敢於鴻前仰視舉案齊眉伯通察而異之曰彼傭能使其妻敬之如此非凡人也

後漢書

唐太宗許降文成公主於吐蕃贊普贊普使其臣祿東贊來迎召見顧問進退合旨太宗禮之有異諸蕃乃拜祿東贊爲右衛大將軍又以瑯邪長公主孫女段氏妻之祿東贊辭曰臣本國已有婦父母所聘情不忍乖且贊普未謁

夫婦類

卷四

五

公主臣安敢輒娶太宗嘉之

唐書

賈直言坐事貶嶺南以妻董氏少乃訣曰吾生死不可知吾去汝可改嫁勿待也董不答引繩束髮封以帛使直言署曰非君手不解直言貶二十年乃還署帛宛然及湯沐髮墜無餘

唐書

文中子曰婚娶而論財夷虜之道也君子不入其鄉古者男女之族各擇德焉不以財爲禮

人譜

范忠宣純仁將娶婦或傳以羅爲幃幔公不悅曰羅綺豈幃幔之物耶吾家素清安得亂吾家法敢持至當火於庭

人譜

坊表錄卷之五

鬱林蘇宗經文庵氏輯

男 玉霖 孫 龍 恂 校

朋友類

管子曰與人交多詐僞無情實偷取一切謂之烏集之交初雖相歡後必相咄

墨子曰其友皆好仁義純謹畏令則家日益身日安名日榮處官得其理則段干木禽子傳說之徒是也其友皆好矜誇創作比周則家日損身日危名日辱處官失其理矣則子西易牙豎刁之徒是也

墨子見染絲者而嘆曰染於蒼則蒼染於黃則黃所入者

兄友類

卷五

一

變其色亦變五入而已爲五色故染不可不慎也

莊子曰君子之交淡如水小人之交甘如醴君子淡以親

小人甘以絕彼無故以合者則無故以離

荀子曰卒遇故人曾無舊言吾鄙之

楊子曰朋而不心面朋也友而不心面友也

文中子曰以勢交者勢傾則絕以利交者利窮則散

趙熹與仲伯友遭亂攜弱小越山阻出武關仲伯以婦色美慮有強暴者而已受其害欲棄之於道熹責怒之不聽因以泥塗仲伯婦面載以鹿車身自推之每逢賊或欲逼略熹常言其病狀以此得免

後漢書

朱暉字文季南陽宛人與張堪同縣堪於太學中見暉甚重之把其臂曰欲以妻子相託如何朱以堪先達不敢對自後不復相見張亡後朱問其妻子貧困往視之分以居食暉子頡問曰大人未聞與堪爲友何爲此暉曰堪嘗有知己之言吾已信於心也後漢書

王丹字仲回京兆下邳人也哀平時仕州郡王莽時連徵不起丹子有同門生喪親家在山中白丹欲往奔慰結侶將行丹怒而撻之令寄帛二疋以祠焉或問其故丹曰交道之難未易言也世稱管鮑次則王貢張陳凶其終蕭朱隙其末張耳陳餘蕭育朱博故知全之者鮮矣時人服其言後漢書

朋友類 卷五

二

公沙穆來遊太學無資糧乃變服客傭爲孝廉吳祐賃春祐與語大驚遂共定交於杵臼之間後漢書

孔子建少遊長安與崔篆友善及篆仕王莽爲建新太尹嘗勸子建仕對曰吾有布衣之心子有衮冕之志各從所好不亦善乎道既乖矣請從此辭遂歸終於家後漢書

范式字巨卿山陽金鄉人也一名汜少游太學爲諸生與汝南張劭爲友劭字元伯二人並告歸鄉里式謂元伯曰後二年當還將過拜尊親見孺子焉乃共剋期日後期方至元伯具以白母請設饌以候之母曰二年之別千里結言爾何相信之審也對曰巨卿信士不乖違母曰若然當

爲爾醞酒至其日巨卿果到升堂拜飲盡歡而別後漢書

陳重字景公豫章宜春人少與同郡雷義爲友俱學魯詩顏氏春秋太守張雲舉重孝廉重以讓義前後十餘通記雲不聽義明年亦舉孝廉與重俱在郎署有同署郎負息錢數十萬債主日至索求無已重乃密以錢代還即後知覺而厚辭謝之重曰非我之爲將同姓名者終不言惠又同舍郎有告歸省者誤持鄰舍郎綉以去主疑重所取重不自申說而市綉以償之後告歸者來以綉還主其事乃白後重與義俱拜尚書郎義代同時人受罪以此黜退重見義去亦以病免後漢書

朋友類 卷五

三

諸葛孔明與法正友雖好尚不同以公義相取孔明每奇正智術蜀志

張裔少與犍爲楊恭友善恭早死遺孤未數歲裔迎留與分屋而居事恭母如母恭之子息長大爲之娶婦買田宅產業使立門戶撫恤故舊振贍衰宗行義甚至蜀志

程普頗以年長數陵侮周瑜瑜折節容下終不與校普後自醉時人以其謙讓服人如此吳志

徐原慷慨有才志呂岱知其可成賜巾幘與共言論後遂薦拔官至侍御史原性忠壯好直言岱時有得失原輒諫

諍又公論之人或以告岱岱嘆曰此我之所以貴德淵也及原死岱哭之甚哀曰德淵呂岱之益友今不幸岱復於何問過談者美之吳志

嵇康嘗撰上古以來高士為之傳贊友其人於千載也晉書

顏延之曰與善人居如入芝蘭之室久而不聞其芬與之化矣與不善人居如入鮑魚之肆久而不知其臭與之變矣是以古人慎所與處惟夫金真玉粹者乃能盡而不汚宋書

張九齡與嚴挺之蕭誠素善挺之惡誠佞勸九齡謝絕之

朋友類 卷五

四

九齡忽獨念曰嚴太苦勁然蕭軟美可喜方命左右召蕭李泌年尚少時在旁曰公起布衣以直道至宰相而喜軟美者乎九齡驚改容謝之因呼之為小友唐書

唐狄梁公仁傑與鄭崇質同僚崇質當使絕域公曰彼母老且病豈可使有萬里之行詣長史蘭仁基謀代之仁基

素與司馬不協因相謂曰吾輩豈不愧死乎遂相輯睦唐文

唐許崇久困名場十年不得歸故鄉音問杳然值馬戴佐大同軍幕崇往謁之一見如舊留連數月但詩酒而已許

未嘗有所請戴未嘗問所欲忽一日大會賓客命使者以崇妻子平安家信授之崇驚愕莫知所自來啟緘視之乃

是戴潛遺一价以三百金恤其家矣崇不覺泣拜唐史

御正與黃皓比屋周旋三十餘年淡然自守以書自娛既不為皓所愛亦不為皓所憎故官不及六百石而不罹其禍蜀志

朱子與長子受之書曰交游之間最當審擇大凡忠厚敦信能攻吾過者益友也其諂諛輕薄傲慢褻狎導人為惡者損友也推此求之百無一失但恐自己志趣卑凡不能克己從善則益者不期疎而日遠損者不期近而日親此須痛加檢點而矯革之不可在再漸習自趨小人之域也文集

朋友類 卷五

五

富鄭公中年居洛時為堯夫所激發所得益深嘗云某不遇邵先生不過一村漢耳言行錄

許魯齋曰耳目聞見與心之所發各以類應如有種焉今日之所出者即前日之所入也同聲相應同氣相求未嘗

少差不可不慎也諸錄

戴洪正每得密友一人則書於簡編焚香告祖考號曰金蘭簿馮贊雲仙雜記

韓億李若谷未第時皆貧同途赴試京師共有一甌一席乃割分之每出謁更為僕李先登第授許州長社縣主簿赴官自控妻驢韓為負箱將至長社三十里箱中止有六

百以其半遺韓相持大哭別去次舉韓亦登第後至參知政事邵伯溫聞見錄

方瓘婺源人與同里御史洪垣師事侍郎湛若水絕意仕進嘗自廣東還同行友瘴死舟中例不載屍瓘秘不以告與同寢累日至韶州始殯之明史

楊燾字仲舉吳人少孤貧隨兄戍武昌授徒自給楊士奇微時流寄寤之燾輒解館舍讓之而已教授他所士奇心賢之及貴薦燾經明行修明史

馮開之性謙和樂親正人李齊巖直諒益友時面折其非必虛懷順受衰了凡告之曰子日親善士聞善言砥德礪朋友類

卷五

六

行天必相之開之後大魁天下厚德錄

稽記室曰君子不幸而知於小人宜早決斷焉小人豈誠於好德哉姑藉以厭羣論矜已黨焉耳

張毅夫先生廬陵人與文文山友文山顯時屢以官辟不就江南既屬元文山自廣還過吉州城下先生來見曰今日丞相赴北某當偕行既至燕寓於文山囚所側近日以羹饌餽凡三載始終如一且潛製檣文山受刑日即以藏其首復訪求文山之室歐陽氏於俘虜中俾出焚其屍先生收拾骸骨襲以重囊與先所函檣南歸付文山家葬焉伊川先生與韓持國善往造焉久留穎川韓早晚伴食禮

貌甚敬一日韓謂其子彬叔曰先生遠來無以為意我常有金樛重三十兩似可為先生壽未敢遽言之使汝侍食從容道我意彬叔如所戒啟之先生曰頃與乃翁道義交故不遠而來奚以為此詰朝辭歸持國曰吾不敢言正為此耳再三謝過而別文集

張橫浦初年貧寒衣食不備有送襲衣者卻不受曰士處貧苦正是做工夫時節若不痛自砥礪則貪心生廉恥喪矣工夫何在人譜

王端毅公恕守揚州時有德公者餽千金為壽公雖謝卻然亦不能忘情終夜不寐每一念動即大呼曰王某汝何

朋友類

卷五

七

得起此念如是者數四比明此念遂息人譜

呂原明云京師人有以金銀實二筐託付於其友數年而死其友往語其子曰我父平日未嘗一言及此並無契券之驗殆長者之誤也其友曰我親受之爾父豈待契券與汝汝必與聞哉兩人相推無敢當其友遂持以白官時包孝肅尹京兆究其實斷還其子世俗皆謂今人無復良心惟知有利耳聞是兩人之風可以釋世俗之疑矣乎譜張知常在上庠日偶他出有同舍生發其篋盜金十兩學師集同舍檢得之公不認曰非吾金也同舍生夜袖金還之公憐其貧復以半與之後公大顯人譜

汪尙寶卿文輝爲諸生時就臺試友人與偕者馬旋墮水死同列以試期迫促倉皇解散去汪獨留殞殮之乃去比至不及試期人皆笑其迂汪自若也次科則登第

人譜

明吳寬爲修撰時有同年賀恩寢疾將不起託於公之旁廡公卽掃室請遷及卒奉殮於中堂使子衣衰以答弔者又有故人之子有事於京者書託公主之久而有疾不起爲棺殮及殮賸有輸官銀若干盡喪於娼家公爲如數償之遣人送其喪歸

客中閑話

許新上元諸生也素與金陵江某善江多養豪俠不擇交游忽爲叛案所供被捕獲新欲救之曰子所犯者非凌遲朋友類

卷五

八

則死矣吾不忍焉吾第保子不入縲縶子急逃吾卽坐罪亦不至身首異處也江果逃後追保入官許曰生員不知其謀叛一時誤耳官亦義之果得不死事解後見江某毫無德色

楊鄉集

吳廷舉字獻臣謚清惠梧州人成化間以進士由知縣仕至尙書在太學時兄事羅玘玘病痢僕死自煮藥飲之負以如廁一晝夜數十反玘嘗語人曰獻臣生我

明史

張鳳字子儀安平人宣德間以進士仕至戶部尙書有孝行性純樸故人死聘其女爲子婦教其子而養其母終身同學友蘇洪好面斥鳳過及爲鳳屬官猶然鳳待之如初

聞其貧卽賙給之

明史

荀巨伯遠看友人疾值賊攻城友曰吾今死矣子可速去荀曰遠來相待去則敗義以求生豈巨伯所爲哉賊至謂荀曰大將至一郡盡空汝何人而敢獨止荀曰友疾不忍棄也賊相謂曰我輩無義之人不可入有義之國去之一郡獲全

人譜

朋友類

卷五

九

坊表錄卷之六

鬱林蘇宗經文庵氏輯

男王霖孫龍樹校

師生類

務學不如務求師師者人之模範也當致謹焉揚子法言

國語民生於三事之如一父生之師教之君食之非父不生非食不長非教不知生之類也故一事之惟其所在而致死焉人之道也國語

云傲字幼儒平陵人師事同縣吳章時王莽專權莽長子宇與吳章謀夜以血塗莽第門若鬼神之戒冀以懼莽事覺莽殺宇要斬章磔尸東市門初章為當世名儒教授尤師生類

卷六

一

盛弟子千餘人莽以為惡人黨皆當禁錮不得仕宦門人盡更名他師敬時為大司徒掾自劾吳章弟子收抱章尸歸棺斂葬之京師稱焉軍騎將軍王舜高其志節比之樂布漢書

孫寶字子嚴潁川鄆陵人也以明經為郡吏御史大夫張忠辟寶為屬欲令授子經更為除舍設儲侍寶自劾去忠固還之心內不平後署寶主簿寶徙入舍祭竈請比鄰忠陰察怪之使所親問寶前大夫為君設除大舍子自劾去者欲為高節也今兩府高士俗不為主簿子既為之徒舍甚說何前後不相副也寶曰高士不為主簿而大夫君以

賈為可一府莫敢非士安得獨自高前日君男欲學文而移寶自近禮有來學義無往教道不可詘身詘何傷且不遭者可無不為况主簿乎忠聞之甚慚上書薦寶經明質直宜備近臣漢書

廉范字叔度京兆杜陵人事博士薛漢後范辟公府會漢坐楚王事誅故人門生莫敢視范獨往收斂之吏以聞顯宗大怒名范入詰責曰薛漢與楚王同謀交亂天下范公府掾不與朝廷同心而反收斂罪人何也范叩頭曰臣無狀愚慙以為漢等皆已伏誅不勝師資之情罪當萬坐帝怒稍解問范曰卿廉頗後耶與右將軍竊大司馬丹有親屬乎范曰喪臣之曾祖丹臣之祖也帝曰怪卿志胆敢爾因賞之後漢書

卷六

二

鄭宏字巨君會稽山陰人同郡河東太守焦贛之門人也宣帝時楚王英謀反發覺以疏引贛被收捕疾病於道亡沒妻子閉繫詔獄掠考連年諸生故人懼相連及皆改變姓名以逃其禍宏獨髡頭負鐵鎖詣闕上書為贛頌罪顯宗覺悟即赦其家屬宏親送贛喪及妻子還鄉里由是顯名拜賜令後漢書

鄭元字康成北海高密人教授千餘人汝南應劭自贊曰故太山太守應中遠北面稱弟子何如康成笑曰仲尼之

門考以四科回賜之徒從來不稱官闕劬有慙色

後漢書

桓榮字春卿沛郡龍亢人也師事博士九江朱普貧屢無

資常客傭以自給精力不倦十五年不窺家園普卒榮奔

喪九江負土成墳因留教授後顯宗尊以師禮甚見親重

後漢書

桓典字公雅榮之曾孫也師事王吉會吉以罪被誅故人

親戚莫敢至者典獨棄官收斂歸葬服喪三年負土成墳

爲立祠堂盡禮而去

後漢書

朱穆字公叔朱暉之孫也爲侍御史時同郡趙康叔盛者

隱於武當山清靜不仕以經傳教授穆時年五十乃奉書

師生類 卷六

三

稱弟子及康歿喪之如師其尊德重道爲當時所服

後漢書

郭亮字恒直朗陵人師事李固固爲梁冀所殺露尸於四

衢令有敢臨者加其罪亮時年始成童遊學洛陽乃左提

章鉞

本章與鉞也右秉鉞詣闕上書乞收固尸不許因往臨

哭陳辭於前遂守喪不去夏門亭長呵之曰李杜二公爲

大臣不能安上納忠而興造無端卿曹何等腐生公犯詔

書干試有司乎亮曰亮受陰陽以生戴乾履坤義之所勳

豈知性命何爲以死相懼亭長嘆曰居非命之世天高不

敢不跼地厚不敢不踏耳目適宜視聽口不可妄言也太

后聞而不誅南陽人董班亦固弟子也才高行美不交非

類嘗耦耕澤畔惡衣蔬食聞固死乃星行奔赴哭泣盡哀

司隸案狀奏聞天子釋而不罪班遂守尸積十日不去桓

帝嘉其義烈聽送喪到漢中赴葬畢而還二人由此顯名

三公並辟班遂隱身莫知所歸

後漢書

宋岳武穆王飛年十三學射於周同同死朔望必設祭塚

前跪拜涕泣引同所贈弓發三矢而後返

宋史

楊政字子行京兆人也少好學從代郡范升受梁邱易善

說經書京師爲之語曰說經鏗鏗楊子行教授數百人范

升常爲出婦所告坐繫獄政爲肉袒以箭貫耳抱升子潛

伏道旁候車駕而持章叩首大言曰范升三娶唯有一子

師生類 卷六

四

今適三歲孤之可哀武騎虎黃懼驚乘與舉弓射之猶不

肯去旄頭又以戟政傷胸亦不退哀泣辭請有感帝心詔

曰乞楊生師即日日出升政由是顯名

後漢書

賈瓊對文中子曰夫子十五爲人師焉陳留王孝逸先達

之傲者也然而白首北面豈以其年乎瓊聞之德不在年

道不在位

隋書

游定夫楊中立見伊川先生於洛一日先生坐而瞑目二

子立侍不敢去久之先生乃歎曰二子尚在此乎日暮矣

可就舍二子退則門外雪深尺餘矣

朱子文集

劉清之既舉進士欲應博學宏詞科及見朱子盡收所習

焚之慨然志於義理之學 宋史

蔡季通聞朱子名往師之朱子叩其學大驚曰此吾老友也不當在弟子之列老與對榻講論諸經與義每至夜分四方來學者必俾先從元定質証焉 宋史

春秋繁露曰善為師者既美其道又慎其行齊時早晚任多少適疾徐造而勿趨稽而勿苦省其所為而成其所湛故力不勞而身大成此之謂聖化

謝上蔡先生初造程子程以客肅之辭曰為求師而來願執弟子禮程子受之館於門側上漏旁穿天大風雪宵無燭晝無炭市飯不得温程子弗問謝處安焉如是踰月餘

師生類 卷六

五

然有省然後程子與之語 困學紀聞

明侍制彭汝礪少常師事倪天隱及官保信即迎天隱置於齋閣執弟子禮甚恭天隱死母猶未葬明年妻亦死且無子汝礪為之葬其三喪又嫁其女人皆義之 明史

李希顏字愚庵邠州人隱居不仕太祖手書徵之至京為諸王師規範嚴峻諸王有不悉教者或擊其額帝撫而怒馬后曰烏有以聖人之道訓吾子顧怒之耶太祖意解 明史

東川侯胡海之子觀選尚公主太祖親擇徐宗實為師中使按他府例置駙馬位中堂南向而布師席於西階上東向宗實手引駙馬位使下然後為說書左右大驚相顧以

自帝聞而嘉之召宗實慰勞數四 明史

王行吳縣人授徒齊門名士皆與交富人沈萬三延之家塾每成文酬白金鏐計行輒麾去曰使富而可守則然臆之慘不及矣洪武初有司延為學校師 明史

陳敬宗慈谿人宣德中為南京國子司業入北京王振欲見之令周忱道意敬宗曰吾為諸生師表而私謁中貴何以對諸生振知不可屈乃貽之文錦羊酒求書程子四箴冀其來謝敬宗書訖書名而已返其幣終不往見王直為

吏部尚書從容謂曰先生官司成久將薦公為司寇敬宗曰公知我者今與天下英才終日論議顧不樂耶性善飲

師生類 卷六

六

酒至數斗不亂囊成伯李隆守備南京每留飲聲妓滿左右竟日舉杯未嘗一盼其嚴重如此 明史

王祿字叔豐王禕之孫博士紳之子師事方孝孺正學先生正學被難誅十族無人敢視者祿與其友鄭珣輩潛收遺骸禍幾不測自是絕意仕進初紳痛父亡食不兼味守之不變 明史

楊繼盛字叔山以兵部員外郎劾仇鸞謫翟道縣典史陝西巡按行牌名為書院山長始辭不允再復書其略曰今之師道不立久矣古之師道則可稽凡以師道尊嚴不可挾勢位以屈之也本院有心書院乃不能脫勢位之套而

掖憲牌提取若僕隸然一則曰無得遲緩二則曰無得遲緩是以典史召之也古之設書院者專以講明道理今爲書院計而扶芻位以延其師卽所謂書院者不過利祿之淵藪功名之發題耳其於斯道何所補哉故雖不爲此亦可也如以牌而取遵牌而往不惟爲知道者之笑其如師道不立何繳還其禮終不往焉 椒山文集

正德時李西涯於劉瑾張永之際不可言臣節矣士惠其私猶曲貸而與之幾無是非之心羅公玘乃李之門人引大義責之書云生違教下屢更變故雖常貢書然不敢頻頻恐彼此無益也今則天下皆知忠赤竭矣大事亦無所

師生類 卷六

七

措手矣易曰不俟終日此言非與彼朝夕獻諂以爲當依依者皆爲其身謀也不知乃公身集百垢百歲之後史冊載之萬世傳之不知此輩亦能救之乎白首老生受恩俱多致有今日然病亦垂死此而不言誰復言之伏望痛割舊志勇而從之不然請先削生門牆之籍然後公言於衆大加誅伐以彰叛恩之罪生亦甘心焉生蓄誠積直有日矣臨楮不覺狂悖干冒之至李得書淚下 玉堂叢話

明方正學在宋濂門爲高弟濂後貶蜀每私居念及或見其手跡或談及濂事輒涕泣既官漢中其家不能存正學言於蜀王厚撫卹之墓在夔每舟次必往祭之痛哭移時

乃去 玉堂叢話

天順八年流賊攻城教諭鄭厥訓導陳普家屬爲賊所擄諸生亮立謂同列曰平生所讀何書忍令二師全家被擄乎同儕陳敬慨然罄家貲得二十餘兩付之亮誓獨行四晝夜方達賊所賊脅以危言亮不爲動竟得二師家屬而歸可謂真讀書人矣 清遠縣志

福建泰政吳昂海鹽人少時聞海寧祝生葦履方篤於行以員外郎家居授教昂短褐草鞋負書往從就河濱濯足而進祝先生奇其人欲試之曰生來晚書舍已滿無所置生惟一牛屋幸無牛生或可居乎昂欣然解衣共先生家

師生類 卷六

八

人掃除受祝先生書坐牛屋中日夜誦不輟冬夜一敗絮袍時解與所從老奴更相友歲暮歸祝先生贈以米布要明年復來除夕上母壽訖卽走百里詣祝先生所元旦方啟門吳生儼然進謁拜罷復請受書矣後昂旣貴聞祝先生死奔赴喪次哭踊執心喪三年 海鹽縣圖經

錢鶴灘請告門生有守維揚者遣使迎公越期不至後始一至諸大賈爭先迎謁公曰病夫來看廣陵濤差有起色并一問瓊花消息耳無心跨鶴也遂潛歸太守追之不得人語

董公僕家居適楚試差公門生也先時封所擬經題寄公

公發而火之不以示子子後一科中試式 人譜

師生類 卷六

九

坊表錄卷之七

鬱林蘇宗經文庵氏輯

好學類



于定國字曼倩東海郟人于公之子也宣帝時為廷尉篤於好學乃迎師學春秋身執經北面備弟子禮為人謙恭尤重經術士雖卑賤徒步往過定國皆與均禮恩敬甚備學士咸稱焉 漢書

夏侯勝字長公少孤好學昭帝時為長信少府宣帝時以議宗廟事與丞相長史黃霸並下獄霸欲從勝受經勝辭以罪死霸曰朝聞道夕死可矣勝賢其言遂授之繫再更

好學類 卷七

冬講論不怠 漢書

承宮字少子琅邪姑幕人也少孤年八歲為人牧豕鄉里徐子盛者以春秋經授諸生數百人宮過息廬下好之因棄其豬而留聽經豬主怪其不還求索得宮欲笞之門下生共禁止因留之為諸生拾薪執苦數年勤學不倦宮嘗出行得虎所殺鹿持歸肉分門下取鹿皮上師師不受宮因棄之人問其故宮曰既以與人義不可復取經典既明乃歸家教授 後漢書

李固字子堅漢中南鄭人司徒邵之子也改易姓名杖策驅驢負笈追師三輔每到太學密入公府定省父母不令

同業諸生知是邵子後仕至太尉後漢書

范質自從仕未嘗釋卷人或問之質曰昔嘗有異人言吾他日必當大任苟如其言無學術何以處之蒙求

范文正公作嚴先生祠堂記其結句先生之風風字原作德時李觀在坐問曰公此文一出名世只一字未妥公曰

何字曰先生之德德字不如代以風字公欣然改之古文註

呂東萊曰凡人有一行之善即當學之勿以同時同處貴耳賤目也文集

羅倫字彝臣江西吉安人五歲嘗隨母入園果落眾競取倫獨賜而後受家貧樵牧挾書誦不輟及為諸生志聖賢

好學類 卷七

二

學嘗曰舉業非能壞人人自壞之耳知府張瑄憫其貧周之粟謝不受成化中狀元及第時李賢居喪絕情倫上書論之被謫引疾歸遂不復出里居倡行鄉約相率無敢犯晨留客飲妻子貸粟鄰家及午方炊不為意築室金牛山中著書其中四方從學者甚眾稱一峯先生明史
楊忠愍公繼盛八歲時兄使牧牛公過里塾見諸生揖容之美聞吟誦之聲心愛之歸告於兄欲從學兄曰若年幼焉用此公曰年幼能牧牛乃不能讀書耶於是入塾十八歲充學生員讀書僧舍自操井竈之勞冬汲水手與筒凍住早晚以稊稗五根熟飯夜缺油每對月讀書卧無衾每

起而遶屋疾走椒山文集

陶魯字自強鬱林人以父成死國事廢新會縣丞成化間積功官至湖廣布政使兼廣東按察副使領嶺西道事人稱為三廣公初為丞時年纔弱冠知縣王重勉之學重故老儒魯遂請執弟子禮每晨授經史講解而後視事至重卒官魯執喪如父禮且資其二子又敬事名儒陳獻章獻章亦重之明史

好學類

卷七

三

坊表錄卷之八

鬱林蘇宗經文庵氏輯

正氣類

孫龍愉校

申屠嘉梁人也文帝時為丞相為人廉直門不受私謁常
寵幸通嘉入朝而通居上旁有怠慢之禮嘉奏事畢因
言曰陛下幸愛羣臣則嘉貴之至於朝廷之禮不可以不
肅上曰君勿言吾私之嘉罷朝坐轎中為獄召通詣丞相
府不來且斬通恐入言上上曰汝第往吾今使人召汝通
至免冠徒跣頓首謝嘉坐自如弗為禮責曰夫朝廷者高
皇帝之朝廷也通小臣戲殿上大不敬當斬史今行斬之

正氣類

卷八

一

通頓首出血不能解上度丞相已困通使使持節召通而
謝丞相曰此吾弄臣君其釋之漢書
蓋寬饒嚴正自持時平恩許伯入第丞相以下皆賀寬饒
不行許伯請之乃往從西階上東鄉特坐許伯自酌曰蓋
君後至寬饒曰無多酌我我乃酒狂丞相穉侯笑曰蓋公
醒而狂何必酒也坐者皆屬目卑下之酒酣樂作長信少
府趙長卿起舞為沐猴與狗鬪坐皆大笑寬饒不悅仰視
屋而嘆曰美哉然而富貴無常忽則易人此如傳舍所閱
多矣惟慎謹方得久君侯可不戒哉因起趨出劾奏長信
少府以列卿而沐猴舞失禮不敬上欲罪少府許伯為謝

良久上乃解漢書

霍光輔政時殿中嘗有怪一夜羣臣相驚光召尚符璽郎
郎不肯授光光欲奪之郎按劍曰臣頭可得璽不可得也
光甚誼之明日詔增此郎秩二等漢書

尹翁歸字子况平陽人徵拜東海太守過辭廷尉于定國
定國家在東海欲屬託邑子兩人令坐後堂待見定國與
翁歸語終日不敢見其邑子既去定國乃謂邑子曰此賢
將汝不任事也又不可干以私漢書

王尊字子贛涿郡高陽人成帝時為東郡太守久之河水
盛溢泛浸瓠子金隄老翁奔走恐水大決為害尊躬率吏
正氣類

卷八

二

民投沉白馬祀水神河伯尊親執圭璧使巫策祝請以身
填金堤因止宿廬居堤上吏民數千萬人爭叩頭救止尊
尊終不肯去及水盛堤壞吏民皆奔走惟一主簿泣在尊
旁立不動而水波稍卻迴還吏民嘉壯尊之勇節漢書
蕭琛為吳興太守郡有項羽廟土民稱為憤王甚有靈驗
遂於郡廳事安施牀幕為神座公私請禱前後二千石皆
於廳拜祠而避居他室琛至徙神還廟處之不疑梁書
盧光為京兆尹先是郡舍數有妖怪前後郡將無敢居者
光曰吉凶由人妖不妄作遂入居之未幾光所乘馬忽升
廳事登牀南首而立又食器無故自破光並不以介懷其

精誠守正如此周書

魯丕字叔陵魯恭之弟也元和元年拜趙相門生就學者常百餘人關東號之曰五經復興魯叔陵趙王商嘗欲避疾便時移往學宮不止不聽王乃上書自言詔書下丕不奏曰臣聞禮諸侯薨於路寢大夫卒於嫡室死生有命未有逃避之典也學宮傳五帝之道修先王禮樂教化之處王欲廢塞以廣游讌事不可聽詔從丕言王以此憚之其後帝巡狩之趙特被引見厚加賞賜後漢書

第五倫字伯魚京兆長陵人也拜會稽太守雖為二千石躬自斬芻養馬妻執炊爨受俸裁留一月糧餘皆賤賣與正氣類

卷八

三

民之貧羸者會稽俗多淫祀好卜筮民常以牛祭神百姓財產以之困乏其自食牛肉而不以薦祀者發病且死先為牛鳴前後郡將莫敢禁倫到官移書屬縣曉告百姓其巫祝有依託鬼神詐怖愚民皆案論之有妄屠牛者吏輒行罰民初頗恐懼或祝詛妄言倫案之愈急後遂斷絕百姓以安永平五年坐法徵老小攀車叩馬啼呼相隨日裁行數里不得前倫乃僞止亭舍陰乘船去眾知復追之及詣廷尉吏民上書守闕者千餘人後漢書
鍾離意字子阿會稽山陰人為郡督郵既遷為令建武十四年會稽大疫死者萬數意獨身自隱親經給醫藥所部

多蒙全濟顯宗時為尚書時交趾太守張恢坐贖千金徵還伏法以資物薄入大司農詔班賜羣臣意得珠璣悉以委地而不拜賜帝怪問其故對曰臣聞孔子忍渴於盜泉之水曾參迴車於勝母之間惡其名也此贖穢之寶誠不敢拜帝嗟歎曰清平尚書之言乃更以庫錢三十萬賜意後漢書

宋均字叔羣南陽安眾人始為辰陽長其俗少學者而信巫鬼均為立學校禁絕淫祀人皆安之後為九江太守凌尊縣有唐后二山民共祠之眾巫遂取百姓男女一以為公姬以男為山公以女為山歲歲改易既而不敢嫁娶前姬猶祭之有尸主也

正氣類 卷八

四

後守令莫敢禁均為下書曰自今以後為山娶者皆娶巫家勿擾良民於是遂絕均性寬和不喜文法常以為吏能寬厚雖貪汙放縱猶無所害至於苛察之人身或廉法而巧黠刻削毒加百姓灾害流亡所由而作後漢書
沈景吳郡人為侍御史順帝時河間惠王政傲狃不奉法憲以景有強能稱擢為河間相景到國謁王王不正服箕踞殿上侍郎贊拜景時不為禮問王所在虎賁曰是非王耶景曰王不服常人何別今相謁王豈謁無禮者耶王慙而更服景然後拜出住宮門外請王傳責之曰前發京師陛下見受詔以王不恭使相檢督諸君空受爵祿而無訓

導之義因奏治罪詔書讓政而詰責傳 後漢書

周舉字宣光汝南汝陽人也延熹中為并州刺史太原一

郡舊俗以介子推焚骸有龍忌之禁至其亡月咸言神靈

不樂舉火由是士民每冬中輒一月寒食莫敢煙爨老小

不堪歲多死者舉既到州乃作弔書以置子推之廟言盛

冬去火殘損民命非賢者之意以宣示愚民使還溫食於

是眾惑稍解風俗頗革 後漢書

范滂字孟博汝南征羌人少厲清節為州里所服桓帝時

繫獄獄吏曰凡坐繫皆祭皋陶滂曰皋陶古之直臣知滂

無罪將理之於帝如其有罪祭之何益由此亦止 後漢書

正氣類 卷八

五

盧植字子幹涿郡人少與鄭元師事馬融能通古今學好

研精而不守章句融外戚豪家多列女媚歌舞於前植侍

講積年未嘗轉眄融以是敬之學終辭歸闔門教授性剛

毅有大節常懷濟世志不好辭賦 後漢書

劉祐字伯祖中山安國人也少修操行仕郡為主簿郡將

少子嘗出錢付之令市買果實祐悉以買筆具與之因白

郡將言即君年可入小學而但傲狠遠近謂明府無過庭

之教請出受書郡將為使子就祐受經五日一試不滿呈

限白決罰遂成學業 後漢書

公沙穆字文父北海膠東人家貧賤自為兒童不好戲弄

長習詩春秋居建成山中依林阻為室獨宿無侶時暴風

震雷有聲於外呼穆者三穆不與語有頃呼者自牖而入

音狀甚怪穆誦經自若終亦無他妖異時人奇之 後漢書

袁盎字絲安陵人事文帝嘗引大體忼慨上朝東宮宦者

趙談驪乘盎伏車前曰臣聞天子所與共六尺輿者皆天

下豪傑今漢雖乏人陛下獨奈何與刀鋸之餘共載耶上

笑下趙談談泣下車上從霸陵上欲西馳下峻阪盎攬轡

上曰將軍怯耶盎曰臣聞千金之子不垂堂百金之子不

倚衡聖主不乘危不微幸今陛下騁六飛馳不測山有如

馬驚車敗陛下縱自輕奈高廟太后何上乃止上幸上林

正氣類 卷八

六

皇后慎夫人從其在禁中常同坐及坐郎署長布席盎引

卻慎夫人坐慎夫人怒不肯坐上亦怒起盎因前說曰臣

聞尊卑有序則上下和今陛下既以立后慎夫人乃妾妾

主豈可同坐哉且陛下幸之則厚賜之陛下所以為慎夫

人適所以禍之也獨不見人家乎於是上乃說入語慎夫

人慎夫人賜金五十斤 漢書

韓偓職內署宰相章貽範母喪詔還位偓當草制上言曰

貽範處喪未數月遽使視事傷孝子心今中書事一相可

辦陛下誠惜貽範才俟變續而召可也何必使出義冠廟

堂入泣血柩側毀瘠則廢物勤恪則忘哀此非人情可處

也學士使馬從皓逼僱求草僱曰腕可斷庶不可草從皓曰君求死耶僱曰吾職內署可默默乎

唐書

宋璟遷左臺御史中丞會飛書告張昌宗引相工觀吉凶者璟請窮治武后曰易之等已自言於朕璟曰謀反無容以首原請下吏明國法易之等貴寵臣言之且有禍然激於義雖死不悔后不憚姚璹遠傳詔令出璟曰今親奉德音不煩宰相擅宣王命后意解許收易之等就獄俄詔原之勅二張詣璟謝璟不見曰公事公言之若私見法無私也顧左右嘆曰吾悔不先碎豎子首而令亂國經

唐書

秦昭少年遊京師其執友鄧君載酒祖餞既而昇一殊色

正氣類

卷八

七

小鬟至前令拜秦因指之曰此吾爲部主事某人所買妾也幸君便航可以付達秦弗敢諾鄧作色曰縱君它得之亦不過二千五百緡耳何峻辭乃爾秦勉強從命遂適至臨清天漸暄夜多蚊蚋納之帳中同寢直抵都下置舍館主婦處持書往見主事問曰足下有家眷來耶曰無有主事意不悅隨以小車取婦歸踰三日謁謝曰足下長者也昨已作答簡報吾鄧君且使知足下果能不孤負所託之意矣遂相與痛飲盡歡而散後秦之子孫咸至顯宦

不可不閱錄

張詠知益州有術士上謁自言能鍛汞爲銀公卽市汞百兩使鍛一火而成不耗銖兩公立命工煅爲一大香爐鑿

其腹曰充大慈寺殿上公用送寺中以酒遣術者而絕之

言行錄

張禹字伯達趙國襄國人建初中拜揚州刺史嘗過江行部中土民皆以江有子胥之神難於濟涉禹將渡吏固請不聽禹厲言曰子胥如有靈知吾志在理察枉訟豈危我哉遂鼓楫而過

後漢書

賢儼爲學士宋太祖晚坐崇正殿召見儼至屏樹間見太祖岸幘不進中使促不應上訝其久不出笑曰豎儒以我燕服爾遽命袍帶儼始出見

宋史

呂端奉使高麗遇風濤檣折舟人大恐公恬然讀書若在

正氣類

卷八

八

齋閣

玉壺清話

王魏公巨爲相諫議大夫張師德謁向敏中曰師德兩詣王相公門皆不得見恐有人輕毀望公從容明之一口方議知制誥公曰可惜張師德向公曰何謂公曰累於上前說張師德名家子有士行不意兩及吾門狀元及第榮進素定但當靜以待之耳若復奔競使無階而進者當如何也向公方以師德之意啓之公曰旦處安得有敢輕毀人但師德後進待我淺也向公固稱師德適有關望公弗遣公曰第緩之使師德知聊以戒貪進激薄俗也

言行錄

劉璟伯温之子也以使至燕王與之弈璟勝王曰卿獨不

稍讓耶對曰可讓處不敢不讓不可讓處環何敢讓蓋已
窺見燕王之心矣明史

吳希賢拜檢討預修英廟實錄有貴家子冠姓者密以賄
說希賢致半詞於其父希賢拒之曰苟為此他日何以見
董狐於地下玉堂叢話

都御史楊公繼宗居憂時宦官汪直以權幸延攬名士聞
楊公治郡名往弔公衰經於墳所直趨拜起手捋公鬚曰
比聞楊繼宗名今貌乃爾公曰繼宗貌陋但虧體辱親未
之敢爾直不復敢言直時聲震海內不屈者公一人耳後集

正氣類 卷八

九

孫繼先孟縣人以御史居憂嘗乘馬之里社逢路人指公
前有緋衣婦人卻行去曰孫御史來吾不敢過孟縣界公
馳馬即之入於牛羣迄不見明年民病疫瘴自山以西死
者數十萬獨孟不染人以此奇之湧幢小品

張昂字仲明慈谿人成化中以進士為鉛山縣有寡婦其
子以採薪為虎所傷泣訴於昂昂乃齋戒約城隍五日丙
必驅虎伏辜不然廟當毀果有二虎如約來昂曰無辜者
去其一虎遂去一虎伏於庭昂善射引滿三中其首殺之
以畀節婦一縣稱神明史

海忠介廉介正飭京師解一水妖神來就訊之曰神在御

園為崇上歷舉大臣名皆不懼惟曰送南京海瑞處則無
聲昨非庵錄

魏忠賢欲招仕籍姓魏者為宗譜人爭以弟姪之分事之
惟給事中魏大中毀其帖以絕之助教魏浣初不通名籍
遂除名臣鑒錄

海忠介公為南京總憲風猷肅然一日因送表向三山門
內一孝廉家借坐孝廉屋宅壯麗憚公清嚴聞其來盡撤
廳事所陳什物索敵几數張待之人譜

廉希憲時方尊信佛法帝命希憲受戒對曰臣受孔子戒
矣帝曰孔子亦有戒耶對曰為臣當忠為子當孝孔子之
王氣類 卷八

十

戒如是而已矣元史

孫薪擢元祐中第選教授不赴質性清介與黃葆為太學
舊游後黃以御史出守處州薪不肯詣郡謁黃約以勸農
日會於洞溪至期薪以扁舟來會時有胥吏欲賄黃將因
薪納之先俾家僮導意薪曰謹勿語使吾聞是入耳臧人譜
嚴宗為上高簿受代漕使以試官缺留宗校文寓蕭寺有
富家子因寺僧致懇中式許以五十萬錢宗笑曰請其人
面議翼早來謁叱之曰三年大比公卿由此而出汝輩不
潛心力學乃欲以賄進乎其人慚退宗即日辭漕使行人
譜

王鼎爲縣宰時憇於庭俄有暴風舉榻於空中鼎無懼色
漸次枕榻俱高乃曰吾中朝端士邪無干正可徐置之須
更榻復故處風遂止 遼史

陶大臨都御史大順之弟也爲吏部侍郎少時應舉杭州
隣女夜奔大臨拒之明旦遂徙舍其爲人寬然長者而內
持貞介不以勢利易 明史

汪應軫山陰人知泗州州土瘠民情不知農桑應軫勸之
耕買桑植之募江南女工教以蠶繅織作由是民足衣食
正德南征中使驛騷道路應軫率壯夫百餘人列水次舟
至卽挽之出境車駕駐南京命州進美婦善歌吹者數十

正氣類 卷八

二

人應軫言州子女荒陋無以應教旨臣向募有桑婦請納
之宮中傳受蠶事事遂寢 明史

戚賢全椒人知歸安縣縣有蕭總管廟報賽無虛日會久
旱賢禱不驗沈木偶於河居數日舟過其地木偶躍入舟
中舟人大驚賢徐笑曰是特未焚耳趨焚之潛令健隸入
岸傍社誡之曰水中人出械以來已果獲數人蓋奸民慕
善迥者爲之也 明史

張知白守臺亳有士豐於財集貲作佛寺落成知白使人
召穆修作記記中不書士名士乃以白金五百遺穆修爲
壽且求載名於記修投金庭下趣裝去郡士婉謝之修終

不受且言曰君子固窮吾寧餬口四方長爲旅人終不以
匪人污吾文也 宋史

張昂字仲明慈谿人成化進士受鉛山知縣有巫能隱形
淫人婦女昂執巫痛杖之無所苦已而並巫失之昂馳縛
而歸印巫背鞭之立死乃盡毀諸淫祠 明史

彭聶字祖期永豐人永樂進士官至副使年七歲入佛寺
不拜僧強之叱曰彼不衣冠而袒跣何拜爲後爲南雄府
教授學舍後有祠數現光怪學官子弟率禱祀聶撤而焚
之 明史

楊忠愍公繼盛保定容城人爲諸生時與二姪讀書佛寺

正氣類 卷八

三

寺止一僧值天行瘟疫僧病倒同舍生卽亡去其兄遣人
促公與姪歸公曰如子去則此僧死在旦夕遣二姪歸兄
又遣人促曰如相染毋歸家也公曰平日相與有病去之
心安忍乎如予相染同死於此亦可也於是公爲之親供
飲食遍求醫藥夜則同寢二十日僧愈時其兄亦病矣信
到公卽歸不解衣而事者月餘兄亦愈妻亦病無一人近
公自調養數日而愈是年染疫甚多公親事三人而不能
染 文集

嘉慶十三年天行瘟疫予外祖母病故予與弟輩隨
先母往喪畢而歸俱病矣而外祖父一家十餘人亦病

數日而外祖父故叔祖母亦故其宗族鄉黨無一人敢
近予 父親歸而顧視妻子出而料理外家備死者之
棺衾求生者之醫藥數里之間日夕奔馳二十餘日

先母與予等幸得無恙而舅父一家亦愈時不避艱險
同與周旋者惟姨表崇洋一人而已不亦幸歟可知義
心所在即正氣所存鬼神亦當佑此一二人以救十餘
人之命而邪氣不能染也世之人不知有義雖至親不
顧是其心先虛又安保邪之不入乎 宗經謹誌

李叔堅汝南人爲桂陽太守小時爲從事在家狗作人立
行家言當殺之叔堅云犬馬喻君子狗見人行奴之何傷

正氣類 卷八

三

叔堅見縣令還解冠榻上狗戴持走家大驚復云誤觸冠
冠纓挂著之耳狗於竈前蓄火家益怔忡復云兒婢皆在
田中狗助蓄火幸可不煩鄰里此有何惡里中相罵不言
無狗怪遂不肯殺後數日狗自暴死卒無纖芥之異 應劭
風俗通

坊表錄卷之九

鬱林蘇宗經文庵氏輯

男 王霖 孫 龍 恂 校

節義類

王燭齋之畫邑人也燕入齊聞其賢下令軍中環畫邑三
十里無入已而使人謂燭曰吾以子爲將封子萬家燭固
謝燕人曰子不聽吾引三軍而屠畫邑燭曰忠臣不事二
君貞女不更二夫齊王不聽吾諫故退而耕於野國旣破
亡吾不能存今又劫之以兵以爲君將與其生而無義不
如死也遂縊而死 史記

蘇武奉使匈奴匈奴慕其賢欲降之使前降衛律邀曰蘇

節義類 卷九

一

君律前負漢歸匈奴幸蒙大恩賜號稱王擁眾數萬馬畜
彌山富貴如此蘇君降亦如此空以身膏草野誰復知之
武不應律曰君因我降與君爲兄弟今不聽吾計後雖欲
復見我尙可得乎武罵律曰汝爲人臣子不顧恩義畔主
背親爲降虜於蠻夷何見汝爲律知武終不可脅白單于
單于益欲降之乃置武於大窖中絕不飲食武卧齧雪與
旃毛并咽之數日不死匈奴以爲神乃徙武於北海無人
處使牧羝曰羝乳乃得歸別其官屬常惠等各置他所
武至海上廩食不至掘野鼠去草實食之杖漢節牧羊卧
起操持節毛盡落初武與李陵俱爲侍中明年陵降不敢

求武久之單于使陵至海上爲武置酒設樂因謂武曰單于聞陵與子卿素厚故使陵來說足下終不得歸漢空自苦無入之地信義安在乎武曰我父子無功德皆爲陛下所成就位列將爵通侯兄弟親近常願肝腦塗地今得殺身自效雖蒙斧鉞湯鑊誠甘心焉臣事君猶子事父也子爲父死無所恨願勿復言陵與武飲數日復曰子卿一聽吾言武曰自分已死久矣王必欲降武請畢今日之歡效死於前陵見其至誠喟然嘆曰嗟乎義士陵與衛律之罪上通於天矣因泣下沾衿與武決去後陵復至海上語武區脫捕得雲中生口言太守以下吏民皆白服曰上崩武

節義類

卷九

二

聞之南向號哭嘔血旦夕臨數月昭帝卽位數年匈奴與漢和親漢求武等匈奴詭言武死後漢使復至匈奴常惠請其守者得夜見漢使教使者謂單于言天子射上林中得雁足有係帛書言武等在某澤中使者大喜如惠語以讓單于單于視左右而驚謝漢使曰武等實在于是李陵置酒賀武曰今足下還歸名揚於匈奴功顯於漢室雖古竹帛所載丹青所畫何以過子卿陵泣下數行因與武別武還京封典屬國賜錢二百萬公田二頃宅一區武留匈奴凡十九年始以強壯出及歸鬚髮盡白

漢書

龔勝致仕家居王莽旣篡國遣使拜勝爲講學祭酒勝稱

疾不應徵後二年遣使奉璽書印綬安車駟馬迎勝使者與郡太守以下千餘人入勝里致詔使者欲令勝起迎久立門外勝稱病篤爲牀室中戶西南牖下東首加朝服拖紳使者入戶再拜謂勝曰聖朝未嘗忘君制作未定待君爲政思聞所欲施行以安海內勝對曰勝素愚加以年老被病命在朝夕隨使君上道必死道路無益萬分使者要說至以印綬加勝身勝輒推不受使者卽上表言方盛夏暑熱勝病少氣可須秋涼乃發有詔許使者五日一與太守俱問起居使者爲勝兩子及門人高暉等言朝廷虛心待君以茅土之封雖疾病宜動移至傳舍示有行意必爲

節義類

卷九

三

子孫遺大業暉等白使者語勝自知不見聽卽謂暉等曰吾受漢家恩厚無以報今年老矣旦暮入地誼豈以一身事二姓下見故主哉因囑以棺斂喪事衣周於身棺周於衣勿隨俗動吾塚種柏作祠堂語畢遂不復開口飲食積十四日死年七十九門人哀經治喪者百數

漢書

廉范永平初隴西太守鄧融備禮聘爲功曹會融爲州所舉案范知事譴難解欲以權相濟乃託病求去融不達其意大恨之范於是東至洛陽變名姓求代廷尉獄卒居無幾融果徵下獄范遂得衛侍左右盡心勤勞融怪其貌類范而殊不意乃謂曰卿何似故功曹耶范訶之曰君困厄

晉亂耶語遂絕融繫出困病范隨而養視及死竟不言身
自將車送喪致南陽葬畢乃去後漢書

陳咸致仕家居及王莽篡位召為掌寇大夫謝病不肯應
時三子參豐欽皆在位乃悉令解官父子相與歸鄉里閉
門不出入猶用漢家祖臘人問其故咸對曰吾先人豈知
王氏臘乎後漢書

郇邠字稚賓王莽時徵為太子四友病死莽太子遣使贈
以衣衾其子攀棺不聽曰死父遺言師友之送勿有所受
今於皇太子得託友官故不受也京師稱之漢書

薛方字子容嘗為郡椽祭酒嘗徵不至及王莽篡位以安
節義類 **卷九** 四

車迎方方因使者辭謝曰堯舜在上下有巢由今明主方
隆唐虞之德小臣欲守箕山之節也使者以聞莽說其言
不强致漢書

貢禹字少翁琅琊人也以明經絜行著聞徵為博士涼州
刺史病去官復舉賢良為河南令歲餘以職事為府官所
責使免冠謝禹曰冠一免安可復冠也遂去官漢書

趙禧字伯陽南陽宛人也光武時仕至太尉初其從兄為
人所殺無子禧年十五常思報之乃挾兵結客後往復仇
而仇家皆疾病無相拒者禧以因疾報仇非仁者心且釋
之而去顧謂仇曰爾曹若健遠相避也事更始始敗禧

為赤眉所圍迫急乃踰屋亡走與所善友韓仲伯等數十
人攜小弱越山阻徑出武關仲伯以婦色美慮有強暴者
而已受其害欲棄之於道禧責怒不聽因以泥塗仲伯婦
面載以鹿車身自推之每道路逢賊或欲逼掠禧輒言其
病狀以此得免後漢書

郭丹字少卿南陽穰人也王莽徵之不就與諸生逃於北
地更始二年三公舉丹賢能徵為諫大夫更始敗諸將悉
歸光武並受封爵丹獨保平氏不下為更始發喪哀經盡
哀建武二年遂潛逃去敝衣間行涉歷險阻求謁更始妻
子奉還節傳因歸鄉里太守杜詩請為功曹丹薦鄉人長
節義類 **卷九** 五

者自代而去詩乃歎曰昔明王興化卿士讓位今功曹推
賢可謂至德救以丹事編署黃堂以為後法後漢書

廉范當肅宗崩從鄉里奔赴敬陵時廬江郡椽嚴麟奉章
弔國俱會於路麟乘小車塗深馬死不能自進范見而慰
然命從騎下馬與之不告而去麟事畢不知馬所歸乃緣
踪訪之或謂麟曰故蜀郡太守廉叔度好周人窮急今奔
國喪獨當是耳麟亦素聞范名以為然即牽馬造門謝而
歸之世服其好義焉後漢書

張宗字諸君南陽魯陽人也光武時為偏將軍鄧禹軍到
柵邑赤眉大眾且至禹以柵邑不足守欲引師進就堅城

而眾人多畏賊追憚為後拒禹乃書諸將名於竹簡署其前後亂著筒中令各探之宗獨不肯探曰死生有命張宗豈辭難就逸者乎禹歎息謂曰將軍有親弱在營奈何不願宗曰愚聞一卒畢力百人不當萬夫致死可以橫行宗今擁兵數千以承大威何遽其必敗乎遂留為後拒後漢書劉平字公子楚郡彭城人建武初為郡吏郡守孫萌為賊攻敗平冒白刃伏萌身上被十創困頓不知所為號泣請曰願以身代府君賊乃斂兵止曰此義士也勿殺遂解去萌傷甚氣絕有傾蘇湯甚求飲平傾其創血以飲之後數日萌竟死平乃裹創扶送萌喪至其本縣後漢書

節義類

卷九

六

鍾離意為尚書時詔賜降胡子繚尚書案事誤以十為百帝見司農上簿大怒召郎將咎之意因入叩頭曰過誤之失常人所容若以懈慢為愆則臣位大皇重郎位小皇輕咎皆在臣臣當先坐乃解衣就格帝意解使復冠而貫郎後漢書

韓稜字伯師潁川舞陽人顯宗時為尚書令時竇憲以后戚為大將軍威震天下及擊匈奴還與車駕會長安尚書以下議欲拜之伏稱萬歲稜正色曰夫上交不詔下交不贖禮無人臣稱萬歲之制議者皆慙而止後漢書蓋勳字元固敦煌廣至人也舉孝廉為漢陽長史時武威

太守倚恃權勢恣行貪橫從事武都蘇正和案致其罪京州刺史梁鵠畏懼貴戚欲殺正和以免其負乃訪之於勳勳素與正和有仇或勸勳可因此報隙勳曰不可謀事殺良非忠也乘人之危非仁也乃諫鵠曰夫繼食鷹鷂欲其驚鷲而烹之將何用哉鵠從其言正和喜於得免而詣勳求謝勳不見曰吾為梁使君謀不為蘇正和也怨之如初後漢書

節義類

卷九

七

茂等同不事新室後漢書楊匡陳留人太尉杜喬之故椽也喬為梁冀所害與李固俱暴尸城北家屬故人莫敢視者匡聞之號泣星行到洛陽乃著故赤幘託為夏門亭長守衛尸喪驅護蠅蟲積積十日都官從事執之以問梁太后義而不罪匡於是帶鐵鎖詣闕上書并乞李杜二公骸骨太后許之成禮殮送送喬喪還家葬遂行服隱匿不仕後漢書史弼字公謙陳留考城人桓帝時為平原相時詔書下舉鉤黨郡國所奏相連及者多至數百唯弼獨無所上詔書前後切卻州郡髡咎椽史從事坐傳責曰詔書疾惡黨人

旨意懇惻青州六郡其五有黨近國甘陵亦考南北部平
原何理而得獨無弼曰先王疆理天下畫界分境水土異
齊風俗不同他郡自有平原自無胡可相比若承望上司
誣陷良善濫刑濫罰以逞非理則平原之人戶可爲黨相
有死而已所不能也從事大怒即收郡僚職送獄遂舉奏
弼會黨禁中解弼以俸贖罪得免濟活者千餘人後漢書
趙岐字邠卿京兆長陵人少明經厲氣節娶扶風馬融兄
女融外戚豪侈嘗至岐家多從賓與從妹宴飲作樂日夕
乃出過問趙處士所在趙嘗鄙融不與相見與其友書曰
馬季長雖有名當世而不持士節三輔高士未嘗以衣裾
節義類 卷九 八

撤其門也後漢書

何顛字伯求南陽襄鄉人少游學洛陽因與李膺陳蕃善
爲宦官所陷乃變姓名亡匿汝南間所至皆親其豪傑有
聲荆豫之域袁紹慕之私與往來結爲奔走之友是時黨
事起天下多羅其難顛常私入洛陽從紹計議其窮困閉
扈者爲求援救以濟其患有被掩捕者則廣設權計使得
逃隱全免者甚眾後漢書
童恢少仕州郡爲吏司徒楊賜聞其執法廉平乃辟之及
賜被劾當免掾屬悉投刺去恢獨詣關爭之及得理掾屬
悉歸府恢杖策而逝後漢書

譙元字君黃巴郡閬中人也平帝時爲中散大夫四年選
明達政事能班化風俗者八人時並舉元爲繡衣使者持
節與太僕任暉等分行天下觀覽風俗所至專行誅賞事
未及終而王莽居攝元於是縱使者車變易姓名問竄歸
家因以隱遁後公孫述僭號於蜀連聘不詣述乃遣使者
備禮徵之曰若元不肯起便賜以毒藥太守乃自齎聖書
至元廬曰君高節已著朝廷垂意誠不宜復辭自招凶禍
元仰天嘆曰唐堯大聖許由耻仕周武至德伯夷守餓彼
獨何人我亦何人保志全高死亦奚恨遂受毒藥元子瑛
泣血叩頭於太守曰方今國家東有嚴敵兵師四出國用
節義類 卷九 九

軍資或不常充足願奉家錢千萬以贖父死太守爲請述
聽許之元遂隱藏田野終述之世時兵戈累年莫能修尚
學業元獨訓子勤習詩書後漢書
溫序字次房太原祁人也建武六年爲護羌校尉序行部
至襄武爲隗囂別將荀宇所拘劫宇謂序曰子若與我并
威同力天下可圖也序曰受國重任分當効死義不貪生
以負恩德宇等復曉譬之序素有氣力大怒叱宇等曰虜
何敢逼脅漢將因以節搥殺數人賊眾爭欲殺之宇止之
曰此義士死節可賜以劔序受劔銜鬚於口顧左右曰旣
爲賊所迫殺無令鬚汚土遂伏劔而死後漢書

李善字次孫南陽滎陽人本同縣李元蒼頭也建武中疫疾元家相繼死沒惟孤兒續始生數旬而貴財千萬諸奴婢私共計議欲謀殺續分其財產善深傷李氏而力不能制乃潛負續逃去隱山陽瑕邱界中親自哺養乳爲生漚推燥居溼備管艱勤續雖孩抱奉之不異長君有事輒長跪請白然後行之閭里感其行皆相率修義績年十歲善與歸本縣修理舊業告奴婢於長吏悉收殺之時鍾離意爲瑕邱令上書薦善行狀光武詔拜善及續並爲太子舍人善顯宗時辟公府以能理劇再遷日南太守從京師之官道經滎陽過李元塚未至一里乃脫朝服持鋤去草及節義類

卷九

十

拜墓哭泣甚悲身自炊爨執鼎俎以修祭祀垂泣曰君夫人善在此盡哀數日乃去

後漢書

范冉字史雲陳留外黃人少爲縣小吏年十八奉檄迎督郵冉恥之乃遁去遊三輔就馬融通經歷年乃還桓帝時爲萊蕪長遭母憂不到官後辟太尉府以狷急不能從俗常佩葦於朝議者欲以爲侍御史因遁身逃命於梁沛之間徒行敝服賣卜於市遭黨人禁錮遂推鹿車載妻子捃拾自資或寓息客廬或依宿樹蔭如此十餘年乃結草室而居焉所止單陋有時絕粒窮居自若言貌無改閭里歌之曰甌中生塵范史雲釜中生魚范萊蕪諡貞節先生

後漢

書

郭憲字子橫汝南宋人也少師事東海王仲子時王莽爲大司馬召仲子仲子欲往憲諫曰禮有來學而無往教之義今君賤道畏貴竊所不取仲子曰王公至重不敢違之憲曰今正臨講業且當訖事仲子從之日晏乃往莽問君來何遲仲子具以憲言對莽陰奇之及後篡位拜憲郎中賜以衣服憲受衣焚之逃於東海之濱莽深忿恚討逐不知所在

後漢書

高贊字敬公汝南新息人也少遊學京師與光武有舊師事司徒歐陽歛歛下獄當斷獲冠鐵冠帶鐵鎖詣關請歛節義類

卷九

十一

帝雖不赦而引見之謂曰敬公朕欲用子爲吏宜改常性獲對曰臣受性於父母不可改之於陛下出便辭去三公爭辟不應後太守鮑昱請獲既至門令主簿就迎主簿曰但使騎吏迎之獲聞之卽去昱遣追請獲獲顧曰府君但爲主簿所欺不足與談遂不留

後漢書

公沙穆隱居東萊山學者自遠而至有富人王仲致產千金謂穆曰方今之世以貨自通吾奉百萬與子爲資何如對曰來意厚矣夫富貴在天得之有命以貨求位吾不忍也

後漢書

梁鴻字伯鸞扶風平陵人少受業太學家貧而尙節介博

覽無不通而不為章句學畢乃牧豕於上林苑中曾誤遺火延及他舍鴻乃尋訪燒者問所去失悉以豕償之其主猶以為少鴻曰無他財願以身居作主人許之因為執勤不懈朝夕隣家耆老見鴻非恒人乃共責讓主人而稱鴻長者於是始敬異焉悉還其豕鴻不受而去後漢書

沈浚侯景逼京城時遣御史中丞是時外援並至侯景表請求和詔許之既盟景知城內疾疫復懷姦計遊疑不去數日皇太子令浚至景所景曰即已向熱非復行時十萬之軍何由可去還欲立効朝廷君可見為申聞浚曰將軍此論意在得城城內兵糧尙支百日將軍儲積內盡國家

節義類 卷九

十三

援軍外集十萬之眾將何所資而反設此言欲脅朝廷耶景橫刃於膝曠日叱之浚正色責景曰明公親是人臣舉兵向闕聖主申恩赦過已共結盟口血未乾而有翻背沈浚六十之年且天子之使死生有命豈畏逆臣之刃乎不顧而去景曰是真司直也然密銜之梁書

沈恪當諫高祖受梁禪使中書舍人劉師知引恪令勒兵入因衛敬帝如別宮恪乃排闥入見高祖叩頭謝曰恪身經事肅家今日不忍見許事分受死耳决不奉命高祖嘉其意乃不復迫陳書

汲固為兖州從事刺史李式坐事被收吏民皆送至河上

時式子憲生始滿月式大言於眾曰程嬰杵臼何如人也固曰古今豈殊遂便潛還不復回顧徑來入城於式婦閨抱憲歸藏之及捕者收憲屬適有一婢產男母以婢兒授之事尋洩固乃攜憲逃迺遇赦始歸憲即為固長育至十餘歲恒呼固夫婦為郎婆後高祐為兖州刺史嘉固節義以為主簿魏書

尉遲敬德當隱太子巢刺元吉將謀害太宗密致書以招敬德仍贈以金銀器物一車敬德辭建威怒是後遂絕敬德尋以啟聞太宗曰公之素心鬱如山嶽積金至斗知公情不可移送來但取何必慮也若不然恐公身不安且知

節義類 卷九

十三

彼陰計足為良策唐書
宋璟性耿直倖臣張易之誣搆御史大夫魏元忠有不順之言引鳳閣舍人張說令證之說將入於御前覆對惶恐迫懼璟謂曰名義至重神道難欺必不可黨邪陷正以求苟免若緣犯顏流貶芬芳多矣或至不測吾必叩閣救子將與子同死努力萬代瞻仰在此舉也說感其言及入乃保明元忠竟得免死唐書

司馬師既進爵為王太尉王祥司徒何曾司空荀顛並詣王顛曰相王尊重何侯與一朝之臣皆已盡敬今日便當相率而拜無所疑也祥曰相國位勢誠為尊貴然要是魏

之宰相吾等魏之三公公王相去不過一階而已班列大同安有身為三公可輒拜人者損魏朝之望虧晉王之德君子愛人以禮吾不為也及入顛遂拜祥獨長揖王乃謂祥曰今日然後知君見顛之重也

魏志

江革為廉陵太守時被難途經下邳遂為魏人所執魏徐州刺史元延明聞革才名厚加接待革稱脚患不拜延明將加害見革辭色嚴正更相敬重時祖暉同被拘執延明使暉作歎器漏刻銘革罵暉曰卿受國厚恩已無報答今乃為虜立銘孤負朝廷延明聞之乃令革作丈八寺碑并祭彭祖文革辭以囚執既久無復心思延明迫之愈苦將

節義類

卷九

古

加筆扑革厲色而言曰江革行年六十不能殺身報主今日得死為幸誓不為仇人執筆延明知不可屈乃止

梁書

郭翻嘗以車獵去家百餘里道中逢病人以車送之徒步而歸

晉書

蘇瓊天保中郡界大水為災絕食者千餘家瓊普集部中有粟家自從貸粟以給付饑者州計戶徵租復欲推其貸粟綱紀謂瓊曰雖矜饑餒恐罪累府君瓊曰一身獲罪且活千室何所怨乎

北齊書

李元紘遷雍州司戶時太平公主與僧寺爭碾磴公主方承恩用事百官希其旨意元紘遂斷還僧寺賣懷貞為雍

州長史大懼太平勢促令元紘改斷元紘大署判後曰南山或可改移此判終無搖動竟執正不撓懷貞不能奪之俄轉好時令遷潤州司馬所歷有聲

舊唐書

韋澳登第後十年不仕伯兄溫與御史中丞高元裕友善溫請用澳為御史謂澳曰高二十九持憲綱欲與汝相面汝必得御史澳不答溫曰高君端士汝不可輕澳曰然恐無呈身御史竟不諳元裕之門

唐書

李又進吏部侍郎仍知制誥與宋璟等同典選事請謁不行時人語曰李下無蹊徑

唐書

蕭至忠中宗神龍初為御史中丞始至忠為御史而李承節義類

卷九

古

嘉為大夫嘗議諸御史曰彈事有不吝大夫可乎眾不敢對至忠獨曰故事臺無長官御史天子之耳目也其所奏請當專達若大夫許而後論即劾大夫者又誰白哉承嘉

唐書

朱泚之亂召段秀實計事時源休姚合言等在坐秀實戎服與泚並膝語至僭位秀實勃然而起執休腕奪其象笏奮而前唾泚之面大罵曰狂賊可磔萬段吾豈從汝反耶遂擊之泚舉臂捍中額流血賊面匍匐走賊眾未敢動秀實大呼曰我不同反何不殺我遂遇害

唐書

顏真卿為太師李希烈叛真卿奉詔往說希烈養子千餘

拔刃爭進諸將皆慢罵將食之真卿色不變希烈以身捍
麾眾退乃就館逼使上疏雪已真卿不從乃詐遣真卿兄
子峴與從吏數輩繼請德宗不報真卿每與諸子書但戒
嚴奉家廟恤諸孤訖無他語希烈遣李元平說之真卿叱
曰爾受國委任不能致命願我無兵戮汝尙說我耶希烈
大會其黨召真卿使倡優斥侮朝廷真卿怒曰公人臣柰
何如是拂衣去希烈大慚時朱滔王武俊田悅李納使者
皆在坐謂希烈曰聞太師名德久矣公欲建大業求宰相
孰有先太師者真卿叱曰若等聞顏常山否吾兄也安祿
山反首舉義師後雖被執詎賊不絕口吾年且八十官太

節義類 卷九

六

師吾守吾節死而後已豈受若等脅耶諸賊失色希烈乃
拘真卿守以甲士掘方丈坎於庭將阬之真卿曰死生分
也何多爲會其黨康秀林等謀襲希烈奉真卿爲帥事洩
乃拘送真卿於蔡州真卿度必死乃作遺表蔡誌祭文指
寢室西壁下曰此吾殯所也希烈謂稱帝使問儀式對曰
老夫耄矣曾掌國典所記諸侯朝覲禮耳後因王師復振
賊慮變希烈遣將辛景臻至其所積薪於庭曰不能屈節
當焚死真卿起赴火景臻等遽止之希烈弟希情坐朱泚
等黨誅希烈怒真卿遂遇害 唐書

顏杲卿真卿之從兄也爲常山太守安祿山反獨起兵討

賊戰敗城陷被執賊脅以降不應取其少子季明加刃於
頸上曰降我當活而子杲卿不答遂殺之杲卿至洛陽祿
山怒曰吾擢爾太守何所負而反耶杲卿罵曰汝營州牧
羊羯奴耳竊荷恩寵天子負汝何事而乃反乎我唐世臣
守忠義恨不斬汝以謝上乃從汝反耶祿山大怒縛之天
津橋柱節解以肉噉之罵不絕口賊鈎斷其舌曰復能罵
否杲卿合胡而絕 唐書

南霽雲張巡之將也與巡同守睢陽圍久城困時賀蘭進
明守臨淮巡使霽雲衝圍往請救賀蘭進明無出師意霽
雲泣曰主將之命不達請置一指以示信因拔刃斷指一

節義類 卷九

七

座大驚爲出涕 唐書
蔡廷玉於朱泚之反也諷泚出金幣禮士又勸歸貢賦助
天子經費泚將聽諸將校縛廷玉辱之廷玉無撓辭泚不
忍殺囚歲餘出之謂曰而不悔乎廷玉曰導公爲逆卽悔
勉公以義何悔爲復繫滿歲問曰能省過否不然且死對
曰不殺我公得名殺我我得名泚不能屈待之如初 唐書
李垂有氣節李康伯謂曰舜工文學議論稱於天下諸公
欲用爲知制誥但宰相以舜工未嘗相識蓋一往見之垂
曰我若肯謁丁崖州則乾興初已爲翰林學士矣今年已
老見大臣不公常欲面折之焉能趨炎附熱看人眉睫以

冀推挽乎道之不行命也執政知之出知均州卒

宋史

程名振夜襲鄴縣俘其男女千人以歸去鄴八十里閱婦

人有乳汁者九十餘人悉放遣歸鄴人感其仁恕為之設

齋以報其恩

唐書

羅讓累遷至福建觀察使兼御史中丞有以女奴遺讓者

讓問其所因曰本某等家人兄弟九人皆為官所賣其留

者惟老母耳讓慘然焚其券書以女奴歸其母焉

唐書

陶潛常采時自以曾祖侃為晉世輔幸恥復屈身後代自

高祖于掌朝醫不復肯仕所著文章皆題年月義熙以前

則書晉世年號自永初以來惟云甲子而已

宋書

節義類 卷九

一六

蘇瓌拜僕射原公卿大臣初拜命者例許獻食號為燒尾

瓌獨否後因侍燕宗晉卿謂瓌曰拜僕射竟不燒尾可乎

中宗默然瓌奏曰臣聞宰相主調陰陽代天理物今粒食

湧貴百姓不足臣見宿衛兵至有三日不得食者臣愚不

稱職所以不敢燒尾耳晉卿無以對

唐語

吳中復通判潭州御史中丞孫抃荐為監察御史初不相

識也或問之孫抃曰昔人恥為呈身御史今豈有識面

官耶

宋史

范純夫元祐末數上疏論時事其言尤激切文潛少游懇

勸不回其子冲亦因問言之公曰吾出劍門關稱范秀才

今復為一布衣何為不可

晁氏者語

青溪汪先生時蔡京當國欲得知名士附己以國子博士

召力辭不就或潛問其故曰吾異時不欲附姦臣傳耳

漫錄

郭世道嘗與人共於山陰市貨物誤得錢一千當時不覺

也分背方悟請其伴求以此錢追還本主伴大笑不答世

道以已錢充數送還錢主驚嘆以半直與世道世道委之

而去

前宋書

陳規嘗為女求從婢得一婦甚閑雅怪而詢之乃雲夢張

貢士女也亂離夫死無所託賣身求活規即輟女奩嫁之

聞者感泣

宋史

節義類 卷九

九

蘇東坡自儋北歸卜居陽羨陽羨士大夫猶畏而不敢與

遊獨士民邵民瞻從學焉坡公亦喜其人常相與杖策過

長橋訪山水為樂邵為坡買一宅為緡五百坡傾囊僅能

償之卜吉入居既有日矣夜與邵步月偶至村落聞人哭

聲極哀坡從旁聽之曰異哉何其悲也豈有大難割之愛

觸於其心歟吾將問之遂與邵推扉而入則一老嫗見公

泣自若公問嫗何為哀傷至此嫗曰吾有一居相傳百年

保守不動以至於今吾子不肖舉以售人吾今日遷徙百

年舊居一旦訣別是以泣也坡亦為之慘然問其故居所

在則坡以五百千所買也因再三慰撫謂曰嫗之故居乃

吾所售者也不必深悲當以是還姬卽命取屋券對姬焚之呼其子命翼日迎母還舊居不索其直坡白是遂還毗陵不復置宅

深雪偶談

祝恬字伯休公車徵道得瘟病過友人郭令謝著著拒不通因載病去至汲縣積六七日止客舍中諸生曰今君所苦沉結困無醫師問汲令好義欲往語之恬曰謝著我舊友也尚不相視汲令初不相知語之何益死生命也醫藥曷爲諸生事急坐相守吉凶莫見取舉便至寺門口白時令汝南應融義高聞之驚愕卽嚴便出徑詣牀蓐手自收模對之垂涕曰伯休不世英才當爲國家幹輔人何有生

節義類

卷九

三

相知者默止客舍不爲人所知邂逅不自貞哉家上有尊老下有弱小願相隨入解傳伯休辭讓融遂不聽歸收衣車厚其薦蓐躬自御之手爲丸藥口嘗餽粥身自分熱三四日間病加甚便制衣棺送終之具憂怖交心數十餘日伯休病愈室家酬宴乃別後伯休拜侍中尙書僕射令豫章太守大將軍從事中郎義高爲廬江太守八年遭母喪停柩官舍百餘上得聽行服未闋而恬拜司隸薦融自代歷典五郡名冠遠近著去鄴淺薄流聞不爲公府所取應劫風俗通

張詠知益州單騎赴任時仕蜀者因亂多不挈家以行官

屬憚詠之嚴亦不敢蓄侍婢詠不欲絕人情遂自買一婢以待巾櫛自此官屬稍稍置姬侍矣後詠還朝呼婢之父母出資以嫁之仍處女也

言行錄

宋益國公周必大監杭州利濟局局內失火火犯當死問吏曰此火設起自官應得何罪吏曰削職公曰我豈可以一官而坐視十餘人之命哉遂自誣服各家俱免死公竟罷官而歸後夢神換帝王髮官至宰相

厚德錄

趙復字仁甫湖廣德安人元拔德安被獲姚樞與之語知爲奇士留宿帳中旣覺月色皓然惟寢衣在遽馳馬周呼積屍間無有也行及水際見復被髮跣走仰天大號將欲

節義類

卷九

三

投水樞諭以徒死無益強之至燕世祖在潛邸常召見問曰我欲伐宋卿可導之乎對曰宋吾父母國也未有引他人伐吾父母者世祖悅因不强之仕

宋史

金履祥字吉父浙江蘭溪人學者稱仁山先生有故人子坐事母子分配爲隸不相知者十年領贖之使其完聚其子後貴履祥終不言相見勞問辛苦而已

宋史

趙金五縫人也初製衣於相國夏言家幣中得金一笏獻之夏公曰縫人賤工也乃有君子風遂錄於門爲司服後夏公被禍未有子夫人崔氏方孕乃私計曰相國禍福未測儻生男必有嫉者諸僕中惟金五可託因召金五付以

金銀曰相公一脈在吾腹中幸而男爾慎為之後某也
為仇家棄池中不死金五乘間竊出百計保養仇家知覺
者數四俱不能奪後此兒年十五歲名先承中殿元保孤
王環滄州人同回種也有膂力為曾石塘銑之僕銑遇禍
被逮時謂其下曰主上怒甚死吾分也惟妻子流落邊鄙
奈何環聞亦泣曰公無憂也某力能歸之曾銑既被刑環
乃以小車載夫人與二子從間道去環日則具湯粥夜則
露宿邸舍外數千里不懈後遇赦歸維揚酬之金不顧而
去以壽終湧幢小品

石首王之誥與張江陵連姻懼其敗力辭歸江陵籍沒時

節義類 卷九

三

眷屬閉一空室中藁饋不至公獨載一舟實薪米以給之
曰彼有罪與否我不敢聊以盡姻戚情耳是時眾方掉
避不顧公獨拳拳如此遺愁集

尚書徐晞少為刀筆吏有卒伍補謫發誤勾攝欲公脫之
夜飲公於家以他事出避其妻有美色令勸酒以悅之公
不留明日抱案已脫勾且語其人曰吾昨歸恐汝疑故速
致此鄉人服之客中閑集

孫明丁尚書汝夔之僕也夔坐事斬西市仲子懋正諫遊
陽明從焉半載懋正與妻相繼死遺一子方五月明日夕
涕泣抱兒往村媪丐乳或買牛羊酪哺之每監司行部至

輒哭訴冤狀淚盡繼之以血當事者憐之為脫其籍得歸
間關數千里書負兒且行且乞寧已不食不令兒餓達家
事兒如事主仍追理其遺產為族戚乾沒者白之官出入
具一尺籍及長悉以付之仍子然一奴也兒名繼志得為
邑庠明以壽終湧幢小品

宋可其姑適大族袁氏貞祐之兵夫及子皆死於難姑以
白金五十笏遺可受不辭其後姑得袁氏疎族立為後
孳之省外家可乃置酒會鄉鄰謂姑曰姑往時遺可以金
可以袁氏無子故受之今有子矣此金袁氏物非姑物也
可何名取之因呼昇金歸之金史

節義類 卷九

三

鄭損潁陽人大憲初關東疫死者如麻損率有力者每鄉
大為一墓以葬棄尸謂之鄉葬翕然有仁義之聲損即慮
藏用外甥不仕鄉里號曰雲居先生李登國補史

林積南劍人少時入京師至蔡州旅邸既卧覺牀席間有
物碍其背揭席視之見一布囊中有錦囊實以北珠數百
顆明日詢主人曰前何人宿此主人曰巨商也林曰此吾
故人脫復至即令其至上座相訪又揭其名於室曰某年
月日劍補林積假館遂行商人至京師取珠欲貨則無有
急沿故道處處物色之至蔡邸見其勝則還訪林於上座
林具以告曰原珠具在然不可但取可投牒府中當悉以

歸商詣府林盡以其珠投商府尹使中分之商曰固所願也林不受曰使積欲之前日已為己有矣秋毫無所取商不能強求以數百千就佛寺作大齋為林君祈福李元剛厚德錄李賢父為富商載棉花停邸寓有臨江三商以三百兩易之舍旁火發延燒無遺三商大慟曰本整難歸非死則行乞耳李聞而呼之曰貨未及舟猶為我物物失價存理宜奉還且我本尚厚公等本薄失之無以資生吾不忍見也取三百金盡還之後生子賢位至宰輔人譜朱軾家貧教學得束修三千歸遇一田父械鎖悲泣問故云欠青苗錢三千不能償官司督責生不如死軾曰我恰

節義類

卷九

語

有三千盡與之遂得釋同上

李文公靖有一僕通金十千一夕遁去有女方十歲有姿色白繫一券於帶願賣身以償所負公囑夫人曰當知已女育之俟長擇人嫁之夫人如教及笄擇一婿具匿歸之後僕還女白其事感公刻骨公病僕夫婦割股作羹及薨服衰三年焉同上

范文正公守邠州暇日帥僚屬登樓置酒未發觴見縑經數人營理喪具公亟令詢之乃寄居士人卒於邠贈殮棺槨皆未具公惻然即撤宴席厚賜惡之坐客感嘆有泣下者人譜

許衡字仲平號魯齋嘗署中過河陽渴甚道旁有梨眾爭取啖衡獨危坐樹下自若或問之曰非其有而取之非義也人曰世亂無主曰黎無主吾心獨無主乎元史

張子明為朱文正千戶時陳友諒圍南昌久內外隔絕遣子明告憲於應天以東湖小漁舟從水關潛出夜行晝止半月始至太祖問友諒兵勢對曰兵雖盛戰鬪死者不少今江水日涸賊巨艦將不利援至可破也太祖曰歸語而帥堅守一月吾自取之還至湖口為友諒所得命誘城中降子明佯諾至城下大呼曰我乃張大舍已見主上令諸公堅守救且至賊怒攢槊殺之明史

節義類

卷九

語

阿寄淳安徐氏僕也徐氏昆弟析產而居伯得一馬仲得一牛季寡婦得阿寄時年五十餘矣寡婦泣曰馬則乘牛則耕老僕何為寄嘆曰主謂我牛馬不如矣乃策畫營生示可用狀寡婦盡脫簪珥得白金十二兩畀寄寄入山販漆期年而三倍其息謂寡婦曰主無憂富可致矣歷十二年積資巨萬為寡婦嫁三女婚二子齋聘皆千金又延師教二子輸粟為太學生自是寡婦財雄一邑及寄病且死謂寡婦曰老奴牛馬之報盡矣出枕中二籍則家之鉅細悉均分之曰以此遣兩郎君可世守也既歿或疑其有私竊啟其篋無一金蓄所遺一嫗一兒僅做緇掩體而已明史

王綱字性常餘姚人有文武才與劉基善常語曰老夫樂山林異時得志勿以世緣累我洪武四年以基薦徵至京師年七十矣如壯擢兵部郎潮民不靖使督兵餉嘆曰吾命盡此矣以書訣家人攜子彥達行單舸往諭潮民叩首服罪還抵增城遇海寇曹真截舟羅拜願得爲帥綱諭以禍福不從則奮罵賊舁之去爲壇坐綱日拜請綱罵不絕聲遂遇害彥達年十六罵賊求死欲並殺之其酋曰父忠子孝殺之不祥與之食不顧令綴羊革裹父屍而出詔立廟死所彥達以廕得官痛父終身不仕 明史

王禕字子充義烏人與宋濂齊名洪武五年齋詔招諭雲

節義類

卷九

三

南初館別室因以時勢論之梁王駭服卽爲改館會元脫脫徵餉務王以危言必欲殺禕王不得已出禕見之脫脫欲屈禕禕叱曰天既訖汝元命我朝實代之汝煽火餘燼敢與日月爭光耶且我與汝皆使也豈爲汝屈遂遇害 明史

顏孳紹曲阜人復聖六十五代孫也崇禎四年進士爲貢定同知守城勦寇有功擢河間知府比歲大饑死亡載道寇盜充斥拊循甚至十五年十一月 大清兵至與參議等堅守援兵雲集率逗遛孕紹知城必破豫集一家老稚於室中積薪繞之而身往城上策戰守城破趨歸官舍舉火焚室衣冠北向再拜躍入火死 明史

何眞廣東東莞人元末兵亂聚眾保鄉里時縣人王成陳仲玉作亂眞興兵攻成誅仲玉成固守眞募擒成者予鈔十千成奴縛成以出眞與之鈔命具湯鑊烹奴號於眾曰奴叛主者視此緣海叛者皆降 明史

魏驥字仲房蕭山人永樂中以進士副榜訓導松江官至南京尙書景泰初以請老至京師大學士陳循驥門生也請間曰公雖位冢宰然未嘗立朝願少待事在循輩驥正色曰君爲輔臣當爲天下進賢才不得私一座主退語人曰渠以朝廷事爲一已事安得善終竟致仕去 明史

陳選字士賢臨海人天順四年會元官至左布政使先督

節義類

卷九

三

學河南汪直出巡都御史以下皆拜謁選獨長揖直問何官選曰提學副使直曰大於都御史耶選曰提學何可比都御史但忝爲人師不敢自詘辱選詞氣嚴正而諸生亦羣集署外直氣懾好語遣之 明史

馬世奇字君常江南無錫人崇禎四年進士由編修進右庶子見國事日危輒太息泣下十七年城陷世奇方早食投筯起曰嗟乎吾不死安之其僕曰如太夫人何曰正恐辱太夫人耳將自縊二妾朱李盛飾前世奇訝曰汝以我死將辭我去乎對曰聞主人盡節我二人來從死耳世奇曰有是哉二妾並自縊世奇端坐引帛力自縊乃死爲人

廉父死蘇州推官倪長圩以贖銀三十助喪世奇辭曰蘇
餓留此可用賑座主周延儒再相世奇同郡遠嫌除服不
赴都及還朝延儒已賜死親暱者率避去世奇經紀其喪
其好義又如此 明史

劉宗周字起東山陰人萬曆二十九年進士官至左都御
史被斥在籍聞京師陷徒步荷戈詣杭州責巡撫黃鳴駿
發喪討賊鳴駿曰發喪必待哀詔曰嘻此何時也安所得
哀詔哉鳴駿乃發喪問師期則曰甲仗未具宗周曰嗟乎
是烏足與有為哉乃與故侍郎朱大典等召募義旅將發
而福王監國南京宗周建言不能用既而南都亡潞王降

節義類

卷九

三

杭亦失守宗周方食推案慟哭自是遂不食移居郭外有
勸以文謝故事者宗周曰北都之變可以死可以無死以
身在田野尙有望於中興也南都之變主上自棄其社稷
尙曰可以死可以無死以俟繼起有人也今吾越又降矣
老臣不死尙待乎若曰身不在位不當與城爲存亡獨
不當與土爲存亡乎此江萬里所以死也出辭祖墓舟過
西洋港躍入水中水淺不得死舟人扶出之絕食二十三
日而死 明史

黃道周字幼年福建漳浦人天啟二年進士官至大學士
初爲經筵展書官故事必膝行前道周獨否魏忠賢目攝

之立朝侃侃不能用引疾在籍南都亡見唐王聿鍵於衢州
覺諸臣觀望自請往江西圖恢復所至遠近響應得義旅
九千餘人由廣信出衢州進至婺源遇 大清兵戰敗被
執至金陵幽別室中囚服著書臨刑過東華門坐不起曰
此與高祖皇帝陵寢近可死矣 明史

蔡清字介夫晉江人成化進士正德間提學江西時安王
宸濠方圖不軌凡朔望藩臬官皆先朝王次日乃謁孔廟
清至力請僚屬同日行禮先謁廟而後朝王王生日令藩
臬著朝服賀清去蔽膝而入王大怒一日宴藩臬官嘲清
曰公乃不能詩清佯對某生平與人無私王益銜之清遂

節義類

卷九

三

乞休王佯挽留且許以女妻其子竟力辭去 明史
薛瑄字德溫號敬軒山西河津人宣德中以進士授監察
御史三楊聞其名欲識其面令人要之瑄曰某居糾劾之
任無相見之理謝不往一日於班行中識之曰薛公見且
不可得况可得而屈之乎時王振用事一日問三楊曰吾
鄉誰可大用者三楊舉瑄遂得召爲大理寺少卿及至京
入宿朝房三楊過之不值私語其僕曰若主之召王太監
意也詰朝朝退當造謝瑄固不謝又使語之又三不謝而振
復先餉瑄瑄又卻之振曰能以美官與人者我也不與薛
公美官而以餉薛公之卻也固宜乃改大理卿不謝如故

李文達所厚門人也復強之瑄正色曰安有受爵公朝而
恩私室者乎振聞之不悅一日振議事東閣下諸卿皆趨
拜瑄獨屹立振趨揖之瑄亦無加禮振益幽之會指揮某
死妾有色振從子山欲納之指揮妻不肯妾遂訐妻毒死
夫下督察訊已誣服瑄及同官辨其冤三御之振嗾言官
劾瑄受賄故出人死罪下獄論死瑄處之怡然日持周易
誦讀不輟至覆奏臨刑神色自若會振一老僕泣於龔下
振問何爲僕曰薛夫子賢者也今日將刑僕是以泣因爲
振備言瑄生平振大感動有詔赦之放歸爲民振死復官
南京大理卿奉差太監金英回京公卿皆郊送瑄獨不往

節義類

卷九

三

英言於眾曰南京好官惟薛卿耳雖不送吾不怪耳英宗
復辟拜禮部左侍郎入內閣一日召入便殿帝方燕服瑄
不入俟易服乃入曹石用事遂引疾致仕石亨雅敬瑄欲
爲瑄請勅書卽家塾訓子弟且以資其養瑄曰昔元世祖
賜許魯齋書以教鄉里魯齋懸之屋梁不以示人若資其
養何如不解官之爲愈也亨嘆息而去

明史

羅欽順字允升別號整庵泰和人以宏治進士官至吏部
尙書爲國子司業時劉瑾用事朝士多出其門或謂宜一
通意欽順不可曰是舉吾生平而棄之也瑾聞之大怒削

籍爲民瑾誅復職

明史

王遴字繼津直隸霸州人楊椒山劾嚴嵩刑部已議重罪
僚友畏禍皆遠避獨遴肝膽相許椒山託云予二子一女
長子已聘有妻次子尙未女郎尙未許人長而嫁娶皆兄
事也遴遂面許云此盡在弟而一小女正與二令郎年歲
相當遂許焉後入獄遴爲之保護焉時巡撫艾希淳米脂
縣人管馬御史徐紳建德縣人知府趙忻熱屋縣人知椒
山必死各處置銀二百餘兩爲椒山置田三頃以給其妻
子初椒山受打時王之誥湖廣人送蚰蛇膽一塊酒一壺
云服之可以禦杖椒山曰椒山自有膽何必蚰蛇哉止飲
酒一茶杯遂談笑赴堂受打打一百棍四棍一換死而復

節義類

卷九

三

生兩腿腫爛坐監自破其皮流腐肉數十碗又割去斷筋
二條獄卒執燭者手爲之戰後赴朝審觀者如覩爭欲一
見顏色至擁塞不能行而罵嚴嵩老賊者以萬數椒山途
中吟詩云風吹柳鎖滿城香簇簇爭看員外郎豈願同聲
稱義士可憐長板見親王君恩厚德如天地廷尉稱平過
漢唐性癖從來歸視死此身原自不隨楊勾决報至椒山
笑曰我死豈係嵩輩天不過欲不朽此輩惡名耳是夜自
作年譜又作訓子數萬言明日臨刑猶賦詩曰浩氣還太
虛丹心照萬古平生未報恩留作忠魂補天下相與傳誦
之椒山文集

孫奇逢字啟泰號鍾元保定容城人慨慷有大志年十四
謁尚寶楊補庭問設在圍城內無糧芻外無救援當如之
何鍾元應曰効死勿去補庭曰此可卜子生平矣萬曆庚
子年十七舉於鄉兩朝徵聘十一大俱堅卧不起天啟末
年逆閹竊柄左光斗魏大忠周順昌相繼逮繫過白溝緹
騎森布鍾元與門人張果中拮据調護供其藁饋其子弟
僕從嚴衛嚴緝莫敢舍者鍾元與鹿太公爲之寄頓且設
厩建表於門曰願輸金救左督學者聽於是鄉人投匭者
雲集左既拷死則又按籍散去京師不二百里舉旆擊鼓
不畏閹知閹亦竟不知也客氏弟光先以時焰牢籠士大

節義類

卷九

三

夫介名馬送鍾元以家貧不能具草秣辭致草秣之請又
以病軀不能乘辭其待小人不惡而嚴又如此湯潛庵述
金養王華僕也嘉靖中倭寇至華族婦女十餘人前避賊
望見逐之眾大窘養麾之曰主第走養能擇之即提橋格
賊白刃如林養孤挺出入死闘良久始仆而主人遂矣全
明史秉直永清人築室發土得銀數萬兩嘆曰財者人之
命也何可獨享遂遍周貧乏後遇賊凶出粟八萬石賑饑
未幾盜蜂起復散家貲設防禦鄉里得全有司上問賜官
立坊壽九十四歲甲監錄
明羅倫應會試宿山東僕於旅舍拾一金釧匿不以聞行

兩日矣倫歎賁乏僕以拾金釧告倫大怒欲齎還僕曰如
此往還恐誤試期倫曰此必婢僕遺失僕主人拷掠因而
致死是誰之咎寧不及試無令人死於非命也復至其家
果因婢夜潑盆水誤遣主咎婢甚倫還之厚德錄
王者佐陝西涇陽人萬曆間以舉人任高陽知縣遇福建
黃賓卿被賊劫哭泣欲死者佐憫之賙銀二百兩後黃賓
卿爲遊擊守江口陝西涇陽有商人四百名時以爲賊命
賓卿殺之賓卿念爲者佐同鄉盡釋之後四百家俱登門
謝陝西志

范雲少與王咳善雲起新宅成移居始畢咳卒於官舍屍
無所歸雲以東廂給之移屍自門入躬自含殮時以爲難
同上

節義類

卷九

三

張獻忠陷武昌游擊朱士鼎力戰賊斫其左右手棄之士
鼎縛筆於臂作書乃殪故相賀逢聖衣冠北向再拜賊揮
之去曰此賀佛也賀曰我大臣不可苟活又北拜哭自投
滋陽湖王會橋下屍沉百七十日不壞旣逼長沙呼推官
蔡道憲降曰吾軍中知君名母自苦道憲手注弩射之三
日城陷嚙齒罵賊遂遇害其健卒林國俊等九人追侍道
憲不去賊初勸道憲降國俊曰如吾主可降亦去矣不至
今日賊云爾不降亦不得生國俊曰如我輩願生亦去矣

不至今日賊并殺之內四卒奮曰願葬我主骸而後就死賊義而許之四卒解衣裹道憲骨葬之南郭乃自剄獻忠欲屠保寧一城有僧破山為請賊命持豕犬肉以進曰汝噉此則從汝破山曰老僧為百萬生靈忍惜如來一戒乎遂嘗數嚙因以免馬金鬲漢馬岱之後也年十六居黎州為土司州有山曰斗門四面懸絕僅通一綫慮忠鑄金印誘之金擲之地誓其眾不服 後寇紀略

節義類

卷九

言



瑋表錄卷之十

鬱林蘇宗經文庵氏輯

謙讓類

孔霸字次孺先聖十三代孫也昭帝時為高密相元帝徵為師賜爵關內侯食邑八百戶號褒成君給事中加賜黃金二百斤第一區霸為人謙退不好權勢常稱爵位太過何慮以堪之上欲致霸相位霸讓自陳至三上深知其至誠乃弗用以是愈敬之後其子光為相 漢書

平當字子思平陵人哀帝時官至丞相帝欲封當關內侯當時病篤不應召室家或謂當不可強起受侯印為子孫

謙讓類

卷十

一

計耶當曰吾居大位已負素餐之責矣起受侯印還卧而死死有餘罪今不起者所以為子孫也遂上書乞骸骨後其子晏以明經歷位大司徒封防鄉侯 漢書

寇恂為潁川太守執金吾賈復在汝南部將殺人於潁川恂捕得繫獄時尙草創軍營犯法率多相容恂乃戮之於市復以為恥還過潁川謂左右曰吾與寇恂並列將帥而今為其所陷大丈夫豈有懷侵怨而不決者乎今見恂必手斂之恂知其謀不欲與相見谷崇曰崇將也得帶劍侍側卒有變足以相當恂曰不然昔藺相如不畏秦王而屈於廉頗者為國也區區之趙尙有此義吾安可以忘之乎

乃敕屬縣盛供具儲酒醪執金吾軍入一人皆兼二人之饌恂乃出迎於道稱疾而還賈復勒兵欲追之而吏士皆醉遂過去恂遣谷崇以狀聞帝乃徵恂恂至引見時復先在坐欲起相避帝曰天下未定兩虎安得私鬪今日朕分之於是並坐極歡遂共車同出結友而去 後漢書

馮異字公孫潁川父城人也從光武起兵拜偏將軍異謙退不伐行與諸將相逢輒引車避道進止皆有表識軍中號為整齊每所止舍諸將並坐論功異常獨屏樹下軍中號曰大樹將軍及破邯鄲乃更部分諸將各有配隸軍士皆言願屬大樹將軍光武以此多之 後漢書

謙讓類

卷十

二

賢融字周公扶風平陵人也既歸光武寵遇甚厚融自以非舊臣一旦入朝在功臣之右每召會進見容貌辭氣卑恭已甚帝以此愈親厚之融小心久不自安數辭讓爵位因侍中金遷口達至誠又上疏曰臣融年五十有三有子年十五質性頑鈍臣融朝夕教導以經藝不得令觀天文見識記誠欲令恭肅畏事恂循道不願其有才能何况乃當傳以連城廣土享故諸侯王國哉 後漢書

張湛字子季扶風平陵人矜嚴好禮動止有則居處幽室必自修整雖過妻子若嚴君焉及在鄉黨詳言正色三輔以為儀表人或謂湛偽詐湛笑曰我誠詐也人皆詐惡我

獨詐善不亦可乎光武時為左馮翊在郡修典禮設條教政化大行後告歸平陵望寺門而步主簿進曰明府位尊德重不宜自輕湛曰禮下公門式軺馬孔子於鄉黨恂恂如也父母之國所宜盡禮何謂輕哉 後漢書

承宮永平中徵詣公車遷左中郎將數納忠言陳政論議切慤朝臣憚其節名播匈奴時北單于遣使求得見宮顯宗敕其整飾宮對曰夷狄聞臣虛稱故欲見臣臣狀醜不可以示遠不如選長大有威容者示之也帝以大鴻臚魏應代之 後漢書

謙讓類

卷十

三

謙柔畏慎不求苟進常戒其子曰富貴盈溢未有能終者吾非不喜榮勢也天道惡滿而好謙前世貴戚皆明戒也保身全己豈不樂哉每當朝會輒迎期先到俯伏待事時至乃起帝聞之常敕驕騎臨期乃告勿令豫到宏所上便宜及言得失輒手自書寫毀削草本公朝訪逮不敢眾對宗族染其化未嘗犯法帝甚重之及病困車駕臨視留宿問所欲言宏頓首自陳無功享食大國誠恐子孫不能保全厚恩令臣魂靈備負黃泉願還壽張食小鄉亭帝悲傷其言而竟不許及卒遺勅薄葬一無所用以為棺柩一藏不宜復見如有腐敗傷孝子心使與夫人同墳異藏帝善

其令以書示百官因曰今不順壽張侯意無以彰其德且吾萬歲之後欲以為式

後漢書

樊條字長魚宏之子也封燕侯其弟鮪為子賞求楚王英女敬鄉公主條聞而止之曰建武時吾家並受榮寵一宗五侯時特進一言女可以配王男可以尚主但以貴寵過盛即為禍患故不為也且爾一子柰何棄之於楚乎

後漢書

陰識字次伯南陽新野人光烈皇后之前母兄也封陰鄉侯以征伐軍功增封識叩頭讓曰天下初定將帥有功者眾臣托屬掖庭仍加爵邑不可以示天下帝甚美之後輔

謙讓類

卷十

四

導東宮帝每巡郡國識常留鎮京師委以禁兵入雖極言正議及與賓客語未嘗及國事帝敬重之常指識以勅戒貴戚激厲左右焉

後漢書

陰興字君陵光烈皇后母弟也甚見親信雖好施接賓然門無俠客與同郡張宗上谷鮮於裒不相好知其有用猶稱所長而達之友人張汜杜禽與興厚善以為華而少實但私以財終不為言是以世稱其忠平第宅苟完裁蔽風雨建武九年遷侍中賜爵關內侯帝後召興欲封之興固讓曰臣未有先登陷陣之功而一家數人並蒙爵土令天下缺望誠為盈溢臣蒙陛下恩澤至厚富貴已極不可復

加至誠不願帝嘉興之讓不奪其志貴人問其故興曰貴人不讀書記耶亢龍有悔夫外戚家苦不知謙退嫁女欲配侯王取婦盼睨公主恩心實不安也富貴有極人當知足夸奢益為觀聽所譏貴人感其言深自降挹率不為宗親求位

後漢書

張霸字伯饒蜀郡成都人年數歲而知孝讓雖出入飲食自然合禮鄉人號為張曾子永元中為會稽太守始到越賊未解郡界不安乃移書開購明用信賞賊遂束手歸附不煩士卒之力童謡曰棄我戟捐我矛盜賊盡吏皆休視事三年謂掾吏曰太守起自孤生致位郡守盖日中則昃

謙讓類

卷十

五

月滿則虧老氏有言知足不辱遂上病後徵四遷為侍中時皇后兄鄧騭當朝貴盛聞霸名欲與為交霸遂巡不答常訓子曰人生一世但當畏敬於人若不善加已直為受之諸子承命多顯

後漢書

丁綝字幼春丁鴻之父也光武元年拜河南太守及封功臣帝令各言所樂諸將皆占豐邑美縣唯綝願封本鄉或謂綝曰人皆欲縣子獨求鄉何也綝曰孫叔敖救其子受封必求壤塢之地今綝能薄功微得鄉亭厚矣

後漢書

劉昆字桓公陳留東昏人光武時為江陵令時連年火災昆輒向火叩頭多能降雨止風徵拜議郎稍遷侍中宏農

太守先是峭驅驛道多虎災行旅不通昆為政三年仁風

大行虎皆負子渡河帝聞而異之二十二年徵代杜林為

光祿勳詣問昆曰前在江陵反風滅火後守宏農虎北渡

河行何德政而致是事昆對曰偶然耳左右皆笑其質訥

帝歎曰此乃長者之言也願命書諸策後漢書

後漢書為博士常臘賜各博士每人一羊羊有大小肥

瘦皆等主祭酒欲殺羊分肉又欲投鈎字恥之因先取

其最瘦者由是諸士愧之不復爭後召會問瘦羊博士所

在京師因以號之東觀記

王師範為平盧節度使和謹好學每本縣令到官必往謁

謙讓類 **卷十** 六

之自稱百姓拜之於庭僚佐或諫師範曰吾敬桑梓所以

教子孫不忘本也唐史

訪表錄卷之十一

樂林蘇宗經文庵氏輯

寬厚類

男玉霖孫龍榆校

恭王賜羣臣酒日暮燭滅乃有人引美人之衣者美人

援絕其冠纓告王趣火來視絕纓者王曰吾賜酒使醉失

禮奈何欲顯婦人之節而辱士乎乃命左右曰與寡人飲

不絕冠纓者不權羣臣百餘人皆絕去其冠纓乃上火說

直不疑南陽人為郎事文帝其同舍有告歸誤持其同舍

郎金去已而同舍郎覺亡意不疑不疑謝有之買金償後

寬厚類 **卷十** 一

告歸者至而歸金亡金郎大慙以此稱為長者稍遷至中

大夫朝廷見人或毀不疑曰不疑狀貌甚美然特母奈其

善盜嫂何也不疑問曰我乃無兄然終不自明也漢書

周仁任城人景帝時為郎中令為人陰重不泄常衣敝補

衣澗穉故為不潔清以是得幸入卧內於後宮秘戲仁常

在旁終無所言上時問人仁曰自上自察之然亦無所毀上

再自幸其家所賜甚多終常讓不敢受諸侯羣臣賂遺終

無所受武帝立亦重之仁乃病免以二千石祿歸老子孫

咸至大官漢書

張歐字叔為人長者武帝時為御史大夫未嘗言按人專

以誠長者處官官屬以為長者亦不敢大欺上具獄事有可卻卻之不可者不得已為涕泣而封之其愛人如此老薦請免寵以上大夫祿歸老於家子孫咸至大官漢書袁盎為吳相時從史盜私盜侍兒盜知之弗洩遇之如故人有告從史君知汝與侍者通乃亡去盜驅自追之遂以侍者賜之復為從史後罷錯已誅盜以太常使吳吳王欲使將不肯欲殺之使一都尉以五百人圍守盜軍中從史適在守盜校司馬乃悉以其裝齎買二石醇醪會天寒士卒饑渴飲醉西南陔卒皆卧司馬夜引起盜曰君可以去矣吳王期旦日斬君盜弗信曰何為者司馬曰臣故為

寬厚類

卷十一

二

君從史盜侍兒者盜驚於是與司馬以刀決帳道從醉卒直出而遁漢書

鄭當時字莊陳人也武帝時為大司農戒門下客至亡貴賤無留門下者執賓主之禮以其貴下人性廉又不治產其饋遺人不過具器食每朝候上問說未嘗不言天下長者其推轂士及官屬丞史誠有味其言也嘗引以為賢於已未嘗名吏與官屬言若恐傷之聞人之善言進之上惟恐後山東諸公以此翕然稱鄭莊漢書張安世為光祿勳郎有醉小使殿上主事白行法安世曰何以知其不反水漿耶如何以小過成罪郎淫官婢婢兄

自言安世曰奴以志怒誣汗衣冠自罾適奴其隱人過失皆類此漢書

韋元成字少翁鄒人丞相賢之子也以父任為郎常侍騎少好學修父業尤謙遜下士出遇知識步行輒下從者與載送之以為常其接人貧賤者益加敬由是名譽日廣以明經擢為諫議大夫前漢書

丙吉字少卿魯人起於獄法小吏後學詩禮通大義及居相位尚寬大好禮讓掾吏有罪賊不稱職輒予長休告終無所案驗客或謂吉曰君侯為漢相姦吏成其私然無所懲艾吉曰夫以三公之府有案吏之名吾竊陋焉後人代

寬厚類

卷二

三

吉因以為故事公府不案吏自丙吉始漢書

丙吉於官屬掾吏務掩過揚善吉馭吏嗜酒數通蕩嘗從吉出醉嘔丞相車上西曹主吏欲斥之吉曰以醉飽之失去士使此人將復何所容西曹第忍之此不過汗丞相車茵耳遂不去也漢書

丙吉武帝末巫蠱事起吉以故廷尉監徵詔治巫蠱郡邸獄時宣帝生數月以皇曾孫坐衛太子事繫吉見而憐之又心知太子無事實重哀曾孫無辜吉擇謹厚女徒令保養曾孫曾孫病幾不全者數焉吉調養之恩惠甚厚望氣者言長安獄中有天子氣上詔獄繫者無輕重一切殺之

內謁者令郭穰夜到郡邸獄吉閉門拒使者不納曰皇曾孫在他人無辜死者猶不可况親曾孫乎相守至天明不得入穰還以問因劾奏吉武帝亦寤曰天使之也因赦天下郡邸獄繫者獨賴吉得生恩及四海矣吉為人深厚不伐善自曾孫遭遇絕口不道前恩故朝廷莫能明其功後曾孫卽皇帝位久之知吉有舊恩而不言大賢之封吉爲博陽侯臨當封而吉疾病上憂之太子太傅夏侯勝曰此未死也臣聞有陰德者必享其樂以及子孫今吉未獲報而疾甚非其死疾也後病果愈

漢書

王烈字彥方太原人器量過人有盜牛者主人得之盜請

寬厚類

卷十一

四

罪曰刑戮是甘乞不使王彥方知也烈聞使人謝之遺布一端或問其故烈曰盜懼吾聞其過是有耻惡之心既知耻惡則善心將生故與布以勸爲善也後有遺劍於路一人見而守之及晝至還之乃叩前盜牛者諸有爭訟必求直於烈或望門而返

後漢書

高鳳字文通南陽葉人居鄉有爭財者持兵而鬪鳳往解之不已乃脫巾叩頭請曰仁義遜讓奈何棄之爭者投兵謝罪而解

後漢書

劉寬常留客遺蒼頭巾酒去久不還客大不堪及至公罵曰畜產客去後公使人視奴無恙否人問其故公曰罵畜

產辱莫甚焉吾懼其自殺耳

後漢書

劉寬嘗出行有人失牛者乃就寬車中認之寬無所言有頃認者得牛而送還叩頭謝曰慙負長者任所刑罪寬曰物有相類事容脫誤幸勞見歸何爲謝之州里服其不校

後漢書

黃憲字叔度郭林宗少游汝南先過袁閔不宿而退進從憲累日方還或問其故林宗曰奉高之氣譬諸汎濫雖清而易挹叔度汪汪若千頃波澄之不清清之不濁不可量也

後漢書

鄧訓字平叔禹第六子也謙恕下士無貴賤見之如舊朋

寬厚類

卷十一

五

友子往來門內視之如子有過加鞭扑之教太醫皮巡從獵上林還暮宿殿門下寒疝病發時訓直事聞巡聲起往問之巡曰冀得火以覆背就身至太官門爲求火不得乃以口噓其背復呼同廕郎共更噓至朝遂愈

後漢書

卓茂字子康南陽宛人也祖父皆至郡守元帝時學於長安習詩禮及歷算究極師法稱爲通儒性寬仁恭愛鄉黨故舊雖行能與茂不同而皆愛慕欣欣焉初辟丞相府史事孔光光稱爲長者時出行有人認其馬茂曰子亡馬幾何時對曰月餘日矣茂有馬數年心知其謬嘿解與之挽車去顧曰若非公馬幸至丞相府歸我他日馬主別得亡

者乃詣府送馬叩頭謝之茂性不好爭如此後漢書

劉寬字文饒華陰人性溫仁多恕雖在倉卒未嘗疾言遽

色夫人欲試寬令恚伺當朝會裝嚴已訖使侍婢奉肉羹

翻汗朝衣婢遲收之寬神色不異乃徐言曰羹爛汝手乎

其性度如此海內稱為長者後漢書

樊重字君雲南陽湖陽人壽張侯重之父也積貲巨萬而

賑睨宗族恩加鄉閭外孫何氏兄弟爭財重恥之以田二

頃解其忿訟縣中稱美推為三老年八十終其素所假貸

人間數百萬遺令焚削文契債家聞者皆慚爭往償之諸

子從勅竟不肯受後漢書

寬厚類 卷十

六

黃憲字叔度汝南慎陽人世貧賤父為牛醫潁川荀淑至

慎陽遇憲於逆水時年十四淑竦然異之揖與語移日不

能去謂憲曰子吾之師表也既而前至袁闕所未及勞問

逆曰子國有顏子可識之乎闕曰見吾叔度耶是時同郡

戴良才高體豐而見憲未嘗不正容及歸罔然若有失其

母問曰汝復從牛醫兒來耶對曰良不見叔度不自以為

不及既視其人則瞻之在前忽焉在後固難得而測矣同

郡陳蕃周舉嘗相謂曰時月之間不見黃生則鄙吝之萌

復存乎心憲初舉孝廉又拜公府友人勸其仕憲亦不拒

之誓到京師而還竟無所就 論曰黃憲言論風旨無所

傳聞然士君子見之者靡不服深遠去疵吝將以道周性

全無德而稱乎後漢書

陳寔字仲弓潁川許人出於軍微自為兒童雖在戲弄為

等類所歸少作縣吏嘗給事廨後為都亭刺佐而有志

好學坐立誦讀縣令邵試與語大奇之聽受業太學後

令復召為吏乃避隱陽城山中時有殺人者同縣揚吏以

疑寔縣遂逮繫考掠無實而後得出及為督郵乃密託許

令禮召揚吏遠避聞者咸嘆服之家貧復為郡西門亭長

尋轉功曹時中常侍侯覽託太守高倫用吏倫教署為文

學掾寔知非其人懷檄請見言曰此人不宣用而侯常侍

寬厚類 卷十一

七

不可違寔乞從外署不足以塵明德倫從之於是鄉論怪

其非舉寔終無所言倫後被徵為尚書郡中士大夫送至

輪氏傅舍倫謂眾人曰吾前為侯常侍用吏陳君密持教

還而於外白署比聞議者以是少之此咎由故人畏憚強

禦陳君可謂善則稱君過則稱己者也寔固自引愆聞者

方嘆息由是天下服其德除太邱長修德清靜百姓以安

鄰縣人戶歸附者寔輒訓導譬解發遣各令還本司官行

部吏慮有訟者自欲禁之寔曰訟以求直禁之理將何申

其勿有所拘司官聞而嘆息曰陳君所言若是豈有怨於

人乎亦竟無訟者靈帝初大將軍竇武辟以為掾屬時中

常侍張讓權傾天下讓父死歸葬潁川雖一郡畢至而名士無往者讓甚耻之寔獨為吊焉及後復誅黨人讓感寔故多所全宥寔在鄉閭平心率物其有爭訟輒求判正曉譬曲直退無怨者至乃嘆曰願為刑罰所加勿為陳君所短後漢書

公沙穆嘗養豬有病使人賣之於市囑之曰如售當告買者賤取其直不可欺人取貴價也賣豬者到市中即售亦不言病其值過價穆怪之問其故齋半價追以還買者買者言賣買私約亦復辭錢不取穆終不受而去後漢書

韓康字伯休京兆霸陵人公車連徵不至桓帝乃備元纒寬厚類

卷十二

八

之禮以安車聘之使者奉詔造康康不得已乃許諾辭安車自乘柴車冒晨先使者發至亭亭長以韓徵君當過方發人牛修道橋及見康柴車幅巾以為田叟也使奪其牛康即釋駕與之有頃使者至乃知奪牛翁為徵君也使者奏殺亭長康曰此自老子與之亭長何罪乃止康因逃避以壽終後漢書

管甯字幼安鄰有牛暴甯田者甯為牽牛著涼處自為飲食過於牛主主得牛大慙若犯嚴刑魏志

蔣琬繼孔明為尚書令督農楊敏毀琬曰作事憤憤誠弗及前人或以白琬主者請推治敏琬曰吾實不如前人無

可推也主者重據聽不推乞問憤憤之狀琬曰苟其不如則事不當理事不當理則憤憤矣復何問耶後敏坐事繫獄人謂其必死琬心無適莫得免於重罪蜀志

李大亮以功賜所擄百人為奴婢大亮謂曰汝輩多衣冠子女破亡至此吾亦何忍以汝為賤隸乎一皆放遣高祖聞而嗟異復賜婢二十人唐書

許圜師為虔州刺史專以寬治州人刻石頌美部有受贓者圜師不忍按但賜清白箴其人自愧後修飾更為廉士唐書

岑文本自以出自諸生每懷搗損平生故人雖微賤必與寬厚類

卷十一

九

之抗禮太宗每言其宏厚忠謹吾親之信之唐書

李勉屯部有父病為蠱求厭者以木署勉名埋之掘治驗服勉曰是為父則孝也縱之不誅唐書

陽城嘗絕糧遣奴收米奴以米易酒醉卧於路城怪其故與弟迎之奴未醒乃促以歸及覺痛咎謝城曰寒而飲何責焉唐書

段希堯使於吳越是時江淮不通凡使吳越首皆泛海而多風波之患希堯過海遭大風左右皆恐希堯曰吾生平不欺汝等恃吾可無恐也已而風亦止五代史

陶元亮為彭澤令遣一蒼頭歸給其子薪水仍遣子書曰

彼亦人子也可善遇之晉書

梁安城王秀性仁恕喜愠不形於色左右嘗以石擲殺所

養鵠齋帥請治其罪秀曰吾豈以鳥傷人梁書

張率在新安遺家僮載米三十石還吳既至遂耗大半率

問其故答曰雀鼠耗也率笑而言曰壯哉雀鼠竟不研問

其事事寬恕類此梁書

隋武帝將伐齊先使伊婁謙聘之以觀釁帝尋發兵齊王

知之令其僕射陽休之責謙曰貴朝盛夏徵兵馬首何向

謙答曰僕憑式之始未聞興師設復西增白帝之城東益

巴邱之戍人情恒理豈足怪哉謙參軍高遵以情輸於齊

寬厚類

卷十一

十

遂拘留謙不遣帝克并州召謙勞之曰朕之舉兵本俟卿

還不圖高遵中為叛逆乖朕宿心遵之罪也乃執付謙任

令報復謙頓首請赦之帝曰卿可聚眾唾面令知愧也謙

曰以遵之罪又非唾面之責帝善其言而止謙竟待遵如

初其寬厚仁恕皆此類也隋書

盧昌衡嘗出行所乘馬為他牛所觸因致死牛主陳謝求

還價直昌衡謂之曰六畜相觸自關常理此豈人情也君

何謝拒而不受隋書

裴行儉平都支遮旬大獲珍寶番酋將士願觀之行儉因

設宴遍出歷示有馬腦盤廣一尺餘文彩殊絕軍吏王休

烈捧盤歷階趨進誤攝衣足跌盤碎休烈驚惶叩頭流血

行儉笑而謂曰爾非故也何至於此是更不形於色舊唐書

唐臨儉薄寡欲寬於待物常欲弔喪令家僮自歸家取白

衫誤將他衣懼未敢進臨察知之使召謂曰今日氣逆不

宜哀泣向取白衫且止之也又嘗令人煮藥失制潛知其

故謂曰陰暗不宜服藥宜即棄之竟不揚言其過其寬恕

如此舊唐書

任迪簡初為天德軍使李景略判官性厚重嘗有軍宴行

酒者誤以醢進迪簡知誤以景畧性嚴慮坐主酒者乃勉

飲之而偽容其過以酒薄白景畧請換之於是軍中皆感

寬厚類

卷十一

十一

悅唐書

婁師德其弟守代州辭之官教之耐事弟曰人有唾面潔

之乃已師德曰未也潔之以逆其怒正使自乾耳唐書

狄梁公同平章事武后謂曰卿在汝南有善政然有譖卿

者欲知之乎謝曰陛下以為過臣當改之以為無過臣之

幸也譖者乃不願知后嘆其長者唐書

唐彬與諸將取吳知賊寇已殄孫皓將降未至建業二百

里稱疾遲留以示不競果有先到者爭物後到者爭功於

時有識者莫不高彬此舉晉書

阮瞻常羣行冒熱渴甚逆旅有井眾人競趨之瞻獨逡巡

在後須飲者畢乃進其夫退無競如此晉書

陸慧曉歷轉五政治身清肅僚佐以下造詣趨起送之或

謂慧曉曰長史貴重不宜妄自謙屈答曰我性惡人無禮

不容不以禮處人齊書

武林錢思復先生嘗言年十六七時以詩見息齋李公於

州橋寓居既拜公公答拜命坐辭之再公曰仲尼之席童

子隅坐固不敢辭徐永之先生為江浙提舉日客往訪之

者無問親疎貴賤必送之門外凡客請納步則曰不可婦

人送迎不踰閨右二事可見前輩諸老謙恭退却汲引後

進待人接物者如此陶宗儀輟耕錄

寬厚類 卷十一

十一

或問夏元吉公量可學乎公曰某初時有犯者未嘗不怒

始忍於色終忍於心久則自熟殊不與人較何嘗不自學

來座右編

楊公弼有厚德為景皇帝宮僚居京師乘一驢鄰翁老而

得子聞驢鳴輒驚公遂嚮驢徒行天久雨鄰穴垣瀦水公

舍家人欲與競公曰雨日少晴日多何競為金水河橋成

詔簡有德者試涉廷臣首推公焉玉堂叢話

宋江西趙尚書與一孝廉家園相近百計賺之孝廉一日

立券送尚書後題一詩云乾坤到處是吾身機械從來未

必真覆雨翻雲成底事清風明月冷看人蘭亭禊事今非

首桃洞仙人昔笑秦園是主人身是客問公還有幾年春

尚書慚甚亟返其券蘇詩

富鄭公自汝州得請歸洛築第天津橋與邵堯夫隱居相

適曰自此可時相招矣堯夫曰公相招未必來不招或自

至人語

豫章文獻王疑不樂聞人過左右有投書相告者輒置靴

巾竟不視旋取火焚之南史

范鎮城都華陽人也薛奎守蜀一見愛之館於府舍俾與

子弟講學公益自謙退每步行趨府門踰年人不知其帥

客也宋史

寬厚類 卷十一

十一

崔相國羣為華州刺史時鄭縣陸鎮以名與崔公近諱音

同請假崔視事後遍問官屬怪鎮不在列左右以迴避對

公曰縣尉旨授官也不可以刺史私避而使之罷不知事

召之令出鎮因陳牒請權改名瑱公判准狀仍戒曰公庭

亦可以從權簿書則當仍舊臺省中無陸瑱名也其知大

體如此趙彥因話錄

邵康節居洛與人言必依於孝悌忠信樂道人善不及其

惡故賢不肖皆親之嘗以春秋時出游諸家將至老少

良賤咸迓於門既入爭來問訊婦女有爭忿不決者自陳

於前先生為逐一分別之各得其歡心留數日復游一家

月餘乃歸人語

費州于令儀市井人也家頗豐一夕盜入擒獲之乃鄰舍子也令儀曰爾素寡過何苦為盜因詰所欲遂與錢千予以資衣食又恐為邏者所獲至天明始去盜感愧卒為良民人語

程明道先生平生與人交無隱情雖僮僕必託以忠信故人亦不忍欺之嘗自澶州遣奴持金詣京師買用物計金之數當二百千奴無父母妻子同列聞之且駭且笑既而奴持物如期而歸眾始歎服人語

陳寔字仲弓有盜夜入其室止於梁上仲弓不發但呼子寬厚類

卷十一

十四

弟訓飭之曰人不可不自勉不善之人不必本惡習以性成遂至於此梁上君子是也因指而示之盜大驚稽首請罪仲弓慰諭而遣之曰賞之絹盜泣而去人語

庾袞事親至孝或有盜斬其先墓之柏莫知為誰乃召鄰人集於墓前而自責焉因叩頭涕泣謝祖禰曰德之不修不能庇先人之墓袞之罪也父老成為垂泣自後人莫之犯人語

毛碩知曹州有書生投書於碩辭涉謗訕僚屬不能堪碩延之上座謝曰使碩常聞斯言庶乎寡過士論以故嘉之金史

王庭筠儀觀秀偉善談笑外若簡貴人初不敢與接既見和氣溢於顏間殷勤慰藉如恐不及少有可取極口稱道他日雖百負不恨也金史

逢紀性聰達有計策袁紹甚親厚之與其舉事後審配任用與紀不合或有讒配於紹紹問紀紀曰配天性烈直古人之節不可疑之紹曰君不惡之耶紀答曰先所爭者私情今所陳者國事紹善之卒不廢配配由是更與紀親善王粲英雄記

韓僕射皋為尹時所兩縣官讀祝文一心記公之家諱及稱官御筆而誤呼先相公名公但慘然因命重讀亦不罪

寬厚類

卷十一

十五

嘗病小瘡命醫傅膏藥藥不濡公問之醫曰天寒膏硬公曰韓皋實是硬竟不以為意得大賢體矣趙璘因語錄

韓魏公有一玉林直數百金一日設宴召酒使顯官特設一桌覆以繡衣置玉林其上將以酒遍勸坐客俄為吏誤觸臺倒玉林俱碎坐客皆愕然吏伏地待罪公神色不動笑謂坐客曰物破亦自有時謂吏曰汝誤也非故也公之度量寬厚如此彭乘墨客揮犀

向文簡公拜右僕射麻下日上謂李昌武曰朕自即位以來未嘗除僕射今日以命敏中此殊命也敏中應甚喜對曰臣今自早候對亦未知宣麻不知敏中何如上曰敏中

門下今日客必多卿往觀之明日卻來對勿言朕意也昌武侯丞相歸乃往見丞相謝客門闌寂然無一人昌武與向親徑入見之徐質曰今日聞降麻士大夫莫不歡慰朝野相慶公但唯唯又曰自上即位未嘗除端揆此非常之命自非勳德隆重眷倚殊越何以至此公亦唯唯終未測其意又歷陳前世為僕射者勳勞德業之盛禮命之重公亦唯唯卒無一言既退復使人至庖厨中問今日有無親戚賓客飲食宴會亦寂無一人明日再對上問之乃具以所對上笑曰向敏中大耐官職

夢溪筆談

趙普為相屢以微時所不足於帝及己者為言太祖曰若實厚類

卷十一

六

塵埃中可識天子宰相則人人皆物色之矣自是不復敢言

宋鑑

曹彬取金陵城將陷彬忽稱疾不視事諸將問疾彬曰余疾非藥石所能愈惟願諸軍誠心自誓以克城之日不妄殺人則自愈耳諸將許諾共焚香為誓彬即稱愈曹翰取江州怒其固守城陷之日盡屠其民後彬之子孫貴盛累世翰歿未久而子孫有為乞丐者此仁暴之所以異也

宋史

文彥博為相御史唐介論公專權植黨交結宮禁仁宗怒召二府示之疏介語益切樞副梁適叱介下殿詔送臺劾

之彥博獨留再拜曰御史言事職也願不加罪於是貶介而彥博亦罷相後彥博再入相首薦唐介復加用焉元豐間彥博以太尉留守西京未交印先就第廟坐見監司府官唐介之子義問為運判退謂其客尹煥曰先公為臺官嘗言潞公今豈挾為恨耶當避之煥曰潞公所為必有理姑聽之明日公交府事以次見監司府官如常儀或以問潞公曰吾未視府事三公見庶僚也既交印河南知府見監司矣義問聞之謂煥曰微君殆有失於潞公也一日彥博謂義問曰仁宗朝先參政為臺官以言彥博謫彥博亦罷相判許州未幾彥博復召還相位即上言唐某所言正

寬厚類

卷十一

七

中臣罪召臣未召唐某臣不敢行仁宗用彥博言起參政判潭州尋至大用與彥博同執政相知為深義問聞潞公言至感泣自此出入門下後薦為集賢殿修撰帥荆南公之德度絕人如此

朱子名臣言行錄

曹彬討蜀克成都有獲婦女者彬悉閉於一第發以度食且戒左右曰是將御當密衛之洎事罷咸訪其親以還之無者備禮以嫁之及師還輜重甚多或譖言悉奇貨也太祖密令伺之圖書也

名臣言行錄

曹彬既平江南回詣閣門入見榜子稱奉勅江南幹公事回其謙恭不伐如此

歸田錄

曹彬兼領將相不以爵祿自大造門者皆降廡而揖不名呼下吏吏之稟白者雖前署不冠不見在宥密常公服危坐加對君父歸私第唯閉門冥居不妄通賓客五鼓才動已待漏於禁門矣雖雪霜不易其操王壺清話

李昉初與盧多遜善多遜屢請昉人或以告昉曰盧與我厚不當爾太宗語及多遜事昉每為解釋帝曰多遜居常毀卿一錢不值昉始悟帝由是益重之宋史

李昉為相有求差遣者見其人才可取將收用必正色拒之已而擢用或不足收用必和顏溫語待之子弟問其故昉曰用賢人主之事我若受其請是市私恩也故峻絕之

質厚類 卷十一

六

使恩歸於上若其不可用者既失所望又無善辭此取怨之道也宋史

呂蒙正曰水至清則無魚人至察則無徒小人情狀在君子豈不知之若以大度兼容則萬事兼濟事實

蒙正不喜記人過初參知政事入朝堂行朝士於簾內指之曰是小子亦參政耶蒙正佯為不聞而過之其同列怒令詰其官位姓名蒙正曰若一知其姓名則終身不能忘不如無知也且不問之何損時皆服其量記聞

王魏公曰為相時冠準為樞密使數短且而且專稱準帝謂且曰卿雖稱準美而準專談卿惡且曰臣在相位久政

事缺失必多準對陛下無隱蓋見其忠直此臣所以重準也帝由是益賢且中書有事送樞密院違詔格準以上聞且破責拜謝堂吏皆被罰不踰戶樞密有事送中書亦違詔格堂吏欣然呈且且令送還樞密而已準大慚謝及罷準托人語且求為使相且驚曰將相之任豈可求耶吾不受私請也準深憾之已而除準武勝軍節度使同平章事準入見謝曰非陛下知臣安能至此帝具道且之所以薦者準愧歎以為不可及宋史

王魏公巨局量寬厚未嘗見其怒飲食有不精潔者但不食而已家人欲試其量以少埃墨投羹中公唯噉飯而已

質厚類 卷十一

九

家人問其何以不食羹曰我偶不喜肉一日又墨其飯公視之曰吾今不喜飯可具粥其子弟怨於公曰庖肉為羹人所私食肉不飽乞治之公曰汝輩人料肉幾何曰一斤今但得半斤食公曰盡一斤可飽乎曰可曰此後人料一斤半可也其不發人過類如此嘗宅門壞主者徹屋新之暫於廊廡下啟一門出入公至側門門低據鞍俯伏而過都人聞言行錄

宋尚書楊玠致政歸長安舊居為人侵占子弟欲白於官先白於玠玠批紙尾云四隣侵我我從伊畢竟須思未有時試上舍元殿基望秋風秋草正離離陝西志

崑山王英洪武初授山東道監察御史上特命署都御史
事大書敦厚王英四字揭諸殿柱居鄉尤率易嘗微服入
郡或時禁庶民服靴門者縛英英笑曰吾官人也顧取舟
中冠帶視之始得釋亦不色怒邑令盛設饌邀英辭之竟
赴鄰翁飯或怪之英曰鄰翁貧治具不若令之易也臣鑿錄
景泰時侍郎王偉先任職方郎中因于忠肅薦超陞侍郎
未幾伺于公過誤密奏毀之時景帝信于公方專召入內
殿以偉奏授之公叩頭認罪帝曰吾自知卿卿勿憾也公
既出偉下堂逆問曰今日聖諭何事公笑曰老夫有不是
處當爲面言何忍至此出奏示之偉跣躄無地史補

寬厚類

卷十一

三

雍泰字世隆爲宣府巡撫歸家訪其舊友王生時已棄土
業農矣遇諸塗謂曰雍泰乃不忘貧賤之交乎倘不棄余
約期訪汝至期生布衣毳毳背雙鷄持瓢酒至泰以兄事
之生直受不辭臣鑿錄

陸五台掌吏部朝覲時考察羣吏一狂縣官大呼曰五台
老矣胡不自休貪位固寵阻塞賢路五台不怒不辯第曰
少年人亦不可無此氣概竟置其人平等眾服其量蘇譚
人有被橫逆而欲報復者問於葉子葉子曰天方助桀何
可與爭大自吠堯吾則何與急而擊之在我多費博浪之
椎徐以制焉在渠自有烏江之劍况彼之叫跳有識者已

部其狂而我以安閒無知者亦服其量使丙夜而深思乎
彼之舍羞其將何解卽終身而不報乎我之得勝亦已多
矣此一時曉解之語可以消世人不平之氣書肆說鈴
吳琳入吏部以致仕家居上遣使察訪使者至公旁舍見
一農人坐小几披秧布田貌甚端使者問曰此有吳尙書
其家何在公歛手對曰琳是也使回白狀上重之復召爲
原官座右編

阮恕字伯寬赴長沙善化任中途宿窮谷間有商數人先
在焉從吏與爭鬩恕爲杖其吏且慰撫之吏退詎曰有官
如此何以仕爲恕亦不介意及賔商相謝曰某等粗疎感
寬厚類

卷十一

三

公宏量夜半有喧且安寢恕唯唯比夜半喧甚恕戒僕堅
扇以待俄而寂然起燭之殺人縱橫乃強盜也恕以扉掩
血潛出逆行十餘里平明方回故處官吏捕盜方急是夕
脫命毫髮人謂寬厚之報客中閑集

宋纏字栗庵爲吏部尙書至長安街有老婦著面衣乘驢
不下從者呵之老婦大詬曰我住京五十餘年見了千千
萬萬希罕爾這蟻子官兒未至部語同僚曰官亦不蟻子
矣此婦人眼孔大所謂見慣渾間事也若深山窮谷人見
一頂紗帽便戰慄失措矣座右編

史良佐南京人爲御史巡西城而家住東城每出入怒其

里人不爲起一日執數輩送東城御史御史詰之其居首
者對曰民等總被倪尙書誤御曰倪尙書如何曰尙書亦
南京人其在兵部時有軍門家或起匿輒使人諭
之曰與爾曹同鄉里吾不能過里門下車乃勞爾曹起耶
民等愚意史公猶倪公是以無避不虞其怒也御史內善
其言悉解遣之不問倪尙書謂文毅也 禮史

嘉善丁清惠公厚德甚多其置田產尤足師法欲置田房
必詳訪來歷遇有兄弟交爭或親戚相競及子盜父業主
佔奴產者必正色以倫理論之從容解分使其相安賴以
和好者甚衆其確係已產者方與成交銀必足色法照納

寬厚類 卷十一

三

官一併交足每置一業必謂家人曰人生占不得一分便
宜況棄產得產苦樂大不相同須曲體之三年以後有求
加者必應其請曰范文正公三買田地吾愧不能效法前
賢亦何忍有求不應乎 人譜

昔有欲爲范文正公買綠野堂者公不肯曰在唐如裴晉
公者是可尊也一旦取其物而有之心所不安甯使做壞
或他人有之已則不可取也 人譜

陳白沙先生鄰有惡少欲侵其地揚言於衆曰陳氏子異
日他出必於途辱之及見不覺自失先生曰尺寸地吾當
爲若讓其人慚謝而去又欲侵其田處亦如之 人譜

有士人廣作韓魏公書謁蔡君謨蔡心疑之然士頗豪氣
與三十緡因回書遣四兵送之併致果物於魏公士至京
造謁以其故請罪公見之徐曰君謨手段小恐未足了公
事因作書令謁夏太尉子弟有不燃者公曰士能爲我書
又能動君謨其才器亦不凡矣所以爲此者不過一時貧
窮起見耳至關中夏竟官之 人譜

鄧文潔公以讚嘗買山下葬其母輜車已發矣賣主復有
後言公曰吾將以安親體今人情未調則親靈未安遂扶
板復歸於寢至其人悔謝然後營兆焉 人譜

陳忠肅公權性謙和與人議論率多取人之長雖見其短

寬厚類 卷十一

三

未嘗面折惟微示意以警之人多退省愧服 人譜

傅獻簡公曰以帷薄之罪加人最爲暗昧萬一非真則令
終身被其惡名至使君臣父子之間難施面目言之得無
訥乎 人譜

馬俊晚得子家人抱持墜而墮焉俊給其妻曰我誤也不
罪家人踰年生子森仕至尙書 明史

李士謙爲開封府叅軍值歲饑出谷千石以貸鄉人明年
大饑人無以償公對衆焚券仍貸之活人萬計死者埋之
無數或曰子之陰德大矣謙曰陰德猶耳鳴惟自己知今
子已知何足爲德後謙壽百歲子孫多顯 厚德錄

白圭南宮人正統間貴州苗亂圭以都御史贊軍事有憤
中官虐而欲刺之者誤入圭所圭擁衾問之其人驚曰乃
吾白公耶卽自刎不死仆於地圭呼燭起視傅以善藥遣
之人服其量明史

文紹祖福清縣人與柴家議親既問名柴女忽中風紹祖
欲更之其妻怒曰我有兒當使其順天理自然長久悖理
傷義是爲速禍卽娶柴女歸尋病亦愈生三子皆登第厚
德錄

客有問劉貢父曰某人有隱過否中司將鳴鼓而攻之貢
父曰中司自可鳴鼓兒老吏難爲暗箭子客笑而去此滑

寬厚類

卷十一

三

稽之爲厚者也邵博聞見後錄

沁水劉司空公東星歷官三十年歸芒屨布衣無貴倨態
一日散步周道適負販者曠路於地其人呼公起之公爲
助臂而出之淖行數步方知爲公亟回謝罪公笑遣之起
河漕日偶憇門巷二騎士捧檄至謂田父也揖曰掌家何
在公諾而入使出召之騎士一見驚伏請罪公曰無傷也
若安得識乃公其子用相赴淮上省止攜兩僕跨一蹇旅
舍陵侮之忽見髮中金佛像謂爲妖人執諸豐令僕始吐
實令爲負荆謝飾與馬廐不受仍策蹇而行蘇譚
徐存齋年未三十由翰林督學浙江一士子文中用顏苦

孔之卓徐勒之批示杜撰置四等及發落生將領責執卷
進云大宗師見教誠當但此語出楊子法言實非生員杜
撰也徐起立曰本道僥倖太早未嘗學問今承教多矣改
置一等遺愁集

桐江有儒士薛河東者貧而無賴謁無錫富室鄒氏自稱
錢狀元師託以他往便屐一叩鄒信禮之張筵相款未終
適報錢狀元至薛起謂主人曰吾當往其舟謁以偕來主
人唯唯往以真情告之鶴灘應曰此何妨但同往主人迎
之鶴灘執禮甚恭側坐笑談至盡醉而終略無可疑之色
人譜

寬厚類

卷一

三

訪表錄卷之十二

魏林蘇宗經文庵氏輯

男玉霖 孫龍 校

廉儉類

漢蕭何置田宅必居窮處為家不治垣屋曰後世賢師吾儉不賢亦不為勢家所奪 史記

朱博為人廉儉不好酒色游宴自微賤至富貴食不重味

案上不過三杯 漢書

太原閔仲叔客居安邑老病家貧不能得肉口買豬肝一

片屠者或不肯與安邑令聞敕吏常給焉仲叔怪而問之

知乃嘆曰閔仲叔豈以口腹累安邑耶遂去 後漢書

廉儉類

卷十二

一

張奐遷安定屬國都尉羌豪帥感奐恩德上馬二十匹先

零又遺金鏐八枚奐並受之而召主簿於羌前以酒酌地

曰使馬如羊不以人廩使金如粟不以人懷悉以金馬還

之羌性貪而貴清吏前有人都尉率好財貨為此患苦及

奐正身潔已威化大行 後漢書

孟嘗為合浦太守郡不產穀實而海出珠寶先時宰守並

多貪穢詭人探求不知紀極珠遂漸徙於交阯郡界於是

行旅不至人物無資到官革易前徵求民病利曾未踰

歲去珠復還百姓皆反其業商貨流通稱爲神明 後漢書

張延壽安世子也嗣為侯國在陳留別邑在魏郡租入歲

千餘萬延壽自以身無功德何以能久堪先人天國數上

書請減戶邑又因弟陽都侯彭祖口陳至誠天子以為有

讓乃徙封平原并一國戶口如故而租稅減半延壽孫張

臨亦謙儉每登閣殿常歎曰桑霍為我戒豈不厚哉且死

分施宗族故舊薄葬不起墳其後張純亦恭儉自修明習

漢家制度故事有安世風 漢書

王吉字子陽琅琊舉虞人宣帝時官博士諫大夫少時學

問居長安東家有大棗樹垂吉庭中吉婦取棗以啖吉吉

後知之乃去婦東家聞之而欲伐其樹鄰里共止之因固

請吉還婦里中為之語曰東家有樹王陽婦去東家棗完

廉儉類

卷十二

二

去婦復還其厲志如此 漢書

伏湛字惠公琅邪東武人也更始時為平原太守時倉卒

起兵天下驚擾而湛獨晏然教授不廢謂妻子曰夫一穀

不登國君徵膳今民皆饑奈何獨飽乃共食粗糲悉分奉

祿以賑鄉里 後漢書

宣秉字巨公馮翊雲陽人少修高節顯名三輔哀平間見

王氏專政有亂逆萌遂隱遁深山州郡連召常寢疾不起

王莽為宰衡辟命不應及莽篡位又遣使者徵之兼固稱

疾病光武時為司隸校尉務舉大綱簡略苛細百僚敬之

性節約常服布被蔬食瓦器帝常幸其府舍見而嘆曰楚

一囊不如雲陽宣巨公即賜什物後漢書

王良字仲子東海蘭陵人少好學王莽時寢病不仕光武

時為大司徒司直在位恭儉妻子不入官舍布被瓦器時

司徒史鮑恢以事到東海過候其家而良妻布裙曳柴從

田中歸恢告曰我司徒史也故來受書欲見夫人妻曰妾

是也恢下拜歎息而還聞者莫不嘉之後以病歸一歲復

徵至蒙陽疾篤不任進道乃過其友人友人不肯見曰不

有忠言奇謀而取大位何其往來屑屑不憚煩也遂拒之

良慚自後連徵輒稱病詔以元纁聘之亦不應後漢書

鄭均字仲虞東平任城人兄為縣吏頗受禮遺均數諫止

廉儉類 卷三 三

不聽即脫身為傭歲餘得錢帛歸以與兄曰物盡可復得

為吏坐贓終身捐棄兄或言遂廉潔均好義篤實養寡

嫂孤兒恩禮致至常稱疾家庭不應州郡辟召後漢書

楊震字伯起華陰人舉茂才為東萊太守當之郡道經昌

邑故所舉荆州茂才王密為昌邑令謁見至夜懷金十斤

以遺震震曰故人知君君不知故人何也密曰暮夜無知

者震曰天知神知我知子知何謂無知密愧而出後轉涿

郡太守性公廉不受私謝子孫當蔬食步行故舊長者或

欲令為開產業震不肯曰使後世謂為清白吏子孫以此

遺之不亦厚乎後漢書

王良字叔節慶之中子也官至太尉免官歸雅素清儉家

至貧羹并日而食任城故孝廉景慮齋錢百餘萬就以餉

乘乘閉門距絕不受嘗言曰我有三不惑酒色財也其子

賜孫彪俱官至太尉曾孫修好學有俊才後漢書

諸葛孔明嘗表後主曰臣成都府有桑八百株薄田五十頃

子弟衣食自有餘饒至於臣在外任別無調度隨身衣食

悉仰於官不別治生以長尺寸蜀志

劉寬每還州里鄉人載酒肉以候之寬難逆其意輒共啖

而返其餘晉書

吳隱之為廣州刺史前後任者多贖貨隱之初至州前一

廉儉類 卷三 四

十里有水曰貪泉飲者懷無厭之欲隱之至泉所酌而飲

之因賦詩曰古人云此水一飲懷千金試使夷齊飲終當

不易心在州清操愈勵晉書

又隱之在廣州時常食不過菜及乾魚而已帳下人進魚

每剔去骨存肉隱之覺其用意罰而黜焉晉書

王秀之為晉平太守期年求還或問其故答曰此郡沃壤

珍寶日至夫人所昧者財財生則禍逐知者不昧財亦不

逐禍吾山資已足豈可久留以妨賢路乃上表求代時人

以王晉平恐富求歸南史

甄彬有行業嘗以一束苧就州長沙寺庫質錢後贖苧還

於芋中得五兩金彬送還寺庫道人以一半仰酬彬堅不

受梁武帝布衣時聞之及踐阼以為府錄事參軍南史

李彪傳曰夫尚儉者開福之原好奢者起貧之兆魏書

崔寶素儉朴韋孝寬為延州總管寶至州與孝寬相見將

還孝寬以所乘馬及轡勒與寶寶以其華飾心弗欲之笑

謂孝寬曰昔人不棄遺簪墜履者惡其與同出而不與同

歸也吾雖不及前列然捨舊錄新亦非吾志於是乃乘舊

馬而歸周書

房彥謙前後居官所得俸祿皆周郵親友家無餘財車服

器用務存素儉自少及長一行一言未嘗及私雖至屢空

廉儉類

卷五

五

怡然自得嘗從容獨笑顧謂其子元齡曰人皆因祿富我

獨以官貧所遺子孫在於清白耳隋書

崔罔性廉謹恭儉自修所得俸秩必分親故終鴻臚卿臨

終誠其二子曰夫恭儉者福之輿傲侈者禍之機乘福輿

者浸以康休蹈禍機者忽而傾覆汝其誠哉北史

陸贄授華州鄭縣尉罷秩東歸省母路由壽州刺史張鑑

請結忘年之契及辭遺贄錢百萬曰願為太夫人一日之

膳贄不納唯受新茶一串而已曰敢不承君厚意舊唐書

岑文本或勸其營產文本嘆曰吾漢南一布衣徒步入關

所望不過秘書郎縣令耳今無汗馬勞以文墨位宰相奉

稍已重尚可植產業耶故口未嘗言家事唐書

韋夏卿為吏部侍郎時從弟執誼在翰林嘗受人金有所

干請密以金納夏卿懷中夏卿毀懷不受曰吾與爾賴先

人遺德致位及此願當是哉執誼大慚唐書

陸龜蒙之遠祖績事吳為鬱林太守歸無裝舟輕不可越

海取石為重人稱其廉陸氏在姑蘇其門有巨石號鬱林

石世保其居云唐書

蘇東坡與秦少游書曰初到黃州廩人既絕人口不少甚

憂之但痛自節儉日用錢不得過百五十每月朔取四千

五百錢斷為三十塊掛屋梁上平旦挑取一塊即藏去仍

廉儉類

卷三

六

以大竹筒別貯用不盡者以待賓客度囊中尚可支一歲

有餘水到渠成不須豫慮以此胸中都無一事讀書樂趣

范文正公少孤貧讀書南都學舍每煮粟粥二升晝為四

塊斷齋數十莖於上早晚取啖一塊有留守子同學餽以

厨食公悉置之謝曰某安所食已久今遽享盛饌後豈能

常得乎及仕嘗戒諸子曰吾養親甘旨未嘗充今得祿而

親亡矣忍令若曹享用耶讀書樂趣

張詠寢室中無侍婢服玩之物闢如也李暉嘗侍廡下因

謂公寢禪室不如公晒曰吾不為輕肥故至此吾往年及

第後以詩寄高士傅霖曰前來失腳下漁磯苦戀明時未

得歸寄與巢由莫相笑此心不是愛輕肥豈今日之言也
言行錄

呂汲公以百縑遺伊川先生伊川辭之時族兄子在旁謂
伊川曰勿為已甚姑受之伊川曰公之所以遺願者以願
貧也公為宰相能達天下之賢隨才而任之則天下受其
賜矣何獨願貧也天下貧者亦眾矣公帛固多恐不能周
也人語

胡敬齋先生平居簞食瓢飲處之泰然或為之籌先生曰
吾何暇急急為此嘗有詩曰終日觀書聖賢在日終日言
談不及利祿若使稊稗不生何愁五穀不熟人語

廉儉類

卷三

七

許魯齋嘗云為學以治生為本此言出甚為世所譏議後
人富善會其意知非教人謀利也貧窮之累人甚矣古
來有不為敗節喪名者幾人學者須是習勤服勞撙節儉
約勿使游手游食以致仰事俯畜無所依賴而已昔司馬
溫公為相每詢士大夫私計足否人怪而問之公曰倘衣
食不足安肯為朝廷而輕去就耶正是同此意見人語

曹彬為晉州兵馬都監一日與主帥曹賓從環坐於野會
鄰道守將走价馳書來謂使者素不識彬潛問人曰孰為
曹監軍有指彬以示之使人以為給已笑曰豈有國戚近
臣而衣弋綈袍坐素胡牀者乎審視之方信宋史

王旦為中書舍人家貧與昆弟貸人息錢違期以所乘馬
償之後其子質閱書得故券召子弟示之曰此吾家素風
爾曹毋忘也宋史

陳堯佐性儉約器服壞隨輒補之曰毋使不全見棄也號
知餘子宋史

畢仲游提點河東路刑獄太原銅器名天下獨不市一物
懼人以為矯也且行買一茶七而去宋史

包拯知端州遷殿中丞端土產硯前守緣貢率取數十倍
以遺權貴拯命製者僅足貢數而已歲滿不持一硯宋史

李沆自奉甚薄所居陋巷頽垣敗壁不以屑慮家人欲治

廉儉類

卷三

八

居第沆曰念內典以此世界為缺陷安得圓滿如意巢林
一枝聊自足耳安事豐屋哉言行錄

王旦為太尉有貨玉帶者公弟以呈之公公曰何如弟曰
甚佳公命繫之曰還見佳否弟曰繫之安得自見公曰自
負重而使觀者稱好無乃勞乎我腰不稱此物亟還之平
生所服止於賜帶言行錄

寇準外舍內儉無聲色之娛寢處一青幃二十餘年或時
有破壞亟命補葺言行錄

呂蒙正為相有朝士家藏古鑑自言能照一百里欲因蒙
正之弟獻以求知其弟從容言之公笑曰吾面不過楮子

大安用二百里其弟遂不復言問者歎服 請田錄

李沆為相治居於封丘門內廳事僅容旋馬或言其太隘

公笑曰居第當傳子孫此為宰相廳事誠隘為太祝奉禮

聽事已寬矣 溫公編錄

王魏公曰每見家人服飾似過即蹙曰曰吾門素風亦至

於此乎亟令減損故家人或有一衣稍華必於車中易之

不敢令公見焉 清行錄

又魏公曰不置田產宅曰子孫各當念自立何必田宅置

之徒使爭財為不義耳 溫公日錄

桓華字文林桓榮之曾孫也在吳郡揚州刺史劉繇振給

廉儉類

卷三

九

穀食衣服所乏者悉不受後東適曾楷住止山陰縣故相

鍾離意舍太守王朗餉給糧食帝帛牛羊一無所受臨去

之際屋中尺寸之物悉疏付主人纖微不漏移居揚州從

事屈豫室中中庭橘樹一株遇實熟乃以竹藩樹四面風

吹落兩實以繩繫著樹枝每當危亡之念其志彌固賓客

從者皆肅其行也 東觀記

明樊毅為知縣曰吾歸囊僅五千金耳金猶不及一千王

輔為司訓歸曰勿謂學官貧吾積俸并諸生饋遺亦有六

百金樊之意恨六千為少而王且喜六百為多迨其後樊

三子不兼容既分六千訖尚疑父有餘藏輒不願養樊田

數畝自衣食焉及卒葬不成禮諸子皆凌替不振王四子

伯仲治生叔季居庠同居養父甚歡暮年惟花竹為樂客

至留飲盡歡乃已無日不開口笑也子若孫皆致通顯家

聲駸駸未艾 文峯格言

明楊東山守吳其母羅太夫人平居首飾止於銀衣止於

布絹躬尚紡績生四子三女皆自乳曰饑人之子以哺吾

子是誠何心 陸右編

張獻忠穀城再叛日留書於壁以告楚人自已之叛總理

使然具條上官名氏而列其所取賄之日月多寡於其下

且曰襄陽道王瑞旃不受獻忠錢者一人耳聞者愧焉 明

廉儉類

卷三

十

李遺問

朱裳沙河人年十四為諸生讀書鬻舍躬執爨後遷浙江

副使日啜菜羹妻操井日迎父就養同列知其貧製衣一

襲為壽父亦拒不納 明史

王行字止仲吳縣人淹貫經史富人沈萬三延之家塾每

成文酬白金盞計行輒麾去日使富而可守則然磨之慘

不及矣 明史

劉崧泰和人官至吏部尚書天性廉慎兄弟三人共居一

茅屋有田五十畝及貴無所增益十年一布被鼠傷始易

之仍葺以衣其子居官未嘗以家累自隨之任北平攜一

童往至則遣還晡時吏退孤燈讀書往往達旦明史

劉敏肅甯人為中書省吏嘗暮市蘆龍江巨載於家俾妻織席鸞以奉母而後人治事性廉介或遺之瓷瓦器亦不受為楚相府錄事中書以沒官女婦給文臣家眾勸其請給以事母敏固辭曰事母子婦事何預他人及省臣敗吏多坐誅敏獨無所預帝賢之擢工部侍郎此廉儉之報也明史

安南多貨賈使者率從水道挾估客往以為利交人頗輕之宣德時章敬徐琦使安南命黎利權國事利遣人白相見禮敬曰汝敬使者所以尊朝廷癸白為利聽命趨拜下

廉儉類

卷十一

十一

坐噉以聲色不為勤還致厚贖不受利以付買使及關悉閱貢物封其贖付關吏宏治時劉戡往頒詔由南甯乘傳抵其關交人大驚戡依舊制受陪臣拜謁不交一語越宿即行餽遺一無所受使人要於路固致之卒塵去與做琦皆為交人所重做會稽人琦甯夏人戡安福人明史

李中字子庸吉水人嘉靖間為廣西提學副使以身為教擇諸生高等者聚五經書院五日一登堂講難素廉介自廣西歸欲飯客貨米隣家米至又乏薪將以浴器爨會曰已暮竟不及飯而別明史

謝杰長樂人巡撫南贛屬吏被薦者以賄謝杰曰賄而後

薦干戈之盜薦而後賄衣冠之盜人以為名言明史

武起潛字用潛進賢人天啟五年進士初為武清知縣有諸生為人所訐納金酒甕以獻起潛召學官及諸生貧者數人置甕庭中謂之曰美酒不可獨享與諸生共之酒盡見金其人惶恐請罪即以金分界貧者明史

蘇東坡在黃州嘗書曰東坡居士自今而後早晚不過一爵一肉有尊客則三之可損不可增有召我者以此告之蓋口腹之欲無窮每加節儉亦惜福延壽之道也故一則曰安分以養福再則曰寬胃以養氣三則曰省費以養財厚德錄

廉儉類

卷十一

十一

范文正公每夜就寢必計一日飲食奉養之費及晝所為之事若相稱則寤睡熟寐無復愧恥苟或不然終夕不能安枕言行錄

杜祁公衍食於家惟一麪或言其太儉公曰衍本一窮措大名位福祿冠帶服用皆國家所有一日丟身復為措大何以自奉哉言行錄

郭亨仲日以數十錢懸壁間椒桂葱薑皆約以一二錢曰吾平生貧苦晚年登第稍覺快意便成奇禍今學張子韶法要見舊時蕭鹽風味甚長久也厚德錄

魏驥以尚書致仕家居時戴笠行田間嘗遇錢塘主簿隸

訶之答曰蕭山魏驥也主簿倉皇謝慰而去 明史

張昂由知縣仕至按察副使引疾歸環堵蕭然擁經史自娛都御史以賑荒至餽昂百金堅辭不得受下戶饑民之粟以答其意知縣丁洪昂令鉛山所取士也旦夕候起居為具蔬食昂曰吾誠不自給奈何以此煩令君卒弗受炊煙屢絕處之澹如及卒含歛不具洪為經紀其喪 明史

楊繼宗為嘉興知府官至巡撫力持風節而居心慈厚御史孔孺清軍里老多撻死繼宗榜曰御史杖人至死者詣府報名孺怒繼宗入見曰為治有體公但別姦弊勸懲官吏而已若比戶稽核則有司事非憲體也孺不能難而心

廉儉類

卷十二

三

甚銜之瀕行突入府署發篋視之敝衣數襲而已孺慚而去中官過者繼宗遺以菱茨歷書中官索錢繼宗發牒取庫金曰金具在與我印券中官咋舌不敢受入覲汪直欲見之不可上問直朝覲官執廉直對曰天下不要錢者惟楊繼宗一人耳數與中官張慶忤慶兄敏在司禮每於帝前毀繼宗帝曰得非不私一錢之楊繼宗乎敏惶恐遺書慶曰善遇之上已知其人矣聞母喪立出止驛亭下盡籍廢中器物付有司惟攜一僕書數卷而還 明史

柴車字叔與錢塘人以舉人仕至兵部尚書初為江西右叅議以採木入閩經廣信廣信守故人也餽蜜一罌發視

之乃白金笑曰公不知故人矣卻不受同事邊塞者多以宴樂為豪舉車惡之遂斷酒肉 明史

周新廣東南海人仕至按察使為人廉峭其妻亦有節操新未遇時縫紉自給及貴偶赴同官妻內讎荆布如田家婦諸婦慚盡易其衣飾新死於官無子妻歸貧甚巡撫楊信民曰周志新當代第一人可使其夫人終日餒耶時賙給之 明史

廉儉類

卷十二

古



坊表錄卷之十三

鬱林蘇宗經文庵氏輯

明知類

孫叔敖將死戒其子曰王數封我矣吾不受也我死王封汝汝必無受利地楚越之間有寢之邱者此其地不利而名甚惡則人畏鬼而越人信禩可畏者其惟此也叔敖死王果以美地封其子而子辭請寢之邱故至今不失叔敖之知知不以利為利矣知以人之所惡為己之所喜此有道者之所以異乎俗也夫 呂氏春秋

伍員亡見許公而問所之許公不應東南向而唾伍員載

明知類 卷三

一

拜受賜曰知所之矣因如吳此許公之善避禍亦伍員之善會悟也 呂氏春秋

陳平初仕項羽因羽殺人平懼乃封其金與印使人歸羽

而平單身仗劍亡渡河船人見其美丈夫獨行疑其亡將

腰中常有金玉寶器屢目之欲殺平平恐乃解衣裸而佐


刺船船人知其無有乃止 史記

楚元王敬禮申公穆生等穆生不嗜酒元王每置酒常為

穆生設醴及王戊即位常設後忘設焉穆生退曰可以逝

矣醴酒不設王之意怠不去楚人將鉗我於市因稱疾卧

申公白生強起之曰獨不念先王之德與今王一旦失小



禮何足至此穆生曰易稱知幾其神乎幾者動之微吉凶

之先見者乎君子見幾而作不俟終日先王之所以禮吾

三人者為道之存故也今而忽之是忘道也忘道之人胡

可與久處豈為區區之禮哉遂謝病去 漢書

范滂既輔勾踐滅吳以為大名之下難以久居且句踐

為人長頸而顴喙可與同患難以處安遂辭官泛於五湖 史記

張良既與高祖人關定天下知高祖忌刻遂道引不食穀

杜門不出常曰良以三寸舌為帝者師封萬戶侯此布衣

之極於良足矣願棄人間事從赤松遊耳故漢之功臣惟

明知類 卷三 二

良能善全 漢書

疏廣為太傅兒子受為少傅在位五歲廣謂受曰吾聞知

足不辱知止不殆功遂身退天之道也今仕宦至二千石

宦成名立如此不去恐有後悔豈如父子相隨出關歸老

故鄉以壽命終不亦善乎受叩頭曰從大人議即日父子

俱移病去以其年老俱許之賜贈甚厚諸臣親故祖道東

都門外送者車數百兩及道路觀者皆曰賢哉二大夫或

嘆息為下泣 漢書

耿純與從昆弟祈宿植共率宗族賓客二千餘人從光武

是時郡國多降邯鄲者純恐宗家懷異心乃使祈宿歸燒

其廬舍光武問純故對曰竊見明公單車臨河北非有府藏之畜重賞甘餌可以聚人者也徒以恩德懷之是故士衆樂附今邯鄲自立北州疑惑純雖舉族歸命老弱在行恐宗人賓客半有不同心者故燔燒屋室絕其反顧之望也光武嘆息漢書

凡論人通則觀其所禮貴則觀其所進富則觀其所養出則觀其所行止則觀其所好習則觀其所言窮則觀其所不受賤則觀其所不爲喜之以驗其守樂之以驗其備怒之以驗其節懼之以驗其持哀之以驗其心苦之以驗其志八觀六驗此賢主之所以論人也論人者又必以六戚

明知類 卷三

三

四隱何謂六戚父子兄弟妻子何謂四隱交友故舊邑里門郭內則用六戚四隱外則用八觀六驗人之情偽貪鄙美惡無所失矣呂氏春秋

陳平家貧長而未娶富人莫肯與者貧者平亦恥之戶牖富人張負有女孫未嫁邑中有喪平侍喪以先往後罷爲助張負見平於喪所獨視俾平亦以故後去負隨平至其家乃負郭窮巷以徹席爲門然門外多有長者車轍負歸謂子仲曰吾欲以女孫妻陳平張仲曰平貧不事事一縣中盡笑其所爲奈何以女妻乎負曰人固有美好如陳平而長貧賤者乎卒與女乃假貸幣以聘予酒肉之資

以納婦負誠其女孫曰毋以貧故事人不謹事兄伯如事父事嫂如事母史記

劉德漢宗室也性寬厚好施生每行京兆尹事多所平反罪人家產過百萬則以振昆弟客資食飲曰富者民之怨也妻死霍光欲以女妻之德不敢取畏盛滿也漢書

蕭何與高祖入咸陽諸將皆爭取金帛財物何獨先入收秦丞相御史律令圖書藏之以故高祖具知天下阨塞戶口多少強弱處民所疾苦者以何得秦圖書也漢書

蕭何守關中高祖與羽相距京索關上數使使勞苦丞相何絕生曰今王暴衣露蓋數勞苦君者有疑君心爲君計

明知類 卷三

四

莫若遣君子孫昆弟能勝兵者悉詣王所王益信君於是

何從其計漢王大悅漢書
韓信既誅拜蕭何爲相國益封五千戶令卒五百人一都尉爲相國衛諸將皆賀名平獨弔曰禍自此始矣上暴露於外而君守於內非被矢石之難而益君封置衛者以今者淮陰新反於中有疑君心夫置衛衛君非以寵君也願君讓封勿受悉以家私財佐軍何從其計上說其秋黥布反自上將擊之數使使問相國何爲上在軍拊循勉百姓率所有佐軍如陳豨時客又說何曰君滅族不久矣夫君位爲相國功第一不可復加然君初入關本得百姓

心十餘年矣皆附君尙復孳孳得民和上所謂數問君畏
君傾動關中今君胡不多買田地賤賣資以自汙上心必
安何從其計上乃大說漢書

項羽立黥布爲九江王布與羽有隙漢使隨何往說之布
陰許叛楚與漢未敢洩時楚使在方急責布發兵隨何直
入曰九江已歸漢楚何以得發兵布愕然楚使者起何因
說布曰事已構獨可遂殺楚使毋使歸而疾走漢并力布
曰如使者教因起兵攻楚與何俱歸漢漢王方踞牀洗足
而召布入見布大怒悔來欲自殺出就舍張御食飲從官
如漢王居布大喜過望漢書

明知類

卷三

五

高祖居雒陽南宮從復道上見諸將往往數人耦語上曰
此何語張良曰陛下不知乎此謀反耳上曰天下已定何
故而反良曰陛下起布衣與此屬取天下今陛下已爲天
子而所封皆蕭曹故人所親而所誅者皆平生仇怨今軍
吏計功天下不足用徧封此屬畏陛下不能盡封又恐見
疑過失及誅故相聚而謀反耳上乃憂曰爲之柰何良曰
上平生所憎羣臣所共知誰爲最甚者上曰雍齒與我有
宿怨數窘辱我我欲殺之爲功多不忍良曰今急先封雍
齒以示羣臣羣臣見雍齒先封則人人自堅矣於是上置
酒封雍齒爲什方侯而惡趨丞相御史定功行封罷酒羣

臣皆喜曰雍齒且侯我屬無患矣漢書

按沙中耦語未必謀反也謀反乃族滅事豈野而謀者
當漢剖符行封諸侯王時雖多出高帝獨見未必非蕭
曹從中上下而間有失諸將心者子房於此不言之恐
有後患言之又恐與蕭曹生隙故特假此恐嚇高帝及
惡封雍齒則羣疑定矣此等皆子房呼吸風雲處

韓信旣破齊使人言於漢王曰齊詐僞多變請爲假王以
鎮之漢王怒張良陳平伏後躡王足附耳語曰漢方不利
寧能禁信之自王乎漢王悟復罵曰大丈夫定諸侯卽爲
真王何以假爲遂立信爲齊王漢書

明知類

卷三

六

高帝從擊布軍還病創徐行至長安燕王盧縮反上使樊
噲以相國將兵擊之旣行有人短惡噲者上怒曰噲見吾
病乃幾我死也用陳平計召絳侯周勃受詔牀下曰陳平
馳傳載勃代噲將卽斬噲平在途計曰噲帝之故人功多
又呂后女弟呂嬃夫有親且貴帝以忿怒故欲斬之卽恐
後悔遂以致上令上自誅之未至軍爲壇以節召樊噲
噲受詔卽反接載監車詣長安而令周勃代將平旣執樊
噲行聞帝崩平恐呂后及呂嬃怒乃馳傳先去逢使者詔
平與灌嬰屯於滎陽平受詔立復馳至宮哭殊悲因奏事
喪前呂后哀之曰君出休矣平畏呂嬃讒因同請之得宿

蕭中太后乃以爲郎中令使傅教帝是後呂嬃譏乃不得
行曾至卽赦復爵臣 漢書

張安世兄賀爲掖庭令時宣帝以皇曾孫收養掖庭賀內
傷太子無辜而曾孫孤幼所以視養拊循恩甚密及曾孫
壯大賀教書令受詩爲取許妃以家財聘之曾孫數有微
怪賀爲安世道之稱其材美安世輒絕止以爲少主在上
不宜稱述曾孫其遠識如此所以能全功名也 漢書

王商字子威涿郡蠡吾人以外戚嗣父爲侯成帝甚敬重
徙爲左將軍建始三年秋京師民無故相驚言大水至百
姓奔走相蹂躪老弱呼號長安中大亂天子親御前殿召

明知類

卷三

七

公卿議大將軍王鳳以爲太后與上及後宮可御船令民
上長安城以避水羣臣皆從鳳議商獨曰自古無道之國
水猶不冒城郭今政治和平世無兵革上下相安何因當
有大水一旦暴至必謬言也不宜令上城重驚百姓上
乃止有頃長安中稍定問之果訛言上於是美壯商之固
守數稱其議而鳳大漸自恨失言 漢書
陳嬰秦末時天下亂嬰爲東陽令史少年殺其令相聚數
千人乃請立嬰爲王嬰母謂曰吾自爲汝家婦聞先故未
嘗貴今暴得大名不祥不如別有所屬嬰不敢爲王 前漢書

閔貢字仲叔太原人建武中應司徒侯霸之辟既至霸不
及政事徒勞苦而已仲叔恨曰始蒙嘉命且喜且懼今見
明公喜懼皆去以仲叔爲不足問耶不當辟也辟而不問
是失人也遂辭出投劾而去 漢書

王商子威涿郡蠡吾人以外戚嗣父爲侯成帝甚敬重
徙爲左將軍建始三年秋京師民無故相驚言大水至百
姓奔走相蹂躪老弱呼號長安中大亂天子親御前殿召
公卿議大將軍王鳳以爲太后與上及後宮可御船令民
上長安城以避水羣臣皆從鳳議商獨曰自古無道之國
水猶不冒城郭今政治和平世無兵革上下相安何因當
有大水一旦暴至必謬言也不宜令上城重驚百姓上
乃止有頃長安中稍定問之果訛言上於是美壯商之固
守數稱其議而鳳大漸自恨失言 漢書
陳嬰秦末時天下亂嬰爲東陽令史少年殺其令相聚數
千人乃請立嬰爲王嬰母謂曰吾自爲汝家婦聞先故未
嘗貴今暴得大名不祥不如別有所屬嬰不敢爲王 前漢書

明知類

卷三

八

王忠孝仁慈敬賢樂士臣蠆蟻敢不以實陳曰呼是危我
也漢此乃孤幼時進趨之行也大夫其對以孤嬰爵以來
志氣衰惰聲色是娛犬馬是好使者受命而行其能屈伸
若此 後漢書
王霸從光武南馳至下陽曲傳聞王郎兵在後從者皆恐
及至滎陽河候吏還白河水流斷無船不可濟官屬大懼
光武令霸往視之霸恐驚衆欲目前阻水還卽詭曰冰堅
可渡官屬皆喜光武笑曰候吏果妄語也遂前比至河
冰亦合乃令霸護渡未畢賊騎而冰解 後漢書
郭舉宗雖善人倫而不爲危言覆論故宦官擅政而不能

傷也及黨事起知名之士多被害惟林宗及汝南袁闓得免焉後漢書

趙岐時唐玆爲京兆虎牙都尉郡人咸以玆進不由德皆慳侮之岐及從兄襲又數爲貶議玆深恨之後玆爲京兆尹岐懼禍及乃與從子馘逃避之玆果收岐家屬宗親陷以重法盡殺之岐遂逃難四方匿姓名齒餅北海市中安邱係嵩遊市見岐察非常人停車呼與共載岐失色嵩乃下帷合騎屏行人問岐曰視子非賣餅者又相問而色動不有重怨卽亡命乎我北海孫資石合家百口勢能相濟岐素聞嵩名卽實告之遂以俱歸嵩先入白母曰出乃得

明知類

卷三

九

死友迎入上堂享之極歡載岐復壁中數年岐作尼屯歌後漢書

寇恂字子衷上谷昌平人也鄧禹薦於光武拜河內太守行大將軍事時軍食急之恂以輦車驅駕轉輸前後不絕尙書升斗以粟百官帝數策書勞問恂同門生茂陵董崇說恂曰上新卽位四方未定而君侯以此時據大郡內得人心外破蘇茂威震鄰敵功名發聞此讒人側目怨禍之時也昔蕭何守關中悟鮑生之言而高祖悅今君所將皆宗族昆弟也無乃當以前人爲鏡戒恂然其言稱疾不視事帝將攻洛陽先至河內恂求從軍帝曰河內未可離也

數固請不聽乃遣兄子寇張姊子谷崇將突騎願爲前鋒後漢書

馬援字子淵兄子婿王磐子石王莽從兄平阿侯仁之子也莽敗磐擁富貴居故園爲人尚氣節而愛上好施有名江淮間後遊京師與衛尉陰典大司空朱浮齊王章共相友善援謂姊子曹訓曰王氏廢姓也子石當屏居自守而反游京師長者用氣自多所陵折其敗必也後歲餘磐果與司隸校尉蘇鄴丁鴻事相連坐死洛陽獄而磐子肅復出入北宮及王侯邸第援謂司馬呂种曰建武之元名為天下重開自今以往海內日當安耳但國家諸子並壯

明知類

卷三

十

而舊訪未立若多通賓客則大獄起矣卿曹成漢之及郭后幾有上善者以爲肅等受誅之家客因事生亂慮致員高任章之變帝怒乃下郡縣及諸王賓客更相牽引死者以千數呂种亦緣其罪命嘆曰馬將軍誠神人也後漢書

馬援字威卿馬援之姪也從平原楊太伯講學專心墳典能通春秋左氏因覽百家羣言遂交結英賢京師大人咸器異之仕郎督郵援常與計議委以家事弟敦字孺卿亦知名援卒後嚴乃與敦俱歸安陵居鉅下三輔稱其義行號曰鉅下二卿明德皇后旣立嚴乃閉門自守猶復慮致讒嫌遂更徙北地斷絕賓客後漢書

張元宇處虛張霸之曾孫也深沉有才略以時亂不仕司空張溫數以禮辟不能致中平二年溫以車騎將軍出征涼州賊邊章等將行元自田廬被褐帶索要說溫曰天下寇賊雲起豈不以黃門常侍無道故乎聞中貴人公卿以下當出祖道於平樂觀明公總天下威重握六師之要若於中坐酒酣鳴鐘鼓整行陣名軍政執有罪者誅之引兵還屯都亭以次剪除中官解天下之倒懸報四海之怨毒然後顯用隱逸忠正之士則邊章之徒宛轉股掌之上矣溫聞大震不能對良久謂元曰處虛非不悅子之言願吾不能行如何元乃嘆曰事行則為福不行則為賊今與公

明知類 卷三 十一

長辭矣即卸藥欲飲之溫前執其手曰子忠於我我不能用是吾罪也子何為然且出口入耳之言誰今知之元遂去隱居魯陽山中 後漢書
袁閔字夏甫袁安之後也少勵操行苦身修節父賀為彭城相閔往省謁變名姓焚符書詣既至府門連日吏不為通言其母從內出見閔在門刺面視省瘦為之垂泣閔曰此間不知吾慎勿言也入百夫人乃密呼見既而辭去賀遣車送之閔稱眩疾不肯乘反郡界無知者及賀卒郡閔兄弟迎喪不受賻賻綴經扶柩冒犯寒露體貌枯毀手足流血見者莫不傷之服闋累徵聘舉召皆不應居處側

願以耕學為業從父逢隗並貴盛數饋之無所受閔見時方險亂而家門富盛常對兄弟歎曰吾先公福祚後世不能以德守之而競為驕奢與亂世爭權此即晉之三卻矣延熹末黨事將作閔遂散髮絕世欲投迹深林以母老不宜遠適乃築土室四周於庭不為戶自隔納飲食而已旦於室中東向拜母母思閔時往就視母夫便自掩閉兄弟妻子莫得見也及母歿不為制服設位時莫能名或以為狂生潛身十八年黃巾賊起攻沒郡縣百姓驚散閔誦經不移賊相約諾不入其閭鄉人就閔避難皆得全免年五十七卒於土室 後漢書

明知類 卷三 十一

袁忠字正甫袁閔之弟也初平中為沛相乘車到官以清亮稱及天下大亂忠棄官客會僭上虞 見太守王朗徒從整飾心嫌之遂稱疾自絕 後漢書
袁宏字邵甫恥其門族貴勢乃變名姓徒步帥門其從父逢為太尉呼宏與相見遇逢宴會作樂宏伏梅頭痛不聽音聲而退遂不復往紹術兄弟亦不與通 後漢書
魏桓字仲英交陽人數被徵其鄉人勸之行桓曰夫千祿求進所以行其志也今後宮千數其可損乎廢馬萬匹其可減乎左右悉權豪其可去乎皆對曰不可桓乃慨然嘆曰使桓生行死歸於諸子何有哉遂隱身不出 後漢書

周雙字彥祖汝南安城人生而欽頤折頰醜貌駭人其母
欲棄之其父不聽曰吾聞賢聖多有異貌與我宗者乃此
兒也於是養之養在髻髻而卸麻讀及長不讀非聖之書
不修買問之禮有先人草廬結於岡畔下有陂田常肆勤
以自給非身所耕漁則不食也鄉黨宗族希得見者延光
二年安帝以元纁羔幣聘之宗族更勸之曰夫修德立行
所以為國自先世以來動寵相承君獨何為守東澗之陂
乎雙曰吾既不能隱處巢穴追綺李之跡而猶顯然不遠
父母之國斯則以滑泥揚波同其流矣夫修道者度其時
而動動而不時焉得亨乎因自載到潁川陽城後漢書

明知類

卷三

三

馮真字君郎南陽人少作縣吏年三十為尉同佐奉檄迎
齊轉路概然恥在廝役因壞車殺馬毀裂衣冠乃遁至
野為從杜撫學妻子求索踪跡斷絕後乃見草中有敗車
死馬衣裳腐朽謂為虎狼盜賊所害發喪制服積十餘年
乃還鄉里志行高整非禮不動遇妻子如君臣鄉黨以為
儀表年七十餘後漢書

徐穉字孺子豫章南昌人家貧常自耕稼非其力不食恭
儉義讓所居服其德屢辟公府不起時陳蕃為太守以禮
請署功曹穉勉一之既謁而退蕃在郡不接賓客唯穉來
特設一榻去則縣之後舉有道家拜太原太守皆不就嘗

為太尉黃瓊所辟不就及瓊卒歸葬穉乃負糧徒步到江
夏赴之設酒薄祭哭畢而去不告姓名時會者四方名
士郭林宗等數十人聞之疑其穉也乃遣能言語生茅容
輕騎追之及於塗容為設飯共言稼穡之事臨訣去謂容
曰為我謝郭林宗大樹將顛非一繩所維何為栖栖不遑
安處後漢書

姜肱博通五經兼明星緯屢徵辟不就桓帝使書工圖其
形狀肱臥於幽室以被箱面言感眩疾不欲出風工竟不
得見之中常傳曹節等專執朝事新謀太傅陳蕃大將軍
竇武欲借寵賢德以釋眾望乃自徵肱為太守肱得詔私

明知類

卷三

四

告其友曰吾以虛獲實遂籍聲價明明在上猶當固其本
去矣今政在闇豎夫何為哉乃隱身避命遠浮海濱再以
元纁聘不就即拜大中大夫詔書至門肱使家人對云久
病就醫遂羸服間行竄伏青州界中賣卜給食召命得斷
家亦不知其處恩年乃還年七十七終於家後漢書

申屠蟠字子龍陳留外黃人家貧備為漆工郭林宗見而
奇之同郡京邑潘重蟠及被州辟乃辭讓之後郡召為主
簿不行遂隱居精學博貫五經兼明圖緯除與濟陰王子
居同育太學子居臨歿以身託蟠蟠乃躬推輦車送喪歸
鄉里遇司隸從事於河葦之問從事義之為封傳護送蟠

不肯受授傳於地而去傳符牒也事畢選舉再舉有道不
就先是京師游士汝南范滂等非計朝政自公卿以下皆
折節下之大學生爭慕其風以爲文學將典處士復用蟠
獨嘆曰昔戰國之世處士橫議列國之王至爲擁篲先驅
卒有阬儒燒書之禍今之謂矣乃絕跡於梁碭之間因樹
爲屋自同傭人居二年滂等果罹黨禍或死或刑者百餘
人蟠確然免於疑論後蟠友人陳郡馮雍坐事繫獄豫州
牧黃琬欲殺之或勸蟠救雍蟠不肯行曰黃子琰爲吾故
耶未必合罪如不用吾言雖往何益琬聞之遂免雍罪中
平五年復與荀爽鄭元等十四人並徵不至明年董卓廢

明知類

卷三

五

立蟠及爽融等復俱公車徵惟蟠不到衆人咸勸之蟠不
應居無幾爽等爲卓所脅迫西都長安京師擾亂及大駕
西遷公卿多遇兵饑室家流散爽等僅以身脫惟蟠處亂
未終全高節年七十四終於家 後漢書

黃琬字子琰江夏安陸人瓊之孫也建和元年正月日食
京師不見而瓊爲魏郡太守以狀聞太后詔問所食多少
瓊思其對而未知所况琬年七歲在傍曰何不食日食之
餘如日之初瓊大驚卽以其言應詔而深奇愛之仕至司
隸校尉 後漢書

郭太字林宗介休人家世貧賤早孤母欲使給事縣廷林

宗曰大丈夫焉能處斗筲之役乎遂辭就成皋屈伯彥學
三年業畢博通典籍不就徵辟或勸林宗仕對曰吾夜觀
乾象書察人事天之所廢不可支也好獎訓士類臧否人
倫而不爲危言覈論故宦官擅政而不能傷及黨事起知
名之士多被其害惟林宗及汝南袁闓得免焉陳留左原
爲郡學生犯法見斥林宗遇諸塗爲設酒肴以慰勞之或
問林宗不絕惡人對曰人而不仁疾之已甚亂也鄉人賈
叔來修弔旣而鉅鹿孫威直亦至威直以林宗賢而受惡
人弔心怪之不進而去林宗追而謝之曰賈子厚誠實凶

明知類

卷三

六

德然洗心向善仲尼不逆亓鄉故吾許其進也淑問之改
過自勵終成善士汝南謝甄與陳留邊讓並善談論俱有
盛名每共候林宗未嘗不連日達夜林宗謂門人曰二子
英才有餘而並不入道惜乎甄後不拘細行爲時所毀讓
以輕侮曹操被殺 後漢書

許劭字子將汝南平輿人少峻名節好人倫多所賞識初
爲郡功曹太守徐璆甚敬之府中問子將爲吏莫不改操
劭行同郡袁紹公族豪俠去濮陽令歸車徒甚盛將入郡
界乃謝遣賓客曰吾與服豈可使子將見遂以單車歸家
曹操常造訪問之曰我何如人劭鄙其人而不肯對操嘗

之謂也君請李之憂賊亂世之英雄探大悅而去或勸劾
仕對曰方今小人道長王宰將亂吾欲避地淮海以全老
幼乃南到襄陽徐州刺史陶謙禮之甚厚劬不自安告其
徒曰陶恭祖外慕聲名內非真正待吾雖厚其勢必薄不
如去之遂復投揚州刺史劉繇於曲阿其後陶謙果捕諸
高士劬免其難後漢書

李邵字孟節漢中南鄭人也和帝時為漢中戶曹史時大
將軍竇憲納妻天下郡國皆有禮慶郡亦遣使邵進諫曰
竇將軍椒房之親不修禮德而專權驕恣危亡之禍可翹
足而待願明府一心王室勿與交通太守固遣之邵不能
明知類 卷三 七

止請求自行許之邵遂所在留遲以觀其變行至扶風而
憲就國自殺支黨悉伏其誅凡交還憲者皆為免官惟漢
中太守不預焉後漢書
裴度在中書左右忽白失印問者失色度飲酒自如頃復
白謂之度亦不應或問其故度曰此必吏人盜之以印書
奪耳急之則投之水火緩之則復還故處人服其識量唐
史
張翰齊王囹辟為大司馬東曹掾翰知將亂謂同郡顧榮
曰大有四海之名者求退良難吾本山林間人無望於時
子善以明防前以智慮後榮執其手愴然曰吾亦與子采

南山飲飲三江水耳翰因見秋風起乃思吳中菰菜羹羹
鱸魚膾曰人生貴得適志何能羈宦數千里以邀名爵乎
遂命駕而歸著首邱賦人皆謂之見機晉書

昭烈帝初在魏時曹操遣視近密視諸將有賓客酒食
者輒因事害之昭烈覺之時閉門使人種蕪曹操使人
闖門既去帝謂關張曰吾豈種菜者乎曹公必有疑心不
可復留其夜開後棚與關等輕騎俱去所得遺賜衣服悉
封留之乃往小沛蜀志

孫亮食生梅使黃門至中藏取蜜漬梅蜜中有鼠矢召問
藏吏吏叩頭亮曰黃門從汝求蜜耶吏曰向求實不敢與
明知類 卷三 六

黃門不服侍中刁元張邠敢黃門藏吏辭語不同請付獄
推盡亮曰此易知耳令破鼠矢矢衷燥亮大笑謂元邠曰
若矢先在蜜中中外當俱溼今外溼內燥必黃門所為黃
門首服吳志
阮裕大將軍王敦命為主簿甚被知遇裕以敦有不臣之
心乃終日酣飲以酒廢職敦謂裕非當世實才徒虛譽而
己出為溧陽令後以公事免官由是得違致難論者以此
貴之晉書

樂藹時長沙宣武王將葬而車府忽於庫失油絡欲推主
者藹曰昔晉武庫火張華以為積油萬石必然今庫若有

以非吏罪也既而檢之果有積灰時稱其博物宏恕焉居
憲臺甚稱職 梁書

司馬悅除鎮遠將軍豫州刺史時有汝南上蔡董毛奴者
齋錢五千死在道路郡縣疑民張堤為劫又於堤家得錢
五千堤懼拷掠自誣言殺獄既至州悅觀色察言疑其不
實引見毛奴兄靈芝謂曰殺人取錢當時狼狽應有所遺
此賊竟遺何物靈芝云惟有一刀鞘而已悅取鞘視之曰
此非里巷所為也乃召州城刀匠示之有郭門者前曰此
郭門手所作去歲賣與郭民董及祖悅收及祖詰之曰汝
何故殺人取錢而遺刀鞘及祖款引靈芝又於及祖身上

明知類

卷三

五

得毛奴所著皂襦及祖服法 魏書

陸侯拜散騎常侍出為東平將軍懷東鎮大將末期諸高
車莫弗訖訟侯嚴急待下無恩還請前鎮將郎孤世祖詔
許之徵侯還京既至朝見言於世祖曰陛下今以郎孤復
鎮以臣愚兒不過週年孤身必敗高車必反世祖疑謂不
實切責之以公歸第明年諸莫弗果殺郎孤而叛世祖聞
之大驚即召侯問其知敗之意侯曰夫高車上下無禮無
禮之人難為其上臣所以荷之以嚴威節之以憲綱欲漸
加訓導使知分限而惡直醜正實繁有徒故訟臣無恩稱
孤之美孤獲還鎮欣其名譽必加恩於百姓譏臣為失專

欲以寬惠治之仁恕待之無禮之人易生陵傲不過期年
無復上下然後收之以威則人懷怨懟怨懟既多敗亂彰

矣世祖笑曰卿身乃短慮何長也即日復拜散騎常侍 魏書

王晞帝欲以晞為侍中苦辭不受或勸晞勿自疎晞曰我
少年以來閱要人多矣充詘少時鮮不敗績且吾性實疎

緩不堪時務人主恩私何由可保萬一披猖求退無地豈
不愛作熱官但思之爛熟耳 北齊書

潘濬時武陵郡從事樊仲誘造諸夷圖以武陵屬蜀外白
差督督萬人往討之權不聽特召問濬濬答以五千兵往

可以擒仲權曰卿何以輕之濬曰仲是南陽舊姓頗能弄

明知類

卷三

五

屑吻而實無辨論之才所以知之者仲昔嘗為州人設饌
比至日中食不可得而仲十餘自起此亦侏儒觀一節之

驗也權大笑而納其言即遣濬將兵五千往果斬平之 吳志

羊祐從甥王衍嘗詣祐陳事詞甚峻辨祐不然之行拂衣
而起祐謂賓客曰王夷甫方以盛名處大位然敗俗傷化

必此人也 晉書

楊暉陶侃州里人也為鄉論所歸侃詣之暉曰易稱貞固
足以幹事陶士行是也與同乘見中書郎顧榮榮甚奇之

吏部郎溫雅謂暉曰奈何與小人同乘暉曰此人非凡器

也晉書

郝超素與謝元不善聞謝安舉元為將嘆曰安違衆舉親明也元必不負所舉才也時皆以為不然超曰吾嘗與元其在桓公府見其使才雖履屐間亦得其任所以知之

阮孝緒外兄王晏屢至其門孝緒度之必至顛覆常逃匿不與相見會食醬美問之謂是王家所得便吐食覆醢及晏謀其親戚皆為之懼孝緒曰親而不黨何坐之及竟獲免

虞寄時陳寶應據有閩中得寄甚喜高祖平侯景寄勸令明知類

卷三

三

自給寶應從之乃遣使歸誠承聖元年除和戎將軍中書侍郎寶應愛其才託以道阻不遣每欲引寄為僚屬委以文翰寄因辭獲免及寶應結婚留吳潛有逆謀寄微知其意言說之際每陳逆順之理微以諷諫寶應輒說他事以拒之又嘗令左右誦漢書卧而聽之至蒯通說韓信曰相君之背貴不可言寶應蹶然起曰可謂智士寄正色曰覆

救之寶應自此方信陳書

周瑛知廣德日有道士作法能使童子自舞公摘樹葉置童子懷中戒之曰汝第舞但樹葉落地答汝矣於是道士百計作法童子凝然不動蓋童子心以守葉為主也

見人心有主則不動明世錄
葉南巖家居宜侯蕭然嘉靖時括天下廢寺田盡鬻於民間士大夫往往藉是占業直指按江右與葉有舊欲以百畝餉葉葉曰吾生平不妄取一錢豈因里僧破戒耶乃訓子曰使我居官多積兒輩競為安逸計矣寧肯勤苦自立正以無可憑藉不得不加勉焉寺田何為又曰吾老不及

明知類

卷三

三

見汝第觀之異日有以此獲累者不數年果下合清查增價復業紛紛自出葉之子孫是然獨免唐右編
山濤性廉介時陳郡袁毅為高令貪濁而賂遺公卿亦遺濤絲百斤濤不欲異於時受而藏於閣上後毅事露檻車送廷尉凡受賂者皆見推檢濤乃取絲付吏積年塵埃印封如故以此得免晉書
孝恭自荊州趨九江時李靖李勣黃君漢張鎮州盧尚祖並受孝恭節度將發與諸將宴集命取水忽變為血在座者皆失色孝恭舉止自若徐論之曰禍福無門惟人所召自願無負於物諸公何見疑之深公祐惡積禍盈今承廟

算以致討益中之血乃公所受首之微遂盡飲而罷時人服其識度而能安衆唐書

段秀實馬嶺城涇州秀實掌留後璘既卒詔徙鎮涇州其土衆營自固鎮北庭赴難中原僑居驟移頗積勞怨刀斧將王童之囚人心搖動導以為亂或告其事於秀實且曰候嚴警鼓為約矣秀實乃召鼓人陽怒失節且戒之曰每更盡必來報每白之輒延數刻四更畢而曙既差互童之亂不能任唐書

權皋字士繇德輿之父也安祿山假其才名表為蔚縣尉署從事皋陰察祿山有異志畏其猜虐不可以潔退欲潛

明知類

卷三

三

去又慮及老母天寶十四年祿山使獻戎俘自京師回過福昌福昌尉仲慕皋從妹婿也密以計約之比至河陽詐以疾亟召慕皋至皋示以暗燈慕而眼暮乃勉哀手自含

襲既逸皋而奔其棺人無知者唐書
江夏郡王道宗當侯君集破高昌還頗怨望嘗從容奏言君集智小言大且為戎首帝問所以知必反者對曰見其忌而矜功恥為房李下官尚書常鬱鬱不平帝曰君集誠有功才無不堪朕豈謂爵位也但未及耳不宜輕憶度使自猜危既而君集反帝笑曰如公素揣唐書
蕭傲之子虞字富侯第進士遷尚書郎傲領南海虞解官

往侍為人退約少合南海多穀紙做敕諸子繕補殘書虞諫曰州距京師且萬里書或不可露齋必貯以篋笥貪者伺望得無意毀嫌乎傲曰善善思不及此乃止唐書

劉元佐節帥汴州因軍餉不足詭言州相國寺佛有流汗元佐命駕自持金帛以施之日中其妻子亦至明日復起輸齋梵由是將吏商賈奔走道路惟恐輸貨不及乃令官為簿書籍其所入十日乃閉寺門曰佛汗止矣所入蓋巨萬悉以贍軍李肇國史補

李文靖沈夫人因內朝皇后曰上好食糟淮白魚祖宗舊制不得取食於四方無從可致相公家受州當有之夫人

明知類

卷三

三

歸欲以十匱為獻公見問之夫人告以故公曰兩匱可耳夫人曰以侑王食何惜也公悵然曰王食所無之物人臣之家安得有十匱也邵伯溫聞見錄

盧承慶典選校百官考有坐漕舟溺者承慶以失所載考中下以示其人無愠也更曰非力所及考中中亦不喜承慶嘉之曰寵辱不驚考中上其能著人善類此唐書

范文正公在雅陽掌教時有孫秀才者索游上謁文正贈錢一千因問何為汲汲道路孫戚然曰老母無養公見孫詞氣甚非乞客因為補學職授以春秋月得三千供養孫鶴學公甚愛之明年俱解去後十年聞泰山下有孫明復

先生以春秋教授道德甚高過朝廷召至太學卽昔日索
淳孫秀才也公嘆曰貧累大矣倘因循索米至老雖人才
如孫明復者將猶困而不見也語云緩急人所恃有今
富貴人不知貧賤痛癢亦是一過况貧賤中往往有豪傑
策是人著眼孔寬挂腹可也人語

趙端蕭公錦頗經營風水一語人口吾非念之富貴之
家能致地師里之外有佳山水處又能出費以購之其人
不可又能以勢力強之得善地矣又將富貴得富貴矣又
將得善地如環之無端千百世不絕皆人與地爲政遂以
手指天曰此老將安所視耶因一笑而罷人語

明知類

卷三

美

趙槩同歐陽修在史館槩厚重言修屢輕之趙不以屑
意會修甥女潘亂事覺語連修與甥亂上怒甚羣臣無敢
言者槩獨上言修以文學近臣不可輕視以閉房曖昧之
事臣與修蹤跡素疎修之待臣亦淺所惜者朝廷大體耳
人語

朱晦庵門人有與人爭訟者切責之曰欲之甚則昏蔽而
忘義理求之極則爭奪而至怨讐人語

韓魏公一日至諸子書室枕邊見有一劍公問何爲答云
夜間以備緩急公笑曰使汝輩果能擊賊賊死於此何以
處之萬一奪人賊手汝不得爲完人矣古人青瑣尤說不

記乎嘗聞前輩云夜行切不可刃物自隨吾輩安能害
人徒起惡心耳人語

蘇東坡知揚州一夕夢在山林間忽見一虎來噬公方驚
怖有一紫袍黃冠以袖障公叱虎使去明日有道士投謁
曰昨夜不驚畏否公曰鼠子乃敢爾本欲杖汝者豈不
知子夜術耶道士駭惶而退張邦基墨莊漫錄

李師中始事州縣邸狀報包拯參知政事或云朝廷自此
多事矣師中曰包公何能爲今知鄞縣王安石者眼多白
甚似王敦他日亂天下必斯人也後二十年言乃信宋史

明知類

卷三

美

之毛皆逆上且覆腕必有以合乎此而後可貴也宜生聞
其言大喜竟從范汝爲於建劔已而汝爲敗變服爲備泰
之吳翁家三年翁異之一日屏人詰其姓名宜生曰我服
傭事惟謹主人乃亦真疑耶翁詰之則請其故翁曰日者
燕客執事皆餒而汝獨孫諸儕且撤器有嘆聲是以識汝
非真傭也宜生遂告之故翁贖之金歸試第一其後寬如
僧言 金史

衛子許弱冠與同郡園文生同稱盛德郭林宗與二人俱
到市子許買物隨價售值文生訛訶減價乃取林宗曰子
許少欲文生多情此二人非徒兄弟乃父子也後文生以

史
劉義農世說

王洽公會制詰朝朝重一日至中書見王文正公且
公問沂公曰君識呂夷簡否沂公曰不識也文正曰此人
異日與舍人對秉鈞軸沂公曰何以知之曰余亦不識但
以奏請得之沂公曰奏請何事曰如不稅農器數事時夷
簡方為太常博士後竟如文正言蘇轍龍川別志

劉幾字伯壽磊落有氣節知保州方春大集賓客飲至夜
言吳處厚情箱雜記

明知類

卷三

三七

分忽告外有卒謀為變者凡不問益令折花勸坐客盡歡
益酒行密令人分捕有頃皆擒至凡遂極飲達旦人皆服
之戴花劉使 石林燕語

盧憲為河南令服用儉素及其子多遜貴顯服用漸侈
憲退人人問其故公曰盧貌醜恐女侍見之而笑則此人
得志吾子孫無遺類矣後盧果傾害忠良汾陽之後無事
唐書

盧億為河南令服用儉素及其子多遜貴顯服用漸侈
然不樂謂親友曰家世儒素一旦富貴暴至吾未知稅駕
之所後多遜因罪貶崖州家屬徙遼裔人服億之遠見未

史

呂蒙正為相夾袋中有冊子每四方人替罷詢見必問其
有何人才客夫隨卽疏之悉分門類或有一人而數人稱
之者必賢也朝廷求賢取之囊中故公為相文武百官各
稱其職唐史

呂端為相保安軍奏獲李繼遷之母上獨召冠準與謀準
退自宰相幕次前過不入端使人邀至幕中曰向者上召
君何為準以獲繼遷母對端曰君何以處之準曰欲斬於
保安軍北門之外端曰必若此非計之得也願君少緩其
事端將覆奏入見上具道準言且言昔項羽得大公欲烹

明知類

卷三

三八

之漢高曰願遺我一杯羹夫舉大事者每不顧其親况繼
遷胡夷悖逆之人哉且陛下今日殺繼遷之母繼遷可擒
乎不然徒樹怨讐而益堅其叛心耳宜置於延州使善養
視之以招徠繼遷雖不能卽降終可以繫其心而母死生
之命在我矣上曰善微卿幾誤我事言行錄

呂端當太宗不豫時李太后與宣政使王繼恩忌太子英
明陰與參知政事李昌齡殿前都指揮使李繼勳知制誥
胡旦等謀立楚王元佐端問病禁中見太子不在旁疑有
變乃以笏書大漸字令親密吏趣太子入侍帝崩皇后令
繼恩召端端知有變鎖繼恩閣內使人守之而入后曰宜

車已宴駕立嗣以長順也今將何如端曰先帝立太子正
為今日豈容更有異議后默然乃奉太子卽位垂簾引見
羣臣端平立殿下不拜請捲簾升殿密觀然後降階率羣
臣拜焉宋史

王魏公且為相趙德明言民饑求糴百萬斛朝議不知所
出公請敕有司具粟百萬斛於京師詔德明來取德明得
詔曰朝廷有人遂止宋史

向文簡公敏中知永興軍會邦人大雉有告禁卒欲倚雉
為亂者公密使麾兵被甲衣袍伏廡下幕中明日盡召賓
僚官兵置酒縱闕無一人預知者命讎入先令馳騁於中

明知類

卷三

三

門外後召至階公振袂一揮伏卒齊出盡擒之果各懷短
刀卽席誅之勦訖屏尸亟命灰沙掃庭張樂宴飲賓從股
栗言行錄

張忠定詠知益州有僧行止不明有司執之以白公公判
其牒曰勘殺人賊既而按問果一民也與僧行於道中殺
僧取其祠部戒牒二衣因自披剃為僧寮屬問何以知之
公曰吾見其額上猶有繫巾痕也言行錄

詠守蜀兵火之餘人懷反側一日合軍大閱始出眾遂嵩
呼者三公亦下馬東望而三呼復攬轡行眾不敢譁或以
告魏公公曰當是時琦亦不敢措置唐史

張詠謂李暉曰大小之事皆須用智智猶水也不流則腐
凡百不用智則臨大事之際豈有智來言行錄
又曰臨事有三難能見一也見而能行二也當行必果決
三也言行錄

程明道先生為鄆縣主簿南山僧舍有石佛歲傳其首放
光遠近男婦聚觀晝夜雜處先生至論僧曰俟復見當取
其首就觀之自是不復有光宋史

司馬光字君實封溫國公七歲時與羣兒戲於庭一兒登
甕失足沒水中眾皆棄去溫公持石破甕兒得活宋史
王允之字深猷總角從伯敦謂其似己恒以自隨出則同

明知類

卷三

三

車人則共寢敦常夜飲允之辭醉先卧敦與錢鳳謀為逆
允之已醒悉聞其言慮敦或疑已便於卧處大吐衣面並
汚鳳既出敦果照視見允之卧吐巾以為大醉不復疑之
晉書

楊靖山陽人洪武中仕刑部尚書嘗鞠一武弁門卒檢其
身得大珠屬僚驚異靖徐曰偽也安有珠人如此者乎碎
之帝聞嘆曰靖此舉有問善焉不獻朕求悅一也不窮追
搜獻三也不獎門卒杜小人僥倖三也千金之珠卒然而
至而略不動心有過人之智應變之才四也明史
黃孔昭黃巖人成化中為吏部郎中故事選郎中閉門謝

客孔昭曰國家用才猶富家積粟不素積豈足贍饑才不預儲安能濟用苟以深居絕客爲高何由知天下才俊公退遇客至或延見訪以人才書之於册除官以其才高下配地蔡簡山是舒敘平允若以私干者悉拒之後爲江南侍郎掘地得古鼎急命工鑄文廟二字送之廟中俄而中貴欲獻諸朝見鑄字而止 明史

郭德成子興之李弟也性通敏嗜酒兩兄俱積功至列侯德成止驍騎舍人太祖以安妃故欲貴顯之德成辭帝不悅頓首曰臣性航酒庸闇不能事事位高祿厚必任職司事不治上將殺我人貴適意但多得錢飲醇酒足矣餘非明知類 卷三

所望帝稱善賜酒百罇金帛稱之寵遇益厚嘗侍宴後苑醉餽旬脫冠謝帝顧見德成髮種種笑曰醉瘋漢髮如此非酒過乎德成仰首曰猶厭之盡薙始快帝默然既醒大懼伴狂自放剃髮衣僧衣唱佛不已帝謂安妃曰始以汝兒藏言今實爲之真瘋也後黨事起坐死者相屬德成竟免 明史

寇天敘倫次人爲應天府承時正德駙南京從官衛士十萬餘口費金萬計近幸求索倍之南尹齊宗道憂懼卒天敘攝其事日青衣皂帽坐堂上江彬使者至好語之曰民窮官帑乏無可結歡丞專待譴耳彬使累至皆然彬亦止

他權幸有求則曰侯若奏卽予禁軍搜民物天敘與兵部尙書喬宇選拳勇者與搏藏禁軍卒受傷慚且畏不敢橫其隨事禁制多類此駕駐九月南京不大困者天敘與宇力也織造太監至有司議奏罷之天敘曰甫至遽罷卽不罷彼且益張會歲綾乃請蠲租稅發粟賑飢民因言織造非儉歲所宜設帝立召還 明史

蔣恭靖公爲御史時南行舟泊石佛岡有一僧狀甚潑大肆罵詈舟人膚想於公公如不聞少頃復詈如故舟人復告公假寐不應卽命放舟次日一主事亦泊舟其僧以侮公者侮之主事遂筆僧訐奏被逮蓋此僧乃國族也人問明知類 卷三

恭靖所以忍者公曰以一僧而妄加我輩必有所恃可輕與較哉 厚德錄

徐階字子升華亭人嘉靖中探花及第官至少師謚文貞爲人短小白皙善容止性類敏有權畧時嚴嵩欲擠階階度未可與爭乃折節事之每事防於未然及嵩氣稍衰林潤等發世蕃之罪狀中言寃殺楊繼盛沈練階見之曰諸公欲生之乎夫楊沈之獄嵩皆巧取上旨今顯及之是彰上過也必如是諸君且不測嚴公子騎款段出都門矣爲手削其草獨按羅龍文與江直交通賄世蕃求官世蕃用日者言南昌倉地有王氣取以治第制擬王者又結宗人

典模陰伺非常多聚亡命南通倭北通虜共相響應即日
令疾書奏之世藩聞日死矣羣小璫毆御史於午門都御
史王廷將糾之階曰不得主名効何益且慮彼先誣我乃
使人以好語誘大璫先錄其主名廷疏上乃分別逮治有
差其持正應變多類此 明史

楊博字惟約蒲州人嘉靖進士由知縣官至東部尙書謚
襄毅初隨大學士翟鑾巡邊所過山川形勢士俗好惡士
卒多寡強弱皆疏記之至肅州屬番數百遮道邀賞鑾慮
來者益衆不能給博請鑾盛儀徇集諸番轅門外數以天
子宰相至不率衆遠迎將縛以屬吏諸番羅拜請罪乃稍

明知類

卷三

三

賚其先至者餘皆懼不復來鑾還薦博可屬大事 明史

周新南海人初名志新成祖常獨呼新遂爲名因以志新
字洪武中以諸生貢太學授大理評事善決獄改監察御
史敢言人目爲冷面寒鐵京中至以其名怖小兒後爲浙
江按察冤民間新至相慶曰我得生矣至果雪之初新入
境羣蚋迎馬頭跡得死人榛中身繫小木印新驗印知死
者故布商密令廣市布視印文合者捕鞠之盡獲諸盜一
日視事旋風吹葉墜案前葉異他樹詢左右獨一僧寺有
之寺去城遠新意僧殺人發樹果見婦人屍鞠實磔僧一
商暮歸恐遇劫藏金叢祠石下歸以語其妻旦往求金不

得訴於新新召商妻訊之果商妻有所私商驟歸所私尙
匿妻所聞商語夜取之妻與所私皆論死新微服行部忤
縣令令欲考治之問廉使且至繫之獄新從獄中詢諸囚
得令貪污狀告獄吏曰我按察使也令驚謝罪勿罷之當
是時周廉吏之名聞天下 明史

田見秀隨李自成入秦凡秦人之爲賊者無不訪宗族侈
贖墓惟見秀獨不然人問之笑曰如今天下在那裏我要
去認親故舊有至密以金帛促之去及自成敗有誅宗族
發墳墓者見秀獨不知其何邑人故免此亦爲賊之知者
殺冠紀略

明知類

卷三

三

坊表錄卷之十四

鬱林蘇宗經文庵氏輯

男 玉霖 孫 龍 恂 校

謹慎類

張安世字子孺丞相湯之子也小心畏謹以父任為郎用
書給事尚書精力於職休沐未嘗出後繼霍光為大將
軍職典樞機以謹慎周密自著外內無間每定大政已決
輒移病出聞有詔令乃驚使吏之丞相府問焉自朝廷大
臣莫知其與議也嘗有所薦其人來謝安世大恨以為舉
賢達能豈有私謝耶絕弗復為通有郎功高不調自言安
世應曰君之功高明主所知人臣執事何長短而自言乎

謹慎類

卷西

一

絕不許已而郎果遷莫府長史始遷辭之官安世問以過
失長史曰將軍為明主股肱而士無所進論者以為譏安
世曰明主在上賢不肖較然臣下自修而已何知士而薦
之其匿名迹遠權勢如此安世以父子封侯在位太盛乃
辭祿詔都內別藏張氏無名錢以百萬數安世尊為公侯
食邑萬戶然身衣弋綈夫人白紵績家僮七百人皆有手
技作事內治產業累積微是以能殖其貨富於大將軍
霍光天子甚尊憚光然內親安世心密於光也後安世子
孫貴盛而光之子禹謀反族誅 漢書
霍光字子孟河東平陽人昭帝時為大將軍每出入殿門

正進有常處郎僕射竊識視之不失尺寸其資性端謹如
此 漢書

孔光字子夏先聖十四代孫也元帝時為相凡典樞機十
餘年守法度修故事上有所問據經法以心所安而對不
希指苟合如或不從不敢強諫爭以是久而安時有所言
輒削草稿以為章主之過以奸忠直人臣之大罪也有所
薦舉唯恐其人之聞知沐日歸休兄弟妻子燕語終不及
朝省政事或問光温室省中樹皆何木也光默不應更答
以他語其不泄如此 漢書

光武與兄續同事更始更始殺續光武不敢顯其悲戚每

謹慎類

卷西

二

獨居輒不御酒肉枕席有涕泣處馮異覺之叩頭覽臂哀
情光武止之曰卿勿妄言 後漢書
樊儵謹約有父風建武時禁網尚闊諸王既長各招引賓
客以僚外戚爭遣致之而儵清靜自守無所交結及沛王
輔事發凡貴戚子弟多見收捕儵以不豫得免 後漢書
鄭眾字仲師鄭興之子也精力學問知名於世建武中皇
太子及山陽王荆因虎賁中郎將梁松以繅帛聘請眾欲
為通義引籍出入殿中眾謂松曰太子儲君無外交之義
漢有舊防藩王不宜私通賓客遂辭不受松復風眾以長
者意不可逆眾曰犯禁觸罪不如守正而死太子及荆聞

而奇之亦不强也及梁氏敗賓客多坐之惟衆不染於辭

建初六年代鄧彪爲大司農以清正稱後漢書

杜安穎川人年十三入太學洛陽令周紆自往候安安謝

不見京師貴戚慕其行或遺之書安不發悉壁藏之及後

捕按貴戚賓客安開壁出書印封如故以是免於難後漢書

吳祐字季英陳留長垣人父恢爲南海太守祐年十二隨

從到官恢欲殺青簡以寫經書祐諫曰今大人踰越五嶺

遠在海濱其俗誠陋然舊多珍怪上爲國家所疑下爲權

戚所望此書若成則載之兼輻昔馬援以薏苡興謗王陽

謹慎類

卷十四

三

以衣囊微名嫌疑之間誠先賢所慎也恢乃止撫其首曰

吳氏世不乏季子矣後漢書

劉超自以職在近密而書迹與帝手筆相類乃絕不與人

交書時出浴沐閉門不通賓客由是漸得親密晉書

高允明於歷數初不推步唯游雅數以災異問允曰昔人

有言知之甚難既知復恐漏泄不如不知也天下妙理至

多何遽問此雅乃止魏書

權會明風角解元象至於私室輒不言及學徒有請問者

終無所說每云此學可知不可言諸君並貴遊子弟不由

此道進何煩問也會唯有一子亦不以此術教之其謹密

也如此北齊書

張詠謂李岐曰子於病中曾得移心法否對曰未也曰人

能於病中移其心如對君父畏之慎之靜久自愈也言行錄

宋趙清獻公每夜焚香若有所秘祝人問之公曰吾自

少以來日有所爲夜必焚香告天上帝蒼蒼吾安能必達

但以深自防檢庶幾知所畏懼不敢出之口者不敢見之

事耳宋史

謝宏微上以其能營膳脩嘗就舍求食宏微與親故經營

既進之後親人問上所御宏微不答別以餘論酬之時人

謹慎類

卷十四

四

比漢之孔光宋書

晏元獻公居館職時士大夫各爲讌集市樓酒肆皆供張

爲游玩之地公獨家居與兄弟講習一日選東宮官忽自

中批除晏殊執政莫知所因他日上謂侍臣曰近聞館閣

臣僚無不游嬉宴賞惟殊杜門與兄弟讀書如此謹厚正

可爲東宮官人譜

李文靖公爲相不喜道人之惡祕監胡旦嘗與文靖同掌

制誥聞其拜參政以啟賀之歷詆前罷職者四人而譽文

靖甚力意將附之文靖得啓慨然不樂曰吾豈優於是耶

亦適適遇乘人之後而議其非吾所不爲况欲揚一人而

短匹人乎終為相不舉旦

人譜

伊川先生每見人論前輩之短則曰汝輩且取他長處

人譜

劉元城嘗言後生未可遽立議論以褒貶前人蓋聞見未廣涉世尚淺也

人譜

李見居與包孝肅同讀書一僧舍每出入必經由一富人門二公未嘗往見之一日富人候其過門邀之坐二公託以他事不入他日復招飲李欲往包公止之正色與語曰彼富人也吾輩異日或守鄉郡今妄與之交不為他日累乎竟不往後十年二公果相繼典鄉郡蓋二公為布衣時

謹慎類

卷四

五

所志已有如此者

人譜

胡文定公家至貧然貧之一字於親故習非惟口下道手亦不書嘗戒子弟曰對人言貧其意何為汝曹志之

人譜

邵伯溫少時讀文中子有武侯不死禮樂可興之說乃著論以駁之其意以武侯霸佐恐禮樂未遑耳康節先生見而大怒欲杖之伯溫自是潛心討究不敢輕論前人

人譜

薛文清公曰切不可隨眾議論前人短長要當已有真見乃可在古人之後議古人之失則易處古人之位為古人之事則難

人譜

按朱子曰人世有一般議論成就後生懶惰如云不敢輕

議前輩不敢妄立論之類皆中怠惰之意前輩固不敢妄

議然論其行事之是非何害固不可鑿空立論然讀書有

疑有所見自不容不立論其不立論者則是讀書不到處

耳將精義諸家說相比並求其是便自有合辯處大抵立

說注書關係在己之學問宜慎之勿令人笑耳

明夏忠靖公原吉與同列飲於他所夜歸值雪過禁門有

不欲下馬者曰雪寒甚公曰君子不以冥冥藥行公之盛

德雖緣事納忠而其本則在破慎耳

明史

謹慎類

卷四

六

坊表錄卷之十五

鬱林蘇宗經文庵氏輯

男玉霖 孫龍翰校

改過類

于承于定國之子也少時嗜酒多過失年且三十乃折節修行定國死居喪如禮以孝行聞官至御史大夫尚節陶公主 漢書

范文正公每飲酒後問夫人曰比未飲酒時何如對曰全無失禮更覺加謹公自謂加謹處是為酒所動遂絕飲 陳密天性剛毅信道尤篤嘗為朱墨銘謂朱屬陽墨屬陰以驗理欲分寸之多寡 宋史

改過類 卷五

一

寇萊公六梅銘曰官行私曲失時悔富不儉用貧時悔藝不少學長時悔見時不學用時悔安不將息病時悔 富鄭公年八十猶書座屏曰守口如瓶防意如城語云羣居閉口獨坐防心 人譜

西門豹性急佩章以自緩董安於性緩佩弦以自急 趙清獻公思絕欲普掛父母畫像於卧牀中以自監 張橫渠先生少喜談兵嘗以書謁范文正公公一見知其遠器欲成就之乃責之曰儒者自有名教何事於兵因勸之讀中庸先生感悟遂棄其學而進求六經 宋史

錄

薛居正子惟吉素無行居正卒太宗臨其喪存問其家因曰不肖子安在頗改節否不克負荷先業奈何惟吉伏喪側懼服不敢起自是盡革故態讀書親賢士修飾為善其後帝數委以大藩所至稱治 宋史

趙清獻公并在蜀時有妓戴杏花色甚麗偶戲曰髻上杏花真育幸妓應聲曰枝頭梅子豈無媒至晚命老兵呼妓既而厲聲曰趙并不得無禮急令召司老兵兵自屏後出曰相公邪徑生平不染知今日之事不遇一時此念便息 耳 人譜

寇萊公享用過奢及拜樞密賞資尤厚賓客莫不稱嘆獨改過類 卷五 二

一老僕潛然墮淚公驚問故則曰太夫人捐館時欲求一縑作衾縫不可得妾知相公自今日耶公撫心大慟即折節從儉 宋史

陶士行在武昌與佐吏飲酒常有有限或慙少進侃懷然曰少年多酒失慈親見約故不敢過耳 人譜

蔡齊喜酒通判濟州時日飲醇酎往往至醉時太夫人年高頗憂之買存道為詩示公曰聖君恩重龍頭選慈母年高鶴髮垂看龍母恩俱未報酒如成病悔何追公聞然起謝之自是非親客不對酒終身未嘗至醉 人譜

陳良謨游學廣德木庠張掌教謂公曰歸安武大尹今秋

必入闈吾引爾往拜其門場中必當留意公唯而去私念窮通有命進身不正識者所鄙遂託辭不往而是科恰中

武公房內使當時一往則彼此俱無以自明矣人譜

吳光詢按吳有執事欲為富人居間適陸榮在座不果言

而別語親曰昨日陸公諄諄言地方利病又勸其奏請蠲

租彼為激昂吐辭我乃懷私噤不敢言思之甚愧遂還富

人金曰吾為陸公所化矣人譜

薛文清公曰輕當矯之以重急當矯之以緩褊當矯之以

寬躁當矯之以靜暴當矯之以和粗當矯之以細察其偏

而悉矯之則氣質變矣人譜

改過類 **卷五**

三

王陽明先生曰凡人言語當快意時便截然能忍默得意

氣到發揚時便翕然能收斂得忿怒嗜欲到騰沸時便郭

然能消化得此非天下之大勇不能然見良知親切功夫

亦自不難人譜

錢起新曰人言知過悔過尙是虛事須是補過補得一分

方改得一分補得二分方改得二分人譜

蔡虛齋曰禍莫大於縱己之欲惡莫大於言人之非人譜

呂東萊少時性氣粗暴嫌飲食不如意便打破家事後

因久病只將一册論語早晚問看忽然覺得意思一時平

了遂終身無暴怒此可為變化氣質之法人譜

葛守禮嘉靖時為陝西布政當大計口有小吏頃老病當

罷後葛入京請留之吏部曰計簿出自潘伯何自亡也葛

曰此邊吏去省甚遠徒取文章登簿今見其人方知誤填

過在布政司何可使小吏受枉尙書驚服曰誰肯於吏部

堂上自陳過誤即此可謂賢能第一矣後葛官至刑部尙

書明史

改過類

卷五

四

坊表錄卷之十六

鬱林蘇宗經文庵氏輯

男玉霖 孫能倫校

政治類

韓延壽字長公燕人遷淮陽太守徙潁川先是趙廣漢為太守患其俗多朋黨故搆會吏民令相告訐延壽欲改更之乃應召郡中長老為鄉里所信向者設酒具食人人問以謠俗民所病苦為陳和睦親愛消除怨咎之路於是令文學校官諸生皮弁執俎豆為吏民行嫁娶禮百姓遵用其教 漢書

又民有兄弟爭田延壽大傷之曰幸得備位為郡表率不能宣明教化至令民有骨肉爭訟咎在馮翊是日移病不聽事因入卧傳舍閉閣思過於是訟者宗族傳相責讓此兩昆弟深自悔皆自髡肉袒謝願以田相移延壽開閣延見內酒肉與相對飲食更勵勉以教之 漢書

政治類 卷六

文翁為蜀郡守修起學官於成都市中招下縣子弟以為學官弟子為除更絲高者以補縣吏次為孝弟力田常選學官童子使在便坐受事每出行縣益從學官諸生明經飭行者與俱使傳教令出入閉閣縣邑吏民見而榮之數年爭欲為學官弟子由是大化蜀地學於京師者比齊魯焉 漢書

黃霸為潁川太守務在成就全安長吏許丞老病冀督郵白欲逐之霸曰許丞廉吏也雖老尚能拜起送迎頗重聽何傷且善助之母失賢者意或問其故霸曰數易長吏送故迎新之費及姦吏緣絕簿書盜財物公私費耗甚多皆當出於民所易新吏又未必賢或不如其故徒相益為亂凡治道去其太甚者耳 漢書

龔遂為渤海太守見齊俗奢侈好末技不田作乃躬率以儉約勸民務農桑令曰種一樹榆百本蠶五十本葱一畦菲家二母彘五母雞民有帶持刀劍者使賣劍買牛賣刀買犢曰何為帶牛佩犢春夏不得不趨田畝秋冬課收歛

政治類 卷六

益畜果實濊茨勞來循行郡中皆有畜積 漢書

召信臣為南陽太守信臣好為民興利務在富之躬勸耕農出入阡陌時行視郡中水泉開通溝瀆起水門提閘凡數十處府縣吏家子弟好游敖不以田作為事輒斥罷之其化大行吏民親愛之號之曰召父 漢書

劉寬遷南陽太守典歷三郡溫仁多恕雖在倉卒未嘗疾言遽色吏人有過但用蒲鞭罰之示辱而已終不加苦事有功善推之自下每行縣止息亭傳輒引學官祭酒及處士諸生執經對講見父老憇以農里之言於少年則勉以孝悌之訓人感德興行日有所化 漢書

汲黯字長孺漢陽人也武帝時爲謁者河內失火延燒千餘家上使黯往視之還報曰家人失火屋比延燒不足憂臣過河內河內貧民傷水旱萬餘家或父子相食臣謹以便宜持節發河內倉粟以賑貧民請歸節伏矯制之罪上賢而釋之 漢書

兒寬千乘人以經術飭吏治爲左內史勸農桑緩刑罰理獄訟卑體下士務在於得人心擇用仁厚士推情與下不求名聲吏民大信愛之奏開六輔渠定水令以廣溉田收租稅時裁閭挾與民相假貸以故租多不入後有軍發左內史以負租課殿當免民間皆恐失之大家牛車小家擔

政治類

卷六

三

負輸租繹屬不絕課更以最上由是愈奇寬 漢書 雋不疑字曼倩渤海人嘗言曰凡爲吏太剛則折太柔則廢威行施之以恩然後樹功揚名永終天祿爲京兆尹京師吏民敬其威信每行縣錄囚徒還其母輒問不疑有所平反活幾何人如多有所平反母喜笑飲食語言異於他時或無所出母怒爲之不食故不疑爲吏嚴而不殘 漢書 于定國決獄平法務在哀鰥寡罪疑從輕加審慎之心朝廷稱之曰張釋之爲廷尉天下無冤民于定國爲廷尉民自以爲不冤初其父于公修門閭謂曰少高大之令容駟馬高蓋車我治獄多陰德未嘗有所冤子孫必有興者 漢書

書

趙廣漢字子都涿郡蠡吾人爲吏以廉潔通敏下士爲名後爲京兆尹和顏接士其尉薦待遇吏殷勤甚備事推功善歸之於下曰某掾所爲非二千石所及行之發於至誠吏見者皆輸寫心腹無所隱匿咸願爲用僵仆無所避廣漢聰明皆知其能之所宜盡力與否其或負者輒先聞知 漢書 風聞不改乃收捕之無所逃案之舉立具卽時伏辜 漢書 尹翁歸爲東海太守明察郡中吏民賢不肖及姦邪罪名盡知之縣縣各有記籍自聽其政有急名則少緩之吏民小解輒披籍縣收取黠吏豪民案置其罪高至於死收

政治類

卷六

四

取人必於秋冬課吏大會中及出行縣不以無事時其有所取也以一警百吏民皆服恐懼改行自新以高第入守右扶風選用廉平疾姦吏以爲右職接待以禮好惡與同之其負翁歸罰亦必行治如在東海故迹姦邪罪名亦縣縣有名潛盜賊發其比伍中翁歸輒召其縣長吏曉告以姦黠主名教使用類推迹盜賊所抵類常如翁歸言無有遺脫緩於小弱急於豪強豪強有論罪輪掌畜官使斫莖實以眞程不得取代不中程輒答督極者至以鈇自剄而死京師畏其威嚴扶風大治盜賊課常爲三輔最翁歸爲政雖任刑其在公卿之間清潔自守語不及私然溫良謙

不以行能驕人甚得名譽於朝廷 漢書

張敞字子高茂陵人宣帝時渤海膠東盜並起敞上書自請治之於是拜膠東相敞自謂治劇郡非賞罰無以勸懲善惡吏追捕有功効者願得比三輔尤異天子許之敞到膠東明設購賞開羣盜令相捕斬除罪吏追捕有功上名尚書調補縣令者數十人由是盜賊解散傳相捕斬吏民欲然國中遂平時京兆尹自趙廣漢後歷數人皆不稱職長安市偷盜尤多百賈苦之召敞為京兆尹敞求問長安父老偷盜酋長數人居皆溫厚出從童騎閭里以為長者敞皆召見責問因貫其罪把其宿負令致諸偷以自贖

政治類 卷十六

五

倫長曰今一旦召諸府恐諸偷驚駭願一切受署敞皆以為吏遣歸休置酒小偷悉來賀且飲醉倫長以赭汙其衣備吏坐閭里闔出者汙赭輒收縛之一日捕得數百人窮治所犯或一人百餘發盡行法由是枹鼓稀鳴市無偷盜天子嘉之敞為人敏疾賞罰分明見惡輒取時時越法縱舍其治京兆略循趙廣漢之迹方略耳目發伏禁奸不如廣漢然敞本治春秋以經術自輔其政頗雜儒雅往往表賢顯善不純用誅罰以此能自全竟免於刑戮 漢書

薛宣字廣君東海郡人成帝時以御史中丞守左馮翊始高陵令楊湛櫟陽令謝游皆貪猾不遜持郡短長前二千

石數案不能竟及宣視事詣府謁宣設酒飯與相對接待甚備已而陰求其罪賊具得所受取宣察湛有改節敬宣之效乃手自牒書條其姦賊封與湛曰吏民條君如牒或

以爲疑於主守盜馮翊敬重令又念十金法重不忍相暴章故密以手書相曉欲君自圖進退可復伸眉於後即無其事復封還記得爲君分明之湛自知罪賊皆應記而宣辭語溫潤無傷書意湛即時解印綬付吏爲記謝宣終無怨言而櫟陽令游自以大儒有名輕宣宣獨移書顯責之游亦解印綬去宣得郡中吏民罪名輒召告其縣長吏使自行罰曉曰府所以不自發舉者不欲代縣治奪賢令

政治類 卷十六

六

長名也長吏莫不喜懼免冠謝宣歸恩受戒者宣爲吏賞罰助用法平而必行所居皆有條教可紀多仁恕愛利宜爲人好威儀進止雍容甚可觀也性密靜有思思省吏職求其便安下至財用筆研皆爲設方略利用而省費吏民稱之郡中清靜宣子惠亦至二千石始惠爲彭城令宣過其縣橋梁郵亭不修宣心知惠不能留彭城數日案行舍中處置什器觀視園菜終不問惠以吏事惠自知治縣不稱宣意遣門下掾送宣至陳留令掾進見自從其所問宣不教戒惠吏職之意宣笑曰吏道以法令爲師可問而知及能與不能自有資才何可學也眾人傳稱以宣言爲然

漢書

黃霸字次公淮陽夏人宣帝時為潁川太守選擇良吏分部宣布詔令令民咸知上意使郵亭鄉官皆畜鷄豚以贍饑寡貧窮者然後為條教置父老師師伍長班行之於民間勸以為善防姦之意及務耕桑節用殖財種樹畜養去食穀馬米鹽靡密初若煩碎然霸精力能推行之吏民見者語次尋繹問他陰伏以相參考嘗欲有所司察擇長年廉吏遣行屬令周密吏出不敢舍郵亭食於道傍烏攫其肉民有欲詣府口言事者適見之霸與語道此後日吏還過霸霸見迎勞之曰甚善食於道傍乃為烏所盜肉吏

政治類

卷六

七

大驚以霸其知其居所問臺釐不敢有所隱慳寡孤獨有死無以葬者鄉部書言霸其為區處某所大木可以為棺某亭猪子可以為祭吏往皆如言其識事聰敏如此吏民不知所出咸稱神明姦人去入他郡盜賊日少霸力行教化而後誅罰務在成就全安

漢書

龔遂字少卿山陽南平陽人也以明經為官宣帝時渤海左右郡歲饑盜賊並起二千石不能擒制上選能治者丞相御史舉遂可用上以為渤海太守遂時年七十餘召見形貌短小帝望見不副所聞心內輕之謂遂曰渤海廢亂朕甚憂之君欲何以息其盜賊以稱朕意遂對曰渤海遐

遠不沾聖化其民困於饑寒而吏不能恤故使陛下赤子盜弄陛下之兵於潢池中耳今欲使臣勝之耶將安之也上聞遂對甚說答曰選用賢良固欲安之也遂曰臣聞治亂民猶治亂繩不可急也唯緩之然後可治臣願丞相御史且無拘臣以文法得一切便宜從事上許焉加賜黃金贈遺乘傳至渤海海界郡聞新太守至發兵以迎遂皆還移書勸屬縣悉罷逐捕盜賊吏請持鉏鉤田器者皆為良民吏毋得聞持兵者乃為盜賊遂單車獨行至府郡中翕然盜賊亦皆罷渤海又多劫掠相隨遂教令即時解散棄其兵弩而持鉏鉤盜賊悉平民安土樂業遂乃開倉廩

政治類

卷六

八

假貧民選用良吏慰安牧養焉

漢書

杜詩遷南陽太守性節儉而政治清平以誅暴立威善於計略省愛民役造作水排鑄為農器用力少見功多百姓便之又修治陂池廣招士田郡內比室殷足時人方於召信臣故南陽人為之語曰前有召父後有杜母

後漢書

宋均遷九江太守郡多虎暴常募設檻狝而猶多傷害均到下記屬縣曰虎為民患咎在殘吏其務退姦貪思進忠善可一去檻狝除削課制其後傳言虎相與東游度江中元元年山陽楚沛多蝗其飛至九江界者輒東西散去

漢書

後漢書

任廷爲九真太守駱越之民無嫁娶禮法不識父子之性夫婦之道延乃移書屬縣各使男年二十至五十年十五至四十皆以年齒相配其貧無禮聘者令長吏以下各省俸祿以賑助之同時相聚者二千餘人其產子者始知種姓咸曰使我有是子者任君也多名子爲任後漢書卓茂以儒術舉爲侍郎給事黃門遷密合勞心亭亭視人如子廉善而教口無惡言吏人親愛而不忍欺之人常有言所部亭長受其米肉遺者茂辟左右問之曰亭長爲從汝求乎爲汝有事囑之而受乎將平居自以恩意遺之乎人曰往遺之耳茂曰遺之而受何故言邪人曰竊聞賢明

政治類

卷六

九

之君使人不畏吏吏不取人今我畏吏是以遺之吏既卒受故來言耳茂曰汝爲敵人矣凡人所以貴於禽獸者以有仁愛知相敬事也今鄰里長老尙欲饋遺此乃人道所以相親况吏與民乎吏顧不當乘威力強請求耳凡人之生羣居雜處故有經紀禮義以相交接汝獨不欲修之豈能高飛遠走不在人間耶亭長素善吏歲時遺之禮也人曰苟如此律固何以禁之茂笑曰律設大法禮順人情今我以禮教汝汝必無惡惡以律治汝汝何所措其手足乎一門之內小者可論大者可殺也且歸念之於是人納其訓吏懷其恩初茂到縣有所廢置吏人笑之鄰城聞之皆

嘆其不能河南郡爲置守令茂不爲嫌理事自若數年教化大行道不拾遺平帝時天下大蝗獨不入密縣界督郵言之太守不信自出案行見乃賑焉後漢書

魯恭字仲康扶風平陵人也宰中牟令以德化爲理不任刑罰訟人許伯等爭田累守令不能決恭爲平理曲直皆退而自責輟耕相讓亭長從人借牛而不肯還牛主訟於恭恭召亭長勅令還牛者再三猶不從恭嘆曰是教化不行也欲解印綬去掾吏泣涕共留之亭長乃慚悔還牛詣獄受罪恭實不問於是吏人信服建初七年郡國螟傷稼犬牙緣界不入中牟河南尹袁安聞之疑其不實使仁恕

政治類

卷六

十

掾肥親往廉之恭循行阡陌俱坐桑下有雉過止其傍傍有童兒親曰何不捕之兒言雉方將雛親瞿然而起與恭訣曰所以來者欲察君之政迹耳今蟲不犯境此一異也化及鳥獸此二異也豎子有仁心此三異也久留徒擾賢者耳還府具以狀白安後漢書魏霸字喬卿濟陰句陽人也和帝時爲鉅鹿太守以簡朴寬恕爲政掾吏有過要先詢其失不改者乃罷之吏或相毀誣霸輒稱他吏之長終不及人短言者懷慚譖訟遂息永元十六年徵拜將作大匠明年和帝崩典作順陵時盛冬地凍中使督促數罰縣令以厲霸霸撫循而已初不切

責而反勞之曰令諸卿被辱大將過也吏皆懷恩力作倍切後漢書

鮑昱字文泉鮑永之子也光武時為泚陽長政化仁愛境內清淨泚陽人趙堅殺人繫獄其父母詣昱自言年七十餘唯有一子適新娶今繫獄當死長無種類涕泣求哀昱憐其言令將妻入獄解械止宿遂任身有子後漢書

郭伋字細侯扶風茂陵人光武時為并州刺史素結恩德所到縣邑老幼相攜逢迎道路所過問民疾苦聘求耆德雄俊設几杖之禮朝夕與參政事始至行部到河西美稷有兒童數百各騎竹馬道次迎拜伋問兒曹何自遠來對

政治類

卷六

十一

曰聞使君到喜故來奉迎伋辭謝之及事訖諸兒復送至郭外問使君何日當還伋謂別駕從事計日當告之行部既還先期一日伋為違信於諸兒遂止於野亭須期乃入後漢書

廉范建初中為蜀郡太守其俗尚文辯好相持短長范每厲以淳厚不受偷薄之說成都民物豐盛邑宇逼側舊制禁民夜作以防火災而更相隱蔽燒者日屬范乃毀削先令但嚴使儲水而已百姓為便乃歌之曰廉叔度來何暮不禁火民安作平生無襦今五袴後漢書

羊續字與祖太山平陽人中平三年江夏兵趙慈反叛殺

南陽太守秦頴攻沒六縣拜續為南陽太守當入郡界乃

令長官察吏民良猾悉逆知其狀郡內驚悚莫不震懼乃發兵與頴刺史王敏共擊慈斬之餘賊並降續為上言察其枝附賊既清平乃宣政令候民病利百姓歡服時權豪之家多尚奢麗續深疾之常敝衣薄食車馬贏敗府丞嘗獻生魚續受而懸於庭丞後又進之續乃出前所懸者以杜其意後漢書

政治類

卷六

十二

驛私情則非功曹所持辭不敢受從事瞿然而止永平十三年楚王英謀反事下郡覆考明年三府舉安能理劇拜楚郡太守是時英辭所連及繫者千餘人顯宗怒甚吏案之急迫痛自誣死者甚眾安到郡不入府先往案獄理其無明驗者條上出之府丞掾吏皆叩頭爭以為阿附反虜法與同罪不可安曰如有不合太守當坐之不以相及也遂分別具奏帝感語即遣安還郡者四百餘家歲餘徵為河南尹政號嚴明然未嘗以贓罪鞠人常稱曰凡學仕者高則望宰相下則希守牧鋼入於罪世尹所不忍為也聞之者皆感激自勵後漢書

班超字仲升扶風平陵人在西域三十餘年後以任尙代請教於超超曰塞外吏士本非孝子順孫皆以罪過徙補邊屯而蠻夷懷鳥獸之心難養易散今君性嚴急水清無大魚察政不得下和宜蕩佚簡易寬小過總大綱而已超去後尙私謂所親曰我以班君當有奇策今所言不平耳尙至數年而西域反亂以罪被徵如超所戒

後漢書

龐參字仲達河南緱氏人永初元年爲漢陽太守郡人任棠者有奇節隱居教授參到先候之棠不與言但以碓一大本水一孟置戶屏前自抱孫兒伏於戶下主簿白以爲倨參思其微意良久曰棠是欲曉太守也水者欲吾清也

政治類

卷六

三

拔大本碓者欲吾擊強宗也抱兒當戶欲吾開門恤孤也於是歎息而還參在職果能抑強助弱以惠政得民

後漢書

韓韶字仲黃潁川舞陽人少仕郡辟司徒府時太山賊公孫舉僞號歷年守令不能被散多爲坐法尙書選三府掾能理劇者乃以韶爲嬴長賊聞其賢相戒不入嬴境餘縣多被寇廢耕桑其流入縣界求索衣糧者甚眾韶愍其饑困乃開倉賑之所廩贍萬餘戶主者爭謂不可韶曰長活溝壑之人而以此伏罪含笑入地矣太守素知韶名德竟無所坐

後漢書

吳祐爲膠東相政唯仁簡以身率物民有爭訴者輒閉閭自責然後斷其訟以道譬之或身到閭里重相和解自是之後爭隙省息吏人懷而不欺魯夫孫性私賦民錢市衣以進其父父得而怒曰有君如是何忍欺之促歸伏罪性慙懼詣閭持衣自首祐屏左右問其故性具談父言祐曰掾以親故受污穢之名所謂觀過斯知仁矣使歸謝其父還以衣遺之

後漢書

任延字長孫南陽宛人也拜會稽都尉時天下新定道路未通避亂江南者皆未還中土會稽頗稱多士延到皆聘請高行如董子儀嚴子陵等敬待以師友之禮掾吏貧者

政治類

卷六

四

輒分俸祿以賑給之省諸卒令耕公田以周窮急每時行縣輒使慰勉孝子就餐飯之吳有龍邱萇者隱居太末志不降辱王莽時四輔三公連辟不到掾吏白請召之延曰龍邱先生躬德履義有原憲伯夷之節都尉掃灑其門猶懼辱焉召之不可遣功曹奉謁修書記致醫藥吏使相望於道積一歲萇乃乘輦詣府門願得先死備錄

請編名錄於郡職也

延辭讓再三遂署議曹祭酒萇尋病卒延自臨殯不朝三日是以郡中賢士大夫爭往宦焉建武初拜武威太守帝親見戒之曰善事上官無失名譽延對曰臣聞忠臣不私私臣不忠履正奉公臣子之節上下雷同非陛下之福善

事上官臣不致奉詔帝歎息曰卿言是也

後漢書

秦彭字伯平扶風茂陵人建初元年遷出陽太守以禮訓

人不任刑罰崇好儒雅教明庠序每春秋饗射輒修升降

揖讓之儀乃為人設囚獄以定六親長幼之禮有遵奉教

者擢為鄉三老常以八月致酒肉以勸勉之吏有過咎罷

遣而已不加恥辱百姓懷愛莫有欺犯

後漢書

第五訪字仲謀京兆長陵人司空倫之族孫也為張掖太

守歲饑粟石數千訪乃開倉賑給以救其敝吏懼譴爭欲

上言訪曰若上須報是棄民也太守樂以一身救百姓遂

出穀賦人順帝璽書嘉之由是一郡得全

後漢書

政治類

卷十六

五

劉矩字叔方沛國蕭人也順帝時為雍邱令以禮讓化之

其無孝義者皆感悟自革民有爭訟矩常引之於前提耳

訓告以為忿恚可恐縣官不可入使歸更尋思訟者感之

輒各罷去其有路得遺物者皆推尋其主還之

後漢書

劉麗字榮祖東萊牟平人由縣令遷至會稽太守山民願

朴乃有白首不入市井者頗為官吏所憐麗簡除煩苛禁

察非法郡中大化後徵為將作大匠山陰縣有五六老叟

麗躬時時目昔郡山谷間出入商百錢以送麗麗勞之曰

父老當自苦對曰山谷罪生奉官識郡朝他守時吏發求

民間今夜不絕或狗吠竟夕民不得安自明府下車以來

狗不夜吠民不見吏年老遭值聖明今聞當見棄去故自

扶奉送麗曰吾政何能及公言耶勤苦父老為人選一大

錢受之遷司徒太尉二年以日食免歸鄉里麗前後歷宰

二郡累登卿相而清約省素家無貨積常出京師欲息亭

舍亭吏止之曰整頓灑掃以待劉公不可得也麗無言而

去時人稱其長者以老病卒於家

後漢書

仇覽字季智一名香陳留考城人為蒲亭長勸人生業為

制科令至於果菜為限鷄豚有數農事既畢乃令子弟羣

居還就學其剽輕游恣者皆役以田桑嚴設科罰躬助

喪事賑恤窮寡期年稱大化覽初到亭人有陳元者獨與

政治類

卷十六

六

母居而母詣覽告元不孝覽驚曰吾近日過舍慮落整頓

耕耘以時此非惡人當是教化未及至耳母守寡孤苦

身投老奈何肆忿於一朝欲致子以不義乎母聞感悔涕

泣而去覽乃親到元家與其母子飲因為陳人倫孝行譬

以禍福之言復責元以子道與孝經一卷使誦讀之元深

改悔到母牀下謝罪曰元少孤為母所驕諺曰孤犢觸乳

驕子罵母乞今自改母子更相向泣於是元遂修孝道後

成佳士郡邑為之諺曰父母何在在我庭化我鷓鴣哺所

生時考城令王渙政尚嚴猛聞覽以德化人嘗為主簿謂

覽曰主簿聞陳元之過不罪而化之得無少鷓鴣之志耶

覽曰以爲鷹鷂不若鸞鳳渙謝遣曰枳棘非鸞鳳所棲百里豈大賢之路今日太學曳長裾飛名譽皆主簿後耳後漢書

童恢字漢宗瑯琊姑幕人爲不其令吏人有犯違禁法輒隨方曉示若吏稱其職人行善事者皆賜以酒肴之禮以勸勵之耕織收種皆有條章一境清平牢獄連年無囚民有爲虎所害乃設檻捕之生獲二虎恢聞而出呪虎曰天生萬物惟人爲貴虎狼當食六畜而殘暴於人王法殺人者死傷人則論法汝若是殺人者當垂頭伏罪自知非者當號呼稱冤一虎低頭閉目狀如震懼卽時殺之其一視

政治類

卷六

七

恢鳴吼踴躍自奮遂令放釋吏人爲之歌頌後漢書
諒輔字漢儒廣漢新都人仕郡爲五官掾時夏大旱太守自出祈禱山川連日而無所降輔乃自暴庭中慷慨呪曰輔爲股肱不能進諫納忠薦賢退惡和調陰陽承順天意至今天地否隔萬物焦枯百姓喁喁無所告訴咎盡在輔今郡太守改服責已爲民祈福精誠懇到未有感徹輔今敢自祈請若至日中不雨乞以身塞無狀於是積薪柴聚麥茅以自環篝火其旁將自焚焉未及日中時而天雲晦合須臾澍雨一郡沾潤世以此稱其至誠後漢書
賈彪舉孝廉補新息長小民貧困多不養子彪嚴爲之制

與殺人同罪城南有盜劫殺人者北有婦人殺子者彪出案發而掾吏欲引南彪怒曰賊寇害人此則常理母子相殘逆天違道遂驅車北行案驗其罪城南賊聞之亦面縛自首於是百姓畏懼養子者甚眾僉曰賈父所生男名賈子女名賈女漢書

陳毅軒令諸暨其俗少育女生多則淹之公委曲設法勸止又念民苦嫁費爲定上中下三則示以議婚之初卽爲定約夫家不得厚責妝資民甚便之其俗遂化人譜

文彥博在城都米價騰貴因就諸城門相近院凡十八處減價糶賣不限其數張榜通衢米價遂減前此或限升斗

政治類

卷六

六

以糶或抑市井價值適足增其氣燄而終不能平其價乃知臨事須當有術也朱子名臣言行錄
崔仁師有才畧時青州有謀逆事發州縣追捕反黨俘囚滿獄詔仁師按覆其事仁師至州悉去桎械仍與飲食湯沐以寬慰之惟坐其魁首十餘人餘皆原免及奏報詔使將往決之大理少卿孫伏伽謂仁師曰此獄徒侶極眾而足下雪免多人皆好生誰肯讓死今既臨命恐未甘心深爲足下憂也仁師曰嘗聞理獄之體必務仁恕故諺稱殺人則足亦皆有禮豈有求身之安知枉而不爲申理若以一介暗短但易得十囚之命亦所願也伏伽慚而退及勅

使至青州更訊諸囚皆曰崔公仁恕必無枉濫請伏罪皆無異辭唐書

韓文公貶山陽令有愛在民民生子多以其姓字之唐書

韓魏公知鄆州時京東多盜捕盜之法以百日為三限限

不獲者抵罪盜未必得而被刑者眾公請獲他盜者折除

捕者有免刑之路故盜多獲朝廷著為令至今用之人譜

范忠宣公尹洛時多惠政後為執政其子自許展省河南

少憇邨店有老翁從店出注視其子曰明公容類丞相非

其家子乎曰然翁不語入具衣冠出拜謂其子曰昔丞相

尹洛時某年四十二平生粗知守分偶意外爭鬪事至官

政治類

卷六

九

得杖罪吏引某褻裳行刑丞相召某前問曰吾察爾非惡

人膚體無傷何為至此某以情告丞相曰爾當自新免罰

放出非特某得為完人此鄉化之至今無爭鬪者人譜

傅叔為河南尹其治以德教為本然持法有恆簡而不可

犯見理識情訟獄不加夏楚而得其實不為小惠有所薦

達及有益於民事皆隱其端蹟若不由己出故當時無赫

赫之名吏民久而後安之魏書

王濬除巴郡太守郡邊吳境兵士苦役生男多不養濬乃

嚴其科條寬其徭課其產育者皆與休復所全活者數千

人尋拜為龍驤將軍監梁益諸軍事議伐吳詔濬統兵先

在巴郡之所全育者皆堪徭役供軍其父母戒之曰王府君生爾爾必寇之晉書

陳太素每為案牘至忘寢食雖大寒暑不變子弟或止之

答曰吾圖之苦豈不甚於我哉宋史

文彥博知永興軍起居舍人母湜請於朝乞廢陝西鐵錢

朝廷雖不從其鄉人多知之爭以鐵錢買物賣者不肯受

長安為之亂民多閉肆僚屬請禁之彥博曰是愈使感擾

也乃召絲絹行人出其家繖帛數百疋使賣之曰納其直

盡以鐵錢勿以銅錢也於是眾知鐵錢不廢市肆復安朱

名臣言行錄

政治類

卷六

三

張齊賢相真宗時戚里有爭分財不均者更十餘斷不能

服齊賢請自治上許之公詔訟者曰汝非以彼所分財少

乎皆曰然即命各供狀結實乃召兩吏趨歸其家令甲家

入乙舍乙家入甲舍貨財皆按堵如故分書則交易之訟

者乃止言行錄

張忠定詠為崇陽令民以茶為業公曰茶利厚官將權之

不若早自異也命拔茶而植桑民以為苦其後權茶他縣

皆失業而崇陽之桑皆已成為絹而比者歲百萬疋民富

至今言行錄

詠知益州時關中率民負糧以餉川師詠至問城中所屯

兵尚三萬人而無半月之食公訪知鹽價素貴而廩有餘積乃下其估聽民得以米易鹽民爭趨之未踰月得米數十萬斛軍中喜而呼曰此翁真善幹國事者詠度有二歲備乃奏罷陝西糧運言行錄

時益州不貢土二十餘年矣學校頽廢詠察郡人張及李

敗張達者皆有學行為鄉里所服遂延獎加禮篤勉就舉

後三人登科歷美官於是兩川學者知勸文風益振言行錄

詠在杭州有富民病將死子方三歲乃命其壻主其費而

與壻遺書曰他日欲分財即以十之三與子七與壻後其

子長立以財為訟壻持書詣府請如原約詠閱之以酒酌

政治類

卷六

三

地曰汝之婦翁智人也當其時以子幼故以此屬汝不然子死汝手矣乃命以其三與壻七與子皆泣謝而去服公

嚴明言行錄

詠初治蜀以嚴而蜀民服後復治蜀知民信已易嚴以寬

凡令下人情無不慰愜蜀郡復大治詠問李旼曰百姓果

信我否對曰侍郎威惠及民信皆信服詠曰前一任則未

也此一任應稍稍耳秀才只此一箇信五年方得成言行錄

范延貴為殿直押兵過金陵張詠為守因問曰天使公路

來還曾見好官員否延貴曰昨過袁州萍鄉縣邑宰張希

顏雖不識之知其好官員也公曰何以言之延貴曰自入

縣境驛傳橋道皆完葺田萊墾闢野無惰農及至縣則塵肆無賭博市易不敢誼爭夜宿邸中聞更鼓分明以是知其必善政也公大笑曰希顏固善矣天使亦好官員也即日同薦於朝後二人皆號為能吏東軒筆錄

姚士升字繼庵江陵人為瓊州府同知時正月至四月不

雨隨府道祈請月餘不應繼庵自為縞衣草履步行烈日

中逢廟叩頭日行三十里城內外無廟不到食粥一盂不

扇不蓋夜卧門扇不帷不席誓曰如再不雨則與囚同處

如是乃大雨三日此誠可格天也資治書

范仲淹字希文諡文正江蘇人為廣德軍司理參軍日抱

政治類

卷六

三

具獄與太守爭是非守數以盛怒臨公公未嘗少撓歸必

記其往復辨論之語於屏上比去至字無所容貧止一馬

驚馬徒步而歸非明於所養者能如是乎廣德廟堂記

姚士升為瓊州司李時年饑請於上司并募富戶得米設

廠賑粥於晏公廟旁前後置密棚棚內廚房六間官達三

間沿棚置鹿欄杆兩邊周匝欄內置大水缸數十口盛粥

關外站立飢民欄上置鹽菜等物先一日士升先來驗米

給做工人次日黎明煮粥辰刻擊鑼一面士升到廠饑民

齊集廟前士升親驗其中有瞽者跛者病者老者皆坐廟

外士升親自督役先給四項人各粥二升鉢具官備少壯

男女皆進廟中四項去訖擊鐘二而士升親詣廟前點名給籤先女後男人持一籤士升復回厥中手執瓢杓督同各役隔欄給粥人各二升小兒懷抱各飲一升鉢具官備籤盡照前散士升每日初到謁神四拜向饑民八叩首散訖再向饑民八叩首以謝不職士升至門皂與夫皆不許別帶飲食即同食缸內剩粥有餘方給囚獄凡生員暨少婦處女一次後即逐日照粥給米不令再赴厥以重斯文惜廉恥如是兩月餘瓊民不至太困真父母也資治書

趙抃知越州吳越大饑早抃爲書問屬邑被災者幾處鄉之待廩者幾人溝防興築可儆民修治者幾何庫錢倉粟

政治類

卷三

三

可發者幾何富人之能出粟者幾家僧道所食羨粟可發者幾何皆書於籍乃錄老稚窮病不能自食者二萬一千九百餘人簡富者所輸及僧道羨餘得粟四萬八千餘石自十月朔人日受粟一升幼者半之憂其眾相蹂也使男女異日分給日給二日之食憂其且流亡也於城於野爲給粟所五十有七諭以去其鄉者勿給討官爲不足也取吏之不在職而寓於境者給其食而任以事告富人無過繹他州皆榜定米價米不由公令有米者聽如時價發糶民爭發粟公乃出官粟五萬二千餘石平價於民爲所十有八以便糶者又儆民修城四千一百人爲工三萬八千

計其備倍與粟民取息錢者令富人縱與之待熟官爲責
前年春疫造病坊處疾病之無歸者募生二人爲侍醫
藥飲食勿令失所凡死者在處收瘞事有未便徑行者并
一以自任不累其屬有上請者輒便宜使行故大旱而繼
以疫州無失所宋史

滕元發知鄆州歲飢乞淮南米二十萬石爲備時淮南京
東皆大饑元發召城中富民與約曰流民且至無以處之
則疫疾起併及汝矣吾得城外廢營地欲爲席屋以待之
民曰諾每營二千五百間一夕而成流民至以次授地并
竈器用皆具以兵法部勒少者炊壯者樵婦女汲老者休

政治類

卷六

六

民至如歸時上遣工部郎中王右按視廬舍道巷引繩碁
布肅然如營陣右大驚圖其事上有詔褒美蓋活五萬餘
人云後爲龍圖閣大學士宋史
辛公義爲岷州刺史岷俗畏疫一人病合家避之病者多
死公義命皆輿置廳事廳廊皆滿值暑月公義設榻晝夜
處其間以秩祿爲具醫藥身自省問病者既愈乃召其親
戚諭之曰死生有命若能相染吾死久矣皆慚謝而去後
遷并州下車先至獄中露坐驗問十餘日間決遣咸盡羈
領新訟事皆立決有須禁者公義即宿廳事曰吾不能使
民無訟豈可禁人在獄而安寢於家乎後有訟者父老曉

之曰小事何忍勤勞使君多兩讓而止 宋史

張橫渠先生為雲巖令每月吉貝酒食召鄉人高年者會於縣庭親為勸酬使人知養老事長之義因問民疾苦告所以訓教戒子弟之意嘗患文檄不能盡達每召鄉老於庭諄諄告諭使往告閭里民有因事至庭或行過於道必問某時令某告某事聞否聞則已否則罪其受命者故一言出雖愚夫孺子無不預聞 宋史

周濂溪先生為南安司理有囚法不當死轉運使王逵欲深治之先生力與之辨逵不聽先生置手板取告身委之將棄官去曰如此尚可仕乎殺人以媚人吾不為也達悟

政治類 **卷六** 三

囚得釋後提點廣東刑獄行部不憚勞瘁雖荒崖絕島人跡罕到之處亦必緩視徐按以矜恕平反為己任諸得罪者皆自以為不冤 宋史

程明道先生為晉城令座右書視民如傷四字民以事至邑者必告以入事父兄出事長上度鄉村遠近為保伍使吏役相助患難相恤而姦偽無所容凡孤寡殘廢者責之親戚鄉黨使無所失行旅出於其途者疾病皆有所養立鄉校以教子弟暇輒親詣教課兒童所讀書親為正句讀教者不善置之簡其秀者教之 宋史

周思兼華亭人為平度知州躬巡郊野坐盤輿中攜飯一

孟令鄉民以次舁行因盡得閭閻疾苦狀悉蠲除之旁郡饑民掠食所司持之急且為亂上官檄思兼治之作小木牌數千散四郊令執牌就撫悉賑以錢穀事定入覲舉治行第一 明史

况鍾靖安人宣德間知蘇州府蘇賦役繁重豪猾舞文為奸利最號難治鍾乘傳至府初視事羣吏環立請判牒鍾佯不省左右顧問惟吏所欲行止吏大喜謂太守閻易欺越三日召詰之曰前某事宜行若止我某事宜止若強我行若輩舞文久罪當死立捶殺數人盡斥屬僚之貪虐庸懦者一府大震皆奉法鍾乃蠲煩苛立條教事不便民者

政治類 **卷六** 美

立上書言之 明史
孔鏞字韶文長洲人景泰五年進士知都昌縣分戶九等以定役設倉水次便收歛民甚賴之改知連山獠獞出沒鄰境縣民悉竄鏞往招之民驚走鏞炊飯民舍留錢償其值以去民乃漸知親鏞相率還鏞慰勞賑恤俾復故業教以戰守道路漸通縣治遂復 明史

陳本深字有源鄞縣人永樂初由鄉舉官至吉安府知府為政舉大綱不屑苛細巨猾彭搏等十九人橫閭里本深遣人與相結為具召與飲伏壯士後堂拉殺之皆曳其屍以出一府大驚大猾既殲府中無事晨起鼓而升堂吏無

所白輒鼓而休閒有所訟呼至榻前析曲直遣之亦不受
狀有抑不伸者雖三尺童子皆得往白久之民恥爭訟滿
九載當遷郡人乞留詔予正三品俸解前民嫁女本深聞
鼓樂聲笑曰吾來時乳下兒也今且嫁我尚留此耶遂請
老前後守吉安十八年既去民肖象祀之 明史

楊繼宗字承芳陽城人天順進士授刑部主事囚多疫死
繼宗爲時其飲食令三日一櫛沐全活甚眾後爲嘉興府
以一僕自隨齋署蕭然性剛廉孤峭人莫敢犯而時時集
父老問疾苦爲祛除之大興社學民間子弟八歲不就學
者罰其父兄遇學官以賓禮師儒競勸文教大典 明史

政治類

卷六

毛

錢若水爲同州推官有富民走失一小女奴莫知所在父
母以訴州州委錄參鞫之錄參舊有求於富民不遂遂劾
其父子共殺女奴投水中法外凌窘不勝其苦遂自誣伏
獄具上於州州委官審覆亦無反異獨若水遲疑錄參詣
廳詰罵曰豈公受富民錢故出之乎若水但笑曰今數人
當死安可容易不熟察又越旬不決知州亦有語若水終
不奪上下皆怪訝一日若水詣知州屏人告曰向某所以
遲留此獄者蓋慮其冤常以家財訪求女奴今得之矣知
州驚曰女奴安在若水歸使人密送女奴於知州所知州
垂簾呼其父母謂曰汝女今至還識之否曰安有不識即

揭簾推出父母喜曰是也於是引出富民釋之富民號泣
謝曰非使君某一且遂至減門知州曰此乃推官非我也
富民亟詣推官求謝若水閉門不納富民遮垣而拜歸傾
家財飯僧以爲若水壽知州欲以其事問若水曰休也某
初心止欲拔冤非敢希賞萬一敷奏在某固好於錄參卻
何如知州益加敬重未幾太宗聞知驟加進擢自幕職不
半年知制誥又二年爲樞密 李昌齡
樂善錄
葉夢得爲許昌令值大水災傷京西尤甚流民入境甚多
夢得發常平倉賑之全活十餘萬口惟遺棄小兒無由得
活詢左右曰無子者何不收自養左右曰人願所願但患

政治類

卷六

天

既長或來識認去耳夢得乃爲立法凡災傷棄兒父母不
得復取夫既棄不育親恩已絕人不收之能自活乎遂作
空券數千具載本末凡得兒者使明所從來書券付之又
爲載籍記數貧者給米以爲哺口之資事定按籍計三千
八百餘兒後官至尙書左丞 厚德錄
高忠憲公曰人生作令率爾放過直是寶山空回一生令
名百世血食方寸有無窮之嫌子孫有無窮之福其美利
之報不過三年中一念自持而已 羅豫章曰朝廷立法不可不嚴有司行法不可不恕不嚴
則不足以禁天下之惡不恕則不足以通天下之情 同上

林希元曰救荒有二難難得人難審戶有三便曰極貧民便賑米次貧民便賑錢稍貧民便賑貸有六急曰垂死者急饘粥疾病者急醫藥病起者急湯米既死者急瘞埋遺棄小兒急收養輕重繫囚急寬恤有三權借官錢以糶糴興工作以助賑貸牛種以通變有五禁曰禁侵漁禁攘盜禁過糶禁抑價禁宰牛有三戒曰戒遲緩戒拘文戒遣使同上

孫一謙為南都司獄故事重囚米日一升奉為獄卒盜去飯以不給又散時強弱不均至有不得食者囚初入獄獄卒驅穢地索錢不得不與燥地不通飲食而官因以為市

政治類

卷六

五

一謙一切嚴禁手劊一稱稱米計飯日以卯巳時持稱披簪以次分給食甚均見囚衣做時為澣補視繫之尤餓者予囚飯之半囚得不死獄卒無敢橫索一錢者每曹郎視獄問囚有苦欲言者乎皆對曰幸甚孫君衣食我後謙遷去諸囚皆泣

經濟編

龐璽字雪崖任邱人守建寧府甫到任浦城令以嚴苛激變邑人乘夜焚册局殺册書璽聞信馳往傳學典諸員集紳士於明倫堂數令罪而諭士民無生亂查倉庫及册局收未焚餘册變遂定時制府惡民俗刁悍欲重懲之而浦令與紳士為仇有羅織意璽大言曰令實已甚吾可殺人

以媚人乎僅坐重辟一人流二人而已浦人尸祝之或書於九山山壁云龐公判事皎日當空慈心滿鞠白面包公

政治類

卷六

三

貳輯 23—268

〔清〕朱孔彰撰

中興將帥別傳三十卷

清光緒二十三年江甯刻本

中興將 所傳

都三十卷 續編嗣出

光緒丁酉孟
秋秣于江甯

光緒丙申
朝廷以屬藩之亂與倭構兵款議既成中國士大夫

國威未振時變日亟瞿然有人才衰乏之憂而老友
朱君中我箸咸豐以來將帥傳適成比下西刊版既
竟以書寄示詒讓受而讀之喟然曰洪楊之亂糜爛
幾徧寰宇卒能戡定劭開中興雖仰藉
文宗憂勤之心

敘

穆宗神武之略抑亦忠勸蔚興師武臣力之效與夫
粵寇萌枿於道光之季臺臣姑息蒞鬱潰決遂釀為
大亂泉其竄湘鄂截江東下所至無完城遂迺南據
江東北窺畿輔撚回諸匪抵巇踵發蹂躪徧十八行
省天下大勢幾殆自胡文忠公建節鄂中始陳布方
略調護諸將屹成荆襄巨鎮曾文正公以儒臣首勦
湘軍激厲忠義知人善任莫府既開魁傑雲集置闔
名臣多出其閒川淮諸將投袂繼起威略遐布遂極
巨憇迄乎劉壯肅之平撚匪岑襄勤之剽滇回左文
襄劉襄勤之定西域

國家威稜西憺蔥嶺南極滇池將才之盛方之漢衛
霍唐郭李殆遠過之矣詒讓昔讀文正原才之論謂
人才之蔚盛由於一二人之心所向而所爲金陵楚
軍昭忠祠記則又極論用兵貴因時適變無不做之
法可狃之見唯忠臣謀國百折不回勇士赴敵視死
如歸爲常勝之理萬古不變良哉論乎所謂百世以
俟聖人而不惑者與今讀朱君此編所箸錄者亡慮
數百人或衰瑰奇卓絕之志而中道一蹶隕元絕脰
不竟厥功或李蔡中下之材馮藉時會光列勛籍膺

叙

二

五等之寵成敗榮苑之故誠不可以槩論蓋天實爲
之非人之所能爲也要忠蓋之臣竭其艱貞之力以
相與搢持厄運志氣搏壹天必從之斯則塙然可信
與文正之論若合符契者爾朱君嘗從文正戎幙講
學甚悉於戲下材官健兒多相狎習常從詢兵閒事
輒得其詳故此傳紀述特翔實
兩朝勛臣事蹟略備下逮偏裨外附客將掙錄無所
遺又閒及軼聞稟事以見偉人奇俠精神志趣所流
露則奄有史公李將軍傳之奇矣所綴論述簡而篤

嚴而不劇信乎良史之才非與夫攷纂瑣屑者較其
長短也先太僕君爲文正門下士文正之視師安慶
嘗與聞營務於咸同名臣多爲雅故而粵亂初興家
中父學士君方視學粵西以巡撫某公諱寇密疏首
發其事桂林之圍親在城中幾瀕於危泉歸又奉
朝命治團於鄉值浙東西淪陷鄉里墟燼詒讓甫成
童展轉兵亂閒僅以獲全故於東南軍事聞見頗悉
以朱君所紀靈之家世舊聞致多符合益知君書之
可以傳信而不疑也抑又聞之咸豐之季寇亂方亟

叙

三

大軍屢挫自僧忠親王以逮塔羅江李諸名將之殉
節皆一時慘變往往
九重震涕率土痛心而終以胡曾兩公力維危局
朝野繫望若隱有所倚恃雖聞敗而不驚今距兩公
之沒不逾三十年而強敵環伺兵氣不揚時局之艱
危迺遠過於曩昔丙申之役湘淮雄師磨集陪京以
重臣失機威望驟損雖議款息兵而海內事勢若泛
蓬梗於大海茫乎不知其所濟豈人才之極盛而必
衰天運之固然與無亦如文正所譏尸高明之位者

不能以己之所向陶鑄一世而猥以無才厚誣天下
乎斯尤詒讓所為讀朱君之書而拊膺扼腕憤懣不
能自己者矣戊戌孟陬瑞安孫詒讓謹敘

敘

四

中興將帥別傳目錄

長洲朱孔彰撰

卷一

曾文正公國藩

卷二

胡文忠公林翼

卷三上

江忠烈公忠源

卷三下

江壯節公忠濟

目錄

一

江壯節公忠信

江誠恪公忠義

從弟武愍公忠珩

林兵備源恩

鄒兵備漢勳

弟漢章

卷四

劉武愼公長佑

卷五

左文襄公宗棠

卷六上

忠武公塔齊布

卷六下

羅忠節公澤南

附塔忠武公部曲

童壯節公添雲
三元何有志

彭勤勇公

羅山弟子目錄

鍾近衡
羅鎮南

易良翰
謝邦翰等

儲忠壯公玫躬

伍宏鑑

稽按察汝航

夏鑿 何南青

卷七上

楊勇愨公岳斌

目錄

二

卷七下

彭剛直公玉麟

卷八

王壯武公珍

從弟貞介公開化
張聲恆

族叔文瑞

卷九

李忠武公續寶

孫守信
蕭剛勇公

丁銳義
周愨烈公

何忠駿
彭果毅公友

勝劉忠壯公
烈公志德

卷十上

曾忠襄公國荃

卷十下

曾愨烈公國華

曾靖毅公貞幹

卷十一上

忠勇公多隆阿

卷十一下

鮑忠壯公超

宋國永 孫開華

卷十二

劉武烈公騰鴻

弟騰鶴

目錄

三

畢剛毅公金科

黃虎臣

周節愨公雲耀

卷十三上

武壯公烏蘭泰

全玉貴 田學翰

向忠武公榮

張忠武公國樑

虎坤元

卷十三下

鄧忠武公紹良

瞿威壯公騰龍

饒莊勇公廷選

陳威肅公大富

卷十四上

駱文忠公秉章

劉巡撫蓉弟蕃

卷十四下

李勇毅公續宜

唐巡撫訓方

卷十五

貞恪公舒保

石威毅公清吉

王剛介公國才

卷十六上

科爾沁忠親王僧格林沁

卷十六下

清愨公都興阿

卷十七上

沈文肅公葆楨

目錄

四

卷十七下

丁文誠公寶楨

卷十八上

溫壯勇公紹原

趙忠節公景賢

卷十八中

何文貞公桂珍

金剛愨公光飭

卷十八下

李武愨公孟羣

卷十九上

蕭壯果公啟江

黃忠壯公醇熙

卷十九下

張忠毅公運蘭

林剛愨公文察

丁剛介公長勝

卷二十

目錄

五

劉忠壯公松山

劉襄勤公錦棠

卷二十一

岑襄勤公毓英

卷二十二

蔣果敏公益澧

高勇烈公連陞

熊勇烈公建

劉果敏公典

卷二十三上

席少保寶田

榮忠壯公維善

目錄

六

卷二十三下

王布政德榜

卷二十四上

程忠烈公學啟

劉壯肅公銘傳

卷二十四下

郭武壯公松林

周剛敏公盛波

周武壯公盛傳

潘巡撫鼎新

張勇烈公樹珊

吳武壯公長慶

卷二十五上

田太僕玉梅

張繼庚

卷二十五中

陳巡撫士杰

魏喻義

黃忠壯公潤昌

羅萱

李榕

卷二十五下

目錄

七

帥文毅公遠燁

張學士錫嶸

卷二十六上

張勤果公曜

卷二十六下

李壯烈公佑厚

屈布政蟠

金按察國琛

任閣學蘭生

黃按察鼎

卷二十七

朱提督洪章

劉勇介公連捷

彭忠壯公毓橋

李忠壯公臣典

李武壯公祥和

陳武烈公萬勝

郭勇烈公鵬程

目錄

王剛毅公紹義

卷二十八上

蕭節愍公捷三

周貞愍公清元

黃參將國堯

蕭壯節公翰慶

卷二十八下

黃武靖公翼升

李勇愍公成謀

八

李提督朝斌

王提督吉郭桂芳 祥等

卷二十九上

趙剛節公德光

田巡撫興恕威節愍公應洪

韓果靖公超

卷二十九下

楊武愍公玉科

陳總兵國瑞

目錄

卷三十

華爾法提督卜羅德

勒伯勒東

法爾第福美總兵哇樂德克

戈登

九

中興將帥別傳卷一

曾文正公別傳

長洲張孔彰撰

曾公國藩字伯涵號滌生湖南湘鄉人也其先自江西徙衡陽明季徙湘鄉家世力農五六百歲無與科目顯者祖玉屏始篤學父麟書老儒縣學生員至公乃大公生時曾大父夢巨蟒盤旋入室驚寤聞曾孫生喜曰此子必大吾門宅後有古樹藤糾之樹槁而藤日大以蕃蔭亘一畝人以爲瑞藤云公初名子城中道光甲午科舉人戊戌成進士改翰林院庶吉士

卷一

易今名散館授檢討二十三年充四川鄉試正考官再遇大考累遷侍講學士內閣學士補授禮部右侍郎兼署兵部右侍郎公在京時日立課程從太常寺卿唐公鑑講受義理學疾門戶家言漢宋不相通曉亦宗尙考據治古文辭與蒙古倭仁公六安吳公廷棟昆明何公桂珍仁和邵公懿辰漢陽劉公傳瑩相友善常慨然有澄清天下之志每自負或謂公大言欺人惟倭仁公數輩信之
文宗卽位之年廣西兵事起賊首洪秀全楊秀清等

據桂平金田卹官軍進剿無功 詔臣工極言得失

公奏今日所當講求尤在用人一端人才有轉移之道有培養之方有考察之法三者不可廢一 上嘉

納之 詔保舉人才公薦李棠階吳廷棟王慶雲嚴

正基江忠源五人咸豐元年粵寇益棘公奏曰臣竊

惟天下之大患蓋有二端一曰國用不足一曰兵伍

不精兵伍之情狀各省不一漳泉悍卒以千百械鬥

爲常黔蜀冗兵以句結盜賊爲業其他吸食鴉片聚

開賭場各省皆然大抵無事則游手恣睢有事則雇

無賴之人代充見賊則望風奔潰賊去則殺民以邀

功章奏屢陳 諭旨屢飭不能稍變其錮習至於財

用不足內外臣工人人憂慮自庚子以至甲辰五年

之閒一耗於夷務再耗於庫案三耗於河決固已不

勝其浩繁矣乙巳以後秦豫兩年之旱東南六省之

水計每歲歉收恆在千萬以外又發帑數百萬以振

救之天下財產安得不絀

宣宗成皇帝每與臣下言及開捐一事未嘗不咨嗟

太息憾宦途之濫襍悔取財之非計也臣嘗卽 國

太息憾宦途之濫襍悔取財之非計也臣嘗卽 國

太息憾宦途之濫襍悔取財之非計也臣嘗卽 國

卷一

二

家歲入之數與歲出之數而通籌之一歲本可餘二三百萬然水旱偏災堯湯不免以去年之豐稔而江浙以大風而災廣西以兵事而緩計額內之歉收已不下百餘萬設更有額外之浮出其將何以待之今雖捐例暫停而不別籌一久遠之策恐將來仍不免於開捐以天下之大而無三年之蓄汲汲乎惟朝夕之圖而貽君父之憂此亦為臣子者所深恥也當此之時欲於歲入常額之外別求生財之道則搜括一分民受一分之害誠不可以妄議矣至於歲出之

卷一

三

數兵餉為一大宗臣嘗考本朝綠營之兵制竊見乾隆四十七年增兵之案實為兵餉羸絀一大轉關請即為我皇上陳之自康熙以來武官卽有空名坐糧雍正八年因定為例提督空名糧八十分總兵六十分副將而下以次而減下至千總五分把總四分各有名糧又修製軍械有所謂公費銀者紅白各事有所謂賞卹銀者亦皆取給於名糧故自雍正至乾隆四十五年以前綠營兵數雖名為六十四萬而其實缺額常六七萬至四十六年增兵之議起武職

坐糧另行添設養廉公費賞卹另行開銷正項向之所謂空名者悉令挑補實額一舉而添兵六萬有奇於是費銀每年二百餘萬此臣所謂餉項羸絀一大轉關者也是時海內殷實兵革不作普免天下錢糧已經四次而戶部尙餘銀七千八百萬

高宗規模宏遠不惜散財以增兵力其時大學士阿桂卽上疏陳論以為國家經費驟加不覺其多歲支則難為繼此項新添兵餉歲近三百萬統計二十餘年卽須用七千萬請毋庸概增旋以廷臣議駁卒

卷一

四

從增設至嘉慶十九年仁宗親裕藏之大絀思阿桂之遠慮慨增兵之仍無實效特詔裁汰於是各省裁兵一萬四千有奇宣宗卽位又詔抽裁冗兵於是又裁二千有奇乾隆之增兵一舉而加六萬五千嘉慶道光之減兵兩次僅一萬六千國家之經費耗之如彼其多且易也節之如此其少且難也臣今冒昧之見欲請汰兵五萬仍復乾隆四十六年以前之舊驟而裁之或恐生變惟缺出而不募補則可徐徐行之而萬無一失

醫者之治瘡癰甚者必剝其腐肉而生其新肉今日之劣弁羸兵蓋亦當爲簡汰以剝其腐者痛加訓練以生其新者不循此二道則武備之弛殆不知所底止自古開國之初恆兵少而國強其後兵愈多則力愈弱餉愈多則國愈貧北宋中葉兵常百二十五萬南渡以後養兵百六十萬而軍益不競明代養兵至百三十萬末年又加練兵十八萬而孱弱日甚我朝神武開國本不藉綠營之力康熙以後綠營屢立戰功然如三藩準部之大勛回疆金川之殊烈皆在

卷一

五

四十六年以前至四十七年增兵以後如川楚之師英夷之役兵力反遠遜於前則兵貴精而不貴多尤爲明效大驗也八旗勁旅亙古無敵然其額數常不過二十五萬以強半翊衛京師以少半駐防天下而山海要隘往往布滿 國初至今未嘗增加今卽汰綠營五萬尙存漢兵五十餘萬視八旗且將兩倍權衡乎本末較量乎古今誠不知其可也近者廣西軍興紛紛徵調外兵該省額兵二萬三千土兵一萬四千聞竟無一人足用者粵省如此他省可知言念及

此可勝長慮又上疏敬陳 聖德三端預防流弊言過切直 上怒捽其摺於地立 召見軍機大臣欲罪之祁公雋藻叩頭備 主聖臣直者再季公芝昌公會試房師也亦爲請曰此臣門生素愚驚惟 皇上寬而宥之於是 上意解且優詔褒荅公自爲侍從臣十餘年歷兼工部兵部刑部吏部侍郎雖嘗以直諫忤指 上益察其忠二年命典江西鄉試七月丁母憂歸是時粵賊已犯長沙圍之三月舍去掠民船順風一夜渡洞庭陷岳州又陷漢陽武昌三年正

卷一

六

月沿江東下陷九江安慶破江甯據爲僞都秀全自稱天王建僞號太平天國分黨北犯河南直隸陷鎮江揚州踞之海內震動而公已奉 旨辦團練於長沙初公欲具疏請終制郭公嵩燾言於公曰公本有激清天下之志今不乘時而出拘守古禮何益於君父且墨經從戎古之制也公於是投袂而起募農夫倡勇敢用書生爲營官湘軍之名自此始時土寇蜂起人心惶惑賊眾未至一日數驚縣令每畏蕙養癰及公之出先清內訌不經有司掩捕卽置重典十

旬中戮二百餘人謗譁四起公與人書有不要錢不怕死之語一時誦之又手書告勸鄉人士耆老雖幼賤與鈞禮山野材智之士咸其誠莫不往見人人皆以曾公可與言事其求才也舉塔齊布於戎行識羅澤南於諸生拔楊載福於卒伍延彭玉麟於筦庫保胡林翼以大用而湖南泄沓之風由公一變又嘗與郭公嵩燾江公忠源論東南形勢多阻水欲剿賊非水師不可乃奏請在衡州剗造戰艦南中匠卒不知辦此公研精覃思博采眾議得之遂成大小戰艦二

卷一

七

百四十募水陸萬人水軍以褚汝航楊載福彭玉麟等領之陸軍以塔齊布羅澤南領之賊自江西上竄再陷九江安慶黃州漢陽等郡武昌戒嚴朝廷果詔出兵策應初不責以數省軍務而公獨毅然以討賊自任於是以前湖南為根本將水陸東征舟師初出湖遇大風損數十艘陸師至岳州前隊潰退引還長沙賊陷湘潭邀擊靖港又敗公憤投水左右援救得不溺後數日塔公大破賊於湘潭軍心始定公營長沙高峯寺重整軍實或請增兵公曰吾水陸萬人非

不多而遇賊即潰岳州之敗水師拒賊者楊載福一營湘潭之戰陸軍塔齊布兩營水師楊載福兩營以此益知兵貴精不貴多故諸葛祁山之敗且謀滅兵省食勤求已過古人亦正切實體驗非虛言也且古人用兵先明功罪賞罰今時事艱難賢人君子大半潛伏吾以義聲倡導同履危亡諸公之初從我非以利動也故於法亦有難施其致敗實由於此諸將皆服既克湘潭公引兵趨岳州連戰下城陵磯水軍偏師挫尋復振會師金口謀攻武昌公率水師中流直

卷一

八

下盡燬鹽關漢關鮎魚套賊舟而令羅公攻花園塔公攻洪山公親策應武昌漢陽賊見官軍盛宵遁遂復二郡捷奏至京師
文宗大悅手敕曰覽奏感慰實深獲此大勝殊非意料所及朕惟兢業自持叩天速救民劫也詔公署湖北巡撫又詔督軍解署任以前已奪官賞兵部侍郎銜旋賜黃馬褂當是時水軍銳甚順流而下大破賊於田家鎮至於九江前鋒薄湖口攻梅家洲賊壘不下駛入鄱湖賊斷其後路不得出於是外江

內湖水師隔絕外江戰船無小艇賊乘舫艦夜襲營
擲火燒數十百校水師大潰公走羅軍以免憤欲自
到羅公止之公上疏請罪 詔旨寬免慰公謂大局
無傷

顯皇帝之知臣聖矣哉然武漢空虛北岸軍弱南岸
軍孤水師既挫賊眾復西上再陷武漢擾荆襄蹂崇
通破義甯公遣胡公等軍回援湖北塔公軍九江攻
城賊公身至南昌撫定水師之困內湖者羅公從征
江西復弋陽拔廣信克義甯而塔公卒於軍公復至

卷一

九

九江羅公自義甯上書言東南大勢在武昌得武昌
乃可控制江皖大局乃有轉旋之望請率所部援武
昌取建瓴之勢此時湖口諸軍但當主守不宜數數
進攻以頓兵損威戒諸公堅持必俟湖北克復大軍
全注九江乃可議戰公從之幕府劉公蓉諫曰公所
賴以轉戰者塔羅兩軍今塔將軍亡諸將可恃獨羅
公又令遠行脫有急誰堪使者公曰吾極知其然計
東南大局宜如是今俱困於此無益此軍幸克武昌
天下大勢可爲吾雖困猶榮也羅公遂行郭公嵩燾

送之曰曾公兵單弱君遠去柰何羅公歎曰天苟不
忘 本朝曾公必不死諸君無憂五年九月公補授
兵部侍郎其冬僞翼王石達開由崇陽通城竄入江
西連陷八府一州九江賊踞自如湖南北音問不通
公困南昌從眾議復調羅公羅公因攻武昌而亡公
弟國華國葆聞江西急用父命走湖北乞師巡撫胡
公拯兄難將五千人行攻瑞州湖南巡撫駱公秉章
亦資公弟國荃兵援吉安兄弟皆會行聞公前所遣
回援湖北諸軍久之再克武漢直下九江李公續賓

卷一

十

八千人軍城東楊公載福戰船四百號泊江兩岸江
甯將軍都興阿公馬隊佐以鮑公超步隊駐小池口
凡數萬人軍容整肅公自南昌迎勞望見之則大喜
兵勢復振是時下游軍事棘江南大營失陷督師向
公榮退守丹陽卒 朝廷以和春爲欽差大臣張國
梁爲總統復進攻金陵賊內亂僞東王楊秀清僞北
王韋昌輝俱死七年二月公丁父憂奔喪回籍請開
缺守制得假三月治喪再疏陳情具言辦事艱難狀
上雅知公拘謹重違其意乃先開兵部侍郎缺令

守禮廬候 旨胡公既定湖北進圍九江破湖口外
江內湖水師絕四年復合楊公乘勝轉門拔彭澤望
江東流揚颿過安慶克銅陵泥汭與江南水軍通於
是湘軍水師名天下胡公以此軍本公建立楊彭皆
公舊部請起公復統水師會九江克復偽翼王石達
開自江西竄入浙江浸及福建 上卽家召公出辦
浙江軍務公至江西未幾又 詔援閩時偽英王陳
玉成再破踞廬州李公續寶赴援至三河覆沒駱公
秉章請公舍江圖皖公亦奉 旨統籌全局者屢矣

卷一

十一

迺規取形勢九年正月上奏曰就數省軍務而論安
徽再重江西次之福建又次之計惟大江兩岸各置
重兵水陸三路鼓行東下勦皖南則可以分金陵之
賊勢勦皖北則可以分廬州之賊勢北岸須添足馬
步三萬人都興阿李續宜鮑超等任之南岸須添足
馬步二萬人臣率蕭啟江張運蘭任之中流水師萬
餘人楊載福彭玉麟任之至江西軍務亦分兩路臣
與撫臣耆齡任之臣任北路耆齡任南路福建之賊
閩省兵力足以自了粵賊句結撚匪嘗以馬隊衝鋒

擬調察哈爾戰馬三千匹募勇數千擇平曠之地馳
騁操習臣願竭數月之力訓練成熟以備攻勦 上
深然其策後數月石達開竄入湖南攻永州圍寶慶
上慮四川且有變令公以軍防蜀行至巴河聞賊
已引去竄入廣西而上游兵事解胡公迺建議圖皖
與公合謀攻安慶使弟國荃督諸軍在前圍之多隆
阿公軍桐城李公續宜軍青草礮公次宿松經營江
北而皖南賊陷廣德州遽入浙江襲破杭州回竄建
平東壩溧陽偽忠王李秀成大會羣賊建平分道解

卷一

十二

救金陵江南大營復陷官軍悉潰常州蘇州相繼失
咸豐十年閏三月也左公宗棠聞而歎曰天意其有
轉機乎或問其故曰江南大營將蹙兵罷萬不足資
以討賊得此一洗蕩而後來者可以措手又問誰可
當之胡公林翼曰 朝廷能以江南事付曾公天下
不足平也於是 天子慎選帥以公功效懋著就加
兵部尚書銜署理兩江總督促救蘇常左公宗棠方
嚮用有 旨下公問狀卽令襄辦軍務 賞給四品
京堂未幾公補實授 欽差大臣或言當撤安慶圍

先所急公曰安慶一軍關係淮南全局卽爲克復金陵張本不可以動搖也遂南渡江趨祁門是時江浙賊氛熾官紳告急軍書日數十至援蘇援滬援浙援皖援鎮江 詔書疊下公至祁門未十日賊陷甯國又數日陷徽州中國方困兵革而西洋英吉利寇天津科爾沁王僧格林沁與戰敗績京師戒嚴 文宗狩熱河恭親王留守勝保奏請飛召外援公發書請提兵北上會和議成乃止其冬大爲賊所圍一出祁門東陷婺源一出祁門西陷景德鎮一入羊棧

卷一

十三

嶺攻其北環城數重吏士皆有憂色固請移營江干與水師相仗公曰無故退軍兵家上忌此不可也卒不從使人閒行檄鮑超張運蘭亟引兵會身在軍中意氣自如猶時時以詩古文是娛其堅定不搖率此類也左公至江西後數破賊樂平浮梁聞公薦宗棠可大用請改幫辦軍務十一年八月公弟國荃克復安慶捷未聞而

文宗崩

穆宗立帝年少 兩宮

太后垂簾聽政以公 先帝重臣委任益至 命節制江蘇安徽江西浙江四省軍務 朝廷每有軍國大議咨而後行公弟國荃既克安慶用兵如神公益令召募付以江甯事杭州再陷公舉左公宗棠付以浙江事蘇州之陷賊逼上海官紳來乞師公舉幕僚李公鴻章付以江蘇事令至淮上召募得八千人公爲定營制選將官以湘軍之良教之名曰淮軍同治元年公協辦大學士當是時公駐安慶居中調度公弟國荃有直搗金陵之師李公鴻章有援剿蘇滬之

卷一

十四

師楊公載福彭公玉麟有肅清下游之師大江以北多隆阿公有圍攻廬州之師李公續宜有派援潁州之師大江以南鮑公超有進攻甯國之師張公運蘭有防剿徽州之師左公宗棠有規復全浙之師十道並出皆受成於公此外袁公甲三及李世忠淮上之師都興阿公防江北之師馮公子材守鎮江之師並奉 旨統籌兼顧軍書旁午日不暇給其秋皖南金陵軍病疫死亡山積公思大局決裂息甚奏請 簡親信大臣馳赴江南分任重責 上諭勞之曰朝廷

信用楚軍以曾國藩忠勇發於至誠推心置腹倚以挽救東南全局自諸軍進逼金陵逆匪老巢已成阱檻疊經諭令毋徒求效且夕惟當立足不敗以俟可乘之機矧疫疹繇興各軍病困之餘詎忍重加督責其各傳旨存問當此艱難時會益以疾疫流行深虞隳士氣而長寇氛此無可如何之事非該大臣一人之咎意者朝廷多所闕失足以上天和我君臣當痛自刻責實力實心勉圖禳救爲民請命以冀天心轉移事機就順至天災流行必無偏及各營將士既

卷一

十五

當其厄賊中亦豈能獨無傳染該大臣鬱憤之餘未遑探詢刻下在京固無可簡派之員環顧中外才力氣量如曾國藩者一時亦實難其選該大臣素嘗學問時勢艱難尤當任以毅力矢以小心仍不容一息稍懈也洪秀全被圍久召李秀成蘇州李世賢浙江悉眾來援號六十萬圍公弟國荃雨花臺拒戰四十六日解去語具忠襄傳中明年五月水師克九洲洲長江肅清江甯城圍合十月李公鴻章克蘇州又明年二月左公宗棠克杭州六月公弟國荃克江甯

天子褒功加公太子太保封一等毅勇侯世襲罔替賞戴雙眼花翎中外咸來僂賀公功成不居劬劬如畏論克金陵謂非前拙而後工時不可爲雖聖哲亦終無成時可爲則事半而功倍無一時不存敬慎之心

穆宗之初立屢詔保薦督撫大員公奏封疆將帥天子舉錯之置臣既有征伐之權不當更分黜陟之柄不特臣爲然凡爲督撫者辨之不可不早宜防外重內輕之漸兼杜植私樹黨之端

卷一

十六

太后臨朝傅善初官軍習氣深勝不相讓敗不相救公練湘軍謂必萬眾一心萬人一氣方可辦賊又以淮上風氣强悍宜別立一軍湘軍利山徑險阻馳騁平原非其所長用武十年氣亦稍衰故練淮軍以爲湘軍之繼至是東南大定裁湘軍進淮軍而勦撚事起撚匪者始於山東游民相聚其後河南之光固安徽之潁亳江蘇之淮徐羣盜剽略脅從愈眾諺名爲撚或曰其黨明火劫人撚紙然脂故謂之撚有眾數十萬馬數萬蹂躪數千里分合不常撚首四人曰張

總愚任柱牛洪賴文光自洪寇苗練嘗糾與官軍戰益習攻門勝保袁甲三不能禦僧格林沁親王移師攻討數年亦不能大創之四年四月公聞僧王輕騎追賊一日一夜行三百餘里步兵弗能從曰兵法忌之必蹶上將軍將密陳於上止之弗及而王果敗沒曹州城下 上聞大驚立 召公引兵赴山東剿賊其直東豫三省旗綠各營地方文武節制如僧王而李公鴻章代爲總督 廷旨促督師公覆陳目下情形萬難迅速一楚勇裁撤殆盡僅存三千作爲親

卷一

十七

兵外調劉松山一軍及劉銘傳淮勇各軍尙不敷剿辦當另募徐州勇以楚軍之規模開齊兗之風氣期以數月訓練成軍一撚匪戰馬極多步兵不足當騎賊擬赴古北口採辦戰馬在徐州添練馬隊一扼賊北竄全恃黃河天險現辦黃河水師亦須數月乃能就緒一直隸宜另籌防兵分守河岸不宜令河南之兵兼顧河北僧格林沁嘗周歷湖北安徽河南江蘇山東五省臣斷不能兼顧五省不但不能至湖北也如以徐州爲老營則山東祇能辦兗沂曹濟四郡河

南祇能辦歸陳兩郡江蘇祇能辦徐淮海三郡安徽祇能辦廬鳳潁泗四郡此十三府州者責臣督辦而以其餘責成本省督撫則汛地各有專屬軍務漸有歸宿又奏定扼要駐軍不事馳逐軍餉器械繇水道轉運以江南爲根本以清江浦爲樞紐溯淮潁而上者達於臨淮關溯運河而上者達於徐州濟甯安徽以臨淮爲老營河南以周家口爲老營江蘇以徐州爲老營山東以濟甯爲老營各駐重兵多儲軍械一處有急三處往援有首尾相應之象無疲於奔命之

卷一

十八

虞或可以拙補遲徐圖功效又言賊情已成流寇若賊流而官兵與之俱流則節節尾追著著落後臣堅持初議以有定之兵制無定之寇專重迎剿不事尾追公督師年餘賊馳突如故將士皆曰不苦戰而苦奔走公迺起張秋抵清江築長塙焉運河禦之未成而賊竄襄鄧聞公移而西更修沙河賈魯河開濠置守分地甫定賊衝河南汛地復突而東時議咎公迂闊公在軍久益慎用兵初立駐兵四鎮之議次設扼守黃運河之策皆得其要在臨淮搜除蒙亳匪黨以

絕其根株在徐州辦結湖團巨案以杜其勾引大小數十戰力遏凶鋒撚勢實因此而衰而是時言路數刻公公亦以河防無成奏請李公鴻章以江督出駐徐州與東撫會辦東路公弟國荃以鄂撫出駐襄陽與豫撫會辦西路自駐周家口策應或又刻公驕妄公念權位所在眾責歸之始有憂讒畏譏之心乃請病假數月繼請開缺以散員留營效力另簡欽差大臣接辦軍務又奏勦撚無功請將封爵暫行注銷以明自貶義 上皆不許五年冬奉旨回兩江總

卷一

十九

督本任李公鴻章代督軍時牛洪死張總愚竄入陝西任柱賴文光入湖北撚自是不復合并遂有東西撚之號六年六月公補受大學士仍治兩江任柱賴文光再入河南竄山東渡運河擾登萊青李公鴻章劉公長佑建議集四省兵力會堵運河英翰公請台兵守膠萊河圍賊海隅皆主公防河初議賊復引而西越淮河南入海州官軍陳斬任柱再擊破之壽光瀾河賴文光走死揚州東撚平 詔加公雲騎尉世職張總愚入陝後為劉公松山所敗數月乘冰堅渡

河竄山西入直隸擾犯保定天津河間京師戒嚴劉公松山繞出賊前破之於獻丁公寶楨入援駐固安左公宗棠駐天津李公鴻章駐大名英翰公李公鶴年防河南北岸賊越運河竄東昌武定李公鴻章移師德州時河北水漲官軍扼河以困之公派提督黃翼升總兵歐陽利見領水師協勦龍神見舟中水師至合官軍圍蹙之大破撚黨於茌平南鎮張總愚赴水死西撚平凡防河之策皆公本謀也是年公授武英殿大學士秋調補直隸總督公奏直隸最要之政

卷一

二十

在練兵飭吏次則河工請留劉銘傳一軍以資拱衛再練萬人使成勁旅則畿輔不患空虛民間疾苦由於積獄太多差徭太重屬僚玩上虐民當嚴法以懲之永定滹沱二河永為民患宜大加疏濬皆興辦如言期年百廢具舉無何天津民焚燬法國教堂以堂中授迷藥拐幼孩挖眼剖心殺傷教民數十人天津大擾公在病假中奉命查辦與通商大臣崇厚分謗不獎士民義憤以粵撚初平宜堅保和局不宜與洋人構衅又慮四國合從敗約變不測京師震驚於

是辦理稍柔津民不知此義遂以怨崇厚者怨公然
府縣議抵之說究賴公力拒之奏曰府縣本無大過
送交刑部已屬法重情輕彼若立意決裂雖百請百
從難保無事且外國論強弱不論是非若中國有備
和議當易定已令銘軍拔赴滄州以資防衛崇厚懼
事決裂奏公病勢甚重請另簡重臣來津乃召李
公鴻章於潼關引兵馳赴天津會辦會兩江缺出仍
以公調補而李公爲直隸總督踰月事定公與人書
云內疚神明外慚清議深自引咎而已時目病甚疏

卷一

三二

辭兩江 詔曰兩江該大臣舊治其勿辭第坐鎮其
閒諸事自可就理公三至江南百姓聞公來扶老攜
幼焚香以迎公之治江南也尙儒喜引經決事後頗
采黃老術以清靜化民居官有常度多謀能斷應事
若流水然幕府左右竊識之從容而已素廉奉入悉
以養士軍所經用毋慮千萬家無改觀者用人持重
其汎愛樂士天性也諸將羣吏皆子弟遇畜之得底
類之和尤知人善任使所成就薦拔人才不可勝數
而李公左公相繼極用遂匡國家以故出入將相

訖二十年爲盟主海內饜服同治十一年二月四日
薨春秋六十有二江南士民巷哭江甯將軍以聞
穆宗皇帝震悼輟朝三日追贈太傅賞銀三千兩治
喪賜祭一壇謚曰文正入祀京師昭忠賢良祠各省
建立專祠何公璟李公瀚章英翰公先後臚陳勳績
宣付史館何公承公後 上以守成爲戒公在江南
并充南洋通商大臣初和議成公陰有爭雄海上之
志設內軍械所安慶仿造火輪船踰年成小輪一號
試之江可用迺使同知容闈往西洋美利堅採辦機

卷一

三三

器洋鍊時李公鴻章亦自購機器設局上海用西法
製造鎗礮規模遂開中國機器之興歲益增盛自此
始後公益奏請選派聰穎子弟前赴泰西各國肄習
技藝期十五年還仍以容闈往其遠略如此公學究
天人於書無所不讀公誠之心形於文墨平生公牘
私函無一欺飾語治軍行政務求踏實或籌議稍迂
成功轉奇發端至難取效甚遠凡規畫天下事無不
效者故當時咸稱聖相公勅立長江水師太湖水師
淮揚水師章程皆手定又定陸軍營制馬勇章程兩

淮鹽務章程江南開墾章程直隸清訟事宜練軍章程皆經國之大端時所施用文章奏議尤美有集百餘卷行世公喪之歸百姓爇香追送盈路擁喪不得行江南家家繪像以祀謳思弗置廿年如一日公美鬚髯目三角終身患癩相者以爲龍而癩云子紀澤襲爵官至兵部侍郎光緒八年使俄定伊犁界還卒諡惠敏紀鴻 賞舉人先兄卒孫廣鈞由 賜舉人中己丑進士授翰林院編修廣鎔廣銓主事公弟國荃等別有傳

卷一

二三

評曰中興景運羣公輩出十年之間削平大難非天生聖相而振興之烏能若是邪然履危瀕死屢矣有百折不撓之志宏濟艱難雖曰成功者天抑亦人謀也趙衰之言曰說禮樂敦詩書爲元帥叔孫豹之言曰太上立德次立功次立言謂爲三不朽公獨兼之至天津之役攘詬忍尤以安邦國老成至計謀出萬全可謂至忠矣

中興將帥別傳卷二

長洲朱孔彰撰

胡文忠公別傳

胡公林翼字貺生號潤芝湖南益陽人也父達源官少詹事授公以儒先性理書公少負才氣弗甚措思道光乙未舉鄉試明年成進士選庶吉士授編修庚子秋爲江南副考官因事降一級調用旋丁父憂服闋納訾改知府發貴州署安順府事安順匪徒聚眾爲奸暴公廉得之賊黨以歲除釀飲公率健捕馳至擒渠魁余饒貴等誅之年餘獲巨盜三百有奇一郡

卷二

一

肅然調署鎮遠府奉檄帶兵勦黃平革夷山苗匪獲盜首保鷺等悉平其寨上功 賞戴花翎會湖南新甯奸民李沅發爲亂公赴黎平防堵事竣得 旨以道員用

文宗卽位 詔大臣舉司道以下可大任者雲貴總督吳公文鎔以公名應旋署思南府咸豐元年補黎平府府界湖南粵西山深箐密盜出沒剽奪捕之輒越境竄公至日延紳民及椎結左衽諸渠率賜以酒食詳詢民情地勢令相連爲堡擇立鄉正團長牌長

互相稽覈捕治諸不法者是時廣西賊大起永甯懷遠融縣環黎平西南皆賊公募壯勇扼隘防堵辦團練千五百餘寨建碉樓四百五十餘座連屯相望上言督撫請環邊要隘築堡守禦以爲言戰不如言守用兵不如用民用民力以自衛不如先用地利以衛民郡城故無儲積勸富民捐穀置倉以備城守自後黎平疊被賊攻城卒不可拔皆公練勇儲粟力也甕安榔匪滋事以抗糧爲名公以計解散脅從而誅其首犯劉瞎麼餘匪悉定時粵逆勢熾已由廣西犯湖

卷二

二

南渡洞庭陷湖北東下三年九月吳公文鎔由雲貴總督移湖廣奏調公公方補貴東道帶黔勇三百行次通城而吳公已戰沒黃州鄂湘之交郡縣皆陷公不能前湖南巡撫駱公秉章調公回援省城時曾文正練鄉兵求才孔亟見公大悅因奏留公且言胡某才勝臣十倍可大用公遂隸文正部下塔齊布公旣大破賊於湘潭其敗賊趨常德公率所部往勦安化土匪黃國旭等乘機作亂公討禽之尋授四川按察使仍留楚是年曾文正大治水陸師東征公從下岳

州按勦餘匪旋調湖北按察使文正旣復武漢破田家鎮進圍九江檄公會計公自咸甯蒲圻大冶興國東出瑞昌與羅公澤南勦賊湖口之梅家洲五年春湖廣總督楊霈之師潰於廣濟賊悉眾上竄文正令公以所部千餘人回援武昌別以副將王國才一軍隸之未至漢陽失公先以軍營沌口檄國才軍由南岸趨武昌會授湖北布政使甫半日省城失國才夜馳至不知賊先鋒已入見城閉用縋城繩上至蛇山始覺擊殺賊目數十賊驚走城幾復天曙後賊至益

卷二

三

眾國才出公倉卒不能濟師令退營金口與彭公玉磨水師相倚扼賊使不得上犯五年三月公署湖北巡撫時武昌三次淪陷公私掃地赤立無可措手公思不攻漢陽則荆襄梗塞不攻武昌則咸蒲崇通愈形滋蔓乃增募軍兼顧南北岸賊襲金口營設伏大敗之生禽偽丞相陳大爲等五月攻破紙坊寇屯遂於紙坊立營與金口爲犄角秋公遣彭公玉磨攻蔡店克之燬襄河鐵索浮橋連破賊於塘角大別山平其壘自後軍乏食公親攻漢陽至麥山士飢潰公憤

甚策馬將死敵圍人反鞭之馬逸弗能止臨江遇鮑公超船以免公於是移營大軍山重修戰格汰疲羸壽軍糧募死士雖挫而其氣彌厲文正既至南昌令羅公澤南率五千人赴援羅公分其軍爲三自將中軍以劉公蓉將左軍李公續賓將右軍道義甯取通城克崇陽公聞援軍深入躬迓之與羅公併力擊賊蒲圻東大破之因偕回金口與楊公載福議水陸進攻策於是公率所部由中路出省城之南駐營隄上羅公由東路駐營洪山南岡留九谿營兵駐金口護

卷三

四

水師以當西路敗賊於五里街再敗之寶湖隄復分兵攻漢陽敗賊於龜山尾湖隄其鮎魚套賊棧亦盡擊沈自是武昌南無賊總督官文公亦以吉林精騎合眾軍營北岸餉道日通軍勢日振六年三月羅公以攻賊受創卒時與賊相持急日夜搏戰不少休而軍中新失大帥公與李公續賓拊循而整飭之氣益壯先是石達開由崇陽入江西郡縣無完土屢告急請援羅公一意規復武漢不暇應至是公念江西方棘而武昌猝不可復乃遣劉公騰鴻劉公連捷普

公承堯出瑞州應援而令曾公國華統其軍軍糧並資給焉五月詔責公遷延老師公上奏言臣頓兵城下五月有餘日驅血肉之軀與礮石爲敵傷亡水陸軍三千餘人羅澤南及都司周得魁等將弁百餘人李續賓乘馬中礮墮地者數矣夫兵易募而將難求四月以後乃禁約仰攻分兵咸蒲以取義甯四戰皆捷分水師以清下游直達九江臣自率五千人扼武昌南路李續賓領六千三百人扼城東路分期北路水師六營下駐沙口水陸之賊援絕路窮下游九

卷二

五

江興國陸賊萬餘分道來援冀可夾擊臣卽豫撥三千餘人戰於百里之外且臣歷觀前史李左車之告韓信尙以頓兵城下情見勢絀爲戒戰易攻難自昔已然矣臣之才力何足言兵惟材有限而志無窮萬一變生他路禍出意外臣亦不敢退怯苟且自取羞辱自是

文宗知公之爲帥果有異於廬揚江甯諸將而公亦感激發舒始有志於天下非僅經營湖北而已是月九江賊古隆賢領萬眾由葛店油房嶺後路援武昌

約城賊舉火爲讖夾攻我營公諜知之陽爲賊火城賊果出撲伏發奮殲殆盡援賊初至遣兵連夜薄之賊敗走七月石達開自金陵來援號十萬公分遣水陸力戰都統舒保公領馬隊自江北來合擊大破之追逐百餘里會襄陽土匪起連陷樊城穀城光化竹山興山遂與川匪合陷宜昌隨州土匪竝起公皆遣將討平之於是鄂軍鋒銳甚乃益募水陸軍萬人增長圍困武昌十一月克之殪賊萬計漢陽寇亦遁捷聞賞頭品頂戴實授巡撫遂分軍收復武黃各縣

卷二

六

屬令李公績賓率九千人陳師九江城下都興阿公與楊公載福鮑公超水陸軍六千人屯北岸小池口自塔羅亡後二年而九江圍復合公惟平寇之要不在攻戰既克省城則獨江夏等四十六州縣田糧以蘇民困復牙帖開鹽釐以裕軍儲上奏曰自古用武之地荆襄爲南北關鍵而武漢其咽喉也武漢有警則鄰疆震驚南服均阻控制無術昔周室征淮師出江漢晉武平吳久謀荆襄據扼長江惟鄂爲要四年之中武昌三陷漢陽四陷夫善鬪者必扼其吭善兵

者必審其勢今於武漢設立重鎮則水陸東征之師恃武漢爲根本大營有據險之勢軍士無反顧之虞軍火米糧委輸不絕傷夷疾病休養得所是則平吳之策必先保鄂明矣湖北之失在漢陽無備下游小挫賊遂長驅且東征之師孤軍下勦善戰者必傷久役者必疲傷病之人留於軍中不但誤戰亦且誤餉若以武漢之防兵更番迭代彌縫其闕則士氣常新軍行必利請於省城設陸師八千人水師二千人日夜訓練本境亂民隨時征討則我常處其安而不

卷二

七

處其危矣湖北牧令多不得人其已被擾者卅餘州縣元氣傷殘而良莠不分其未被擾者卅餘州縣官離民而民且離官夫吏治之不修兵禍之所由起也士氣之不振民心之所由變也凡下與上交接之事諉之幕友官與民交接之事諉之門丁夫州縣之所謂小事卽百姓之大事也今日之所謂小賊卽異日之大賊也五年大熟州縣乃或報災經臣駁斥在案六年大饑州縣轉不報災經臣駁斥在案以豐爲歉是病國計以歉爲豐是害民生臣恐湖北之民揭竿

而起者不必粵寇之再至而將盜弄於潢池也地方吏治撫臣專責今欲嚴禁陋習與羣吏更始請 皇上敕下部臣暫勿拘臣以資格行之數年或可改觀今或疑武漢兩城公私凋敝城周二十里設守爲難臣以爲蚡冒藍縷以啟山林衛文作都訓農通商是在行之以儉而訓之以勤耳苟此而不能守去之他而何益或又以爲武漢收復軍行貴速督撫將兵攻取爲急則前者收復已二次矣況今江西七府俱淪於賊四年之冬僅失九江旁軼橫出可憂方大都興

卷二

八

阿楊載福李續賓均已東下臣宜留鎮省城與督臣通籌全局整飭吏治

文宗嘉納焉七年悍酋陳玉成上犯蘄水武昌大震公赴黃州督諸軍合擊大破賊於蘄東旋視師九江定策合圍明年拔之禽悍酋林啟榮賊黨悉誅 上嘉公調度有方加太子少保賊旋由六霍商城陷羅田麻城黃安遣將分道馳擊三城皆復於是乘勝進圖安慶會廬州陷李公續賓赴援戰沒三河潛太舒桐復失皖軍潰散而公時丁母憂回籍都興阿公以

三河之敗由公去軍無調度請急起公視師總督官文公亦疏請公聞 命痛哭起行徑次黃州時各軍退保黃梅人心惶怖聞公至皆以手加額相慶九年僞翼王石達開犯湖南寶慶號稱六十萬公命李公續宜率所部往援佐以馬隊戰艦寶慶圍速解公之力也已而曾文正由江西奉入川之 命公奏請併力圖皖定四路進兵策第一路曾公循江而下第二路多公鮑公攻潛山太湖第三路公出英山霍山第四路李公續宜由松子關出商城固始其冬曾文正

卷二

九

屯宿松公屯英山僞英王陳玉成糾撻寇數十萬來犯公與文正一日一書相謀議令鮑公超屯小池驛爲前鋒多隆阿公繼之伏奇兵於潛山天堂諸軍更番進戰裹創扶傷勇氣百倍相持五旬於十年正月大破賊於小池驛潛山太湖賊遂復二城陳酋精銳幾盡會金陵大營潰蘇常皆失文正授兩江總督經營皖南次祁門公令鮑公從文正以曾公國荃圍安慶多公圍桐城李公續宜駐青草高爲兩軍援地廣軍分而將軍都公又奉 旨赴援淮陽公悉力經

畫問兵事曰惟我任問餉事曰於我取一無所諉於人十月多公李公大破援賊於挂車河公以安慶未下進駐太湖知賊援皖不利必竄湖北冀解安慶之圍乃命曾公國荃日夜圍攻豫籌一軍防賊上竄於是陳玉成再竄湖北再擊破之賊騎復覘太湖公屹然不動南岸賊復由武甯義甯犯興國大冶南及崇通省城岌岌公病歐血憊甚力疾率師回援而皖圍終不解既抵南岸賊聞風遁八月朔遂克安慶賊黨殲焉語具曾忠襄傳中曾文正以力主圍皖之議推

卷二

十一

公功第一 詔加太子太保子騎都尉世職時天子狩熱河公方憂勞王室而疾不可為已奏以李公續宜自代 哀詔至公攀慕悲號疾益劇以八月二十六日薨於武昌節署年五十遺疏入 優詔悼惜贈總督 賜祭葬諡文忠入祀賢良祠湖北及湖南原籍均建專祠子子勛 賞舉人襲職騎都尉曾文正復臚陳公勲績 詔宣付史館公少負不羈之才陶文毅以女妻之常恣意聲伎文毅一日大治筵宴延公上坐縱談古今豪傑微諷之公由是折節讀書

入官後卽有康濟斯民之願守貴州郡已大有聞至撫鄂整樞政通蜀鹽改漕章每月得餉銀四十萬養精兵五六萬人驅除羣寇受任三年而湖北平分兵援江西湖南安徽河南四川浙江以鄂省而應天下沛然有餘而世尤多公調和諸將之方初文恭公官文駐北岸公駐南岸將吏各有所統頗構同異公既渡江相見下令僚屬曰督撫相見前事冰釋敢再言北岸將吏長短者以造言論罪官公聞之大謹約為兄弟兩家眷屬往來太夫人愛其寵姬呼為義女自

卷二

十二

是軍政吏治公專主之而官公不疑湖北富強由此羅忠節之援鄂也公一見執弟子禮甚恭雖與僚屬語必稱羅山先生事無巨細諮而後行羅公分部曲隸公俾訓練士卒由是盡傳楚軍規制變弱為強自此始羅公攻武昌而亡公哭之慟以女弟妻羅公長子舉其裨將李忠武公續賓代領其眾勇毅公續宜佐之二李者皆羅公高第弟子公以昆弟遇之嘗迎養其父母於節署定省如事已親二李益感之羅公與二李在鄂為客將其時統水師楊公載福彭公玉

慶亦客將二公議事不合而忿爭公嘗親拜兩人調和之由是諸客將親埒公與文正等其非客將公所擢任於儔人中者則有多公鮑公二人亦不相下公因激厲兩用之各子卒萬人當一面二公爭以戰功相掩勳伐皆爲天下最其他將若都興阿舒保劉騰鴻蕭翰慶皆戲下之選又禮下走卒偵事早歸開閤以迎是以智愚不肖皆樂爲用嘗言國之需才猶魚之需水鳥之需林人之需氣草木之需土得之則生不得則死才者無求於天下天下當自求之故所特

卷二

十三

薦不盡相識也密薦才堪大用者十有六人 朝廷皆擢用立寶善堂以延賢俊薦興國布衣萬斛泉砥礪廉隅江甯舉人汪士鐸博聞強識二君者論道著書果能自傳於後曾文正謂公薦賢滿天下盛矣哉庚申秋夷人北犯公急籌勤王之師會款議成乃止文宗升遐遠在木蘭 哀詔久未下公憂思旁皇中夜扶病起立翹望京師輒流涕病因是加篤然猶終日危坐考求兵事吏事之要汲汲施行顧左右歎曰聞道苦晚今雖稍有所見而不及行者多矣曾文正

尤服公晚年進德之猛嗚呼此豈今之人也哉所著有讀史兵略四十卷奏議遺集八十六卷評曰文忠之初至長沙也方提一旅以周旋曾文正謹事文正交驩文恭推美讓功俛一時盛事書曰同寅協恭和衷哉傳曰師克在和不在眾信矣 中興之烈基於此乎

卷二

十三

中興將帥別傳卷二

中興將帥別傳卷三上

江忠烈公別傳

長洲朱孔彰撰

江公忠源字岷樵湖南新甯人爲諸生留心當世務以氣節相尚道光丁酉舉於鄉計偕入都與同里劉公長佑過曾文正文正言公與劉公皆有戢亂之才公語移時去文正目送之曰平生未見如此人既而曰此人必立名天下然當以節烈死同年生武岡曾如籟湘鄉鄧鶴齡陝西鄒興愚先後死京師貧不能返葬公皆身護其喪歸由是人多公義甲辰大挑

卷三上

得教職歸湖南新甯地接廣西民獠雜處多盜公察天下將亂倡行團練以兵法部勒鄉人子弟湖南團練自此始二十七年秋獠民雷再浩勾廣西賊爲亂道府議徵兵公曰無庸自率鄉練擣其巢禽再浩事定賞藍翎以知縣用明年謁選發浙江權知秀水禽劇盜十數人邑大治巡撫吳公文鎔待以國士補麗水

文宗卽位 詔中外各舉所知時曾文正爲侍郎具疏薦公有 旨召見吳公疏留辦海塘工閱四月工

竣以父憂歸是時廣西賊洪秀全楊秀清等作亂

朝命大學士賽尙阿公出視師聞公知兵疏調軍前副都統烏蘭泰公忠勇負氣與他將多咀晤一見公深相倚重公募故所用鄉勇五百人使弟忠濬帥以來號楚勇湖南湘勇出境討賊自公始楚勇始至敝衣槁項諸軍皆匿笑時賊氛甚惡官軍數萬莫敢攖公築壘逼賊營賊以其少且新集易與也急犯之公堅壁如不敢戰賊近塹忽開壁馳之斬級數百烏公拊掌語人曰君等蔑視楚勇今何如侍衛開隆阿者

卷三上

二

善射奇中嘗射虎十數軍中號打虎將公長揖過之意嫌公一日戰被圍矢且盡公登高阜望之曰必開公也怒馬馳救之並轡歸開公拜曰活開隆阿者君也遂握手飲極歡索功擢同知直隸州 賞花翎賊萃永安官軍環之闕城北一面公與烏公請掘長濠聚礮之弗聽明年以病歸賊果由北路犯桂林四總兵陳勳烏公以刀刺臂灑血盤水中呼將士共飲涕泣誓師援桂林公在新甯亦力疾起出私財增募千人招劉公長佑相助倍道赴援至則烏公中礮卒城

圍逾月矣公進扼東岸鷓鴣洲三戰皆捷四月朔桂
林圍解擢知府賊趨全州公開道敗之唐家司全州
既陷銳意趨湖南公先諸軍扼富塘埔賊度不能越
則悉載輜重舟中期水陸並下公伐樹塞河截賊蓑
衣渡鑿戰兩晝夜賊舟掛樹不得前偽南王馮雲山
中礮死盡獲其輜重賊遂東走道州初公慮東岸空
虛白當事請分軍扼截弗許請躬率所部往又不許
至是賊果由東岸竄湖南方賊之奪舟而下也天雨
水漲由永州至衡州數日可達程總督喬采時駐衡

卷三七

三

聞警北走鮑提督起豹亦議去永州會聞蓑衣渡之
捷人心稍固總督仍還衡郡及賊據道州眾猶不滿
萬公慮日久襄脅眾乃建議分防不如合剿遠堵不
如近攻七月賊自藍山嘉禾犯桂陽旋陷彬州公上
言後路追剿愈急前路攻陷愈多請仍申合剿議當
事皆漫不省賊益張分竄永興偽西王蕭朝貴者以
膽譎自奮謂羣寇遲悞獨率千餘黨謀襲長沙繞山
道東北行掠安仁攸過醴陵至省城南十里止公由
衡州倍道赴援賊已踞城南小西門窟穴於民廛攻

甚急南城外天心閣地勢高賊方柵其上公望見驚
曰賊據此長沙危矣急率所部爭之死傷二十人督
戰益力賊退趨移壘去賊數十武共汲一井擊柝
聲相聞自是長沙止南門受敵賊巢背水面城當絕
地雖後隊踵至無能爲矣會蕭朝貴中礮死賊數穿
地道又先後爲副將鄧君紹良瞿君騰龍所拒氣少
沮逾旬洪楊大股至勢燄復張公弟忠濟自郴尾之
約公夾擊方戰賊伏叢冢間挺矛刺公傷腓墜馬遇
救免時新撫張公亮基至前巡撫駱公秉章與幫辦

卷三上

四

軍務前湖北巡撫羅公繞典均夙契公就詢方略公
以官軍四面集惟河西一路虛請調重兵駐龍回塘
扼賊竄路期盡殲張公尤韙之而河西諸將逡巡莫
敢前當是時賽公罷免新帥徐公廣縉久不至城內
外巡撫三提督二總兵十莫相統攝謀用不成公憤
甚躬赴湘潭力請於徐公不省賊卒由龍回塘逸去
掠舟西遁而東南大局隳矣咸豐二年十月賊渡洞
庭旌旗帆檣蔽江而下公痛時事之益壞怨吾謀之
不見納悵然不復欲東巡撫張公亮基亦奏公留守

湖南是冬破賊目晏仲武於巴陵勦平徵義堂會匪於瀏陽明年春署湖北按察使戡叛民劉立簡於通城勝陳北斗於崇陽皆以疲卒千餘盪寇數萬天子褒歎由是有幫辦江南軍務之命公上疏曰粵賊之亂用兵數年糜餉已二千萬人無固志地罕堅城非賊眾而我寡賊強而我弱賊智而我愚也法之不肅謀之不臧貽誤至今不得不急思變計臣出入鋒鏑于今三載苟有所見敢不畢獻其愚謹將兵事大略條舉八端爲我皇上敬陳之一曰嚴軍法

卷三上

五

者將之所以馭眾使之出入死生而無敢違者也將不行法是謂無將兵不畏法是謂無兵軍興以來法玩極矣全州以失援陷而赴救不力者相仍道州以棄城陷而望風逃潰者接踵馴至岳州設防不能爲旦夕之守九江列艦不能過水陸之衝文武以避賊爲固然士卒以逃亡爲長策此無他畏賊之念重畏法之念輕也夫人情孰不畏死而貪生而軍令必責其舍生而就死誠以百人決死萬眾莫當一夫倡逃千軍自廢使將士知國典之不可倖逃自不得不

併心一力以致死于賊將有致死于賊之心而謀自生士有致死于賊之心而勇自倍是所殺不過一二人而所保全者千萬人也宋仁宗當承平之餘儂智高反官軍屢戰輒敗最後狄青至軍斬逃潰將校二十人而軍威始振嘉慶初額勒登保平教匪之亂嘗言賊遇官軍條條死路惟接戰乃可生官軍遇賊條條生路惟接戰乃必死故賊常致死于我而我兵轉畏其鋒利鈍之機已決於此粵賊與官兵戰輒驅新附于前而以死黨督其後卻則擊殺不少願故其黨

卷三上

六

不得不爲之盡力賊之脅眾也以嚴而我之馭眾也以寬賊之退也必死而進猶可生我之退也可生而進輒易死其誰不望風先靡而預辦一走也哉誠欲反怯而爲強則莫如易寬而以猛皇上執法以馭將帥將帥奉法以令偏裨偏裨行法以督士卒遇賊巧避者有誅臨陣不援者有誅不奉令而撤隊者有誅堵禦不嚴致賊竄逸者有誅軍令既嚴士氣自奮討賊之效庶可計日而待也一日撤提鎮提鎮而下爲副參游副參游而下爲都守都守而下爲千把以

次遞相節制而提鎮之位爲最尊承平日久兵革不用宿將以功名著者多就凋亡今之提鎮類多積資奉以至高位非盡論功闕而得之者也 朝廷以虛名使之未遑擇其才略權尊則意爲趨避而偏裨不敢與爭位重則法難驟加而大帥不敢擅決夫人情當齒壯官卑之日每思奮發有爲致身通顯及身居高位則顧卹之念重而進取之念衰責其忘軀冒險踔厲迅發以赴事機難矣且軍營體制副參以下俱聽命于所轄之提鎮其臨陳也必提鎮先退而後副

卷三上

七

參隨之副參退而後都守隨之都守退而後千把隨之千把退而後士卒隨之提鎮不得其人卽所屬副參以下均不能得其死力姑容一二庸妄之提鎮則可用將卒盡棄諸無用之地誠可惜也且軍興旣久籌餉滋艱提鎮所需及役使護衛之人較副參游爲數倍裁一提鎮之費養精兵二百而有餘亦奚取以有限餉糈奉此無益之提鎮爲哉副參以下任重敢戰者未嘗無人其資位較輕奉檄不敢遷延其拔擢方始則臨事易爲感奮誠擇提鎮之久歷戎行將略

素著者以資統御其餘統歸裁遣副參以下量才委用務盡其長則軍政嚴而軍食亦裕一曰汰弁兵選兵之道膽氣第一樸實耐苦次之巧猾懦怯者爲下有藝而無膽則臨陳驚怖並其技而亦忘之故常見力敵百夫藝高羣卒而臨陳一揮卽仆與未習技藝者等戰陳之事與搏鬪異兩軍相持旂幟賊目金鼓震耳膽怯則心易動心動則耳目手足舉失其常質實耐苦之人軍令易於服習令進則進令退則退跋涉不知其勞冬夏不知其苦則其身可聽命于將而

卷三二

八

不務其他至巧猾怯懦之流無事則應對趨踰務爲觀美臨陳則趨退避專取便宜論功則鑽刺以圖美官遇敗則推諉以免咎戾將弁如此烏足以整軍兵士如此烏足以禦敵此弁兵之宜汰者一也軍興旣久徵調頻煩有從軍數年漸形委頓者有老羸充數不堪驅使者是謂疲乏之兵又或曾經戰敗部曲潰亡遇急得生潛逃就伍驚魂甫定轉戰何堪是謂殘敗之兵當茲餉運不繼之時豈容若輩更滋虛耗此弁兵之宜汰者二也誠飭各營于此討部曲而嚴

汰之擇氣充膽壯者備攻勦其次備守營環堵之用藥品既備攻達乃神爪牙既強聲威自暢斯亦當今之急務矣一曰明賞罰勝有賞敗有罰夫人知之矣雖然勝有賞而所賞者非真勝則不如無賞敗有罰而所罰者非真敗則不如無罰無賞無罰人猶冀有賞罰之時賞非其功罰非其罪則人知其賞爲主將私暱之人其罰爲主帥傾陷之人懲勸之用乖怨讟之聲作而軍心不可問矣軍興以來一戰勝則有功者固賞錄隨之而左右隨侍之人先叨獎敘逆賊蔓

卷三上

九

延四載糜爛六省未嘗行一失律之誅按一縱寇之罪勝敗本兵家之常主兵者每言勝而諱敗功過本無妨互見主兵者輒匿過而專言功有賞而無罰其何以昭懲勸而令眾夫軍中賞罰未可一概論也戰而勝固當賞然或雜然旅進取他人之級以冒功或當追擊之時惟思奪取金幣器械致大勝轉爲小勝則當罰戰而敗固當罰然或奮勇先驅後援不繼或大眾卻走而一軍獨前則當賞同一賞而厚薄攸分同一罰而輕重迥別惟爲之帥者視其功罪以爲等

差今大帥據營將之詞以爲衡營將又付諸左右之耳目功罪之實非採訪所能知好惡之心因毀譽而多誤求其權衡至當犁然洽乎人心自非親歷行陳開誠布公何以慰士卒之懷而振積疲之習乎一曰戒浪戰用兵之道能守而後能戰能制人而後不制于人能避賊之長而後可用吾之長臣隨諸軍自粵西至湖南與賊大小百數十戰嘗備觀其結營置陳之詳疾行徐止之狀矣賊之結營也因地築壘環以深濠牆厚數尺層開礮孔濠闊數丈密釘竹籤其置

卷三上

十

陳也往往正兵應敵奇兵襲其後而洞其中其止也遍購徒黨伺吾虛實以廣其謀其行也遙張聲勢乘吾倉皇以肆其毒我軍不務營壘濠牆之式奇正分合之數以故所當輒敗廣西湖南北江西江南諸軍之失利皆由乎此故嘗以爲賊之止也宜扼要以斷其接濟嚴兵以截其奔逃賊之行也宜迎擊以遏其鋒設伏以撓其勢乃我之圍賊不務扼要嚴防專以撲營逐利爲事其追賊也不務攔頭迎勦專以跟蹤尾擊爲能小有挫失將卒之氣先餒故賊得以長其

凶鋒我軍終莫操乎勝算此兵謀之不可不豫而浪戰所以宜戒也一日察地勢兵志曰不知地利不可行師地利云者非僅圖史所載山川一定之險也視賊出入之蹤而先爲之防察賊合分之勢而遙爲之制雖漸車之滄數仞之岡苟形勢所必爭卽事機不容失請以近事言之全州蓑衣渡之戰賊鋒已挫宜連營河東斷賊右脅道州之役賊勢已孤宜分屯七里橋扼賊東竄長沙之圍賊路俱窮宜駐龍回潭土牆頭堵賊西走他如道州雙牌蓮濤灣六十里奇險

卷三上

十一

賊入死地而縱之使生湘陰臨資口岳州城陵磯皆水陸必爭之隘而縱之使遁要害疏防機宜坐失蓋已指不勝屈禍基咫尺流毒千里此正宜引爲前車之鑒者也一日嚴約束殺賊所以安民安民乃可以殺賊將出令而兵不敢譁兵奉令而民不知擾則有制之師也粵賊所過橫刀躍馬人民被其屠戮子女被其剽掠財帛被其搜括室廬被其燔燬慘酷之狀不可勝言然市井愚民罔知大義且謂粵賊之害愈于官兵者何也粵賊擇肥而噬窮簷不暇搜求甚或

假仁義要結買飯求漿多給市值至于不法兵勇攫取姦污則雖窮戶亦難倖免夫以盜賊而詭施小惠小民且有恕詞以官兵而行同盜賊小民能無隱憾於此而不嚴軍法以服民心恐草野怨咨鬱勃之情將有不能究詰者軍中兵勇外有長夫有餘丁有隨營買兵丁舊服營規嚴束無難鄉勇類多無籍較兵丁殊爲難轄然猶名隸籍伍有犯可按簿而稽長夫買買游蕩性成蹤跡靡常或僞爲兵勇潛掠鄉邨與軍士交易鄉民誤爲兵勇莫敢誰何此輩久處軍

卷三上

十二

中熟經戰鬪輕生嗜利習爲固然將來散處民間必多不靖從前川陝教匪之亂已戡定而搜誅餘孽更及兩年此其尤大彰明較著者應飭各營兵勇長夫買買諸人嚴明約束有犯則長夫買買尤宜從重懲處絕其萌芽斯亦結民心愆後患之一端也一日寬脅從粵賊死黨至今存者不過數千人餘則類多附脅會匪盜賊平昔作奸犯科官司苦文法之煩曲從寬典有警則率其醜類從賊如歸而軍流監禁諸人乘亂放逸爲賊馳驅凡此皆寬之而無可寬者至若

邨市良民被賊驅脅每苦賊禁綦嚴末由自拔又或室家被虜不得不依違其間此中進退維谷之苦衷殊堪軫念宜飭各營多刊示諭射入賊營臨陳建投誠免死之旂令其投械奔赴旂下設雜髮局給照資遣如此則官兵獲勝非特不甘從逆者免死而得生卽心持兩端者亦將去逆而效順既可用謀以探賊情復可用閒以攜賊黨黨羽披離渠魁卽無難殄滅此亦剿賊機宜之大端也又疏請四川湖南北三省分造戰船習水師令廣東籌款鑄礮 詔行之將赴

卷三十一

十三

金陵中途聞廣濟朱關佑爲亂移師討之事甫定而朝廷命公速救鳳陽不數日而江西巡撫咨公速援南昌公曰金陵鳳陽雖有 朝命然殘破之區效遲而事易江西雖無 朝命然完善之士禍急而事難吾當先其難者遂挈師由九江踰四百里焱入南昌翼日賊至則設施略備上下恃以無恐賊晝夜環攻闕地十道分擾旁郡以眩我謀終不得窮公方略凡九十餘日而圍解 上嘉公功 賞二品頂戴當是時公義聲聞天下厥後田家鎮失利上疏自劾

詔旨雖許鑄四級然旋有安徽巡撫之命 詔公楚皖一體當相緩急爲去留不必拘於成命蓋 聖主倚公辦賊不復中制而海內企踵喁喁亦咸知非公莫屬也時曾文正辦團練於長沙見官軍勝不相讓敗不相救且往往私鬪甚勇而公戰則怯所徵調則東省一百西省五十幾同烏合將與將不相知卒與卒不相識欲練鄉兵萬人同心一氣俾公統之以清中原於是公疏請增兵萬人當一路然倉卒莫就又惟行省新改廬州爲南北樞紐救稍遲賊且北竄

卷三十一

十四

遂以二千人先發而湖北巡撫強留公所遣援軍公於是益孤矣至六安則舒桐告陷士民遮道留公公病入城繕守備人心稍定廬州警報日夕至知府胡元煒具言城中軍實裕團丁萬餘人請速往公乃留千人守六安自率數百人入城知府來謁公詢守具以方籌畫對糗糧軍火一無所有公審其有異志擬誅之未果越二日賊大至團丁烏散公力疾登陴誓死守城周二十六里合主客兵裁三千賊用地雷轟大西門月城繼轟文昌門公親督勇殊死鬪殫賊數

百人守月餘賊將遁矣有內奸以城中食乏軍火且盡告賊遂增闕隧道併力攻水西門城塌十餘丈且戰且修築忽傳賊自南門緣梯入人聲鼎沸公知事不濟擊佩刀自刎左右持之一僕負公行公不可則嚙其肩及耳血淋漓僕創甚委公於地賊逼公轉戰至水關橋之古塘被七創奮投橋下死之時咸豐三年十二月十七日也同殉者布政使劉君豫鈔李君本仁池州知府陳君源克同知胡君子雝鄒君漢勳副將松安君參將馬君良勳戴君文瀾縣丞余君樞

卷三上

十五

興福君艾君延輝而知府元煒竟降賊前以城中虛實告及置梯南門皆其勇目徐淮所爲也公困孤城時援師十餘軍壁四十里外觀望莫救公弟忠濬自楚率千人與劉公長佑來援殊死戰不利及再戰城已陷軍至甫五日也公死後八日舊卒周昌發冒死入城負尸出面如生事聞 上震悼追贈總督 賜祭葬 子諡忠烈 命廬州及湖南江西皆立祠公性英敏讀書究心經世學不屑爲章句磨盾草檄颯颯若風雨有遠識獨察機先初客京師與曾文正公

暨陳君源克郭公嵩燾馮公卓懷友善嘗從容語文正新甯有青蓮教匪亂端兆矣既歸二年復至京文正詰公青蓮會匪竟如何何久無驗也公具道家居時陰戒所親無得染彼教團結丁壯密繕兵仗事發有以禦之逮再歸果有雷再浩之變又語文正前事雖定而大吏姑息不肯痛誅餘黨難猶未已踰年復有李沅發之變無何廣西賊起公赴調京朝友以爲小醜易平公寓書云觀此賊志不小殆天所以磨礪我 聖君賢相未易卒滅也公所言無不驗故料敵

卷三上

十六

如神每戰親陷陳蹕厲風發誓不與賊俱生常以至少擊至眾以書生倡勇敢軍中風氣爲之一變出私財卹戰士居圍城每夕必巡城一周見士卒食苦輒呼匕箸取嘗之曰適巡城飢與君一其此味耳以故士卒感服無忍背者在廬州奏守禦狀曰城存臣存城亡臣亡 上報曰廬州可失而江忠源必不可死迨 詔書至城陷已二日矣公之死海內識與不識下及婦人孺子皆爲流涕祠祀徧江以北咸豐五年援賊屯大蜀山上有公祠夜見列炬熒熒聞劔槊聲

相摩賊驚遁祠得全喪歸柩尙在城賊自東安犯新甯攻七晝夜賊去訊賊黨具言酣鬪時見藍旗軍突出遂不支藍旗者公部向所用旗時實無此軍或謂公靈不泯雖死猶殛賊云公年四十有二有遺腹子孝棠弟忠濬官至布政使忠濟道員戰歿通城別有傳忠淑累擢道員

評曰曾文正云軍興以來死事者多矣或邂逅及難而幸廁忠義之林何可勝道當公赴江西之急有詔令至金陵及赴廬州之急有詔留楚中宜可少

卷三上

十七

安以惜有用之身而公必蹈危地甘死如飴但求無疚於神明豈所謂皎然不欺者邪嗚呼忠已

中興將帥別傳卷三上

中興將帥別傳卷三下

長洲朱孔彰撰

江壯節公忠濟

江壯節公忠信

江誠恪公忠義

從弟武愍公忠珩

林觀察源恩

鄒觀察漢勛

弟漢章

江公忠濟字汝舟忠烈公之母弟也幼從忠烈公學道光末李沅發作亂公倡募鄉勇有復城功咸豐二年粵賊犯長沙佐忠烈守城忠烈派哨長徐以祥領

卷三下

一

百人同堵缺口殺登城賊數十三年忠烈赴武昌時通城崇陽嘉魚蒲圻賊蠶起公與李輔朝佐忠烈屢破賊通城之役賊數萬圍官軍忠烈拊公背曰非弟不能破此賊語未竟公挾雙刀大呼躍出眾從之忠烈援枹鼓助戰眾殊死鬪賊大潰生禽渠魁張西園等二十餘人斬獲無算湖北土匪平及守江西賊穴地以火藥轟城坍十餘丈公督壯士百餘囊土築之賊不得上越二日地雷復發城坍八十餘丈賊謀而登公斬先登者二人賊乃退復穿地道出城鑿濠城

下引水注之賊所爲隧道盡廢省城獲全公先以功保通判加五品銜 賜孔雀翎至是圍解 詔擢知府尋調永州堵剿粵寇敗賊於藍山再敗諸嘉禾又敗諸甯遠連復三城殺賊二千計 詔以道員用六年春駐防岳州移剿通城四月壁通城西門外令團勇千餘駐營後助聲威出不意破賊四營後賊來愈眾糾悍黨數萬攻官軍團勇驚散或謂宜退公叱之戰益力部眾三千亡幾盡三日營陷死之年三十有八事聞 贈按察使銜 子卹典同治元年 朝廷

卷三下

二

追念死事諸臣與忠烈公同膺 諭祭 特旨予諡壯節忠烈公又有族弟忠信字誠夫少跣弛不羈饒膽力咸豐二年忠烈公帥楚勇赴廣西助剿公年十六從行以獷悍數犯軍令忠烈將斬以徇眾爲乞免及遇賊驍捷敢戰常爲軍鋒攻永安州時楚勇壁城南賊悉銳來撲公斬數級以獻敘外委嗣隨忠烈援長沙戰湖北解江西省城圍皆在事有功洊擢千總及忠烈巡撫安徽公乞假歸亡何忠烈被圍廬州其弟忠濬及同知劉長佑募壯士赴援公躍然曰此吾

立功之會也遂充哨官比至壁平西門外五里墩時援軍壁廬州者總兵王山率滁州兵駐拱宸門陝甘總督舒興阿率萬五千人駐岡子集總兵音德布率滇兵駐棗林玉山戰死舒興阿音德布屢戰皆挫廬城益飢困賊圍之數日聲息不通公夜率壯士十數人懷白鏹油燭潛越賊營縋而入告以援至因留營中賊屢用地雷轟城城崩數丈公率眾力禦斬悍賊數人城復完又數率壯士下城攻賊壘斬馘多忠烈壯之奏以守備用 賞孔雀翎及城陷忠烈死難揮

卷三下

三

公使速去公不忍忠烈趣之曰若歸爲我復仇公跳而免至五年冬收復廬州忠濬統楚勇合諸軍猛攻公常爲軍鋒戰功最擢游擊 賜號毅勇巴圖魯會忠濬假歸以所部屬公公遂爲統領六年五月提督和春帥師克三河鎮公與提督熊天喜攻南路破賊營二以功擢參將及克巢縣遷副將未幾總兵秦定三攻桐城久不下公奉檄率所部往援時道梗不能通聲息公以計馳抵定三營中定議出奇兵夾擊遂破賊營十有六進逼桐城賊大舉出犯公率眾迎擊

賊敗退追至東門外賊踰濠堅拒公持矛躍馬越重濠而進手殪悍賊數人賊壘礮雨下中公左腋死之詔祇副將例從優 賜卹附祀忠烈公祠 予諡壯節

江公忠義字味根忠烈公從弟也咸豐二年忠烈帥楚勇回援長沙公年十八固請從軍每戰輒出奇創賊忠烈喜曰吾家將才也從轉戰湖北江西 賞藍翎忠烈殉難廬州遂分領舊部五年隨江南提督和春破廬州城外賊壘敘府經歷縣丞尋丁父憂和公

卷三下

四

疏留軍十一月廬州復 詔擢知縣明年歸以在籍防勦功加同知銜七年春候補道劉公長佑攻臨江失利湖南巡撫駱公檄公帥練勇千人赴之八月從劉公大破偽翼王石達開援賊復臨江 詔賞孔雀翎晉知府八年敗賊新城晉道銜江西肅清凱歸明年春石逆由南安陷桂陽將窺衡州爲陳戶部士杰魏主簿喻義所扼乃繞道嘉禾圍永州公奉檄援永敗賊煙竹埔圍解 詔擢巡守道亡何賊陷東安公念賊仇視新甯久卽夤夜馳回甫入城賊至敗諸摩

訶嶺帥壯士火其巢賊遁賊再犯新甯將趨武岡時劉公駐新甯公遂帥千五百人倍道入武岡賊至見楚軍列幟城上大驚遂引去 詔錫四品封典及賊圍寶慶公繇武岡馳援每戰輒挫賊圍解追擒偽將軍李定發等數十人斬級數百賊遁廣西 詔賞勇號曰額爾德木巴圖魯十年冬丁母憂復出石逆復犯武岡公分軍守新甯自援武岡擊走之又援東安一戰復其城 詔加按察使銜賊改由零陵窺道州公兼程抵甯遠出賊前與賊遇於四广橋血戰五晝

卷三下

五

夜賊崩潰斬首數千明年春公扼四广橋敗賊白芒營又會勦宜章栗源堡降賊眾萬人公回駐新甯當是時賊輓颺忽東則江華永州西則綏甯靖州北則武岡寶慶無夕無警報公一軍擋拄其閒卷甲疾馳無虛日遺民間公至則皆喜至必大創賊石逆挾全力犯楚百計不得逞卒竄黔蜀以死繇公摧其角距也四月廣西別賊竄義甯公遣參將江忠朝等扼諸全州賊故畏楚軍僞丞相余成義斬其魁以降湖南解嚴 詔加布政使銜冬十月 特旨賞二品服署

貴州巡撫公以母服未闋具疏辭得 旨允其終制
仍令墨經從軍在本籍帥師勦賊居亡何石逆復自
粵竄楚眾號十萬公以三千人扼諸會同榆樹灣及
浦市均大破之賊勢促乃結湖北來鳳賊黨撓我軍
公會諸軍急擊拔來鳳賊遁入川方會同之陷也公
繇洪江進攻突遇賊值天大雨公整隊進石逆親率
死黨來決戰公揮軍縱橫抉盪戰三時賊敗石逆墜
馬者再干總江忠倬怒馬取之幾獲矣逆黨以死護
之去自是不敢復窺楚疆同治元年移師援黔七月

卷三下

六

克天柱 詔署貴州提督湖南巡撫毛鴻賓疏調公
征粵西遂克修仁殲逆渠張高友大捷於蓮塘會皖
南賊勢張兩江總督曾文正疏調公援皖而劉公長
佑時已撫粵西屢疏請留公有 旨命署廣西提督
二年皖賊勢益張江西孔棘毛公疏請 敕公由江
西赴皖時廣東高州匪未靖廣督晏公端書又疏請
會剿 廷議皆報可諸將謀所向公曰陳金剛雖悍
然粵中糧餉足他將能辦之江西餉不給賊入境已
十萬脫有不虞東南全局瓦解矣吾豈可避難就易

貽 朝廷南顧憂且江西吾百戰地父老聞吾旦暮
且至皆引領望此意可厚負邪乃奏請援江檄道員
席寶田率前部先發會剿陶家渡破賊十餘壁軍勢
大振六月進攻湖口逼賊而營偽堵王黃文金率死
黨來爭黃文金者粵中最悍賊眾呼黃老虎者也公
出奇兵鈔之賊無所得食悉銳突我軍軍植立不動
相持數時之久擊其惰歸大敗之文金受重創遁江
境肅清 賞穿黃馬褂八月青陽圍急城中食且盡
公赴援時賊連營二百里公至賊皆有懼色先破賊

卷三下

七

中坂埔督軍猛進距城十五里而營別遣將繇五溪
進賊悉銳趨五溪身帥師由芳均深入梟水渡躬行
泥淖中爲士卒先又分軍攀懸崖出賊後賊驚潰立
破百餘壁青陽圍解會病熱還南昌未至卒於吳城
年三十公身中軀左目中槍眇傷痕徧體足股有數
鉛子未出饒膽略善調度能預策賊去向先期堵截
搃其吭初石逆擾慶遠公策其必道楚西入蜀疊請
飭東南防兵急西嚮聞者迂之亡何賊果越綏甯而
西乃服其先見治軍嚴而有恩喜散財以勵將士而

白奉儉約家無餘資軍暇輒研究圖史於生民利病時惓惓於懷嘗寓書沈公葆楨曰治賊當清其源使任封疆者勿以吏治爲緩圖天下廓清可立俟也沈公聽其言死事 上聞 詔贈尙書銜照總督例議卹 子諡誠恪 敕本籍及江西安徽青陽均建專祠子孝詒僅二歲 恩蔭如制同治八年從弟記名提督忠珀率師征黔苗攻克鎮遠府衛二城中礮亡賜諡武愍

林君源恩字秀三四川達州人道光丁酉科拔貢生

卷三下

八

癸卯順天鄉試舉人咸豐元年選湖南平江縣知縣二年粵賊洪楊之屬圍長沙其冬瀏陽匪徒爲亂明年春通城匪徒爲亂三縣者皆與平江壤接君詰姦寺隘如防禦水截然不得蟄溢江忠烈公才君之爲旣保奏以同知直隸州補用又以書播告士友道林君堪軍旅也會文正治舟師檄君募平江勇五百人以從四年三月賊自鄂中南犯君禦之平江九嶺果大捷同官有忌君者功不得敘又別撫他事中之君愜悒內不能堪而口獨重滯嘗發憤欲一廷辨宿戒

設辭甚具至則爲眾所噤害卒不得發或反引咎自責是歲十月追隨曾公於九江軍次造次欲有所申理亦不竟白也明年春曾公檄君治湘軍糧臺歸自廣信又治塔齊布公糧臺又佐理鄱湖水師營務十一月又攝理陸軍於廬山之麓姑塘之南而江西巡撫文公聞君賢飛檄調至南昌付以新募之平江營君在廬山與一二武人爲儔折節內交武人益不孫嫚辭侵侮或僞書生跬步矍矍焉知戰事君旣痛其獷又口重滯卒無以折之獨夜歎曰丈夫壹死強寇

卷三下

九

耳終不返顧矣及至南昌領新軍乃稍自喜是時劇賊石達開犯江西連陷八府五十餘州縣六年三月李君元度率師自湖口南來君與鄧君輔綸自南昌而東兩軍會於撫州疊戰皆捷人心始定賊亦糾合列郡醜類更番搦戰我軍輒卻之又至又大創之疲極不得休息秋九月分軍出攻崇仁宜黃適會援賊大至君竟以十七日戰敗死之相從者三百餘人可知君之得士心矣事聞 追贈道員 賜卹如例後三年曾文正公師次於此弔君殉難之所立碑作銘

其詞曰胡古胡今強吞弱伏倭者刀樵訥者魚肉文吏賊深武夫悍激訥者避之負牆屏息忽入戰場萬馬辟易士固難料理固難推災祥顯晦孰執其機昔聞人述言出君口我不知戰但知無走平生久要臨難不苟大信不盟堅可鍥金澆俗所侮鬼神所欽精魂遠矣北斗帝鄉遺骨莫辨蔓草茫茫有欲求之環此石旁

鄒君漢勛字叔勤新化人世承樸學不事制舉業治訓故至十年不下樓博極羣書比壯猶困童子試同

卷三下

十

縣鄧湘皋學博亟偁之道光乙未龔學使維琳按試寶慶城南院長賀侍御熙齡預誠曰郡有人焉其毋忽後學使得卷果大異之遂入學尋從賀撫部長齡至黔中咸豐辛亥歸遊郡城會邵陽有鬪殺獄株連及其族某君謁縣令將直之令故俗吏墨而驚君語少戇忤令遂下諸獄將牒臺使禡其衿士論大譁顧莫克援也署郡守黃公文琛甫到任聞之大驚思所以出之念鄉試近遲則錄科且弗與會端午宴僚屬太守故愛才知名庸集獨虛上坐待君顧問左右鄒

先生安在因遣使持名刺速之時邵陽令在坐心知鄒先生卽君而不敢言且不虞其爲太守重客也頗驚慚失措太守爲弗知也者數命使速鄒先生須鄒先生至乃卽席使者數輩直詣邵陽獄求鄒先生典史大驚急遣足密詢令令遽命釋之君始出獄與宴大權是科遂舉於鄉咸豐三年粵寇圍南昌君從江忠烈帥楚勇赴援以功敘知縣十月從守廬州遷同知直隸州知州亡何廬州以援絕陷忠烈死之親卒強負君出君固不可卒牢不釋手則從背上齧卒腕

卷三下

十一

卒創甚置之君躍地取刀大呼赴鬪而死事聞賜卹旣巡守道 賞雲騎尉世職附祀江忠烈公祠弟漢章字叔明爲諸生曾文正公治水師與書云弟所爲船仿廣東內河水師之制視湖廣江南諸營差過之視賊船之改民船爲戰船者則似遠勝諸營官多忠勇奮發之士少閔通講求之素須得閣下精思毅氣細與體究一番乃足與此賊相決於狂風駭浪中周郎赤壁之場韓王黃天之蕩往迹未沫閣下倘有意乎君遂將水師一營從破沿江賊壘咸豐五年圍

攻武昌君與蔣公益禮破賊豹子海解散脅從君製竹筒一節納文憑小刀繩束之潛棄于路使賊拾得自薙髮出官丰無阻由是拔出者甚眾八年與劉總兵培元援寶慶賊解圍遁後至粵西督水師勦賊卒于軍官至兵備道

評曰自江忠烈以義聲倡志在滅賊而同袍兄弟多將才戰功節烈之盛永寶閒罕與匹焉至誠恪年財二十餘辭黔撫而握兵符以討賊爲急不以開府爲榮觀其所志非有國士之風歟

卷三

十二

中興將帥別傳卷三下終

中興將帥別傳卷四

長洲朱孔彰撰

劉武慎公別傳

劉公諱長佑字子默號印渠先世居江西明初遷湖南新甯父時華以服賈所贏營助縣官急棹舟拯益陽水災活百人藁葬數百人鄉里稱焉生四子公居長年十四補弟子員讀書嶽麓十二年舉道光己酉拔萃科與同里江忠烈友善忠烈亟偕之曾文正公與曾文正相見於京師文正歎曰汝亂才也咸豐二年洪寇起廣西忠烈率民兵往助剿延公入戎幕事

卷四

一

無大小必咨之桂林圍解賊走湖南公建策偕忠烈扼賊衰衣渡火其艦賊自初起未嘗受大創自衰衣渡始賊攻長沙從壁南門天心閣禦之論功獎教諭從破瀏陽徵義堂會匪獎知縣忠烈援湖北遇賊眾崇通間公自長沙赴援行四日夜達通城一戰大破之文正與忠烈書曰印渠救援之速如神鷹度漠一擊千里令人愛敬不已自後公獨領一軍忠烈守南昌公與羅忠節赴援遂解吉安圍分兵克泰和累獎同知江西候補知府亡何忠烈殉節廬州公偕忠烈

弟忠潛率千人馳援弗及益奮然以滅賊自任矣五年夏賊陷東安楚軍將江忠淑戰不利湘帥駱公秉章屬公兼統其眾由是部兵益強賊中指目劉家軍秋克東安賊走新甯大爲公所破其冬會王公珍克郴州擢道員明年公率蕭啟江諸軍五千人援江西克萍鄉復袁州收分宜新喻進屯太平墟墟左林木茂密諸將狃常勝列營相屬先是有黑雲如幔覆壘上公至營頗咎諸將失地利已而吉安援寇太至縱橫二十餘里以驍騎突我軍營中火起將士多死軍

卷四

一一

敗壞不可遏公下馬卧地引佩刀自裁營務處劉公坤一擁之上馬曰此非公死所也乃退保分宜分宜士民聞敗皆曰楚軍爲吾故輕死爭運糧械濟之潰卒來歸民團助義於是軍勢復振進規臨江七年秋僞翼王石達開自撫州率二十萬眾來援前鋒已薄太平墟公乘其未定縱擊大破之遂克臨郡明年大破石逆於新城石逆自南安入楚陷郴桂圍永州復大破之圍解賊以全力犯寶慶公與李公續宜分統東西兩路援師破賊數十萬石逆解圍遁公追擊於

九鞏橋白楊埔大臨橋蘆洪司皆敗之賊走粵陷興安靈川直犯桂林公率八千人倍道赴援賊不虞公驟至驚走陷慶遠公追之所鄉皆捷詔授廣西按察使逾月擢布政使公身攻柳州拔之十年三月遂拜廣西巡撫自楊洪倡亂土酋揭竿踵起其桀者崔昌陳戊養據柳州陳開黃鼎鳳據潯州范亞音據容縣張高友陳金剛據平樂修仁其慶太思南泗鎮諸屬大股數千人少或數百人招撫羈縻倏兵倏賊不可究詰公旣受巡撫事以爲欲拯民生當清吏治欲

卷四

一一

平土匪當興水師乃簡廉能寬文法鋤奸暴安善良綱逋負戒驛騷禁科斂稽關丰綜出入於是商貨流通釐稅增倍募水勇湖南廣東造戰艦上下游擊廣西水師自此盛向之乞援鄰省者至是稍稍自固不待外求矣公純實而有深謀好整以暇勦撫兼施受任三年郡縣以次平定部將有名者劉公坤一江公忠義席公寶田曾文正傅爲三傑時爲他省奏調而布政使蔣公益澧已赴浙總兵李明惠補永州鎮亦赴楚楚軍無宿將同治元年春土寇竊發潯梧閉公

乃自將討賊賊黨多散降秋九月拜兩廣總督未幾
浮海入 觀二年正月移直隸總督時山東馬賊擾
近畿輔摠酋張總愚賴文光橫行齊豫間欲北渡黃
河 上稔知公起兵開諳行陳乃以北門鎖鑰付之
公馳驅戎馬無甯晷直境再肅清自遷安冷口歷臨
榆九門口修牆柵濠塹增兵屯防馬賊以平五年春
摠酋張總愚與賴文光牛洪合踞范縣舊城銳意北
渡公至大名督戰屢擊敗之收復舊范縣羣摠南走
夏與曾文正公山東帥閣公會沈家口議劃地防河

卷四 四

創設黃河水師曾文正謂足深恃其後卒賴以平摠
明年夏水師敗東摠長垣竹林口摠走青州後建集
五省兵力嚴扼運河之議 詔行之時畿疆旱災鹽
山靜海販私鹽梟匪乘機竊發山東教匪應之保定
津河諸屬邑皆騷動公方南赴河防而轄境大擾
詔先其所急乃檄前藩司唐訓方屯齊河臬司張樹
聲屯張秋與齊豫共圖摠匪而自將討梟匪梟匪奔
山東乞款於提督傅公振邦尋復叛公在威縣督軍
乘虛北走公以步軍嚴防要隘別選馬勇二千與之

馳逐匪遂由固安雄縣掠霸州京師震動 詔革職
以大學士官文代爲總督命下十餘日而梟匪平
上念公前勞 賞三品頂戴行次德州而東摠平
加二品頂戴歸田三年而有廣東巡撫之 命同治
十年夏公道桂林赴鎮桂林之民老弱相攜焚香望
拜於道既至廣州受印甫兼旬移廣西巡撫先是粵
東西奸民出關劫掠越南官兵不能制我軍於是有
河陽安邊之役及悍酋吳終伏誅而蘇軻漢復起蘇
軻漢者亦粵人流寓越南曾充夷練者也九年秋大

卷四 五

軍凱旋軻漢乘虛襲距諒山 詔廣西提督馮子材
進軍龍州於是我軍復有牧馬長慶之役軻漢懾
中朝兵威乞撫於兩廣帥瑞麟公而自踞廣安用厚
賈招納亡命其情反側公既視事與瑞公銳意主勦
時匪首鄧建新擾水軍曾亞日竄北甯諒江襲破上
林社七月總兵劉玉成圍上林匪窮乞降獲曾亞日
等四百餘人駢誅之九月玉成會廣東軍攻克舊街
勝兵抵海甯匪散亡過半蘇軻漢奔東興爲廣東將
所擒公以越南東路漸靖檄劉玉成西赴太原會攻

瓊山北山奏言論越南大局則宜直擣河陽一勞永逸然河陽距關二千餘里窮兵勞費討捕爲難應令該國自行攻勦今擬芟蕩海陽太原卽回師列戍以固藩籬則可分助越之眾協勦黔苗抽出關之兵先清土莽十月副將陳得貴遊擊李揚才克越南從化府遂會劉玉成克通化白通旋擊破瓊山北山匪巢十一年正月復敗匪於三星山擒其酋何三甯挽於是東潮甯諒所轄皆平二月劉玉成等攻克斯立左鑿躡之至宣光白苗境海太肅清公以太原幅員延

卷四

六

長夷匪憑其險阻易怨以變乃檄劉玉成屯戍鎮撫而咨越南國王遣兵換防久之越兵無一至者而法郎西領事涂普義領火輪四梭入河內聲言雲南提督檄購軍火假道赴滇越南官阻之陳得貴時駐太原札南官放行其營弁陳有貴復與夷民鬪誣其劫餉脅之以兵越南官以聞公大愕劾論陳得貴等褫職逮訊因念將領侵侮外藩久暴兵非計益決意旋師留精銳四千人待越南接戍時思恩鎮安太平西隆諸郡州暨鬱林之北流梧州之岑溪羣盜卵育

其中公悉遣兵芟刈之境內粗安乃令道員覃遠璣周歷邊隘葺城堡申關禁杜內外奸民往來旬結時匪酋黃崇英猶踞越南河陽結白苗攻保樂擾我鎮安邊夷匪劉六等踞蘇街相犄角十二年春公檄關內外軍擊之夷苗皆遁因密奏越南貧弱版章日蹙法國蠶食於濱海黎裔虎視於橫山桶岡則白苗跳梁尙奔則黃酋雄踞近聞該國君臣輸款法人黃崇英受職黎裔雖係道聽之言亦係意中之事臣竊謂黎裔爲患越南受之法國爲患不僅越南受之今欲

卷四

七

拯敝扶衰必須大舉深入若合兩粵之力寬以數年之期步步設防節節進勦庶交夷可期復振而他族不至生心否則惟有慎固邊防嚴杜句結而已是時防越諸軍尙八千人公檄劉玉成引軍北還以六營屯關外諸隘四營屯歸順龍州而令覃遠璣督八營將佐分駐關內遠璣自率親兵兩營往復巡徼七月提督馮公至自龍州於是越南諸軍皆罷十月法入攻陷河內黃崇英等乘機襲太原暗與法通山西姦民響應北甯戒嚴越南君臣日夜騰書乞援使相望

於道乃令劉玉成統關外十營進太原爲左軍覃遠
璉因憂罷令道員趙沃統十營分布鎮安爲右軍法
西見王師大出輒與越南議和聲言越地匪多願挈
西師會勦是時越將劉永福屢破黃崇英於河陽又
與法人戰河內法人患之此所謂黑旗之軍也法酋
既畏我軍屯高涼扼羣賊東竄之路而黃崇英敗後
遁匿河陽爲劉永福所隔與河內聲息不相聞故謬
言與越南會勦招納羣盜冀懈我師且間離中外
朝廷早誦其詐公亦策之審矣十三年五月 詔以

卷四

八

會勦難深信終恐羣匪被攻內犯飭總督巡撫嚴爲
備公益令諸軍進攻劉玉成破白苗於保樂白苗者
黃崇英黨也於是法計稍紕自河內退師移輪校於
左金港詭言待涂普義而暗迫越官諷劉永福讓河
路以通舟永福聲勢甚盛視西師蔑如也十月公閱
兵至南甯防軍統將謁商邊事時黃崇英尙伏河陽
遣其黨陳亞水攻保樂築壘城外期必克周建新陸
之平鄧志雄分掠高平諒山爲崇英聲援越南王屢
乞出師其統督黃繼炎以千人備嚮道公乃令趙沃

劉玉成赴之光緒元年二月趙沃右軍由龍關渡河
其前鋒克同文同文者尙奔也進攻淦台白苗見
王師旌旗輒棄巢遁沃悉招撫之爲助苗大感悅願
內應遂攻底定黃崇英遣千人來援沃擊走之三月
克底定陳亞水跳沃令苗首備竹梯攻襄安克之時
劉玉成左軍敗賊於白通陳極鄧志雄諒山亦靖惟
餘陸之平周建新游弋北甯太原而劉永福已進兵
河陽檄劉玉成左軍出北太會之河陽與安邊隔一
水毘連雲南公咨雲貴帥岑公毓英出師防邊崇英

卷四

九

聞 王師且至喉周建新拒左軍陳亞水守猛法而
自領悍黨當右軍馮險立寨冀堅守老我師五月沃
軍克淦直進薄河陽崇英親出迎戰沃遣將敗之崇
英復約陸之平出昆侖來援右軍躡擊敗之於是進
攻猛法陳亞水惶懼乞內應佯走安邊副將莫雲成
躡之崇英適在安邊馮巢開礮忽見望樓豎官軍幟
乃擁眾出奔而河陽故巢亦逼易右軍幟守賊皆降
於是安邊河陽同日蕩平中外僂快沃益下令緝黃
崇英七月禽之芳杜社磔之并其妻子駢誅沃下猛

法或言洋人匿河陽造火器及破河陽獲法匠囉哆
七人哀詞乞命沃悉縱還時劉玉成左軍亦破賊於
通化白通磔周建新於虔陽九月公檄左右軍合攻
者巖克之其酋陸之平通於是宣光河陽金沙江上
下肅清先是奉議來賓貴縣奸民蠢動黔匪復掠柳
州公移關外十營討之及者巖克乃悉凱撤左右軍
入關分屯鎮安太平於是越南諸軍復罷是年滇邊
野番殺洋人瑪加里英吉利公使訂於 朝語連署
總督岑公 上以公負時望習邊情十二月拜雲貴

卷四

十

總督時妖人王道士竊踞蓋達叛將蘇開先誘練軍
謀亂陷踞騰越王道士與之合逆欲益張於是順甯
雲州土豪悍卒乘機肆起踞城池殺守令永昌降人
李朝應之迤西大擾公檄署提督楊玉科等討平之
是時瑪加理識成英人約於雲南設埠通商 詔下
其議公奏曰雲南山川澗阻種人犷悍成性剽掠行
旅本地紳練恃眾橫行挾制官長上下猜忌法令不
行萬一防護不及致有同於前案或更甚於前案其
有害於雲南一隅猶小其有撓於中夏全局甚大且

洋人知前案難辦有免其既往之議知後患難防有
保其將來之議臣恐滇省官民於已往者不以爲倖
免而以爲得計將來者不引爲前鑒或敢於效尤洋
人通商意在圖利亦斷無不思遠害之理應俟三五
年內外官民稍稍安定遣員商辦 上善其議是冬
巴蠻掠昭通鎮雄土匪麻起公檄總兵全祖凱破平
之公以滇事漸定屢疏引病乞罷 優詔慰留四年
春騰越徼外土目耿榮高等攻陷耿馬公遣將討之
耿榮高降秋臨安開化廣南土寇起明年春悉破平

卷四

七

自騰越蘇開先之亂其黨劉寶玉逃之野山野山者
在滇緬之交爲華夷甌脫其夷自爲君長不隸於羈
屬劉寶玉糾野貫十三種及盞達擺夷伏羅坤山時
出劫掠公患其害行旅將捕之適緬甸遣官詣騰越
持圖說上騰越官弁約由野山通道列戍官弁寢其
事公曰此必英人之所嫉也英人議通商久矣吾雖
不爲彼用亦當有以固吾圉乃檄熊昭鏡親赴騰越
召諸土司野貫申禁約其屯練田租之已失者復之
墩丰弩手之未補者補之因屬土司誘禽劉寶玉於

千崖誅之諸野夷皆解散七年法人窺越南東京
詔滇粵備邊公奏法夷自據嘉定以來越南四境皆
有商埠教堂脅其君臣漁其財利已非一日取越與
否非有甚異其所以處心積慮者乃在通商雲南與
其既吞越境爲守邊之計不如乘其始動爲弭燬之
謀滇粵三省與越接壤東西幾二千里叩關造釁莫
可端倪要害與其勞費殊甚若自三江口以至海陽
東西僅數百里以中國兵力爲之禦敵東京兵聚而
力省以視防守滇粵之邊勞逸懸殊請以廣西兵二

卷四

三

議成黃繼炎罷劉永福退保勝法人益謀入滇公以
邊患深益請飭滇粵三省合兵規北圻八月公卸督
篆先是公屢疏請 覲 詔福建巡撫岑毓英權其
任於是雲南軍需案起事牽執政中外官株連頗眾
或勸公半途引疾歸公曰吾蒙 聖恩起用十餘年
未趨 闕廷若畏絀議而避之違夙昔戀 主之忱
且增羣疑而重在事諸人之禍如 清問垂及當獨
引爲己咎耳後召見 上詢邊事甚悉不及軍需案
於是中外有以窺 上信公之深矣公稽首訴衰疾

卷四

三

乞骸骨 上許之滇案結鑄三級光緒十三年六月
終於家春秋七十公軀幹修偉面顴外嚴毅而內寬
仁在官以廉率下所得祿賜以卹戰士助公家急其
去直隸率楚勇二百行糧不給道出江甯曾文正餽
銀三千濟之還長沙輿服樸陋廉從寥落人不識爲
達官接寮屬雖雜職微弁必假詞色俾盡其言領軍
三十年未嘗誅將佐然諸將憚若嚴父亦無敢犯約
公之再起也 上慮其慈柔貽誤 寄諭以勿過寬
厚爲誡公覆奏曰臣自問無可過人故常失之過寬

自媿未能化人故常失之過厚至於是非之辨邪正之分苟爲見聞所及亦不自欺其心以上欺君父

上乃悅及公薨湖南巡撫卞公寶第以遺疏聞

上軫悼優詔褒卹子諡武慎子五思詢思詣思

謙思訓思謹思謙蔭同知孫繩武分部主事思訓舉

人出爲公從弟長偉後長偉官千總從曾文正戰靖

港歿於陳後江西廣西雲南諸行省士民思公功德

願建祠奉祀詔如所請

評曰曾文正治軍長沙武慎亦歸節制通城之役文

卷四

十四

正歎曰此老胸中甲兵吾不復能窺測每戰罷報書在帳中親作細字何其多能而好暇也及任封疆寬和得眾孰悉邊情天威遠揚傳曰仁者必有勇其公之謂乎

中興將帥別傳卷五

長洲朱孔彰撰

左文襄公別傳

左公宗棠字季高湖南湘陰人也少負奇氣有大志欲因時建非常之功道光壬辰舉於鄉陶文毅公澍延爲賓客與論事如燭照數計辯口若懸河文毅驚歎曰天下奇才也遂締姻焉咸豐初巡撫張公亮基禮辟公駱公秉章代爲巡撫尤倚公如左右手凡察更治軍惟公言是聽屬寮以事上白駱公則曰問季高先生公可亦可公否亦否湖南由此致富強公權

卷五

一

益重忌者日眾會劾永州總兵樊燮驕倨能官構於總督指目公布政使亦陰助燮總督疏聞召公對簿武昌欲加不測之罪駱公疏爭之不得於是湖北巡撫胡公林翼侍郎曾文正公上言公無罪且薦公才可大用事遂解初公以幕府勞已擢知府或勸之仕公笑曰除非夢賚良弼至遭謗毀悒悒不得志詣胡公會公軍願以偏將自效曾公深慰之無何朝廷竟超用公詔詢曾公會奏公剛明耐苦曉暢戎機若假以事權必能感激圖報遂賞四品京堂

谷募軍東征十年秋公提五千人由江西轉戰而前所向克捷曾公進兵皖南駐祁門僞侍王李世賢僞忠王李秀成糾數十萬賊眾圍繞祁門西路直趨浮梁景德鎮斷祁門餉道公出奇兵與鮑提督超夾擊大破賊於洋塘賊退入浙境明年三月公進軍婺源賊犯景德鎮陳總兵大富屯守戰沒景德鎮復失公回軍大破賊於范家邨八戰八克斬馘逾萬遂收淨梁樂平鄱陽建德曾軍糧路乃暘通曾公奏公疊破巨寇振江皖全局勳績甚偉擢三品京堂補太常寺

卷五

二

卿改幫辦江南軍務尋奉 命援浙公上言浙江軍務之壞由於督撫全不知兵始則竭本省之餉以濟金陵大營皖南各軍冀藉其力爲藩蔽乃於練兵選將之事不自講求至金陵皖南大局敗壞復廣收潰卒糜以重餉以守則逃以戰則敗恩不知感威不知憚遂決裂不可復支臣奉 命督辦浙江軍務節制提鎮非就現存兵力嚴爲簡汰束以營制不可非申明賞罰予以實餉不可非另行調募預爲換補不可然欠餉日久則有不能汰遣之患餉需不繼則有不

能調撥之患經費不敷則有不能募補之患名爲節制提鎮實則營官哨長亦且呼應不靈不得其臂指之助而徒受其迫促之擾雖有能將無餉何以馭兵雖有謀臣無兵何以制賊此臣之所爲隱憂也時公所部湘軍僅八千人部將名者劉典王開來王文瑞王沐數軍不敷分布因思劉公長佑駱公秉章劉公蓉江公忠義素友善故令選強將相助多或率數千人少則數百人俾合成勁旅於是調蔣益澧於廣西劉培元魏喻義於湖南皆未至公以八千人策應七

卷二

三

百餘里談笑指揮游刃有餘曾文正尤爲歎服奏公宜獨當一面文正與公議以保徽州固饒廣爲根本奏以三府屬縣丁糧銀米供軍設婺源景德河口三稅局裨之三府防軍悉隸公通吳越爲一家公駐婺源頻破巨寇會杭州陷 詔授公浙江巡撫同治元年正月公自婺源攻開化破寇馬金街恐 朝旨促入衢則自陷因上奏行軍之法必避長圍防後路先爲自全之計臣軍入衢則徽婺疏虞又成糧盡援絕之勢今由婺源攻開化分軍扼華阜收遂安使饒廣

相芘以安然後可以制賊而不爲賊制然欲依徽郡取道嚴州食米轉運殊多勞費又前衢州李定太一軍八千餘人江山李元度一軍八千餘人人數與臣軍相等而常迫切呼援惴惴不能自保臣軍力固不能及亦不願其浪戰求勝致損軍威此兵事餉事之難未可驟期恢復之效者也二月公遣劉典王開來劉璈李耀南克遂安金嚴寇圍衢州公自往救敗之五月進軍衢州魏喻義劉培元募新軍至七月蔣益澧自廣西將八千人至於是軍容壯盛十一月克嚴

卷五

四

州明年正月克金華紹興水陸並進克桐廬富陽詔授公總督仍兼巡撫八月圍攻杭州明年二月克之公移駐省城申虜獲之禁婦女財物各從其主有敢言取自賊中者罪之禁軍士無入民居招商開市奏停杭關稅立清賦局減杭嘉湖稅則三之一善後事宜百廢具舉眾聲大和時李公鴻章已克蘇州嘉興六月會公國荃克江甯江浙餘寇聚於湖州七月合江蘇軍克湖州寇盡走江西入福建浙江平公奏請蔣公益禮護巡撫已統全軍入福建追寇至廣東

嘉應州礮焉五年正月班師振旅 詔錫一等恪靖伯公在閩撫瘡痍舉淹滯清伏莽修武備量財用肅官方勸耕作勤庶事以勑爲因而尤以造輪船爲急務舉沈公葆楨接辦船政其年秋 天子以西陲師久無功移公督陝甘並授欽差大臣督辦軍務公上疏曰臣維西北戰事利在戎馬東南戰事利在舟楫觀東南事機之順在礮船練成以後可知西北事機之轉亦必待車營馬隊練成以後也春秋時晉侯乘鄭之小駟以禦秦爲秦所敗是南馬不能當西馬之

卷五

五

證漢李陵提荊湖步卒五千轉戰北庭爲匈奴所敗是步隊不能當馬隊之證見在撚回猖獗官軍征剿多年尙未戡事於時急圖掃蕩固我疆宇非講求步隊馬隊不爲功而欲善步隊馬隊之用又非講求步隊馬隊之利不可臣謹就愚陋之見爲我 皇上敬陳之撚回之患在平原曠野本騎之利官軍以步隊當之鮮不被其輕軼矣於是而圖制賊之長宜用車營助步隊遏其突騎固也然車營步隊足以遏突騎守雖有餘以之鈔截追剿戰尙不足則練馬隊爲急

以馬力言之西產不若北產之健以馬隊言之西北不若東北之雄

祖宗隆興東北平定中原中葉以來平準回靖朔漠神武震鑠跨越古今敬釋

列聖方略官書竊以爲欲平方今之患非追法先世遺烈其道末由也回馬多西產撚馬多略北產零騎故撚之戰悍於回所幸者撚回之馬雖多至數萬騎然均用之野戰非如官軍隊伍鈐束之不可撼撚回諸逆人各一心非如官軍節制賞罰之不可亂撚

卷五

六

回馬上多用長矛非如官軍槍械火器之不可敵誠於時購北口良馬得其人習練而節制之庶制勝有其具而賊不足平且可藉閱歷以造就人才爲國家固根本垂久遠之計又言臣由鄂入秦先剿陝逆此時臣軍步隊僅止三千餘馬隊尙未習練雙輪獨輪車式尙未動工製造所擬以制賊者步隊馬隊車營皆無以應手倉卒就戎必貽後悔臣不敢不愼也方今所患者撚匪回逆耳以地形論中原爲重關隴爲輕以平賊論剿撚宜急剿回宜緩以用兵次第論

欲靖西陲必先清腹地臣軍入甘應先分兩大枝由東路廓清各路分別剿撫俟大局勘定然後入駐省城方合機局是故進兵陝西必先清關外之賊進兵甘肅必先清陝西之賊駐兵蘭州必先清各路之賊然後餉路常通師行無梗 詔從之六年夏取道武昌提兵一萬二千人由潼關入秦當是時撚酋任柱賴文光糾數萬騎擾山東河南是爲東撚張總愚糾數萬騎擾秦中是爲西撚陝回甘回數十起眾至百萬橫行腹地兩省幾無完土公接統陝甘軍部署諸

卷五

七

營不令撚回合勢劉提督松山領萬餘人郭總兵寶昌三千人劉總兵厚基三千人是爲剿撚之師高提督連陞三千人劉京卿典五千人是爲剿回之師楊總兵和貴周總兵金品三千餘人屯鳳翔周總兵紹廉二千餘人屯宜君吳郎中士邁千餘人防渭復以親兵三千餘人水師千人黑龍江馬隊千餘人分布華州華陰潼關渭南臨潼間是爲兼討撚回之師於是諸軍所向克捷公又定計先撚後回張總愚既屢破於延州復南竄乃自宜川踰山至壺口乘冰橋渡

河山西大擾公遣松山各軍渡河躡追

穆宗以山右毘連畿輔 召公親往督師公自率五千人赴援奏以劉京卿典代督陝甘軍六年十二月撚自垣曲入河南趨衛輝復自河南北犯直隸至河間獻縣京師戒嚴 詔切責公與欽差大臣李公鴻章河南巡撫李公鶴年及直隸總督官文公皆奪職時東撚甫平西撚萃於畿輔公先令劉提督松山繞出賊前大破賊於獻賊反奔山東七年公駐軍吳橋合淮軍東軍皖軍擊撚卒破平於荏平南鎮七月公

卷五

八

復職入 覲 天子褒美且詢西陲師期公奏五年可竣乃率師還陝十月至西安省城公部兵數萬人諸將名者高連陞周紹濂魏光燾劉端冕吳士邁黃鼎雷正綰陶茂林成定康馬德順郭寶昌李耀南李輝武皆能將而劉公松山為最劉公典已署陝西巡撫戮力同心賞罰嚴而號令明遂定三路平回之策公令劉公松山由綏德取道花馬池直搗金積老巢為北路道員周開錫由秦趨鞏討鞏昌河狄之回為南路公與劉公典督諸軍盡驅陝回入甘為中路遂

破回巢數百斬馘數萬八年二月拔董志原老巢四月陝西平進兵甘肅劉公松山已趨定邊花馬池魏光燾周紹濂劉端冕出合水甯州正甯鞏環慶雷正綰黃鼎由董志原涇州趨鎮原崇信華亭固原李耀南吳士邁由隴州寶雞趨秦州公率親兵馬步四千道永壽邠州長武以赴涇令馬德順屯靈台之上良日坐鎮策應南北遂開賑卹集流亡勸民種秋糧兵燹遺黎栩栩有生意矣於是諸路皆捷蘭州道通八月劉公松山克靈州十一月公移駐平涼劉公松山

卷五

九

攻金積堡陳亡公以松山從子錦棠統其軍東自吳忠至靈州堡寨四百五十餘西自洪樂至峽口堡寨一百二十餘盡平九年冬克金積堡馬化隆伏誅公奏言西陲之不靖於今九年關隴諸回視金積為嚮背今金積破回勢瓦解矣 詔加公騎都尉世職十年三月甯夏平公令諸將進規河州秋移駐靜甯又移安定冬平黑山回盡平黨川回壘且剿且撫十一年二月河州平三月循化撤納歸誠夏諸軍攻肅州西南賊壘皆下七月公進駐蘭州省城奏調宋慶軍

由神木赴甘助剿以張曜軍屯金積堡移劉錦棠軍赴西甯陶生林金慶元戴宏勝馬步軍赴肅州十一月劉公錦棠大破回於西甯大通明年金順宋慶徐占彪合攻肅州八月公至肅州督攻九月克之屠客回一千五百餘人屠土回五千四百餘人悍酋馬文祿並黨魁八人磔之惟白彥虎逸出關外拔出漢民男女一千一百餘人回民老弱婦女九百餘人肅州平關內肅清 詔公以總督協辦大學士改騎都尉爲一等輕車都尉世職諸將給獎有差

卷五

十

今上卽位 命公督辦新疆軍務先是以東南海防爲急有議棄關外地者公力持不可然軍食奇絀各省協餉不繼公夙夜憂勞常繞帳傍徨中宵不寐前後至借洋商民商一千數百萬隨時以協款抽償經營一載士飽馬騰遂於明年春大軍次第出關公駐肅州調度烏魯木齊都統金順軍提督張曜軍先駐哈密軍食皆由公兼籌公令劉京卿錦棠辦理營務率提督譚上連譚拔萃余虎恩等湘軍二萬人分起由戈壁前進其秋大軍攻拔古牧地克復烏魯木齊

迪化州暨瑪納斯城新疆北路皆平由是下兵南路南路入城曰阿克蘇曰烏什曰庫車曰喀喇沙爾曰英吉沙爾曰喀什噶爾曰葉爾羌曰和闐而吐魯番別爲一部在天山之南爲八城門戶公令劉京卿錦棠率軍自北而南提督張曜徐占彪率軍自東而西增調包頭防軍五千人隸劉京卿於是軍勢益盛以明年春三道進攻吐魯番達坂堅城皆下旋克托克遜賊巢其秋連克喀喇沙爾庫爾勒庫車阿克蘇烏什一月之中行三千餘里兵威大振遠人懾服時以

卷五

十一

伊犁爲俄所踞恐難遠復 詔公統籌全局公奏曰竊維立國有疆古今通義規模存乎建置而建置因乎形勢必合時與地通籌之乃能權其輕重而建置始得其宜自古以來中國邊患西北常劇於東南蓋東南以大海爲界形格勢禁尙易爲功西北則廣漠無垠專恃兵力爲強弱兵少固啟戎心兵多又耗國用以言防無天險可限戎馬之足以言戰無舟楫可省轉饋之煩非若東南之險阻可憑集事較易也周秦至今惟漢唐爲得中策及其衰也舉邊要而捐之

國勢遂益以不振往代陳蹟可覆按矣顧祖禹於地學最博淹貫其論方輿形勢視列朝建都之地爲重輕我朝定鼎燕都蒙部環衛北方百數十年無烽燧之警不特前代所謂九邊皆成腹地卽由科布多烏里雅蘇台以達張家口亦皆分屯列戍斥候遙通而後 畿甸晏然蓋

祖宗朝削平準部兼定回部開新疆立軍府之所貽也是故重新疆者所以保蒙古保蒙古者所以衛京師西北臂指相聯形勢完整自無隙可乘若新疆

卷五

三

不固則蒙部不安匪特陝甘山西各邊時虞侵軼防不勝防卽直北關山亦將無晏眠之日而況今昔勢殊俄人拓境日廣由西而東萬餘里與我北境相連僅中段有蒙部爲之遮闔徙薪宜遠曲突宜先尤不可不預爲綢繆者也

高宗平定新疆拓地周二萬里一時帷幄諸臣不能無耗中事西之疑 聖意堅定不搖者推舊戍之瘠土置新定之腴區邊軍仍舊餉不外加疆宇益增鞏固可爲長久計耳方今北路已復烏魯木齊全境祇

伊犁尙未收回南路已復吐魯番全境祇白彥虎率其餘黨偷息開都河西岸喀什噶爾尙有叛弁逃軍終煩兵力此外各城則方去虎口如投慈母之懷自無更抗顏行者新秋採運足供餘糧棲畝鼓行而西宣布 朝廷威德且剿且撫無難挈舊有之疆宇還隸職方此外如安集延布魯特諸部落則等諸邱索之外聽其翔泳故區可矣英人爲安集延說者慮俄之蠶食其地於英有所不利俄方爭土耳其與英相持我收復舊疆兵以義動設有意外爭辯在我仗義

卷二

三

執言亦決無所撓屈是時東四城已克復進規西四城大軍仍三路進攻遂於冬十一月克葉爾羌和闐英吉沙爾喀什噶爾南疆悉定捷奏公晉二等侯朝廷乃遣全權大臣崇厚使俄索伊犁條約中多所不便 詔公議奏公上疏曰國家建中立極東南濱海西北以崑崙枝幹爲界畫向與俄羅斯不相聯接以蒙部哈薩克布魯特浩罕爲之遮蔽間隔也近自俄人日迫誘脅日眾哈薩克布魯特各部落多附俄人俄又取浩罕三部落拓其邊圉於是俄與中國邊

境毗連無復隔閼矣適中原兵事方殷未遑遠略俄人乘間佔踞伊犁藉偁代我收復爲要索計並照其國法按寵科賦以充兵費亦僑贖足矣 朝廷重念邦交既予以代我收復之名並允給償款盧布五百萬圓盧布亦呼嚕布卽所謂俄元者也光緒三年西洋新聞紙載俄國議願得俄元二百五十萬交還伊犁海上傳播未必無因此次償款忽議增五百萬圓其挾詐相嘗已可概見至界務與商務兩者相因西北與東南事體各別道光中葉以後泰西各國船礮

卷五

十四

橫行海上闖入長江所爭者通商口岸非利吾土地也亦謂重洋迢遞彼以客軍深入雖得其地終無全理戰則勢孤守則費鉅合從之勢既成獨據則誨爭分肥則利薄也中國削平髮撚兵力漸彊製礮造船已覩成效彼如思逞亦有戒心而渝約稱兵各國商賈先失貿易之利苟可相安無事其亦知難而息焉若夫俄與中國則陸地相連僅天山北翰爲之閒隔哈薩克安集延布魯特大小部落從前與準回襍處自俄踞伊犁漸趨而增之俄已視爲己有若此後疆

食不已新疆全境將有日蹙百里之勢而秦隴燕晉邊防且將因之益急彼時徐議防邊正恐勞費不可彈言大局已難覆按也夫陸路相接無界限可分不特異日無以制憑陵卽目前亦苦無結束不及時整理坐視邊患日深殊爲非計且俄人專尚詐力不以信義爲重其情易變屢遷與泰西各國不同斷難望其守約而持久卽如佔踞伊犁之始謂俟我克復烏魯木齊瑪納斯卽當交還比官軍連下各城竝克復南疆而俄不踐前言穩踞如故方且庇匿叛逸縱其

卷五

十五

黨肆出窺邊上冬今春陝回及布魯特汗安集延條勒入犯時官軍獲生賊訊供搜有俄官路票昨次布魯特安集延諸賊由俄境阿分地方出竄經官軍剿洗殆盡漏網數十人仍遁匿俄境據活賊口供亦由俄官驅遣所致四次賊蹤犯邊官軍追賊均未越俄界一步我之守約如此彼之違約如此尙何信義可言當崇厚與俄官議交伊犁時俄人首以恩赦爲請竝以曉示難於徧及爲慮崇厚奏奉 諭旨飭臣照辦臣謹遵 旨竝會同金順出示曉諭伊犁漢陝疆

土各回民等宣布 皇仁以安反側金順即派提督
殷華廷賚示前赴伊犁張帖俄官七河邊撫忽變前
議將殷華廷擋回不令帖示借僑應俟圖爾齊斯坦
總督回信比金順二次遣殷華廷復往探詢七河邊
撫竟派人阻之伊犁境外不準復入似此任意把持
不獨違慢 朝旨並置其君與外部諸臣成議於不
顧其悖謬又如此俄之佔踞伊犁也將大城西北三
城廬舍墮爲平地迤東清水河塔爾奇綏綏定三城
均毀棄以居漢回蘆草溝城盤子等處均棄而不守

卷五

七六

而取各城堡木料於大城東南九十里金頂寺營造
木厓幾二十里臣上年十月二十二日覆陳摺內已
略言之茲接金順錫綸所言伊犁情形亦同察俄人
蓋欲踞伊犁爲外府爲佔地自廣借以養兵之計久
假不歸布置已有成局我索舊土俄取兵費鉅資於
俄無損而有益我得伊犁只賸一片荒郊北境一二
百里間皆俄屬部孤注萬里何以圖存況此次崇厚
所議第七款接收伊犁後陔爾果斯河及伊犁山南
之帖克斯河歸俄屬無論兩處地名中國圖說所無

尙待詳考但就方向而言是劃伊犁西南之地歸俄
也自此伊犁四面俄部環居官軍接收墮其度內固
不能一朝居耳雖得必失庸有倖乎武事不競之秋
有割地求和者矣茲一矢未聞加遺乃遽議捐棄要
地鑿其所欲譬猶投犬以骨骨盡而噬仍不止目前
之患旣然異日之憂何極此可爲嘆息痛恨者矣金
順錫綸之擬緩收伊犁而以沿邊喀什噶爾烏什精
河塔爾巴哈台四城宜足兵力濬餉源廣屯田堅城
堡先實邊備自非無見惟伊犁現無定議謀新疆者

卷五

七

非合南北兩路通籌不可現在伊犁界務未定則收
還一節自可從緩計議喀什噶爾烏什規畫已周毋
庸再議其塔爾巴哈台精河急須加意綢繆應由金
順錫綸自行陳奏請 旨外所有崇厚定議畫押十
八款內償費一節業經奉有 諭旨第八款所稱塔
城界址擬稍改照同治三年議定界址尙只電報應
俟崇厚奏到再議第十款於舊約喀什噶爾庫倫設
領事官外復議增設嘉峪關烏里雅蘇台科布多哈
密吐魯番烏魯木齊古城七處十四款並有俄商運

俄貨走張家口嘉峪關赴天津漢口過通州西安漢中運土貨回國均經總理衙門奏奉 諭旨指駁外第二款中國允卽 恩赦伊犁居民業經遵 旨照辦被俄官截阻賈示委員不準張帖第三款伊犁民人遷居俄國入籍者準照俄人看待意在脅誘伊犁民人歸俄而以空城貽我與阻截賈示委員同一用心第四款俄人在伊犁準照舊管業雖伊犁交還中外商民襍處無界限可分是包藏禍心預爲再踞之計至商務允其多設口岸不獨奪華商生理且以啟

卷五

六

蠶食之機總理衙門原奏籌慮深遠實已纖細畢周 諭旨允行則實受其害先允後翻則曲仍在我應設法挽回以維全局竊維邦交之道論理而亦論勢本山川爲疆索界畫一定截然而不可踰彼此信義相持垂諸久遠者理也至爭城爭地不以玉帛而以興戎彼此強弱之分則在勢而不在理所謂勢者合天時人事言之非僅直爲壯而曲爲老也俄踞伊犁在咸豐十年同治三年定界之後舊附中國與中國民人襍處各部落被其脅誘俄官卽視爲所屬藉以

肆其憑陵俄之取汗罕三部也安集延未爲所併其酋阿古柏畏俄之逼裹其部眾陷我南疆我復南疆阿古柏死逆子竄入俄境俄乃認安集延爲其所屬欲藉爲侵佔回疆腴地之根現冒稱喀什噶爾住居之俄屬本隨帕夏而來之安集延餘眾俄之無端冒爲己屬實與交還伊犁仍留復踞地步同一居心觀其交還伊犁而仍索南境西境屬俄其詭謀豈僅在此數百里土地哉界務之必不可許者此也俄商志在貿易本無異圖俄官則欲藉此爲通西於中之計

卷五

九

其蓄謀甚深非僅若西洋各國只爭口岸可比就商務言之俄之初意只在嘉峪關一處此次乃議及關內並議及秦蜀楚各處非不知運腳繁重無利可圖蓋欲藉通商便其深入腹地縱橫自恣我無從禁制耳嘉峪關設領事容向可行至喀什噶爾通商一節同治三年雖約試辦迄未舉行此次界務未定姑從緩議而烏里雅蘇台科布多哈密吐魯番烏魯木齊古城等處廣設領事欲因商務蔓及地方化中爲俄斷不可許此商務之宜設法挽回者也此外俄人容

納叛逆白彥虎一節崇厚曾否與之理論無從懸揣
應俟其復命時請 旨確詢以憑核議臣維俄人自
佔踞伊犁以來包藏禍心爲日已久始以官軍勢弱
欲誑榮全入伊犁陷之以爲質繼見官軍勢強難容
久踞乃藉詞各案未結以緩之此次崇厚全權出使
嗾布策先以巽詞餽之枝詞惑之復多方迫促以要
之其意蓋以俄於中國未嘗肇啟衅端可間執中國
主戰者之口妄忖中國近或厭兵未便卽與決裂以
開邊衅而崇厚全權出使便宜行事又可牽制疆臣

卷五

三

免生異議是臣今日所披瀝上陳者或尙不在俄人
意料之中當此時事紛紜 主憂臣辱之時苟心知
其危而復依違其閒欺幽獨以負 朝廷就便安而
誤大局臣具有天良豈宜出此就事勢次第而言先
之以議論委婉而用機次決之以戰陳堅忍而求勝
臣雖衰庸無佞敢不勉旃上壯其言嘉許之公乃自
請出屯哈密規復伊犁六年正月 詔毅勇侯曾紀
澤白英國赴俄重議約二月公分兵進取伊犁奏以
精河一帶爲東路伊犁將軍金順主之所部馬步萬

人檄卓勝軍二千爲之助自阿克蘇沿特克斯河爲
中路廣東提督張曜主之所部馬步五千人增募皖
勇千人土爾扈特馬隊數百人復檄相軍二千五百
爲之助自烏什經布魯特游牧爲西路幫辦軍務劉
錦棠主之所部馬步萬餘人而分遣譚上運步兵二
千餘人屯喀什噶爾譚拔萃等二千餘人屯阿克蘇
陶鼎金王福田等二千餘人屯哈密爲後路聲援塔
爾巴哈臺與俄偪處參贊大臣錫綸兵不足募徐學
功孔才舊部二千畀之四月公發肅州昇觀以行五

卷五

三

月抵哈密俄人聞 王師大出增兵守伊犁納林河
別以兵船翔海上冀震撼京師於是天津奉天山東
皆警七月 詔公入京備顧問明年正月和議成海
防諸軍皆罷先是俄人縱我叛回及嗾布魯特安集
延逆酋三次犯邊官軍皆大敗之遂懾中國兵威交
還伊犁全境公旣入 朝授軍機大臣 賜紫禁城
騎馬使二內侍扶掖上殿皆 異數也冬以東閣大
學士出督兩江明年法人啟釁侵越南粵閩邊疆有
事 詔公督辦軍務會和議成罷兵公剛愎強毅耄

年精力不衰雖兵閒積苦未嘗以况瘁形於詞色在
邊塞苦寒穹廬積霰高與身等公擁緇布絮裘據白
木案手披圖籍口授方略自晨至於日中昃矻矻不
少休軍事旁午官書山積亦必一一省治最下裨校
寸簡尺牘皆手自批荅待將士不尙權術惟以誠信
相感孚然貪夫悍卒亦善駕馭借調副將李某在公
戲下能用命後江西索去死於法公曰若隸我何至
喪其頭臚喜自負每與友書自署老亮以漢武侯自
比繼又言今亮或勝於古亮厲剛介之操又自號曰

卷五

三三

忠介先生胡公林翼謂公一錢不私於己不獨某信
之天下人皆信之初策江南大營潰散公曰大局其
有轉機乎或問之曰得此埽盪後來者可以措手始
辦陝甘軍務公奏須五年蒞事及關內肅清適符其
數眾議棄新疆公力持不可經營邊計如操左券後
俄兵退出伊犁遂舉二萬里戎索重隸職方天山意
領一塵不驚實漢唐以來未有之邊功公見玉門內
外草萊徧墾道傍官柳成陰欣然加餐以之入告
洵古大臣以安社稷爲悅者歟初公舉孝廉過揚州

喜市上雞瀋麪迨至江南閱瓜州兵合西來將士均
犒二孟無煩醜縣供張公杖履登壇甲士執兵侍立
咸仰綸巾羽扇之風一時戴白垂髻歡呼道左歎曰
天生異人也至閩未數月而病光緒十一年秋卒於
軍事聞 天子震悼 賜葬如例 命各省建專祠
子諡文襄子孝威舉人先公卒孝寬孝助主事孝
同舉人孫三念謙念恂念慈念謙襲侯公箸有盾鼻
餘瀝奏議百二十卷

卷五

三三

西陲叛回其次序宜然文襄盡瘁馳驅白首臨邊不
易初志功名立與日月爭光矣當其排眾議揣夷
情決勝算我戰則克何其智且勇也語曰非常之功
必待非常之人偉矣哉

中興將帥別傳卷六上

長洲朱孔彰撰

忠武公塔齊布別傳

公諱塔齊布字智亭姓托爾佳氏滿洲鑲黃旗人生而神識沈毅都統烏爾泰公器之由火氣營護軍擢三等侍衛咸豐元年發湖南以都司用二年秋賊犯長沙以守城功擢游擊 賞藍翎署中軍參將時曾文正公奉 命督治鄉兵用明戚繼光法訓練束伍每校閱公必短後衣躡屨帶刀侍文正與語奇之試所轄兵皆精練副將清德方忌公嫉提督鮑起豹將

卷六上

加推辱文正乃劾罷副將薦公忠勇可大用且云塔齊布將來如出戰不力臣甘與同罪得 旨加副將銜三年勦茶陵安仁土匪 賞換花翎記名以副將用四年二月帥所部由平江進勦湖北通城崇陽賊會官軍失利岳州賊乘勝上犯公自崇陽還奉檄援甯鄉會寒雨行未至賊陷湘潭文正下檄改援湘潭使者以為軍在甯鄉行半日遇之乃在中途距湘潭反近於是公長驅至湘潭次高嶺賊拒戰迫相遇不得退公手大旗馳陷陳麾軍士縱擊斬偽先鋒元帥

九人賊敗潰逐北數里至城下明日賊大出犯公伏兵山左右設礮三重誘之及賊逼礮斃以百數賊大亂伏起夾擊之賊屍枕籍賊自起與官軍未嘗短兵接見公搏戰相顧愕狂奔自蹂死者無數悍賊盡殲悉燔城北柵水師距湘潭十里聞陸軍戰勝鳴角發礮直上焚賊舟數千并焚城南門外市廛賊無所止火光燭天三日夜浮屍蔽江下其時長沙惴惴居賊中人自以為必敗而不知湘潭之大破賊也湘潭既復 詔加公總兵銜 賞喀屯巴圖魯名號 命署

卷六上

湖南提督未幾即真先是提督鮑起豹以清德之譖屢斥辱公至是起豹罷公代其位城中防兵聞之皆驚服以為 天子明見萬里公受提督印則徧賞提標兵得軍功六品牌者三千人使人人知新提督無修怨之心標兵大謹時敗賊退駐岳州分黨陷常澧公馳抵新牆破土城三舟師亦敗賊雷公湖又敗之道林磯公與羅公澤南李公續賓合軍攻岳州敗賊於高橋盡破賊壘賊棄城退踞城陵磯未幾賊舍舟登陸將據險為營分三路來撲公亦分三路擊之賊

抵死抗拒良久始敗潰追至播鼓臺殲賊八百有奇
公臨陳好匹馬衝鋒尤好單騎薄賊壘覘虛實瀕危
得免有天幸一日攜親卒四人進覘播鼓臺突遇悍
酋獍髯睥目直呼公名橫矛刺公馬幾得公親卒黃
名魁躍起刺酋墜馬酋回刺名魁傷右脇公親刃酋
殪之獲賊旗知爲偽丞相曾天養天養驍桀爲賊魁
自楊秀清以外皆爲之下伏誅後賊黨爲之茹齋六
日賊旣失悍酋奪氣退踞武昌公與羅公自臨湘進
勦長安驛羊樓崗佛嶺大沙坪戰屢捷復崇陽蒲圻

卷六上

三

咸甯又敗賊於官步橋及徐李埔遂與羅公進屯江
夏之紫坊初文正在城陵磯約諸軍會紫坊至是召
諸將議攻取武昌以羅公攻花園賊壘水師扼長江
公從油坊嶺趨扼洪山山在武昌城東北左近梁子
湖右隔湯孫湖係絕地爲竄賊所必經賊兇懼於八
月二十三日啟東北門遁公扼截之迎斬黃衣賊目
數名賊崩奔悉趨山背復麾軍圍逼於沙湖塘角間
賊爭赴水填尸幾滿中多幼孩公見之大哭傳令拯
救得二百有奇羣賊因而乞命者又七百有奇武昌

旣復進攻大冶戰五里牌斬黃衣騎馬賊賊大奔燬
賊壘二亡何賊反鬪伏突起刺傷公坐馬左右兩軍
台擊賊復大潰爭橋渡橋斷多墮水死生擒百二十
四人是日羅公有興國之捷於是兩軍會於興國籌
進取羅公西擣半壁山公東勦富池口十月二日戰
軍山菁克之屯其地距羅軍十餘里中隔小河方造
浮梁濟忽出賊千餘遏渡處別賊數千陳半壁山左
右與羅公大戰公隔河爲聲援賊大敗旣又繇富池
口沿岸上翼襲我軍後公擊走之浮梁成田鎮賊渡

卷六上

四

江來犯公與羅公夾擊之殪賊數百溺斃者無數時
賊所設橫江鐵鎖在南岸者已斷而北岸猶未破十
三日水師大戰公及羅公列陳半壁山護之燔逆舟
數千北岸鐵鎖燬賊遁竄廣濟黃梅田鎮旣克黃
穿黃馬褂子騎都尉世職二十日公及羅公渡江繞
至蕪州及賊於蓮花橋遇伏我前隊稍卻公匹馬空
陳手刃大旂賊追奔數十里遂復廣濟而黃梅爲賊
必爭地悍酋秦曰綱陳玉成羅大綱併力守之以數
萬賊分布小池口孔壠驛而立堅壘五於大河浦龍

頭寨等處嚴密埒田鎮十一月朔師次雙城驛賊數路來犯公與羅公併擊之追奔十里破壘五斃賊三千餘生擒九十餘越日進次下新橋距城四里公與羅公登山望知北門可攻遂進擣軍士肉薄登多受創公被石傷首流血被面督戰益厲卒克黃梅曾公疏陳戰狀有 詔戒公輕進公讀之感泣尋攻孔壠驛驛南道小池口東臨水賊於西南北築土城公從西南路進攻累肩爲梯卓矛而躍遂大破之賊悉竄小池口分黨奔湖口與九江相犄角爲死守計公遂

卷六上

五

與羅公渡江攻潯城十二月朔攻西南門不下驍將童添雲死之會水師被賊襲喪失輜重而賊僱率從江北接濟羅公從二套口渡江進攻小池口公帥壯士二十人渡江督戰以眾寡不敵敗且戰且退公匹馬衝突爲諸營扞蔽有黃衣賊酋三人策馬來犯公以套馬竿圈一酋頸斬之且奪其馬餘賊皆靡公俟大隊沿江上單騎馳入鄉間馬陷泥淖幾失道有田父引止其家老嫗涕泣上食爲匿馬稻秸中時除夕前一日也次日各軍以公未還洵洵失所倚有泣者

夜三鼓鄉民忽送公渡江歸文正羅公皆躍起跣而出握手相勞苦繼以泣公談笑自若曰飢甚速具飯啖我合營皆驚喜歡聲如雷飯罷已元旦矣五年正月六日城賊出犯公擊斃二百有奇生擒二十有一又暗伏地雷誘賊斃百餘人其後戰屢捷而城終不下六月文正與公約會於青山文正謂宜移師東渡勦湖口及東流建德長驅直下公誓力破此城七月十八日傳令攻城忽患氣脫日中卒於軍年三十有九事聞 上震悼照將軍例 賜卹蔭襲如例許入

卷六上

六

城治喪 賜祭葬 予諡忠武公長身火色居平粥粥若無能及臨陣奮拳切齒口流沫若欲生啖賊者所乘鐵驢絕有力湘潭之捷殪賊酋所得也每戰不令士卒出已前度非勁健敵十人以上不使從他軍被圍或小卻必驟馬馳救背負火鎗一腰刀二手長矛及套馬竿各一技皆精絕無虛發每逼賊壘覘形勢比賊覺去已遠賊中驚以爲神公雍容退遜未嘗一自詡也天性忠孝自擢提督於左臂渥忠心報國字左右嘗以海燕窩進公愀然曰吾母夫人在都

不知能給朝夕否忍甘此邪深夜呼親卒絮語家事每至泣下偏裨小校直入內幄白事不俟傳宣治軍紀律嚴秋毫無所犯雜用兵勇皆得其死力雖號姦猾者隸公部下勇毅恆先人與最下卒同甘苦德化令進莞席以軍士皆卧草土御之及薨軍民逾時悲泣喪車過南昌所乘馬服鞍韉隨行將入城忽滿身汗溼人謂公靈實式憑云湖南江西及九江湘潭均奉旨建專祠公娶于氏生女一無子以弟子永承嗣而其弟莽阿布先一年戰死獨流軍中公卒後十

卷六上

七

年江南平曾公入覲天子詢名將猶首舉公以對當時與公齊名者惟羅忠節公澤南

中興將帥別傳卷六下

長洲朱孔彰撰

羅忠節公別傳

羅忠節公澤南字仲嶽號羅山湖南湘鄉人也少好學家貧夜無鐙讀書月下倦即露宿達旦年十九藉課徒自給喪母及兄嫂旋喪大父十年之中連遭期功之戚道光乙未湖南大旱饑疫作公罷院試徒步歸夜半斂門妻方以連殤三子哭喪明饑甚索米爲炊無有也年三十三始補縣學生又八九年乃以廩生舉孝廉方正所箸皆言性理書憂道不憂貧假館

卷六下

一

四方窮年汲汲與其徒講濂洛關閩之緒瘖口焦思大暢厥旨未幾兵事起湘中書生多拯大難立勳名大率公弟子也咸豐二年粵賊犯長沙縣令召公練鄉勇以備不虞明年春曾文正公奉命督治團練因與公講求束伍技擊之法晨夕訓練擊土寇于桂東禽逆黨于衡山其夏賊圍江西省城乃益募湘勇三千輔以劉公長佑新甯勇鎮軍兵檄公赴援南昌湘軍越境討賊自此始既解南昌之圍復破賊安福歸及衡州殲土匪於永興四年春湖北之賊大舉南

侵官軍失利於岳陽克捷於湘潭提督塔齊布公追賊至岳州文正檄公與李公績賓佐之公扼大橋遏其衝七戰羣賊崩潰岳州平初公合軍不輕出戰未嘗攻寇寇以爲怯塔公數激挑公公益閉壘不出至是開壁大戰羣弟子執兵爲前鋒陷陳皆以一當百大破賊遂以勇略著聞世稱塔羅李公績賓者公高第弟子也乘勝逐北連復三縣進駐江夏紫坊始文正約諸軍會紫坊後召諸將至金口議攻武昌公手一圖就文正決策言紫坊出武昌有二道一洪山大

卷六下

二

路一沿江出花園當以重兵勦花園分兵扼洪山防反竄諸將未決公請當其堅者身攻花園而令塔公出洪山文正從之時花園悍賊萬餘築堅壘三一枕大江一巔青林湖一跨長隄深溝堅柵列巨礮無數八月丁巳官軍水陸進攻公直趨花園賊憑木城轟拒公令軍士伏地進分兵奪賊船數十舟賊亂營賊亦亂乘勝踰溝三壘皆下明日攻鮎魚套賊營川勇卻公擊賊隄上隔溪不能救街口賊乘機出逼公奮擊敗之李公績賓由江岸回援又大敗之賊奔洪山

爲塔公所縛是夕賊棄城遁已未武漢二城皆復距會議時七日耳賊旣東奔追及於興國大勝於田家鎮公提卒二千禦數十倍之寇蹙之江濱望石墜崖死者萬計而水師亦斷江鑊鎖燔賊舟數千當是時公名震天下前此積功已至道員戴花翎至是有甯紹台道之命加按察使銜旣而引兵北渡克廣濟黃梅賞葉普鏗額巴圖魯名號又引兵南渡攻圍九江進規湖口賊堅守不可遽下適會水師分兵入宮亭湖江上之軍不利湖北諸軍屢敗賊自黃梅長

卷六下

三

驅西上武昌再陷公太息深憂歎世變之未已益討部眾而申儆之或解說周易以自遣曾文正以撫陷入內湖水師赴南昌留塔公攻九江屬公以兵從賊陷饒州弋陽公率李公績賓蔣公益澧唐公訓方劉公希洛赴援大戰弋陽克之又攻拔廣信以其間收復德興景德鎮東路甫定西路義甯復陷公赴剡示形杭口暗進鼇嶺屯高峯以瞰敵設三伏以要之四戰斬馘萬餘遂克義甯詔加布政使銜公以爲江西之事轉戰無已時如坐甕底因此無益大局乃上

書文正曰武漢者東南之樞紐也形勢百倍於潯陽今兩城復爲賊踞而崇通羣寇出沒江西湖南緣邊驛騷欲制九江之命必由武漢而下欲解武昌之圍必由崇通而入文正然之乃奏派公回援武漢而以彭君三元普君承堯所部寶勇隸公又令劉公蓉佐理軍事九月進攻通城悍賊萬餘人見官軍至突出薄之公令軍士席地坐無譁待賊逼大呼奮擊斬賊將三人乃崩潰明日破城外三營奪門入克之進攻桂口令會攻通城之李原潛何忠驂等率平江勇駐

卷六下

四

守而自率所部克崇陽尋以分兵攻梯木山有濠頭堡之挫公整軍再戰復大捷進攻蒲圻克之遂復咸甯自是武昌以南無賊蹤而逆渠石達開自崇陽乘虛入義甯江西賊勢日棘矣十一月師抵紫坊與巡撫胡公林翼會合又會提督楊公岳斌於金口商進取策定議公率湘勇從東路壁洪山胡公從中路壁城南隄上而令九溪營屯金口爲水師犄角時賊於武昌城外築堅壘十三高者與城埒公至方修壘胡公亦至悍賊二萬從十字街出胡公擊卻之數卻數

進與李公潛師出賽湖隄分兩路繞抄胡公所部見湘勇至佯敗走賊追之旋反擊則公等已出堅壘北遂破十字街賊營盡殪追賊無脫者於是賊皆縋城入盡毀城東南賊壘造浮橋於鮎魚套進攻八步街以奇兵逼望山門襲賊壘後立平之於是西路賊亦盡尋攻塘角賊毀漢陽門外一壘焚其船廠殲賊千城賊由竇出截我軍後路公與李公夾擊之又殺賊數百環西北城賊壘皆盡是夜賊於望山門外葺石壘二我軍蹋平之李公出窰灣截賊餉道賊七八千

卷六下

五

人由塘角沿湖下抄其後公令劉君騰鴻等出洪山之東自率中營出洪山之西夾擊之殄賊千餘賊自此閉城不復出六年正月公率中營移屯洪山絕項後右各營壁南岡賊乘夜襲中營摩壘矣我軍築石投之登者皆殪嗣是每夕輒至公設伏斬級四百賊始不敢復襲營二月公分軍扼窰灣賊出爭大戰小龜山斬級六七百遂以二營駐其地明日賊由武勝營出萬餘人與我軍戰隄上殲賊數百公追至城下繞城審視賊不敢出是夜有大星隕於西北三月朔

大霧城賊出公親搏戰左額中鎗子歸而創劇日夜危坐不寐語喃喃皆時事口占忠義祠楹聯使人書之忽開目索紙筆仰臥書曰亂極時跼得定纔是有用之學至八日病不能起汗出如瀋握胡文忠手曰武漢未克江西復危不能兩顧死何足惜恨事未了耳其與迪庵好爲之迪庵李公續賓字也語畢而瞑春秋五十公貌樸氣沈究心性理之書通知世務期見諸施行在軍毅然以滅賊自任所部將弁皆其鄉黨信從者半屬弟子初援南昌時戰死城下有諸生

卷六下

六

謝邦翰羅鎮南易良翰羅信東戰死岳州有鍾近衡鍾近濂忠義憤發雖敗猶榮其後王公珍李公續賓續宜蔣公益澧劉公騰鴻威名震天下皆公弟子皆稱名將文正有言曰矯矯學徒相從征討朝出鏖兵莫歸講道理學家門下多將才古來罕有也前後克城二十大小二百餘戰其臨陳以堅忍勝如其爲學或問制敵之道曰無他大學知止數語盡之矣左氏再衰三竭之言其注腳也死事狀聞 優旨照巡撫陣亡例 賜卹父嘉旦 賞頭品頂戴子兆作兆升

並 賞舉人 詔湖南湖北江西各建專祠 賜祭葬 子諡忠節同治元年 詔湖南巡撫遣官卽家賜祭一壇三年克復江甯 特旨加雲騎尉世職所著有周易附說一卷讀孟子劄記二卷西銘講義一卷人極衍義一卷姚江學辨二卷小學韻語一卷詩文集八卷行於世 皇輿要覽稿藏於家 評曰湘潭大捷 中興平寇之功始此忠武忠勇根於性天非曾公孰能知之長驅東下忠節齊名絜諸弟子而舉義旗克成偉烈世稱名將實道學人也詩

卷六下

七

曰起起武夫公侯腹心忠武有焉傳曰臨事而懼好謀而成忠節有焉

塔忠武公部曲

童公添雲字鎮銘世居平江以貧偕弟必發走長沙入撫標充戰兵遂為長沙人饒呂力能開五石弓射必命中道光廿二年西夷犯順公從果勇侯楊芳出師廣東夷用礮攻城有營將在城外楊侯欲調入礮彈雨下不能行募敢死者持令縋城出公應募少選兵皆入城楊侯奇公 賞六品服咸豐二年粵賊圍長沙公與弟必發從守城圍解公語人曰吾觀諸將中惟都司塔公千總彭公是將才餘子皆錄錄也塔

卷六下

八

卽忠武公塔齊布彭卽勤勇公三元時人皆未之知會塔公練標兵公隸其戲下茶陵土寇起塔公率所部進勦命公解火藥期三日公踰宿卽至咤曰何速也公曰遲恐賊隔四年三月賊陷湘潭塔公帥標兵及寶勇拒戰公與弟必發從時賊踞城外民塵塔公好輕騎覘賊公兄弟隨行塔公策馬入黃龍巷必發先驅巷狹而長甫入賊數十突出攢矛刺塔公必發急以背受之中肩以巷狹故塔公得跳而免必發死之越二日師大捷湘潭平擢守備或賀之公憤然

曰賊戕吾弟吾雖官至一品弗願也但願生啖賊肉耳何賀為從克岳州擢都司克武昌擢游擊 賞換花翎克興國大冶暨黃梅廣濟破賊田家鎮擢參將公身長面赤色額以下痘癍如錢目炯炯若巖下電每橫矛陷堅陳槍丸如雨不稍卻賊見其旗輒相語曰童麻子至矣則皆走五年十二月攻九江城礮傷胸昇歸營卒公善撫士卒賞賜無所吝故後發其笥惟衣數領而已同營皆哭失聲 詔贈副將 予諡壯節 賞世職附祀塔忠武祠

卷六下

九

彭公三元字春浦善化人繇武進士歸湖南撫標試用補千總咸豐二年賊犯長沙募勇助勦圍解擢守備明年曾文正公奉 命治團防檄寶慶守魁聯募寶勇千人赴行省而以公及都司普承嘉分將之會江西泰和土寇竄茶陵安仁公從塔公往勦平之擢都司公所部遂隸塔公戲下四年從破湘潭 賞換花翎師抵巴陵又破賊于新牆於是寶勇以敢戰聞八月克武漢公扼洪山功最晉游擊塔公與羅公澤南分道進攻興國大冶羅公軍單塔公命公率所部

輔之九月復興國乘勝破半壁山賊巢沿江追賊皆以寡擊眾賊死亡算論功晉參將又克黃梅廣濟攻孔龍驛躍入賊土城擒偽丞相余福勝塔公歎曰彭某一身都是膽也大軍南渡攻九江未下武昌復陷塔公卒于軍曾公命公及曹承堯兩營副羅公回援武昌既克通城崇陽會湖南防軍敗于羊樓崗羅公分兵爭羊樓崗而與公及湘副中營李杏春駐崇陽時偽總制楊萬年踞梯木山擾濠頭堡堡人乞援公與杏春率所部進勦入山然其巢將回軍偽翼王石

卷六下

十

達開大隊突至眾寡不敵公連戰傷墜馬遂遇害李君杏春亦死之將戰之日公所乘馬忽蹶三上三墜眾以為不祥云先是有旨命曾公舉堪勝總兵之員曾公以公及楊公載福應詔疏入公已殉節矣 詔贈副將 賜祭葬 予諡勤勇 賞世職附祀塔公祠與童公彭公同隸塔忠武軍戰歿者尙有何副將有志

何副將有志安徽黟縣人咸豐間以武生客游湖南獻軍帳十謁塔公願效力行閒塔公壯其志授三百

人從征討克武漢平沿江賊壘常為先鋒陷陳積功擢都司加副將銜賊酋林啟榮堅踞九江塔公百計攻之一年未下五年冬傳令攻城何君受槍傷其弟自黟往視曰童公忠勇且死吾死何足惜恨不得共食林賊肉耳月餘卒卒時子財數歲余僑寓黟之北鄉鄰二都何家故知何副將死事世人莫知也

卷六下

七

羅山弟子目錄

王珍字璞山湘鄉人諡壯武

李續賓字迪庵湘鄉人諡忠武

李續宜字希庵續賓弟諡勇毅

蔣益澧字薌泉安福人諡果敏

劉騰鴻字峙衡湘鄉人諡武烈

右弟子五人皆名將自有傳

鍾近衡字苔洲

鍾近濂字楚池近衡弟

卷六下

三

易良幹字臨莊

羅信東字介山

羅鎮南字曉春

謝邦翰字春池

右弟子六人皆戰歿綴其事於後

鍾生近衡少端慤師事羅忠節公澤南與聞宋儒飭躬克己之緒自立課程日注言動見聞于册有過則立起自責如疾疢之在躬必去之而後快忠節公亟稱之嘗語劉公蓉曰吾門為己之學鍾生其庶幾乎

咸豐三年粵逆由長沙長驅下竄湖南郴桂間土寇

乘之起忠節公率湘軍往勦君與王壯武珍從之事

平敘從九職四年金陵逆酋復分黨上犯岳州壯武

承巡撫駱公檄增募湘軍六營禦之於是君與弟楚

池各領五百人二月賊前鋒已掠靖港去長沙僅三

千里君率所部從壯武捲旗晨趨一戰破之乘勝逐

北日蹕百餘里三月七日及之於蒲圻羊樓司猝遇

大隊壯武前軍失利君陷圍中力戰死之從子慎閣

禹庭亦歿于陳壯武收合餘燼退保岳州賊又大至

卷六下

三

楚池亦戰歿蓋一門從難者四人好義之士所不忍聞也後胡公林翼奏請君兄弟從祀羅公祠 詔曰

可

易良幹與王壯武珍有葭莩之親壯武與弟開仍書云昨見妹倩易臨莊有儒雅之度自言年已及冠學問一無所成恐遂終於淹沒欲藉子為階主見羅先生後從征戰有功咸豐三年與羅二生信東鎮南謝秀才邦翰從忠節公援江西戰死南昌城下曾文正公歎曰湘中子弟敢深入雖敗猶榮官兵弗如也時

夏公廷樾將中軍謝秀才邦翰將左軍忠節公將右軍邦翰死李忠武續賓將左軍其初三百六十人為一營忠節公將中軍王壯武珍將左軍羅秀才信南將右軍皆湘鄉人

王開仍字心牧珍弟

朱宗程字鏡橋

康景暉字斗山

羅信北字鏡堃王壯武丁巳秋復羅君書云論粵賊氣所動尤為精粹珍謹佩而力行之不敢忘

卷六下

十四

翁實登字雲窗

易良翰字芝生

潘鴻燾字伊卿

左樞字夢星

羅信南字雲浦

楊昌濬字石泉

右弟子十人不盡從征戰頗有時名並錄之

儲忠壯公別傳 伍去鑑

儲公致躬字石友湘鄉人以諸生從戎為曾文正所識拔令統一營屬公物色豪傑可共大義者咸豐三年九月廣東寇犯宜章公與周鳳山共拒走之十月常甯土寇圍藍山公與張榮組破之文正嘗與王公珍書云儲君自是忠節中人僕已深信之矣四年二月寇陷湘陰西從陸道犯甯鄉文正自衡州率水陸大軍浮湘東下聞寇至甯鄉遣公往援公雨雪步進欲與寇爭城未至縣十許里縣故無城垣寇已據治

卷六下

十五

所官走免眾議止待後軍公奮然曰自軍興寇破城百數皆待其休息或飽掠棄去耳今舍營兵起義勇柰何聞警咨起即部分其五百人分三道鄉甯鄉寇方散掠遂乘攻之市中寇各求門出走公止營郊外休士會食而躬率十餘人行衢巷撫難民寇先出者不知官軍至方還縣見街中橫尸大驚復出東門乃反遇公公遽前搏寇殺傷數十人寇來益眾公及十八人俱戰死寇不知主將死奔相告曰此來者以數百人敗數千眾今止營待後軍不可當也即夜引去

甯鄉人見其戰狀皆感泣即日爲立祠公先已敘同知死事聞 追贈道員 子諡忠壯其後甯鄉復被寇文生伍宏鑑復戰死

褚廉訪別傳 夏鑾 何南青

褚君汝航字一帆廣東人也咸豐四年曾文正治水師于衡州奏徵右江道張敬修統率戰船不果來君以知府奉檄代敬修文正一見深器之命君總統十營與夏君鑾在湘潭監造戰艦皆精堅勝于衡州所製戰艦成募水勇君任教練之事勦三才鈔尾陳皆

卷六下

十六

有精意二月賊陷岳州君率水師至湘陰賊退走岳州復三月北風大作師船多壞會賊復上陸軍挫于岳州文正令師船迎救救出王公珍一軍九百餘人退保長沙及塔公與賊大戰湘潭文正令水師往援賊船方順流下君據上風縱火焚獲甚眾明日復戰君手大鼓督陳彭公玉麟楊公載福乘三版往來礮雷鳴湘波爲之鼎沸焚賊舟三百餘遂克湘潭六月渡湖君與夏君鑾彭公楊公爲前隊何君南青蘇君勝爲先鋒遇寇湖中分五隊迎戰燒沈賊舟百餘奪

舟三十四岳州賊遜君擢道員加按察使銜七月庚子敗賊城陵磯癸卯又敗賊道陵磯時將後隊總兵陳輝龍遊擊沙鎮邦道員李孟羣皆自粵中來水軍勢盛輝龍至南津聞前隊戰勝輕寇順風猛進舟膠于淺寇伏舟出君赴救與夏君鑾沙君鎮邦皆戰死輝龍亦死事聞 賜卹如例文正謂君條理精密訓練有法惜其再遇寇卽以身殉悲夫有孤兒文正送五百金卹其家

卷六下

十七

夏君鑾字鳴之江蘇上元人倜儻有志節工詩善畫道光辛亥以諸生從軍粵西論功以訓導用咸豐三年曾文正治鄉兵檄鑾與山西知府褚汝航赴湘勦造水師礮船凡器械之屬及湘軍營制多鑾手定而以暇訓練之既成軍捷湘潭克岳州功俾最保至同知 賞花翎加運同銜四年七月城陵磯之敗陳輝龍戰船膠淺君赴援血戰陷陳死年五十三 賜世襲雲騎尉 何君南青湖南湘鄉人曾文正公勦水師君以諸生領二十校爲向導咸豐四年六月從褚公汝航渡洞

庭君先以師船誘賊至城陵磯佯卻賊出追截擊敗之焚賊船百餘保訓導後與夏君等戰死 賜雲騎尉世職

評曰湖南始練鄉兵曾文正公所亟亟求者大抵皆忠義憤發之士非以利動也故書生即戎其敢戰勝于勇悍愚夫然往往邂逅遇害功未列於 朝名未顯於世可勝道哉

中興將帥別傳卷六下終

卷六下

十八

中興將帥別傳卷七上

長洲朱孔彰撰

楊勇愨公別傳

楊公岳斌初名載福字厚盦湖南善化人也咸豐三年以外委帶湘鄉練勇曾文正治水軍拔為營官岳州之敗水陸潰退獨公一營拒戰始得收眾湘潭陸軍克捷公率二營助戰焚寇舟數百寇溺死以千計湘潭城遂復當是時水軍別攻賊靖港敗還省城大震得湘潭捷書至乃大定曾文正重整水軍四年六月甲午渡湖公與彭公玉麟為前鋒彭公伏船君山

卷七上

一

公伏船雷公湖鈔寇連戰皆勝焚賊舟百數十奪舟三十四大礮十三進屯南津寇來攻敗之追奔七十里奪寇大舟七十六自是寇不復上復攻雷鼓臺賊依崖自保進攻多傷會莫軍士思公曰今退我船不滿百寇十倍我敗矣非冒死出奇不得免躬乘三板衝寇屯直下竟燒寇後舟寇爭還救乃大亂因縱擊沈賊舟無算公自此以勇略名會總兵陳輝龍將後隊至南津聞公戰勝以為寇不足破因順風攻城陵磯公謂不可行順風難收軍不從遇賊伏舟竟敗

沒知府褚汝航同知夏鑾遊擊沙鎮邦皆戰死水師
損失大半而公軍獨完七月城陵磯寇將遜公要擊
悉平兩岸礮臺搜螺山到口入黃蓋湖還收嘉魚復
蒲圻遂會湖北軍進屯金口公復衝寇屯攻塘角至
於青山寇礮轟擊三版人皆露立權船徐進有俯首
避鉛丸者眾目笑之以爲大恥寇從城上望見相顧
失色絕而逃者日殺百數不能止明日武昌漢陽皆
復下江屯寇聞之兇懼以水軍不可與爭鋒則據江
險悉眾屯田家鎮十月大破賊於田家鎮公直進至

卷七上

二

鄔穴與彭公縱火焚賊舟適東南風大作賊船四千
餘皆盡伏尸數萬於是湘軍水師名天下
文宗采其戰法手詔宣示江南北諸水軍公先克岳
州擢遊擊克武昌擢常德協鎮至是擢總兵然水師
太銳旣屯九江城外前隊三版逐利入鄱湖賊柵湖
口不得出外江軍無小艇爲賊所襲時公養病鄔穴
聞敗馳救莫及羣賊上犯武昌漢陽復陷曾文正令
外江水師悉回援武漢胡公林翼重整軍資公回岳
州增募共十營五年五月會屯金口屢破賊彭公已

赴南昌文正奏令統內湖水軍公統外江水軍六年
詔補鄖陽鎮總兵公進屯沙口沙口者距武昌下
遊三十里公念寇舟來則依岸而其上下皆乘風船
礮制法同官軍與我共長江恒避戰終不可勝宜深
入襲燒之則募壯士駕千石大船實硝黃蘆荻施火
綫約日待近賊而發發則登三版以自救且急歸應
募者三百人其夜公設酒具五俎之食饗三百人躬
自行酒勉之曰成功歸者人犒百金有官者超兩階
白丁拔六品實職三百人權颿遂行逼寇舟南岸芻

卷七上

三

屯火發皆自躍登三版或傷火及墮水死者四十餘
人皆鼓權還公親迎勞願賞自是寇舟能戰者皆燼
火藥衝寇空中墮江水及岸相積於是前軍游擊直
至黃州寇不復上旬日間轉戰千里擊燬賊舟六百
餘奪賊糧火藥以資軍用巡哨船掠巴河蘄州揚兵
九江城下寇震駭援絕武昌漢陽坐困矣十一月二
城同日復又復武昌縣及黃蘄焚鄔穴龍坪小池諸
寇舟奪大小戰船五十八捷聞 詔擢湖北提督七
年八月拔小池九月會彭公克湖口於是內湖水軍

復合於外江乘勝奪小孤山攻彭澤克之公率前鋒至望江望江寇遁遂復東流過安慶舍城不攻攻樅陽壘破之又破大通壘復銅陵下至峽口見船檣林立偵者言此紅單船定海總兵李德麟所將也公往見紅單船上人皆聚觀詫此軍從天而降其將因言方攻泥汊懸賞萬六千金攻七月堅不下明日公令部將李成謀攻之不半日平其壘燬其舟於是自九江至銅陵江面肅清 詔授水師提督明年會陸軍克九江要逃寇盡殲之 賞黃馬褂無何克東流建

卷七上

四

德賊酋韋志俊率眾萬人以池州降公簡精壯三千餘遣歸籍十年六月公奏令江南水軍李德麟等還守鎮江分軍屯大通徽甯之陷也總兵周天受死甯國甯國餘民保南陵總兵陳大富血書求援曾文正令水師赴其急謀拔出城中軍民棄城不守公念孤軍深入必俱危會秋雨江漲躬率四營揚言攻蕪湖時寇方於南陵作壘斷北港以困城中蕪湖久無備偵水軍出度南陵不通舟即夜俱下赴蕪湖公宿魯港半夜令曰視吾船所向而進先者斬旦令兩營屯

港口已登三版令舵師曰往救南陵諸將皆驚疑以統帥先則繼進港左右寇小屯三四處愕出不意走保城下大壘壘寇大半赴蕪湖我擲火則皆出走公敏城門呼大富曰今奉令拔城中居民可急裝入船令戰船軍士皆步循隄退民老弱先壯者後戰船軍後公殿半日悉發逃寇走報蕪湖蕪湖眾還已莫矣寇呼譟來追公獨持矛立隄上眾不敢逼比出港而蕪湖寇將舟至方與留防軍楊占鰲等相持見大隊船浮港下亦退走於是拔出軍民萬餘人遷於東流

卷七上

五

安慶之圍曾公國荃將萬人濬前後濠引江水浮戰船互相倚賊酋陳玉成患之乃於菱湖北作屯以通集賢關且作浮橋通城公率舟師破其屯遂克安慶 賞雲騎尉世職同治元年攻克西梁山渡江克魯港時彭公屯濡須公屯蕪湖日奪東壩寇來舟明年夏與彭公合陸軍攻九洲洲收江浦克浦口賊屯九洲洲者為江甯對岸重鎮寇築堅城以遏長江集戰艦巨礮數百護之自寇據城向公榮和春公師至洲寇以全力走江北及甯國以誤我及曾公國荃欲合

圖而都興阿公馮公子材日言九洑危險 朝議憂
疑舍山之再陷也降人李世忠負敢戰名以三萬眾
扼九洑不勝故洲上寇壘愈高堅賊以爲官軍不能
攻於是彭公陳船上流分二隊南從秦淮向下關北
繞永安洲向草鞋夾更列軍爲南北後應公自督戰
以枯荻灌油燒屯舟因燒旁壘八襲燕子磯破之總
兵胡俊友中礮死洲寇不出公遣軍伏叢莽中掘洲
埂分船夾洲上下更列軍向城中關拒援寇乃散遣
三版遶洲伺隙則登寇分三隊發火槍傷死者數百

卷七上

六

人至夜公令曰洲破乃還師不者傳餐而戰部將喻
俊明成發翔王吉任星元更番夜攻或有乘暗得登
洲者眾謀而登皆冒礮爭上踐尸而進人忘其死九
洑洲竟破萬餘寇無一脫死者獲馬三百餘匹捷未
上江北爭飛書相慶 詔問狀且訝其速克焉會安
徽巡撫奏調淮揚軍 詔令公往曾文正以長江事
重大留公旋克滄溪鎮逼高瀆降寇守將遂收固城
鎮克東壩降建平溧水寇將解散萬計三年四月曾
文正奏令彭公駐九江以上控湖北公駐金陵控江

南北浙江巡撫左公宗棠密薦公才任封疆當是時
浙江寇竄江西 朝廷命公督師江西兼防皖南未
幾拜陝甘總督之 命江甯平加太子少保一等輕
車都尉世職公乃督陸軍之任時陝甘糜爛公掃蕩
而前未清後路先入蘭州奏曰臣抵甘後因兵餉兩
絀原欲就現有兵力以圖進取自陶茂林軍潰於前
而兵不足雷正綰勇變於後而兵愈不足是以不得
已而有增兵之請乃周達武因進剿番匪而不克來
蕭慶高因防守陝邊而不果來而鮑超則調赴江西

卷七上

七

矣李鶴章則奏留江南矣蔣凝學則請假回籍矣金
國琛則因事留皖一時未能赴任矣鄰省既乏援師
而東南各軍之準調赴甘者又復不能應手現在河
狄之賊擾於南平固之賊擾於東甯靈之賊擾於北
涼肅之賊擾於西幾於不勝防不勝防臣若株
守省城則飢軍終成坐困若出省剿辦則根本時虞
動搖後至慶陽討回雷其幕府節節署旁設精臺調
軍食值兵荒耕作久廢轉饋道塞蘭州斗糧百緡市
無可糴民飢相食督標兵因飢而變幕府及壯士外

者百數十人公聞變馳歸盡殺叛兵而事定在任二年稍稍補救竭力撐持而未奏大效乃引疾歸上命左公接統軍務六年家居養病八年春至蜀訪鮑公超猶悔隴事黯黯思更一奮澠池之翼然已老矣後詔公與彭公共巡長江因病不復出事專於彭公光緒十年法越肇慶詔起公幫辦軍務公率師入閩由泉州附漁艇渡臺灣與巡撫劉銘傳籌戰守和議成還湘後八年卒於家湖南巡撫以聞賜卹如例子諡勇懋子三長正儀襲輕車都尉官福建

卷七上

八

糧儲道公貌樸氣沈臨敵以無懼為主在江南大小數百戰未嘗少挫初造戰艦試避鉛丸法用魚網簾牌編髮為甲皆不驗公乃盡屏弗用露立三板披檢當礮石賞罰明而號令嚴故公與彭公督陳軍士皆惴惴莫不用命時偁楊彭胡公嘗歎曰楊公年三十九而有衰老之容蓋多年血戰精采消亡故也至其病不言勞功不言賞誠今世所罕覩云

中興將帥別傳卷七下

長洲朱孔彰撰

彭剛直公別傳

彭公玉麟字雪琴其先世籍江西太和明洪熙時遷湖南衡陽所居曰查江父為安徽合肥縣梁園巡檢母王氏賢明有識鑒公生於梁園巡檢司署年十六從父還查江舊居父卒為族人所慧母命出避禍入城居石鼓書院無以自給投協標充書識支月餉視馬兵衡州知府高公人鑑善相士見公奇之使入署讀書衡陽應童試千人入學不易縣試羣擬公第一

卷七下

一

案發第三令召入見曰以文論汝當第一今乃太守意也太守曰彭某異日名位未可量然在吾署中讀書若縣試第一人必謂明府推屋烏之愛耳是其終身之玷矣公聞而深感之是歲竟不入學又二年始隸諸生籍道光末新甯民李沅發反發協標兵捕討公從大軍戰金峰嶺擒李沅發上功總督誤以為武生拔補臨武營外委賞藍翎公辭歸衡有富人啟質庫於耒陽請公董理之歲入數百金悉以周人之急時粵寇由永安北犯將掠耒以趨衡公入見耒令問

計將安出令曰吾請兵餉無一應奈何公曰何患無兵餉城中百姓募之即兵吾質庫中有錢數百萬即餉令喜曰吾以屬君於是公募勇數百人多製旗械守城寇知未有備徑趨長沙公由是知名曾文正治水師於衡湖廣求奇士常君儀安薦公有膽略文正屬佐弟靖毅營務靖毅又亟薦之語在靖毅傳中水師立以公與楊公載福分統焉咸豐四年二月水軍發衡州不利引還而公以孤軍留西湖中文正涕泣謂必死竟全師而還復議悉水師之眾先攻湘潭公

卷七下

二

請先行望湘岸連檣皆賊舟多輜重少戰艦公計士卒爭利必亂乃分營攻其首尾自攻其中縱火焚之賊死無算城賊亦遁敎功以知縣用戴藍翎其年秋公與楊公旁湘東下公從君山楊公從雷公湖張兩翼先以小舟誘賊賊舟出鈔其後燒百餘舟賊退保雷鼓臺攻之不克公與楊公乘三板衝入賊中鎗丸傷指血淋漓進益猛燒其坐船賊遂潰會陸軍連戰皆捷遂至沌口謀攻武昌公曰宜渡江先燒其屯自塘角至青山賊舟悉燬遂復漢陽武昌水師之力為

多羣寇乃下保田家鎮依半壁山夾江為五屯連舟斷江纜以鉄索大鎖布木為筏置大礮焉又護以礮船望之峨然水師下攻之則為斬州江岸之賊所撓公麾師船掠斬直下分軍為四隊頭隊悉令具鑼鑼椎斧之屬哨官孫昌凱故鑛工也方鼓棗吹埙有小船視筏下劣容舫試入之竟渡二船呼曰鉄鎖開矣賊愕亦呼驚走墮水擲炬燒筏舟俱燼山上賊亦顛越坑谷屍相籍此一役也湘軍水師名聞天下公與楊公旋至鄔穴養傷而別將蕭捷三黃翼升率水

卷七下

三

師由湖口駛入姑塘為所扼不得出於是水師始有內湖外江之分文正既至南昌撫定內湖水師召公自助公時歸衡江西寇隔道不通公易衣為賈客草履徒步七百餘里達南康文正義之復領戰船破臨江賊壘會黃虎臣克建昌縣轉戰吉袁臨瑞建南饒廣間七年由知府擢惠潮嘉道文正奏公堅苦耐勞有古烈士風堪勝總統水師之任明年湖北水陸軍下圍九江攻湖口賊扼石鐘山遏內湖之軍不使得合於外江公率全軍分三隊出戰賊於石鐘山置巨

礮適當我船之衝傷十餘船矣或諫公曰今驅士卒與飛火爭命徒死無益公泣曰不度此險終無生理今日我死日也義不令將士獨死鼓櫂赴之賊礮乍裂於是我舟銜尾直下與外江合歡聲如雷陸軍應之進奪小姑山復彭澤遂克九江十年賊復圍湖口公赴援舍舟登陸兩立數日夜力戰卻之明年授廣東按察使時曾公國荃攻圍安慶僞英王陳玉成率悍賊三萬來援營於菱湖公勅立飛划營擡划船入湖合陸軍大戰毀其壘遂克安慶俄授公安徽巡撫

卷七下

四

公上疏三辭於是改公提督又以武職望輕改兵部右侍郎同治元年水陸進攻會曾公陸軍克銅城開復巢含山和三城又襲破雍家鎮玉溪口諸要隘克西梁山進次采石陸軍遂逼金柱關公分水軍為三一隊守溪一隊衝入內河一隊輦礮登岸環城轟擊夜半射火箭焚其西門輟樓賊從火燄中逸出積骸滿渠遂克金柱關東梁山亦下又復蕪湖陸軍遂進攻秣陵關公率水軍由烈山赴之會拔頭關奪江心洲蒲包洲進泊金陵護城河口陸軍遂進營雨花臺

規金陵二年五月攻復江浦浦口兩城乃議攻九洲洲九洲洲者在江心驚湍急浪中賊築壘數十列舟環之為金陵犄角又有關江磯草鞋峽七里洲燕子磯中關下關諸隘相倚以為固公會楊公先破南岸諸隘明日味爽兩岸並舉人皆死戰賊在中關者竟不為動戰至夜公選精壯四十人持短兵懷火蛋令總兵成發翔率之登岸於黑霧中潛燒賊壘諸將蛾附而上遂破九洲洲語具楊公傳中於是金陵僞都糧絕論功 賜黃馬褂三年六月克江甯 詔賞公

卷七下

五

一等輕車都尉世職加太子少保銜初公進一階每欲引退文正曰俟賊平後當為陳奏遂范少伯之高風至是歸田明年 詔署漕運總督再疏辭官 上鑒其誠許之乃與文正奏定長江水師之制自荆岳二州至崇明縣五千餘里設提督一員總兵五員以六標分汛營哨官七百九十八員兵萬二千人月餉及雜費銀皆取給長江釐稅不煩戶部公在軍垂二十年初時軍餉奇絀公商於鹽政細鹽自賣以供一軍之餉今既有額支實款乃以所領鹽票犒諸將領

之有功者而歷年餘存鹽銀無慮六十萬咨明兩湖
兩江各督撫發南北兩鹽道生息存爲長江水師公
費且以備外患一無所私公疏言臣以寒士來願以
寒士歸又言士大夫出處進退關繫風俗之盛衰臣
墨經從戎志在滅賊賊已滅而不歸近於貪位長江
既設提鎮責有攸司臣猶在軍近於戀權改易初心
貪戀權位則前此辭官疑於作僞三年之制賢愚所
同軍事已終仍不補行終制涉於忘親四者有一焉
皆足傷敗風俗天下之亂不徒在盜賊而在士大夫

卷之六

六

進無禮退無義臣豈敢稍犯不韙以傷 朝廷之雅
化古來臣子往往始有建樹末路隕越由精氣竭也
臣每歎其人不能善藏其短又惜當日朝廷不能善
全其長知進而不知退聖人深戒之乞開臣兵部侍
郎缺回籍終制疏入 報可公既歸以查江舊居久
圯卜郡城東岸作小樓自居顏曰退省庵時往母墓
及查江家廟布衣青鞋不設輿衛補制滿竟不出種
樹灌園有終焉之志而自公之歸長江水師規制浸
弛弁勇至橫行遮民船咸謂水師可廢 詔復起公

視師公一出劾罷營哨官百八十二人於是江湖肅
然旋入覲 命署兵部右侍郎 賜紫禁城騎馬
大婚充宮門彈壓大臣然公不耐服官未數月再疏
力辭 帝許之仍命每年巡閱長江專摺奏事公奏
定巡閱章程一歲自上游本籍衡州出巡至江浙度
歲一歲自下游江浙出巡至衡州度歲於浙江西湖
築室三楹亦名退省庵爲下游事竣休息之所常輕
舟小牒往來儵忽不獨將佐畏之如神即地方有司
亦望風震懾民閒諸不軌之徒作姦犯科慙不畏法

卷之七

七

者輒相驚曰彭宮保來駭瞿奔觸伏不敢出台州賊
金滿束手來歸威聲震動數千里他帥莫與比也
朝廷知公廉直凡有大事輒以屬公如兩江總督左
公宗棠劉公坤一湖廣總督涂公宗瀛兩廣總督張
公樹聲皆 朝廷倚重大臣經言官劾奏皆命公察
覈光緒七年 詔署兩江總督辭九年補兵部尙書
辭不允法越戰事起 命公赴廣東督辦海防公調
湘軍四千由海道往自由衡州單騎入粵審度形勢
以虎門爲第一重門戶由虎門而進左則漁山珠山

是爲北路右則海心岡大黃滬是爲南路公無事駐
大黃滬有警駐虎門時議以虎門遼闊難守不如退
守黃浦公察虎門以外卽零丁洋大海浩瀚無涯屈
曲清流止一綫無論颿船輪船必循此一綫而進進
必經沙角山下發健兒鑿山石爲礮洞兵隱其中敵
不得見十三年民間爭傳夷人將以明年正月犯粵
公自駐山上令莫夜不得有一舟入口至除夕有舟
入發礮擊之帆桅俱斷於是遐邇咸知所守實扼險
要其後法兵窺福建臺灣浙江口岸而虎門不敢近

卷七下

八

虎門以外尙有橫門厓門及虎跳磨刀諸門可繞至
省城之右公編沙戶漁船數千梭分守焉瓊州者近
接越南尤夷所必爭乃令道員王之春往議者徒謂
公以平素威名懾服夷人而不知規畫周詳如此初
議和公抗疏力爭謂有五不可和法夷無端生釁不
加懲創遽與議和不可者一法夷未受懲創而請款
是必中藏詭譎不可者二法夷不索兵費但求越境
通商恐將來必有十倍取償於後者不可者三以外
強中乾之法夷不問其罪降心就和諸夷必環向而

起不可者四雲南物產富饒爲西人垂涎若與議款
必許通商廣傳邪教以張羽翼一旦竊發將何以支
不可者五又言有五可戰揣敵情而可戰者一論將
才而可戰者二察民情而可戰者三採公法而可戰
者四卜天理而可戰者五凡策夷事悉具奏議語多
故不載無何和議成罷兵公自粵歸衡累疏乞休皆
慰留至十四年始開兵部尙書缺巡閱長江如故又
二年卒年七十有五 子諡剛直一子先公卒有孫
四人公剛介絕俗有豪氣善飲常病咯血而酒不廢

卷七下

九

中年黜妻屏子無姬侍惟一老兵給事其旁遇部
下舊將若布衣昆弟而紀律極嚴巡江時安徽有候
補副將胡開泰召倡女飲使妻行酒妻不可殺妻湖
北忠義營營官副將譚祖綸誘奪友妻用計殺友治
兩獄者久未決公召至詰得實立麾出斬之軍中股
栗沿江民人呼冤者捕殺無不當罪所傳非一事然
喜文士折節下交與桐城方宗誠瑞安孫衣言德清
俞樾湘潭王闓運平江李元度諸先生友善喜爲詩
下筆立就不輕與人通書所與者皆公手蹟數暢條

達忠義之氣溢于行間又工畫梅海內傳者過萬本云

評曰彭公清望邈焉寡儔氣凌霄漢矣楊公優於水戰與共助名然自將勝用將敗利東南不利西北事勢固殊也孟子有言吾善養吾浩然之氣其為氣也至大至剛彭公庶幾哉

卷七下

一

中興將帥別傳卷八

長洲朱孔彰撰

王壯武公別傳

王公珍字璞山湘鄉人也幼至孝母手生疽公吮之既敷藥血出如箭公號泣願天乞身代數日瘳人以爲孝感云二十四爲諸生從羅忠節澤南游忠節深器之咸豐二年粵寇入湖南境公上書知縣朱公孫詒請練民兵討賊朱公壯之令與羅忠節募鄉勇千人教練羅忠節將中營公將左營羅君信南將右營屯縣北馬坵埔防縣城其冬調入省垣會曾文正公

卷八

一

奉命治團練公益與文正講求仿前明戚繼光之法練習膽技號曰湘勇明年春巡撫駱公秉章命擊衡山土寇追及安仁滅之五月擊桂東賊至龍泉大破之秋廣東賊自樂昌陷興甯公簡死士百人疾馳三晝夜未明薄城塵戰禽斬殆盡復其城是時積功已擢直隸州知州賞戴藍翎會賊攻江西湖南援師失利死事者多公親舊公憤甚謁文正請增軍殄賊文正許之欲練萬人爲恢復中原計又以湖北急議令公援文正與書云足下義氣薄雲霄忠肝貫金

石望牽湘勇三千即日渡湖而北與岷樵石樵之師相合保鄂城固全局不特湖南受其利天下實有賴焉其倚重如此後鄂中解嚴不果行而公負奇氣語天下事甚易文正患之乃稍裁汰公所募勇於是公與文正議論不合文正東下公留防湖南由是公統二千四百人別爲一軍四年二月賊自武昌上犯入岳州湘陰靖港分黨陷甯鄉公敗賊靖港適儲公攻躬亦敗賊甯鄉賊下竄文正率水陸軍抵岳州三月公獨進剿崇陽通城師抵羊樓司驟與賊遇前鋒失

卷八

二

利退守岳州文正所遣將鄒壽璋屯城中謂公曰城空無食不可守也公弗從明日寇至戰不勝壽璋退保南津文正遣戰船迎師公縋城出城遂陷共出者九百餘人營官鍾近蘅鍾近濂劉恪臣等皆歿公與友書曰岳州之役喪我良友義士畢生大憾雖殲天下之賊未足消憤而抵罪後公每戰氣益厲心益慎以少擊眾百戰而無一挫遂偪名將號無敵其發憤基於此也是年坐輕進失利奪職四月文正水陸軍大破賊於湘潭賊分黨由甯鄉間道遯公在馬坵埔

奮擊追至通湖橋賊皆落水死既而駱公令帥勇五百人防郴州討平嘉禾藍山土寇會廣西賊萬餘人嘯聚桂林地接江華之領東巡撫檄公赴江華與守備周公雲耀協防閏月賊犯江藍廳之錦田擊走之九月恭城賊竄永明之桃川灌陽賊圍道州州牧馮公崑禦之糧且盡公及周公簡三百人赴援戰竟日賊敗遯公策賊必乘虛襲江華與周公晝夜馳百四十里先入城賊至迎擊大破之進擣桃川出龍虎關破恭城賊于栗木街回擊甯遠藍山圍城賊圍悉解

卷八

三

而江華永明賊復大至公同駐通州公兄勳率五百人來會復破賊龍虎關分軍駐錦田領東備粵寇又削平甯遠藍山嘉禾諸醜類南鄙略靖公復職賜戴孔雀翎五年逆渠朱孔英陷富川江華永明大震公及周公往援屢創賊會僞鎮南王胡有祿自連州入楚境與朱逆合攻永明公與周公協剿設伏敗之功最擢知府賊遯出龍虎關陷灌陽尋繇全州陷東安公與周公進攻東安城血戰四閏月拔之賊竄全州亡何胡有祿掠東安祁陽界公敗諸桐子山越日

禽有祿餘黨踞四明山又追殪之 詔以守巡道用別賊何祿自宜章陷郴桂及永興分黨陷茶陵將絳耒陽犯衡州巡撫檄公守衡命公兄勳增募千人公以五百人駐耒陽自帥千人攻桂陽再戰復之餘賊併踞郴城凡數十戰乃復遯者尙萬人公會鄉團追剿十二月五日戰黃沙堡追至兩廣墟賊方食軍乍至奪其食而殲之先是朱洪英寇新甯爲邑人劉公長佑所敗竄永州界周公雲耀連敗之及回粵復糾黨來攻永明知縣逃周公力戰死城遂陷方公之攻

卷八

四

柳也逆渠蕭元發率賊七千有奇攻桂陽爲鄉兵所敗竄入甯遠九疑山參將趙公永年追擊遇害遂陷江華與永明賊相犄角公進戰復永明六年正月復江華窮追至連州境盡殲之朱逆跳走二月戰西岸三月屢捷于陽山賊竄英德之大灣 詔以楚境肅清 賞四品封典當是時軍中瘴疫作死亡相屬公亦積勞思稍假休沐而江西州郡連陷羅公澤南戰沒武昌李公績賓馳書約公綴賊上游公卽投袂起轉戰崇陽通城通山蒲圻界復其城斬逆首張庸忠

陳華玉敘功加按察使銜七年春奉 詔援江西公自是屢奏奇捷皆以寡擊眾大小百餘戰殺賊十餘萬人姦民由是懾軍威不復以從寇爲樂而公名遂大振號爲虎云初官軍水陸圍吉安其攻臨江者亦掘長濠困賊逆渠胡壽階何秉權率數萬賊來援據水東與城賊夾江相望公至沿贛水而南自曲灘濟壁水東東南山上賊鼓譟乘之公方眠大樹下欠伸徐起部署畢攜鼓登望樓令士卒俯首結壘仰視者斬賊大疑不敢前稍進士仍結壘不輟俄而山後一

卷八

五

軍出賊背賊遽退望樓鼓發士投奮操戈大呼馳出左右伏兵齊起斬秉權感其左軍入水餘賊走入水東壁眾請具餐公曰今日不克水東不遑食也遂揮軍擣賊壘都司易普照窺壘孔中鎗死眾奮曰當爲易將軍報仇爭入壘殺賊數千壽階遯五月賊自萬安屯藤田將出樂安解吉安之圍公與遇於流坑壽階忿前勦糾黨數萬自甯都據沙溪出藤田公先擊其左自帥死士百人擣其右賊崩奔再躡之瑤嶺嶺險狹賊悉墜巖洞腹碎首以死遂禽壽階是役也兩

廣凶悍賊俘斬殆盡閏月賊自甯都出數萬人據永豐之韶源冀援吉安公以千二百人轉戰屢敗之追及甯都之釣峯賊爲背水陳旣敗盡沒於水師踐積屍以渡斬僞將軍蕭復勝復破賊於古夏再破新城賊數萬於東山壩斬僞總制張宗相時僞國宗楊宜清楊輔清等憤其眾屢勦糾黨十萬有奇據廣昌之頭陂誓與公決死戰傳令前者卻後則刃之公偵知喜曰賊散則難圖聚可一戰殲也乃勒兵大戰公先馳馬陷陳壯士從之呼聲震林樾賊大潰逐北六十

卷八

六

餘里斬級萬餘別遣將復樂安公自渡贛九日中大捷十有二士民鼓掌歎咤牛酒相屬於路於是江西兩湖三巡撫均以狀聞賜愛什蘭巴圖魯會吉安軍敗丐援公密令鄉團張己幟僞爲趨建昌狀而潛返藤田吉安軍氣復振七月賊自宜黃窺樂安圖出永豐解吉甯圍撫州賊亦來會公抵樂安誘賊城下敗之明日再敗之於崇仁太平市又明日大勝於牀頭賊用騎兵數千突陳公誠籐箴軍俛首砍馬足自領精銳橫貫賊陳斬級數千獲馬二百匹俘八百

人會病熱返樂安旬餘卒軍民慟哭聲震數十里年三十有三優旨悼惜贈布政使救江西湖南建專祠予諡壯武公負氣好異膽力絕倫自別將不從曾文正公東下無日不討軍實而申儆之常令士卒足縛織瓦習超距以意爲陳法令演之臨陳好以奇勝疾馳掩擊出人意表馭眾嚴而有恩軍暇輒讀孝經四書士卒化之刁斗聲與書聲相續或有申約莫敢仰視赴敵莫敢返顧分行布伍耳聽鼓目視旗疾走而周馳變化分歧無聲息賊嘗置巨匣地上士

卷八

七

各舉而拋之莫敢啟視公以一軍縱橫盪決圍勇貪拾賊物者則益爭前助執左文襄與公書云廣昌之捷早在意中璞山如龍團眾如雲倏隱倏見莫測其妙真絕世奇文也然其得手處仍在節制精明四字公與耆齡中丞書云某雖以孤軍遇極強之寇處至危之地不敢輕求應援非自足而惡人分功也實以冗雜之眾多不如少募泯之卒有不如無况吾民久困水火安忍使之益熱益深乎公嘗追賊嘉禾道中乏食掘民間山諸各投錢於穴償其值民間爲立生

祠自憾用世太早學未充優禮文學士如不及甯遠張老人年百十有八貧甚公造其家厚恤之爲其子娶婦比旋師經其地老人已抱孫矣乃以封公生日偕老人及賓佐登九疑山張宴作樂遙爲親壽公以久違子舍語次歛歎老人執爵言曰公慎自愛弟患功業弗建爲親恥耳服勞奉養抑末也眾矐其言初相者言公功烈雖高名滿天下然不得過三品故駱文忠左文襄嘗憂之保擢爲之遲回也其後偏裨如張公運蘭王公開化王公文瑞劉公典王公開琳黃

卷八

八

公萬友丁公長勝皆爲時良將而劉公松山尤絕倫軼羣用兵皆守公家法芟夷大難平定回疆豈非公之遺烈哉所著有練勇芻言陳法新編尺一偶存嗣子詩正從左文襄征戰有功官至江蘇候補道卒評曰曾文正訓諸將曰昔璞山嘗以吾言爲非今諸君盡以吾言爲是亦誤矣蓋壯武才氣無雙有獨是之見則不妨非文正此仲由所以迂仲尼也如壯武者非古所謂豪傑哉

王貞介公別傳

王公開化壯武公珍之從弟也年十七從壯武剿平湖南南路粵匪以善戰聞後分帶湘勇剿江西臨江吉安撫建諸賊功最壯武歿與張公運蘭分統其軍左公東征公以道員總理營務連克德興婺源咸豐十年冬剿僞主將黃文金明年春剿僞侍王李世賢夏剿劉官方賊眾復建德剿婺源德興竄匪皆大捷公力爲多抵廣信病卒公厚重沈毅行軍常以寡擊眾雖矢石如雨之中意思安閒不異平常至其摧鋒陷

卷八

九

陳慶發電舉賁育不足喻其勇也樂平之戰賊眾如蟻如蠅聯互十餘里西門一路猶厚僞侍王賊營所在也左公初擬自當西路公當中路別將當東路公忽奮起躍馬馳出西路而密屬劉公典從左公出中路恐左公犯此重險而顧以身當之耳卒之三路皆捷李酋受創逃賊望風披靡江右肅清公在軍八年功績昭著性行淑均威俯以爲重曾文正公歎曰時事方艱良材倏殞可勝痛惜因奏請 賜卹 子諡 貞介

王公文瑞字鈴峯壯武公之族叔也咸豐間從壯武公戰湖南江西邊境已有名游保同知壯武每臨敵先夕會諸將問何以戰諸將各言戰法各手一圖呈壯武壯武以爲然乃定計明日戰不如約者黜故百戰百勝公守此法一如壯武壯武威名賊怖之如虎後公亦號虎云咸豐十年以知府從左公宗棠由江援浙大破賊於浮梁時左公全軍僅八千人公領三千人縱橫盪決策應數百里所向克捷嗣守遂安與道員王開來破僞侍王李世賢僞輔王楊輔清十萬

卷八

十

之眾同治二年春援徽州 詔補授贛南兵備道剿賊休歛胡黃古賴諸賊自石埭竄踞黟縣公出奇兵二百伏盧村毀石橋斷賊後路明日率師三千與賊戰於城南賊大敗奔至盧村見橋斷二百人起應之賊溺河死者不計其數夥人詫歎以爲神兵公駐祁門保固皖南與劉公典肅清江皖之交以少擊眾兵機迅速如神龍變化莫測是時皖南防軍有總兵朱品隆三千人唐義訓二千人皆老湘營之最精者然非公與劉公典縱橫馳擊則防軍仍單皖南不保大

局可虞故沈公葆楨奏江皖戰功不在克復省城下其信然也後浙寇五路犯江西公與席公寶田軍鮑公超軍相犄角大破之江西平巡撫沈公令之贛南道任王總兵開琳統其眾追賊至閩開來開琳皆壯武公之族人援浙閩有功

張君聲訓後更名聲恆桂陽州人有才略咸豐六年募鄉兵百人至連州謁王壯武珍願隸戲下壯武令擊賊屯日勝則留汝君率士謀而往賊開壁與戰敗退至隘口阻山自固兵不得入迺佯退賊追至返戰

卷八

二

至隘仍相持壯武陳兵山上若不相知聞君急無可爲計視後面有平田可五六百步指謂眾士令走當稍遠至平田俟賊相尾卽反疾行與爭隘賊果追至平田百人皆返旆衝賊過其後賊急退至隘口兵賊相擠壯武從山上吹角擂鼓馳下乘之遂破賊屯乃令君領百人爲新軍薦於巡撫駱公令將五百人隸李輔朝擊宜章莽山賊屯破之已壯武又薦君於胡公林翼防崇陽通山八年左文襄公援浙江求敢戰士夙知君名令爲裨將君已積功至都司憤武官見

輕入嘗得府同知屢破賊於嚴杭名與劉公典王公文瑞相頡頏後統三千人擢道員歿 贈太僕寺卿

卷八

十三

中興將帥別傳卷九

李忠武公別傳

長洲朱孔彰撰

李公績賓字迪庵湖南湘鄉人也。少壯言笑身長七尺，膂力過人，習騎射，能挽三石弓。羅忠節公講學里中，公折節受學，依依不去。咸豐三年，忠節募勇殺賊，公奉父命往佐之。所練鄉兵，號湘勇，從平桂東土匪，未幾粵賊圍江西行省，曾文正公檄忠節往援。公佐謝君邦翰將右營，邦翰邑諸生，故忠節弟子，抵江西戰死。於是公代領其眾，自是忠節將中營，公將右營。會土匪陷太和安福，圍吉安，遂同解吉安，圍太和安福，賊皆敗，遺復馳勦，永新事平，議敘從九品。師還，假歸甫三日，趨衡州，勦賊油榨墟，進復永興、次郴州，敘功進縣丞。初，公所領僅三百六十人，至是巡撫賂公，秉章命增為五百人，明年駐衡州。平常甯土匪時湘潭大捷，曾文正公統水陸軍東下，檄湘勇從。六月，抵岳州，壁大橋，湘軍兩營才千人，分防八路。賊日夜來犯，塔齊布公約攻賊，兵始交，小卻，賊追騎大至，公左右止數人，戒曰：毋走，徐行陟山岡，賊不敢逼。已而

卷九

一

我軍漸集公親搏戰斬大旂賊數人餘賊爭登山公曰是可取也策馬大呼而進斬賊目一人奪其旂追北十餘里明日塔公至營指所部贊曰好勇好更與公言良久歎曰名將也公自隨羅忠節從軍循循弟子列退然若無所知人無有異之者至是始以知兵聞時官軍日與賊戰斬賊數千賊連旬不得休掠食且盡公與塔公計曰當乘機進薄賊可破矣明日遂進兵風雨驟至眾欲退公曰天助我也與塔公並轡督戰頃刻破數十壘岳州平擢知縣 賞戴藍翎八

卷九

一

月從羅公克崇陽咸甯進規武昌破花園堅壘及鮎魚套賊營遂克武漢語具羅忠節傳公擢直隸知州 賞花翎十月大戰于田家鎮破之田家鎮者江流盤折逼隘之處其南岸為半壁山峭壁斗絕賊以鎖鑰橫江萬舟翔集氣銳甚公手刃怯卒三人士皆殊死戰連破賊壘而水師亦乘機斷鎖鑰焚賊舟好事者至摩崖以紀績當是時公軍僅二千六百人以寡擊眾所向披靡公已名聞天下由是擢知府 賞擊勇巴圖魯名號旋授安慶知府初陸師分南北進勦

總督楊需勦北岸公隨塔公羅公勦南岸曾文正督水師循江下偽丞相羅大綱守廣濟黃梅設丰壘數十田鎮破後偽燕王秦曰綱檢點陳玉成皆往附之勢張甚總督不能前塔羅兩公乃渡江北勦公率為軍鋒每攻壘與塔公逼賊壘數十丈席地坐礮彈如雨下談笑自若忽躍起曰進則橫厲無前者輒碎遂復廣濟黃梅抵湖口敗賊梅家洲知九江未可驟下從羅公移軍盪山十二月水師陷入彭蠡湖外江失利小池口賊勢復張湘軍退回九江公憤甚請於

卷九

三

文正自率千餘人以歲除前一日渡江攻小池口偽城塔公亦率二十人偕往因眾寡懸殊戰不克比莫始收隊而塔公獨未返公涕泣不食誓渡江再決死戰明日塔公竟覓舟返無恙時除夕三鼓矣明年二月武昌復陷當賊之從江北上竄也公知北岸官軍不能破建議分南北兩軍夾江而勦令塔公益募勇三千令海軍五千專勦南岸別選大將率潯軍三千益募勇五千直趨漢口勦北岸南北各自為戰一圖安慶一圖金陵庶大局克有濟文正聽其言將以北

岸屬羅公以餉絀不果無何文正入江西饒廣告急檄湘軍援饒師抵章門則饒匪已陷弋陽三月從羅公進勦敗賊大水橋復弋陽賊走廣信追擊之三日城復移軍景德鎮東路甫定遂建西援武昌之議從羅公大捷于義甯下崇陽略通城趾羊樓崗擣蒲圻掇咸甯次弟戡定 詔以道員加鹽運使銜十一月次武昌巡撫胡公林翼聞公至大喜事無鉅細惟羅公與公言是聽羅公挈持大綱其戰守機宜胥公主之師壁洪山分壁小軍山連破塘角賊壘六年二月

卷九

四

與劉公騰鴻扼窰灣斬馘數千屢戰皆捷忽羅公中礮亡當是時軍中新失大帥人情洶洶賊乘機築壘保安門外礮子及五里墩大營巡撫胡公奏以公總督諸軍公涕泣受命遂掃平保安門賊壘而江西瑞臨撫建等郡賊蔓延北及崇通蒲咸西及瑞昌皆陷賊乃分湘勇四千屬曾公國華劉公騰鴻等由咸甯進勦賊訶知之屢出城來犯公敗之賽湖隄又敗之小軍山雙鳳山秋七月僞翼王石達開率援賊大至城賊將應之公分兵駐魯家港防援賊遣壯士數百

人執所奪黃旗誘城賊賊信爲援至出城夾擊伏起殲賊過半及援賊旣至禦之魯家港鏖戰三日城賊鑑前失疑懼不敢出援賊遂敗追奔至小軍山斬首八百別將與城賊慶門賽湖隄公率師援之賊望見旂幟奔入城自是堅閉不出公募民夫開濠掘江水入湖爲長圍斷賊接濟賊益困十一月丙子武昌復詔以按察使用尋分兵追勦克武昌縣渡江克黃州又渡江克大冶興國遂直擣九江林啟榮者賊中最悍酋也往歲塔公圍攻時堅守弗下至是仍率眾

卷九

五

死守夜無更柝望火城以內人聲寂然官軍潛薄之鎗礮應聲下七年正月公用攻武昌法關濠圍之賊出城阻截閱數月濠始成四月皖賊上犯號十萬犯蘄州黃梅羅田公分兵援勦又築壘于廣濟童司牌公渡江勦平之八月破小池口僞城仍回九江先是四年賊奪江西戰艦沈塞湖口築壘石鍾山爲浮梁鑲鎖阻官軍隔岸梅家洲臺僞城環巨礮我軍仰攻不利其年十二月水師陷入內湖文正益治水軍章門檄彭公玉麟統之水軍復振至是袁吉瑞臨以次

皆復眾議會勦九江公謂九江賊恃湖口相犄角不拔湖口九江不可得也乃定計水陸夾攻湖口九月公遣其弟續宜率馬步軍攻梅家洲偽城躬率師北渡江揚言攻宿松其夜更南渡伏兵湖口北山是時外江內湖水師阻于一江楊公載福彭公玉麟密期會攻梅家洲賊方依岸發礮拒水師聞山後鼓角旌旂蔽山下則大潰公夜半射火城中賊大亂空城走洲上賊亦走要擊盡斬之乘勝復彭澤夷小姑汊偽城得旨除浙江布政使返九江適臨江逆賊竄興

卷九

六

國冒雪遣兵往援擊走之八年春水陸晝夜攻九江賊被圍久以數千人嬰城種麥以爲食糧不絕其守益暇我軍穴城崩爲磚石所壅至稍遲賊旋堵禦公令壯士數百人擁盾自蔽先夕伏城濠四月壬子地雷復發壯士自濠內奮呼登城城立復殄賊數萬無脫者啟榮死亂軍中磔其屍九江平論功第一加巡撫銜賞穿黃馬褂許專摺奏事公每建一功晉一秩數省官民歡忭稱道若寵榮之在躬或歌誦戰狀以爲樂傳播中外浙人任京朝者疏請敕公東

兵以救浙難而胡文忠以皖中糜爛請留公軍圍皖而固鄂天子許之公乃整旅入皖踰月連下潛山太湖桐城舒城四縣時賊新破江北軍陷六合渡江陷溧水定遠軍日夕待援朝廷憂皇專恃公軍或議曰今久行軍疲屢勝則驕克城留屯不足以爲聲援不留軍則後路空虛且阻塞必敗之道也宜還桐城合都軍攻安慶則水陸馬步相倚名將精卒咸萃于百里之內功必可成公以受恩浚名重恥退且念攻城非旬日期欲出奇壁廬州蹈寇瑕遂不用其

卷九

七

計而發書湖北請益師時胡文忠已持喪還葬官文公得書笑曰李九所向無前今軍威已振何攻之不克豈少我哉徧示司道皆以公用兵如神無所用援公雖請援亦不留軍示怯悞則進三河三河距廬州五十里寇築大城環以九壘十月甲辰公悉兵十三營先攻九壘大戰皆破平之俘斬七千官軍傷亡過千人眾懼乃增調後軍未至賊首陳玉成連江浦六合廬江眾又糾捻匪招穎壽光州羣盜合十餘萬人日夜奔赴聲勢旬旬公遣輕兵迎擊于樊渡不利賊

益進軍半潰辛亥合圍官軍三十重連營數十里將士狃勝聞敗先自亂公自搏戰不能進還閉壘門七營已先陷寇來如牆公歎曰今敗矣令軍中日見月照地而走軍皆束載而待月出公終恥于潰圍謀復固守軍已動遂大奔公馳督戰軍不復成列遂陷陳死咸豐八年十月十日也同知曾君國華知府何君忠駿知州王君揆一同知董君容方知縣楊君德閻從九品李君續藝張君溥萬皆殉焉道員孫君守信丁君銳義死守中右營又三日而敗又六日而桐城

卷九

八

守兵亦敗前後死者殆六千人事聞文宗震悼手詔曰詳覽奏牘不覺隕涕惜我良將不克令終尙冀忠靈不昧再生申甫以佐予也追贈總督湖北江西安徽湖南立祠予諡忠武賞騎都尉世職公父登勝給一品封典子光久光令賞舉人穆宗卽位遣官賜祭三年克復金陵推恩有功之臣賞二等輕車都尉世職併爲男爵公臨陳安閒靜鎮談笑指揮三軍幅巾緩帶如與客燕見之儀選士以知恥奮勇樸誠爲上常以寡擊眾出奇制勝凡大小

六百餘戰克復四十餘城在軍號令嚴明所過百姓懽迎耕市不變轉戰江鄂時不索州縣供張廣坐中言不輕發他將多以氣節相高公默然深藏恆曰事由心定毋張皇性至孝克九江後乞假省親旣不果乃爲迎養計其父以書報之曰軍事方殷兒當壹意報國勿以我二人爲念公省書掩涕及拔行握胡公手痛曰吾無由復見父母也左右皆感泣軍中所餘廉奉不以寄家嘗資助曾文正江西營彭公玉麟水師營曾公國荃吉安營李君元度貴溪營約三萬

卷九

九

金與諸帥共事和衷商推胡公撥撫標兵萬人隸公戲下皆心服樂爲之用其臨陳專以救敗爲務顧大局爲先遇賊則讓人禦其弱者而已當其悍者分軍則以强者予人而留弱者以自隸江楚兩軍每言有接帶弱兵臨陳救人者塔忠武後一人而已公薨年四十一舒城難民覓其遺骸送霍山大營母弟續宜親殮其屍續宜官至安徽巡撫自有傳孫君守信字小石長沙人少讀書不遇遂走京師供事內閣敘勞得從九品試用湖北工楷書總督留繕

摺奏道光三十年李沅發反新甯君隨大軍進勦事
平擢知縣咸豐二年粵賊犯長沙君以解餉入城協
守有功後從江忠烈平巴陵土匪晏仲武擢同知
賞戴藍翎尋署蒲圻縣事有惠政五年武昌再陷從
羅忠節自江西援鄂壁洪山援賊古隆賢悉銳來犯
君與鄒君漢章蔣君益澧等迎擊破賊于豹子海追
奔至樊口又敗之十一月武昌復晉知府換花翎尋
復大冶興國武昌諸州縣擢道員羅忠節旣亡君久
從李忠武公續賓七年忠武圍九江援賊自臨江竄

卷九

十

興國君與周副將寬世帥師擊敗之其明年與趙副
將克彰敗賊麻城從忠武大軍征皖連克潛山太湖
桐城舒城四縣十月師次三河鎮會援賊大至我軍
困重圍忠武戰死君與丁君銳義堅守營壘塵戰四
晝夜鉛藥水米均盡壘破並死之 詔旣按察使陳
亡例議卹 賜祭葬 贈太常寺卿 賞騎都尉世
職附祀李忠武專祠

丁君銳義字篁村亦長沙人父敷忠世父敘忠叔父
取忠並以學行重于時君性豁達習兵家言粵賊犯

城集里中子弟籌守禦鄉人恃以無恐咸豐四年胡
文忠方爲貴東道耳君名檄募壯士百人同赴鄂旋
益募至五千人曰義字營累功擢縣丞六年羅忠節
攻武昌而亡賊渠古隆賢率黨萬餘犯官軍後路屯
豹子海時以新失大帥諸將皆不欲戰君忼慨言曰
我軍頓城下六月賊堅守不出今幸援賊來求我戰
願假精兵四千出賊不意可一鼓破也文忠壯其言
夜漏三下檄君與唐君訓方蔣君益澧孫君守信等
銜枚掩擊大破之斬首千餘級追敗賊至新店隆賢

卷九

十一

謹以身免遂自洪山進屯華容埠當是時賊眾水陸
屯聚拒我師君等先自上游攻之會楊公岳斌水師
亦至賊敗潰遂復武昌縣賊退走黃州乘勝進軍壁
黃州城外賊夜襲營眾亂君率所部擊敗之會大水
諸將議回軍君爭之曰夫兵勢宜遠料敵有方援賊
之能已可見矣我屯黃州則百里義民有所歸心賊
之上犯有所牽制後路大營相爲聲援且能戰不在
近能守不在遠今若旋師賊必踵我踵我必戰戰此
可乎諸將皆以縣軍爲憂君乃獨上書陳兵勢胡文

忠壯其議終以眾論檄軍還君自請屯青山斷賊鍾道十一月武漢復擢知縣加運同銜八年春大破賊于黃泥畷五月與唐君訓方破賊于界牌先後夷賊壘數十擢同知晉鹽運司運同其秋李忠武征皖檄君從君以大父喪乞假不許遂同破石簿賊壘連克潛山太湖桐城進攻三河鎮君以三河爲廬賊必爭之地請先攻廬江廬江下則與將軍都公提督鮑公二軍合攻安慶然後水陸並進舒城三河廬州皆可計日破而忠武銳意攻廬州九月舒城下十月二日

卷九

三

破三河賊壘君再從弟藍翎把總曙樓死之君以連日血戰精銳多夷傷請退屯桐城濟師再進忠武不可已而援賊大至餉道斷軍竟日不得食遂敗忠武死綏君所領義中營已陷突陳入忠武大營集餘眾誓同死寇環攻三日夜水火俱盡營破死之年三十有八 詔贈鹽運使 子祭葬 賞騎都尉世職 加贈太常寺卿 敕本籍建專祠君寡言笑耳重聽眾號丁贍而膽勇絕倫嘗以孤軍遇眾賊手大旂左右揮賊疑有伏左右顧大呼乘之賊大奔性廉所得奉

賞悉分其部曲家無餘財駐軍太湖之日招流亡勸耕種歲大饑煮糜粥以振全活甚眾卒後太湖士民懷君德釀金立祠陳德園春秋祀之

何君忠駿字龍臣平江人生有異稟五歲大父口授詩書易皆成誦十四入邑庠道光二十一年崇陽亂民鍾人杰犯平界君治鄉兵卻之敘六品銜充己酉優貢咸豐二年舉順天鄉試三年粵西賊蔓延江南君歸自京師則益治鄉兵爲捍禦計時曾文正督師長沙檄君與李原濬赴軍前君以桑梓有急辭四年

卷九

三

正月賊踞岳州欲自平江襲省會曾公檄平江知縣林君源恩練兵守北界以君及原濬參軍事旋檄塔齊布公胡公林翼濟師援平連破賊通城平界得完胡公尤器君待以國士黔勇與楚勇鬥死者數人君力排其間礮彈入左臂創甚得不死旣而塔胡皆別勦君獨任防務戰屢捷進克通城論功擢知縣加五品銜明年武昌復陷崇通爲賊蔽九月羅忠節公自江西援鄂君及原濬各將千人再克通城僞翼王石達開由鄂入江羅軍挫于蒲圻通城之師亦潰原濬

死之君退守北界賊不敢逼後入胡公幕擢同知直隸州八年四月安慶賊上犯陷麻城君率平江勇千人救之未至黃安繼陷被劾無何麻黃復還冠服君厭戎事遂散遣所部歸會李忠武公進攻廬州辟君掌書記君固辭胡公趨君行李公入皖連克潛山太湖桐城舒城四縣君以爲常勝之家難與料敵與曾君國華憂之竟及三河之難李公願諸從事曰苟得出無俱死君曰公不負國某等可負公邪時親卒數人侍以銀數篋昇之且曰若歸告吾父母知吾死此

卷九

四

足矣卒脫歸者二人夜三鼓君驟馬隨李公出衝賊陳死之事聞 詔贈太僕寺卿 予世廕子十歲胡公卹以千金爲經紀其家同時戰沒者尙有蕭公意文彭公友勝劉公神山周公福高彭公志德蕭公意文字章甫湘鄉人隸羅忠節公戲下以斬級功敘外委咸豐五年從克義甯州擢把總 賞戴藍翎是年冬再錄從征通崇蒲圻功晉千總湘軍攻武昌公數陷陳敘功遷守備武昌克晉都司七年從勦蕪黃賊巢攻拔小池口僞城克湖口縣破走梅家洲

賊擢游擊加參將銜八年克九江以參將卽補 賞換花翎李忠武進征皖北從克潛山太湖舒城桐城四縣遂進攻三河鎮三河鎮者舒廬適中地賊立爲城倚糗糧軍火以濟廬州及江甯賊營者也別築九壘以衛之堅甚忠武銳意取之十月二日分三路進攻公攻河南街老鼠夾賊壘冒礮石先進各軍繼之縱火焚其壘賊大亂九壘皆下壘中賊盡殲無脫者我軍亦傷亡千餘人公受礮創歸營卒 詔贈副將

子諡剛勇

卷九

五

彭公友勝字雲臺長沙人初爲長沙協戰兵從征手陽新甯粵寇起從征廣西以偵探功 賞六品服賊犯長沙隨瞿威壯入城協守尋從江忠烈援江西並有功江西圍解乃歸伍居頃之送戰艦于大營留爲水師營將賊擾漢黃公駐師沌口平賊壘二斬僞丞相一武漢旣克隨官軍攻九江敗賊于童司簿時已游擢游擊換花翎矣八年九江克復晉參將尋帥所部征皖及賊戰于三河鎮力竭死之公饒膽略水陸戰必衝鋒軍中服其勇死事前夕忠武命公爲前鋒

時九壘雖破援賊復大至眾十餘萬距三河三十里我軍僅五千人又多苦戰受創公上言宜堅守不可戰忠武笑曰若驍將今乃怯邪公默然詰旦傾所部大呼陷陳賊披靡會大霧覲面不相見不覺逼賊壘援賊四合遂遇害 詔贈副將 予諡果毅

劉公神山字佑甫湘鄉人咸豐初隸羅忠節湘右營從克武漢叙藍翎外委五年克義甯晉千總援湖北復通崇蒲咸進攻武昌大小七十戰公皆與遷守備武昌既克轉戰至黃州進都司七年從攻湖口破賊

卷九

六

梅家洲擢遊擊 賞換花翎八年九江復再回援湖北有功遷參將湘軍征皖連克潛太舒桐公功最詔以副將用三河之戰公首陷陳斬賊首數人進攻賊壘見害年二十二 詔贈總兵 予諡忠壯
馬公福高字子祥湘鄉人從羅忠節援勦江鄂奏功擢守備 賞戴藍翎李忠武接統湘軍晉公都司以小池口梅家洲諸戰尤用命 詔以游擊於軍中候補咸豐八年十月戰死三河鎮我軍之抵三河也援賊麇至諸將不欲戰知戰必敗相覲無人色公憤然

曰敗則死耳吾輩畏死不來矣既至此敢惜死以墮壯志乎力戰而歿 詔贈副將 予諡愨烈

彭公志德字道一湘鄉人隸湘軍以功敘把總咸豐六年軍次洪山攻武昌各營裹創喋血鏖戰五閱月不解鞍胡文忠遂敢死士數十人彙奏請獎公與焉遂晉千總 賞藍翎武昌復以守備用七年勦黃州克湖口平小池口堅壘梅家洲偽城公功皆最擢都司換花翎尋破彭澤宿松太湖諸縣每戰必為前驅不肯後人敘功遷游擊又以復麻城黃安功除參將

卷九

七

加副將銜三河之役忠武殉節諸營皆潰公率所部貫賊陳突出死者過半公亦受重創走入中左營與副將李存漢等竭力死守越三日營陷死之 詔贈副將 予諡武烈以上五公皆 賜祭葬附祀李忠武祠

評曰曾文正云李忠武重厚少文百戰不挫方謂可躋中興福將之列不意大難未殄長城遽隕惜哉丁太常策三河進止特詳慎嚮從其言安有覆軍之變忠武籌策無遺獨不納此烏呼豈數有不可回者歟

中興將帥別傳卷十上

長洲朱孔彰撰

曾忠襄公別傳

曾公國荃字沅甫文正公之弟也少負奇氣倜儻不羣年十六隨父至京師從文正讀書憚其嚴不可竟學未幾還湘鄉然文正獨奇之嘗賦詩曰辰君平正午君奇屈指老沅真白眉辰君國潢午君國華皆公次兄也道光二十七年以府試第一入縣學旋舉優貢咸豐六年文正困於南昌公在長沙思揀兄難募勇三千人援江西克安福進攻吉安戰屢捷明年丁

卷十上

一

父憂自營奔喪六月廣昌樂安賊麇聚吉安周鳳山等圍吉安敗潰時王公珍病歿樂安劉公騰鴻攻瑞州陳叅士氣沮喪於是湖南巡撫駱公秉章江西巡撫耆齡公奏起公統吉安各軍軍復振八年築長圍困賊屢擊卻外援秋八月望克之論功由同知保知府加道銜江西全省肅清公撤軍還湘獨畱吉字二營從文正於建昌假歸長沙俄寇復至江西公復出至撫州合舊部新軍五千八百人公總領之攻賊於景德鎮三戰三捷遂復景德鎮江西再肅清胡公林

翼廣求將才調赴黃州由是公屬湖北軍湖北軍三路謀皖公先還湘增募領萬人圍安慶大破賊酋陳玉成於城外十一年四月賊踞集賢關築壘十三公掘長濠困之石牌賊分黨襲屯後力戰六晝夜卻之遂攻破城外三石壘及菱湖兩岸壘先後擒斬數萬安慶城外賊營俱盡八月丁巳朔克安慶賊黨殲焉先是京師欽天監瞻天文奏明年某月某時日月合璧五星聯珠 國家有非常祥瑞至是果驗說者謂蕩平南服之機肇此公以力戰功記名按察使 賞

卷十上

二

穿黃馬褂公乘勝東下九月薄廬江奪泥汊口神塘河賊壘下無為克運漕東關浹旬之間連克城隘分軍扼守焉躬還安慶與文正商定增募湘勇直擣金陵之策

穆宗即位公以前功加頭品頂戴補浙江按察使擢江蘇布政使時二省淪陷 詔在軍督勦同治元年二月公率新軍六千至自湘循長江北岸進軍公弟貞幹循南岸進軍水師中流直下南岸破賊荻港舊縣三山夾魯港克繁昌南陵二城北岸破賊望城岡

銅城開雍家鎮克巢含山和三城又攻克濡須口西梁山沿江北岸賊壘悉破平之四月公引軍南渡江會水陸各軍下太平拔金柱關東梁山賊寨復蕪湖沿江南岸賊壘悉破平之公軍獨克大勝關秣陵關三汊河又會水師拔頭關江心洲蒲包洲賊壘皆下五月甲申進屯金陵城外雨花臺自江南大營以兵七萬屯八年卒潰退公軍合水師不滿二萬文正以爲孤縣未可輕進屢議退軍公策曰諸軍士自應募起義人人以攻金陵爲志今不乘勢薄城下還軍待

卷一

三

寇曠日持久非利也若舍金陵老巢弗攻置將士於閒地浪戰而意怠功必無成逼城而屯亦足以致寇軍勢雖危顧不可求萬全於是文正許之時金陵城外賊堅壘以百數公駐軍僅南面一隅賊所習見無惟思意常出大隊來犯公屢擊卻之又值疾疫大作皖南諸軍死亾山積金陵圍師軍士傳染十幕而五不常饑閏八月疫猶未已將士方資休息而賊酋李秀成自蘇州糾大眾援金陵號六十萬結二百餘壘環攻十晝夜不休用西洋火器擊我軍所當糜碎

部將倪桂中礮殞公面受鎗子傷血流交頤裹創巡軍厥心以安浙江賊酋李世賢復來助秀成開地道用火藥轟官軍壘壁隨破隨築公令軍士於營中掘隧迎之手持令不得瞑四旬餘賊又來襲我糧道公一夕築小壘無數屬之江力戰卻之當是時士卒以軍中爲家將帥爲父母不約而親不謀而信故能同心以禦彊寇十月庚申寇亟攻公下令開壁大戰俘斬數萬圍乃解世賢遁廣德秀成遁江北公分軍追擊破之又以水師困於蕪湖分軍守東西梁山文正

卷十

四

憂懼猶欲令公乘勝撤圍或議退保蕪湖公曰賊以全力突圍是其故技向公和公正以退致挫今若蹈其覆轍賊且長驅西上何蕪湖之能保况賊烏合無紀律豈可見其眾而自怯至二年春文正視師駐公營十日見圍屯堅定始無退軍之議公旋擢浙江巡撫仍留金陵四月攻破南門外石壘十會水師克下關草鞋夾燕子磯九洲洲公軍又攻破長干橋印子山上方橋江東橋賊屯分軍克博望鎮上方門高橋門土山方山七堯橋中和橋賊壘九月克秣陵關僞

城於是金陵西南東南隅賊往來之路斷十月攻下城東隅賊壘二十三分軍扼孝陵衛三年正月攻克鍾山石壘偽號天保城分軍扼太平神策二門城圍乃合賊縱男女七八千人出城以節食又有夷人以輪船載糧夜用三板運至中關濟賊公並擊之由是賊糧亦斷五月攻克龍膊子山陰堅壘偽號地保城遂督軍日夜環攻築高壘瞰城中積涇蒿覆沙土其上以避鎗子治地道於下三晝夜隧成實空棺火藥轟陷城垣二十餘丈公親冒矢石衝殺入城時三年

卷十上

五

六月十六日也於是搜殺數日生縛賊酋李秀成洪仁達於偽天王府掘得洪秀全屍焚之賊黨死者十數萬人李秀成者偽號忠王賊中最有名所部皆悍黨秀全見官軍攻急先一月飲藥死大眾皆秀成統之秀成以所乘駿馬與小天王洪福使逸故獲獲時訊供在囚籠中三日書七萬餘言敘其初起及與官軍戰至就擒極詳本欲獻俘因別捨賊目見秀成皆長跪解京路遙恐中變因即誅之論者謂禽洪福無足重輕不得秀成賊不滅也於是

天子衰功錫封一等威毅伯 賞戴雙眼花翎加太子少保乞病歸旋授山西巡撫不拜五年遷湖北巡撫復引疾歸十三年起用陝西巡撫改東河總督光緒三年復撫山西適三晉奇荒赤地千里公走書告貸各省勸民助賑其言至痛楚先後放賑銀一千三百萬兩米二百餘萬石活饑民六百萬人籌善後蠲徭役歲省民錢百萬緡晉人德之爲立生祠六年俄人渝盟 詔赴山海關防海俄人憚公威不敢近和議遂成擢陝甘總督未赴散兵歸里八年權兩廣總

卷一二

六

督內 召攝禮部尙書十年授兩江總督上親政加太子太保初至江南值法國啟釁公在吳淞江陰設立礮臺布置嚴密彼族不敢狡焉思逞江防以固迨鄭州決口力籌河防濬張福口引河以資宣洩堅築裏下河長圩爲捍衛又賑蘇皖水災兼顧浙鄰籌助 畿輔賑一年之中集款百萬上分宵旰憂勤遺言以外國雖和好不可一日不嚴江海之防憂深慮遠忠愛之心溢於言表以光緒十六年十月二日薨於位年六十有七遺疏入

天子震悼追贈太傅賞銀三千兩治喪

賜祭一壇 予諡忠襄 詔入祀京師昭忠賢良祠
並於湖南原籍江南省城建立專祠凡立功省分皆
準建祠子二紀瑞紀官早卒孫三廣漢特用主事襲
爵廣江附生 賞舉人廣河員外郎曾孫三兆龍兆
祥蔭椿俟及歲時由吏部帶領引 見公性爽邁不
屑屑於小節輕財好義為人謀衣食常恐不足推心
置腹任人不疑故豪傑樂爲之用奉祿悉以周貧族
戚故舊待舉火常數百家幕客宋紹祁死贈三千金

卷十上

七

養其孤濟人之急類如此治軍則嚴而有恩時設賞
以勵戰士統大眾止屯處秋豪無所犯其圍安慶也
過集賢關悍寇相持百日堅忍以待其敝胡公林翼
歎曰雖條侯用兵不是過也然公常謙抑自併弱將
邊克名城而無喜色自平江南歸杜門謝客以書帖
自娛有印章曰句當江南公事回不矜不伐洵與曹
武惠比隆矣其督兩江常病足臥閤無爲兼用黃老
術務清靜化民大江南北伏莽潛消爲治責大指不
苛細晚年尤純乎仁愛金陵爲公百戰所克出民水

火故感人彌深百姓先建懷德祠祝長生及公薨後
尤誣思不忘云

評曰 中興撥亂忠襄之助爛焉初起時爲文正畫
三十二策無不效文正是以知其能用兵也其後量
益宏學益純恢廓有容而德業彌峻詩云有斐君子
終不可諠兮蓋與文正同席矣

卷一二

八

中興將帥別傳卷十下

長洲朱孔彰撰

曾愍烈曾靖毅公別傳

曾公國華字溫甫文正公三弟也幼出後叔父驥雲生有大志好讀史喜為奇論驚俗時雜以詼嘲嘗以君房言語妙天下一語贊兄文正隨讀書京師由監生應京兆試不遇歸益講求經世略咸豐五年文正督師江西冬十月偽翼王石達開自通城竄江廣東賊周培春等復自茶陵州竄至併為一疊陷名城列郡無完土當是時江楚道閉文報家問不通凡數月

卷十一

一

公請於父倍道走武昌乞師以拯兄難胡公林翼一見奇之檄公與劉君騰鴻吳君坤修普君承堯帥五千人行以公統領軍事遂攻克甯蒲圻崇陽通城新昌上高六縣六年六月抵瑞州自是江楚始得通問文正嘗言使吾有生還之日溫甫力也瑞故有南北城蜀水貫其中劉君軍其南公與普君軍其西北吳君別勦為游兵賊於東隅通外援始至援賊與城賊合犯公屢破之七年正月文正赴瑞督攻東路始合長圍掘塹周三十里斷賊接濟會公丁本生父憂

隨文正奔喪歸是年七月瑞州拔八年二月降服期滿李忠武奉命督勦皖中公與忠武姻家也忠武招公襄辨軍務連下潛山太湖桐城舒城四縣遂乘勝擣三河鎮以規廬州時湘軍挾百勝之勢鋒銳甚公獨以謂常勝之家氣將竭矣難可深恃時時與忠武深語悚切並以書告文正亡何援賊大至被圍十月十日從忠武力戰死之文正哭之曰莽莽舒廬羣凶所窟積骸成岳孰辨弟骨骨不可收魂不可招崢嶸廢壘雪漬風飄蓋忠骸未收也事聞詔由同知

卷十下

二

贈道員從優議卹後特旨賜諡愍烈 敕本籍建專祠子紀壽蔭中書科中書曾公國葆字季洪易名貞幹字事恆文正公之季弟也少時落落自將脫去町畦視人世毀譽及書史褒譏嫩刺不甚措意亦不隨眾為疑信時或詰難參伍大破羣惑逾冠補諸生屢冠其曹已而厭薄舉子業究心手搏擊刺法粵寇起文正奉詔討賊公帥六百入從咸豐三年冬平常甯洋崗土匪時楊公載福方為把總彭公玉麟方為諸生皆客公所為僚佐公

亟薦諸文正曰兩君英毅非常器某願下之四年三月岳州兵敗公又亟白諸將無罪已願獨坐之其後楊彭果以水師雄視東南而諸將亦次第登用掇取高官大名公獨黯黜歸去築室紫田山中柴門絕人事身與世遠及愍烈戰歿三河公則大慟誓出殺賊以報讎而雪恥會鄂帥胡公廣求將才命公分領千人自黃州戰而東十年正月連克太湖潛山三月與兄忠襄之師會圍安慶明年八月克之先是程公學啟陷於賊爲賊將公設計招降程果以三百人夜款

卷十下

三

營賊覺追急程大呼開壁眾疑其詐公獨信之令開壁門納入克安慶之役程功爲多語在程忠烈傳中同治元年正月師次三山三山者宣池羣賊四萃之區軍入援絕寇十倍我乃以計招降三縣義民之陷賊者燠咻而厲使之得四千人編伍約法用破魯港克繁昌下南陵蕪湖而忠襄之師亦以是時克東西梁山徇和州當塗奪采石兄弟復會師進薄金陵雨花臺江東久虐於兵疹疫鯨興將士物故相屬公病亦屢瀕於危將假歸休養適僞忠王李秀成率援賊

數十萬至公強起籌戰守自當西路衛餉道與賊血戰四十六日賊死踣不得逞解圍遁公疾遂不起年三十有五公初以功敘儒學訓導加國子監學正銜克皖晉同知 賞戴花翎克繁昌三縣 賜迅勇巴圖魯雨花臺大破援賊晉知府 命下而公不及見矣事聞追 贈按察使從優議卹蘇撫李公鴻章奏陳公戰績 特旨照二品例議卹 予諡靖毅 贈內閣學士銜 敕建專祠 宣付史館立傳公在軍習勞能忍饑寒隆冬不御裘嘗跣足行積雪中了無

卷十下

四

所苦以兄國潢子紀渠嗣廕知縣江甯克復 賞直隸州知州 評曰愍烈不敘瑞州之功而戰死三河忠於 君義於友可謂難矣靖毅薦拔賢豪知人謙退有古大臣風惜未竟其用 朝廷褒其一門忠義於文正忠襄益有榮焉

中興將帥別傳卷十下終

中興將帥別傳卷十一上

長洲朱孔彰撰

忠勇公多隆阿別傳

多隆阿公字禮堂蒙古正白旗人隸黑龍江部伍世襲騎都尉年少尙氣節膽畧過人咸豐初粵匪之亂朝廷徵兵邊徼應募入關以參領屬科爾沁玉僧格林沁戲下從破高唐州連鎮及馮官屯賊巢馮官屯之役賊穿隧伏地雷當礮臺下公所立處將發矣公知之決渠入賊遂大敗公先受火藥傷裹創臨敵勇氣百倍僧王由是奇公五年奉檄援湖北遂屬江

卷十一上

甯將軍都興阿公從克武昌漢陽補協領充行營翼長進勦蘄州敗賊于曹家河復黃梅廣濟當是時李公續賓帥湘軍圍九江悍酋林紹璋死守不下復於對岸小池口築偽城號新城縣環以堅壘又夜築土城于魏家園公急擊之附近土城悉破屢截賊饜道於段繁七年四月小池口寇眾出攻官軍屯公大破之燒寇壘二十一進屯廣濟十里鋪六月公與鮑公超攻賊於黃梅西破其壘四十八遂克小池口再克黃梅湖北再肅清擢副都統時南岸湘軍圍九江北

岸悍酋陳玉成以數十萬之眾伺隙往援公與鮑公數拒破之未幾而九江復進攻太湖鮑公軍其北公軍其南射火城中城中火藥發賊焚死大半賊竄城遁遂克太湖公從都公進攻安慶平城外九壘賊勢已孤矣會湘軍五千覆于三河名將李公續賓戰沒天崩地岌人心惶駭舒桐潛太四城復陷於是都公命公退屯宿松鮑公退屯二郎河寇氛復熾大舉來犯公與鮑公拒賊宿松東北大破之斬馘萬計軍威始振焉初陳酋踞安慶最悍鷲善戰日訓練健兒有

卷十一上

所謂童子軍長矛手者數千人精悍莫當至是亡七八乃痛哭而去楚督官文公鄂撫胡公林翼交章薦公可大用胡公謂公善用兵雖古之穰苴何以過之又以公與鮑公皆好勝恐違師克在和之義因謂公曰鮑超蠢悍非兵家所貴賴子庇蔭以有今日超之功皆子之功也幸終左右之公說九年春都公請疾以公當前敵公破賊于石牌石牌當安慶西南賊作大城與太湖相犄角官軍攻城潛山安慶賊分道來援公以馬隊要擊破之其冬都公督師揚州疏舉公

自代遂以皖事屬公矣公與鮑公攻太湖未下時曾文正駐宿松胡文忠駐英山二人同心謀皖公已授福州副都統于是以攻太湖各軍悉歸公節制皖寇知官軍名將銳意東下則大懼王成復糾合撚匪龔瞎子張落刑十餘萬眾來援公撤太湖圍以鮑軍屯潛山小池驛當前敵移他軍爲後援已屯新倉爲援曾公胡公危之益發兵圍太湖援前敵賊圍鮑軍數重公攻賊營以救鮑公自督軍護運道一卒持糒五升藥鉛五斤至壘擲而入又以己軍抽屯鮑左軍右

卷十一上

三

代戍壘相持四十餘日大破陳酋斬級萬餘復潛山太湖二城 賞頭品頂戴於是賊奔下游而江南大營潰曾文正渡江駐祁門鮑公將八千人從戰皖南公將萬人戰皖北胡文忠駐太湖曾公圍荃圍安慶李公續宜屯青草高公攻桐城寇倚桐城牽安慶又知官軍精銳在桐城設守甚固城西北求雨領執臨城寇作石壘環以二丈石濠與專壘水堡相輔公躬率三千人出領後陽列騎兵攻城夜半領後軍聞登寇馮壘以官軍不能近雖據領上無益未之備也公

令三千人合築礮臺三比曉臺成瞰寇城壘在目中寇驚以爲神功旋列隊移礮置三臺於是石壘及城寇伏匿知困矣十月賊援桐城號十萬公先屯掛車待之陳酋增壘不戰公曰賊始至而閉壁此欲老我師也然以援城爲名而不能戰寇眾心不能知其機而形勢已餒矣宜悉眾合擊之破其一屯餘眾自走乃建旗鼓率十八營分三隊薄攻之寇出戰敗還屯公喜曰賊將走矣飛書告李公續宜約夾擊李公進新安渡賊又不出數日突攻李公公往援賊退公曰

卷十一上

四

賊易與昨戰可知也請與共殲之遂分軍自掛車掠寇屯而北李公自新安渡掠寇屯而南寇不能守則出戰兩軍奮擊俘千三百人拔出難民萬四千平壘館百四十墜水死者又數千追奔二十餘里玉成乃走廬江陷斬水蹂黃州上掠雲夢德安隨狂奔千餘里欲掣動攻圍安慶之軍月餘還宿松至太湖諸將曰急發大軍拒之公曰賊新勝氣銳其來不攻我而亟戰以怒之敗矣令皆保營寇疾趨入安慶復自掛車列隊耀兵而退公曰此示假道不欲戰也然彼畏

我甚宜示弱以誘之設伏兩山隘戒之曰賊敗必過東東起大呼西起應之過西東亦如之勿遮道勿留行令突騎數百躡賊曰聞呼聲而進追不得過十里公親率羸軍誘寇寇進則走寇分二隊以大眾攻大營以少半追敗者至新安渡伏發斷寇後退者還擊之寇潰而東東山伏鼓而呼西山應之東西呼聲動天地追騎馳至寇大敗爭走攻大營者亦敗退皆走廬江李公既上援湖北陳酋以青草鬲空虛桐城圍軍不能遠戰復分三道來侵公分五隊擊破之旋奉

卷十一上

五

幫辦軍務之 命十一年六月賊大舉來刈稻公大破玉成于高樓領又平桐城外七壘一日公登輶車望曰賊眾十倍於我連戰皆敗今知吾所在夜必來劫營乃潛徙其軍賊至得空營大驚引去八月朔曾公國荃克安慶公策桐城賊必走留軍收城自要寇宿松先一日至寇方從潛山西趨遇官軍驚走黃梅馬步追奔四百餘里廣濟斬黃桐舒皆復捷聞 詔賞雲騎尉世職遷正紅旗蒙古都統旋擢荊州將軍蓋未一歲而已三遷矣同治元年正月公率二萬人

進攻廬州令部將石清吉為前鋒賊出數千人迎拒敗之遣騎軍斷其糧路二月奪賊礮船二火大興集賊巢偽鑄天侯普祥甫率千餘賊降尋破西門得勝門賊壘四會袁公甲三遣建甯鎮總兵張得勝帥五千入營於廬州北陳酋營于城外恃水為險公乃下令掘隄決水賊來犯皆敗去然濠長水深不能盡援賊大至乃停罷掘隄大敗賊于北門遂并力攻城破東門三壘玉成來援復大敗不敢入城由版橋河逸去賊大亂我軍肉薄登城乘風縱火遂拔廬州分兵

卷十一上

六

追玉成玉成斷浮梁以數百騎奔壽州是役殲賊萬計生擒八百有奇斬偽官二百十有三解散七千餘眾玉成走投練總苗沛霖入壽州公遣將追之距城四十里逼獻陳酋沛霖不得已囚玉成解前督師勝保營誅之公以玉成為第一兇渠今竭數年之力得殲之賊不足平矣捷奏 詔加騎都尉世職五月擢匪自河南竄陝西逼西安官軍迎擊失利 詔公馳赴陝西督辦軍務公改轍而西途中兩奉 諭旨趣行其時偽扶王陳得才勾合撻酋姜汰陵張落刑二

千餘萬眾三路窺秦公慮關隘為其所奪命先鋒雷正綰以陶茂林等三千人兼程前驅自率大軍繼之甫抵商南陳酋已躡于後截我饒道公回軍掩擊大破賊于荆紫關復其城賊宵遁公令馬隊追賊步軍暫息單騎入商南姜酋猝至商邑城甚陋賊由富水關來適當其衝城中僅衛卒數十人莫不驚怖公從容布置城防城門洞開命十數騎列陳以待賊不敢逼數日賊北趨後軍亦至公已檄陶茂林等設伏扼武關截賊去路自率五千人追擊之商地亂山崎

卷十一上

七

雜兵難展布公棄馬登山覘賊所向以旗指揮三戰三捷賊墮崖墜澗死者無算姜酋僅以身免是役也以數千疲卒滅五六萬悍賊朝廷偉之詔賞黃馬褂諸珍品公檄諸軍西且至陝會大吏奏奉廷命勝保督陝西軍務移公東勦陳酋追及樊城敗之又敗之唐縣鎮遂屯樊鄧聞十月勝保覆軍回氛益熾詔授公欽差大臣仍急赴陝西十一月公入潼關卽解同州圍擊賊之背一戰大捷回匪倡亂九閱月受創始此遂扼賊于洛河之南其地林木叢雜表

斜百餘里古稱沙苑產蒺藜公部多南勇跣足搏戰苦不得逞公多購草屨令以布裹兩足著之以滾營法逼賊而壘二年春連破羌白鎮王閣村來華喬店孝義倉渡諸賊巢馮翊悉平初公之破諸特也沙苑林中零星回巢未嘗遣卒搜捕諸將慮未盡絕公笑曰君等尙謂賊未空出耶我扼其吭彼不合并庸有生路乎必不信盍使覘之果如公言五月師次交河口公適患腹泄憊不能督戰迺擇諸將中持重者穆圖善陶茂林令分軍跨渭為營以驍將朱希廣趙旣

卷十一上

八

發輔之希廣與旣發素相善請并營於北岸當賊衝公慮以勇債事弗許固請許之戒曰君等當聽吾言賊至堅壁勿戰吾自有法破之慎毋輕出二將初尙耐守後以公病久賊日辱罵不能堪遂背令出果中賊計遇伏戰歿公聞信力疾乘肩輿以後隊二千人往援大破之克交河口十三村賊巢翦滅殆盡尋破馬烏什東沙河諸若餘逆膽落不敢迎戰公慮其避走遣卒招撫賊詭應之而陰以車馬運輜重西走公覺其詐密令曹克忠繞道截擊自率大軍進薄高陵

無戰不克無堅不破旬日之間連克高陵涇陽縣城及塔兒寨永樂店咸陽之渭城灣蘇家溝馬家堡白起營各賊巢六十餘處縱橫二百餘里伏尸徧野馬不能行京兆亦定已而遣雷正綰援甘肅命陶茂林解鳳翔城圍進攻白吉原各賊巢悉平之關輔肅清公欲度隴窮勦回匪先掃蕩漢南川賊以清後路賊偵知之乃東趨而賊首藍大順適陷整屋公馳軍圍其城整屋城小而堅藍首又善守誘以計不出轟以地雷不墮公迺選各營健卒數百人力攻月城令將

卷十一上

九

士曰賊雖善守月城破彼不能安處矣吾今分諸軍更番攻擊以逸制勞不出兩日賊必走西門近山必繇此出吾已豫設伏藍首可擒也迺親上礮臺擊鼓督軍疾戰兩時悍賊死者十九公忽為礮子中傷左目鼓音猶不絕是夕賊果由西門遁伏起藍首身中數槍逸至南山遂成擒餘賊悉滅公創甚旬餘卒于軍同治三年四月十三日也年四十有七事開天子震悼卹贈太子太保賞一等輕車都尉世職入祀京師昭忠祠直隸山東山西南安徽湖北江西陝

甘諸行省均建專祠 賞銀千兩治喪 予諡忠勇子雙全在黑龍江僑居親友家將軍奉 廷旨命赴營扶喪見其貧無以為生歎息久之 詔襲世職并為一等男公天性忠毅嘗謂其下曰我輩受 朝廷爵祿不能滅賊何以問心古人願馬革裹身吾每壯斯言敢有欺心乎每戰身先士卒不避鋒鏑自應募討賊身經三百餘陳克城砦二百有奇酷暑嚴寒未嘗安枕運籌決勝料敵如神軍法雖峻士卒被傷者親撫尉之至以己所乘騎載之歸故軍人無怨言所

卷十一上

十

得廉奉悉以充犒賞官文公知其貧郵寄三千金贍其家公知之馳卒追取悉為戰士製征袍素不識漢文公牘書函幕客誦以聽指論是非悉當嘗坐帳中令人讀三國志演義以為樂或說奇計而先決其機蓋其多謀而善戰者皆天授也咸豐中鄂軍拒賊境外良將勁卒萃于皖西北一隅與陳玉成百萬兇悍之眾喋血數年殺賊之多公軍與鮑軍為最故時稱多鮑云

中興將帥別傳卷十一下 長洲朱孔彰撰

鮑忠壯公別傳

鮑公超字春霆四川奉節人也咸豐初入向忠武公榮軍擊粵西賊未幾以病還長沙落魄欲死復入湖南軍後屬塔齊布公稍稍以勇略聞時曾文正公治團練招水軍乃拔為哨官隸楊公載福麾下嘗乘單舸為前鋒樹鮑字幟縣紅綾丈餘以自異曰戰勝令人易辨也從戰洞庭克岳州平沿江賊壘抵金口補千總克武昌漢陽補守備克蘄州田家鎮從攻斷橫

卷十一下

江鍊鎖焚賊舟得花翎都司武昌再陷文正已至南昌於是公屬胡公林翼回駐金口胡公為湖北巡撫大治水陸軍拔公為營官水陸會攻漢陽漢鎮獨破宗關石城登岸殺賊獲大礮二尊奪快蟹二艘乘勝出襄河口賊以鍊索貫船作浮橋截河公督七哨官一鼓而進用椎斷索燬浮橋獲三版七輜重三百餘船又攻破晴川閣木城二胡公之營高廟黃州德安援賊麤聚圍攻甚急公以單營飛擢馳救戰卻之胡公由是益知公視為布衣交嘗呼為弟公初字春

亭因改亭為霆狀其勇也再克金口功最升遊擊下

樊城武昌克蘄州九江遷參將時上游江面肅清胡公令公赴長沙募三千人改統陸師號曰霆軍七年攻小池破賊孔壠援黃梅毀億生寺賊壘戰一日夜傷左鄰右臂鼓音不衰於是大破賊生擒偽丞相等四百餘名斬首五千級授副將加總兵銜又焚黃梅後山賊屯進駐宿松二郞河攻破涼亭河祝家塆賊壘偽英王陳玉成率數萬眾踞楓香驛仙田鎮進擊大破之奪賊壘十三年援麻城克黃安會多隆阿

卷十一下

公進窺太湖公攻北門燒賊火藥局語在多公話中連破雷公埠石牌沿河東岸賊壘十六斬馘萬餘級詔補湖南綏靖鎮總兵進逼集賢關直抵安慶省城會江浦浦口六合六安三河官軍失營壘百餘座陳玉成合凶逆之眾乘屢勝之勢復糾撚渠張洛行龔瞎子眾號六十萬上犯舒桐潛太復失江甯將軍都興阿公令公退駐二郞河遏賊衝公身先士卒以寡擊眾大破賊于宿松東北斬偽天將成天侯殲賊八千有奇九年十二月進壁小池驛時曾公駐宿松

胡公駐英山公與多隆阿公爭赴前敵多公欲退公不可曰東南半壁安危在此一舉乃下令軍中夜半秣馬厲兵以待師出請所向公曰惟吾馬首是瞻於是銜枚疾走十餘里聞四面刁斗聲驟且急公勒馬顧諸將曰若試看此何地也天將曙其辨初乃在賊壘叢雜中咸相顧失色公曰勿怖吾與若等同受國恩當以死報皆感奮涕下爭效死公手先然巨礮聲震若雷賊睡酣忽聞礮聲驚起見公軍其咄爲自臨絕地圍益堅公望見偽英王黃蓋羽葆立馬指揮

卷十一下

三

直赴之賊陳亂後者繼進呼聲震天莫不以一當百遂破賊七十餘壘克太湖潛山當是時霆軍之名聞天下

天子褒功加提督又憫公勤勞久賞假三月省親養傷然公所部不過三千人恨未竟其用曾公與胡公書曰春霆近來戰功比多更偉可令統萬人於是增募新軍復出曾公已進祁門以公爲游擊之師時偽堵王黃文金由浙江犯江西偽忠王李秀成由蘇州蕪湖上竄徽甯遍地賊氛以大圍包裏祁門斷景

德鎮糧路軍書梗阻公縱橫盪決大破賊於黟之盧邨再破於休甯萬安街左文襄之援景德鎮也待公會戰因大雨遲一日左公先假霆軍旗幟賊見大驚敗走比偵知公尙未至復回踞羊塘謝家灘築壘三十餘公馳至大戰斬首逾萬黃文金負重創遁賊竄建德又敗之復其城旋援安慶大破賊於赤岡嶺下堅壘四礮賊首劉瑄琳十一年六月秀成以金陵賊眾擾江西連陷二十餘城踞瑞州奉新靖安安義迤省垣公移師援勦大破賊於樟樹斬馘萬餘河中積

卷十一下

四

尸塞流遂解撫州圍時江北賊熾曾公檄公赴援甫及武陵渡而安慶復再抵撫州秀成先竄貫溪雙港湖坊合花旗廣匪號三十萬公馳至大破之斬馘二萬餘進克鉛山廣信江西肅清同治元年補授浙江提督賊虜聚皖南東連蘇杭西濱江上自建德東流下至銅陵蕪湖戰爭紛紛公各路策應倏東倏西風馳電掣精銳莫當旣解銅陵圍進克青陽拔石埭下太平涇縣攻甯國大破賊於寒亭管家橋進軍高阻山偽輔王楊輔清匿城中偽保王洪容海等數十萬

眾繞城築壘絡繹三十里公擊破之奪望城岡賊四出襲我軍偽循王魏超成列隊胡盧山楊輔清復由大東門出公奮擊皆大奔斷賊數萬於城中分兵躡追殲賊二萬有奇血流標鹵城下楊輔清以單騎逸洪容海自廣德州以十萬眾降料得精壯三千後容海從公轉戰至嘉應州官至總兵是年秋江南大疫軍中死亡相繼公亦病猶能捍蘇杭強寇不使上犯及公瘡一戰大破黃文金於西河灣平八十餘壘皖南肅清會李秀成竄江北破江浦浦口和州巢含山

卷十一下

五

圍石澗埠官軍四十餘日公自青弋江馳救抵無爲州賊聞風解圍去所向披靡列城皆復擒斬數萬李秀成遁入金陵公渡江軍於幕府山賊夜襲營敗之移駐紫金山連營至孝陵衛斷賊往來要道適青陽復被圍公馳援至三山賊解圍遁追破偽根王藍仁德於曹塘斬級六千賊目張勝祿等殺藍仁德獻頭降收復建平鼓行至東壩踏平城外三大石壘偽隨王楊柳谷率三萬眾頂香蒲伏出降遂下東壩攻句容大戰塔岡城斬馘七千城賊內亂夜縛偽翰王項

天英偽烈王方成宗款營五萬餘眾盡降戮二逆於市引兵趨寶堰破堅壘五進克金壇常州賊由丹陽來犯大破之斬首逾萬時二年四月也蘇杭既克賊眾復竄江西踞許灣欲犯南昌分黨蛾聚金谿窺建昌屬縣皆爲賊所有江西告急公馳救抵撫州賊自雙鳳嶺琉璃岡九子嶺苦竹沖洲洋至許灣綿亘數十里周築長牆牆內壘纍纍如貫公軍裏岡亦深溝高壘若示賊持久者賊稍懈公令曰破長牆決死戰在今日乃分兵趨四隅親督軍擣中堅越五層鹿角

卷十一下

六

而入有部將一人退者公手刃之士益用命長牆破賊不能遁軍亦不得出人人自爲戰血濺征袍如洗槍鏃皆紅圍殺竟日破賊壘一百餘座斬首四萬級拔出難民八千進克金谿瀘溪南豐新城偽聽王陳炳文甯王張學明獎王陶金曾等率眾七萬降卽令前降將洪容海約也初偽康王汪海洋自許灣大敗後餘四五萬眾竄瑞金後併丁太陽數千人湖州逃匪數千合偽侍王李世賢三江五湖之眾三萬勢復熾回圍甯都連營四十里公率大軍至連破之圍解

斬馘萬餘海洋自瑞金復遣僞主將秦彪詐降公下令步伐止齊備之賊果列陳搖旗鼓譟勢驕甚公驟擊之賊驚潰爭入城門際口積如山城賊閉西門遁追至莖田已達閩界是時江甯已克論功加一等輕車都尉世職 錫封一等子爵戴雙眼花翎先是公於三年春丁母憂乞回籍葬親 優詔慰留賞銀五百兩經理葬事

天子曰當念移孝作忠之義勉抑哀思俟金陵克復江皖肅清再行賞假以遂孝思至是再申前請

卷十一下

七

帝許之四年秋賊由閩擾粵東 朝旨促公出五年正月僞康王汪海洋偕王譚體元佑王李元濟踞廣東嘉應州公率大軍五路合擊大破之會大風雨賊夜遁公先設伏黃沙嶂北溪白沙壩等處起擊之尸滿山谷斬譚體元李元濟並酋目數百名降二萬眾粵匪不加雲騎尉世職部將得 賞黃馬褂者三員於是 命公移軍勦捩久追逐於鄂豫之間捩嘗避公不得一戰六年正月遇於安陸永隆河大戰破之追奔五晝夜斬首二萬餘級然公亦病矣 朝廷催

入關勦西捩以病未能赴 詔詰責曾公疏解之旋乞假歸 恩賞人禮公英姿剛猛身才七尺高頰目光如巖下電右臂為礮所傷不便匕著未嘗讀書軍報口授有意理牘尾用左手施行曳筆勁人能辨之馭軍嚴而有恩進必賞退必誅他事不苛細故得士卒死力而樂為用其進戰也疾如風善用大眾有排山到海之勢駐軍若不過爭地形而壁如山立不可撼左文襄嘗視其軍指一壘宜改築公曰得勢文襄亦不解其意然敵竟不能近宿松太湖之戰與多隆

卷一一下

八

阿公齊名壁小池驛賊晝夜環攻手持令不得瞑四旬餘卒以破賊其堅忍如此陳玉成賊中呼四眼狗公嘗曰狗待我豹來食之蜀音鮑豹相近胡公與曾公亦戲曰與君烹狗賀新年蓋以十年三月破玉成也其明年天津夷兵犯順 文宗狩熱河 詔公入衛會和議成乃止嘗論夷事切齒如私讐每恨不得當而甘心故 朝廷有海防事即起公自永隆河戰捷病歸家居久至光緒六年復 召授湖南提督朝京師未至官會俄人窺琿春

命統萬五千人駐直隸樂亭時曾公國荃駐山海關李公鴻章駐天津公虛衷咨訪整軍經武四夷憚之屢 詔問舊傷公奏盡平復據鞍如常感 朝廷不次付託之重撫衷憤發又其血誠也和約定即撤軍還蜀其後法兵爭越南又 命統眾向太原未至講和罷兵十四年秋終於家 賜諡忠壯三子祖齡祖恩祖祥祖齡襲爵最公提兵十餘載大小七百餘戰擒偽王數十名斬首三十餘萬級降二十餘萬眾凡臨陳公與部將各戴品級翎頂珊瑚水晶焜耀炫目不帕首與他軍殊賊一見即驚為霆軍棄械跪馬前即不誅殺以此服其威信奉新許公振禱每與余談公逸事謂許灣之戰雖沙崩鉅鹿瓦碎長平不是過也其立廟豫章鄉人至今思之霆軍多驍將如宋國永叟雲慶蘇文彪段福譚勝達孫開華唐仁廉王衍慶最有名

卷十一 下

九

鮑公苦戰十年英彭弗如非胡文忠曾文正弗能用也信乎詩言赳赳武夫公侯干城壯矣哉

卷一 下

十

附 宋提督國承
孫武壯開華

宋公國承字長慶湖南衡陽人也貧時刺渡船自給
鮑公超為水師營官招水勇應募隸伍從克田家鎮
賊礮掀翻戰船於洪濤巨浪中躍立船背死戰胡公
林翼歎為壯士積功保都司咸豐七年調陸師營官
從攻小池口大破黃梅悍賊鮑公傷獨將破渡河橋
賊數萬眾旋收復太湖潛山擢副將曾文正進駐祁
門公由漁亭攻休甯又大戰於羊棧嶺時皖南賊勢

卷十一下

十一

熾震軍縱橫盪決力保祁門功最補宣化鎮總兵旋
援江西景德鎮從破賊洋塘援安慶克赤岡嶺四大
壘復援江西大破賊於豐城北攻甯國廣德偽保王
洪容海降鮑公令公緩輯之公強毅而氣和得士心
自衡州從軍至平嘉應州無役不從後又從勦撫安
陸永隆河之捷先數日鮑公出隊十里外公守營度
撫匪必別道來襲馳告返顧比至而寇大至其料敵
類如此文正嘗謂公有統將之才不當屈為偏裨也
同治閒以記名提督遷雲南鶴麗鎮總兵後獨練霆

慶營駐防鎮江光緒元年何公璟沈公葆楨奏調駐
閩卒於軍

孫公開華字廣堂湖南澧州人咸豐同治閒從鮑公
超轉戰楚北江南江西有功累敘至總兵從克嘉應
州光緒初調至臺灣十年法夷來犯公守滬尾礮臺
以火葯不足不用大礮令軍士盡伏臺後法兵官禮
士卑士從鑊艦開放大礮二百餘門公臺上寂無聲
法人以為我守兵已散走放舢舨驅兵登岸公伏起
斬級數百墜于海濱擊沈舢舨四三戰三捷法人自

卷十一下

十三

是遜去 詔賞穿黃馬褂擢福建陸路提督光緒十
九年卒于淡水 賜卹如制子諡武壯公子某恂恂
如書生二十一年倭人北犯 朝廷割臺灣與和臺
人不河讓公子募壯士與戰死于三貂嶺

中興將帥別傳卷十二

長洲朱孔彰撰

劉武烈公別傳

弟騰鶴

劉公騰鴻宇峙衡湘鄉人少讀書應童子試不遇遂服賈浪跡江湖間咸豐三年秋鄂軍潰于田家鎮公夜泊湘江有戎裝數十輩來掠舟公察其語音潮勇也舟有巨礮十數公好言慰之與俱至湘潭告邑令擒鞠之具得其潰逃擄掠狀實諸法公繇是知名五年夏巡撫駱公命率湘勇五百人勦巴陵土匪李日逢於毛田平其黨數千遂駐岳州九月敗粵賊於通

卷十二

一

城之莊田十月再敗之羊樓崗乘勝復蒲圻以功敘從九品 賞戴藍翎未幾復咸甯敗賊於紙坊遂抵武昌會攻望山門敗賊鮎魚套當是時羅公澤南攻武昌一見公知為將才命增募五百人遂師事羅公六年正月進壁城下會大雪公策賊且出劫營漏三下率壯士伏營外約諸營以火箭為號亡何賊果至皆衣白衣火箭發諸營夾擊之無脫者越日又敗賊於青山得

旨以知縣用時羅軍壁洪山公移屯窯灣攻漢陽門

苦戰十數次皆捷公所將曰湘後營樹黑幟賊望見輒走以為不可當嘗獨立城下呼賊以礮擊之賊發十餘礮不中堅坐良久乃還見者咋舌及羅公卒於軍李公續賓代領其眾偽翼王石達開自通城竄江西連陷瑞臨袁諸郡曾文正公駐南昌江楚道梗軍報數月不通鄂撫胡公林翼檄公及同知曾國華吳坤修參將普承堯帥師援江西命再增募五百人四月克咸甯敗賊於通山會江公忠濟敗沒通城乃繇蒲圻崇陽轉戰至通皆復其城追賊毛田及湘陰之

卷十二

二

長樂賊遂繇瀏陽竄江西六月師抵萬載復新昌上高進攻瑞州郡有南北二城南曰民城北曰官城聯以石橋跨蜀水七月朔公帥將領察形勢猝與城外賊遇敗之越日進壁西門外偽北王韋昌輝自臨江來援比至我軍已拔南城月既望六戰皆捷時知縣羅萱帥江軍會戰賊窺江軍新至壘未堅乃分黨犯公軍而以全力撲江軍新壘門竟日江軍壘垂破矣公率銳卒數十人大呼出橫貫賊陳賊大奔追殺至城濠礮斃公坐騎公攻益力盡殄濠外賊始從容

步歸後賊悉銳截我餉道又大創之於是曾公及江撫文俊公合疏上公功得

旨以直隸州知州留江西補用 賜號衝勇巴圖魯 八月朔逆渠黃酋悉悍黨來援眾四萬列陳山岡我軍靜以俟之相持一時許別賊自東北馳至截我後路山岡賊乃下撲呼聲震屋瓦公俟其逼近發礮山礮擊之退而復進再擊再敗之乃崩奔追擊三十里賊方分路逃而石逆適自九江勾黨來勒敗賊還瑞築五壘於東北路與城賊倚角號僂十萬公與諸將

卷十二

三

議曰石逆新至不急勦之使壘成禍無底矣遂令楚軍防城賊江軍進勦公率死士三百人督戰行未數里賊大至繞出我軍之後瞰公兵少先犯之三百人植立如塹寂無聲待賊近始發礮山礮殪之賊卻三百人植立如故再近再殪之凡六七次賊氣沮各營併力猛攻遂大捷賊數返門數敗之公大呼破其一壘乃回軍復擊敗城賊之出犯者尋分軍克上高敗傅家墟援賊方官軍之拔南城也賊黨盡萃北城路通臨江大小數十戰莫能斷其接濟公議於南岸築

壘斷外援又於北岸石鼓嶺築新城視舊城尤險固至是賊惟株守舊北城耳十二月公移屯南岸七年正月闕長濠以困之先後邊賊於馬鞍嶺陰岡嶺皆大破之四月西安將軍福公來視師歎曰吾行軍八年未見有結營平地扼賊而外不能援內不能突如此者會李公績賓進攻九江胡公疏調公回鄂公以功在垂成先遣一軍應之而攻城益力賊夜竄出公追殪之於灰埠六月奪賊南門礮臺七月攻東門毀其城樓十一日破南岸礮臺明日公親督戰中鎗子

卷十二

四

五臥勿能起坐肩輿督戰破卡三奪礮臺一遂攻橋北礮臺城且破忽巨礮中公脅仆弟騰鶴扶之強視語曰城不下無斂我軍中皆泣冒礮登城斬殺強寇大半除道開門迎公尸入治喪聞見者莫不悲壯其志以爲公能用眾也公於諸將位最卑名再重臨死一言而使士卒忘身殉己若報私忿以成其志雖塔齊布多隆阿公莫能逮公死而所部僱精兵至今聞其名其圍瑞州將卒千五百人所役作濠壘如數萬人之功待士有恩信請告必允亦如期帆至而紀律

極嚴卒取民間一鴨立斬以徇屯瑞經年民安其業
鄉民助餉至二十萬緡其卒也民哀思之作紀恩錄
臚陳十四事立祠數十處祈禱輒應屯軍處一祠尤
著靈異云公平生見善若驚疾惡若讐見同列攘功
委過輒憤憤不平父象觀管戒之殉節時父書偶語
弔之曰不死于賊必死于小人今而後吾知免矣未
能事君焉能事父母已焉哉天實為之其言沈痛若
此卒年三十有八 詔視道員例從優議卹 贈光
祿寺卿 敕建專祠 予世職同治三年江甯復

卷十二

五

優詔追錄前勳 賜諡武烈子一曰青甸

騰鶴字杰人將中營會攻瑞州咸豐七年四月戰南
城礮傷左臂創甚兄命歸休持不可七月十三日大
舉攻城城垂破武烈中礮卒君號痛督師急攻比夜
城破賊盡殲而武烈不及見矣江西巡撫命接統湘
後軍遂進援臨江賊敗走乘勝破峽江賊數萬復其
城十月會攻吉安壁城下闕長濠困賊獨當西南路
八年七月江水漲賊乘勢衝出督軍截斫無脫者八
月十日賊再由江干突圍出擊走之仍逼入城十五

日城拔君獨率所部窮追數百里斬馘大半時詩劄
未愈方乞假省親而當事已調防九江不獲辭十月
屯彭澤九年二月戰勝於牯牛嶺遂進規建德擣風
雲嶺賊巢破堅壘二忽後隊火藥發賊乘隙來撲眾
十倍圍之數重君力戰逾時已潰圍出矣慮全軍不
支復大呼馳入陳力竭死之年二十有八是日以勇
丁失火敗賴君力戰損傷僅百餘人軍械無所失君
累功保記名知府 詔視道員例從優議卹 予世
職如制

卷十二

六

畢剛毅公別傳 黃虎臣

畢公金科字應侯雲南臨沅人以征開化苗匪功敘藍翎外委咸豐四年隨副將王公國才赴湖北軍營破賊於天門丁司橋累敘至花翎都司十一月曾公國藩檄令隨塔公攻圍九江明年正月賊犯武昌王公國才回軍援鄂公遂為塔公所留其後塔公物故公以驍勇冠潯軍逆酋石達開之寇江西也連陷瑞州臨江等府數十州縣公所至常陷陳克捷旋為他部牽率失利終不得獨錄其功自九江奉檄而南以

卷十二

七

五年十二月破賊於樟樹鎮明年二月官軍敗失之自南昌而東以六年五月破賊於饒州之章田渡六月郡城陷失之公自痛為他部所累益發憤募死士再入饒州誓眾曰今日上岸破賊不捷吾不復歸舟一鼓克復府城饒之耆黎婦孺見聞者與不見聞者皆曰畢公功也由是 賞呼爾察巴圖魯名號補臨沅鎮都司升用游擊名譽大振而忌公者日以次骨飛謀薦誘迭相污染公提千餘人當四戰之地索餉不至又惡忌者在己上中夜鬱鬱不自得常思立奇

功以自旌異會徽池之賊大至歲莫士有飢色有司責公能破景德鎮軍食可圖也公不得已於正月二日挈壯士十餘騎馳入賊中左蕩右決殺百數十人賊將遁矣焚市廛光燭天見公無繼者遠以木柵遮道馬不能騁遂遇害年二十有五事聞 賜卹如例公臨敵負鎗腰五十矢令二卒手蛇矛持八尺刀以從怒馬直穿賊陳戒後者無得妄從人亦自不敢從也當是時塔齊布公臨陳負鎗亦然塔齊布公先以勇名天下公繼之楚人剽悍者低首塔公亦豔稱公

卷十二

八

都昌浮梁閒民風悍至今傳誦其事皆慕公之勇詫歎不已公去曾文正營歸江西調遣未一年殞命文正深惜之後三年文正弟忠襄公破賊景德鎮憑弔公殉難之所為伐石以表遺蹟文正銘曰橫目蚩蚩同出一治眾雌無雄誰是健者塔公首出次乃畢君驅輪雖小陳安之倫匹馬斫陳萬夫莫當人心之賊一矢或傷內畏媚嫉外偪強寇進退靡依忍尤叢詬鬱極思伸矯首舐天徒飛無翼或墜於淵淵則有底憤則無已萬代千齡哀此壯士同治三年金陵既克

曾文正公奏與劉公騰鴻同請諡 子諡剛毅先公
七月攻建昌亡者又有黃公虎臣楚人也爲人樸實
鷲勇文正奇其才令統千五百人從克武昌田家鎮
轉戰至江西積功擢都司咸豐五年冬九江賊犯青
山公與林公源恩擊卻之明年正月賊至青山再破
之三月公率師赴吳城鎮會水師攻下建昌縣晉游
擊四月攻瑞川奉新往來南昌屬邑爲雕勦之師五
月軍建昌郡宜黃援賊自茅排蠶擁而至襲公後公
出巡瞥見率壯士九人挺矛衝突刺前賊盡殪後賊

卷一二

九

環刺公受十餘創而殞是時壁建昌軍以公爲眾望
所歸聞公歿三軍爲之奪氣文正奏死事狀 詔從
優賜卹

周節愨公別傳

周公雲耀字光庭湖南邵陽人也少有膽畧充寶慶
協馬兵道光十二年從征江華逆裔趙金龍補外委
綦擢千總二十七年勦新甯賊雷再浩有功 賞藍
翎擢嶺東營守備時承平久營伍廢弛以游手充斥
籍值征調輒相向泣公力輓其弊先汰羸弱勤訓練
倡勇敢踰年新甯賊李沅發作亂莠民蠶起應之公
帥所部百五十人團結鄉兵固守賊來犯擊走之咸
豐二年逆渠洪秀全下竄陷江華公屯軍牛塘等處

卷一二

十

與賊戰屢捷三年夏粵寇鍾爾康犯江華公帥二百
人迎勦大敗賊慮賊由閒道襲嶺東乃冒雨夜馳歸
翼日賊果大至出不意敗之禽逆酋彭如海曾文正
手書批答云此次用兵若神鷹盤空飛疾而力勁不
媿西南鎖鑰也四年擢江華營遊擊江華地接粵西
賊黨出沒無虛日公以兵法布勒鄉人使家自爲戰
會粵寇劉紅貴犯濤墟公往勦賊敗遁別賊羅亞會
犯嶺東界又擊走之追及粵境赭其巢賊竄永明之
桃川方擬躡勦有別賊來自灌陽圍攻道州甚棘公

聞王公珍率湘勇來援急以兵會圍立解賊偵知公遠出策江華必虛將襲城公卽夕循間道歸遲明果與賊遇奮擊敗之遂進攻桃川賊聞風遁追及粵境之栗平街殲賊殆盡公自與王公合軍兩人深相得士氣百倍官民倚此兩人爲固婦孺皆知其名賊甚畏之未幾援甯遠援錦田往輒有功十一月賊犯零陵公迎擊於青口版橋追至梅崗賊敗遁巡撫駱公上其績 詔賞孔雀翎擢參將五年春勦賊於錦田於富川於永明灌陽均大捷夏四月粵酋朱洪英陷

卷十二

十一

東安公會諸軍圍勦克之敘功晉副將尋追賊道州大破之賊回竄圍廣西之全州公力疾馳援全州圍解又破賊於興安時軍威震甚賊當之輒靡恨公次骨以公所部人少滋欲困公遂繇灌陽回竄永明永明屢被賊城中死徙一空至是告急公兼程回援中途糧盡貸米於民家民間公軍至輟已炊而餉之十月朔夜三鼓抵城下羣旦賊大至公倉猝戴草冠鞭刀出城擊賊所殺傷相當乃以眾寡不敵斂兵固守時王公珍方圍彬州未及援城中勢益孤賊訶知兵

少糧盡攻益急十一月癸亥城陷死之王公珍與人書云光翁所部千一百人若盡以守陴或不至此迺入城不滿三百人猶且鏖戰三晝夜悲哉時桂陽寇犯甯遠趙參將永年亦戰死湖南自塔公領營兵最强二公繼之亦有名然所部人數太少用公者曷嘗盡其才哉與周公同死者守備銜千總朱耀永明汛把總周佑外委官獻爵 賜卹如例周公諡節愍評曰曾文正謂劉武烈治軍刁斗森嚴凜不可犯臨陳則埋根行首屹如山立有名將之風惜其剛毅太

卷十二

十二

過卒以身殉畢公金科驍勇冠軍景德鎮之役實因餉絀而冒險求戰輕兵深入失此將材黃公虎臣有聲豫章周公雲耀顯名零陵之四公者雖往古烈士何以加焉

中興將帥別傳卷十二終

中興將帥別傳卷十三

長洲朱孔彰撰

武壯公烏蘭泰

全玉貴

向忠武公榮

張忠武公國梁

虎坤元

烏蘭泰公者滿洲人咸豐元年簡廣東副都統二月奉命自山東馳赴廣西幫辦軍務與向提督榮分統一軍時承平久將不知兵洪秀全等倡亂有防兵三萬鮮能戰者惟公以勇略著聞五月敗賊于象州又捷于桂平新墟七月奪雙髻山要隘八月破賊

卷十三上

風門均向提督由桂平追之公由鵬化山追之賊自大黃墟分水陸兩路經大黎向永安州閏八月朔陷踞之遂僭偽號太平天國洪秀全為天王楊秀清為東王蕭朝貴為西王馮雲山為南王韋昌輝為北王石達開為翼王洪大全為天德王秦日綱羅亞旺范連德胡以晃等各僭丞相軍師等偽職分眾屯莫家邨阻官軍攻永安之路距邨十餘里有三嶺中曰秀才左曰龍虎右曰石燕公相度形勢駐火器小隊于秀才嶺暗伏地雷出隊誘賊佯敗由左右二嶺退過

中嶺後列陳以待公自建中軍旗鼓於秀才嶺最高處帳前植一紅蓋賊爭中軍旗鼓公率小隊自嶺後徐卻賊拔紅蓋火機觸發嶺石奔裂賊死數百大隊乘之遂克莫家邨自此賊見公旗幟不敢近二年二月官軍圍永安四路進攻並擊其東西礮臺城將克會參將李廷楷戰沒諸將少卻賊由古東冲小路出關偽丞相秦日綱屯仙回嶺公爭山岡夾擊斬級二千餘賊破別軍出圍東竄遂收復永安州生禽偽天德王洪大全檻送京師磔于市永安之賊繞山走踞

卷十三上

六塘墟將犯省垣公以刀刺臂血灑孟水中飲士誓同死賊追至將軍橋中礮而亡當是時賊結死黨猛進不逞之徒從亂如歸官軍所徵調者不習戰皆莫知築壘濬濠是以望風奔潰其不奔潰者已併強軍而況言戰哉且提鎮多不相統轄事權不屬其不能制賊者勢也公則忠勇絕倫每戰身先士卒嘗譏同僚避賊又無謀與都統達洪阿提督向榮皆不合獨與江公忠源善蓋以忠義相許也江公自有傳烏公死事聞詔從優議卹賜諡武壯部下全玉貴田

學韜最有名

全總戎玉貴貴州鎮遠人少落拓不偶初入營伍補名糧無所表見意頗不自聊及徵兵令下從征粵西乃稍喜每戰輒衣白襦襠以自標異驍果冠羣都統烏蘭泰公一見大奇之使募健兒三百人別爲一營而是時湖北人田學韜者亦以勇名與玉貴埒烏公擢爲左右翼凡戰皆此兩人先登爲賊所指目及烏公戰沒桂林學韜亦前死玉貴從他軍至道州賊酋楊秀清擁眾奄至大將某棄營走營內金輜山積玉

卷十三上

三

貴不忍棄謀督護而計未有出賊已迫近卽挺身單騎橫矛立橋上厲聲謾罵且曰吾一人耳汝敢來鬪否秀清初起持重又未知大將已去惶視良久謂其下曰此白袍將吾聞名舊矣今觀其氣盛言壯必有伏不可墮其術中竟退玉貴飛報主者徐引還閉營無恙軍中莫不服其勇也總督徐廣縉爲繪圖呈奏錄首功白袍將以此名聞天下時以比唐薛仁貴云後隨向忠武攻金陵提督和春前在廣西湖南親見玉貴戰狀及是赴援廬州絕欲得玉貴自助咨向調

往遂以副將署壽春鎮總兵玉貴既至相度廬州城外有平地可以立營而前後皆賊屯玉貴念非出奇不能取勝引兵直入其閒置壘令曰以半軍築以半軍護士皆注鎗持滿賊錯愕來爭且戰且築壘立成晝夜疾擊剗平十餘壘賊幾盡矣會攻城爲礮子所傷數月不愈卒廬人惜之私立祠以祀

向公榮字欣然四川大甯人也少時捷足能及狡兔嘉慶初教匪亂掠去旣脫遂入軍旅隸楊侯遇春戲下從平滑縣賊積功至偏裨侯忠勇聞天下所部皆

卷十三下

四

顯名一時公年少壯勇侯最信愛之從征喀什噶爾克復四城 賞戴花翎師旋擢副將島夷不靖授直隸通永鎮事平晉四川提督遷湖南提督平李沅發亂一月而捷道光三十年率兵越境勦賊旋調廣西提督時粵賊蠶起數十處而會匪洪秀全最強據紫荆山眾踰萬公恐游匪盡坵之議先翦其翼卽自將兵由柳州慶遠至南甯橫州四戰皆捷索潭陶旺諸賊盡潰 賞霍欽巴圖魯已而洪逆將出窺潯乃由橫州移軍會勦洪逆已出巢至大黃江遂擊之於馬

鹿領賊走武宣公先布兵要於城外賊遙望黑幟反走象州之中坪百丈卽將窺省城公繞當賊前使滇黔兵犄角咸豐元年賊乃復走紫荆山前以新墟爲門戶後以雙髻山猪仔峽爲要隘七月各路進兵都統達洪阿攻西南烏蘭泰秦定三攻西北總兵李能臣經文岱攻東南公與都統巴清德由紫荆山後路進直登猪仔峽據其要口賊眾大潰遂奪雙髻山八月賊陷永安州公因雨致挫奪職畱營旋以戰勝復原官明年圍永安賊潰圍出犯桂林時總兵長瑞長

卷十三上

五

壽都統烏蘭泰陳亡軍氣沮公策賊必犯省城率親兵閒道疾馳先一時至免胄巡郭以安人心賊百計仰攻守禦三十一日而圍解賊無所得則走陷全州出湖南圍長沙公軍踵至賊遁渡洞庭犯武昌公躡追連戰皆勝而城中無守備隔賊壘不能與外軍合遂於十二月四日失陷巡撫常大醕學政馮培元等死之公乃以重兵數萬分布各門以全力扼守洪山日夜搏戰賊在城中不自安欲由襄樊北趨偵知河南有重兵扼守遂於三年正月二日下竄公收復武

昌追賊于九江八戰八克遂拜 欽差大臣湖北提督之命而兩江總督陸建瀛防楚皖之交軍潰於武穴下賊遂破安慶陷江甯勢燎原矣公追至江甯屯孝陵衛大破賊鍾山 賞黃馬褂江甯城大而堅狡窟已營遂萌分黨內犯之意公逼城而軍力扼其吭蘇杭腹區賊屢伺而不得逞乃分擾江西安徽各郡縣又由揚州分眾北竄遣將赴援不分畛域疏調粵海師船由海入江擇鎮將諳水戰者督之由三山轉戰而上進屯采石屢破賊舟閒出陸兵復太平府賊

卷十三上

六

援中絕於是城賊乏食乃傾巢爲困獸之鬪眾數萬擇其尤獷悍者爲前鋒公豫部署諸將誘賊至上方橋盡殲之賊由是不敢犯大營六年張公國梁又敗之於高資賊乃分竄江北皖南公飭諸將領兵四出援勦大營僅餘兵數千公且病以故賊悉眾犯營公度身死則賊日進躡蘇常而江浙危乃移扼丹陽疾戰大破賊而公病不支矣公奏以張公自代後解金壇圍復句容東壩猶用公遺教也卒年六十有五先以丹陽移軍 詔革職仍畱欽差大臣至是 上聞

震悼復原官 予諡忠武 賜一等輕車都尉世職
準建專祠

張忠武公國梁者字殿臣初名嘉祥廣東高要人年
十有五賈廣西貴縣爲土豪所辱怒率眾毀其家官
名捕亡命爲羣盜盜有道人爲之語曰濟弱鋤強張
嘉祥及桂平盜洪秀全等煽亂附者眾公爲眾所脅
與其黨合賊黨令公率二百人詐降向公榮知之令
所部留壁中易二百壯士從公戰賊大敗殺公妻子
公遂以誠告向公善遇之由是居向公麾下率銳卒

卷十三上

七

爲前鋒先登陷陳以勇略著聞向公倚爲左右手咸
豐元年洪逆以賊數萬走新甯州公率其徒二百人
破之授守備 賞戴花翎二年三月敗賊于道州蛇
皮領克永安州追賊自湖南至湖北破洪山寺賊壘
升都司 賞給霍羅琦巴圖魯勇號賊棄武昌蔽江
東下陷江甯當是時長江無水師官軍由陸路追之
無船渡軍比至江甯而城已陷十日矣賊既踞江甯
爲僞都而鎮江揚州相繼陷向公以 欽差大臣督
元從諸軍駐鍾山公以所部扼七甕橋都統琦善亦

以 欽差大臣駐揚州所僱江南北兩大營者也而
南軍聲威出北軍上遠甚故北軍自琦率後托明阿
德興阿咸未幾罷去其軍遂兼轄于江南三四年間
江南北郡縣警輒往援輒立解皆公功也存升福
建漳州鎮總兵六年夏五月江蘇巡撫吉爾杭阿公
敗於鎮江死之未幾而有向軍鍾山之潰諸將震恐
公從容指麾始得全師退次丹陽尋復進向公奏以
公總統南北諸軍旋解金壇圍奉 旨幫辦軍務乘
勝復句容 賞穿黃馬褂復鎮江與騎都尉世職擢

卷十三上

八

湖南提督復秣陵關 賞換雙眼花翎調江南提督
復揚州儀徵又克九洲洲晉二等輕車都尉迭荷
文宗哀旨 賜上方珍異嘗傷中指 賜御用藥散
尤異數也既而向公率某帥驕愎不省事又忌公事
事齟齬之公度不得行其志誓以身殉抉一齒寄家
示無還期公築長圍困賊攻益力城垂破援賊四至
某帥方以不破城不發餉激軍軍屢譁不爲動公跪
諫繼以泣不聽其實饜銀尙有三十萬後悉委于賊
矣先是僞忠王李秀成與僞玕王等謀曰蘇杭爲天

下財賦之區若約外黨攻之張某必馳援則金陵之圍解矣眾然其言遂令悍黨攻杭州破外城公乃分兵救援而大營兵四出愈單弱援軍至賊棄杭走回犯鎮江公果親援鎮江賊乃猛攻鍾山營某帥遯軍遂大潰公聞變馳至丹陽東遇賊大戰傷重下馬向闕再拜曰臣力竭矣復進望賊營馳渡河人馬俱歿時十年閏三月晦也公從軍十年與士卒同甘苦士卒愛而畏之大營饑絀而譁至矛傷向公臂萬眾洶洶公聞率小隊馳至乃散公令曰罪人吾知之諸

卷十三上

九

營盡縛以來則已否者張某且殲其營日哺得三十餘人殺之卒無事公親軍千人皆古所謂解煩兵者且有紀律主帥奏明月饑每兵多一兩軍興以來未嘗有也身經數百戰以少擊眾賊眾畏之如虎既卒鎮江營多公舊部賊至假公旗以出賊披靡陰雨中賊輒望見公旗故賊猶傳公不死神矣哉公戰陳出新意善察地勢動合古兵法向公以六合新勇隸公公試之曰若未能戰也雖然宜令若立功將戰公匹馬環視數十里中得一僻地令營之曰旦日賊零星

過營若盡殺之已而果然故弁勇人人自奮願從九洲之役公作背水陳四眼狗率眾數十萬追我軍於江滸公徙舟去岸令曰私渡江者斬賊連蹄我營周提督天培歿于陳眾頗懼公手刃一人以徇曰今日進則生退則死麾眾而前無不一當百賊大敗走遂復九洲其復太平也以五百人從至則賊酋觀劇城外公突至大呼殺賊賊奔入城公麾兵隨之而入城遂復往返七日耳軍中歌曰張國梁走馬取太平其後援鎮江公至賊退將歸金陵吉勇烈餞之九

卷十三上

十

華山酒中報賊至出擊不利公飲啖自如呼其屬曰賊近以告俄而四山鼓譟礮聲若雷公起更衣曰請從此別出營門立而指揮分兵作數隊揚旗出公潛由僻路下山抄賊背急攻之與勇烈夾擊賊大敗死者無算公遂歸金陵是役也賊數萬公卒僅數百云公之過丹陽也周走四城召父老謂曰此城無守法若等速東去我畱待若公植立城上賊望見之不敢近盡一日城空乃行往歲蘇州設郵局公遺書云貴局多一難民即敝營少一死賊公在軍殺賊以萬計

而仁心爲質有如此公長身孔武有力而狀貌如婦人好女待人以謙尤重儒士嘗軍出溧水縣令供張南門公率親軍百餘人至北門時漏三下破門求宿無應者得一古廟小憩公以下皆藉草臥黎明令倉皇至謝罪公曰吾愛此寺僻眠甚適不及至南門耳遂馳去治軍暇輒作虎字大徑丈中直墨半枯屹如鐵柱名書家所不及廉奉悉以分士卒不名一錢計至粵一子蔭清幼四壁蕭然公薨後江南數十州縣皆陷于賊或謂公歿于鎮江者傳聞之誤也數月始

卷十三上

十一

得公死事狀以聞 詔曰東南半壁倚爲長城尙冀該提督不死出爲國家宣力又曰若張國梁在蘇常何至糜爛若此當是時三帥不睦公尙受制於人南北軍又少良將雖爲總統實孤立耳竟矢一死報國悲哉同時驍將有虎提督坤元者先公卒虎提督坤元字子厚四川人總兵虎嵩林子軍中以小虎目之別於其父其父常以事當法坤元號泣向公前請以身代拔刃自擬向帥惜其材許以功贖由是戰必先登君每戰好奪纛選所部悍少年百許配之千金名

馬背負紅旗一縱廣各四尺遇賊輒亂陳入望之如火雲飛翻爲風所掣也俄鉅黃旗十數掩映其間則手攀於賊者橫舞之而出賊以故望見紅旗一簇輒曰是小虎不可當到捲其纛以遁其後戰歿于秣陵關年裁二十許官至提督向帥之退丹陽也君守珥陵張忠武殿軍至遂與之合日莫張筵召諸將飲酒數巡張忠武具冠服拜於階下諸將大驚爭膝席至地張忠武慷慨言曰勞諸軍血戰數年良苦今一旦糜爛若此而向帥又病東南半壁視翼日一戰勝良

卷十三上

十一

善不然國梁必死於是今與諸君別也君遽推案前擁張忠武起曰過此半步死者非夫也坤元請先之公繼後吞此賊必矣忠武笑撫其背曰壯哉雖然前敵吾自當之君可繼諸將亦涕泣誓以死明日賊盛至我軍裁當十之一逆前鏖戰礮聲猛烈萬雷一奮崩崖積谷戰塵起數十丈劇賊排牆進君與張忠武洞入中堅諸將繼進剽疾震蕩血肉橫飛鏖戰兩晝夜賊乃大潰乘勝逐進駐鍾山築長牆圍金陵君之功爲多又嘗以千五百人走賊二萬克句容云

評曰江忠烈獨重烏公之爲人豈非以公所志異於羣帥哉蓋相契者微也向公躡賊粵西直至江甯屏蔽蘇常四年之久不可謂無功然江南軍少良將謀略之優惟張忠武一人竟以誤國庸臣齟齬敗績壞此長城豈不惜哉

中興將帥別傳卷十三終

卷十三上

十三

中興將帥別傳卷十三下

長洲朱孔彰撰

鄧忠武公紹良

瞿威壯公騰龍

饒莊勇公廷選

陳威肅公大富

畢定邦 賴高翔

鄧公紹良字臣若湖南乾州廳人父士儼歲貢生任平江訓導行誼稱一時公自幼以武力智略自許請于父統屯丁補新場堡屯把總道光末從征崇陽以功擢千總晉守備尋從征廣東 賞藍翎李沅發反

卷十三下

一

新甯公率五百人敗之窮追至黔粵斬獲甚眾明年沅發就禽公擢提標都司 賞揚勇巴圖魯換戴花翎咸豐元年從提督向公榮勦粵賊於慶遠敗諸索潭及陶鄧墟賊竄潯州踞大黃江公麾軍渡方對壘別賊自牛排嶺來犯公引精騎五百橫衝其陳張左右翼繼之兩路賊皆敗又敗賊於象州乘勝抵永安戰皆捷遷游擊二年賊犯桂林公空壁躡之一日夜走三百里屯西城圍解授楚雄協副將賊竄湖南公奉檄守甯遠旋守衡州賊繇閒道走長沙公帥師馳

援與承綏協副將瞿公騰龍壁南城外焚賊踞民廬
敗賊阿彌嶺會賊鑿隧道隱隱聞鋤鏗聲巡撫張公
亮基檄公及瞿公帥勁卒八百人入城備緩急九月
丙子魁星樓側地雷發賊翻數丈軍卒方集天妃祠
攤錢博戲公獨拔刀當城缺斫先登賊一人顛軍卒
聞之皆集缺口賊蜂擁上礮彈洞公右臂血淋漓不
少卻其擊殺悍賊百餘督兵紮土城復完未幾賊解
圍竄岳州直趨武昌公卷甲尾追三年擢壽春鎮總
兵晉江南提督攻鎮江會援賊大至我軍不滿千敗

卷十三下

二

潰 詔奪職仍協勦金陵尋以五百人援東壩克之
轉戰至太平又敗賊於采石移防甯國敗賊黃池五
年春 詔賞三品服及花翎帥師援徽州有功尋援
甯國復蕪湖平沿江賊壘授陝西提督六年春奉
詔攻揚州冒雨渡江帥精銳薄城環攻六晝夜克之
詔調浙江提督紿辦皖南軍務戰三汊河拔其柵
適甯國陷倍道進攻敗賊於雙橋趙村東溪橋進次
望牛墩大小數十戰皆捷又敗賊於夏家渡於團山
分兵平涇縣各村賊巢援賊至敗之於桃花園麒麟

山遂克甯國七年復南陵會蕪湖賊犯灣沚公痛勦
之夏四月金陵賊大至復犯黃池灣沚分黨從紅楊
樹內竄公擊走之四次攻蕪湖皆捷遂進攻繁昌敗
賊孤山壩又敗之清水河又敗蕪湖賊於四合山適
青陽賊窺涇縣分兵擊卻之賊復走據南陵當是時
公以甯國爲浙藩籬而涇尤皖南咽喉自提兵過其
衝相持至兩年賊死爭不能入尺寸會丁母憂乞解
官奔喪 詔改爲權提督仍督辦軍務未幾復南陵
時別將攻瓜洲急賊謀解圍乃犯南陵涇公皆擊敗

卷十三下

三

之尋破三里店賊巢南陵涇皆平八年江甯賊糾撙
匪來犯黃池灣沚連屯四十里公自南陵回援力戰
走之賊復犯南陵勢尤悍公與總兵周大受前後夾
擊大破賊進攻桃木段賊巢破之追至孤山壩盡焚
其壘繇是石碓施家渡要隘皆奪回尋遣將平太平
卓村賊巢遂進攻莪橋適賊復犯黃池乃分兵擊卻
之蕪湖賊同時來犯亦爲公所敗然公所部萬六千
人多分防各處要隘灣沚大營勢甚孤而賊眾數倍
盡踞河北三里埂和尚橋等處分番出犯而甯防危

矣公飛檄請援時軍餉久絀孤山壩各營相繼失守十一月戊寅總兵戴文英以金陵援師至賊用大隊襲其後文英戰死援師潰營中食盡賊攻益急公知勢不可支具衣冠北面再拜舉火自焚其營死年五十有八公死而浙遂不能支矣 詔贈太子少保賜祭葬 子諡忠武 賞騎都尉兼一雲騎尉世職 蕪甯國及本籍各建專祠 賞其父士儼白金四百兩時父年八十有七矣敘公子彥先光祿寺署正同治元年 詔湖南巡撫遣官 賜祭一壇

卷十三下

四

瞿公騰龍字在田先世居陽湖曾祖明誠任永定縣尉僑湖南遂為善化人年十九入提標繇常德協外委游擢郴州汎千總道光十二年從征逆獠趙金龍以功 賞藍翎再征廣東八牌搖 賞五品服遷鎮守備乾州苗變帥師燔其巢 賞換花翎遷古丈坪都司署鎮守游擊咸豐元年出師廣西屯武宣疊敗賊於桐木馬鞍山時患瘧力疾決戰上官勸少息公不可曰賊勢如此某敢愛身邪賊竄永安追剿至古排塘屢斬賊目焚其巢擢參將二年賊自永安犯

桂林公繞道出賊前壁文昌門賊用攔牌呂公車來攻公力戰禦卻之圍解擢永綏協副將 賜號萃阿巴圖魯亡何賊犯長沙公馳援與鄧公紹良同奉檄帥勁卒為游兵備非常賊用地雷攻城九月丙子南城地雷發城塌四丈鄧公禦之十月己卯地雷再發不及城垣甲午夜五鼓地雷復發城塌八丈公拒缺日斬悍賊三百有奇城復完明日圍解 詔加總兵銜公繇岳州追賊至武昌三年擢鄖陽鎮總兵進剿江甯亡何賊北犯 詔公帥師二千人赴河南山東

卷十三下

五

防禦抵高郵 欽差大臣琦善疏留之會總兵雙來中礮死遂兼統雙營總理營務充翼長時瓜洲賊悉銳援揚州公所部皆分防要隘戲下裁五百人公誓眾曰賊十倍我不力賊勢且盡今當有進無退敢回顧者斬遂下馬持大刀督陳五百人皆奮勇衝殺呼聲震天五盪五決賊敗潰夜雷兩大作我軍乘電光冒雨衝擊賊不辨眾寡遂大亂自相斫殺厥明賊退屍骸枕籍計斃賊二千有奇越數日瓜洲賊山三汊河揚帆至登東岸聲言復仇公率眾渡河橫截之賊

敗走十一月克揚州並復儀徵四年二月公進剿瓜洲破其伏賊連敗之初五日公督師深入賊傾巢出拒復分黨襲我軍後公被圍血戰竟日手刃十數賊力竭死之年六十有四事聞 贈提督 賜祭葬 子諡威壯 賞世職入祀 京師昭忠祠子輔廷候選從九品廣善藍翎從九品廷熊藍翎外委廷豹藍翎把總有 旨並賞守備廣善尋改文職累保布政司經歷加知州銜咸豐八年戰死於乍浦廷豹隸都統德興阿戲下充營官八年賊犯浦口力戰死事並

卷十三下

六

從優 賜卹如例

饒公廷選字枚臣福建閩縣人少涉書史倜儻多大略未冠入伍道光十一年張丙反臺灣以千總隨將軍瑚松額東渡提督馬濟勝號知兵嘉公才致之麾下獲賊多 賞戴藍翎十四年遷守備十五年嘉義沈知等煽亂總督鍾祥以公習臺事檄之往事平賞換花翎懋權各營游擊所至兵樂而民安之總督吳文節文鎔以曉暢軍事疏薦二十一年七月海上事起公統精兵七百馳扼海澄二十四年三月總督

劉韻珂檄赴馬巷禽匪徒陳鈕等是時水師提督寶振彪治水軍有聲公以陸路營將隨之出洋首先擊賊船禽其魁寶公壯之二十五年擢都司二十八年擢漳州左營游擊咸豐二年調署中營游擊漳俗勤悍一言不相下則聚族而鬩訟之官必互誣其鄉之最富者爲首官提兵下則焚村以示威必各飽所欲而後息良懦者苦之而文武兵役及其鄉之莠民則無所不利公嚴戢所部親入鄉召父老反覆曉以利害使縛獻眞犯置諸法株連者洴雪之守令感公誠

卷十三下

七

無異議故漳民之戴公也如慈父母焉三年三月詔安械鬪官治之不服勢甚張總兵曹三祝以公及龍溪令趙印川得兵民心使往是時潮州小刀會轉相誘結浸淫漳境窺公之出也潛伏城市中十月初十日倉卒起鎮道皆遇害所部卒郭連城護公眷屬出公聞變急馳歸已而偵知會匪羽翼徧諸鄉良善者亦爲所脅乃獨攜健卒葉騰蛟等間道趨郡城半途賊圍而踪迹之有大姓某於眾中目公指謂羣賊曰此吾讐也無與諸君事吾將甘心焉遂翼公至其家

再拜賀曰吾知公公再生吾等亦再生今郡城已陷公獨身歸死何益請爲公號召良民之脅從者脅從者聞公在必反正城中宜有應者賊不足平矣俄頃集千餘人公帥以行賊不敢偪始賊之陷漳城也與城中百姓約無相害百姓隱忍安之以待公至已而訛傳公及趙公爲賊所得驚走相告向賊索二公賊力白無之眾憤曰是必既殺之而誑我也詎且鬪洶洶不可遏賊遂逐十七日公以鄉團至援賊復大集圍漳城數匝公嬰城固守時時出奇勝之大小數十

卷十三下

八

戰賊乃潰總督王懿德檄公護漳州鎮總兵外勦內撫期年乃復平四年三月擢貴州安義鎮總兵旋護福建陸路提督五年三月粵逆陷廣信浙江危甚王懿德檄公馳扼衢州適甯紹台道羅忠節澤南以楚軍復廣信賊知三衢之有備也從徽州遯浙境以安六年逆酋楊輔清圖踞廣信以窺江浙率數萬人繇吉安出永豐倍道行陷廣昌南豐新城瀘溪等縣疾若風雨無當之者時廣信守兵數百聞風皆潰署知府沈文肅葆楨從學政廉兆綸籌餉於河口單騎歸

城無居人惟與厥配林夫人枯坐待盡而已公時在玉山得告急書慨然趣治裝曰賊得廣信則玉山不可守是無浙江也東南大局視此一舉願諸君努力眾曰唯然夫役盡逃礮械鉛藥居後則無以爲戰從水路又舟膠不能下會大雨如注山水驟發河流漲丈餘公額手慶曰天贊我也師遂下公既抵廣信城賊已至城西四十里之太平橋明日亘北山賊幟如林始賊謀之入廣信也以空城歸報賊喜不以爲慮故避雨於河口興安二日及至見城上旌旗乃大驚

卷一三下

九

以爲將軍從天下也盡殺前謀之言空城者而氣已沮矣公所部僅千餘人背城擊賊輒勝鄉民間郡中有兵爭來犒軍後賊大至用巨礮轟城隨營文員皆懼請於公曰吾屬奉檄守浙境廣信存亡非吾事也今賊將以地道轟城兵少不能支城旦暮破將死之乎且使廣信幸存賊以全力東趨兩浙瓦解誰職其咎宜潛師夜出退保浙境遲則無及矣公部將守備畢定邦賴高翔怒曰君等怯何如勿來今我在城中賊不知我虛實以爲我能援廣信後路必有大軍舍

廣信趨浙江恐前後受敵必不敢出此若棄城遯我在虜目中一一可數情見勢屈追殲立盡尙何浙境之可保耶今當爲諸君決死戰明日觀我破賊於是定邦高翔開城大呼奮擊自晨至日昃毀其長圍軍聲大振是夜守令欲求觴酒豆肉爲公慶中秋不可得並巡城鐙燭無之時月明如晝星河斂耀倚堞望賊壘悄然無聲公命去刁斗與沈公淪茗清談飄飄然作廣寒宮闕之想不知身在孤城中也又二日賊遯去事聞 賜號西林巴圖魯閩浙大吏素不嫌

卷十三下

一

於廣饒督防者鑿以嚴檄召公歸詎詳備至旁觀咸爲不平公晏然俟接防兵到乃行曰吾不得不爲國家疆土百姓性命屈也公繇是義聲聞天下七年六月調補衢嚴鎮總兵八月會同徽師復婺源八年逆酋石達開以撫建賊五十餘萬傾巢出公從玉山飭參將胡定國援廣豐而自統所部馳歸衢州公至而賊亦至賊乘驟雨盡毀護城營壁以地道撼城城圯者三卒以堅禦得完凡九十餘晝夜目不交睫浙江巡撫晏端書以公失所屬三縣又未能速解衢圍

疏請奪職疏出而圍解江常開三邑亦次第復奉旨開復原官旋授贛南鎮總兵會閩浙總督王懿德檄公赴汀州病甚未能進遽劾公奪職然

顯皇帝知公忠爲留贛南鎮缺九年正月病痊勦平白沙溪口土匪奉 旨仍補贛南鎮曾文正公奏調赴江代沈公葆楨防廣信從民望也已而楊輔清踞景德鎮公統平江等營扼之於浮梁十年逆酋李秀成陷浙江公繇江援浙四月復滄安奉 旨節制在防各軍五月授浙江提督杭州復後賊又來攻會同

卷十三下

七

將軍忠壯公瑞昌巡撫王壯愨有齡擊卻之並復餘杭十一年九月進剿諸暨王公以省城危急飛咨回援時杭州郡縣多淪於賊數百里內無援師鄉民相率入城填塞閭巷糧爲之竭公舊部僅漳勇數百並江右所接統楚軍二千餘則他帥就地收集金陵潰卒事急以付公者又皆飢不任戰困守七十餘日米粟盡宰牛馬牛馬盡掘草根剔樹皮公惟以忠義涕泣激厲之至飢踣載途無叛者十一月二十八日城陷巷戰手刃數賊死之年五十有八公性不嗜殺有

以威克厥愛規公者公曰有罪不敢赦至於非其力之所及故殺之以示威吾不忍也善知人如畢定邦賴高翔皆拔諸僣伍之中並以戰功顯既而畢賴改隸他軍不竟其用以殞而公亦有思用趙人之歎矣

贈太子少保

子謚莊勇

賜祭葬世襲如例入

祀昭忠祠並於廣信府建立專祠以副將畢定邦游擊賴高翔耐焉長子塋襲職次子新同治三年舉人三子霖四子鈺甫三歲殉公難於杭城

陳公大富字餘庵湖南武陵人咸豐初以外委從提

卷十三下

三

督向榮討粵賊洪秀全由永安轉戰至金陵洩擢都司 賞戴花翎後從浙江提督鄧紹良復灣址攻黃池進游擊尋隨援金華以先登功進參將嗣賊竄石埭復擊走之以次復涇縣南陵改副將補用及紹良師潰灣址公左次南陵賊圍之數重不能破解圍去十年偽侍王李世賢寇甯國再分黨攻南陵公出奇兵擊卻之八月甯國陷於賊民扶老攜幼咸趨南陵公開門納之而賊圍益急公募死士出城告急於曾文正公文正公甫抵祁門陸路無兵分援公堅守六

月文正公令水師赴其急於是楊公載福次魯港潛師救南陵公出城夾擊賊敗走拔出男女十餘萬人移駐東流以其間與提督萬化林復建德擢皖南鎮總兵明年李世賢竄景德鎮公率守建德兵馳援賊潛伏兵牛角嶺柳家灣迴龍嶺又令馬賊百餘由景鎮之南雙鳳橋竄至李村步賊繼之公迎擊賊退追十餘里明日賊復乘大霧偷過雙鳳橋別賊又由景鎮之東觀音閣鈔入公分兵應之躍馬當先擊殺數十人中賊礮洞右乳血染馬背仆於地賊來益眾公

卷十三下

十三

遂投河而死部將田應科等亦赴敵死事聞 賜提督銜 子謚威肅 賞騎都尉世職 命於南陵建立專祠

評曰中興平寇之功基於湖南保湖南遂保天下故鄧忠武瞿威壯守長沙厥功偉矣他若饒莊勇守廣信海內服其義陳威肅守南陵 朝廷鑒其忠世皆傳之其餘江南軍將蓋無聞焉

中興將帥別傳卷十四上 長洲朱孔彰撰

駱文忠公秉章

劉巡撫蓉 弟蕃

駱公諱秉章字顓門廣東花縣人道光十二年進士
選庶吉士授編修歷御史給事中鴻臚寺少卿奉天
府丞坐稽查部庫時失察庫丁侵漁落職 宣廟察
公清介旋授左庶子按事山東憂歸二十八年服闋
復奉 命按事河南江蘇山東咸稱 旨遷侍講學
士授湖北按察使明年擢貴州布政使調雲南又明

卷一四二

一

年擢湖南巡撫時洪秀全等反廣西據永安州官軍
數失利 詔遣閣臣出視師以湖南供張薄劾公吏
治廢弛咸豐元年有 旨內召未及行而賊已掠桂
林道茶攸直犯長沙公督將吏乘城守既受代奉
命仍畱佐軍務居圍城中八十餘日圍解公北行有
詔署湖北巡撫明年復命巡撫湖南時 文宗已
藩公才大湖以南一以任公矣當是時安慶江甯並
陷賊粵東西土寇接踵起貴州教匪復結逆苗為亂
環湖南邊境游氛四逼又自承平久官吏習為苟且

粉飾之計下情否鬲民困無繇上達公至求人才作
士氣察民隱祛壅蔽力挽積習曾文正公時以侍郎
奉 命治團練公與同心戮力靖港之敗布政使徐
有壬按察使陶恩培會詳巡撫請奏劾文正先罷遣
其軍公不可曰曾某謀國之忠當靜待之未幾文正
部將果大破賊于湘潭靖港賊亦遁走省城竟無恙
及文正治師東征糗糧船礮軍械公悉力資給焉左
文襄公方為舉人公欲羅致之而不肯出乃假捐輸
事拘陶文毅公之子入署文襄遽出爭辯公笑曰正

卷十四上

二

欲公出耳陶公子豈敢加以非禮於是笑談甚相得
文襄遂出佐戎知無不言言無不行湖南之強自此
始由是天下不多左公之才而多駱公之能用人也
五年武昌三陷胡文忠公林翼已為鄂撫飛書告急
公悉力資給如所以資文正者會粵寇何祿陳金剛
等分道犯湖南而武岡邵陽激浦諸土寇時時竊發
公皆遣將討平之自援鄂外復以餘力援黔援粵援
江西徵調無虛歲而江西之績尤偉籌餉三百餘萬
不分畛域

上嘉公功賞戴孔雀翎八年 考績 賞頭品頂戴
九年偽翼王石達開擁眾數十萬自郴桂窺衡州官
軍扼湘水不得渡則趨上游圍永州公遣將擊走之
遂圍寶慶數日勢危甚公檄諸軍內外合擊而以水
師扼資沅會鄂中援軍至圍解賊逃粵西繇全州逼
桂林湘軍追益急賊遁慶遠於是達開繇粵窺黔繇
黔窺蜀而蜀事日棘矣十年七月

詔曰湖南巡撫駱秉章素習湘軍將士可督辦四川
軍務更增率湘軍以行九月公治軍將行會左公奉

卷十四上

三

詔別募軍援浙江不能留左公去幕中難其選乃
請湘鄉劉公蓉佐其軍湘軍將士名者多從胡曾左
三公惟黃公漳熙劉公嶽昭在湖南黃公又善劉公
蓉故以所部從十月甫戒行賊大至吏民乞公留公
檄諸軍分道進擊賊敗逃江西十一年正月公督師
西上抵宜昌聞皖賊犯黃州留劉公嶽昭軍援鄂以
黃公所部五千人行初公慮四川餉不甯供客軍頗
以食乏爲憂及入境總督崇實公手書殷勤通誠悉
發夔關稅銀資軍湘軍喜過所望故有功時藍朝柱

李永和周紹湧張第才何國梁諸逆渠勾眾數十萬
蹂躪四十餘州縣將逼成都五月湘軍敗賊于定遠
禽國梁黃公乘勝逐賊中伏死朝柱遂圍綿州永和
踞青神所在跳梁勢張甚公以一軍勦永和于青神
合川楚軍并力攻朝柱自駐潼川策應七月連破賊
綿州道始通尋奉總督四川之 命入成都檄湘果
諸軍攻朝柱于丹棱而以川軍綴永和斷其後眉州
圍解十一月回軍攻丹棱賊逃追及之斬朝柱于陳
賊盡殪永和欲上犯阻河不得渡引而下諸軍圍之

卷十四上

四

於鏡山永和走宜賓追獲之同治元年 考績 詔
加太子少保其時川軍克新甯張第才走陝西周提
督達武克浣禽周紹湧于大竹餘賊盡殲四川平而
石達開繇黔犯蜀掠楚邊陷石砭緣江犯涪州湘軍
擊敗之賊偵重慶已設備乃分黨入黔走桐梓達開
躬率眾數萬攻綦江湘軍復破走之公檄諸軍扼上
游賊遂迂道越黔之仁懷陷敘永長甯分擾珙高慶
符諸縣境敗走入黔尋入滇復繇滇之鎮雄入筠連
陷高縣渡金沙江陷敘州未幾仍敗逃入滇二年正

月石黨賴裕新繇會理犯甯遠公先令川軍守屏山而以湘果全軍當賊衝至是果與賊還賊敗奔越雋爲漢土兵練所破斬首數千裕新伏誅公策石酋必分道再入其黨李復猷果由黔竄彭水達開則越冕甯開道走土司窺大渡河會大雨河溢諸軍遮擊于半渡賊盡溺死達開冕水遁官軍禽斬之復猷亦爲湘軍所敗殲于黔公督四川凡三年平羣寇禽大酋遂以知兵聞於天下 詔褒公功晉太子太保江甯克復 賞一等輕車都尉並戴雙眼花翎五年五月

卷十四上

五

拜協辦大學士明年冬薨于位年七十有五 賜祭葬 贈太子太傅 予諡文忠 敕建專祠子天保 賞郎中天詒 賞舉人公薨之日士民如喪私親 巷哭罷市其喪歸號泣瞻慕者所在千萬數蜀人思其遺愛謂自漢諸葛唐韋舉後惟公云 劉公蓉字孟容號霞軒湘鄉人也少懷奇自負不肖 隨時俯仰年三十六猶偃蹇不得一衿縣令朱孫詒 召赴縣試舉爲首始補生員嘗與羅忠節公澤南講學有志于古曾文正公聞其名造訪遂相友善文正

居京朝嘗寄詩篇有臥龍之譽其見重如此咸豐五年文正率師東征公從戎幕筆翰如流文正賴之文正困南昌時武昌復陷羅忠節請赴援取建瓴之勢文正許之公亦以武昌急願與羅公偕行于是羅公率五千人往分軍爲三自將中軍李公績賓將右軍公將左軍八戰而克崇陽通城與胡公林翼之師會又與羅公大破賊于蒲圻公弟蕃先登陷陳中鎗亡公悲之尋歸侍養無意復出時公方敘五品銜胡公密疏薦公才可大用 天子乃詔公父命公出治軍

卷十四上

六

會駱公秉章自湖南移督四川延公佐理薦擢知府公與駱公選將練兵軍勢日張黃公澹熙者夙善公言於駱公舉爲大將統五千人分水陸泝峽西上大破賊于定遠遇伏而殞語具黃忠壯傳然黃公雖亡湘軍之威大振蜀寇自此破散無何官軍解綿州圍破賊眉州川北肅清 朝廷破格用才超擢公四川布政使自軍興以來未嘗有也未及三載蜀賊盡平軍政吏治功效昭著初駱公好賢若已有之在湖南獨任幕僚左公宗棠富國強兵援軍四出捷音望

於道助業巍巍

天子嘉其任賢之效及之蜀資公運籌破平川匪及粵匪偽翼王石達開數十萬之眾則又公之力也同治元年閏八月公出督軍既平土匪藍大順李永和餘賊竄陝西石逆繹騷黔蜀之交公遣將屯敘州之橫江十一月湘軍將胡中和蕭慶高何勝必等大破賊于橫江斬馘逾萬石黨出甯遠二年二月石酋復自滇入川先喉中旗賴裕新出甯遠李復猷趨黔境自領大隊數萬眾由米糧壩渡金沙江裕新爲官軍

卷十四上

七

所殛餘黨竄入甘肅境三月達開將出甯遠誤入印部土司與所分兩部隔絕土司阻于前官軍擊于後輜重盡失其妻妾五人抱幼子沈於河諸僞官多自溺死于土司領承恩縛達開獻軍前公親受俘並其黨魁五人檻送成都梟誅之解散四千餘人其黨李復猷竄黔境者由西陽走湖南至廣西破滅當是時漢中羣盜如毛 欽差大臣西安將軍多隆阿公討陝叛回以病留河南未進四品京堂李公雲麟率鄂軍援陝以母喪歸官文公奏薦公督軍援漢南

詔駱公資公兵七月授公陝西巡撫並將前後援陝軍公未發成都援軍先潰公遂止巴州增調劉公嶽昭軍又遣人回湘募勇十月公移屯廣元明年正月官軍收漢中公入府城奏免丁糧卹忠烈給牛種瘞尸骸以收人心留何勝必等分屯漢中興安罷歸劉公嶽昭所部還蜀二月多隆阿公克整屋藍大順餘黨盡平五月佛平寇卒至杜曲陝西省城大震公出城督軍大徵諸軍將會將軍金順公穆圖善公攻賊于鄆于郿大破之賊踰秦領西走甘肅境陷階州四

卷十四上

八

年四月官軍克階州李永和餘黨盡平九月以言官議公解巡撫任先是編脩蔡壽祺言事譏公夤緣詔公自陳公奏曰凡夤緣者必其平日縈情于寵利不勝歎羨戀慕思一得之以快其意然後喪其本心捐棄廉恥爲乞憐昏夜驕人白晝之行故凡小廉曲謹之士麤知自愛即有所不屑爲不必過人之識量而後能之也臣雖愚陋其於希榮慕祿降志辱身之事往往不待禁戒而自絕於心蓋其自治尙有精於此者而此特其粗節乃蔡壽祺以其不肖之心肆情

造謗惟所欲言直欲厚誣天下謂無復有知廉恥
之入之事則何其情之悖也後御史復劾公事下駱
公駱公疏解之部議降一級十月有 詔復任公在
陝承兵燹彫敝之餘專意撫綏不復募帶勇營賊至
用城守兵自將出戰輒擊走之在官絜清自守察吏
愛民蒸蒸向治矣惟高自期許未免輕視流輩故往
往爲世所排擊會捻首張總愚率二十萬眾竄商州
陝中震驚餉精奇絀公遣飢軍拒戰挫于華陰 詔
罷職仍領軍十一月捻自臨潼趨省城官軍狃於新

卷十四上

九

豐之捷頗輕敵竟潰於滿橋公乃徵劉公松山援秦
令屯魚化鎮一戰大捷于是湘軍復振 朝廷召左
公宗棠接辦陝甘軍務左公奏曰臣與劉蓉相知有
年自顧才力無以踰之然公既免官歸終老於家頗
著文章自娛有集四十卷子麒祥今官蘇松兵備道
弟蕃字季霞咸豐五年八月自家二千里視公于南
康中途聞羅公澤南督師至義甯州而西將掃蕩岳
鄂之交規復湖北公分領湘右營遂與弟會於羊樓
崗賊據蒲圻扼險立柵穿堊數重鎗礮環擊不可近

聞出悍賊揚旗跳盪自辰至午相持不決軍勢少卻
蕃從公督戰進曰事急矣賊將乘我遂棄所乘馬
獨步而前賊遽奔之蕃發鎗斃二賊又鞭卒之少
退者一賊伏下田發鎗中傷 蕃仆地公昇歸自麾
眾禦之短兵確鬪驍將銳卒傷亡數十人賊亦大創
我軍乘閒舉火燔其木柵煙燄漲天五壘齊破是夕
遂克蒲圻公還營視其弟創在臍旁氣息僅屬撫之
大慟 蕃徐曰兄勿爾命也語訖而絕春秋二十有
五事聞 諭旨追贈知縣 蕃初治團練部勒鄉人

卷十四下

十

嚴整喪歸族之少長遠近之耆德學徒與鄉者團結
之丁壯會葬送死哭者至數千人如喪親戚然後知
其得眾宿將不及也
評曰駱公休休有容宏濟艱難非書所謂保我子孫
黎民者邪湘軍遠征公足食足兵相援救遂以一隅
爲東南根本蜀居長江上游財賦所出蜀平而吳楚
黔滇悉定皆天下安危所繫也劉公繼左文襄佐駱
公戎幕平蜀之勛運籌決勝者多矣至於撫陝支持
危局惜時會之未至要其心存忠愛天下諒之

中興將帥別傳卷十四上終

卷十四上

十一



中興將帥別傳卷十四下 長洲朱孔彰撰

李勇毅公續宜

唐巡撫訓方

李公續宜字克讓號希庵兄弟五人忠武公續賓次居四公其季也少事羅忠節公澤南常以躬行不逮為恥咸豐三年羅公募勇援江西公遂參軍事以功累晉知縣 賞戴花翎同知而名顯不顯六年冬湘軍再克武昌漢陽巡撫胡文忠公林翼奏公有勞特為兄續賓所掩耳有 詔以知府選用 賞加道銜

卷十四下

一

既而隨兄圍攻九江明年以事赴曾文正瑞州營遂偕諸將圍攻瑞州會皖北羣賊上竄蕪黃公自瑞擊千七百人回救湖北師至黃州與胡公並轡謀野周覽形勢七月戰于上巴河公與何君紹彩唐君訓方等分三隊禦賊公葦山卷旗鈔寇中各軍鼓譟乘寇大破之進軍蕪水追賊及廣濟黃梅六戰破賊壘無算遂會克小池口由是公之威名與忠武相頡頏公率所部既集九江忠武乃得分兵復湖口彭澤公以偏師卻湖口之賊禦竄麻城黃安之寇忠武乃得專

力破九江皆公之助也湖北事大定胡公以皖中久困水火奏請 敕忠武廓清皖北而留公以固楚翼天子南憂江淮絕重公昆季皆許之會胡公持喪歸軍事無調度前軍銳進後路空虛忠武竟殉難三河將士死者六千人天驚地岌公在黃州哀迫之際經緯萬端入則捐食悲咽出則拊循潰卒思鄉者遣歸願留者編伍哺粟賜衣接以溫語差討諸將之罪簡用其良部署粗定適胡公奉 詔起復相與申儆簡練而湘軍復振九年夏偽翼王石達開竄擾湖南眾三十餘萬圍攻寶慶公時新奉荆宜施道之命統兵自鄂援湘 朝廷壯之師抵長沙進自資水西四戰而解寶慶圍斬級萬有八千圍中官軍三萬與飢困之民一時得蘇眾聲大和論功 賞加布政使銜嘗是時曾文正與胡文忠方議并力規取安徽省城曾公國荃領萬人圍安慶多隆阿公領萬人攻桐城公領萬人屯青草鬲青草鬲者在安慶桐城兩路之中以為游擊應援之師十年冬與偽英王陳玉成大戰于挂車河平賊壘百餘拔出難民萬四千旋拜

卷十四下

二

安徽按察使明年擢巡撫公具疏謂逆酋圖解安慶之圍悉銳西竄必犯湖北以攻我之所必救湖北為眾軍根本臣宜提師回援不能選任皖撫之事比公馳抵武昌而賊已陷黃州德安兩府五縣其別賊自江西至者又陷興國等縣公經營七月列城皆復安徽亦藉以告克時胡公病劇奏以公自代 詔報可文宗崩 穆宗立褒安慶功 賞穿黃馬褂調補湖北巡撫既又 命移撫安徽公初莅安慶繼駐臨淮屢奉 密詔以苗沛霖叛服無常詢勦撫機宜公覆疏謂苗沛霖官至道員公犯不韙圍撫臣於壽州陷其城屠其眾乃復詭言求撫此豈足信不過假僞反正號召近縣養成羽翼若正彼叛逆之名人人得而誅之寬其黨羽使為我用彼勢日孤終成禽耳 天子韙之公遣五軍分屯潁壽以時解潁州圍克霍邱城撫綏各圩陰散逆黨選任賢吏安民懇田功緒漸彰矣 詔授為欽差大臣公適聞赴丁憂不克受事 朝廷命仍署理巡撫三疏陳謝舉唐公訓方自代始奉 命

卷十四下

三

賞假百日回籍治喪夙患咯血至是增劇歸里後六奉 詔旨墨經視師公不能起凡在家病年餘卒春殊四十有一 敕照總督例賜卹建立專祠 子諡勇毅子光英 賞直隸州知州公與忠武皆負重名淡于榮利忠武好葢覆人過公則嫉惡稍嚴忠武戰必身先驍果縝密公則規畫大計不甚校一戰之利至其臨陳百審一發發無不捷成功一也忠武既沒嘗以不能省侍爲憾胡文忠慮公假歸不出與結爲兄弟迎養其父母在武昌節署定省如己親公謂曾

卷一四下

四

文正曰胡公未嘗不用權術文正曰胡公閒用權術待公兄弟乃至誠公笑曰雖非至誠吾亦當爲之盡力也當時將帥之和如此公部將名者金國琛郭鵬程蔣凝學蕭慶衍成大吉毛有銘王載駟嘗謂求才之效不可必得求才之道仍須自盡皆篤論也唐公訓方字義渠湖南常甯人也道光庚子舉人咸豐癸丑大挑以教諭待銓粵賊之亂曾文正公奉命練鄉兵勅水師屬公領水師副右營嗣改入陸軍從羅公澤南克蒲圻復武昌又從攻興國金牛堡文

正命公募常甯勇五百人統之命曰訓字營從羅公克田家鎮復蘄州廣濟拔黃梅進軍濯港敗悍酉羅大剛是夕賊謀襲大營漏四下公起巡聞刁斗聲不續扶守者大剛已潛薄壘驚而走明日戰孔壠賊悉力拒街口公率壯士踏肩陟高墉前者殪後者繼上賊大亂諸軍乘之遂破孔壠無何從羅公援江西五年三月克弋陽興安廣信四月復德興浮梁會賊陷義甯文正檄湘軍進攻賊壁城外雞鳴鳳凰二山與城賊倚角公壁雞鳴山下賊先來犯公力疾戰督隊

卷十四下

五

先登賊驚潰羅軍乘勝趨城遂拔義甯後州人於雞鳴山下立石書唐公戰勝處羅公之援武漢公從克通城崇陽羅軍小挫濠頭堡再戰公營先進大破賊遂克蒲圻公時已晉知府換花翎湖北巡撫胡公林翼來會師進復咸甯公從胡公壁省城外五里墩當中路羅軍屯洪山爲東路別將當西路環城皆賊壘官軍進擣率阻于長濠六年正月元夕公令營率爲魚龍燈火之戲輕騎循鮎魚套至藕塘見藕塘守賊可擊選壯士宵濟入其牆斬邏者大隊乘之遂奪二

壘是夕公以三百人繞二城門走賊眾數千眾服其神勇五月援賊至豹子海公與蔣公益澧迎擊走之會襄陽亂民高二先結撚匪襲鄧州遂圍府城河南上變詔湖北選將往援胡公以屬公令舒保公率馬隊與俱賊自峪山來公急據山南濠灣市明日攻峪山賊敗之援賊至又敗之賊回竄樊城公夜渡漢縱擊遂復樊城追至呂堰驛斬偽女將軍宋氏賊陷宜昌襄陽戒嚴公赴援及賊于南漳一戰破之胡公以公代理襄陽守七年二月川寇劉尙義破遠安犯

卷十四下

六

宜城公曰賊陽言趨荆門欲誘我師出使南漳賊襲府城也今當聲言救宜城而急據武安堰遂東行夜半折而南抵九仙觀遇賊賊奔據武安城公進薄之連敗賊賊閉城不敢出會都統巴揚阿來招撫下令趣公解圍公不可言賊降非誠胡公調和諸將令公勦高二先圍遂解公敗二先於濠灣夜大雪進攻禽之餘黨悉平而巴都統所降賊復叛于穀城掠鄖房保山竹山竹谿保康興山胡公始思公言檄進勦公合陝西總兵龍澤厚軍大破賊于武當山又破之於

金頂斬渠魁二百人餘賊降襄郡悉定公先以克武漢功擢巡道至是加按察使銜踰月除湖北督糧道當是時李公績寶攻九江急悍酋陳玉成合撚寇十萬眾犯蘄黃公自襄陽赴之連戰敗賊賊退宿松太湖胡公檄公進駐張家塆治碭丰以扼賊衝公審度形勢自蘄州達襄陽界皖豫者千里蘄有山曰四流其下爲大關乃建丰八礮四壘五礮臺七越兩月成賊二萬來攻公帥二千人守之賊困而去先後平賊壘三十有九詔賞奇齊葉勒特依巴圖魯賊之犯

卷十四下

七

麻城也官軍併力防之以蘄州委公不復能相救公堅守拒戰凡三挫太湖英山賊會袁公甲三以太僕卿督師臨淮詔公帥三千人赴援九月奉詔趣行十月李忠武軍覆三河官文公疏請公回保楚置駐軍陳德園禦賊南陽河九年冬陳玉成糾撚黨數十萬屯潛太曾文正駐宿松胡文忠駐英山以多隆阿鮑超蔣凝學等合二萬人攻潛山之小池驛以公一軍遏太湖城賊鮑軍當前敵賊日夕環攻死傷山積多公移已右軍入鮑壘俾鮑左軍少休而令公移

屯鮑蔣兩軍開公築壘甫四尺賊已至公恐其乘多軍也苦戰良久多軍不能救乃退屯新倉是役也公雖挫眾軍賴之胡公因檄道員金國琛將八千人出山後大捷于潛山之天堂公會諸軍擊賊羅山衝斬級三千禽渠帥二十有七明日分三道合攻平壘館數百俘斬八千太湖潛山賊棄城遯公以久勞引疾求歸胡公疏請赴糧道任詔可受事旬日擢按察使未半年擢布政使同治元年胡公駐英山病甚賊上犯黃州抵灑口總督方選將出征而英夷輪船適

卷十四下

八

至訛言夷寇相結居民恟懼總督以下家屬盡遷居舟中公步巡城至臬司獄獄囚匈匈謀破械出聞公至乃止明日亂民直入公署公手刃二人眾懾服莫敢動有頃灑口賊敗去事遂定公威望自是益震皖鄂帥臣爭引重公于是皖撫李公續宜因母喪歸舉公自代當是時中外達官皆不願爲安撫以苗練反側無常官事棘手公雖起軍中經百戰舊部已散倉卒召募亦慮無以制敵且安徽四戰地農商逃亡租稅無所出故至臨淮者輒貧弱公既補巡撫支持危

局年徐拒粵寇於廬州破撚酋于靈壁卒與僧王共平叛苗循撫諸圩收其兵械奏移鳳臺治下蔡於雒河集增立渦陽縣城將大有所治未幾用都統富明阿密奏降官三年起署湖北按察使尋署巡撫六月曾軍拔江甯粵賊平官文公上公功績詔授直隸布政使兼統練軍守定州七年畿輔肅清公乞假省墓歸遂不復出光緒三年春卒于家初蒲圻但公知常甯識公童子軍中公官湖北迎至署嚴事之座主周君頊流寓安徽王君桂就養直隸皆擁琴郊迎躬

卷十四下

九

上食人以爲美談清泉舉人唐如春與公同下第歸道卒公以藥餌罄其資斧又以所坐薄笨車載樞徒步歸其喪安仁舉人段遇隆居京邸病公已就館辭而出與段同居爲治疾越兩月不起又致其喪歸其篤於師友類此湖北士紳思公遺愛請祀名宦祠詔曰可三子鏡心敏眞敏正評曰軍志有言允當則歸勇毅行軍異於忠武矣當其臨大敵從容決策何其好整以暇也臨淮之役因喪息肩唐公任其難克殄苗亂亦不負勇毅之舉善

矣

中興將帥別傳卷十四下終

卷十四下

十

中興將帥別傳卷十五

長洲朱孔彰撰

貞恪公舒保

石威毅公清吉

王剛介公國才

舒保公字輔廷滿洲人咸豐六年從官文公戰荊州積功擢護軍參領晉副都統銜胡文忠之圍武昌官文公以南岸兵單令公率馬隊三百渡江助勦始至駐洪山敗賊于魯家港城賊援賊分八道攻官軍公率臬騎馳突槍箭無虛發賊遂大奔秋八月平魯家

卷一五

一

港賊壘六連戰破大壘十三步隊追賊緩公率馬隊獨前及於土橋殲其後隊再及於葛店馬足奔逸風沙飛揚賊莫辨追兵多寡公背負槍一手弓一要矢五十先眾馬縱轡騁左右射遠則連環舉槍所發無不殪賊奔益急無敢返顧者及於華容已百餘里矣共殺賊千數百蹙溺於湖者不可勝計當是時偽翼王石大開以數萬賊上犯勢張甚官軍旬日之內大小二十八戰力遏其鋒石酋幾為馬隊所禽胡公奏曰舒保忠勇冠軍所向無前是役也馬隊之功第一

無何襄陽土寇起鎮道發兵討捕敗績公率隊往寇
遞走遂解均州圍克樊城老河口賊巢又復光化房
竹山三城破滅折竄保康賊眾蹙躓蠶叢忍飢冒雪
過行無戰不勝明年三月禽賊酋高二先斬之襄陽
平夏大破賊於蘄州東北未幾皖賊傾巢上竄南勇
禦於望天畝久戰力疲輕進遇伏而敗大奔不止退
至蘄州公急赴援大戰一日夜殺賊數百賊始卻公
斷後南勇乃得徐徐收軍至巴河厥後胡公進駐黃
州公又破寇黃岡東軍勢復振九月河南撚匪王四

卷十五

一

老虎等將犯隨州棗陽邊公率馬隊赴之賊聞風遞
八年二月

文宗特簡漢軍副都統會河南固始被賊圍商城又
告警大臣勝保劄調公由光固分兩路迎剿且稱如
有遲延卽指名照有心貽誤軍機治罪胡公奏曰舒
保素性樸訥忠勇敦厚在楚屢年衝冒鋒刃卽如洪
山之戰襄陽之役斬黃之捷實能爲他人所難爲從
無避難就易之心現奉 恩旨官至二品大員勝保
乃嚴札驅迫加以苛詞似於體制未協師克在和古

有明訓設將帥先已乖離則士卒安能豫附卽使舒
保帶兵進剿將來束縛馳驟亦必以不和貽誤兵機
臣愚見自應責成舒保審察商城六安固始各路賊
情相機進討毋容強歸鄰省節制調遣 上允之後
公軍仍回羅田麻城防剿八年四月公與李公續宜
大破偽天豫陳玉成數萬之眾平麻城外三十八壘
九江旣克公又與李公續賓破賊黃安其冬李公續
賓戰沒三河將士死者六千人天崩地炭公又與李
公續宜鎮黃州屢破偽英王陳玉成之眾楚疆以固

卷十五

二

十年十月陳玉成復上犯陷蘄水黃州分圍麻城掠
黃安孝感黃陂武昌大震公與李公步隊合擊列城
皆復 詔授鑲黃旂漢軍副都統加倭什洪額巴圖
魯同治三年撚賊合洪寇黨勢益張自河南歸德犯
隨州應山官文公出督軍以公爲前鋒遇撚德安西
搏戰大破之追奔入山谷間騎步不續撚回鬥力戰
死湖北諸軍皆奪氣公與多隆阿公皆湖北名將多
隆阿公堅毅公純實湖北有事則以公統大眾無事
則分其軍屬他將公惻膈無華口未嘗言功自胡文

忠死後鮮知己者胡公嘗言戰事吾與李公舒公三人共一命其親厚如此公軍所至百姓焚香鳴爆竹迓之惟恐其去及其歿士民悲悼狀聞 追贈都統子諡貞恪子倭克吉訥

石公清吉字祥瑞直隸沙河人幼讀書家有羊數百頭常自牧戲立名號部勒呼輒至長老以是奇之長奇偉善射由武進士官侍衛咸豐初選湖北鄖陽鎮守備二年粵賊犯湘鄂守通城張疑設伏賊遁去三年討黃陂勦崇陽四年勦應城均有功擢參將賊陷

卷十五

四

安陸府眾二萬會參將劉富成率千人討之克安陸復京山大府製飛虎大旗寵富成而寵公曰飛虎上將自是公出戰輒建飛虎大旗馳陷陳賊辟易遂以飛虎名其軍東下黃州隸將軍都興阿與多隆阿公為別將屯黃梅賊圍亟死守三月敗之多公至大喜公亦重其為人牒大府願隸多公戲下從入皖勦賊八年援蘄州拔太湖馳安慶壁城東北蹙賊屢捷會李忠武全軍覆于三河潛太復陷多公退保宿松復大戰斬級數千軍心始定再克太湖潛山十一年安

慶既克遂合諸將克桐城偽英王陳玉成敗竄廬州死守不下同治元年多公統諸軍討之公壁城西北破賊壘禽斬數千每建飛虎大旗單騎出盪賊見輒驚奔遂毀柵城樹雲梯城西賊死拒不得入則分攻城東賊東注則城西軍已入矣廬州拔玉成走死多公督師入關顧諸將獨公威信任防守奏令統五千人留守廬州是時公已加提督銜記名總兵遂大治濠墜引湖水環湖繕守禦為重鎮二年撚黨苗沛霖復叛廬壽間土匪蜂起公皆討定無何撚酋張總愚

卷十五

五

入鄂大府念飛虎軍獨精銳成鄰省檄還軍孝感黃岡拔難民近萬三年九月光羅髮撚陳得才馬融和大股擾及蘄水關口圍都統富森保營壘公屢救之五日大霧賊馬步數萬復來猛攻公馳救行至葑山霧未散河東之賊紛紛渡河鈔援軍後圍公數重公四營已截為二自辰至午血戰被九創復大呼陷陳死焉富森保由是突圍出公之力也從公戰歿者副將江星南谷明發游擊曾占彪段會元事聞 詔提督陳亡例賜卹諡威毅入祀京師昭忠祠 賜騎都

尉世職戰功最著之處並建專祠公官侍衛時嘗悔
失學端坐誦孫武子論語孝經縱觀東周三國諸說
部求古兵略用兵善以少擊眾多公性嚴峻公性和
易恂恂如書生所至呼父老釋鉏來握手坐草閒問
徑路險易如家人士紳見和樂如昆弟故軍行糧秣
無乏多公討廬州公軍獨先往廬州豪傑聞公至輒
響應故當時論廬州功公最多公部下飛虎精選兩
軍尤勇銳異他部精選者提督雷公正綰所部飛虎
者公部也將士或問雷公兵法雷公輒令往見公雖

卷十五

六

多公亦然嘗坐軍帳見風起獨傳呼戒備未幾賊果
至夜卧忽驚起令滅燭備槍械賊至輒敗遇兵弁諳
諳告以禦敵之法軍士有奪民牛者拔佩刀逆之牛
在手首墜矣故軍士樂其寬憚其嚴多公故等夷地
公既隸戲下名位高參謁班諸將上多公特禮下之
諸將齟齬則請多公懼以威已獨屏息受約束倍他
日諸將益懾服不敢支吾卒以信義死關口之戰悲
夫

王剛介公國才者雲南人咸豐初由雲南游擊調赴

湖北大營統千人守荊州府擊賊於龍會橋以少克
眾擢副將又勦賊黃州九江皆獲勝武昌再陷公回
援方馳入城見城閉用絕城繩以上至藩署羣盜方
會飲重門開列火以為燎公乃悟為賊業已入因率
親兵入暴斫之羣寇驚走且呼街巷間有出者輒為
官軍所斫皆散走是時巡撫陶恩培署按察使武昌
府知府多山已殉難布政使胡林翼按察使李孟羣
皆將兵在外赴援未至公軍先馳入城者不過百數
十人賊之前鋒亦無多不知官軍虛實故皆擊散及

卷十五

七

且城中居民盡逃虛無人公惘惘不知所為則登城
招水陸軍又不見一人遂復出城賊大眾乃至公詣
胡公屯語激昂知者惜奇功未成云咸豐五年四月
公屯沌口移進漢陽朝關甫築營壘漢陽出賊數千
直犯朝關公與參將恆泰擊卻之乘勝追賊破壘一
恆泰中伏死公下馬據地手刃退兵回軍夾擊大破
之五月攻漢陽西門佯卻距賊營三里外穴民房牆
先安大礮數尊追賊追至相離丈許然礮轟斃騎賊
二人步賊百數十人兵勇回門禽斬甚多巡撫胡公

林翼參山之敗公屯大軍山漢陽出賊三千潛由蔡店繞攻參山公擊卻之八月攻漢陽南門斬級數百六年克武昌漢陽擢總兵七年滇省回夷擾亂詔公回滇征勦時公統三千餘人勦賊於蘄水黃梅宿松之閒大挫凶鋒胡公奏留公獨當一面破賊皖省其功與多公鮑公相頡頏詔授安義鎮總兵留鄂辦賊六月二十四夜二鼓由黃梅城外移營進駐濯港以禦童司牌踞賊運火藥時賊適至賊擲火蛋中藥篋焚死并傷弁兵百餘名多隆阿公馬隊救之賊

卷十五

八

乃敗退胡公奏言公平日廉明愛士甚得士心在楚數年臨敵身先士卒大小數百戰所向有功今被火焚不獲其尸可謂慘矣詔加提督銜照提督陳亡例賜卹並死事地方及原籍立專祠予諡剛介評曰貞恪之誠樸威毅之信義矯矯乎皆詩所謂虎臣也鄂失二名將而撻勢大熾鄂軍自此弱矣剛介立功於鄂軍未強之先名在多鮑之閒未竟其用惜哉

中興將帥別傳卷十六上 長洲朱孔彰撰

科爾沁忠親王僧格林沁別傳

科爾沁忠親王僧格林沁蒙古人也初尙主封郡王宣宗派充御前大臣管理旗營事務咸豐三年詔督師直隸山東惠親王爲奉命大將軍王爲參贊大臣總統四將軍率旂營察哈爾精兵會大臣勝保勦賊粵逆僞天王洪秀全旣踞江甯爲僞都遣僞丞相林鳳祥等糾十萬眾北犯敗於天津不得前踞獨流自固明年正月王與勝大臣合軍攻破獨流賊田

卷十六上

一

靜海竄東城陳官桃園杜九各邨追擊又大破之賊遜入阜城分屯堆邨連邨林家場王命副都統郭什訥達洪阿副將史榮椿侍衛達崇阿縱火焚邨賊死數千斬僞官百餘名生擒三百餘名城外賊屯皆盡會安徽援賊渡黃河竄山東臨清陷冠鄆城王與勝保夾擊破之四月克阜城賊奔東光連鎮連鎮跨衛河分東西一鎮五月拔西鎮餘賊鼻水而東復踞東鎮明年正月王親冒矢石一鼓下之生擒逆首林鳳祥檻送京師伏誅於是賊之渡河者惟高唐州久攻未下王

令南面守陣官兵分開列隊夜停更籌故作疏防狀賊果疑城外無防兵啟南門避先設伏於要隘遮擊斬馘無算餘賊奔在平馮官屯四月引河水圍攻礮焉首逆林開芳偽官黃懿瑞謝金生等八名悉俘斬之五月凱旋京師進封博多勒噶台親王當是時王威名震天下莫不多王忠勇以爲畿疆者天下根本畿疆固則天下之本不搖而後東南寇亂可平賊自湖南長驅東下藩籬盡失始遣偽丞相林逆犯直隸謂爲掃北之師及二次遣賊援渡河皆破滅無一脫

卷十六上

一一

者賊膽始寒不敢再北犯後英夷以互市啟釁文宗命王駐天津防海九年四月英夷以兵艦入大沽王設計敗之沈其二校于是夷人憤圖報復明年六月英法合兵復至大沽王早爲拒敵計南北塘堅築礮臺防守甚嚴復于北門伏地雷欲俟其登北門以地雷盡殲之有沙姓者世居其地於彼不利陰洩其謀於夷人夷人遂掘所伏登北門又以和議款我出不意奪北礮臺提督樂善中礮隕王失左右手遂敗詔革爵其秋和議成海防罷畿南盜賊蠢起撚賊

犯濟甯乃命王督軍捕討撚縱橫荷澤開山東大亂王至濟甯奏言撚眾緣多其出掠伺空虛避官兵以赫掠脅俘良民黨眾日增馬步數萬列隊百里兵少賊多眾寡懸殊如欲攻其巢則相距一二百里外井堙地赤裹糧攜水不能持久退爲所躡往往失利十年以來未有能進軍接仗者也臣軍萬二千人請合傳振邦德楞額二軍直攻老巢蕩平醜類文宗手詔以無後勁爲戒其後攻鉅野接荷澤果失利詔責王勇往輕進明年遣將防清淮南下沂邳

卷一六上

二二

所向克捷 詔賞還博多勒噶台親王冬攻毫北撚圩連破平之同治元年 詔王督山東河南軍防直隸山西四省督撫提鎮將兵大員均受節制是冬攻渦河撚圩誅其酋楊興太羣撚多降二年春攻雒河集克之擒斬撚酋張洛行姜台凌等洛行凶悍爲撚中渠魁至是伏誅遠近稱快惟其從子張總愚逸出無何移軍攻克淄川撚又攻鄒教匪於白蓮池秋七月匪黨盡平 穆宗褒嘉疊賞上方珍物是時練酋苗沛霖反陷壽

州圍蒙城攻臨淮眾百萬王先遣部將陳國瑞等率
三千人援臨淮屢敗沛霖沛霖圩眾聞王且至爭反
正十月王率大軍至誅沛霖于蒙城臨淮平明年江
甯克 加賞一員勒令王子伯彥訥謨祜受封十月
王追髮撻賊于豫鄂之間斬僞端王藍成春悍酋黃
中庸等降眾不下十萬悉安輯之既而追寇於光黃
汝鄧之交多山谷沮洳騎不得騁累中賊伏喪其良
將恆齡舒通額蘇克金等王益怒日夜連一二百里
宿不入館衣不解帶席地而寢天未明傳鬻畢士皆

卷十六上

四

蒙糗糒王手一鞭上馬焱馳一日王先其大軍自率
親兵數千與賊十餘萬夾水而軍賊久怖追軍無所
掠食步賊足皆腫裂不能行會薄莫未測我軍虛實
願就撫總兵陳國瑞爲之關說已有成言矣賊先遣
二渠來謁王王見賊渠怒甚語未半趣命斬之賊眾
大驚皆散走進入山東境王益疾追當是時官軍與
賊皆重趼羸餓環寒暑不能休息勢且俱蹙賊揚言
王少寬我卽降四年四月己丑王督陳國瑞郭寶昌
成保何建鼇等軍與賊戰于曹南敗退入空堡賊圍

之數重欲掘長濠困官軍官軍糧草俱乏逮夜洶洶
欲潰諸將咸啟王請突圍出不許固請乃許之王部
分諸將自與成保馬隊俱使降賊桂三率百騎爲前
驅王飲酒至醉上馬馬蹏逸不甯行乃易馬以出時
已二更矣天星昏黑桂三有異志旣出堡卽反走突
衝我軍賊乘之陳國瑞所部步隊多在後隨王馬步
軍少潰幾盡官軍與賊不相辨識長驅並驚於昏黑
中遲明見道旁小圩收隊入保不知王所在俄有賊
首戴三眼花翎揚揚過圩去軍士望見慟哭曰嘻吾

卷十六上

五

王死矣會國瑞率數百人復衝殺賊去跡至麥腔中
見王尸受八創一馬僮同死焉乃負尸歸總兵何建
鼇內閣學士全順皆死於陳事聞 上震悼輟朝三
日遣侍衛克興阿等偕王世子伯彥訥謨祜赴山東
迎喪 賜祭葬諸督撫將帥以陷王皆獲嚴譴王前
後督師十餘載斥私財數十百萬以充軍實自恆齡
舒通額戰歿常懷必死之志性友愛王弟至營與同
寢處將別忽引上坐拜之告無生還意戒善事太妃
卒無他語王子來省王中塗有司館之王子固辭未

能卻王聞大怒將殺之僚屬爲請猶罰跪良久且役以勞賤事困苦之王馭將嚴在黃州有提督常星阿姜玉順皆鞭擊棍責故諸將見王常慄慄然與士卒共甘苦每安營定展馬鞍帳外獨坐飲酒一卒奏爨肉于前諸騎卒環而乞肉王徧啖以片脯乞者踵至至盡一蒸豚日以爲常王薨之夕京師中皆聞怪風自南起鬼聲數千喞嗽隨之須臾向北去蓋忠靈不泯云王樞北行所過士女焚香哭送者數十萬人自山東達京師絡繹千里各處建祠私祭遇忌日設齋

卷十六上

六

醮如祀其祖禰焉四年四月癸巳 詔曰朕奉

慈安皇太后

慈禧皇太后懿旨科爾沁博多勒噶台親王僧格林沁親歷戎行靡閒寒暑屢殲巨寇懋建殊勳功在生民志安社稷頃因督戰陳亡雖已加恩優卹建立專祠並入祀昭忠祠尙不足以崇獎忠蓋國家定制王大臣中有公忠體國超眾宣勞者尙有配饗之例况僧格林沁爲國宣力忠勇性成尤宜特沛殊恩用慰忠魂而昭異數僧格林沁著加恩配饗

太廟六月甲寅又 詔繪像紫光閣諡曰忠親王子伯彥訥謨祜襲親王世爵孫那爾蘇襲封貝勒次孫温都蘇 賞輔國公 評曰王十年跨馬憐肉不生炎風朔雪馳騁燕齊楚豫之間可謂勞矣卒能綏靖畿疆掃蕩中原功莫隆焉至於曹州之役逐寇太急困獸反鬪喪我元戎惜哉

卷十六上

七

中興將帥別傳卷十六下

長洲朱孔彰撰

清愨公都輿阿別傳

都輿阿公字直夫滿洲人也少富勇氣便習弓馬咸
豐初為參領從北地將馬隊至荊州歸將軍官文公
節制五年十一月水師攻漢陽進襄河燒賊船未返
公護水師與賊戰終夜立江隄不收隊遂大破賊口
不言功見諸將之能戰者益加禮敬由是羣帥輯睦
胡公林翼歎曰師克在和其在此乎明年克德安收
復江北城邑擢都統七月公率馬步五千人嚮黃州

卷一六下

一

至堵城賊大至令部將多隆阿設伏合許廣藻團勇
擊走之會水師攻漢陽十一月丙子復武昌漢陽已
卯復黃州 詔擢江甯將軍公在北岸往來游擊自
是鄂省南北軍威大振十二月湖北肅清李公續賓
牽師循南岸至九江城下公與楊公載福鮑公超屯
北岸小池口七年二月皖賊由小池口犯黃梅公令
空城誘賊騎賊果由二郎河撲城公先遣翼長多隆
阿伏城南總兵鮑超伏城西王國才駐桂家畝拒其
後孔廣順營大河鋪為旁翼四人者皆名將皆公部

下公自麾馬隊連環鈔擊賊馬驚而跳矛刺其足馬
賊多墜自相踐無一生還者八月胡公林翼至九江
會公與楊公載福攻小池口小池口與潯城隔江對
峙為江皖入楚咽喉賊壘石為城浚濠衛之牢不可
破官軍晝夜環攻公令軍士擔草囊沙徑填其濠縱
馬隊施火箭燔賊棚遂拔偽城八年公調荊州將軍
進攻安慶公所部多公鮑公已趨集賢關將圍城會
李忠武軍覆三河鎮舒桐潛太復失人心惶駭公不
得已檄諸軍退保宿松賊乘勝來犯公命鮑公拒之

卷十六下

二

大破賊於二郎河明年春公以傷病請假猶常督戰
十年三月 詔公馳赴揚州辦理軍務先是江北大
營潰六合江浦天長儀徵皆失江北遂不置帥由江
南帥何桂清和春兼轄軍極疲弱揚州屢被寇岌岌
不保 朝廷憂之至是江南大營又陷乃命公選所
部精兵以往時楚皖之交靡日不戰無兵可抽久之
未赴 詔下曾公國藩問策曾公奏曰以臣愚見淮
徐風氣剛勁不患無可招之勇但患無訓練之人擬
函商官文都輿阿酌帶楚勇千人先行到江北後用

楚軍之營制練淮徐之勇丁若得一二名將出乎其間則兩淮之勁旅不減三楚之聲威 詔從之九月公抵揚州整軍經武壁壘一新十一年夏四月江皖各賊分黨來犯一出僧道橋一出儀徵公令總兵王萬清迎擊賊稍卻競奔西北鄉築壘公率騎兵三百禦之觀音山見賊眾逾萬不可退恐為所乘乃令三百人皆下馬坐公口含朝煙坐指揮賊疑有伏未遽進頃之公先遣部將四面馳至遂縱擊禽斬數千追殺三十餘里于甘泉山賊壘數十座同治元年春賊

卷十六下

三

再犯境再破之四月又大破賊於儀徵江北肅清亦間出師援馮公子材鎮江軍又遣師船自瓜洲鼓枻而西攻觀音門襲燕子磯破之為曾公國荃雨花臺軍聲援八月僞忠王李秀成圍攻雨花臺公遣部將楊心純將二千五百人救之賊解圍遯三年正月朝廷因甘肅回匪鴟張 命公赴綏遠城會同德勒克多爾濟公辦理防務遂拜西安將軍 詔曰都興阿老成持重久於行陳深得民心所部黑龍江馬隊可隨帶北來藉資得力公至則攻克寶豐由定邊向

甯夏軍威大振無何拜盛京將軍入 朝時西撚張總愚自陝西逸出直竄畿輔至河間京師戒嚴先詔恭親王為大將軍節制各督撫會神機營王大臣出城備寇增 命公管神機營授為欽差大臣率春壽馬隊並張曜宋慶陳國瑞等軍均歸調遣四月陳國瑞軍敗賊海豐張曜宋慶軍敗賊滄洲會各路官軍蹙之商河西撚平遂之盛京任公令部兵研火器有操練洋槍之奏討平馬賊十二年福建撥輪船至奉省南濱大海口岸鯨多有盜匪游弋公選將管駕

卷十六下

四

巡緝海面陸路又添練馬隊捕斬無遺於是境內清平百姓頌之光緒元年卒於官 優詔賜卹諡曰清愨公軀幹不逾中人顏前赤神智內蘊治軍號令嚴明秋毫無所犯在揚州時有騎兵入市肆食肉膾春葦不與錢致爭鬪民呼於軍門公曰此不難辨殺兵列腸有葦兵應死無葦汝當抵罪甯殺兵乎民曰願抵罪竟得兵腹中葦釋民去公待軍民無偏以是咸畏而愛之儀徵之役賊合蘇常黨眾十餘萬來犯咸請迎擊公曰閉壁待三日後有令夜半忽派兵五路

進襲賊屯賊不意公之速至大敗崩奔揚州自此不被寇初駐軍五臺山邨墟營壘相錯禁兵眾毋得樵樹木踐禾苗軍民大和去之日百姓祖餞有泣下者公朝京師上問曰將軍信善戰乎公對曰臣不能戰臣能守而已公之不伐類如此

評曰都公在鄂時與塔齊布公羅公澤南李公續賓楊公載福彭公玉麟戮力同心相親相敬胡文忠公皆待以國士其發憤功名始此後治揚州軍而江北強治奉天軍而畿疆固詩云樂只君子殿天子之邦

其公之謂乎

卷十六下

五

中興將帥別傳卷十六下終

中興將帥別傳卷十七上

沈文肅公別傳

長洲朱邦彰撰

沈公葆楨字翰宇一字幼丹福建侯官人也道光丁未進士選庶吉士授編修咸豐四年改御史五年出知九江府郡久淪於賊曾文正公檄充營務處六年署廣信府時江西列郡皆賊踞自會城外惟贛州及廣信僅存詔督學侍郎廉兆綸典信防侍郎赴郡屬之河口勸民輸餉以公從別賊楊輔清率黨萬餘自吉安破新城瀘溪金溪連陷貴溪弋陽防軍敗潰

卷十七上

一

廣信岌岌公兼程返郡至則城門洞開官吏軍民走且盡夫人林氏先遣子女僕婢去與公計曰此去玉山九十里有浙將饒總兵延選駐軍二千人饒公吾父舊部或可乞援夫人蓋林文忠公則徐女也於是刺指血為書公持書出牙門見有鄉民入城者重賞令馳投鄉民見太守待賊自盡咸感奮許代募壯丁數百守城時大雨賊到興安未進則饒軍與鄉勇已入城矣先是賊謀言城中空及至見城上遍樹旌旗乃大驚斬謀者饒總兵與裨將賴高翔畢定邦等力

戰凡七捷賊解圍遯公以此名聞天下曾文正上公
夫婦城守狀謂軍興有年郡縣望風逃潰惟沈某能
獨申大義於天下云七年遷廣饒九南兵備道加按
察使銜留筦信防賊數犯貴溪弋陽又從閩中出犯
廣豐玉山公聯絡客兵擊走之安仁馬家邨地險惡
奸民負固稱亂擅殺人掠人口勒贖抗糧五載公帥
練勇三百討之奪其隘火數十家邨民縛首犯以獻
立誅之盡完逋賊眾始知有 國法然大吏深忌公
遇事掣肘公乃以親老乞養歸士民數千赴行省乞

卷一七二

一一

留不得請則擬擊登聞鼓釀金爲行資會有 旨調
饒公贛南鎮總兵治信防饒公故有德于信者公始
獲成行十年 詔公仍治廣信防務尋有 旨補贛
南兵備道公仍以親老辭十一年冬 詔公赴曾文
正安慶大營辦理軍務同治元年正月奉 旨超擢
江西巡撫 寄諭朕久聞沈葆楨德望冠時才堪應
變是以超擢巡撫又以其家有老親因擇江西鄰省
授以臺寄風土不殊迎養亦近將來懋建殊勛尤足
光榮門戶以承親歡經朕如此破格委任諒不至仍

以養親瀆請朕亦必不允也公奉 詔感泣馳泣章
門疏陳許 國以身義無旁顧俟大憝就戮寰宇廓
清再申前請歸養奉 批荅有忠孝性成之衰當是
時杭州已失守吳越聯爲一氣曾文正駐軍皖中軍
餉仰給於江西左文襄方爲浙撫由江規浙而僞王
李世賢楊輔清等席方張之勢畢力犯江西冀斷皖
浙俾道公躬赴廣信督防教士民以堅壁清野捐廉
俸千金倡築寨堡逆黨分途竄擾公激厲主客軍若
江誠恪忠義之精捷營劉果敏典之克勇道員席寶

卷一七二

一一

田之精毅營督糧道段起之衡營道員王文瑞之老
湘營王德榜之長左營屈蟠張岳齡之平江營知府
王沐之繼果營參將韓進忠之韓字營劉勝祥之祥
字營臬司劉于濤之水師並循公方略遵調遣所嚮
克捷元二兩年悍酋黃文金李遠繼古隆賢賴裕新
等以皖浙乏食分踞廣饒邊境先後爲諸將所敗論
者謂保固後路俾江浙兩路並得藏功公之力也當
軍務方殷適有法蘭西教堂被毀之獄 嚴旨詰問
主名公疏稱事繇公憤萬眾同心百計推求終無端

緒總繇臣疏於防範所致自請嚴加議處 詔置不問外夷亦懾服無辭而士林則感深肌髓矣五年六月官軍拔江甯逸賊偽侍王李世賢偽康王汪海洋等繇湖州越廣德分道竄入江西提督鮑公超率所部來援疊克金溪南豐新城偽佑王李遠繼偽珥王洪仁玕偽卹王洪仁政等擁偽幼主洪福竄至廣豐鉛山疊為諸將所敗洪福鬚髮潛逃為席軍所禽語具席少保傳中 詔賞公頭品頂戴一等輕車都尉公推功諸將並以曾文正左文襄濟師協餉始得

卷十七上

四

轉危為安疏言臣何敢貪天之功因人之力以為己榮請收回 成命 溫諭不許復以親病求解任亦不許至四年乃給假回籍一肩行李如始至之數曾文正歎為不可及抵里已丁母憂公撫江三載肅吏治繩悍將民有冤抑來愬者立為剖決每夕漏四下不休中因籌餉用人與曾文正意見不合 詔引廉蔣寇賈前事助以共濟時艱公之孤忠格 天所從來久矣六年奉 旨充總理船政大臣船政之議發自左文襄謂非公莫肩其任公疏辭不獲乃請俟釋

服後出而任事設船塢於距會城四十里之馬尾山麓地曰中岐鳴內濱江者為船漕若鑄廠輪廠機器廠之類皆參列其後以洋將日意格為監督德克碑副之事係剗舉百緒繇興機器來自外洋殊形詭製相顧瞠目旁觀者懼不克終事以為難公與日意格堅明約束限五年告成總督某公數言船未必成雖成何益公堅不為動署布政使周錫開充船政提調為匿名帖所牽涉總督知其誣不為申理延平守李慶霖向充船政局員總督劾其專事趨承請奪職勒

卷十七上

五

回籍公皆抗疏力爭且云船政雖係總理王大臣所奏請而自強之道斷自 宸衷為臣子者均宜激發天良以紓 宵旰臣官非言責分屬部民然船政係臣專責死生以之乞 諭周開錫始終其事李慶霖仍留局差遣皆得 旨允行 朝廷至移某公為川督以避之藩胥某遇事玩抗公以軍法數而斬之眾大驚已而大服八年五月第一號輪船成公親出洋試演遣官駛赴天津請 旨派王大臣勘驗皆如法未幾二三號成乃奏派輪船統領隨時訓練以專責

成九年丁父憂 詔百日後仍出任事公疏請終
諭令素服從事公以病辭乃許終制十一年十二
月服闋始復出前後造成兵輸二十棧曰萬年清曰
鎮海曰滄雲曰海鏡曰揚武曰飛雲曰安瀾曰靖遠
曰鎮威曰伏波曰福星曰濟安曰永保曰深航曰大
雅分布各海口勅立拉鍊打鍊鑄鍊輪機水缸諸廠
開學堂二所選幼童之敏者居之分習駕駛製造諸
藝所學皆成尋議酌改船式挑匠徒試令自造不用
洋人監督因疏陳善後事宜非公精心果力不能成

卷十七上

六

也居無何而有巡視臺灣之役臺地孤懸海外舊設
一府三縣二廳隸於臺灣道其臺北生番未入版圖
也十三年夏有日本船避風來泊爲生番所殺日本
調集兵船藉辭生事覬覦臺北番社地有旨命公
巡視兼辦各國通商事務公聞命卽行寢不及旦
當是時倭兵已登岸結營伺隙而動公據理詰責之
仍招諭生番諸社宣布 皇仁番社願遵守約束倭人
爲之奪氣乃修城垣築礮壘練營勇繕軍械不先開
釁端而無日不爲戰守之備會提督唐定奎銘武軍

渡臺眾心益奮倭人遵約撤兵乃通籌善後事宜請
仿照江蘇巡撫駐蘇州例令福建巡撫移駐臺灣兼
理學政疏陳十有二便且云從前官吏所治祇濱海
平原三分之二餘皆番社耳今綜前後山計之可建
府者三建縣者十事之當勅始當變革者非十數年
不爲功且化番爲民尤當行之以漸必須巡撫主持
大局乃能綱舉目張爲 國家億萬年之利得 旨
允行遂分南北兩路開山南路自崑崙均至大石巖
直抵卑南北路自新城至大清水溪大濁水溪直抵

卷十七上

七

岐萊統計二百里有奇地極荒險日光不到古樹慘
碧陰風怒號各有凶番抗拒經我搜勦互有傷亡亦
有良番叩營乞撫願爲嚮導因建礮堡十二礮臺六
屯兵以鎮之琅琦者故相福文襄郡王征林爽文時
駐兵處也其地可爲縣治公親往察勘疏請築城設
官添建恆春縣以鎮民番杜窺伺遂順途按視淮軍
凡陳亡及染瘴死者皆躬奠其柩眾爲感奮尋爲前
明延平郡王鄭成功疏請 子諡建祠以作臺民忠
義之氣許之初臺灣郡城經風雨坍塌千餘丈公疏

請修築並建礮臺於安平海口又內地人民渡臺及臺民私人番界向有禁令公以臺地後山急須開墾疏請弛舊禁以廣招徠臺事粗定船政急待報銷公於是年十二月內渡會獅頭社凶番滋事狙殺游擊王開俊因而瓊各社亦有異心公復於光緒元年二月抵臺檄提督唐定奎等伐木開道步步爲營四月官軍破竹坑本武及內外獅頭等社悉藉其巢於是脅從各社悔罪輸誠次弟就撫計自蘇澳起開路至新城凡二百餘里至秀姑巒又百餘里乃奏設臺

卷十七上

八

北府隸縣三日淡水曰新竹曰宜藺疏陳營伍積弊請概歸巡撫節制以一事權又以臺北產煤請購外洋機器開煤以興長利并請減煤稅皆如議行七月疏報凱撤淮軍於是詔公總督兩江疏辭不允十月莅任公素嚴肅僚屬聞之皆惴惴其賢者踴躍從公其不賢者革面易心江南風氣爲之一變而尤嚴于懲盜爲政三月懲盜百數十淮徐莠民屏跡長江伏莽不敢發昔子產有言惟有德者能以寬服民其次莫如猛夫火烈民望而畏之故鮮死焉水惴弱民

狎而玩之故多死焉公之用猛其由斯道歟公以積勞成疾數請開缺不許五年夏述職入都奉皇太后懿旨時事艱難毋得遽萌退志秋回任其冬

舊病轉劇萬不獲

已復額開缺遺疏惓惓於鑲甲船一事病中至形諸嚙語蓋公謀之數年以款絀未得藉手者也至十一月六日卒於官年六十公生平學在不欺凡事必求心之所安自少至老如一念自言在廣信時已分萬萬無生理以故當存亡利害之交輒卓然有以自立

卷十七上

九

而經理庶務不操切不張皇絕去世俗瞻徇之見體不耐舟楫臺地風浪之險甲天下兩次東渡雖甚眩暈呻吟而志不少餒自鳳山犒軍歸黑夜乘舢登岸舟幾覆未嘗憚勞也義有不可者毅然見於詞色朝廷數以時政下詢公侃侃獨持正論不事模稜而虛懷善受慮以下人推賢讓能惟恐不及自奉極儉約廉奉所入隨手散給族戚輒盡遇地方善舉鄰省賑卹必解橐爲之倡卒之日不名一錢遺疏入追贈太子太保入祀賢良祠政績宣付史館賜

祭葬 子諡文肅並准建專祠子七人長瑋慶附貢
生 賞舉人襲一等輕車都尉世職次瑩慶附生
賞主事次璘慶次瑜慶附生 賞主事次璿慶瑤慶
琬慶孫八人曾孫一人

評曰公之孤忠受

先皇特達之知自廣信始後筦船政製利器巡臺灣
平番社拓郡縣爲 國謀長厥功茂焉嗟乎公死十
數年東夷啟釁至割地講和舉公所經營者盡棄與
敵人公在九京能無撫膺太息于時局之日非誰秉

國鈞而至斯邪

卷十七上

十

中興將帥別傳卷十七下

長洲朱孔彰撰

丁文誠公別傳

丁公寶楨字穉璜貴州平遠州人少能文有操略道
光二十三年舉於鄉咸豐三年成進士改庶吉士遭
母喪里居遵義楊龍喜作亂蔓平遠公起毀家練鄉
兵眾始難之公曰賊至家豈吾有邪乃募壯士擊賊
捍閭里由近及遠救安平援貴陽勦平越獨山甕安
麻哈守都勻苗教各匪稍定龍喜滅當事奏留公點
軍給其儲 朝廷嘉公行閒除編修異數也公之能

卷一七下

一

軍始此既簡岳州知府遣所練待饒金十餘萬籌者
以爲憂公取五百金集眾謂之曰遭時變亂累及父
老子弟協力扞患恍忽十年死者已矣予與諸君幸
無恙今被 命將行庫饋不給視諸君徒手歸何以
爲情眾皆泣下曰公破家急難吾眾亦以義起必有
求乎公行矣公亦泣下即日別去蓋供億之少解旋
之易軍興以來未嘗有也抵岳州粵賊石達開方寇
楚陳玉成由金陵上竄鄂南岸州縣盡陷賊公至誓
死守城以完越歲爲同治元年調長沙嘗值客軍數

千將不在鼓噪來公請于大府貸發三萬金斬其倡
五人頃刻而定旋擢山東按察使晉布政使躋巡撫
在山東用兵六年善恤將士能推有功撻賊往來剽
忽公乃卷甲窮驅人樂爲之急又銳于乘勢不主畫
疆自守曾公國藩駐濟甯公率五千人防守運河河
長二百七十里賊不能渡六年六月東撻賴汶光自
萊陽北趨招遠黃縣全股聚海濼李公鴻章與公會
軍扼膠萊河以蹙之膠萊河者元至正間所開新河
以通漕運而避海道之險者也延袤幾三百里其北

卷十七下

二

口水淺沙淤不能築牆西距三十里有濰河入海道
乃議從新河西築牆接濰河東以達於海令淮軍東
軍分段守之撻賊撲膠萊河不得逞改道走濰河部
將王心安築壘方成而隄牆未竣撻賊長驅渡河自
安邱臨朐南走李公交部議公禠職留任蓋東軍之
守濰河本李公部將潘鼎新汎地潘軍方南移而北
路遽失守 詔斬王心安公上疏爭辨謂其情可原
朝廷乃宥心安而切責李公李公仍議防運九月
賴汶光犯鄒公自曲阜進擊破之其後公部分守運

河中段嚴固卒平東撻七年春西撻張總愚擁眾數
萬自晉而豫漸犯畿疆北蹂定州歙及保定勢且燎
原去 禁輦僅二百里 朝廷震動至遣宿衛之旅
出 國門備寇公率師入援先至河間一日夜行數
百里卒出賊前轉戰雄任祁高肅之交復饒陽城

天子嘉之褒詔凡七下聲赫中外無何西撻平原
肅清 詔加太子少保公迺整吏治礪僚屬務持大
體不爲刻谿而器量恢豁廉剛有威苟遇曖冗之夫
猥緩之政則必痛摘深剔事之所繫在國與民則必

卷十七下

三

行其志而後已十年黃河入東決侯家林及孟家莊
東南幾爲澤國羣工集議以時過立春築隄難必成
欲緩至明年冬公曰再歷夏秋汎其勢不可當民其
盡魚矣乃奏請獨任植立河干冰雪中誓以死勤事
用兵法部署親執扑以行築者於是費省工倍五旬
而隄成

穆宗褒嘉 詔從優議敘光緒二年入覲 賜紫禁
城騎馬擢四川總督凡有興革不避怨嫌復都江故
隄還民田數十萬畝裁減夫馬民困大蘇川鹽久敝

利官胥 國家歲失成利百餘萬公勸滇邊黔邊官
運法悉收復之十二年四月卒公病革預為遺疏曰
臣沐 三朝參養之恩頻叨異數犬馬餘生尚願以
身報 國今遠鐘漏向盡區區微懼結草何年瞻望
闕廷罔知所措臣在籍勦匪即誓效命沙場今行
年六十有七獲保首領以沒尙復何憾惟念川省東
連長江北通關陝地接滇黔民情浮動加以英法兩
夷逼處雲南狡焉思逞英人俄人又均有入藏之議
將來必肇兵端臣前所陳防邊一切尙未及時布置

卷一七下

四

返之寸心徒呼負負大抵外洋和約萬不足恃海軍
既已勦辦即應實力操練腹內防軍不宜再議裁撤
只可以安為攘不宜重外輕內抑臣更有請者 皇
上春秋鼎盛指日親政應請舉行日講以裕 聖功
帝道之隆要以近賢人君子遠宦官宮妾為圖治之
本勿以財用不足而進言利之臣勿以時局多艱而
行苟且之政固結民心即所以深培國脈此皆臣戀
主之忱所耿耿不能自己者也至臣在川十年深
知利弊所裁之夫馬局不宜再開所辦之官運局不

可遽改機器製造為西陲異日之軍需積穀倉儲備
全川不時之荒歉愚昧之見伏維 鑒察臣病勢至
此萬無生理伏枕哀鳴望 闕叩頭口授臣幼子體
晉恭代清摺叩謝 天恩既上 帝震悼加贈太子
太保 予諡文誠 賜祭葬祀賢良祠并建祠山東
行省子五體常體勤體仁體成體晉 本朝故事凡
一二品大員死有遺摺多幕友為之惟此疏公手稿
故備載錄公卒後家屬貧不能舉火成都府供食數
月蜀之舊寮贈賻始得歸

卷一七下

五

評曰初公夫人病溲山東黔亂喪未返奏明葬歷城
其後公匱遂合葬焉公遺愛深東人尤思之喪所過
郊野祭弔相屬燕北思陶荆南哭祐無以逾也

中興將帥別傳卷十八上

長洲朱孔彰撰

溫壯勇公別傳

溫公紹原字北屏湖北江夏人也少習申韓納訾爲知縣兩江總督陸建瀛委護六合印前令失民望公嚴明撫輯縣大治代至鄉民炷香跪道請於大府乃留署焉咸豐二年冬粵賊陷武昌公倡修城垣募鄉勇親加訓練或曰賊尙遠公曰備豫不虞古之善教也無何賊陷九江三年正月賊竟犯江甯窺浦口公令耆民給賊犒牛酒陰籌守禦賊陷江甯遂東下破

卷一八二

一

揚州江北大營屢敗挫而六合完固賊偵知有備且怒向者之見給也四月八日大舉入寇公督外委達成榮千總徐琳戰於龍池三敗三進賊不敢逼時吉林馬隊扼守河岸公招集民勇入城守禦城北有火神廟最著靈異賊毀之夜半火起賊砲礮被焚死者無算又以攻城不利遂遁走公于是請浦口設重兵募水陸勇徐壽海州人以次至四年冬破賊九洲洲以功擢知府 賞戴花翎先是艇師總兵吳全美被議陰懷觀望公親往激勸請於江南大帥向榮以全

卷一八二

二

家保之全美舉酒酹地涕泣自誓親冒矢石揚帆直進斷鐵鎖三重江路以通五年我施鐵鎖於下游阻鎮江援賊公親至南岸相度地勢觀音門七里洲一帶民多從賊公陰撫其黨約爲內應賊動靜無不知勦火藥鑄錢等局抽釐助餉歲入十餘萬六年三月江浦陷總兵張國樑來援公帥兵爲其先鋒禦賊於毛許墩連戰皆捷克復浦口江浦秋大旱天長來安山匪竄起先後討平之平糶賑饑民賴以活重訂團練新章令各鄉演習是年擢署江甯府以道員卽補仍駐六合辦理防務大府以李令守誠知縣事時江北官軍疲弱不如六合練勇六合屢報功而大營不與故大帥忌其能以干預保舉劾公革職七年仍留辦六合團練旋爲兩江總督何桂清奏請開復江浦旣克以隨同征勦功歸部從優議敘八年三月賊陷滁州全椒來安公在蘇州聞警手書防堵數十事寄李令動中宵緊旋回六合督勇攻來安克之加運使銜奏充大營翼長八月悍酋四眼狗陳玉成糾數十萬賊攻江浦官兵敗于小店公乞援於金陵大營恐

六合難獨禦浦口又失請大帥德崇額駐六合不許金陵援師復敗於冶浦橋富明阿等皆潰公督兵勇二千餘人城守於是命副將羅玉斌守北城千總海從龍守東城遊擊夏定邦守西城都司俞承恩守南城城中男婦逾萬計口授食血書告急而救不至守月餘城中食且盡火藥已罄都司俞承恩請潰圍出奔公揮淚曰賊眾援絕城中數萬性命恃我等爲存亡諸君欲舍之去如老弱何遊擊夏定邦曰賊眾我寡出必不免今上下一心請誓死以待外援公拊其

卷十八上

三

背曰斯言是也敢言出者斬賊三路掘地道城中應之賊傍水掘塹出不意陷我九月十八日黎明公微服巡警城崩賊驟至公慮爲賊獲遂投水死年六十一公貌魁偉聲如洪鐘精神煥發夜分不寐處大事能斷軍興以來內修外禦鉅細必親幕中客備位而已屢欲乞歸以民望羈留嘗賦述懷詩云不將白髮窺明鏡惟有丹心戀聖朝人服其忠事聞加布政使銜賜卹世襲騎都尉子諡壯勇夫人王氏子輔才城破并遇害

李君守誠字次生江西宜黃人丁酉拔貢由校官應順天鄉試中式挑選六合縣咸豐四年到省溫公擢署江甯府君遂莅任居官清儉歲大旱悉心撫卹七年兼辦溫公營務隨征江浦以功晉秩五品八年八月賊破浦口大營德帥乘艇徘徊江上君帥親兵三十人往迎請援德帥不應君抗言孤城危在旦夕兵勇守禦不暇此去祇四十里大帥宜速往調度左右惡其直將加鞭箠岸上觀者大噪德帥遽逸去此二十二日事也閉城後晝則籌餉夜則巡徼外援不

卷十八上

四

至自分必死九月十八日城破縊于堂上賊疑爲溫公焚其尸子幼隨家僕出奔事聞贈知府銜賜卹世襲雲騎尉羅玉斌由江西武營游升副將奉調駐揚州移營浦口八年三月德帥檄守來安八月撤赴六合二十五日富明阿馮子材兵潰玉斌留守內外阻絕麾下三百餘人分駐北門城陷督勇巷戰策馬至教場遇賊大呼刃數人賊攢刺之遇害三百餘人無一存者海從龍字禹門江甯人以監生中江南武榜時年十

九隸督標記名千總金陵陷奔六合溫公派辦團練六年從張公國樑擊賊於毛許墩以功加五品銜七年署六合城守分帶練勇駐守東城城陷戰死父定國由武舉署全椒城守六年投效六合溫公派守西城同時殉難年已七十餘

夏定邦字治平六合滁河舖人年十八中道光乙未江南武榜署揚州營千總五年冬吉爾杭阿公命率五百人攻賊於六合夏蜀街以勇略聞八月以勦山匪功擢江陰守備戴花翎八年攻江浦先登陷陳爲

卷一八二

五

諸軍之冠江浦復補都司加遊擊銜八月由雷官集調回城守西門縋勇夜出焚賊糧城陷督勇巷戰知事不可爲仰天大呼左手拔刀自刎瞳目直視血全涌猶倚柱僵立一子出奔

王家幹字楨甫睢甯人道光甲辰武舉咸豐三年署六合城守五年十一月攻九洲天大霧銜枚疾走越濠三重緣壘而入賊死守營門遊擊秦懷揚陷敵君擡礮邾上燃轟斃賊無數出之以下堅壘功升守備六年來安山匪起戰於施官集大破賊眾斬級數

百加都司銜換花翎七年克江浦八年復來安補都司加遊擊銜八月賊酋四眼狗圍六合城先與王福來會戰于大王廟賊由龍窩偷渡爲抄截前阻大河力竭赴水死城陷都司俞承恩把總毛國祥武舉朱金標海定國千總李祥和皆死咸豐三年龍池之戰傷亡二百餘人外委達成榮及繆氏兄弟最有名李祥和成榮婿也初六合守城時夜更用金聲城中人聞之若云復金陵復金陵金陵一復大功成數年安堵避寇者多聚城中及陷之年攻擊竹器其聲曰殺

卷十八上

六

殺殺殺殺識者早知其不祥城破賊屠殺萬人逸出者僅二百餘人守城紳士死難者二十人其詳莫能紀焉悲夫

評曰咸豐間江南江北大營將驕卒惰皆無能爲也能戰者惟張公國樑親軍與六合之練勇江北大帥其才實出溫公下溫公反受其節制豈不殆哉

中興將帥別傳卷十八上終

趙忠節公別傳

趙公景賢字竺生浙江歸安人父炳言道光中官湖北巡撫公少豪邁負奇氣不拘小節讀書慕古俠烈士喜任人所難有機權臨事能斷道光二十四年舉人以父子異籍被議黜入貲得復授宣平教諭改官丙閣中書未赴丁父憂閉門讀禮鄉人未之奇也同郡徐撫部有王獨器之曰君有應變才將為國柱石慎自愛公亦以時事多故思得一當以自效咸豐三年賊犯江甯江浙震動 詔舉行團練法公獨任其

卷十八上

七

事輸重金為眾倡王公有齡守湖州牒保知府加道銜十年二月賊陷廣德甯國直趨湖州公在蘇州聞警馳歸與湖州守瑞春歸安令廖宗元烏程令李樹等籌守禦時王公已官江蘇布政使公上書請餉因請總督令箭得便宜行事太守曰官無見錢計奈何公曰事急矣今市肆雖空百貨未盡徙也宜權取充軍實事成有以謝父老否亦免為盜齎遂下令有不聽取者治以軍法不半日事羸集公曰未也今城外民廩如櫛賊至窟其城將不能守乃縱火燔之江南

援軍至賊已圍攻西北城公部署既定納鞞刀乘城誓必死遂約援兵夾擊賊圍三日解去有 詔以道員用 賞額爾德木巴圖魯賊由隸溪攻杭州越十日外城陷巡撫羅公遵殿死之將軍瑞昌守滿城未下會提督張玉良從江甯馳援過湖州公遣將引道復杭州王公有齡繼為巡撫王公夙知公才湖防事一以委公乃益繕城隍備器械造戰艦築牛馬牆分勸各屬鄉鎮治團練閏三月遣將復長興德清安吉孝豐武康五縣時蘇常迭警援軍皆調歸惟存新軍

卷十八上

八

三千公悉心校練且添募四月蘇州陷延及嘉興公分兵駐南潯鎮以扼其衝未幾偽輔王楊輔清自宜興溧陽太湖來犯眾十萬沿城大掠火光燭天刁斗聲聞數十里公閉城堅守意氣自若會記名道蕭公翰慶自石埭來援轉戰賊境五百里將至湖州馬蹟被害所部敗散入郡城公拊而用之兵力稍厚時賊眾已圍五門公親督隊開北門出血戰數晝夜斬賊多賊遁二次解圍得 旨以道員記名簡用聞張公玉良攻嘉興公即帥師出南潯進攻吳江之平望鎮

蹋賊數壘據守之思卽復蘇州成不世功僞英王陳玉成忽自太湖窺湖郡公急回救賊反乘之師潰賊復踞平望并犯南潯鎮公再集民兵擊走之六月分兵克廣德州時杭州圍解賊仍竄湖屬十月省城再被圍公帥兵往援圍甫解入謁王公忽湖防告急卽馳歸賊已至南門之峴山副將劉仁福者故輿臺也自平湖潰歸通款於賊率廣勇二千自昌化來僞爲援兵謀入城內應公偵得實陽治具款之而止其兵城外陰簡精卒出令人束竹筋于腰爲識圍而盡

卷十八上

九

殲之傑仁福于市竿其頭示賊賊爲奪氣解圍遁十一月嘉興烏鎮之賊分途來擾雙林鎮等處王公遣副將文瑞來助勦合民兵轉戰十餘日悉破其壘詔以三次解圍功 賞按察使銜十一年正月遣兵再克長興有賊自宜興陸路來犯敗之會太湖之洞庭東西山失陷全湖皆賊有長興旣不能守而北路七十二澗港時被擾遂於大錢口添駐水師聯絡民兵通饒道大小數十戰皆告捷五月大股賊來踞菱湖鎮公親督水師礮船分路夾擊大敗之奪賊船數

百校生擒數百人七月平望賊竄南潯鎮與石門賊兩路來犯皆走之九月賊來益眾乃督水陸出鏖戰五晝夜賊始敗退適太湖賊又來犯夾浦連敗之回郡忽報杭州被圍賊營互六十里餉道絕遂親督水陸軍往援連破賊隘口二十有奇終不能達城下洞庭山賊偵公南向乘虛犯大錢口公急回顧且戰且退旣至大敗之奪賊二百餘校始遁去而從逆之烏鎗船匪肆掠雙林鎮復遣兵聚殲之亡何杭州陷公歎曰湖郡成孤注矣惟當效死勿去以報 國恩耳

卷十八上

十

遂與在城文武誓死守眾皆曰惟公命僞忠王李秀成遣二謀遺書招降公立斬之以書達上海呈江蘇巡撫轉奏始奉簡授福建督糧道之 命時四面皆逼賊烽惟留大錢口一線路十二月二十七日大雪三晝夜冰厚數尺如平地礮艦膠不能動同治元年正月二日賊乘夜來犯大錢口遂爲賊踞自此內外隔絕饒道不能通矣賊屢受湖防之挫死傷山積恨次骨掘公墓相戒勿近攻先是賊陷名城率用地道湖郡地勢低掘地三尺卽見水技無所施又四面

環大河雲梯衝車無所用惟築壘樹柵漸進逼爲坐
困計二月朔公選死士三千誓解城圍繇南北門出
擊各掃十餘壘獲賊糧運入城自是賊糧不復屯近
處而城內外水陸兵勇尚八千有奇男婦十一萬餘
口糧且盡越二日奉飭赴福建新任及賞加布政
使銜之恩命軍氣復爲一振蓋是時上甚惜公
才寄論垂詢江督曾公密令輕裝赴任移其捍衛
桑梓之力以固閩疆公感泣誓死益堅密寄帛書至
上海報其叔父炳麟有眾志成城守死善道之語且

卷十八上

七

云使我家出一良臣不如出一忠臣公之志蓋素定
矣自三月以後軍民羅雀掘鼠食艸根樹皮皆盡公
言笑如常時縣丞某欲通賊事露立擒斬之有按掠
者仍按軍法五月三日城陷公大呼曰死無憾死我
十數萬軍民爲憾耳賊渠譚紹洸擁至局公冠帶見
賊喝曰速殺我毋殺軍民譚曰亦不殺汝公拔刀自
刎爲所奪執之去僕陸二自刎死公被執至蘇幽諸
獄邏禁甚嚴求死不可得脅降不屈李世賢復爲下
士狀百計誘說不爲動遂有遣歸之意譚逆不可世

賢赴江北時誠勿殺譚稍稍善視之公見輒詈罵一
日攜常熟地圖以詢速投之火二年三月賊自太倉
敗歸揚言公將襲蘇譚逆懼十八日晡招公飲酒半
詰公曰汝通妖兵邪公曰我本官兵何謂通汝欲獻
蘇州邪公曰蘇本大清土地何謂獻卽又曰汝死
期至矣公仰天大笑曰我求之一年而不得今何幸
也連舉數巨觥罵益厲譚逆舉洋槍對擊其胸而隕
年四十有二賊目棺瘞之公軀幹不踰中人貌偉異
口可容拳大小百餘戰皆親冒矢石天性嗜酒好殺

卷十八上

七

自平且至日中所禽治有生者日昃則痛飲必醉無
論脅從盡斬之嘗曰吾得殺人下酒乃快耳湖州旣
陷廷旨數詢公下落死事聞優詔褒閔且曰趙
景賢係在籍紳士無守土之責集團禦侮每戰必捷
迨至孤城困守糧餉軍火俱盡仍堅持數月力盡被
執賊匪誘脅百端矢志不移卒以身殉勁節孤忠可
嘉可憫其改照巡撫陳亡例從優議卹且賜諡於湖
州建專祠其長子趙深彥一并附祀事跡宣付史館
立傳以彰忠蓋次子濱彥潤彥滋彥添彥溱彥均俟

及歲時送部引見尋 賜祭葬 子諡忠節公在繫作絕命詩四章有云亂刃交揮處危冠獨坐時又云厚貌徒爲爾孤忠矢靡他僞忠王本欲送公歸致書以漢壽亭侯歸漢爲言公斥其儼不於倫且曰歸我者之爲知己不如殺我者之尤爲知己也初杭州陷公知事不可爲盡遺其家屬出而身居守長子深彥年甫十二寓湖南聞湖州失大慟服毒死南撫爲奏請 旌卹故附祀公祠

卷十八上

三

良田萬頃男女數萬人亦守年餘四出擊賊賊圍之數十重竟無虬蟬蟻子之援坐而待亡悲哉其後鮑公超至宣城而圩已破婦孺屠戮殆盡守圩者紳士丁藹外姓字多無傳吾將訪諸遺老綴其事於趙公之後

中興將帥別傳卷十八上

中興將帥別傳卷十八中 長洲朱孔彰撰

何文貞公桂珍

金剛愍公光筋

何公桂珍字丹畦雲南師宗人以道光甲午舉人成戊戌進士授翰林院編修丙午提督貴州學政旋晉侍講入直 上書房數抗疏陳軍事得失咸豐四年五月出爲安徽甯池太廣兵備道時則安慶暨濱江府縣淪沒賊中廬州新立行省亦陷於賊副都御史袁公甲三軍臨淮提督和春公巡撫福濟公軍廬

卷一八中

一

州公當之官不克南渡袁公欲資公以兵西會楚師福公亦具疏留公江北檄公募勇出征公私置乏沮傷百端最後得二百餘人率之以西至霍山徵集潰兵團勇三千餘人推誠獎勵遂以十月二日大破撚匪李兆受於城東追至麻埠又五日至流波礮礮商城固始團練堵其北金家寨團丁禦其東而自率所部遏其西撚黨洵懼李兆受與馬超江相繼投誠挺散脅從遠近大說環三四縣皆輸豬雞糗糧金錢之屬聲終宵不絕先是大府帥檄公救援廬江檄未至

而城先陷至是奉被劾革職之 命軍士懷不能平
雖百姓亦惻惻也方楚師之出岳州而東也克武昌
下黃州破田家鎮水陸電邁席卷千里其後塔羅兩
軍由黃梅南渡以圍九江賊循北岸而上復陷蘄黃
竄武漢自長淮以南天柱內外所在蠶屯公以孤軍
流離西與楚師不相聞東與廬州大府隔絕朝不謀
夕嚙指誓眾五年正月進攻蘄水克之又分軍克復
英山又殲劇賊田金爵大府帥以公西征有效疏令
留駐英山公出師至是凡八閱月僅支見銀三百兩

卷一八口

二

士卒及民團相從者增至三千人又益以李兆受新
降之眾無以為食居無帳幕雨無薪邨郭無居民遠
近無援傷亡無以為郵始什人賦麪一斤繼而削減
半之既又半之而賊來益盛日提飢卒轉戰不得休
五月十二日軍敗徒行泥淖中鄉民或哀而進食公
雖強自振勵然憊甚瘦癯發體氣亦少餒矣李兆受
者故反側持兩端感公忠勤不忍遽背負絕糧既久
怪公無以活之意望甚又同時降人馬超江為匪徒
所殺怨官不能捕誅以抵罪也則大戚議為超江復

仇設位受弔撚黨畢集於是安徽河南兩省皆以兆
受復叛入告而縣令亦懸賞購兆受頭千金兆受益
不自安匍伏詣公自陳無他公撫慰稍稍綏定矣會
大府帥有密書抵公教以圖翦叛賊毋後人發為兆
受所得遂陽為置酒高會而伏兵戕公于英山之小
南門遺骸殘燬同遇難者四十七人咸豐五年十一
月初三日也後同治三年冬曾文正公奏請 賜諡
曰文貞文貞殉節皖北後二年有金剛愍之事
金公光節字濂石直隸天津人少困童子試納嘗為

卷十八中

三

甘肅通判改安徽知縣署定遠補建平復調定遠威
惠大善擢壽州旬日閒庭斷獄近百咸豐二年冬以
侍郎呂公賢基疏薦 詔從大帥征討巡撫請畱之
三年安徽陷壽州奸民結獄囚將為亂公方巡行鄉
野疾馳還囚數人逾垣出手刃之奸民震懼不敢發
詰曰召紳士議團練募勇千人修城儲嚴保甲備軍
械不數日戰守之具悉完侍郎周公天爵督師淮上
討羣盜定遠盜陸遐齡者眾數萬恣剽掠眾呼為陸
王乃命公以三千人往討公曰遐齡踞巢穴雖三萬

人不易破也周公大驚曰然則柰何公笑曰公無慮某當爲公取之啞某者公姻戚口啞不能言獨負奇勇名淮上嘗被短褐行市間藏二刃腰帶飛行取人首莫敢抗公捕羣盜輒呼啞者俱盜聞啞者至輒俯首就繩縛乃獨微服攜啞者赴遐齡所至則重濠壯宅門內外刀戟聲相摩既入見八人者臥榻上公卒然問曰陸王安在遐齡震其聲起立曰我是也則令啞者出不意繫其項七人皆大驚爭握刀擬公公出珊頂置案上抗聲大言曰我金某奉大帥命謂遐齡

卷十八中

四

豪傑可大任特遣某招之繫者啞某此朝廷法非有他也敢動者斬遐齡畏公威習聞啞者勇已被繫動則爲啞者害又聞大帥召將用已乃止七人者隨公行至轅門周公大喜跣足出見公曰遐齡鉅盜降粵賊吾懼其雄張淮南故星夜來此懼不克君嬰兒縛之吾復何患哉旦日斬遐齡轅門外麾兵討其黨皆平疏薦公於朝賞花翎擢知府公既誅陸遐齡威震淮上凡平土寇數十起而粵賊至當公之守壽州也臨淮鳳陽懷遠皆陷漫賊距壽州裁百里居民

一夕數驚公監竹柵河口置水營八公山張旗幟鎮上列礮臺山隘賊望風不敢進是年冬廬州陷巡撫江忠源死之以福濟爲巡撫明年春六安復陷於是四境皆賊正陽關者據淮上扼南北關鍵距州城西六十里公念守城不如守關則據關爲營賊大舉來犯戰方酣大雨鎗礮溼不然公憤拔佩刀欲自殺左右請還城城陷外未晚公嚙之乃率師還賊疑有伏亦退自是賊五犯正陽輒敗去五年江南提督和春復廬州巡撫擢公知廬州府已受代壽民環泣臥堂

卷一八中

五

下不起公宵分輕騎出攀呼不得則大哭失聲公亦涕泣馬上不忍去既至廬則益嚴斥堠討軍實一日薄莫城中火大作公閉城門令曰譁者斬一人謹縛之四婦人跣足相聚語并縛鞫其狀五人皆賊謀戮諸市賊不得逞合肥盜願四匿城中將爲變夜半公潛出斬之無知者以是民咸懼其神六年冬署廬鳳穎兵備道既至臨淮撚寇數萬縱橫四十里逼我師公數擊敗之明年春二月羣撚大掠正陽關粵賊帥陳玉成復自桐城破六安水陸至正陽公保壽州壽

州民見公旗纛歡呼震山谷公撫之曰若無恐吾與此城存亡耳既入城賊圍之數匝城中喜公至皆攘臂登陴輸芻糧治守具不令而集於是令壯士絕城出賊方食噪乘之敗諸南門外賊用隧道伏地雷攻益急地聽之地聽者掘深塹置水囊浮銅鉦其上令警者潛伏其側賊穴至卽銅鉦作水漾聲其法始見墨子公用其法禦賊又令軍士銜枚出襲賊營破之玉成圍攻凡八日乃敗去論功加按察使銜公乘勝進攻正陽連破賊壘俘賊將三壁三十鋪別遣將帥

卷十八中

六

水師會黃天澗毀賊營四十斬級四千淮水盡赤環攻五晝夜遂拔正陽關設屯守 賜號鏗色巴圖魯初和春去廬州淮南將無出公右巡撫遂命公統諸軍然川陝與壽春兵眾襍亦不盡得力公所募親軍不過千人而淮南又四戰地羣盜如毛是時李兆受糾撻粵悍首往來安徽河南之交烽火至商南武關首尾二千里未幾張落刑自三河尖東犯公出淮上拒之而粵賊時公出潛師襲正陽正陽復陷公疾馳還至沫河口麾軍破四壘抵北關大戰賊望風披靡

會都統勝保督騎兵攻正陽軍河北公上謁賊突至勝保令公禦之公立舟中左持矛右擁纛躍而上從者千人自辰至未戰不利勝保不能救公戰敗沒于河時咸豐七年閏五月四日也公天姿忠孝常言自英人犯順卽以身許國及官淮上嘗謂兩弟曰時事日棘吾必死二老人春秋高侍養汝兩人任矣言已泣下性剛正廉潔自軍興廳事未嘗譙飲妻子或彌月不相見師行食藜藿藉草蓐與士卒等所至卻供張曰我取諸彼彼取諸民民方倒懸不能救之反累

卷十八中

七

之乎大帥行營距不百里未嘗通一柬以是失大帥意守廬州和春部卒奪民財懲以法則結隊犯上公與巷戰卒敗乃服罪旦日詣和春謝和春笑慰之其嚴峻如此嘗言大兵宜攻不宜守地方官宜守四境不宜守孤城時以爲名言公在軍夜聞風葉聲輒起雖戰勝愀然不樂曰死者皆吾民也軍暇賦詩以見其意有古名將風卒年四十有二尸屹立水中不仆前一夕有星隕營西北公曰數日恐折大將不謂自應之漫時壽民皆縞素痛哭不能自已死事聞 詔

視布政使賜卹特祀壽州謚剛愨與騎都尉世職十
年用袁公甲三奏並建祠天津褒其祖若父二品封
典兩 賜祭慰之蓋自公漫淮上無大將苗沛霖遂
圍巡撫壽州以叛而撓禍遂蔓延天下以故 朝廷
尤悲公云同治二年三月苗沛霖反圍壽州知州毛
維翼以五百練勇督百姓堅守三月城破維翼死之
曾文正謂毛君亮節孤忠疏請 賜卹 追贈道員
評曰何文貞遇害英山金剛愨殉節正陽皆受制于
庸人而莫能自伸其志也二公死而李兆受苗沛霖

卷十八中

八

之禍愈烈文貞含冤剛愨屈抑非曾文正袁端敏言
之曷彰其賢哉

中興將帥別傳卷十八中終

中興將帥別傳卷十八下

長洲朱孔彰撰

李武愨公別傳

李公孟羣字鶴人河南固始人也父卿毅官湖北按
察使咸豐四年殉武昌之難公由道光丁未進士選
知縣發廣西權靈川有政聲會匪李沅發倡亂公奉
檄帶勇赴全州軍營共討平之擢同知調署桂平甫
下車值金田賊起大吏令會辦軍需而權多旁撓每
見忌沮江公忠源嘗調護之咸豐元年集團勇剿滅
修仁荔浦竄匪生擒賊酋陳亞潰補南甯府同知賊

卷十八下

一

由龍盤河偷渡公屢擊卻之論功以知府升用九月
勦平桂平縣土匪梁亞介等旋調赴永安州軍營隨
大軍征戰身先士卒勇奮發數有功解桂林之圍
平潯州艇匪擢道員署潯州府江公忠源巡撫安徽
疏調公粵西撫勞公崇光奏留督潯梧緝捕不果行
四年曾文正公治水軍於長沙聞公名奏調至湘時
武昌陷聞父殉節日夜泣血誓滅賊文正令統水師
千人與楊公載福彭公玉麟東下水師別將陳輝龍
攻城陵磯戰沒公再攻勝之遂克岳州文正進駐金

口召水陸將定策攻武昌漢陽陸軍塔齊布公攻洪山羅公澤南攻花園水軍公與楊公彭公中流直下往來攻擊分前後兩隊前軍戰船衝過鹽關繞出賊後後軍戰船自上擊下逼賊落河燬鹽關賊船二百餘艘其東西兩岸賊壘經陸軍火攻悉平之公會諸將乘勝直追燬沿江木柵攻破漢關及白沙洲金沙洲各賊營直抵鮎魚套焚盡賊舟江水爲沸公復率前營西渡攻漢陽朝宗門土城楊公等攻塘角漢口賊眾揚帆下竄公入漢焚燬各舟賊尸蔽江復回攻

卷十八下

二

漢陽合副都統魁玉諸軍夾擊連燬晴川閣下木柵大別山下木壘武昌賊宵遯漢陽亦收復公入省城奔父屍所痛哭收斂一軍感動楚境肅清 詔加按察使銜並珠爾杭阿巴圖魯無何進洎九江水師太銳挫于湖口賊沿江上竄武漢復陷公回援總理水軍偕彭公玉麟齊抵襄河敗賊于漢陽城外五年三月 詔署湖南按察使公以父憂辭不許仍統軍進剿從湖北巡撫胡公林翼屯金口賊來犯屢擊敗之旋改統陸軍六年九月總督官文公攻漢陽各門賊

由西門出犯公率軍鈔擊多所禽斬十一月官文公復攻漢陽東門突出悍賊數千抗拒公分隊直上龜山總兵王國才等攻西南各門賊大亂公摩軍衝入斬賊數千禽偽將三百餘名遂克漢陽公前服闋已真除湖南臬司至是 詔以布政使遇缺題奏會皖撫請援于楚官文公奏派公總統陸軍援廬州途次授安徽布政使由羅蘄轉戰而前進克英山霍山八年二月潛山太湖之賊竄擾河南固始公自六安赴援借副都統勝保合力攻剿斬賊無算遂解城圍

卷十八下

三

又討商城匪黨平之四月克復六安旋署巡撫仍駐軍麻埠奉 命未十日而廬州陷當是時皖北糜爛饑餉弗繼兵已數潰矣公草職後節制于欽臣減兵裁餉益無以自固進屯廬州西六安復陷而悍酋陳玉成以七八萬眾圍公營相持十餘日糧盡援絕公所統飢軍僅千三百人耳壘破被執罵賊賊令人守之越五日自到死公先一日作絕命詩四章藏于衣帶有生無將略酬時望死有忠魂報 主知之句又曰家國艱虞空涕淚乾坤維繫祇 君親時有桐城

老婦陷賊中得之遂傳播于世世又傳公軍中喜用方術士有族女名素貞號仙姑辟五兵戰死湖北人願神之及公陷寇悲歌誓死尤爲江淮所哀思云死事聞開復原官 賜卹如例 予諡武愍 賞騎都尉世職同治元年

穆宗御極 賜祭一壇後以袁公甲三奏 詔廬州府建立專祠子闡闡襲世職時佐袁公軍有徐剛毅公曉峯揚州人常督軍勦皖北賊有馬家樓俞家灣烏衣鎮之捷後爲福建汀漳龍道粵賊汪海洋由浙

卷十八下

四

竄閩由閩入粵復回犯漳州剛毅僅有練勇二百五十人守城城破被執罵賊死 朝廷憫之 賜諡剛毅剛毅在臨淮軍中每喜誦李武愍絕命詞擊節悲歌聲淚俱下蓋其志同其死節之烈亦同云 評曰武愍之陷賊也賊酋見之甚恭公雖罵賊賊不逼公至釋其弟孟平歸非以公之孤忠凶頑猶感哉 從容殉節洵不媿古人顏魯公矣剛毅慕義無窮風標凜然二公皆不負所學哉 中興將帥別傳卷十八下終

中興將帥別傳卷十九上 長洲朱孔彰撰

蕭壯果公啟江

黃忠壯公溇熙

蕭公啟江字濬川湘鄉人少賈于蜀弱冠後折節讀書咸豐三年以國子生從羅公澤南勦賊永興四年從平岳州克武昌敘縣丞戴藍翎再遷州同五年廣東賊犯湖南巡撫駱公檄公募兵協勦署曰果字營自是獨將一軍九月攻茶陵踞匪帥壯士數十人單騎薄南城魁門賊自民廛擁出攢茅環擊公橫槊躍

卷十九上

一

馬手縱數賊賊瞠視莫敢逼無何克其城明年僞翼王石達開竄江西公駐師瀏陽禦賊時劉公長佑援江西各營歸節制公屬焉二月劉公出醴陵攻萍鄉公出瀏陽攻萬載大破賊于楮樹潭大橋竹阜遂復萬載臨江賊復犯萬載崇通賊復犯瀏陽金陵援賊並至皆大破之公累前後功擢知府尋進兵合攻袁州當是時賊久踞袁城不下公與劉公分地扼賊劉公攻西南公攻東北盡平城外賊屯城中賊兇懼公策臨吉賊必來援設伏敗之盡奪其輜重旋破賊合

山克分宜十一月復袁州 詔加公道銜進徇臨江
七年正月大捷陰岡領斬僞監軍高僞總制艾臨江
賊勢以孤會鄂中援賊趨太平墟犯劉公營劉軍迎
戰失利營被陷賊乘勝折犯陰岡領部將田興恕楊
恆升突陳斬悍酋數人師從之賊崩潰夷賊壘四十
七遂與劉公進逼臨江城十二月八日克之 詔晉
巡守道時劉公長佑以病歸劉公坤一代領其眾公
與進攻撫州由新淦徇宜黃崇仁皆下撫州賊次樟
樹鎮將伺我軍渡贛襲臨江公與劉公返軍擊大破

卷十九上

二

之進軍上頓距撫城十五里築壘畢賊至迎擊敗去
斬騎賊數十四月攻高橋賊棄城遁追斬千七百有
奇撫州復 詔加布政使銜石逆之擾江西也連陷
數十縣贛水以西無完土會城孤立勢岌岌公與
劉公戮力同心每克城輒爲招流亡建柵丰勸團練
紀律嚴明所過秋豪無犯公耳重聽人呼爲蕭聾百
姓聞聾軍至皆拊髀雀躍悍賊遇之輒斲石逆不得
逞於江西尋由楚入蜀以訖於誅實公等摧陷廓清
之力也明年曾文正公督援浙軍公率所部從曾公

命公援贛州公遣田勇三千誘賊賊爭出赴利公麾
軍推鋒直進斬級數千田勇者江西募農夫防堵羸
師也貪鹵獲倚湘軍無所畏集者四萬公曰眾而不
整必敗禁之不可遇伏果敗湘軍爲之少卻部將胡
中和力戰斷後公復進敗賊遂逼城下南安故有二
城夾水寇分屯相倚軍至皆棄而走公約軍屯城外
作壘自固令曰入城者斬有頃賊果還南城攻之寇
敗走公喜曰寇狡而弱吾直驅之耳遂入城乘勝克
信豐 詔賜額塔斯巴圖魯當是時江西郡縣皆復

卷十九上

三

石逆率黨由崇義竄湖南於是郴桂所屬皆告警公
馳防郴桂賊已由永州竄圍寶慶劉公長佑李公續
宜等禦之公由臨藍趨永州扼東安分軍屯白牙市
寶慶圍解官軍追至白牙公夾擊禽僞將軍楊馬等
石逆竄廣西陷興安盡集悍黨踞大溶江逼追師遣
別賊直犯桂林粵撫疏乞援公奉檄由全州趨興安
復其城攻大溶江大捷斬悍酋無算江水爲赤九月
解桂林圍擢按察使十月班師抵湘潭會石逆將由
黔窺蜀 詔公帥湘軍入蜀截勦十年春抵蜀以疾

卒于軍 温旨視巡撫例賜卹 賜祭葬 予諡壯

果明年黃忠壯公亦率湘軍援蜀

黃忠壯公澶熙字子春鄱陽人也咸豐初為湖南知縣能治事有聲譽賊既躡長沙州縣土寇蜂起吏治盡壞公方在告巡撫駱公躬造其館強起之於是公名益重曾文正與書云劉霞仙來衡盛道閣下鶴骨松心通曉治體不復踐踏尋常仕宦町畦郭君筠仙亦傳道不容口比又得夏觀察書尤津津推轂三君子者皆與鄙人金石至交許與不妄用知閣下之風

卷一九二

四

格不似世間桔槔故態隨人俯仰者也國藩從宦有年飽閱京洛風塵達宦貴人優容養望與在下者輒熟和同之象蓋已稔知之而慣嘗之積不能平乃變而為慷慨激烈軒爽骯髒之一途思欲稍易三四年來不白不黑不痛不痒牢不可破之習而矯枉過正或不免流於意氣之偏以是屢蹈愆尤叢譏取戾而仁人君子固不當責以中庸之道且當憐其所激而擣之之苦衷也頃聞奉 命赴皖援剿自維才智短淺無能為役欲求宏才偉識共濟時艱閣下若不

棄鄙人為不足與謀尚祈岸幘棹舟翩然過我其見

重如此後九年春僞翼王石達開犯湖南公領軍屯省城時出攻寇敗之達開率大眾圍寶慶李公績宜自鄂來援移書問進兵路公報書言當直接洪橋于大破石逆寶慶圍解其秋攻賀縣寇破之又襲江華寇于領東大破之敘知府石黨自廣西寇藍山公與陳公士杰拒戰大捷十二月逆黨奔潰四出公防永桂屢破賊如摧枯拉朽明年從駱公援蜀劉公蓉與公善謂公剛猛善戰可任干城之寄薦之駱公遂

卷十九上

五

將五千人為大將會石逆陷綏甯城步攻武岡公暫畱助攻守有功擢道員十一年春駱公之蜀公始派峽西上為前鋒公將兵務猛進恥言持重聞寇方圍攻順慶則從萬縣出山道赴之五月戊子朔至府城寇先南走定遠公率軍趨定遠遇寇姚店寇聚屯城西南連十餘里公軍逼壘前寇遽奔皆爭搏戰寇無敢迎拒或憑壘發小槍軍益笑之擲火燒寇屯寇大亂爭奔走數萬眾一戰而潰蹂死者數千蜀人詫為神兵寇北走潼川將渡涪阻涪漲而止屯二郎場公

遣卒三輩偵賊所嚮土人皆報曰去遠矣已而知其
尙屯場中公懼失寇令軍士尊食五鼓行賊聞官軍
且至亦夜出行七八里遇于燕子窩交綏賊則退公
追至場賊分從兩旁登山以待知已中伏然勢不能
退乃分所部爲三以左右軍禦伏自領中軍直進於
是四山賊盡出角聲滿野三部力戰殺傷過當公怒
馬陷陳陷泥淖中乃棄馬步進擊殺數十百人賊來
益眾公拔佩刀坐地上竟遇害是役也公率銳卒千
人猛進大軍尙在後故敗然賊不知官軍統帥亡懾

卷十九上

六

公威乘勝竟渡涪北走蜀寇自此破散公之力也公
官已擢至湖南記名道加按察使晉布政使死事聞
贈內閣學士子諡忠壯劉公蓉爲文千數百言
以祭之極悲痛云

評曰曾文正言蕭公年五十餘英姿尙自颯爽劉中
丞蓉言黃公鶴骨松心余想見其爲人二公先後入
蜀不一年而亡君子惜之其後蕭部有胡中和何勝
必蕭慶高等黃部有曾傳理等其平蜀亂皆有勞然
不及二公之威略矣

中興將帥別傳卷十九下 長洲朱孔彰撰

張忠毅公運蘭 弟運桂

林剛愨公文察

丁剛介公長勝

張公運蘭字凱章湘鄉人性沈毅有智略初從王公
珍募湘勇轉戰衡永郴桂累功擢同知 特旨賞封
典咸豐六年武昌賊上犯王公馳援命公趨通城襲
石柘梅寇屯走之止不迫明日寇首張庸忠魯三元
擁眾數千來攻公爲三伏營前自選精兵出擊斬張

卷一九下

一

庸忠寇大奔追至四牌莊寇反門復大敗之生禽魯
三元及其黨五人壯武與書云前日追賊未及城而
收隊非兄老成持重不能如此劉文叔見小敵怯大
敵強以爲禍患之來每中於所忽非眞怯也兄實能
見及此偉哉遂復通城崇陽告急夜馳百二十里犁
旦與王公會大破賊于白蜆橋論功 賞戴孔雀翎
七年從王公援江西轉戰臨江吉安敗賊于樂安新
城追擊至廣昌公功皆最王公珍卒于軍公與王公
開化領其眾會吉安賊窺永豐公屢敗之 詔晉知

府加道銜留安福是年八月臨江援賊犯新喻公擬扼峽江之橋阜灘師抵獅子山賊忽兩路至勢張甚公揮軍敗其西路明日復敗南路賊於張邨盡破賊壘燔其輜重援賊遯遂移營吉水扼賊三曲灘相持數日血戰十數次斬逆渠黃錫崑賊不敢越贛江一步十一月僞翼王石達開悉銳來犯公急渡贛江扼之賊不敢逼連戰斬逆目數十又及賊血戰朱山橋石逆大創焚屯遯遂解永豐圍 詔晉守巡道明年自永豐略定樂安宜黃破磁圭賊巢復南豐建昌加

卷十九下

二

按察使銜七月賊復犯南豐擊走之追及新城之杭山降賊眾數千時 詔起曾文正公於家治浙江軍務曾公行次江西賊已入閩擬援福建疏調公及蕭公啟江各帥所部從公赴廣信適賊陷安仁別將失利公進擊大破之殲賊數千 賜號克爾格依巴圖魯將入閩會新城告急公援至則劉公長佑已破賊賊竄閩公遂由杉關入閩破賊順昌賊出竄甯都劉公追擊之公以景德鎮官軍失利率所部往援十二月抵李邨見數十騎列河岸公曰此設伏誘我也然

卷一九下

三

我軍初至不濟賊且謂我怯乃揮眾渡伏賊萬餘突起逆渠八人跣水來犯公礮斃其一猛追之八人皆殪遂濟河鏖擊斬敵二千有奇解散千計赭其巢時大雪振旅衣盡白堅冰凝鞍靴不能動九年正月饒州軍敗于牛角嶺賊大至公分兵赴援再殲其眾于栗樹山六年大破景德鎮賊復浮梁 詔加布政使銜是年秋粵賊犯湖南公奉檄回援屯郴州破星子九陂石塘等巢殄賊萬有 旨除開歸陳許兵備道十年曾文正駐祁門僞忠王李秀成僞侍王李世賢糾數十萬眾以大圍包裏祁門公與提督鮑公超屢破賊於黟歙明年二月克休甯五月再復黟盡夷賊壘賊踞徽州已一年至是懾軍威棄城遯獲賊糧十萬石賴以濟軍當是時公統五千人防徽與弟運桂籌戰守紀律嚴明秋毫無犯徽人愛之旋防甯郡與靈軍拒數十萬兇悍之賊而疫癘無興支持危局甚非易易也同治元年除福建按察使明年奉 詔援廣東擣陽山石瑩堅巢降其眾三千禽巨首李復猷于連州邊民酌酒相慶三年江浙既平餘賊逸入江

西猶有悍黨十萬狂奔至閩時閩省空虛無兵不虞窮寇猝至蹂汀漳二郡公率五百人趨武平拒賊眾寡不敵總兵賀公世楨王公明高副將雷公照雄等皆戰沒公被執罵賊支解而外賊竄後都司湯友德得公遺骸又得其元於學宮面如生狀聞 天子悼閔 贈巡撫 子諡忠毅 賞騎都尉世職 詔武平及湖南廣東各建專祠子恆湘襲世職弟運桂先忠毅卒

運桂字樞園咸豐十一年與忠毅守徽州有名忠毅

卷十九下

四

假歸君以五千人出奇計破悍酋賴裕新古隆賢三萬之眾于歙東同治元年秋軍中大疫病歿官至總兵文正深惜之與忠毅書云去冬徽城被圍迺知其膽識迥出流輩方倚以爲吳越長城 國家柱石不僅爲敵軍幸豈料遽埋玉樹不竟其用斯蓋東南全局之厄匪僅德門隕此良器也其見重如此運桂卒後三月忠毅以病乞假還湘曾文正許之後兩廣總督毛公鴻賓復奏起忠毅公至同治三年秋乃援閩閩賊鷓張同時亡二名將張忠毅公亡於汀州林剛

愨公亡於漳州

林剛愨公文察字子明福建臺灣人也咸豐末以總兵領臺勇二千人駐衢州連戰有功時衢防有總兵李定太八千人道員李元度安越軍八千人皆不能戰惟公一軍最精同治元年春公率參將林文明都司陳慶善把總林廷棟擊處州賊夜襲大港頭賊屯破之三月處州賊糾松陽賊四五萬眾破遂昌公督軍駐石練僞侍王李世賢自江山糾十萬賊來援遂昌將襲我軍後公偵知之令部將林文明陳慶善伏

卷十九下

五

于大柘大席陳兆熊伏于石練後山方國恩伏于石練前山謝朝典伏于百步嶺賊分三路來伏軍突起擊之賊奔復止門公策馬十盪十決斬級千餘賊雖敗人馬尙眾公知其必來劫營也於是設九覆于營前又令陳經冒賊旗幟於郟口暗招之夜賊果至伏兵四起賊大敗人馬自踐伏尸滿野禽騎賊四十三奪獲騾馬七十餘頭旗械無算四月攻潘郟賊巢賊黨有二萬一戰破之復遂昌進攻松陽東大戰於洋溟馬阜毀賊壘十七斬黃衣騎賊十紅衣騎賊三十

三斬級四千松陽悍酋偽則天豫彭虎糾十餘萬眾築壘數百將乘虛窺閩旁擾龍泉遂昌竄越江山牽制楚軍後路公率所部橫截之公所部皆臺灣勇丁精熟火器能臥地以趾駕鎗然擊無虛發故賊畏之如虎民團假用公軍號衣旗幟賊見輒奔公揮軍躡山蛇行而進團勇助之遂大破賊六月克松陽宣平七月克處州府 詔擢福甯鎮總兵旋授福建提督三年春臺灣內山四塊厝林晟作亂公移軍討平之斬晟江浙既定偽侍王李世賢偽康王汪海洋糾悍

卷十九下

六

黨十餘萬突江西狂竄至閩破漳州是時福建無備公急內渡兵單攻賊而亡時十一月庚子也事聞上憫惜 詔從優議卹 子諡剛愨子朝棟候選道員光緒十年中法失和法人犯基隆朝棟率家兵擊敗之有名先於林剛愨公戰溲永定大埔之間又有丁剛介公長勝

兵左文襄援浙公駐遂安開化之間與副將王明輝屢破巨寇賊犯徽州公與明輝屯黟之漁亭休甯寇自東亭來襲公統一營僅五百人于是以百人守營以四百人分四十隊沿山溪設伏公坐樹林中搥鼓督戰悍酋先鋒十餘騎過大橋橋下伏發舉火槍盡殲之賊崩潰公馳下禽斬數百追奔三十里蹙賊于水死者數千溪水皆赤當是時皖南賊氛已徧男女避地在漁亭者以數萬計微公破賊盡為虜矣浙江既平賊竄玉山遇公又大創之追賊至閩逆酋汪海

卷十九下

七

洋率眾自粵東大埔回竄永定公屯獵射凹僅二營賊眾百倍于我圍之數十重公忍飢力戰相持兩晝夜糧盡援絕壘破死之事聞 優詔賜卹諡曰剛介附祀王壯武公湖南專祠 評曰江浙邊閩當窮寇跳竄撫饒二郡聞叫謹狂噬如瘕狗然何閩省一無戒備哉夫張公以五百人林公亦不過千餘人丁公千人當十數萬致死之寇若鴻毛之燎於鑪炭能無敗乎 中興將帥別傳卷十九下終

中興將帥別傳卷二十

長洲朱孔彰撰

劉忠壯公別傳

劉公松山字壽卿湖南湘鄉人也少沈毅寡言語克勤於家鄉里長者有所令無不應因是父老皆愛之咸豐初粵西寇犯長沙既東下湖南州郡騷然土匪煽亂縣中賢豪舉義旗練丁壯公應募始毅然有討賊之志隸王壯武公珍部下號老湘營轉戰湖南北江西諸行省歷有名績王公既歿則從張公運蘭戰於饒信諸郡景德鎮之捷諸將窮追三十里將抵浮

卷二十一

梁阻水賊反門城賊出乘之幾殆公獨帥所部扼東橋血戰卒拔浮梁尋追餘寇于閩邊別擊逆黨于廣東廣西積功擢至副將十年曾文正駐祁門檄老湘軍及霆軍防勦宣欽偽忠王李秀成偽侍王李世賢率數十萬賊眾以大圍困祁門糧路不通月餘文正親率老湘各軍攻徽州冀通浙米各軍分駐民邨夜半賊出劫營眾驚潰公獨率部下禦賊堅陳不動遮諸將告之曰毋恐我弟四旗劉某也眾徐定文正由是知公公由是名出諸將上躐血二年既克徽州甯

國兩府張公運蘭以疾歸湖南公與易總兵開俊分統老湘營之半為特將堅守甯國涇縣各城屢破巨寇以底于江浙大定時文正裁湘勇進淮勇獨留公老湘一軍以公忠勇可恃也同治四年文正奉命勦撓賊撓賊者始於安徽河南蔓延于秦楚燕齊其叛亂稍後於粵匪而梟悍略同其步隊少於粵匪而驍騎逾萬剽疾過之湘軍貫戰江濱未習車騎馳運之勞不樂北征獎之而不勸痛之而不服公獨感奮請前部卒不願北渡者殺數人而事定師至臨淮易

卷二十二

總兵以病歸公遂統全軍萬人進勦河南公以勦撓賊與粵賊異宜乃講求其法曰整隊伍迅行走所至以聯絡民圩為務又勦結方陳橫行寬數里騎賊雖鈔入陳弗為動會賊渠圖竄山東公急扼濟甯賊回竄徐州數敗之尋敗賊西華上蔡追及召陵又敗之大勝于南陽新野豫軍宋提督慶被圍公馳救以免由是兩軍和好以力戰相助文正嘉歎以為符師克在和之義五年十月撓首張總愚自汝走宜陽永甯入陝西商州犯華陰是為西撓十二月敗陝西官軍

於瀟橋三十餘營皆潰遂圍省城於是文正檄霆軍往援不赴改檄湘軍公投袂卽行時文正奉命自周家口回江南解兵柄聞賊擾秦心疚甚既聞公星馳抵西安一戰解同朝圍眾聲大和文正感且敬之密疏言公忠勇樸誠堪倚平寇朝廷亦絕重公藉紆西顧憂矣六年二月大破賊于西安又攻郿破之公先棄功擢花翎提督銜肅州鎮總兵調皖南鎮賜號志勇巴圖魯至是擢廣東陸路提督敗賊於蒲城富平躡三原越高陵拔綏德賊自宜川渡河關山

卷二十

三

西陷吉州鄉甯公立復之追殛至洪洞夜繞出賊前大破之賊遂道平陽出橫領關東犯保定公冒雪兼程進日踔百數十里先入援天子壯之下所司先行優敘當是時公名聞天下賊至河間掠得美女成昏遲一日進犯公遂及之戰于獻北賊大敗走抵祁州馬隊卻公督步軍疾戰又敗之追及博野賊自深州南渡滹沱畿輔解嚴賞換達桑阿巴圖魯公乘機逐北自彰德抵鹽山滄州會諸軍合圍蹙之撻賊平賞黃馬褂錫三等輕車都尉世職陝甘總督左公

宗棠奏曰臣嘗私論曾國藩素傳知人晚得劉松山尤徵卓識劉松山由皖豫轉戰各省曾國藩常足其軍食俾一心辦賊無憂缺乏用能保垂危之秦救不支之晉速衛畿輔以步當馬爲天下先此次巨股蕩平平心而言何嘗非劉松山之力臣以此服曾國藩知人之明謀國之忠實非臣所能及仰懇天恩宣示中外以爲疆臣有用人之責者勸七年七月公奉征甘隴逆回之命公入秦竭六晝夜之力降北山土匪十七萬有奇無何所部留駐綏德者爲會匪

卷二十

四

所誘叛蓋以久勞未息故也公威信入人深馳抵州斬倡亂者數十人而事定乃提師渡隴東越花馬池隄鞫靈州破寨堡數百復州城逆渠馬化隆踞金積堡公連鎗五十餘寨賊勢大熾九年正月望進攻馬五寨自督軍士舉薪燒寨門飛礮中左乳落馬軍士負入破屋諸將聞公受創皆奔視環泣公叱出戰諸將憤怒陷陳立俘馬五平其寨報公公曰吾傷重不復生汝等殺賊報國吾死不憾矣遂薨春焮三十有八狀聞詔從優議卹贈太子少保諡曰忠壯

賜祭葬祀京師昭忠祠 敕陝甘諸行省暨本籍
建專祠是年冬金積堡平 命賜祭一壇及關內肅
清 加賞一等輕車都尉并爲男爵以從子肅嗣公
行軍篤守王壯武家法將戰先召諸將集謀各手一
圖以示奇正分合明日戰無不如約者因是知諸將
才否曾文正嘗令他將效之初公征撚統五十人其後
統萬餘眾行陳和穆優劣得所雖諸葛之偁向寵無以
過也而其忠義奮發絕不以身家爲念尤足激士氣
而勵軍心當公之平西撚也年已三十餘聘婦未取

卷二十

五

婦翁送女至洛陽成婚禮居旬餘卽提兵入潼關文
正初擬疏請給假數月聞公已卷旆而西尤敬異之
非所謂公爾忘私國爾忘家者邪其趨靈州定策直
擣金積堡由是事機轉順廓清西陲故左文襄陳奏
追念前助爲之隕涕其後兒子錦棠接統其眾克承
先志肅清關內外稜威天山豈非公之遺烈也哉
評曰昔霍嫖姚有言匈奴未滅臣何以家爲余觀忠
壯公託志忠雅殆有過焉世傳公歿後金積堡中聞
千軍萬馬聲常夜驚豈非毅魄忠魂爲國殛賊公之

英靈不泯歟

卷二十

六

劉襄勤公別傳

劉公錦棠字毅齋忠壯公松山之猶子也咸豐四年
父厚榮從王公珍戰沒岳州公甫九齡卽有滅賊之
誓年十六從忠壯公轉戰江西皖南同治初忠壯公
獨統一軍征撚寇從破賊西華上蔡南陽五年九月
撚匪分黨賴汝光竄山東張總愚竄陝西曾文正檄
忠壯公援陝西撚破灞橋官軍三十餘營皆潰忠壯
公至大破撚于西安城外自解省城圍追賊山西直
隸以至破滅公無役不從無戰不勝積功擢至巡守

卷二十

七

道忠壯公返旆入秦公總營務八年二月駐鎮靖安
置降回十餘萬人公盡力籌畫忠壯公倚如左右手
八月軍克靈州破回壘百數十九月攻金積堡旁近
七寨下之九年正月忠壯公攻金積堡而亡左公宗
棠貽書有堅守退屯之語公以為不力戰則靈州不
保必齊致外而後此軍可全乃祕其書一戰禽馬五
再戰大破河狄之援賊軍聲復振於是左公薦公可
大用 詔加三品卿銜就統老湘軍十二月平金積
堡誅馬化澂父子又禽馬八條剖心以祭忠壯公於

是平涼以北甯夏以南土回餘黨接捕殆盡公由道
員加布政使銜 賞穿黃馬褂給雲騎尉世職十年
五月公扶忠壯公匿南旋明年七月公復至隴西甯
土客各回猶懷觀望公榜諭甘回安堵專討陝回率
部將董福祥李雙梁等趨峽口與回酋禹得彥崔三
大戰破之進擊白彥虎於高家堡燒其壘而還時署
西甯知府降回馬桂源出城與陝回謀亂兩日不返
漢民習知其詐乘機閉城拒之請西甯道郭襄之主
守事馬桂源果結禹得彥崔三白彥虎等圍西甯撲

卷二十

八

李雙梁營公率董福祥等連擊敗之令諸軍依山設
伏築礮臺置開花車輪大礮以待回匿不出九月別
將龍錫慶追回至沙溝被圍公遣軍赴援破回壘七
悉焚之公覘回勢盛抽隊赴平戎驛造橋渡湟通威
遠堡糧路日與回戰湟南北斬禽無算十月郭襄之
使使絕城告糧匱馬桂源亦請退兵就撫公督攻益
急昇大礮至北山顛測準回壘發礮子六十餘牆壘
皆坍回跳匿溝內公麾軍躡之破北山丰壘殆盡馬
本源馬桂源夜走東川縱火焚莊寨由撤拉遜巴燕

戎格西甯解嚴郭襄之率城內男婦三萬餘人望塵
迎拜歡聲如雷是役公以馬步十八營分屯八十餘
里大小五十餘戰公立冰雪中指揮軍士可謂勞矣
由是西甯大通諸回堡皆乞撫繳馬二千數百匹槍
矛六千餘件陝酋崔三甘酋治興福款營獻良馬其
西甯城回隨馬本源出竄者公遣馬永福往招之逃
歸復業者三千餘人後至者絡繹於道十二年正月
克大通俘叛回馬壽磔於市漢民嚮割之誅其黨馬
長忠等一百八十餘人河東西莊堡踵營納款請盡

卷二十

九

繳馬械獻匪黨公遷城回于河東西遷漢堡難民於
城城外回堡亦量與漢民更易崔偉禹得彥畢大才
望風款附公選精壯立旌善營惟白彥虎率殘黨由
永安向肅州馬桂源猶在巴燕戎格遣降回誘札巴什縛
巴什城無何官軍克巴燕戎格遣降回誘札巴什縛
馬本源馬桂源馬寶麻海乙什等三十餘人駢誅之
於是西甯平定時官軍已抵肅州攻圍七月未下公
自西甯甘州率師助勦令降回馬福壽等馳馬城下
呼馬四及諸酋告曰死期將至善自爲謀於是馬四

哀懇出城就撫親詣左文襄軍前泥首乞命公令先
繳馬械次造土客各回清冊聽候安置其籍隸甘州
者出東門由宋公慶點驗籍隸關外沙洲者由金順
公點驗籍隸西甯河州循化陝西者出南門由公與
徐公占彪點驗各軍預於廢堡分男女安置拔出漢
民男女一千一百餘人提逆酋馬文祿並黨魁八人
磔之馬文祿者卽馬四也公又與諸軍分屠客回一
千五百七十三人夜入城縱火屠土回五千四百餘
人拔老弱婦女九百餘人肅州平公加三品卿銜擢

卷二十

十

西甯道於是左文襄經營關外光緒二年三月左文
襄駐軍肅州肅州至哈密中隔戈壁水泉不能供千
人左文襄令諸軍抵安西後分起遞進漢中鎮譚上
連爲前鋒甯夏鎮譚拔萃繼之陝安鎮余虎恩又繼
之均聽公節度四月公出嘉峪關譚上連師次巴里
坤譚拔萃次哈密余虎恩越安西出戈壁西進譚上
連既進古城分兵屯茭茭台色畢口大石頭三個泉
護運道五月公令軍士取哈密存糧踰天山遞運巴
里坤復由巴里坤運古城公進駐古城分兵屯木壘

河偵逆酋馬人得踞烏魯木齊白彥虎踞紅廟子土
同馬明踞古牧地公謂法當取古牧撤烏桓紅廟藩
籬而阜康當賊衝距古牧才百里宜先據之乃輕騎
赴吉木薩與金順公籌計約金軍屯阜康城自屯城
東之九營街左公增遣徐公占彪接防巴里坤又令
張公曜軍并屯哈密以厚哈吐之防白彥虎聞官軍
大出自紅廟移踞古牧糾土回拒官軍薙髮易服竊
附安集延安夷亦遣纏回助戰公覘阜康城西野潦
縱橫延二十里可疏廢渠供飲啜自此行戈壁五十

卷二十

七

里達黑溝驛始有泉六月戊申令軍士開溝引水傍
廢渠而營明日赴戈壁佯掘井以懈賊其夜公約金
軍潛襲黃田破其柵遙聞古牧角聲四起公與金公
先踞山岡余虎恩黃萬鵬等馬隊自山馳下與賊騎
戰良久步賊來助譚拔萃譚上連董福祥等步隊出
中路馬隊分左右鈔之賊大敗守丰者皆逃官軍竟
抵古牧公以城堅難驟下還駐黃田時古牧回首馬
明爲帕夏逮赴南路王治金中萬率土回堅守公圍
古牧帕夏遣夷目阿託愛率騎賊來援公令余虎恩

馬隊列山前嚴陳以待遣步軍分攻山壘南關皆下
之阿託愛棄馬跳公昇開花礮攻城堞堞多坍丁已
克古牧守賊六千殲焉公度烏桓賊且他遜自將趨
之抵城東安夷土回纏頭皆宵逸遂克烏魯木齊迪
化州及偽王城公遣諸將分追三十里至鹽池阻戈
壁而返於是昌吉呼圖壁瑪納斯北城守賊皆遜帕
夏所遣援賊五千騎已至達版距烏桓二百里聞敗
不敢進新臺北路略定惟瑪納斯南城未下捷聞
賞騎都尉世職七月左公以北路旣清咨金順錫綸

卷二十

七

分扼各城堡要隘控餘匪檄張曜徐占彪與公進南
路公下令梭山部將陶生林譚和義等趨東山黃萬
鵬譚上連譚拔萃余虎恩趨大小二池東南至柴窩
當是時帕夏踞託克遜築三城自衛託克遜者噶孫
營也北守版達拒公烏桓之軍南守吐魯番拒張曜
哈密之軍而烏桓敗黨麴築版達白彥虎于小虎踞
南山小東溝遣黨四出刈禾備乾糧圖繞官軍後公
趨小東溝白彥虎先一月走金口峽公急行九十里
及之賊驚走白于二逆并入託克遜公還軍烏垣時

金順攻瑪納斯南城久不下咨湘軍助剿公派道員羅長佑與譚拔萃黃萬鵬董福祥等十一營赴之左公以公兵單增遣總兵章洪勝方友升桂錫楨等歸調遣九月復奏調金運昌軍五千人自包頭西行助公軍已丑金順錫綸會湘軍克瑪納斯南城掘偽清王受明尸戮之俘偽元帥海玉馬受馬有才等並其悍黨殲焉於是湘軍羅長佑等還烏桓自後大雪封山諸軍不能踰嶺而南帕夏與白彥虎乘暇移達版新城兩山間以大通哈守之大通哈猶言大總管

卷二十

三

也吐魯番故有滿漢兩城帕夏次子海古拉又日役萬夫造偽王府雄闊異常度是冬帕夏令白彥虎馬人得守吐魯番海古拉守託克遜大通哈守達版自居喀喇沙爾爲中權策應三年三月冰解公自烏垣踰嶺攻達版張曜自哈密西進先遣提督孫金彪與徐占彪會師鹽池趨吐魯番已未公抵柴窩留營守之柴窩距達版二十里夜初鼓公令軍士銜枚疾走期五鼓集達版城下大通哈新引湖水衛城泥深及馬腹余虎恩陶生林夏辛酉等馬隊掠過深淖列城

左山岡譚上達譚和義戴宏勝等率步隊列城後山阿降人崔偉等以馬隊承彌縫羣回方臥未覺也天明霧收城回望見大驚發西洋鎗礮下擊自卯至午不絕我軍小傷亡屹立如故公策馬周覽城濠坐騎中鎗踏易馬而前令各營築壘掘濠困之辛酉傍城東築礮臺海古拉遣騎賊番進赴援公截擊於隘口援騎皆返奔遂猛攻城回部將侯名貴昇開花礮三真礮臺連環擊之礮中賊火藥房屋瓦甎石皆飛大風驟起引燒開花彈子城中人馬碎裂羣回奪門走

卷二十

四

官軍遮之不得出公使人呼曰縛異裝者有賞於是大小頭目悉致麾下無一脫者遂克達版城禽其酋愛伊德爾呼里卽安夷所號大通哈也又獲胖色提六人玉子巴什六人胖色提者華言營官玉子巴什者華言哨官其餘夷職甚多則華言管理執事什長之類於是大通哈暨胖色提同聲代帕夏乞款願縛白彥虎獻南八城贖罪公聽其致書招帕夏釋安集延南八城纏頭及土爾扈特種人數千勿誅悉給衣糧縱歸原部夷回大懽戊辰公進駐白楊河聞嵩武

軍已至吐魯番公遣羅長佑會戰白彥虎遜走馬人得詣嵩武軍降遂克吐魯番滿漢兩城公急馳百里抵託克遜海古拉亦先遜守賊與官軍戰城外敗潰舉火焚糧棄城逃公遣軍士入城滅火纏回二萬餘人跪馬前降於是託克遜三城皆下自吐魯番告克南八城門戶洞開帕夏日夜憂泣不知所爲白彥虎益掠人畜焚郵堡脅纏回同奔纏回皆怨又見達版託克遜吐魯番諸降眾官軍皆釋不問夷回無復疑懼轉相告語南八城皆延頸盼官軍出水火帕夏

卷二十

五

夙遇纏回虐怨毒中人深人人思報復之四月帕夏在庫爾勒飲藥死其子海古拉淹屍水中三日始出裹香牛皮舁之西行將達庫車伯克胡里使使截之半途殺海古拉安夷所呼小帕夏也帕夏名阿古柏自稱畢調勒特汗有子六人長咬哥即伯克胡里非所愛次即海古拉次引上胡里次邁底胡里其二子無名海古拉既死伯克胡里保南境而王夷回推白彥虎守庫爾勒彥虎自踞開都河西岸覬入俄羅斯是時侍郎郭嵩燾出使英吉利英人威妥瑪爲安夷

緩頰事下左公左公疏言自浩罕爲俄人所併安集延諂附英吉利英人亦陰庇之茲復以護持安集延爲辭保護立國爲義其隱則恐安集延爲俄人所有夫安集延非無立足之處何待英人別爲立國即欲別爲立國則割英地與之或即割印度與之可也何乃索我腴地以市恩且喀什噶爾爲古疏勒國漢代已隸中國固我舊土也而英人直以爲帕夏固有之地其意何居昔年恃船礮橫行海上猶謂祇索埠頭不取土地今則並索及疆土矣彼陰圖爲印度增一

卷二十

六

屏障公然強我於回疆撤一屏障此何可許我愈示弱彼愈逞強勢將伊於胡底臣奉職邊方惟有勉竭駑鈍不顧目前成敗利鈍圖之郭嵩燾片奏乘阿古柏冥殛之時席捲掃盪一語尙無不合現在南路之師劉錦棠三十二營擬於八月中旬分起西進張曜擬於九月初旬繼發前聞英人遣使赴安集延臣已馳告劉錦棠張曜屬其善爲看待如論及回事則以我奉令討侵占疆宇之賊以復我舊土他非所聞如欲議論別事請向肅州大營彼如來營臣自有以折

之 上嘉其奏如所議行公乃遣部將湯仁和等自
託克遜進兵遣董福祥張俊等自阿哈布拉沿途置
哨壘張春發繼之均至曲惠而營士卒曳糧濟泉接
程以俟大隊八月癸卯公率大隊行五日至曲惠余
虎恩出庫爾勒之背公趨開都河白彥虎壅開都河
水溢百餘里以遏我軍公馬步繞淖行躡地紆折達
開都河東白彥虎先期走庫車九月癸丑朔公收復
喀喇沙爾城中水數尺廬舍蕩然召其台吉遷蒙民
數百戶實之乙卯余虎恩收復庫爾勒城空無人食

卷二十

七

罄掘窖糧數千石濟軍公偵白彥虎脅纏回走布告
爾急行四百里至洋薩爾見各堡火光燭天知回去
未遠令後隊救火前鋒及之布告爾黃萬鵬譚拔萃
與戰破走之次日追四十里以西洋測微鏡瞭回眾
尙數萬持槍矛者才千人公令曰執械者誅餘勿問
亟逐之賊委難民狂奔公悉遣歸復業仍領精騎躡
賊甲子至託利賴纏回萬餘伏地號呼復慰遣之明
日蓐食行數十里至庫車白彥虎方驅纏回西走纏
回不從皆散布郊原見官軍至倉卒列隊公麾馬步

突之皆大奔遂復庫車白彥虎逃拜城與安集延胖
色提等日夜掠城外纏回爲助卹堡皆墟拜城回閉
關拒之公遣通事諭之拜城回目買賣提託呼達等
開城迎降公留方友升鎮撫而自履冰夜行趨銅厥
與回還賊糾二萬眾列河岸拒戰公鼓之賊騎皆靡
積口塞河水爲不流遣難回悉還拜城復促所部亂
流渡擊回於上銅厥連敗之遂引軍西度戈壁由札
木台進薄阿克蘇遙見城上鎗矛林立西南飛塵蔽
天遣候騎覘之則前一夕回目將獻款爲胖色提縛

卷二十

六

去其閉關設守者城回十萬餘人嚴備以待官軍者
也公召回目出城諭以威德羣回膜拜乞撫遂復阿
克蘇駐軍漢城遣將躡擊白彥虎於胡馬納克河敗
之獲哈密回王邁合默特之母送歸其部質遣難回
還庫車白彥虎見官軍日迫患之乃嗾安夷竄葉爾
羌自竄烏什冀分兵力以緩死公舍安夷而追白逆
令黃萬鵬張俊趨烏什譚盛典夏辛酉自西會之渡
胡馬納克河行戈壁八十里俘黨魁馬有才等又進
軍擊烏什克之師次阿池伯什阻戈壁而還於是南

置東四城皆下 上念湘軍冒寒遠征一月中馳驅三千餘里 詔公開西甯道缺晉秩三品京卿十月擊賊哈番西其酋麻木爾受創遜部眾解散公還軍阿克蘇當是時帕夏長子伯克胡里踞喀什噶爾猶保西三城而和闐呢牙斯圖反正乘隙圍葉爾羌遙爲官軍聲援伯克胡里僅餘一城憤甚率五千騎與呢牙斯戰於葉爾羌呢牙斯敗走降於我伯克胡里進奪和闐踞之而喀什噶爾守備何步雲章京英韶及滿漢兵弁陷賊中尙數百人相率守漢城使使迂

卷二十

元

官軍安酋阿里達什保回城以攻漢城且約白彥虎來助伯克胡里乃棄和闐走英吉沙爾併入回城十一月公分三路進軍黃萬鵬等由烏什道布魯特邊爲奇兵桂錫楨等由阿克蘇道巴爾楚克爲正兵均聽進止於余虎恩以取喀什噶爾公駐巴爾楚克瑪納爾巴什扼葉爾羌和闐衝要甲子日中余虎恩師次喀城北黃萬鵬次喀城東相距六十里賊候騎猝遇官軍馳歸呼於城曰大軍至矣纒回皆駭潰安酋禁殺不能止伯克胡里白彥虎分路跳留其黨守城

綴我軍是夜三鼓兩軍抵城下城回縱火焚廬舍以騎賊出拒戰比交綏回大敗俘僞元帥王元林降弁何步雲英韶等憑漢城大呼回城兇懼失措開西門出走遂克喀什噶爾時天色猶未明也乙丑余虎恩留張俊守喀城黃萬鵬出西北追白彥虎余虎恩出正西追伯克胡里俘于小虎馬元於陳白彥虎伯克胡里及阿里達什遁入俄羅斯公師次阿郎格爾遇安夷百餘騎殲之戊辰復葉爾羌辛未復英吉沙爾庚辰董福祥復和闐於是南疆西四城皆下俘故帕

卷二十

三

夏妻女及其子引上胡里邁底胡里並兩少子三孫按律治之于小虎馬元麻木里暨倡亂之金相印父子磔於市誅悍黨一千一百六十人新置平 詔曰三品京堂劉錦棠智勇深沈出奇制勝用能功宣絕域著由騎都尉晉爲二等男四年十月安酋阿里達什自俄境入寇糾纏回出柰曼謀襲喀什噶爾公親擊於玉都巴什大破之柰曼回目庫彌什設伏誅阿里達什以獻並其餘黨悉殲之五年正月安集延布魯特寇邊公迎擊於烏帕爾大破之斬二千餘人賊

還遁俄羅斯時侍郎崇厚使俄索伊犁議償兵費二百八十萬而劃伊犁西南界數百里予俄左公力爭不便語具文襄傳中後 詔毅勇侯曾紀澤自英國赴俄重議約 詔公幫辦新疆軍務分兵進取伊犁俄人畏公威增兵守伊犁納林河六年七月 詔左公入京備顧問公署 欽差大臣八月公軍至哈密明年和議成 詔金順公接收伊犁其秋公真除欽差大臣屢疏懇辭 上慰勉之八年三月公與陝甘總督譚公鍾麟奏設新疆郡縣自哈密南至吐魯

卷二十

三

番北至精河照鍾麟原奏無須另設多員其回疆東四城設兵備道一員駐阿克蘇阿克蘇爲古溫宿國設溫宿直隸州知州一員治阿克蘇拜城知縣一員隸之喀喇沙爾撫民同知一員庫車撫民同知一員烏什撫彝同知一員統轄于東四城巡道西四城設兵備道一員駐喀什噶爾爲古疏勒國設疏勒直隸州知州一員治漢城疏附知縣一員隸之英吉沙爾撫彝同知一員葉爾羌爲古莎車國設莎車直隸州知州一員治漢城葉城知縣一員治回城隸之瑪納

巴什水利撫民通判一員和闐爲古于闐國設和闐直隸州知州一員治和闐于闐知縣一員治喀拉噶什隸之統轄於西四城巡道公又奏言臣自出關辦賊歷今七載熟度關外形勢固舍設郡縣易舊制別鮮良圖惟將新疆另爲一省則臣頗以爲不然現在新設南路同通州縣合之哈密及鎮迪道原有各廳州縣不過二十餘處卽將來地方富庶增亦無多嘗考各省州縣最少者莫如貴州廣西新疆尙不及半其難自成一省明矣且新疆與甘肅形同唇齒從前

卷二一

三

左宗棠以陝甘總督辦新疆軍務凡兵餉製辦皆以關內爲根本臣受代兩年尙未僨事者皆賴譚鍾麟楊昌濬力顧全局故能勉強支持向使甘省大吏稍分畛域則邊事已不堪問若將關內外劃爲兩省以二十餘州縣孤懸絕域其勢難以自存惟新疆歸甘肅節制鞭長莫及擬仿江蘇建置大略添設甘肅巡撫一員加兵部尙書銜以烏魯木齊爲省治哈密以西南北兩路道廳州縣皆隸焉新疆布政使一員隨巡撫駐紮鎮迪道加按察使銜管刑名驛傳改迪化

直隸州爲知府添設迪化知縣並昌吉綏來阜康奇
台爲五縣俱隸迪化知府伊犁滿營照各省駐防將
軍營制鎮迪道無須都統兼轄伊犁將軍亦無庸總
統全疆移烏魯木齊提督駐喀什噶爾烏垣自設撫
標南北兩路另設額兵添設總兵副將參遊都守千
把等官吐魯番暨南路舊有參贊辦事領隊各大臣
一律裁去自哈密北至伊犁都統辦事領隊各臣酌
量裁撤疏入下吏部議行乃修城垣造壇廟築倉敖
建義塾廣屯田通驛傳設塘站南疆歲徵糧至二十

卷二十一

三

餘萬石兵食充然有餘百廢具舉民氣漸蘇回疆積
弊漸除殆盡十年十月 詔授公爲甘肅新疆巡撫
明年三月公進駐烏魯木齊省城奏移烏垣巴里坤
旗兵併入古城設城守尉治之又奏裁伊犁參贊大
臣增副都統二員佐將軍同駐惠遠大城又奏增伊
塔兵備道一員駐甯遠城升伊犁撫民同知爲伊犁
知府治綏定城增設綏定知縣一員甯遠知縣一員
俱隸於伊犁知府其他雜職如內地於是新疆南北
郡縣之制大定旋授兵部侍郎加尙書銜公在新疆

十餘年恩威並著眾庶和洽遠人懾服光緒十四年
以祖母陳太夫人老病數上疏乞歸省 詔許之明
年正月 特加太子少保銜公悉召諸部酋長大酋
遂發所過老幼迎拜道左擁車前數日不得行秦隴
之民相率歎曰我公歸矣咨嗟泣下八月還湘鄉陳
太夫人耄年已不省家人子弟公亦鬚髯不類少時
陳太夫人以爲上客公持之大號終不可辨識十六
年正月 加太子太保銜固辭以足疾且請開缺十
七年丁祖母憂二十年正月晉一等男會公弟鼐以

卷二十

三

山西按察使 陛見 天語詢公病狀歎息如家人
父子欲強起之六月倭人犯邊天下耳目一屬公
上顧念文武才幹威望素著無若公者電 旨促召
欲委以防邊之任公躍然思自試集舊校於七月就
道甫及縣門左體忽中風輿歸當軸望公起書問日
十數至而病已不可爲口中喃喃呼將士指述邊事
斷續不能辨忽大聲曰公輩好爲之遂薨年五十有
一有司入告 上念兵事方起遽喪大將震悼輟朝
子諡襄勤 命建祠立傳 賞銀一千兩治喪子

五道謙以員外郎用篤烈由優增生 賞舉人孫六
家璠以主事用公嘗言吾將兵三十年鹵獲無慮鉅
萬家無餘財誰實信之吾身後乃知耳及公薨家人
發其笥篋所存 賜物數事奏牘叢殘而已歸鄉儉
約廬舍蕭然不知為達官貴人性謙退口不言功恂
恂如諸生每言忠壯公遺事猶欷歔流涕蓋血性過
人故能建非常之勛云

評曰公痛忠壯公之亡誓平金積保戎機由斯而順
其善無循士卒也當鏖戰冰天雪窖中月黑風號軍

卷二十一

三

士多相向而泣公一巡師皆如挾纊故恩威孚於行
陳克奏萬里邊功方之漢定遠侯何以加焉

中興將帥別傳卷二十一

長洲朱孔彰撰

岑襄勤公別傳

岑公毓英字彥卿號匡國廣西泗城府西林縣人東
漢舞陰侯岑彭之後本居南陽傳至宋皇祐中其先
仲淑從狄武襄討平儂智高留知永甯軍遂家今之
南甯府傳七世至元遷泗城又傳至明初遷西林父
蒼松文學生生子四公居長道光二十五年公年十
七補縣學生縣府院試皆第一學政周公學濬許為
大器三十年土匪亂擾及邑境公適丁父憂援古人

卷二十一

一

墨經從戎之義毀家紆難招集鄉團擊散匪黨敘功
以縣丞選用咸豐六年帶勇入滇赴迤西助剿明年
攻克趙州紅巖賊巢九年調派東路防剿時回目馬
鴻先馬良玉等伴就撫踞宜良復屯湯池為犄角公
往剿四戰皆捷克湯池乘勝進克縣城斬馬鴻先於
陳復剿平嵩明散勇之竄擾宜良者大府檄公權縣
事奏保知縣加知州銜十年會剿路南州踞匪平寨
數十克州城遂權知路南州事督攻澂江敘功以同
知直隸州用加運同銜遂權知澂江府事旋丁大父

憂巡撫奏留給假治喪仍辦軍務疊克激江賊壘破
昆陽海口之寇進援省垣會巡撫徐之銘張示諭撫
同中所奉爲首領者馬如龍公奉檄往宣 朝廷威
德暢導順逆利害如龍聽命獻取踞新興昆陽晉甯
呈貢嵩明羅次易門富民八城同治元年春奉 旨
代理雲南布政使事其秋以撫回功 詔加按察使
銜二年正月回弁馬榮率數千人入省城屯五華山
五華山城中最高地也道路洶洶皆言榮反榮夙爲
總督潘鐸取信總督終以榮不負己榮亦不忍於總

卷二十一

二

督未敢發總督詣五華書院開諭令移屯城外榮已
諾矣方登輿榮揖送其黨以矛旁刺鐸榮卽起持鐸
刺者復至鐸竟薨居民驚亂公聞變持短兵巷戰榮
走南門大街招回黨絡繹入城公乃塞藩司署門率
親兵千人晝夜堵禦回來則憑垣發礮或開門縱擊
賊皆靡榮懼外援且至遺書巡撫請和徐之銘微服
詣公言狀臬司花詠春糧道張同壽鹽道宋延春皆
至公語於眾曰今賊雖入城吾當死戰破之如其不
勝與公等闔署自焚未晚也於是飲血誓師分兵守

東南門用間離其黨而陰使使召馬如龍入援如龍
初聞省城陷以爲院司戕矣比知公守藩署未失還
軍馳入省諸紳民率團兵至合擊馬榮於城內大破
之馬榮跳走南甯省城危而復安 詔以道員補用
無何引軍西徇富民綏甯十城東克霑益平彝復西
攻楚雄十月克之又克大姚雲南趙州賓川鄧川浪
穹鶴慶分道進規大理上下關三年春克定遠圍攻
鎮南大破援賊於普湖馬聯陞復陷霑益七月大破
馬聯陞於天生關進攻曲靖八月復馬龍霑益進圍

卷二十一

三

尋旬九月克尋甸禽馬榮馬興才十月克曲靖禽馬
聯陞皆磔之迤東肅清 詔加布政使銜賞勳勇巴
圖魯名號公稔知西賊蔓延猝難殄滅宜於東南先
立不拔之基以曲靖爲迤東大郡且爲省垣糧運所
出於是加意經營興學勸農簡練兵馬凡有興作無
所牽制得行己意屹然爲省東重鎮同眾慮不利於
己以危詞聳提督馬如龍函請公還省公復書婉謝
之且言三弟奉母留居藩署脫有異志當不如此願
無聽流言和衷報 國如龍意始釋然五年正月奉

旨仍著署理雲南布政使事時勞公崇光督滇黔行次平彝公迎謁勞公一見奇之詳諮滇事公滙陳軍情賊勢及向來辦理之乖請勞公進省坐鎮漸收旁落之權以維根本而用兵則先東後西以免牽掣而收全功勞公深然之既至署疏請以馬如龍專辦西路以公督剿豬拱箐海馬姑之賊得旨報可豬拱箐者隸貴州威甯州境與海馬姑相犄角去滇之鎮雄州界皆不百里山谿阻深地勢險要苗酋陶新春與弟陶三春分據之糾聚苗教各匪及髮逆石達

卷二十一

四

開餘黨凡十數萬人疊擾滇之鎮雄彝良大關昭通黔之大定黔西威甯畢節邛保周殘驛道梗阻且擾及川置川楚黔軍會剿久無功勞公稔辦理未得要領因咨商川督駱公秉章始專任公駱公復貽書詢方略公條上機宜謂權不一則軍不用命願率滇軍獨任此役限百二十日擣其巢駱公復書壯之竊村賊據險十三年矣恐非數月能拔姑如公言試之公整軍待發會巡撫林鴻年招降鎮雄州匪首李開甲漆維新等復叛嘯聚數萬人踞州城擾彝良連礦

山礦子山等處縱橫數百里勾連豬拱箐苗匪勢張甚勞公奏派先剿鎮雄公乃留弟毓祥守曲靖自督兵五千人轉戰而前連破堅壘數百直擣鎮雄克其城斬開甲維新川蠻乘隙渡江亦遣軍擊破之巡撫劉公嶽昭疏稱公實心任事請專責以一事權遂進剿豬拱箐六年正月詔補雲南布政使二月師次豬拱箐初陶三春等倡亂先踞海馬姑紅巖尖山其山壁立斗絕大河帶其前鳥道一線攀援而登一夫扼險萬人莫進賊中呼爲鐵桶江山嘯聚日眾山隘

卷二十一

五

不能容陶新春復分據豬拱箐其地界三省之交八山環合三面嶄然惟青松梁一面爲往來之徑絕頂孤峯勢凌霄漢三泉下注匯山麓爲河賊巢分據山險房屋櫛比十餘萬間山下沃壤曰吳家屯廣七十餘里賊糧資焉屯內有間道可達海馬姑外有二龍關大了口小了口三隘賊密布堅壘出掠退守操縱自如惟大溜口一隘徑路險僻公偵知賊防稍弛密令部將張保和林守懷夜領二千人由大溜小徑鈔出二龍關後掩襲吳家屯公自督三千人攻二龍關

昧爽賊傾巢出犯戰方酣忽聞關後軍槍礮聲賊驚
回救兩軍夾擊三隘皆下遂奪吳家屯斬級數千獲
輜重牲畜無算賊自海馬姑來援公截擊于半道斬
其酋餘悉奔竄又令部將蔡標劉重慶分軍圍剿海
馬姑亦克其紅巖尖山賊援斷遂逼豬拱箐老巢賊
乃鑿千餘斤巨石中貫硝磺松脂引火於蒂夜自山
顛墜下又驅牛馬衝突壞我二十餘營公親搏戰斬
悍酋賊始退復營山半公令於營前掘深坑賊用前
法來攻石盡落坑中軍士無所傷賊技窮堅守不出

卷二十一

六

賊黨多猥人猥俗連袂踏歌此唱彼和以傳心事公
令猥人之從我軍者徧山環歌諷以解散賊中聞歌
而逸者萬餘人猥目大紅袍來降公用其計破賊斬
賊二萬生禽偽大元帥陶新春等皆磔之拔出男婦
四萬餘人駱公聞捷遣員犒師點驗賊屍築爲京觀
是役也談公戰狀無不咋舌遂合剿海馬姑斬陶三
春盡平其壘三省邊界悉平計自攻豬拱箐至賊滅
限百二十日僅逾四日耳捷聞 詔賞頭品頂戴時
迤西逆酋杜文秀知公督兵遠出傾巢下竄眾數十

萬連陷二十餘城省城戒嚴公自豬拱箐凱旋曲靖
整頓士馬七年二月倍道來援連破大小石驕小板
橋古庭庵金馬寺賊壘數十斬悍酋七人殲賊萬計
進駐大樹營與弟毓寶省防軍通省中人心乃定公
駐響水聞策應各路提督馬如龍來會深悔羣回之
賣已公推誠慰勉約共竭力報 國如龍感奮和衷
協力由是大局始有轉機旋督攻楊林鼻受槍傷壘
奉 溫旨慰勉飭將四出攻剿躬自往來督戰連破
石虎關賊壘克復呈貢武定元謀祿勸羅次晉甯澂

卷二十一

七

江等城 詔授雲南巡撫是時附省賊壘猶繁公審
度情形避堅攻瑕賊失所恃部將楊玉科李維述皆
善戰又悉迤西形勢張保和何秀林蔡標馬忠黃文
學李廷標亦有勇略乃各授機宜令鈔出賊後屬玉
科維述直搗迤西騰越永昌麗江義團能與賊力抗
馳書獎勵令聯絡聲勢剪賊羽翼公親督攻附省賊
壘八年秋剗削無遺張保和各軍亦先後克復富明
嵩明易門安甯昆陽祿豐楚雄南安廣通大姚定遠
等城黑琅元永阿陋草溪各井凡竄省悍酋劇匪二

十餘萬禽斬殆盡軍威大振九年澂江回復叛其秋公率大軍圍其鄂十年春克之並拔竹園江那各賊巢池西軍亦克麗江劍川永北鶴慶賓川姚州鎮南等城公又移師平館驛婆西田心曰者鄉各踞匪十一年迤東南悉平池西軍又先後克復永昌鄧川浪穹趙州雲南永平蒙化各城是時惟大理騰越順甯未下賊互爲援應十一月公督諸軍斷賊援直薄大理城下合圍地道破之先是杜逆窮蹙以子女分寄僞大司衡楊榮僞大經略蔡廷棟家而與妻妾飲

卷二十一

八

毒自盡逆黨趁其氣未絕令老回數人昇之出城詐降公洞燭其奸先驗明杜首斬首傳省城令三日內繳軍械逆黨以半年爲期公陽許之密傳楊玉科選死士數百同太和縣入城受降嚴布重兵城外定期夾擊阮賊數萬斬僞將軍參軍首目二百數十名生禽楊榮蔡廷棟及僞大家宰馬仲山磔于市大理肅清 詔賞穿黃馬褂並騎都尉世職復督諸軍攻順甯府雲州騰越廳皆下之全滇底定 加太子少保銜改前賞世職爲一等輕車都尉十三年劉公獄昭

入 覲公兼署總督光緒二年四月騰越逆弁蘇開先踞城叛檄署提督楊玉科總兵和耀曾討平之旋丁大母憂解官歸里五年起復入 覲拜貴州巡撫加兵部尚書銜七年調福建巡撫五月調署雲貴總督九年四月除眞法越構釁公慷慨誓師請 命出關時越南山西已失公趣行抵興化省駐營十年二月 詔節制關外粵楚各軍公拜疏懇辭節制以專責成適廣西一面北甯太原各營相繼潰散公軍駐興化與法人相持一月因糧盡勢孤恐損 國威不

卷二十一

九

得已全師退屯保勝力扼紅江上游繕壘練兵敬候 朝命於是公鑄二級留任七月奉 諭旨與法決戰公即親督大軍鼓行而前連復越之館司鎮安清波夏和各縣駐軍館司關規取河內諸省遣部將丁槐何秀林以偏師攻宣光省用地雷轟破城垣數十丈斬禽法教各匪無數傳首滇中夷拚死相拒於雷雨泥淖之中苦戰三十六晝夜肉薄相當不少休息 朝廷念邊戍之勞苦疊 賞尙方珍物藥餌乘傳頒至營次以勵戎行又以京察開復降二級留任處

分公感激益奮督戰尤力以緬旺前接興化山西後通十州三猛早經法踞爲我肘腋之患命部將覃修綱領奇兵出不意克之連復清水清山兩縣斬法致各匪千數百人時粵軍失利諒山不守法酋孤拔以大股來援宣光自正月既望至二月八日晝夜血戰大敗孤拔於臨洮府陳斬法酋七畫以下數十人殺斃白帽紅衣花衣真洋匪三千數百人獲輜重槍礮軍械無算乘勝攻破梅枝關連克不拔縣廣威永祥二府進擣山西河內等省廣西軍亦收復諒山越之

卷二十一

十

興安甯平南定興化太原各省義民聞風響應會和議成 詔班師公深惜越南之未全復也又慮未定條約前法人挾詐背盟伺隙而發戒各路將士嚴備節節連環撤退於五月回駐邊關 溫旨褒嘉加一雲騎尉世職十二年六月公力疾會辦勘界事宜十一月 特旨回省調養兼署巡撫明年八月順甯府屬猓黑夷匪張登發作亂遣將征討十一月禽張登發斬之初張逆之祖張輔國於嘉慶初年糾煽猓夷侵擾南甸耿馬猛猛三土司之地官軍三次勘定禽

張輔國而遺孽猶存其子張秉權孫張登發相繼扇亂久數十年抗不就撫至是乃廓清奏請以地千有餘里內接孟良土司外通緬甸山谿險阻最易藏奸宜改土設流以弭邊患得 旨允行 今上親政加太子太保銜以十五年五月卒官春秋六十有一遺疏入 天子震悼追贈太子太傅入祀賢良祠並於雲南省建立專祠 賞銀一千兩治喪子五春榮山西卽用道春煦以知府選用春煊五品京堂春莫春蔭俟及歲時帶領引 見孫七後閣臣擬謚上請

卷二十一

十一

子謚襄勤公狀貌奇偉目光閃閃如巖下電生平無聲色蒲酒之好讀書略觀大意不爲章句居官味爽而起夜分而寢旬稽公牘裁度庶政皆能務其大者遠者尤長于應變善馭悍將楊玉科初頗驕蹇嘗殺仇持其頭血模糊謁公意詰責卽爲變公笑而釋之李維述殺人莫敢忤公惜其勇不深罪馬榮之踞五華山也公知榮悍將夙暱維述令維述圖之維述佯以事謁悍將斬其頭歸羣回驚散二人後皆爲名將越南之役法人善用開花礮公勅地營法禦之常手

書與部將丁槐等講求精到卒以此大創法人黑旗劉永福之在越南也公每以軍糧火藥濟之故能挫敵而來歸凡知拔將才類如此而天性仁愛所至農夫牧豎儂裸苗夷皆許來見問其疾苦賚以酒食皆歡欣羅拜而去在滇廿餘年恩信感人深父老兒童皆稱我老宮保云

評曰襄勤之勛實造滇南處反側之際微公激以忠義惡見回官執節手提置土還 朝廷邪後三次出關歷四寒暑浪泊西里間鳶墮站站瘴癘毒淫與將

卷二十一

三

士枕戈待旦可謂忠矣臨洮之役竟以寡擊眾使法虜破膽惟許和太速未逞公吞夷之志惜哉

中興將帥別傳卷二十二 長洲朱孔彰撰

蔣果敏公別傳 高連陞 熊建益

蔣公益濂字蕪泉湖南安福人也少不羈不為鄉里所容逃之四方咸豐三年入軍旅初從王壯武公珍後隸羅忠節公澤南戲下勇毅常先人羅公奇其才收為弟子屬統五百人從戰江西有功復從援武昌與唐君訓方丁君銳義大敗賊于豹子海六年六月寇自樊口犯葛店公獨將六營逆戰破之追奔至樊口大小數十戰皆捷胡公林翼每歎其勇累功敘知

卷二十二

一

縣加同知銜公嘗議軍事于羅公前李公績實字公曰蕪泉如何公亦字李公曰迪庵意欲相統邪性剛猛與李公殊尙及羅公亡李公代將公屯魯港寇大攻之請援中軍李公報曰力不能相救守走惟公意公大沮卽升瞭樓撤其梯惟置旗鼓下令軍中曰賊勢盛吾死此矣諸君欲走者自去眾不肯負公誓死守寇攻一日引去公於是告歸悒悒不得志久之廣西土寇蠶起省城戒嚴告急於湖南湖南宿將盡出征巡撫駱公顧左右無可屬以兵事者又廣西遠且

貧咸不願往惟公請行駱公大喜公乃將千六百人南援七年五月至全州三戰三捷寇奔還聚興安遂圍之駱公先已遣段君瑩器將祁勇千人助公遣江君忠濟將千餘人自新甯來會師於是興安寇增召靈川寇拒官軍公合擊大破之復興安靈川餘賊合平樂賊據城死守用戰艇依水通糧築屯平樂北二塘墟沙子街阻險自固公盛兵攻沙子躬率精兵踰山出楓林石峽衷寇二屯閒背擊之因燒寇艇遂破沙子屯與江君忠濟等分軍公繞二塘攻城南江君

卷二十二

二

緣水進屯城北寇既失險皆還保城桂林東南北寇連敗勢衰羣盜分屯柳潯梧慶遠各自爲部不相援應十一月克平樂累功擢巡道當是時湘軍鋒銳甚公爲名將巡撫勞公崇光奏留督軍駱公奏助軍餉銀月二萬於是議增造戰船募水師自長沙造船六十餘火藥七萬餘斤以益其軍明年公軍屯桂林詔署按察使時東南軍事棘竭兵餉於吳楚未遑問廣西事而廣西瘠貧兵食少故不能滅寇率假招撫以愚羣盜官軍土寇相糅橫行省地吏不能詰院司

寄坐城中守城將皆盜魁人人寒心公至乘湘軍威悉案誅桀黠者易置守軍然後巡撫以下坦然安枕遂以次討定潯梧慶遠賊府縣官始治民事徵租稅如平時惟柳州賊屯踞蟠固自以水師不能至四出游奕連結洞砦公計戰船當由灘浮鬱泝潭水回復千餘里象柳閒岸狹湍急不利水戰然不絕水斷渡則賊不可取乃具舟修仁令軍士舁負三板小船陸行九十里置洛青水中載礮建旗鳴鼓下薄州城南門扼其津渡城寇山盜不復相應遂克柳州無何連

卷二十二

三

州寇復據賀公遣將往攻敗挫公自將攻之亦不利寇圍公軍初公屯賀有德於鄉民故鄉民劉鴻生等集團丁救公遂得潰圍出退屯柳州九年春僞翼王石達開入湖南所過緣邊姦民皆相扇動前隊掠全州勞公檄公回援公分軍屯柳自將二千人還省城勞公遷督兩廣曹澍鍾爲巡撫公代爲布政使七月永明土寇出恭城公出扼平樂寇北走灌陽合全州來寇掠興安直攻省城眾數萬公急還軍頗飢疲學政居城中亟詣公問方略公大言無所詘學政因上

奏劾公侵餉玩寇巡撫亦請援湖南

文宗詔湖南赴援降公道員八月劉公長佑蕭公啟江援軍至公裨將蕭榮芳亦自柳州至會城下寇解圍遜十年五月公拔賀縣詔授劉公長佑為巡撫仍擢用公為布政使同治元年浙江事急曾文正公奏薦公助左公宗棠詔改補浙江布政使公將所部八千人往公自至廣東請餉於勞公勞公念公舊功資給數十萬故度領軍容甚盛公亦懲前事更折節惜名譽度量殊矣秋七月至衢州以部將高連陞

卷二十二

四

熊建益分統左右軍明年克金華拔諸暨復富陽自是左公軍勢大振以次平定浙中郡縣至三年二月遂克杭州詔賞穿黃馬褂左公督軍赴閩公署巡撫招流亡務耕作停關稅減民賦儲財用實倉廩毀淫祠建書院尤輕財好士凡善後事宜百廢具舉一時翕然偶之未幾詔授廣東巡撫亦多善政施實德於民後以事降官乞病歸光緒初日本擊我臺灣生番啟釁詔起公將屬以邊事公至京師病卒後五年梅公啟照為浙江巡撫奏浙民請建

祠於西湖詔可予諡果敏公天姿豪邁功名既

成復折節讀書禮下才士嘗曰昔漢寇恂拜汝南太守盜賊清淨郡中無事乃修學校教生徒聘能為左氏春秋者親受學某豈不能因延杭州二拔貢生在解講論躬師事之憾年少失學未習科舉文乃日課一篇詞義卓然後二生以公事干請公許之告薦者曰師命固不敢違然恐後來難繼為我敬謝先生于是二生辭而去公厚贈焉人皆曰宜凡孤寒無依待舉火者常數百家破城獲賊窖金數十萬盡散為善

卷二十二

五

舉道路歌頌去浙時士民炷香手頂追送如雲至有下泣者去粵東亦如之廣西民亦感公平羣盜首功所至築小堂以祀山谷間往往而有部將高連陞熊建益最有名

高公連陞字果臣湖南甯鄉人咸豐四年投效湘軍隸曾文正戲下歷保千總賞藍翎是年湘軍分三路營將公益禮將左公屬焉六年會攻武昌掃平城外賊壘晉守備七年武昌復平斬黃賊巢破賊小池口乘勝復湖口彭澤望江東流銅陵諸縣公皆在事有

功晉都司奉檄充果勇營營官八年廣西寇急請濟師蔣公帥師往援公從克柳州遷游擊又克慶遠遷參將十年守桂林有功 詔以副將用又攻克賀縣加總兵銜 賜號尙勇巴圖魯繼克潯州 詔以總兵記名 簡放同治元年補左江鎮總兵蔣公率師援浙公與熊總兵建益以兵從皆屬浙撫左公宗棠克壽昌進攻蘭谿湯溪盡奪其要隘八年正月拔湯溪擒首逆李尙陽誅之進擣白龍橋蘭谿賊棄城遁乘勝復龍游金華得 旨以提督用二月攻富陽熊

卷二十二

六

總兵建益戰死熊亦驍將也於是賊氛彌熾公遂獨力攻剿八月克之三年正月蔣公攻杭州公會諸將昇巨礮轟城門城崩賊恟懼夜五鼓棄城遁浙江平賞穿黃馬褂 命署浙江提督進攻湖州七月拔之殘賊竄福建時左公遷督浙閩疏調公援剿公遂入閩漳州久不下公至則大捷屢梟逆渠 詔換穆特本巴圖魯號漳州復再 賞玉決拾翎管大小荷囊火鏢諸品四年擢廣東提督適金陵殘孽竄踞嘉應州公帥師會攻拔其城盡殲逆黨粵賊平 詔賞

雲騎尉世職甘肅回匪稱亂左公改督陝甘疏調公援剿 詔改公甘肅提督公至屢告捷破賊壘百數斬馘無算賊望風駭潰居亡何有叛勇之難楚軍之西勦也地殘破糧價翔貴又南人不諳麪食既而餉日絀麪食亦不飽黠者因煽爲亂八年二月二十四日部下副將鄧玉魁楊玉魁屯宜君縣總兵唐畢賢屯楊店三營同時叛出不意夜犯大營公遂遇害事聞斬兩玉魁軍中 優詔褒閔照提督陣亡例從優賜卹 子諡勇烈 敕立功處建專祠入祀京師

卷二十二

七

昭忠祠 子騎都尉兼一雲騎尉世職同時殉難者有提督銜總兵黃君毓馥總兵銜副將賀君茂林同知銜浙江補用知縣謝君生春四川補用副將高君英舉等並 賜卹有差附祀公祠

劉果敏公別傳

劉公典字克盦湖南甯鄉人也初以諸生伏處瀉山不求聞達讀書養親立志以古人自期時究經世之略咸豐六年從羅公澤南攻武昌左公宗棠在湖南巡撫駱公幕亟薦其賢令辦甯鄉團練時甯鄉盜匪煽亂公與鄉人捕匪首百數十邑境獲安獎敘訓導咸豐十年左公奉命東征公與王公開化楊公昌濬同參軍事轉戰江西皖南帕首鞭刀與左公分路殺賊善審地勢嘗輕騎覘敵營夜率壯士砍賊每得

卷二一二

八

奇捷悍酋李世賢李秀成黃文金賴裕新等謀以長圍困左公曾公軍斷絕饗道公率將士苦戰以寡擊眾大破賊于浮梁樂平婺源曾軍饗道暢通積功擢直隸州知州明年冬公領偏師討衢州賊又討嚴州開化賊同治元年正月破賊馬金領霞山厚山徐塘口二月從左公克遂安回援衢州逆首李世賢方謀踞金華為老巢分布賊黨於龍游湯溪蘭谿眾號數十萬聯營數百里扼官軍進取之路公大戰數十奪隘數十衢州東南北賊壘皆平乃進攻龍游龍游城

小而固賊計以堅城老我師而蘭谿湯谿皆以悍黨拒守全浙賊勢注重於此適蔣公益澧自粵至左公令公分攻蘭谿蔣公攻湯谿自攻龍游明年正月拔三城並克金華府城浙東肅清公擢道員左公規取杭州慮皖浙唇齒相依江西又浙軍後路皖南地廣兵單恐逸賊狂突莫能阻截乃令公取道嚴州出皖南江西會剿旁溢之賊謂勿貪克復省城功公慨然自任率軍以行當是時新復郡縣轉饋不繼公持印票空文從民間貸糧遇賊遮擊士民見公軍至賊即

卷二一二

九

破走所將五千人皆紀綱之僕秋毫無所犯以故箠食壺漿不絕于道江西巡撫沈公葆楨奏公截殺悍賊數萬眾其功不在克復省城下曾文正與左公書云克庵留鎮漁祁處處獨任其難勞而不伐尤堪欽敬徽祁若倖保全則克庵之助勞與其心術足以保之也其推重如此江皖既平公擢浙江按察使秋九月因父喪固請罷職歸里三年夏詔公墨經從戎復由湘募新軍八千人次貴溪時浙江已平賊首偽康王汪海洋由江西竄閩陷龍巖州偽侍王李世賢

陷漳州左公入閩討賊 詔公幫辦福建軍務公率軍由汀州連城進擊遇海洋大眾先挫後勝斬悍賊萬餘遂收汀州連城龍巖南靖其踞漳州賊李世賢則為高提督連陞等所破遂竄廣東時左公由漳州入粵僅親軍八百人公至南雄語部將黃少春曰尾賊而追非計也觀賊返奔甚急嘉應必不久踞仍是取道粵閩邊覓去路耳漳州追賊各軍盡萃於此脫左公遇反奔之賊軍弱必不支奈何言已泣下黃少春曰計將安出公曰裹二旬糧取道大領之脊晝夜

卷二十二

十

趨行猶可及也諸將皆曰善比左公至大埔而公已先一日率諸軍至矣左公獲安遂殄寇嘉應公加二品頂戴以父喪將終母年已老請歸省侍其秋左公移督陝甘 詔授公甘肅按察使旋開缺 賞三品卿銜 命幫辦陝甘軍務明年夏募新軍由金紫關入陝所過戰克撚酋張總愚敗竄渡河左公率師援晉以勦回事屬公奉 旨督辦陝西軍務七年二月署陝西巡撫公殫誠竭慮勦撫兼施陝回敗竄甘境西撚既平左公自燕齊返旆公與戮力同心定三路

勦回之策語在左文襄語中九年三月陳情乞養優詔許之歸侍三載母疾漸瘳公每念西事艱難與左公為布衣交不忍其獨任勞苦莫紓 朝廷西顧之慮朝嘯夕喑至忘寢食初母恐其遠離時遣諸孫謹視之後察其情復許公出乃曰事畢須速歸於是遵 朝旨復幫辦左公軍務光緒二年春至蘭州詔授通政使時關內肅清左公遂駐肅州經營新葺至四年關外平定公贊助之力為多以病寒喘乞歸未就道冬卒于蘭州 詔視侍郎例 賜卹 予諡

卷二十二

十一

果敏子二本鑑以知府用本鐸以員外郎用公秉性清嚴自奉儉約人以爲難堪者處之怡然楊公昌濬歸湘時詣公登堂拜母見所居環堵蕭然一如寒素之舊寓書左公常偈道之左公亦曰劉君出處進退之際志存忠孝道合經權竊歎一時所仰賢豪之親老從戎者皆不逮也

評曰子夏有言仕優則學方今公卿大夫不講學不延師況以武功顯者哉蔣公禮賢可以風天下矣昔管夷吾以有老母怯于戰而傳曰戰陳無勇非孝也

劉公三出討賊三乞養親其合古義而心安者歟

中興將帥別傳卷二十二

卷二十二

三

中興將帥別傳卷二十三上

長洲朱孔彰撰

席少保別傳 朱維善

席公寶田字研鄉湖南東安人性沈毅持重不苟言笑讀書觀大略不為章句好究輿地兵家之言弱冠補縣學生食廩氣與劉公長佑行學嶽麓書院時承平久亂機萌芽官吏晏然不治事公嘗拊髀歎曰安得及時取縣令為吐腹中悲懣乎劉公笑曰君志願不易長佑錄錄幸竊教官畜妻子足矣未幾廣西寇起東南大亂曾文正公屯長沙方治兵東討公上書

卷二十三上

一

言兵事曾公奇之時劉公長佑亦驟起領軍援江西招公與劉公坤一江公忠義佐軍事從克袁州臨江撫州諸城累功至同知直隸州知州咸豐九年春石達開犯永州前鋒圍攻寶慶眾號三十萬公謀分軍壁祁陽遮寇自從劉公擊之永州西連戰於武岡新甯破之寶慶解嚴復追擊至廣西克柳州擢知府留江西補用 賞戴花翎九月假歸達開餘黨犯宜章略湖南邊湖南巡撫起公募千人備攻守號精毅營于是公始專將一軍矣十年二月敗寇道州桂陽遂

定宜章同治元年夏達開大出廣西陷會同北及來
鳳公往來遮擊破黔陽圍寇斬首數千級復兩城達
開遷入蜀由是遂減擢道員 加按察使銜是年冬
曾公督軍安徽寇張甚犯江西益急調公以本部往
援二年春抵饒州寇壁陶溪渡我軍甫至屯近郊會
莫壘未就風大起拳幟公心動亟勒兵戒備遣驍卒
伏道旁寇夜果大至內外伏起追斬及百里平陶溪
渡尋敗之於洋塘石門又敗寇青山礮斬首三千級
又攻都昌湖口下之 加布政使銜兼萊銜額巴圖

卷三十三上

二

魯八月曾公令公移軍入皖援青陽公遠由池州繼
嶺襲其後寇大亂時鮑公超江公忠義並會戰殲寇
逾萬青陽圍解三年春正月李世賢汪海洋自浙省
逸出犯江西公上書巡撫沈公葆楨言悍賊過十萬
浙將言數千者非也于是公同軍迎擊白沙關設伏
破其眾壬午克金溪再破建昌圍寇走之 詔以按
察使記名題奏尋補授雲南按察使七月進攻崇仁
是時世賢踞崇仁海洋踞許灣宜黃出沒饒建臨江
之間千里騷然公與江總兵忠朝議攻崇仁斷寇右

臂既合圍寇死拒搏戰五旬悍賊盡殲時督師楊公
岳斌屯甯都趨公會師公以破崇仁未赴楊公先已
劾公遷延降補知府實崇仁之役方有功也說者以
爲楊公厚浙將公譏浙將之故八月逐寇甯都旋還
金谿備浙寇江甯既克僞小天王洪福奔廣德合賊
眾萬餘人由皖邊出開化玉山西行遇別將扼戰走
瀘溪斜趨山谷間九月公遮之於新城已遜遂率輕
兵裹糧疾追數晝夜猶不及寇軍士久疲議休止公
曰洪福寇倚以號召行與瑞金寇合不可得矣寇奔

卷三十三上

三

逸數千里日夜疾行輜重婦女相隨屬見無追軍僮
甚行必緩我亟趣閒道要擊廣昌石城閒寇可滅也
仍勒軍傳餐而進越二日已酉至石城之楊家牌危
崖阻紆數十里日向莫前鋒揚旗植山下止不進公
怒曰渡嶺寇卽是柰何懈軍心邪令斬以徇于是諸
將皆奮薄而上平明嶺盡果見寇方炊寇亦願見因
駭奔我軍呼噪壓擊俘斬過半遂禽僞王洪仁玕黃
文英洪仁政及他渠首數十人而洪福脫兔會軍中
所俘小兒牧馬者語其曹曰小天王過此矣辛酉部

將周家良因就禽之果洪福也巡撫沈公以捷聞
詔復公原官 加賞雲騎尉世職黃馬褂尋授貴州
按察使洪福等磔于南昌市是役也非公機略先十
日馳至汪海洋已擁瑞金寇十萬道迎洪福別竄圖
大舉距戰處僅百里而洪福爲虜餘寇潰盡海洋氣
奪遂走略粵過是月霆軍前隊叛于金口南走掠袁
州巡撫委公防禦由是馳出甯都吉安永甯茶陵間
迴繞二千里叛卒輒避道行不及接戰尋入粵與寇
合海洋復出屯鎮平四年八月公亦自平遠屯東石

卷三十三上

四

壬寅寇率三隊來犯我分軍應之遮其右隊入荒谷
中寇大敗卽夜拔出谷中寇萬四千人嚮晨資遣未
畢海洋已悉眾大出我軍倉皇拒小溝而陳寇肉薄
陷陳我亦殊死鬥寇不得逞時天雨如繩大風窈冥
海洋仍麾寇猛突手刃回顧寇數人朝至晡盪決數
十寇躍而踰溝幾不支唐本有遠提火藥燒其前屯
寇稍卻我軍復踊躍拒戰由是引去明日寇羣掠壘
門而過諸將奮欲擊之公曰不可寇挾萬死不顧一
生之計我戰方苦擊之不利度寇已遠迺曰可擊矣

空壁逐之果大破寇俘斬數千人庚申要寇信豐挖
鍊石嶺海洋又已由龍南迤邐而至不虞我軍先據
隘則結陳逆戰我以精兵攻其後又以一軍左繞叢
山龔寇壘寇馳戰方急後陳亂遂夾攻大破之還依
壘自固壘後軍壓下直斫壘門榮維善望見海洋大
旗急前搏之刃其背於是寇大敗殲寇萬人自拔來
歸者二萬人海洋剽悍務猛進所將皆羣寇養子年
二十以下久在兵閒懵不知畏死其爲戰也專以數
萬人突陳孤軍當之輒披靡至是數敗悍寇盡海洋

卷三三二

五

遁和平尋殪於嘉應羣寇悉平時劉公坤一代沈公
爲巡撫奏公江西戰功第一得 旨以布政使記名
題奏 賞三代一品封典公悉散所部乞假終養
詔允之公用兵主堅忍嚴於用法勒部伍設刁斗甚
備善揣敵情規全勢不輕出要利而當大敵則躬犯
其難無所避就方汪李二寇之蹂江西也諸援軍至
者十餘壁頗觀望公部卒不滿五千抗強寇十餘萬
縱橫馳擊輒以少勝眾時比比王公珍土人傅公與
鮑公超最善戰然公撫卹流民約束軍士秋豪無所

犯鮑公不及也既還東安未幾而苗事亟初銅仁苗起爲亂教匪應之迭陷貴東府縣眾至數十萬人出掠鎮寧沅晃靖州會同黔陽開湖南西界大震防邊之師無甯歲糜費逾千萬無功及劉公瓚爲湖南巡撫銳意平苗乃奏起公爲大將募萬人以往悉劾罷援黔統將公爲劉公提學時所得士知名將故任之專也六年十月軍次沅州議合攻荆竹園荆竹園者苗教之巢藪也達開餘寇復入保中屯二萬戶天險四塞堡砦櫛比官軍十餘歲無能至壘下教匪有

卷二十三上

六

白號黃號紅號之目皆假天主名誘苗侵掠以爲利十一月天柱苗出攻會同裨將席啟庚往援中伏死翼繼昌擊卻之進軍石阡遂薄荆竹園屯焉公覘地勢獨北岡稍利仰攻因前作二壘偪之七年正月分軍攻北砦戰逾時黃元果握矛先登後軍從之砦門寇紛走墜崖死我已疾入東南燒其屯柵寇數萬來援反門砦內破斬九千人收牛萬蹶馬百匹旗幟礮械無算餘寇潰逃公至旬日而荆竹園復羣苗始震矣丙子進崎頂山夜破其三十六砦撫定民口二萬

人二月還軍銅仁要寇三角潭敗之又敗寇冷水溪又敗之龍柱界侵沅州麻陽之寇皆潰自是不敢東犯公移屯沅州四月癸亥泝沅水西行壬寅克頗洞癸卯克惠明甲辰克台笠于是四十八砦之寇悉聚保砦頭乙巳乘險克之苗失其要害張秀眉廼合黃平麻哈清平苗數道出援皆力戰走之斬首數千級遂乘勝攻定旁近十餘砦是月以繼母喪歸貴州湖南巡撫交章乞留仍起督軍五月遣翼繼昌攻克天柱及江口屯斬陳大六於陳是時軍已漸深入炎暑

卷二十三上

七

瘴盛軍士疾疫過半而援師逾萬悉倚餉湖南或不時至軍中大困苗亦病餓死者數千人賴以休息十月始議進規台拱公以台拱苗最强右清江而左鎮遠爲之犄角台拱下而後苗事可言也不取兩城無以制台拱不悉平砦頭前路苗砦斷寇援通道無以取兩城于是先徇清江路謂諸將曰清江南北百餘里苗砦不可勝數北岸尤悍皆倚澗壑絕險徑仄不容足益以木石斷塞沿寨而索戰曠日月傷校卒非計也今宜揚言進兵而以輕兵絕萬山襲其後傳鋒

而善之砦可盡破然絕危難失勢敗且不救榮維善著驍捷冠一軍奮請行因裹糧約束夜率所部疾趨山谷閃懸軍五日迴繞數百里至柳樹街南岸則清江廳也時天寒大雪苗望見旗志疑他砦苗會師俄而大戰蹙苗赴江水尸蔽江下知官軍已至思欲避維善止不渡迺反攻柳羅烏包之屬稿雍諸名砦已前下復撫降所過數十砦清江北岸砦悉定遂移軍略南岸以規鎮遠十一月丁酉破抱金戊戌入撫松柏洞唐本有屯之九太白潘老冒糾萬人圍攻本有

卷三三上

八

敵兵守榮維善從他道張兩翼遮苗苗反在園中本有復出合擊大破之因收南岸十九砦壬寅拔黃犛屯斬悍寇三千人九太白遯走八年正月辛卯克稿繞丙辰克平塘坡烏溝旁取數十砦若頭達鎮遠百里苗若蕩焉先是公以所定苗地宜處處爲防請益師南北並進使苗無能兼顧于是以黃潤昌鄧子垣別將萬人從北入攻而公專南路是時黃鄧軍已抵思州遂會師攻鎮遠克之復拔施秉城斬首五六千級八年二月渡沅水進攻董敖屯清江大砦二日公

鵝董敖自昔負固雍正中總督鄂爾泰公督大軍二萬圍攻數月僅克公鵝屯董敖卒不能下撫之而還公至攬其形勢孤峯矗立絕因依無可伺擊迺麾軍薄而登寇從峯顛轉石下擊聲隆隆震山谷我軍死傷相積榮維善猱升及山腹寇擬維善墮巨石維善急抱樹後二人拊其背石激躍樹過三人者皆無恙寇驚以爲神相顧愕立維善已踐其顛謝蘭階蘇元春亦悉師從登斬其首遂拔董敖還攻公鷺又破之諸苗砦百七十八悉下清江廳城復迺遣維善率六

卷三三二

九

千人往會黃潤昌鄧子垣軍疏通驛路至黃飄山遇伏黃鄧敗沒軍覆先是潤昌促維善會師維善以軍久疲請休士裹糧潤昌意在急戰維善不得已率師先發度黃飄山行者頂趾相接苗憑山桀石維善揮將士疾行出險潤昌軍創見則以爲陷伏爭道相擠苗乘之軍大潰自相踐而下維善聞潤昌等戰歿乃大憤怒率親兵二百入求其尸袒衣持刀戰良久苗圍之數匝乃退保一山苗來益眾急起潰圍出反攻山閒苗砦破之得其飯以果腹復出縱擊終不得脫

苗列炬夜守之三晝夜二百人皆戰死維善被禽苗以熾炭鍊釜加其首日戴大紅頂維善罵不絕聲而死黃軍既敗湖南大震三月張秀眉復乘虛攻巴治公憤甚親馳至破之走保稿米因念稿米羣寇所窟破稿米則寇勢益落丙戌間行五十里襲之寇殊死戰裨將徐啟瑞戰不力斬以徇將士奮死陷陳寇大敗斬首數千人寇棄稿米遁六月戊申克廖洞辛亥克冰洞九月克勝秉燒糧十萬石有奇十月冀繼昌克抱巖九砦復遣蘇元春拒寇於天柱破之九年三

卷三十三上

十一

月合攻施洞俘斬逾萬拔之遂連克班鳩白洗囊版詔賜上方珍物計公自破荆竹園至斯三接 詔矣時苗地日蹙川軍已進至黃飄山由是約會師巖門四月丙午克巖門進軍叫烏川軍亦克囊谷隴與我哨旗相望會川軍將議餉齟齬遠移軍去公止之不及而白洗囊谷苗復聚清平重安皆陷復分軍破走之公以北岸苗砦已悉定台拱且夕不可下而前拔出降苗萬戶以上墾土給耕宜及時撫定又以台拱苗砦數百草夷最大議暫留屯備要害休士卒以

為攻取之資十月丙午迺督軍攻革夷先取其旁砦夜薄之皆潰丁未革夷破縱火燒左右諸砦略盡丁巳克台拱廳城殲寇數千 詔賞頭品頂戴台拱既克寇悉聚九股河而丹江凱里廳為其窟穴九股黑苗者自楊應龍以來頻拒大軍皆以深阻約降而退官軍未嘗入其境公轉戰而前分軍迭破餘砦斬首數千級苗日益困雜講苗請歸化遂次第攻降苗砦二百一十年三月丹江平四月進軍牛場選死士燔其邨砦六七十擊斬三千級公遂驅軍入凱里拔

卷三十三上

十一

其城復乘勝悉收二百餘旁砦苗逃保雷公山由是沅水南北岸乾隆中所設六廳城皆復得 旨交部從優議叙五月軍薄雷公山其旁砦數十亦險絕公銳意擊滅之暑雨毒淫親執俘鼓舞戰植立竟日破斬三萬級張秀眉跳免還軍施洞遂感瘴病風痺九月猶不瘳公迺乞歸議汰六千人以冀繼昌蘇元春唐本有謝蘭階三提督一道分統其軍皆從之十一年四月諸將迭戰遂俘送張秀眉金大五諸酋於長沙磔之苗疆平奉 詔嘉獎 賞騎都尉世職公之

初入黔也以苗之强者台拱清江生苗九股河黑苗爲之冠鎮遠施秉黃平清平所屬之苗次之堅巢巨峇率羅列清南北岸之間而教匪尤出溲爲之援應故先拔荆竹園除教匪繼踞峇頭屯大軍奪苗之勢然後次第畢收攻戰之利又計苗峇如布基苗悉狡悍長於守險欲試行鵬勦法懼無效自榮維善奮出立奇功于是始決行之後維善戰死復督龔繼昌蘇元春唐本有等繼之卒以平苗鵬勦者懸軍深入飢因敵糧夜宿敵壘行不持營帳居不依城峇軍不

卷二十三上

三

時出出不時反昔岳公鍾琪張公廣泗所以制苗蠻也公之於苗尤窮殫其能犯瘴癘踐冰雪絕幽穿阻攀度籌壑尋逐於猿鳥俱絕之徑爭萬死卒攻不備往往破滅或分軍夜取城砦銜枚趨手捫而前指與指相錯始知我師合軍士咳則伏地上以指掘土令聲入地中其艱如此用兵五年拓地千餘里破峇千數殲苗及百萬自有三苗以來兵威所極未有至此者也而經理降苗防未然之患尤有法公之言曰苗之叛服無常非獨其野性然也風俗之不一政教

之不及相激相盪因而生心耳雍正間苗已大定矣然苗之薙髮十之二三益以言語不通嗜欲不同漢民既目爲異類苗亦自居於別種苗蠻所由多故也欲苗不爲亂必使言語嗜欲同於編氓而要由責令薙髮形貌既同言語嗜欲即漸變化數十百年之間民苗大馴混同教俗生計或不給營販四出無所疑阻則叛盜息矣故公於所撫苗無不薙髮及悉輸礮械者遂著於令甲公器榦精實目沈沈下視猛鷲有威中懷奇略臨敵制勝智勇天發自起軍援江西迄

卷三三上

三

於平苗數百戰未嘗敗北曾公歎曰席君識力過人繼起將才罕匹也推論時政多知大體無儒生俗吏之見然性真率不爲儀觀淡嫉文法吏苛繞不中情僞以故一切反之務得其本真亦以是不諧於俗方苗事之亟公屢以捷聞而譎言蠶起以爲苗終不可平公所出悉前軍故道辟易無百里所言張皇無按據公又簡傲省中羣吏無饋問愈益爭撓敗之當是時非巡撫劉公任公專軍幾罷而公終始屹然及倅張秀肩羣議始息公既引病歸休暇無所發舒于是

究青鳥形家之法輒以二卒昇籃輿徜徉山水閒賓
客術師隨從無虛日所至旅舍爲滿公與之口講指
畫相樂也尋遭父喪四方會葬者數千人咸稱其仁
孝公自奉儉約於振饑卹窮諸善事累鉅萬不少靳
又嘗捐施族田千餘畝宗黨賴之光緒十五年六月
卒年六十有二 追贈太子少保 敕建專祠 賜
卹如例于五曜衡廩生鏞分部主事匯湘附生啟驊
啟駟

評曰席少保平苗之功偉矣其後湖南巡撫王公文

卷三十三上

一四

韶繪苗壘圖進呈其戰蹟可按焉

天子嘉之以公先禽洪福功 詔圖公像 紫光閣

列 中興功臣之次膺茲寵榮不亦宜乎

中興將帥別傳卷二十三下 長洲朱孔彭撰

王布政德榜別傳

王公德榜字朗青湖南江華人咸豐二年粵逆竄江
華與兄吉昌散家資募勇勦賊平甯遠道州常甯龍
陽益陽湘潭各州邑曾文正公奏保六品頂戴五年
恩文忠調援江西克復萬載新昌上高安義清安十
一月進攻奉新吉昌戰歿公獨統一軍憤甚誓滅賊
七年正月拔奉新旋克瑞州保藍翎府經歷州同知
八年攻豐城白馬寨創賊壘數十回援廣信肅清江

卷三十三下

一

西東路又從將軍福興援浙克壽昌解衢郡圍收復
江山處州擢知州九年二月克復安徽婺源擢直隸
州知州援例加道員六月大殲賊于江西浮梁景德
鎮是時彭澤廣信復爲粵逆竄踞瑣抵隙連戰皆
捷江西東路再肅清賊入浙調防玉山賊來犯皆
擊卻之得 旨賞換花翎十一月甯國逆匪及偽忠
王李秀成先後傾眾圍攻玉山晝夜數十戰賊不得
逞解圍遁 賞銳勇巴圖魯加按察使銜同治元年
援浙破平江山花園港及十字街逆巢克龍游 特

旨以道員留浙補用三年三月攻賊華埠乘勝繞出廣信立解廣信城圍四月復弋陽鉛山賊竄北岸圍攻赭亭山保力戰卻之又擊偽烈王林彩新逆眾十餘萬於黃沙港悉殲無遺曾文正左文襄沈文肅彭剛直以奇功疊著兩次會奏得旨賞加布政使銜記名以道員簡放五月攻克陳坊湖坊水巢鷹潭羅田山巢七月復東鄉八月湖州逸賊奔江山玉山廣豐鉛山公追勦所向克捷降三萬餘眾詔以按察使記名簡放九月援閩兼署臬篆四年二月實

卷二十三下

二

授福建按察使四月會各軍進攻漳州之烏頭門及南靖城破鉅壘數十盡殲僞侍王李世賢之眾同軍汀州奉上諭補授福建布政使十二月復會援粵各軍平僞康王汪海洋于嘉應州賞穿黃馬褂明年以親老請開缺同里六年九月丁父艱十年八月陝甘總督左文襄奏調會督諸軍渡洮進剿河州同逆身負重創裹衣血戰出奇制勝凡邊家灣鄧家灣黑山頭三家集七家集鏡門關數百賊壘以次削平十一年總統甘南四百餘營羌中野曠人稀旅舍無

煙巢禽無樹公督軍士苦戰時有豺狼之患千百成羣夜入菴帳食人左文襄至爲文責城隍神公令軍士習獵搜捕於是狼患消滅甘南既平受降同眾十餘萬拔出難民數十萬廣開狄道河渠引泉灌注獲沃田百餘萬畝優詔褒嘉賞頭品頂戴旋因母喪歸光緒六年奉命馳赴新疆十月左文襄奏令率舊部取道蒙古草地繞赴張家口七年五月奏調教練火器營健銳營京兵兼率所部興治畿輔水利馭軍嚴整防濬得宜士民愛戴工竣會法人啟慶奉

卷二十三下

三

命督師防守廣西鎮南關外十一年二月法兵攻關內諸軍公在關外截擊遂大破法兵追奔數百里收復諒山文淵各城法人震懾天威即議和罷兵十六年補授貴州布政使十九年春卒于官年五十七事聞賜卹如例子男八漢雲戶部郎中漢文分省補用知府孫男九公爲將法令嚴整而善得士心又精料敵嘉應州之役諸將追寇寇忽反奔高提督連陞還救不相及劉公典在寇北偏左文襄駐大埔僅八百人勢危甚急召公扼三河壩三河者大小靖

溪及雁石溪所匯也按地圖爲潮州要衝公往察地形皆山道絕澗度寇必不往以爲帥屯孤縣寇直犯必不能支乃請當中路陳兵步步設守而後進卒與劉典軍出賊前遏之微公謀左文襄幾殆法兵之入鎮南關也公出軍甫谷夾擊斷其後隊接濟葯彈肉餌法之前隊遂大奔斬六晝夷酋一五晝夷酋一獲驃馬五十餘匹後彭剛直公與兩廣總督張公之洞奏其事廣西巡撫疏陳關外軍務未詳也

評曰王布政久從左文襄公征戰有名故其往鎮南

卷二十三下

四

關也左公以爲戰守可恃非虛語矣彭剛直張總督疏云法二次犯關非有生力軍難遽言戰非馮子材勦築長牆與王孝祺合軍死守則諸軍無所依倚當廣軍苦戰後非蘇元春軍往援陳嘉蔣宗漢力拒東領則馮軍亦將不支非王孝祺軍疊次肉薄陷陳橫衝敵堅則馮蘇諸軍亦不能取勝非王德榜截其後路斷其軍火關內外夾攻則法兵亦未必大潰非李秉衡之廉勁公誠堅鎮龍州上匡撫臣下調諸將則諸將亦不能成功允矣彭公張公之論可謂至當矣

中興將帥別傳卷二十四上 長洲朱孔彰撰

程忠烈公別傳

程公學啟字方忠安徽桐城人世業農縣城失守陷于賊尋逸去又追得之僞英王陳玉成奇其勇多方羈縻之不得脫咸豐十一年四月曾公國荃圍安慶知公在賊中有名求得公族中老嫗使入城勸降約降有日矣賊覺公夜率壯士三百踰城出破曾貞幹壁門大呼曰某來投誠有追賊在後信公納我不信急擊我無兩敗也貞幹大驚遽納之追賊返殺其妻

卷二十四上

一

子縣首城上當是時湘軍掘長濠因皖賊曾公軍濠內公軍濠外當賊鋒令無召不得入濠內濠內置礮對公軍濠上爲梁曰自濠內濟薪米既濟撤濠梁苦戰數月克安慶公功爲多初公氣傲諸將諶公猶慮公爲變至是曾公深信之從克無爲運漕授參將 賞戴花翎同治元年春李公鴻章援上海曾文正公選良將相從令公往躬送公登輪舟拊公背曰江南人譽張國梁不去口君去亦一國梁也行聞君克蘇州矣勉之至滬立開字營夏五月僞忠王李秀

成等率賊十萬犯涇涇連營百公以孤軍八百人駐新橋當其衝賊圍之數十市公登營牆發矟山礮抵禦賊進逼則開壁門衝擊賊退旋至自辰至申如是者九會李公親勒兵救之公用遠鏡望見李公旗始空壁出來擊賊大敗斬首三千級生禽四百人事聞賜號勃勇巴圖魯擢副將秋七月會常勝軍復青蒲偽寨王譚紹洸大舉犯北新涇圍況文榜等營公馳救大敗賊于七寶八月復從李公連破賊得記名總兵九月李公大破紹洸等於四江口禽斬萬餘

卷二十四上

二

人公功最 賞加提督銜尋授江西南韶鎮總兵二年春二月偕李鶴章攻太倉偽會王蔡元隆誘我兵至城下伏發鶴章傷公殿軍而退越七日復攻之破其西門元隆棄城遁夏四月進攻崑山偕洋將戈登環視崑境四面多水獨西面一隄通蘇州進義居隄之中有賊營四公策崑賊敗必奔進義法當先據進義賊見歸路斷凶惡城必舉賊可盡已丑誠諸軍急攻城潛以偏師繞而西奪進義進義賊果恃城賊眾不虞我軍掩至即敗奔公留半軍守半軍復東攻城

城下賊西走東軍追之與進義軍夾擊生禽七千人餘賊南北竄阻水殲焉是役也始終不用西洋大礮戈登上李公書云程某自足辦賊不假人助云捷上記名提督予正一品封典六月統水陸軍萬人進攻蘇州先取吳江破花涇港薄城賊迎降蘇嘉賊馳救擊卻之還軍唯亭與諸將謀攻蘇州滾營而進大戰數十軍跨塘謂諸將曰盡毀蘇州城外賊壘十即城可圖也于是與諸將先後克寶帶橋五龍橋蠡口黃埭許關王瓜涇觀音廟十里亭虎邱與附城石壘

卷二十四上

三

而十公每奪城隘手援枹鼓躬受矢石刀矛如霜雪親搏戰短兵接攜壯士突圍陷陳斬將搴旗見者以為神兵而智勇天發料敵多奇中諸將無與匹儔當是時淮軍以公部為最强威震東南蘇州城中賊皆奪氣然譚紹洸夙凶忍猶率悍黨死守而偽王郅雲官等有貳心密款於公部將鄭國魁公與戈登單舸見雲官等於城北洋澄湖備得其要領令斬秀成紹洸以獻給雲官等二品武職公與為誓戈登證之雲官益不疑而不忍殺秀成許圖紹洸秀成微覺之先

遁去紹洸以事召雲官雲官攜偽天將汪有為往卽坐刺殺之並殺其黨千餘人開齊門迎降公令鄭國魁領千人入城十月戊戌獻紹洸首請驗公入城撫視降酋列名者八人偽納王郤雲官比王伍貴文康王汪安均甯王周文佳偽天將范起發張大洲汪環武汪有為城賊精壯尙二十萬羣酋方歆血誓生死乞公白李公要總兵副將官署其眾爲二十營仍屯閩胥盤齊四門雲官且未薙髮公密白李公恐不可制必誅之以定眾李公猶豫不忍發公曰某極知殺

卷二十四上

四

降不祥然不殺此八人者蘇城終不可得雖得之不
安吾甯負賊不負朝廷李公不得已許之於是延
八人謁李公李公呼左右取入冠紅頂花翎進令八
人戴之曰今爲我大清官矣好共立功趣備酒食
宴八人於帳內坐從卒帳外李公僞出巡軍公令閉
營門發一礮雲官驚曰何事伏甲起雲官腰間尙帶
小洋槍舉擬公一酋頓足曰今到此何用吾固知爲
程某所賣於是悉斬八人公單騎入城呼曰八人詐
降已殺之餘不問若等毋動動者斬皆崩厥角稽首

無敢枝梧者遂定蘇州李公奏公功第一詔賞穿
黃馬褂予雲騎尉世職初副將鄭國魁先與郤雲官
誓不相害憾公負約涕泣不食臥三日李公亦頗咎
公輕發曰君亦降人也何爲已甚公詳大怒還營將
引軍去其部卒奔告李公李公復過公陽論他事笑
語甚歡事乃解鄭國魁終以誑殺雲官怨不已洋將
戈登夙暱公至是以殺降詈公揚言挾其軍且爲變
覓雲官首攜之哭並索得其養子送崑山蘇城中賊
黨且有暗藏礮擊李公之謠於是李公令國魁爲雲

卷二十四上

五

官設佛事親詣祭弔泣數行下眾乃輯服由是益知
公之爲李公任怨雖國魁弗知機事之密也不然凶
黨謀變萬戟义何矣初公赴上海時曾公國荃不肖
遣公行文正公力爭之強而後可其後江甯事急復
調公李公又不肖遣公行文正與左公宗棠書曰吾
弟未嘗不私怨阿兄坐令彼得一人而強此失一人
而弱是知喜雄駿而惡關茸重干莫而薄鉛刀吾何
異於人邪其推重如此克蘇州之年冬十一月公督
諸軍克平望九里橋進師嘉善賊迎降三年正月攻

嘉興賊守甚固庚午公親督各軍轟城募死士登陴
賊屹不動乃退二月戊子夜築沿城護礮月牆三及
浮橋一賊槍礮雨下令勇持彭排縛草芻行且築且
避而成之己丑發大礮壞城十餘丈公麾眾作登陴
狀賊橫守缺口卻於旁近數步外連開炸礮我軍於
煙焰中別支浮橋賊見之昇礮列城下作阻截計入
夜令徐佩璠乘小划奪其礮庚寅晨熹公橫矛躍過
浮橋登陴額角中槍而仆部將劉士奇王永勝見公
傷重憤甚皆率大隊以筏渡由城西北隅簇擁而登

卷二十四上

六

人聲鼎沸礮彈縱橫賊大亂諸將亦破他門而入遂
復嘉興斬僞挺王劉得功僞榮王廖發壽公創甚回
蘇州 上優詔褒詢者再理治二旬傷漸平敗骨爲
硬醫言不能去公一日有所忿自去之傷喉六日水
不下咽創口復裂三月庚戌卒年三十有五自殺降
將後戈登不復見公聞公沒乞公戰時大旗二攜歸
託海國故泰西諸邦猶知公威名 詔贈太子太保
三等輕車都尉諡忠烈 賜祭一壇祀昭忠安慶蘇
州嘉興並建專祠嗣子建勳襲世職

評曰昔王朔與李廣言禍莫大於殺已降李廣不封
侯由是然李廣詐殺隴西羌八百人公僅誅降酋入
而事定識過於李將軍矣傳曰苟利于國死生以之
禍福公奚計哉

卷二十四上

七

劉壯肅公別傳

劉公銘傳字省三安徽合肥人也年少無賴聚黨鬻私鹽拒捕傷人母驚病歿公痛自責遂投軍奮不顧身時帥重之屢立奇功于廬州咸豐九年隨官軍克六安保千總十年援壽州得都司銜同治元年李公鴻章募淮勇赴上海聞公名屬為管帶官乃勅立銘軍屢戰捷守周浦卻南匪賊眾降賊酋吳建瀛劉玉林收南匯縣城建瀛所部三千人玉林所部千人皆屬公破賊川沙收其城擢都司加游擊銜克奉賢金

卷二十四上

八

山衛擢參將七月自浦東回援敗賊野雞墩又大破賊于四江口擢副將二年正月與潘公鼎新張公樹珊乘輪船攻福山潘張營蘆浦港壘未就而賊至公擊卻之賊欲登同觀山鈔我後又敗之二月奪福山石城解常熟圍擢總兵四月與水師提督黃公翼升合攻楊舍汎汎為沿江著名險要悍賊堅守猛攻六日克之時江陰至無錫數十里賊營密布屢撲楊舍皆受大創而去偽忠王李秀成復渡江回援合偽章王護王普王潮王侍王五逆水陸數十萬眾分路內

卷二十四上

九

犯公與滕總兵嗣武郭總兵松林各軍迎擊斬級數萬七月克江陰 詔以提督記名進攻無錫金匱大破賊于萬壽橋克其城 賞頭品頂戴十一月進剿常州由羊頭橋間道深入奔牛鎮賊目邵小雙乞降公納之令駐鎮以扼丹陽援賊身督軍攻常州西北門連破賊十餘營降賊萬五六千人再攻小北門口大石營公方用千里鏡測望礮路忽頂額中鎗丸暈絕逾時而蘇裏創復戰破小北門外大土城偽章王等復犯奔牛冀解常州之圍公先遣弁齎火藥四萬筒令部將唐殿魁黃桂蘭與降將堅守五日身率偏師往援與十偽逆之眾大戰一日禽斬七千人殿魁等衝出夾擊忠逆以飛而復來小輪船渡賊來爭並擊燬之追奔十餘里破賊三十餘營奔牛圍遂解三年春復攻毀常州城外賊壘數十座四面合圍四月六日破北門入會禽偽護王陳崑書遂克常州得旨賞穿黃馬褂六月曾公國荃克復江甯殘賊挾偽幼主竄至廣德廣德本有踞賊公由建平往勦賊敗走收其城追逐於山谷中連戰皆捷四年春忠親王

僧格林沁殞于曹州撚匪大熾曾文正公奉命督師赴山東勦賊夙知公將略調公先赴濟甯奏設四鎮重兵以周家口重任付公大破賊于瓦店又破之南頓解扶溝圍以公兵精改爲游擊之師冬十二月率師援鄂克黃陂時公已補直隸提督上諭交部從優議敘公念撚匪已成流寇張牛任賴四酋忽分忽合有馬數萬匹匪徒數十萬人馳騁中原平曠之地飄忽數千里雖往來游擊賊少衰然未能聚而殲旃乃言于曾公曰軍士不苦戰而苦奔走於是荆

卷二十四上

扼守沙河之議驅賊于沙河以南以蹙其勢朱仙鎮以下河防四百里與潘公鼎新張公樹珊任其難分汎築長牆甫竣而汴梁隄牆爲賊所破公分軍追勦破之鉅野北九月撚酋牛老洪死張總愚西竄陝西任柱賴汝光東竄山東曾公請疾李公接統軍務公於是復屬李公督師逐東撚東至鄆城西至京山大小數十戰皆勝六年正月破賊于宜城西賊竄安陸與鮑公超軍夾擊先挫後勝四月破賊黃安東又追至宛郡在信陽整軍由棗陽與賊馳逐東自應山黃

陂西出安陸襄棗又由南陽至鄭州日蹙百里逐賊山東於是紉防守運河進扼膠萊之議六月與潘公鼎新會勦膠萊河道形勢合銘鼎奇鳳四軍與東軍共築長牆北起夏店南至柳林口秋破賊沅陽南解沅陽城圍追逐至諸城日照斬偽魯王任柱詔賞上方珍物復由安邱開道馳維東北夜銜枚擊大破之賊西走新城復截擊東走壽光追至洋河瀾河之交任賴黨匪盡殄東撚平李公鴻章奏公首倡扼守運河并軍兜勦之議卒能大獲奇捷勞苦功高又云

卷二一四二

壽光瀾河之役斬獲幾三萬人賊之精銳器械羸馬輜重拋棄殆盡蓋軍興以來罕有之事諸將勦撚論功以公爲第一詔賞三等輕車都尉世職公自四年五月奉命勦撚轉戰數省馳逐三年幾無一日休息積勞成疾乃乞假還南七年西撚張總愚由陝出竄河朔詔公速赴北路勦賊公與李公偶有違言曾公手書戒之曰少帥之於閣下實人閒罕逢之知己雖罕虎之於子產仲謀之於公瑾不是過也閣下縱有抑鬱未伸之抱未可怨及少帥詩所謂不宜

有怒者也貴部若不渡黃北征終恐少帥動名滅損且銘軍久駐灘上終非了義尙盼內斷于心及早轉爾無任感盼公體書投袂而起馳抵東昌調齊舊部會同各軍追勦張逆於鹽山滄州德平疊次大捷賊向博平清平一帶圍撲運河適馬頰河黃水漫入河西北岸長牆築就公會郭提督松林軍圍賊徒駭黃運間縱橫合擊賊眾盡殪張逆挾數十騎走騎兵追至荏平南鎮張逆棄馬遯入高粱叢中赴水死生禽其姪張政江降賊四千西撚平晉一等男爵 詔暫

卷二一四二

主

駐張秋以資彈壓九年奉 命督辦陝甘軍務以部將唐定奎一軍駐寶雞左軍滕學義駐隴州右軍黃桂蘭駐鳳縣嗣因二麥登場宜防擾掠調隊駐防邊境搜勦北山回匪因久病未痊乞假回籍調理光緒六年奉 詔力疾至京條陳開造鑿路言時局日艱中國非速開鑿路萬不能自強蓋鑿道之利於漕務賑務商務礦務以及釐捐行旅者不可殫述而於用兵一道尤爲急不可緩之圖鑿路造成呼吸靈通聲勢聯絡裁兵節餉併成勁旅轉運槍礮軍火朝發夕

至十八省合爲一氣一兵可抵數兵之用將來兵權餉權盡在 朝廷不爲疆臣所牽制十年法人擾海疆公奉 旨督辦臺灣軍務閏五月丁卯抵基隆越七日法人來犯毀我礮臺公以臺灣無兵艦海面不可與爭鋒專誘之陸戰令其登岸而後迎擊六月公率四提督曹志忠章高元蘇得勝鄧長安與法人戰於基隆斬法酋三人法兵百餘人奪纛旗二洋鎗數十桿帳房十餘架法兵大敗追至海濱而還奏入有 詔嘉獎並奉 皇太后懿旨發內帑銀三千兩賞

卷二一四二

主

給戰士公又以滬尾離臺北府僅三十里離基隆八十里臺脆兵單恐後路稍有疏虞則基隆之兵不戰而潰於是朝戰勝而夕退軍入山後使法人聚于基隆則沿海各邊不致處處窺伺其形似弱而其策萬全不知者反議公公曰是惡知我之深謀也其後法人果三犯滬尾受創而去滬尾守將孫開華亦善戰公旣退回淡水則策應滬尾愈靈然礮臺旣毀全恃兵卒肉薄相當雖槍林礮雨中將士得公一言莫不視死如歸竟能斬將搴旗遏其狂逞相持八閱月而

孤島獨全其時馬江已挫匪利萬利華安三輪船皆不克濟師支持危局使華夷之民帖然非公將略之優曷克臻此十二月法人增兵犯月眉山拒戰五日敵兵皆著雨衣更番迭進我軍力薄無可更換將士忍飢冒雨目不交睫曹君志忠林君朝棟與各營官皆跣足督戰月眉山賴以保全明年春和議成罷兵公拜巡撫臺灣之命奏辦撫番事宜臺灣生番橫互南北七百餘里與民地交錯每年戕殺生命至千餘人匪盜藉番地以出沒聚眾搶劫土豪藉防番以

卷二十四上

西

斂費養勇抗官號令不能行賦稅不能清從前官斯土者相率苟安生番殺人坐視不問致南北四路聲氣不通公謂如人身血脈不貫注即百病叢生方今時事孔棘海上多故內患不除何以禦外侮且改設行省正欲闢土以分治緝暴以安良洵非撫番不可遂於十一年冬疏請開辦或檄將領分路勦撫或親督大隊入山先示以威後懷以德於是南中北三路及前後山各路之生番均於十五年春薙髮歸化送來番童於臺北府城中安置教養又辦清賦事於冬

十二月地畝丈竣舊額年共徵銀一十八萬三千三百兩有奇後正額溢出三十六萬三千三百兩有奇又興造鐵路以通南北臺防益固是年正月奉皇太后懿旨賞加太子少保銜十六年 皇上二旬慶典加兵部尚書銜旋乞病歸二十一年冬終于家遺疏入 朝廷軫惜追贈太子太保銜予諡壯肅准建專祠生平戰績宣付史館長孫朝仰 賞員外郎子副貢生盛芸 賞舉人附貢生盛芾以員外郎用盛芥辛卯舉人公性彊力多謀能斷部下將士精銳善

卷二十四上

五

戰紀律嚴明尤為准軍之冠然寇平曾文正公疏陳戰狀有云巨憝肅清餘氛盡掃定謀以李公為主論功以公為先蓋倒守運河諸策皆公所建也而又濼識時務條陳海防十事一各海口礮臺亟宜改建以重防守一洋面水師兵船宜次第籌辦以固海疆一長江太湖水師亟宜改制以收實用一福建船政局上海機器局宜加意整頓一請籌購大批槍礮以節經費而免欺朦一稽查軍械整頓礦務宜特設軍器局切實講理以專責成一新募勇隊宜加裁併參用

練軍以節餉需一嚴定賞罰以求將才一請設局譯
刻泰西各書引掖後進以造人材洋洋數千言切中
時事凡奏疏每自屬草用故事處空其格令幕僚填
寫之氣盛故言之短長均宜軍事之暇好圍碁揚州
有周小松者傳通國善弈嘗客公所初讓一子後苦
思無以過精妙入神如公之用兵又愛吟詠有大潛
山房詩稿曾文正公弁言謂極有性靈喜與文士倡
和頗能周卹寒素公以爲千金市駿馬之骨況吾遇
生者乎廐中有良駟公愛惜甚基隆之役法人開炸
礮所騎馬忽屈伏于地彈丸從頂上過得無傷回至
滬濱馬傷一足公以五百金療治云

卷二一四上

六

評曰劉公勇鷙有謀幾於漢中興吳子顏矣體魁桓
之質躋保傅之班美哉以功名終焉若夫經營臺壘
淡識遠慮隱然敵國乃無何而淪於異域豈公所及
料邪

中興將帥別傳卷二十四上

中興將帥別傳卷二十四下 長洲朱孔彰撰

郭武壯公松林

周剛敏公盛波

周武壯公盛傳

潘巡撫鼎新

張勇烈公樹珊

吳武壯公長慶

郭公松林字子美湖南湘潭人初爲木工入湘軍戰
湖北江西江南積功敘都司隸曾公國荃戲下同治

卷二十四下

一

元年李公鴻章募淮勇八千人赴上海曾文正公令
李公在湘軍中選健將公以湘軍之良教練淮勇從
李公與蘇州踞賊僞忠王李秀成僞慕王譚紹洸大
戰于滬西破賊眾數十萬三次肅清滬防與程公學
啟劉公銘傳齊名是時公已擢副將十二月公會攻
太倉常勝軍以炸礮擊城城裂軍士猛進渡浮橋橋
斷爲賊所乘死數百人公力禦之乃得收兵明年三
月克太倉公復敗苗涇支塘之賊四月會克崑山新
陽 詔加二品封典五月僞章王護王普王潮王侍

王自無錫城至江陰顧山連營聚賊出犯爲忠王李秀成已渡江至無錫合五僞王水陸數十萬翼援江陰竄常熟黃公翼升劉公銘傳謀宜乘賊未定擊之賊北自北溷南至張涇橋東自陳市西至長壽縱橫六七十里爲壘百數十咸馮河扼險毀橋梁汨礮船勢大熾於是劉公銘傳進北溷攻其左公進南溷攻其右周公盛波等進麥市橋爲中路黃公水師助之丙寅公敗賊陳市丁卯越南溷趨長涇賊大驚諸軍四面縱擊公持彭排揮刀盪決血染衣盡赤賊乃大

卷二十四下

二

潰追至祝塘劉公銘傳軍破北溷賊營三十二周公盛波等軍破麥市橋賊營二十三公破南溷賊營三十五共殺賊數萬禽僞王宗朝將以下百餘酋獲賊馬五百匹船三十艘僞印二百顆軍械無算自顧山以西賊盡論功擢總兵加提督銜七月克江陰詔交軍機處記名以提督簡放八月軍至緱山大破賊於新塘橋公揮刀斬黃衣賊數人刃及僞潮王肩幾就禽公亦受矛傷九月公敗賊梅卹麻塘橋十月復蘇州十一月克無錫賞頭品頂戴三年正月克

宜興荆溪敗賊于建渚毀賊十營二月收溧陽又解常熟圍授福山鎮總兵三月大破三河口賊營賊爭道六浮橋盡斷尸積河水不流四月拔常州五月克長興七月復湖州公功皆最敗賊走廣德徽州台江甯杭州賊竄江西由江西竄閩當是時閩兵少名將張運蘭林文察皆戰死省城岌岌李公鴻章令公將五千人航海援閩克漳州復漳浦雲霄詔安賊竄嘉應州遂破滅五年十月公督軍征撚破東撚於德安克應城雲夢復敗之皂河楊澤無何追撚曰口深入

卷三四下

三

中伏軍敗公傷足卧地不起曰吾死此矣眾不見公因回門乃負而出弟芳鈇戰死公假歸創愈復出李公鴻章昇萬人統之號武毅軍是時東撚走壽光公要擊於杞城大破之公與劉公銘傳盡棄輜重裹糧與撚相逐撚將沿海南走阻瀾河不能進牛喜子率白旗賊犯劉公軍賴汶光率藍旗賊犯公軍公與劉公縱擊軍士無不一當十撚大潰壽光民圩皆從壁上觀見官軍勝開圩助殺撚多死于瀾河浮尸二萬餘俘一萬餘人奪獲騾馬二萬匹僞烈王徐昌先僞

首王范汝增任柱兄任定皆伏誅賴汶光鳧水南奔
公疾馳六百里追至清江汶光爲揚州官軍所獲東
撚平於是諸將方請解兵歸農而西撚自宜川乘冰
橋渡黃河七年正月犯畿輔經官軍擊敗走安平公
又敗之納降數百人三月要擊于在平大破之五月
撚自陽信還奔海豐公與唐仁廉等擊敗之撚出甯
津吳橋間西南馳百五十里至德州左文襄自連鎮
親督軍追之與公馬步相繼撚不得喘息諸軍進剿
歷十六晝夜斬馘無算撚益不支六月公與潘公鼎

卷三十四下

四

新大破撚於沙河俘斬四千後諸軍圍撚于黃運徒
駭河之間公與劉公銘傳馬隊五六千縱橫要擊賊
黨解散張總愚赴水死西撚平 詔賞黃馬褂旋授
直隸古北口提督光緒三年卒於官 賜卹如例
詔建專祠 予諡武壯有妾某氏習禮明詩曉大義
公生時極寵愛之及死妾竟服鉛粉殉焉李公鴻章
爲請旌于 朝公爲人勇而多智能望塵以知敵數
故北方之戰多奇捷喜讀兵書陳說古今大義愛文
士當時劉公銘傳偁名將有詩名公亦知詩聲名與

瑋夥程君伯勇迎靄草堂筆記載公題黃鶴樓詩云
高聳江城百尺樓無邊光景望中收鄂雲來去千層
合湘水回環萬里流漫道文章堪報 國古來名將
幾封侯平苗不羨圖麟閣願壽萱堂八百秋是時李
公鴻章奉征黔苗之 命後以殘撚未盡還軍勦北
山以清左文襄討甘回之師後路公亦未赴黔然讀
公詩可以知公忠孝大節矣又公生日道州何編修
子貞言有聯句可相贈必索酬公乃以千金爲壽編
修書十字云古今雙子美前後兩汾陽時偁三絕

卷三十四下

五

周公盛波字海舲安徽合肥縣人咸豐初年偕同母
弟盛傳在籍辦團練以少擊眾屢殲悍賊保全其鄉
兄弟皆以勇聞同治元年李公鴻章募淮軍援上海
公以守備領兵從七月攻克青浦八月解北新涇之
圍擢游擊九月克嘉定賊眾環攻四江口營壘會諸
軍大破之二年二月克太倉進駐雙鳳鎮賊以崑山
攻急糾悍黨四萬餘眾來援公與鏖戰三晝夜賊敗
遞遂克崑山五月進軍大河鎮江陰無錫悍賊同時
來犯公要擊於萬水橋蹙賊壘百餘積功擢副將七

月攻江陰奪東門外三石壘援賊大至又敗之八月
遂克江陰擢總兵十一月克無錫屢破賊於芙蓉山
明年三月攻常州分兵擊楊舍又奪小南門外賊壘
三四月克常州 詔記名提督並 賞從一品封典
七月收復廣德追擊竄賊千餘里蘇浙江皖之交遂
無賊蹤四年撚匪由鄂竄皖李公鴻章與曾文正公
商以爲盛軍可恃調公渡江移劄五月調赴徐州
屬曾公適安徽巡撫英翰公在雒河集被重圍雒河
爲撚逆老巢凶焰方熾諸軍莫敢撻其鋒公晝夜疾

卷三四下

六

馳越宿州趨蒙城直擣西洋集大破賊於張莊王圩
撚賊遁走九月移駐歸德十月截擊甯陵竄匪大敗
之五年二月進勦山東之賊敗之鉅野追至武城荷
澤破方阜賊巢又往來游擊徐宿潁壽大破牛落紅
毫東追至扶溝鄆陵許州七月曾公調回周家口築
隄駐守分兵迭解柘城羅山之圍無何追賊入鄂轉
戰德安安陸黃州撚輓飄忽公日與馳逐賊嘗避盛
軍而逸六年李公鴻章接辦軍務公屬李公二月駐
防宿松顧皖省門戶三月復入鄂四月追至信陽州

獵賊山中生禽賊目汪老魁等五月入豫追擊直抵
東境之運河七月迎擊賴文洸賊眾於濟南泰安沂
州追入江境東撚平西撚驟至七年正月李公調公
軍北上二月追擊賊於臨清景州德州東昌大名三
月截擊於內黃乘勝至清豐南樂五月大破賊于毛
家莊乘夜追至楊丁莊槍斃張總愚之姪張三彪生
禽賊目李老懷六月遂會各軍滅賊在平 詔補授
甘肅涼州鎮總兵 賞穿黃馬褂加法福凌阿巴圖
魯於是軍事大定公乞假歸養弟盛傳接統軍事盛

卷三四下

七

傳字薪如咸豐三年偕兄盛華盛波集丁壯團練守
禦賊酋偽翼王石達開屢擾合肥西鄉公時率百數
十人旁出擊之輒勝以計禽偽監軍馬千祿等五年
安徽巡撫福濟嘉其功給六品軍牌兄盛華戰沒遂
與兄盛波分領各練誓必復讐六年賊酋陳玉成陳
得才等數十起先後分擾華子岡唐家岡董家岡公
與兄盛波以練丁二千隨方迎剿相持二三年戰功
多保把總十一年 欽差大臣袁甲三敘授壽州功
補千總同治元年李公鴻章募淮軍赴上海調公充

親兵哨官其秋克青浦援上海破偽慕王譚紹洸之
眾與兄盛波同功盛波擢游擊公擢守備戴藍翎克
嘉定進營江橋擊退四江口圍賊越河攻賊壘右脅
中鎗子傷冬十月兄盛波令公赴皖增募勇丁二年
二月回營以克嘉定及四江口戰功得 旨升游擊
留兩江補用無何克太倉崑山 賞勳勇巴圖魯克
江陰無錫禽偽湖王黃子澄父子保參將加副將銜
換花翎李公再上無錫戰功 詔記名總兵旋攻常
州右擊中礮子傷三月守賊潛出擾官軍後路公分

卷三四下

八

兵回擊殲其眾又督隊毀沿城石壘城賊堅守不下
公晝夜進攻礮石如雨頭面皆傷猶麾軍度石橋橋
因礮火壞卒圮公墜水中甄石交下編體皆血將校
扶掖至營氣絕而復蘇者再越數日裹創強起約諸
軍環攻之先登陷陳四月克常州捷聞 命以總兵
交軍機處先行題奏加提督銜六月李公以撫標親
兵千五百人改爲傳字三營屬公公始獨將一軍是
時兄盛波軍號盛軍劉公銘傳軍號銘軍公由溧陽
偕銘盛二軍進攻廣德州拔其城會撫匪大眾由鄂

竄英霍兩江總督曾文正公奉 命督師四年四月
檄公兄弟兩軍往討解雒河集團 詔以提督遇缺
簡放十月移防歸德五年二月疊敗賊于考城鉅野
城武荷澤四月移軍亳州 上嘉公兄弟苦戰各
賞上方珍物五月與兄盛波破牛落紅於亳州牛酋
中槍夜奔尋道死崩駐周家口築賈魯河長牆督隊
游擊公授廣西右江鎮總兵凡戰公兄盛波匹馬當
先公督隊於後以故士卒不敢回顧東伍嚴也六年
四月大破賊於信陽斬馘踰萬轉戰入山東蹙賊江

卷三四下

九

蘇海州界十二月東撚平明年西撚犯畿輔與兄盛
波屢破賊於直東之交遂平西撚換拉里巴圖魯名
號 賞穿黃馬褂兄盛波以親老乞終養盛字軍遂
歸公接統九年正月李公鴻章奉 命督師貴州檄
公從適回騎內犯全陝戒嚴 上改命李公督辦陝
西軍務調公隨征增募馬隊立盛字飛騎一軍五月
入潼關回逆懾先聲不敢東窺而北山潰勇土匪蔓
延綏德延安同州境公馳扼韓城澄城郃陽關上書
李公請乘賊未備冒署速攻六月偵賊在宜川山中

卽派隊分道進剿自督親軍連破賊於河兒川孔岩
寨賊瓦解乃分兵徧布宜洛鄜延數百里作遠勢兜
圍不使漏網先後擒匪酋馬意龍戴德勝等北山悉
平奉 旨交部優敘時李公移督直隸疏調公所部
屯衛 畿輔十年營於青縣馬厰十二年奉檄徧勘
海口情形公建議以故明之新城上蔽津郡旁臨大
沽北塘附近扼要害舊有土城已圯礮臺亦形逼仄不
可用請改築遂築內外城各一城內大礮臺三城上
環置小礮七十有一此外兵房藥庫倉廩義塾及城

卷三十四下

十一

外溝河橋閘惟備十三年九月工竣皆所部任其役
十二月得 旨交軍機處存記遇有提督缺出先行
簡放先是 上敕直隸總督李公興復京東水利李
公檄公任津沽屯田事公因新城之役往來津靜間
見海河溇汐一日兩至既由運河起節節較量高下
又測海步河南岸知其利確然可行而天津東南三
百餘里一片沮洳蕪廢可惜乃議先疏引河溝洫以
去積潦多設橋閘涵洞以資蓄洩仿前明汪應蛟葛
浩營田遺蹟條陳大略謂有三利五難洩南運盛漲

澹 畿南十數州縣蕩析之災利一海濱棄地數百
里若引甜滌鹹斥鹵可變膏腴利二川澮滄涇涇徑
曲折可限戎馬之足助海防利三其五難則以地本
斥鹵土更浮鬆河以多泥善淤民以矧見猜阻又北
省稻田屢興屢廢實因工大費多久難爲繼浮議因
之而興乞持定見專委任則功可成書上李公違其
議疏請公董其役光緒元年移屯天津新農鎮督將
士經營之二年調天津鎮總兵督工至六年開南運
減河自斬官屯抵大沽海口減河兩岸各開支河一

卷三十四下

十二

又濬橫河六溝滄川渠悉如法建大小橋閘五十餘
蓄洩有時又分別甜水鹹水不相滲溷成稻田六萬
餘畝濱河斥鹵地沾水利可墾者以億萬計八年補
湖高提督十年秋法越肇釁兄盛波復奉 詔自家
起募淮士五千人防津沽於是兄弟復同領軍十月
慈禧皇太后五旬萬壽嘉公兄弟一體有功以公母
栗氏年逾九十 賞御書扁額一方紫檀玉鑲如意
一柄他珍物稱是明年李公以命婦五世同堂奏再
賞御書扁額五月丁母憂盛波以總統前敵各軍

詔在營守制弟盛傳回籍治喪盛傳性至孝常刲股和藥療母病竟以毀卒 詔從優議卹建立專祠賜祭葬 予諡武壯武壯公盛傳卒後兄盛波獨統天津營光緒十二年醇親王出巡北洋校閱盛軍嘉其精整奏奉

懿旨交部優敘明年授湖南提督 朝廷雅重公不令之任仍統軍拱衛畿疆又明年從李公鴻章出海徧視旅順大連灣威海衛各口指畫形勝以備屯軍皆得其要十四年十月卒于軍 優詔賜卹立傳建

卷三十四下

十三

祠 予諡剛敏剛敏公爲將法令嚴整而善得士心兄弟六人其四死于王事惟與弟盛傳積功至專閫每念家難 國恩未嘗不感激流涕也撚匪平與弟盛傳言曰吾二人同乞歸不可弟在軍操練舊部備緩急之用以報 君父故剛敏家居養母十餘年同時名卿或勸復出堅辭不行及海上有事奉 詔徵投袂而起不遑卹私其深明大義如此剛敏公子家謙癸酉舉人內閣中書武壯公子家駒三品銜江蘇候補道

潘公鼎新字琴軒安徽廬江人少有經世之志讀書尤好兵家言家貧無聊與同邑劉公秉璋擔簦徒步入都劉公從公父璞讀書故兩人偕行曰吾儕當爭名於 朝也至都困窮不能入郡邸守邸導謁李侍御文安侍御李公鴻章父也時公爲廬江諸生更名入大興學中道光二十九年順天舉人明年禮部試挑取膳錄咨送 國史館承修大臣傳告成議敘得知縣咸豐七年出參安徽大營軍事以勞擢同知十一年大軍圍賊懷甯桐城甚急廬江踞賊往援公父

卷三十四下

十三

時督鄉團自後襲之戰廬江東門外軍敗被執至三河鎮罵賊死公乃號哭請於大府率鄉團及諸子姓疾攻三河鎮克之禽斬劇賊數百負父骸歸哭而誓曰不盡殺諸賊非人子也曾文正公督師安慶聞而壯之檄爲淮軍將同治元年以軍從李公鴻章援滬是時賊氛方盛日討士卒而申儆之與諸將策所以戰守兩月閒連克柘林奉賢川沙各廳城復受降南匯賊眾累功擢知府旋克金山衛破賊虹橋肅清浦東擢道員 賞戴花翎統領浦東防軍二年進攻福

山鎮血戰旬餘破丸掠頂過髮燎幾半亡左右十數人植立不動卒攻拔之並攻燬楓涇西塘鎮外賊壘解常昭之圍得旨授江蘇常鎮通海道又攻克浙江嘉善縣北賊壘十數復平湖乍浦海鹽三城海鹽逸普左元興自瓊城紆黨來犯迎擊敗之進復瓊城又敗嘉興海甯援賊破沈蕩鎮新豐鎮賊壘推鋒而進直逼嘉興府城三年會攻克之移軍吳樓南潯大小數十戰遂抵湖州時劇賊悉聚晟舍鎮鎮屬烏程爲府城屏蔽死守不下連攻兩晝夜槍子過脇下衣

卷三十四下

十四

皆洞穿稍藥置于前爲賊彈所然熱及旬公亟覆身而殺其敵乃免卒剗昇山九壘克其鎮逐北至八里店沿途賊屯望風潰乘勝奪三里橋徑逼城下羣賊奪入城城不得閉我軍奮勇從之遂克湖州先後上功加布政使銜給敢勇巴圖魯賞穿黃馬褂蘇浙既定李公鴻章以搃寇未滅不撤淮軍留爲緩急之用公乃駐軍松江益得以暇訓練士卒明年四月北搃果熾僧忠親王戰沒曹州畿輔震驚時北軍殘破南軍一時難集公毅然請行願提所部五千人航

海北上既至天津天子嘉之命移駐濟甯固直東門戶旋授山東按察使率軍巡徼遇賊豐縣陳家莊賊百倍於我直前鏖戰血肉相薄自辰至酉賊潰去躡擊之再接再厲轉戰豐沛魚臺定陶數百里間賊輒燹忽我軍與之追逐雖疲而奮初曹濟各屬圩民或餉賊官軍至反閉關絕市自暗公豐縣之戰始爭出迎迓莫敢與賊暗通五年曾文正調公爲游擊之師大破賊於鉅野進解鄆城圍躡擊于刁家河溝戰於潘溪渡逐北至柳條園蕭家亭邀擊鄆濮之交

卷三十四下

十五

又敗之嗣以搃勢已成流寇用圍制策築運河沿岸長牆旣竣又開黑風口淤河四百餘丈引泗水灌之以遏賊騎旋蹙賊道陵岡淹斃甚夥追戰西華太康復自雀橋裹糧躡擊于石領岡油坊岡逐北至高陽集斬賊目任黨一人是役也一日三戰所向皆摧然軍士亦極勞苦冒雨絕洪流忍饑轉戰糧弗繼烝瓜以噉杞縣各寨聞之以饑餓來獻軍中分食不得半飽於泥淖中息衣被盡濡其憊如此旣復築賈魯河隄牆及汴城黃河沿長牆二千餘丈旋擊賊汶上鄆

城荷澤曹縣東明或日一戰或一日數戰賊迫於窮
迫於曹縣糾悍黨萬人以死鬥營官潘鼎立等設伏
環擊賊大潰其夜悉遯出東境復追擊于杞遂北至
嘉祥卧龍山大戰魚臺西南幾獲賴酋明日戰城北
追至徐家店殲賊過半年授山東布政使修築新
河濰河等處長牆復於膠河沿岸增隄樹椿晝夜梭
巡以防賊逸賊數來犯諸軍協擊之不得逞俄東軍
偶懈賊遂偷渡急拔隊由昌邑濰縣追剿連戰皆捷
陳禽賊目黃得宜等旋遇賊海州之石榴橋捕戰至

卷三十四下

十六

坊山爭欲據之不可得賊迤趨山南我軍自北奪上
其顛下視賊五六萬五十餘里不絕較未過運河前
迴殊然我軍得勢益壯自上擊下賊雖眾不支連日
戰馬陵山卧虎寨賊如困獸猶死門悍首靡騎賊遠
張兩翼圍我於中公乃傳令爲圍陳跪伏持槍外擊
而翼以長矛酣戰半日瀕危者數賊卒不能撼氣浸
衰我軍疾起大呼排牆直進賊出不意遂驚潰我軍
傷亡三百餘人賊死十倍自與撚戰惟此最惡公騎
掠陳時鞍及障泥爲賊矛穿數處歸視始覺自循其

體已血漬重襟又連戰郟城西獲賊目楊天燕陳金
福斬級千及之海州大戰上莊賊潰敗不復能陳日
受降數十百人復遮擊日照東北收降悍酋李宗世
王占鼇張向春趙林高等賴汶光與十餘騎走死揚
州東撚平 詔賞頭品頂戴無何西撚張總愚突乘
冰渡河竄近 畿甸而淮軍諸將久役疲勞率請假
歸里李公鴻章在徐夜以單騎冒雨至營咨所以入
衛公又毅然請行七年率所部自汶上舊縣東阿由
華口乘夜渡河冰雪載途略無停趾抵饒陽偵知有

卷三十四下

十七

賊激厲士卒襲之城東門賊驚敗追至張保賊向深
州祁州竄去圍擾保定且犯易州議以 陵寢所在
保護不容緩簡精銳兼程自開道出賊前逆擊敗之
因駐軍省城西北以衛近畿卽滿城西山各口伐木
爲城嚴設守備賊再來攻再破之遂東竄天津圖犯
海河急拔隊星夜躡追過其南走大膊於滑縣李邨
賊潰嗣於濬縣大橋及五龍口並大名之龍王廟水
淺處拚死搶渡均擊卻之旋戰高唐虞家邨戰土橋
戰吳橋賊皆敗走乃西犯運河追逐至東光南皮而

東軍被圍於捷地其將飛騎請援即由滄州回擊戰竟日賊始大潰因令降人招其黨來者日數十百人遂於捷地特開減河截運河水灌之仍以圍制之法築東昌張秋一帶長牆濬呂橋淤河賊屢犯于家莊鳳皇店又擊走之減河防局既固畿輔門戶以之益嚴旋戰胡家集又大戰德平高家屯賊尸橫遍野生禽數百逐北至信陽賈家寨乘夜襲擊至馬店令步隊分起潛伏賊果少我軍悉力回犯伏兵突出槍礮如震霆賊眾大潰殪賊目張三老鳳途棄輜重無

卷三四下

六

算疾追四十里士馬並饑疲就樹林暫息賊忽反門將劫馬匹我軍奮張兩翼夾攻之陳禽長髮老賊百餘礮斃賊目張童兒餘賊奪路狂奔僅二三千騎且悍目略盡遇戰即敗遇招即降至商河官軍圍蹙之逆首張總愚赴水死西撚平 詔賞雲騎尉世職公請開山東布政使缺歸葬父九年丁母憂至十三年復奉 旨授雲南布政使光緒二年擢巡撫明年乞病歸五年因俄羅斯啟釁 上召見公曰爾辦事向來忠勇 朝廷久已知之乃令公往天津隨李公治

軍七年伊犁議定罷海防公復乞歸九年 詔復起公署湖南巡撫明年法人爭越南移廣西巡撫其冬法糾合教匪麻那二萬餘人自船頭攻堅卒時援軍未至公以孤軍挂強敵晝夜血戰十一年正月楊總兵王科守鎮南關戰沒其勢岌岌公自督軍扼海邨海邨龍州要隘背負大河令徹舟梁示必死乃懸重賞募死士復進二月各援軍至復鎮南關語具馮宮保語中公先以失關褫職復關公猶在軍也後受代歸家居傷病作十四年奉

卷三四上

九

懿旨賞還原銜五月卒子六承受舉人即選道承芳二品蔭生承顯承章承夔承年 張公樹珊字海柯安徽合肥人也少讀書通大義因感世變習騎射不復事章句咸豐八年秋與鄉人倡築堡寨而劉公銘傳周公盛波盛傳兄弟潘公鼎新董公鳳高見公制賊有方相繼築堡聯為一氣時洪逆方張苗搥繼煽皖北幾無乾淨土獨合肥西鄉不充偽官保全無恙公之力也一赴壽春之急再解六安之圍疊克來安無為潛山太湖霍山三河諸城隘

公常爲軍鋒積功保至守備同治元年從李公鴻章援上海與兄樹聲同領一軍兩次苦戰破賊新涇保都司游擊賊再犯黃渡公急擊破之又解四江口之圍擢參將加捍勇巴圖魯二年克福山擢副將克江陰擢總兵八月進攻無錫破賊三里街又敗賊鴻山克無錫金匱 詔記名提督福山之役師由輪船載渡甫登岸而賊眾奄至前軍被圍公倚坡結陳大呼馳下直擣中堅拔出被圍諸將身受數創既克回營就震袖中乾血片片墮地當苦戰時負痛而不自知

卷三十四下

三十一

也江蘇平 詔授廣西右江鎮總兵四年從曾文正公北征屢破撚賊豫鄂之交五年春夏分防周家口紀律嚴明商民感戴冬十二月追撚至湖北德安新家關與提督周盛波軍相隔二十里中伏被圍而殞年四十有一曾公李公具疏旌獎 詔視提督例賜卹予諡勇烈周家口及德安皆建專祠子雲遠雲翔公生平淡於榮利遇大捷他將攘臂論功公則默無一語治軍秋豪無犯士卒未食不先食未飲不先飲有疾者雖廝養必親診治曾公稱其仁愛惻怛出

於篤誠故人樂爲之用沒後所部守公遺法從平撚匪凱撤後猶人人痛思公不置云

吳公長慶字筱軒安徽廬江人也同治元年以守備從李公鴻章援江蘇駐軍滬上五月僞忠王李秀成僞聽王陳炳文僞納王郅雲官糾數十萬眾犯泗涇逼上海圍程公學啟營李公自督師赴援公爲前鋒與副將滕嗣林參將張遇春大破賊於新橋程公瞭見旂幟開壁門出夾擊斬級三千餘滬防肅清保游擊領一營駐金山衛屢卻賊後李公令回皖增募新

卷三十四下

三十二

軍同知張樹聲募樹字五營公募慶字五營募未齊僅得二千人而僞忠王適犯江北由浦口直趨廬州曾文正公留樹字營守無爲慶字營守廬江賊來犯敗之李秀成既遁走皖北平二年春始回上海其秋從劉公秉璋大破賊於嘉善東擢副將明年二月克嘉興晉記名總兵 賞力勇巴圖魯後從劉公銘傳討撚匪有功補直隸總兵事平調爲江南防軍駐浦口光緒初直隸總督李公鴻章調防旅順 詔授廣東水師提督八年夏朝鮮亂黨圍攻日本使館並及

王宮公率師三千東援先日本兵到韓城偵知亂黨
在枉尋利泰二里七月十六日公督軍往禽亂黨一
百七十餘人而事定執李昱應送天津呈應國王李
熙之父實爲亂階十七日倭提督花房輕騎繞王宮
覘我軍動靜公部勒嚴整日人不敢校朝鮮與日本
和議遂成償日本五十萬元公因奏明留三營保護
紀律嚴明韓人德之十年春病卒年五十有一 朝
廷軫惜從優 賜卹予諡武壯進于嘉興府建專祠
子保德保初公初以朝鮮政敝民窮兵單地要屢言

卷三十四下

三三

于李公鴻章爲練兵備患李公不甚措意以爲越國
與謀甚非易事又乏將才委任故公歿即撤駐韓之
兵回國韓之君相思公遺愛爲立廟王城至今頌之
公喜讀漢書愛文士常思沒世而名不稱曾文正謂
有儒將之風若天假以年其功業甯有限量哉至光
緒二十年朝鮮果有日人之變論者謂得公赴援當
不使強鄰日逼辱國若斯詩云人之云亡心之憂矣
其斯之謂歟或曰公在營能散財以勵將士淮軍之
平江南山東諸將多擁厚資惟公蕭然如故卒時二

子幼部曲集萬金以贍其家云

評曰淮軍初起立功有以哉諸公心存忠孝故能不
負 君父其後猶將凋謝暮氣乘之乃望風敗北非
士之不能用也將無能也平壤遼東威海之役豈果
無補醫哉

卷三十四下

三三

中興將帥別傳卷二十五上

長洲朱孔彰撰

田太僕別傳 張建康

田君玉梅字鼎臣湖南龍山人少跳躑不羈從塾師

受章句意弗耐也則去之距所居十餘里有巖洞幽

險絕人迹君獨居三年日誦陰符遁甲諸書鬼物蛇

虎無擾及出與人言率恢奇混澆人莫測所以也年

二十走京師與人言星象謂天下且苦兵坐妖言陷

刑部獄君笑曰我豈妄哉踰年當見信矣既而果得

釋咸豐三年走江南大營以策干提督向公榮會江

卷二十五上

一

甯廩生張炳垣上書向帥約內應請選膽壯者十人

監其事向帥得八人令君領之君夙與炳垣善變服

夜入城與謀炳垣為通款數十人皆允諾及期君乘

閒登城斬賊首擲城外而官兵負約無至者謀泄賊

殺炳垣君伏水竇中五日夜得脫將出城猶襲殺偽

官五人門者十餘人凡三出入無知者軍中以此

奇君君既恥其言不售復脫身北走投效河南時賊

踞正陽關官軍屢攻不下君率川楚軍協勦夜領壯

士八人緣埤堦上會風雨大作君與八人者大呼擲

火毬賊督不辨多寡大驚潰官軍躑之遂克正陽關

擢知縣加五品銜 賞藍翎七年從 欽差大臣勝

保勦撫寇當是時固始被圍久內外隔絕君領偏師

援之至則屯大隊於後而自帥精騎數十衝入城復

還城中賊騎益之突出蹂賊當者盡靡而大隊自後

夾攻之賊腹背受敵大敗奔圍解 詔加運同銜

賞換花翎 賜號卓勇巴圖魯尋補太康知縣晉同

知直隸州十年秋泰西人犯天津京師戒嚴 上北

狩木蘭君上書大府請濟師勤王大府以為狂三檄

卷二一五二

二

止之君投檄抵地罵曰犬馬知衛主烏有食君父之

祿不急其難者乃自帥所部行至汝陽沙官橋為撻

匪所阻眾有難色君素輕撻匪又北行急乃忼慨誓

師曰吾屬勤王方冀立奇功何遽為螻賊所閱乃大

呼直前搗賊賊敗追奔三十餘里援軍不相屬從者

裁十餘騎賊瞰君勢孤乃反鬪圍君數日君手弓左

右持刀且戰且射自昧旦至日昃手殺傷數十人賊

卒不退圍益急後軍阻賊不得前君馬中流矢將踣

回顧從者僅存一跛卒乃棄刀下馬拔所佩劍徒步

決盪卒呼曰賊壘在北公北行圍益厚不可出必南
行吾後軍幸至或得脫乃轉戰而南時已薄暮賊恐
失君以火鎗叢擊之洞胸而死良久賊篝火求其
屍得之將斷其首屍起突撞持刀賊仆地死賊駭奔
驚以爲神立即移屯去時八月六日也年三十二後
軍至斂其屍歸葬龍山跋卒佯死伏草中得免具述
君死狀事 聞得 旨優卹如典禮 贈太僕寺卿
賜祭葬 予雲騎尉世職 敕汝甯建專祠君饒
血性急人之難忘其軀誓不相背負在江甯有陸某

卷二十五上

三

陷賊中君潛入城遍覓得之攜以出或詢賊中事語
及張炳垣輒嗚咽流涕云

張炳垣名繼庚江甯府學廩生少儻有志節家貧
游幕湖湘閒咸豐二年賊犯長沙從湖南布政使潘
公鐸縋城入守八十餘日圍始解潘公欲上其功力
辭之策賊必東竄亟歸省母江甯布政使祁文節公
奇君才延入幕主籌防事君慮兵不足請增募壯勇
舉文生李翼棠統之又以友人王金洛知兵薦與共
事三年春九江兵潰賊逼省垣君募南城外春耆得

敢死士千餘人與賊戰賊將敗而城上官兵誤放礮
擊散二月十日賊攻儀鳳門地雷發蟻附登城君與
翼棠及其從弟繼辛文生侯敦詩武生許長青王仲
德輩率所募勇三百人在缺口拒戰賊卻而他股賊
由南門西門入城遂陷君赴屋後池水不沈旋爲賊
挾充書算自念死志已決欲將有所爲乃以老母隱
託戚友變姓名爲葉知發陽與賊暱盡得其虛實後
向軍至遂用間結賊爲內應遣人上書大營謂水西
門賊所不備有船可度太平門近鍾山由山越城易

卷二十五上

四

爲力近臺城之後湖有賊捕魚船可渡師緣城其近
城賊營渠魁皆受約束時向帥主持重師不遽進至
七上書皆參差無成君志益堅一日謂同志曰機之
屢敗門實阻之吾終欲斬關以迎王師非死士不可
聞門東周某有壯士二百餘徒步往見激以忠義咸
曰諾約得斬關者四十八人以張鴉頭爲冠馳報大
營向帥令田君玉梅領壯士八人易鄉人服入城文
生柳之麒導之屆期歃血凡五十七人時咸豐四年
二月二十二夜也日向暮羣集偽柴薪衙先探神策

門狀見匠人斲木問何爲答城闕內將樹柵猶意一夕未必成夜四鼓眾持械疾行過百子亭一賊雖如廁出眾曰彼見我矣急斫之雖仆眾趨至門柵竟成環以巨鍊又加鎖焉柵內賊當門臥眾其登城大呼曰官軍至矣監礮賊出問何在曰在是斫之仆再斫再仆凡六人城左右賊無一敢出乃下城窮力拔柵柵堅不啟擲火入中空不然臥賊起抽矛透柵而刺賊號角聲嗚嗚五十七人者斬柵卒不破城內賊大至勢無如何乃潛遁賊渠以城未破而賊被殺知有

卷二十一上

五

內應閉城大索先是與賊酋張沛澤同謀張後悔途遇君曰此葉知發也遂被執城中有獸醫沈某亦識張鴉頭賊禽窮詰不得主名益榜掠君楚毒備至自脛以下皆骨指寸寸斷君知旦夕且死憤賊連誅欲剪其心腹乃以計使賊殺沛澤又見前廬州府知府胡元煒爲僞官方訊是獄乃躍起大言曰事已不成徒苦何益若官江南知江南士民固孱弱非楚粵老兄弟誰敢爲內應事者胡令指實君佯曰我憊甚不能盡記憶得爾官冊則可一一指僞詔書銜斬不發

冊胡曰姑就所憶者先言之君以三十四人對賊駢戮之賊旋覺中君計乃速殺君君臨危陽陽如平時有自圍城出者傳其斷句拔不出眼中缺嘔不盡心中血吁嗟窮途窮空抱烈士烈殺賊苦無權罵賊猶有舌時咸豐四年三月初六日也事聞 贈國子監典籍銜建專祠蔭子雲騎尉

評曰平江李次青先生有言田君天下奇男子也其蹤蹟奇詭及死事之烈周孝侯曷足加哉余錄張君事觀其在江甯約內應差似漢酈生凡七上向帥書

卷二十一上

六

而奇功不就益壯其事悲其志云

中興將帥別傳卷二十五中 長洲朱孔彰撰

陳巡撫士杰 魏俞義

黃忠壯公潤昌 羅萱 李榕

陳公士杰字雋丞湖南桂陽州人也以道光己酉科拔貢生 廷試一等第一用七品小京官分戶部敝車羸馬不喜造請時閻文介在曹司以慙樸稱同僚或迂憚之一見相契若平生歡曾文正於朝考讀卷時相知賞又同鄉先達以鑒裁自許傾懷延接未嘗輕詣也常宴門生酒罷投壺惟公與合肥李總督立

卷二十五中

一

三馬及後並膺疆寄傳以為驗咸豐元年丁父憂貧不能歸文正躬為辦裝縣衣車簾悉取為贈既而語臨武鄜主事曰雋丞外樸內朗幹濟才也二年文正亦以憂歸被 詔助巡撫治團練防巨寇是時廣西亂民已出嶺圍長沙陷武昌安慶江甯建偽號所在土寇盞起桂陽土寇李明先聚眾應之別稱洪順元年一方惟援州生員劉占元夜造廬問計將安出公辭以居喪不言事占元曰即亂成能持喪邪謝曰年少望淺鄉里難用官法令不行諸公更議之諸公曰

莫如陳君乃相約請悉聽進止因集團丁得百餘人策曰賊勢大不虞我之敢取之也及其眾未集可即掩捕之眾如言夜徑入山寺明先與徒黨十數人居束手就禽送官訊斬之未幾白水洞姦民李觀龍聚黨千餘陷永桂廳城新田知縣任璞手書乞援眾議宜自保公曰援新田乃所以自保也即躬率兩團出境赴之道遇寇俘斬數百人餘眾破散文正治軍衡州聞公知兵手書招之任以謀議與用舍人才鮑忠壯為別校坐誣告營官論斬縛帳前顏色不撓入見

卷二十五中

二

力請釋之左文襄與俱出文襄問鮑曰今救汝他日知報否鮑仰天自誓公獨引退恐鮑見其不市德自表襮類此三年從文正軍下湘援湖北而湖南巡撫先遣王壯武出岳州至蒲圻遇寇敗退曾軍新集營岳州城外寇乘勝追奔將士力戰不能支遂水陸退走壯武自以違文正誠致敗恥與俱退獨入空城死守文正憤懣將佐莫敢為言公獨進曰岳州薪米俱絕明日必潰宜遣救璞山璞山者壯武字也文正慍不應公自以建議為公不宜逢毅色退臥頃之自計

曰爲千人請命，奈何？計小禮數，復入請曰：「璞山軍宜往救，意色愈和，文正方環走，遽停步曰：「救之如何？吾頃遣偵之，城中無人，但外有燎火，卽召偵者，兩人質之，公詰之曰：「若等畏賊，不敢往，若城中人出寸斬汝矣。兩人具伏虛誑。文正因問計，公言賊無戰船，宜遣水師三版，傍岸舉礮爲聲，援壯武因得縋城走出，免者九百餘人。其後平浙，克新疆，大將皆在其中。壯武後爲名將，號無敵，數同壁壘，意以爲桂勇倚己，乃能戰有自功之色。公未嘗與言前事也。岳州旣敗，還屯

卷二十五中

三

長沙寇遂略湘陰，陸走甯鄉，水斷靖港，上陷湘潭，踞之，巡撫閉城，以曾軍當敵。文正遣陸軍攻寇甯鄉營，官儲忠壯戰死，寇少卻，已而復至，塔忠武救之，別將周鳳山、桂崇陽、通城未得還。文正獨與水師十營居湘川中流，上距湘潭九十里，下距靖港六十里，春水盛漲，時多北風，寇上下皆瞬息可至，呼吸不自保，幙府無所爲計。公私謂王生闔運曰：「今獨可悉兵援湘潭，卽不利，猶得保衡，永圖再舉，若不顧根本，但圖進取，一敗俱死矣。」王生曰：「如此，君何無一言？」公曰：「欽

差自以無守土責，又本奉 詔赴鄂，伺便欲出，今還湘潭，有退避之形，其實爲巡撫驅除軍中，皆不以爲利。吾不能犯顏強爭，子宜入說之。王生具言其計。文正招公使盡其說，卽大悟，飛檄塔忠武旋師救湘潭。公又約楊勇、蔡彭剛直俱陳上攻之，便卽日六營先發，明日親將四營繼之。其夜，文正更用長沙人士計分兩道，大軍攻上游，自將攻下游。已而上游水陸大捷，寇自稱兵以來，屢抗大軍，無搏戰之事，短兵相接，自湘潭始。我軍自此始知戰事，不以礮爲生死，而名

卷二一五口

四

將騰起，克平巨寇，雖有天幸，公本謀也。當文正往攻靖港時，諫不聽，請從不許，及敗還，而湘潭捷書未至，文正獨居，憤憤欲自殺者數矣。寬解譬慰，情誼益切。其後論功以湘潭大捷，由公建策， 詔以主事用，仍留本部，無何以省親，歸復出佐糧臺。五年，永桂土寇起，公在漢口聞亂，單舸泝江歸省，自此不復遠游。專治團練，綏輯鄰鄰，永郴胥恃以安。夏運州土寇何祿、陳金剛等結連嶺南，北姦民號十萬，縣互數百里，陷郴州，北踞耒陽，西連嘉禾，藍山公旦夕蒐治鄉兵，分

爲七團自率一團攻賊杏邨橋敗之與王壯武合軍連戰斬偽副帥陳材遂復郴州城又捕斬李石保于郴之吳山石保州土寇故在北鄉瞰我動靜爲賊耳目有眾千餘與何祿相首尾祿破石保擁眾東走自是無敢應亂者乃以團丁七百人城守而自將三百人屯城外以防郴寇頃之郴寇果夜至外內軍合勢擊之賊東西散走遂棄郴踰領團丁復邀之州南正和墟大敗之巡撫奏功擢本部員外郎 賞花翎委以南防聽截留州地丁正銀充團餉人支錢月三千

卷二十五中

五

六百始立營號爲廣武軍自甲寅至甲子十年之間永郴桂陽邊地千里風塵之警唯泗洲峇廣武軍當其憂危而以扞邊石達開爲奇功石達開者僞翼王能合眾約束凶黨所過不擾胡文忠撫湖北左文襄佐駱文忠治兵接江西每遣將禦石逆則騰書相誇九年春達開擁眾由江西循嶺西走諸軍望風奔避賊眾號百萬分七部前後相繼結陳徐行人馬七晝夜不絕每行不由腹裏驛道必行兩省及兩縣界上漫山絕澗或踐稻田田泥水立澗成平地自贛過郴

遂至桂陽州穿城北走廣武軍二營在州北屯花園峇花園三面環水一面平田萬頃前有橋跨鍾水曰斗下渡渡南兩山通一徑遣一裨將將百人扼橋賊夜至不意橋北有兵即止不前後來者欲退則隘塞欲旁繞皆絕厓無路止須天明守橋將初不知賊眾寡但以大營在後不敢退揚旗吹角相持自雞鳴及午公自出督戰士眾飽食分列橋北兩山聞鳴鼓發礮相聲援賊前突陳將及橋小槍排擊發必命中賊發礮憑高不能傷我發小槍則皆伏橋下避之於是

卷二十五中

六

飢疲返走緣山追擊躡踐墜死遺棄槍礮旗械互數十里賊西走新田復還東圍寶慶論者以達開若得渡橋由常甯向衡州長沙空虛必不可守而賊糧益多東南兵事殆不可問使他將屯橋堡聞州城破先已移營矣使公將客兵亦未能閒定如此一過巨寇無蹠血之功徒薪無恩不其然乎初公年十四五自鄉塾還家道經花園登望形勢忽然有用兵之算及戰罷始憶幼時恍然若夢常舉以告人曰一戰之兆見于二十年之前莫非天也後以援藍山江華甯遠

功 詔以道員候選曾文正以公沈機有謀奏薦
特簡授江蘇按察使將所部四千入援蘇松時石達
開黨部往來榔永因爲書謝文正以防遏上游爲己
任前後拒卻巨寇何名彪李復猷羅亞誨皆以少擊
眾降其脅從同治二年廣東盜悉平榔桂解嚴乃往
安慶謁曾文正至則欲奏署江甯藩司謝曰奉母命
省公非求官也四年論防勦功加布政使銜江南大
定而靈營降寇復叛自湖北金口趨江西袁入湖
南醴陵安仁走郴州靈營善戰有名行數千里無與

卷二十五中

七

逆戰者公統榔桂列營要擊于桂陽縣大破之復降
者數千餘眾奔散十年母喪十三年服除入京 授
山東按察使光緒元年到官平反大獄未幾遷福建
布政使未行言官劾山東巡撫兩司年節餽遺並降
級調用公未被劾 朝廷以事同一律並罷公官會
閩浙總督以臺灣軍務奏調 詔發往署福建按察
使光緒六年擢布政使明年巡撫浙江又明年巡海
口增築鎮海笠山港口礮臺及定海乍浦礮臺護以
長隄其後法夷船至鎮海官軍擊破其舟悉所建礮

臺也八年移山東巡撫十二年四月從海軍五大臣
閱伍煙臺五月有 詔來京另候簡用旋請假修墓
遂還桂陽十八年卒年六十有九十子兆葵入翰林
兆璜等均服官孫曾內外百數公恂恂雅儒語人若
恐傷性嚴毅而無疾言遠色以鑒別自許甄拔同州
人若魏兵備喻義曹進士宏欽妻弟顏錫蕃甥夏崑
並有時名熊罷嶺之役報者以爲廣武軍敗而廣武
軍實未敗公未嘗自辨左文襄歎服以爲不可及曰
倚丞大器也以能兵傅之淺矣其後巡撫山東沿海

卷二十五中

八

設防戾副憲大澂會辦北洋防務至登州煙臺見廣
武軍壁壘頗采其法增損爲營屯之式奏請頒行各
海口云
魏君喻義字質卿桂陽州人咸豐末從陳公士杰戰
榔永間統質字營五百人數有功保縣丞及左文襄
率師東征奏調君與湖南巡撫幕賓郭意城書曰魏
君樸榦之士其殺鄧南金雖太草草然鄧吞蝕軍餉
死有餘辜若因此而罪喻義是毀寶刀而償屠狗之
益也君事遂解同治元年從左公破賊衢州秋八月

移屯淳安與王公文瑞遂安軍相倚無何徽州急文
瑞回援淳安軍孤危賊以龍游湯溪官軍盛悉力拒
之未來攻屯君得稍稍移軍至銅關去嚴州六十里
嚴州城隔水西山奇險臨漸江山中饒良田民居寇
至結屯相保其魁曰林三頻拒戰寇誓之因自結於
官軍謀報相望王女者江山船船總也江山船例以
婦人應官役雖嫁生子猶自名為女王女主嚴州水
繇寇至亦役之其船往來無譏禁苦寇徵求又知其
虛楊欲引官軍十一月至銅關報寇怒林三奪其米

卷二十五中

九

舟期明夜襲西山城空可破請具舟濟師林三亦請
援軍士爭奮願往乃報如約於是王女迎官軍船至
數十君選千人自將以往午夜薄嚴州城城上柝聲
斷續不設燎火殊無戰備君令勇士梯西門以登殺
柝者而代之遂斬門鑰納軍軍入而謹寇驚出搏戰
守城者皆下短兵相斫然倉皇無門志少頃潰走其
攻西山者以有備不能克疾還城下聞官軍已入闕
然大奔遂復嚴州捷書聞諸將皆驚愕傳曰乘虛蹈
瑕此之謂也君後從左公蹠血新城拔富陽收杭州

官至溫處兵備道

黃公潤昌字邵坤湘潭人母胡氏夢虎鬻左臂而生
弱冠補縣學生旋食餼咸豐初曾公國荃識公稠人
中九年春函召赴皖營至則曾公已南還無所依寓
太湖藥局久之疾作賃僕竊裝逃因甚侍衛吳德水
見之招入營就醫禮部主事李君榕時充 欽差大
臣曾公營務處偶見公與語大悅延入幕明年正月
從克潛山太湖敘訓導四月曾公貞幹辟充營務處
屯集賢關以固餉道截援賊時安慶久不下公偵知

卷二十五中

一

桐城人程學啟陷賊中爲僞先鋒素驍悍思招致之
每獲奸細必詳訊盡得賊中情僞輒貸其死使往相
勾結三反學啟果投誠公大喜與同臥起或疑之公
以百口保其無他其後佐李公鴻章力攻蘇常各郡
肅清吳會官提督死王事本公招降力也十一年隨
諸軍敗賊菱湖赤岡嶺八月克安慶擢知縣時皖南
三山賊窟聚曾公意主撫而難其人以屬公公伉爽
而任事有口辨單騎入賊巢諭以歸命賊皆感動會
大冰雪苦凍飢公推食賑之於是降者數萬人明年

奉檄遴其精銳立爲坤字前後等營自將之并立恭
字平字猛字諸營隨湘恒營攻克繁昌以功晉同知
直隸州 賞戴花翎又從克南陵太平蕪湖及魯港
金柱關東梁山諸要隘 詔擢知府加道銜五月進
規江甯扼駐三汊河護饗道賊不時來犯戰無虛日
九月兩花臺援賊悉銳圍攻四十六晝夜公躬冒矢
石力禦之圍解 賞四品封典同治二年從克兩花
臺九洲洲遷守廵道留浙補用三年從克天保地保
兩偽城六月墜從克江甯是夕漏四下賊千餘假官

卷二十五中

十一

軍號衣自太平門突出公與湘後等營截擊盡殲之
有 旨記名以按察使用加布政使銜 賜號勳勇
巴圖魯明年省親回湘六年湖南會匪蠢動廵撫劉
公崑檄充營務處募定中四營於省城備征調七年
十一月疏調入黔與記名布政使席君寶田會剿十
二月抵清溪度歲清溪固鄧公子垣壁軍所也方苦
飢公分糧饗之遂請設水師扼賊運道並募嚮導二
營爲大舉進攻計八年正月分兵擣文德關及焦溪
羊毛坪進克兩路口移駐之遂克鎮遠自是湧溪鴉

溪田甯文德關及茶園鎮賢關鼓樓坪檀頭哨翁貢
等巢皆下先是楚軍援黔已將銅仁遵義石阡思南
思州五郡教匪剿平惟南路清江台拱及中路施秉
黃平從東西兩面夾攻而席君壁寨頭從北路逼賊
乃可制逆苗之命然所部單未敢輕入也營務處羅
君萱乃與鄧公同詣寨頭商諸席君席遣提督榮君
維善帥十三營赴之榮君素因糧於敵不攜鍋帳公
令所部出次劉家莊空其壘館之明日進攻望城坡
諸葛洞壘哨等寨皆下三月復施秉明日破白洗老

卷二十五中

十二

巢遂進攻大貧谷籠獲牛二千餘頭公爲招撫示十
二則繫牛角驅而散之於是投誠者二千有奇皆獲
髮示不復反遂乘勝長驅冀達黃平二十一日次小
貧谷籠漏四下榮軍先過黃飄山鄧公及公軍繼之
賊設伏俟榮軍過斷山口木石交下鎗礮子如雨公
揮軍進路狹不能成列鄧公中礮死之或勸公退公
曰星階因我出師星階死吾何以生爲遂與羅君暨
總兵彭永清凌子龍參將洪亮皆戰死時人以黃飄
山觸公忌蓋有彭亡之兆云年二十有九得 旨照

巡撫例 賜卹 賞騎都尉兼一雲騎尉世職本藉
及死事地方 勅建專祠 予諡忠壯公資識高邁
志趣異常人人多目笑之治軍嚴而有恩將弁殉陳
必哭奠而歸其喪屍不獲則罪其隊長所過無纖毫
擾黔楚民皆德之工詩及行草書著有黃茅山集
羅君萱字伯宜湘潭人父汝懷道光丁酉拔貢芷江
學訓導候選內閣中書以學行聞于時著有湖南衰
忠錄君生有夙慧工詩文書法能傳其父學爲諸生
屢列優等賀督部長齡鄧廣文顯鶴沈大令道寬咸

卷二十五中

七

器異之咸豐四年曾文正率水師東下辟君掌書記
貽書云今專足走省敬迓文旆望即日戒途惠然過
臻無爲曲禮臆說所誤蟾蜍鱗沙而不行於菟騰風
而萬里士各有志不相及也千萬千萬仞切禱切其
推重如此從克武漢田家鎮抵九江水師失利君與
同舟三四人僅以身免明年文正入南昌重整水師
進屯南康視陸軍于湖口弔塔忠武于潯陽君皆策
騎相從文正每口占書疏君輒操筆寫或寇警驟逼
勢危甚君甘心同命又時時調護諸將俾各當其意

以去六年僞翼王石達開入江西陷瑞臨袁吉撫建
諸郡會城孤懸君從文正赴南昌達開稍引去文正
檄君領江軍三千人攻建昌垂克矣忽援賊大至都
司黃虎臣戰死城弗下文正檄君會攻撫州甫至會
曾愨烈國華劉武烈騰鴻等自鄂援江攻瑞州文正
乃檄君自撫州赴瑞合攻既至賊屢搦戰屢敗之又
擊走靖安奉新守隘賊當是時城賊數萬九江賊復
率萬眾來援軍心未固君與劉武烈諸公堅築壘嚴
陳待之入戰皆捷會文正視師瑞州君以久役乞假

卷二十五中

七

歸湘中未幾巡撫駱公檄君治湘潭團練劉總兵培
元招君至衢州與謀軍事君稍規大計皆不肯久留
亦自以文士不欲竟棄科舉屢應行省試卒不遇同
治元年省文正於安慶又省其從兄記名提督羅逢
元於當塗亦不欲久居歸益肆力於學二年郭公嵩
燾撫廣東招君至粵屬以勅立水師君又謝歸尋偕
劉太守德謙領威信軍防郴會霆軍叛勇潰入粵君
遂進屯樂昌當事才君命增募威震軍居頃之賊平
凱撤歸自是君亦倦游不復措意兵事矣七年冬同

縣黃忠壯潤昌奉檄援黔邀君共事君爲綜文案兼理營務處每晝出領隊夜歸則削牘黃公性邁往不避險艱殘臘入清溪八年正月焚逆苗數十寨遂克鎮遠府衛二城三月進克施秉連戰再進囊谷隴將達黃平以道隘箐深爲伏賊所截君與文武將領十人皆死之君年四十有三貌溫雅文翰流美而性極澹泊從軍十數年不趨便營利亦不圖仕進初從水師東征敘訓導入江西遷知縣加知州銜在安徽鎮保同知留江西補用樂昌解嚴加知府銜克鎮遠

卷二十五中

五

晉知府既死事 優旨視按察使陳亡例議卹 賜祭葬 贈太常寺卿 賞騎都尉世職附祀黃忠壯祠所著有儀鄭堂文箋注二卷粵游日記一卷蓼花齋詩詞四卷

李君榕字申夫四川劔州人道光癸卯舉人中丁未進士授禮部主事咸豐九年曾文正公在南昌奏調辦理營務明年春率師謀皖攻克太湖君贊畫之力居多曾公督兩江奏署鹽巡道同治二年二月率兵二千援江西敗偽堵王黃文金於湖口八月援青陽

會席公寶田軍擊賊大破之進守建平 詔授浙江鹽運使曾公奏留督軍防皖南三年八月撚賊至霍山君自皖南與總兵王可陞何紹彩等軍八千人赴援賊退積功擢湖南布政使君好爲識微之論少許可黃忠壯潤昌未遇時君亟薦於曾公後爲大將其征黔也君戒專主防邊勿輕進忠壯違其言果中伏亡後令巨室捐輸助餉由是得罪被劾罷官歸裝無所有幾不能就道曾文正深歎其賢家居數年無食出游依故舊浙江巡撫梅公啟照余時在梅公處遇

卷二十五中

六

之甚相得君善飲縱談古今令人忘倦自言精相馬名駿四蹄輕馳半日少汗其汗赤從前髀小孔中出卽所謂汗血也余曰後漢東平王蒼傳中載宛馬正如此君善相馬所以善相士也時年近七十後歸四川卒

評曰王壯武幾死岳州鮑忠壯當刑而免微陳公一言相救兩賢勳業曷由建哉黃公之拔程忠烈百口保其無他李方伯於黃公征苗戒勿輕進皆有過人之識量也其事微其繫大是不可以無述

中興將帥別傳卷二十五下 長洲朱孔彰撰

帥文毅公遠燁

張學士錫嶸

帥公遠燁字仲謙一字逸齋湖北黃梅人祖父承瀛
浙江巡撫公少負奇才讀書慕古人奇節偉行視時
俗趨當意者道光辛丑巡撫公卒 成皇帝篤念蓋
臣公以拔貢 特賜舉人丁未成進士選庶吉士已
酉授編修明年廣西洪寇起越二年自岳鄂踞金陵
東南列郡魚爛不可支 朝命大帥專征多失律守

卷二十五下

一

土吏輒棄職逃一二秉政者號稱鉅人長德又皆持
祿養交泄沓不任事公憤甚拊髀歎曰時事至此吾
世受 國恩職侍從不搯擊一言其曷以俾 上明
旨即死何以見祖考地下乃上封事萬言大指在一
兵權申國法求人才籌國用而指斥當軸者尤切是
年分校禮部試俾得士無何告歸以黃梅亂僑居浙
中初公在京師懷奇負氣不妄交所與游皆當代名
人以經世學相切劘而於湘鄉曾公尤篤咸豐七年
曾公督師江西公走謁戲下至則曾公奉諱歸矣當

事欲曾公墨經再起趨公勸駕公徒步抵湘居而月
返江西游軍中時湘軍樸魯凡京朝官從軍者皆帕
首腰刀習勞苦無敢鮮衣美食而公雍容文儒輿服
都麗雖強自刻厲趨踰言論輝如也見者傾慕皆歎
曰衣冠中自有人眾勸公宜居幕府公奮欲自將又
以前上封事歷詆軍機封疆大臣大臣切齒非立奇
功不足自表異乃募千人獨將一軍倚周鳳山老將
與合屯以十月癸丑抵東鄉會偽翼王石大開自皖
南來犯鳳山先潰公所募新軍見之思亦潰走公怒

卷二一五六

二

斬退者手劍直前搏戰力竭死之屍被殘從兄壽九
以布政司理問效力軍中同遇害大吏入告 詔優
卹追諡文毅公為人倜儻仗爽麾斥千金不屑意赴
人之急蹈水火不辭寓嚴州倡建千人塔為掩骼計
友人來京邸暴卒公質貂裘營葬塾師戚某其父客
吳門臥病公逆以歸終於家醫藥喪葬皆任之詩古
文超邁有奇氣遺集若干卷年四十有一子晚襲騎
都尉

張公錫嶸字敬堂安徽靈璧人咸豐二年壬子舉於

鄉明年成進士選庶吉士九年以編修典試山西十年分校禮闈其秋奉命視學滇南時回匪作亂府縣多爲賊踞或勸公乞疾公毅然曰吾奉天子命當之官甯避賊邪叱馭不顧竟到滇未及考試丁父憂歸曾文正之征撫也駐軍臨淮所部湘勇遣撤殆盡僅存劉忠壯松山老湘營萬人餘悉倚淮軍辦賊淮軍新建平吳大功將領多自矜文正欲於淮北別募新營使異軍蒼頭特起儲備西北之用而遣將久難其人公忽來見文正大喜密疏奏保治軍濠上謂

卷二十五下

三

其誦法儒先堅忍耐苦足勝將帥之任檄募敬字三營隨湘軍戰守時湖圍有通撚者曾文正下令遷徙公分別良莠聯絡義圩又以災賑日行泥淖中圩民得蘇同治五年冬撚寇張總愚竄陝西文正調劉公松山軍赴援公統三營與俱至則解西安圍復與賊戰于城西雨花砦公親率百餘人衝擊陷入賊陳被十餘創而殞時六年正月初六日也事聞詔贈侍講學士初公居京時日鈔書數十紙雖盛暑不輟奉祿薄常日一餐從無一介乞助於人著有孝經章句

讀朱子就正錄孝經問荅行於世陝西巡撫劉公蓉奏公死事言公自到營嘗著草履與士卒同甘苦文學之臣乃能堅苦自奮如此臣實惜之家極寒文正購三千金養其孤屬學士族人經紀之吳勤惠公棠刻其遺書

評曰帥編修壁東鄉卒然遇害張學士在西安一戰而亡嘗所謂覓危授命者張學士初謁曾文正於徐州文正與之言拱立而聽毋違指當時幕僚黎君庶昌疑之後乃知學士之服文正與文正之知學士不

卷二十五下

四

可及已

中興將帥別傳卷二十五下

中興將帥別傳卷二十六上 長洲朱孔彰撰

張勤果公別傳

張公曜字朗齋順天大興人也原籍浙江錢塘因肄業國子監遂入大興籍年少倜儻不羈咸豐初有親舊為固始令公往依焉時防撚匪令公督團勇三百日訓練之撚匪倉卒至城守公曰不若設伏城外賊夜至不知我眾寡可以計走也夜三鼓撚騎果掠固始公突起槍礮齊施城上應之賊騎驚奔適僧王統大軍追賊急遙見槍礮火光問鄉民知為固始團勇

卷二十六上

一

問何人所領曰縣署中張某因召見公大奇之即具疏保薦命從大軍征討五年五月戰於新息之交獲撚首徐保嗣齊齋梁載濂等由縣丞擢知縣土寇頻擾固始境百姓頌公賢謂張公來難可少紓於是大府檄公權固始又禽撚渠馬顯武馬沅等於劉家集七年正月粵逆偽國宗韋志俊糾合撚酋張樂行圍固始丁巳夜城東奎星樓地雷發城崩數丈黃旗賊擁而上公持矛身蔽缺口揮眾堵築刀矛輒石雨下斬持旗賊目暨紅衣長髮數十他守者亦擊斃多賊

奪雲梯十餘具逾兩時賊始退辛未賊復以地雷叩東南城牆十餘丈公率弁勇短兵接戰賊抵死不退大臣勝保乘虛攻賊巢賊回顧守者乃得築缺處城復完二月辛卯賊東南隅復為地雷轟塌公力戰賊仍不得入會援軍大集公亦遣隊絕城夾擊大破之燬南岡諸賊壘斬偽翰天侯袁得厚及檢點各偽官賊解圍遷由是大府知公才專令統軍擢知府十年四月攻汝陽霍莊寨未下公密謀以武生王冠軍假接濟油鹽糧米投入寨為內應見寨內火起公率壯

卷二十六上

二

士壘附而上斬級二千餘生禽賊目王五等三十二名遂平其寨擢道員加布政使銜時撚氛甚熾姜太林等大股由歸德疾趨朱仙鎮犯省城巡撫嚴樹森調公來省助剿賊知有備乃南竄攻南陽公赴援賊逃十一年擢河南布政使巡撫委員攝藩篆而公專任軍事駐汝甯剿汝陽新息之賊汝甯之亂捻酋陳大喜與張鳳林各樹一幟流毒三府一州之地表延幾千里沈項新蔡汝陽諸賊奉大喜白旗為號令確山遂平桐柏泌陽羅山諸賊奉張鳳林黃旗為號令

大喜既失其穴豕奔兔逸而卒莫能檻獲者鳳林爲之羽翼也公因鳳林僞降計禽之尋以御史奏彈由藩司改總兵旋加提督銜三年正月粵匪僞扶王陳德才欲救金陵竄河南糾合各摠分股一由石泉漢陰出興安而竄鄖陽一由西鄉出紫陽輒坪平利而至竹山一由甯陝出鎮安而趨商州期會於河南南陽湖北襄陽東下時張總憲陳大喜聚於宛南總憲竄盧氏喉粵賊入豫公追撻至黑峪留部將防回竄自率精兵合南陽總兵宋慶軍馳繞盧氏斷撻寇粵

卷二十六上

三

賊句合之路敗之於鎮平內鄉三月敗撻於浙川泉山直越楚境又破之耶陽東冒雨渡河截賊於南化集追過鄖西百四十里又大破之會楚陝兵至乃引還解羅山光山各寨圍擊破僞啟王梁成富賊眾賊遞入楚境又破僞扶王陳德才於商城西麻城東後德才仰藥死公苦戰經年豫境粗安無何賊流入山東忠親王僧格林沁戰歿曹州城下言官劾公養賊貽患 上命巡撫吳昌壽確查吳公覆奏云前僧軍失利於鄧州張曜力抵追賊遂爲僧格林沁所賞動

以自隨至汝信確山之戰張曜復將步賊追殺殆盡僅餘馬賊竄擾山東僧格林沁留張曜等軍扼守豫邊以防回竄賊至曹郡裹脅愈多伏莽又起僧格林沁遂致授命疆場非由張曜之坐視不進也張曜由佐雜蒙 恩拔至二品大員具有天良何敢如原奏所云以改用總兵之故心懷怨望臣初撫豫圻誠如聖諭所云無所用其回護惟明查暗访張曜在豫帶兵有年不無微勞足錄至養賊貽患以及所帶兵勇到處搶掠均無實據疏入 上諭以奮勉圖功毋

卷二十六上

四

再爲人指摘云同治五年春公丁母憂請假回籍營葬適巡撫李公鶴年莅河南奏云臣以爲賊無宿糧其不卽殄滅者賊騎我步以步當騎走不相及滅賊之計非合圍必不能剿賊韃延凡三百州邑因險合圍固非一省兵力所可辦第爲剿則必勝計豫軍多額毫人與賊相習其長技亦略同宜若可用因添練兩大軍曰毅軍曰嵩武軍察豫省宿將無如南陽鎮總兵宋慶前布政使改用總兵張曜者乃起公於家與宋公各領一軍宋公領毅軍公領嵩武軍公在

豫省多年平賊寨數十賊圍城邑百姓聞公救至卽
歡聲雷動至是出境勦賊與宋公慶皆稱豫軍名將
同治七年十一月西撚自宜川渡黃河犯山西連陷
吉州鄉甯南擾河津逼解州運城 詔公與宋公慶
程公文炳分道防河北撚犯畿輔還走深澤公與劉
公松山宋公慶等軍夾擊破之撚自晉州渡滹沱公
與諸軍追至河干撚之未渡者殲焉三月撚又渡漳
走清化伐木爲矛公擊破之閏四月公與劉公松山
追撚至慶雲滄州其酋高老步等率數百人降時諸

卷二十六上

五

軍圍擊賊賊不得脫自涓頭撲運河走連鎮吳橋折
奔平原高唐在平皆爲官軍所敗 朝廷限一月平
撚 命都興阿公管神機營公與宋公慶陳公國瑞
皆屬焉五月撚又走滄州公自南夾擊大破之撚奔
陵縣臨邑公追至臨邑撚走濟陽又走海豐公遇於
濱州又敗之及防徒駭河劉公銘傳由桃橋守至南
鎮郭公松林由桃橋守至博平公與宋公慶由博平
守至東昌圍撚於黃運徒駭之閒卒平西撚 詔賞
黃馬褂後 命公討甘肅回匪屯古城八年三月

詔促左公宗棠赴涇州節制征回各軍以陝事責劉
典邊外事責金順 命公自古城移軍西進五月公
軍次蘭扇大破回於察漢綽爾又破賊紅柳樹追至
廣宗寺解定遠營之圍六月軍次纏金偵甯夏西岸
白石嘴山至中衛陝回麇集遣將要擊之九月大破
叛回甯夏城外陝回竄入賀蘭山又敗之福因寺旋
與金順公分屯漢渠東南毀回寨四又攻王家疃納
家寨破之河西悍黨殲焉於是甯夏肅清 詔擢公
廣東陸路提督領軍分扼磴口橫城防勦阿拉善竄

卷二十六上

六

匪十二年二月公赴甘涼助勦三月公軍至鎮番九
月克肅州陝甘平 詔賞公雙眼花翎時關外哈密
尙未解圍公與宋公慶馳勦破之十三年秋公出屯
哈密大興水利墾荒地二萬畝歲獲數千石以濟軍
光緒二年新疆北路略定左公檄公與提督徐占彪
西甯道劉錦棠進規南路公率嵩武軍克奇克騰木
進攻闢展及魯克沁連木沁台勝金台盡破其城壘
與徐占彪會師於哈拉和卓進攻吐魯番劉公錦棠
遣湘軍會之戰一日賊大敗白彥虎跳走馬人得詣

公降纒回萬餘跪地乞命宥勿誅遂克吐魯番滿漢
兩城十月公由喀喇沙爾進庫車三年冬十一月新
疆平左公奏請 朝廷開公廣東陸路提督缺改授
文職明年左公議規復伊犁公統馬步九千人分駐
阿克蘇沿特克斯河爲中路及俄人讓還伊犁乃班
師公入 覲奉 命督治京城外河旋加太子少保
銜巡撫山東築河隄修道路開廠局精製造凡有益
於官民者莫不畢舉以光緒十六年卒於官事聞
賜卹如制子端本兵部郎中端禮 賞舉人公自以

卷二十六上

七

少時失學雖已顯達嘗延通儒問經義故晚年尤有
精進之功字法道勁仿顏平原書疏雅馴猶其餘事
也左文襄謂公器識宏遠無急功近名之念而才兼
文武方今尤不可多覲禮賢下士贍族卹貧廉奉常
隨手散盡爲民興利不遺餘力公薨之日百姓巷哭
皆失聲初官藩司御史劉毓枬劾公目不識丁公後
以此四字爲印章記公牘稿草末亦以自警云在甯
夏回匪旣平軍民大和築樓面黃河對賀蘭山顏曰
河聲山色日嘯詠其中有羊公登峴首之意自言恨

不得徧游天下名山大川其襟懷灑落如此
評曰張公歿後葬武林山其親族爲起墳旁置萬家
謂公多陰德其子孫必昌熾余過錢唐瞻謁信然又
嘗入都道山東問之販夫車子猶能談公佚事云

卷二十六上

八

中興將帥別傳卷二十六下 長洲朱孔彰撰

李壯烈公佑厚

屈布政蟠

金按察國琛

任闕學蘭生

黃按察鼎

李公佑厚字奉軒湖南平江人少力耕備力以養親咸豐五年入李君元度平江軍為哨官集鄉曲號傑子弟為數隊誓同死生每戰衝鋒一人前則眾不敢

卷二十六下

一

後七年九月從守貴溪擢千總八年從營官屈君蟠援衢州敢戰為諸軍冠歸解玉山圍擢守備換花翎尋晉都司李君元度歸公屬屈君蟠九年除夕從屈君馳援太湖大破賊遷游擊加參將銜十一年防廣信力戰受傷曾文正嘉其能用命添募五百人以公充營官屈君為總統防玉山六月賊大至鑿隧攻城擊走之八月賊再圍城公與決死戰大破賊 詔除副將同治元年從屈君援浙總理營務會克龍游加總兵銜二年賊萃鄱陽章田渡公血戰破之 詔記

名總兵屈君卒道員張君岳齡代之未至大府檄公

權領其眾三年防廣豐敗偽康王汪海洋 賜號效

勇巴圖魯加提督銜四年移防會昌尋駐贛甯捕土

匪明年記名提督 賞一品封典六年張君除甘肅

按察使調陝甘回逆公從入關充營務處兼帶兩

中營七年進壁鳳翔擊退岐山賊破亢家河賊巢會

勦寶雞賊解汧陽圍閏月破賊屈家灣草碧溝五月

朔逆回大舉犯汧至縣北馬坊河公兄總兵獻厚領

副中營迎擊公自黃里鎮防所帥中營繇東原橫貫

卷二十六下

二

賊陳敗之遙見張公督戰北原乃率精銳赴之突遇

伏公手鋼叉立殪數賊策馬行忽被礮彈洞左脅部

卒力戰掖以歸自知不起以報 國養親屬其兒語

不及私昧且卒年三十有五時公父母年皆八十矣

公性沈練寡言笑尤善觀陳闕賊陳有瑕即乘隙攻

所攻必靡以故經百戰無挫劬既貴舊伍數十人相

從不散待之有加禮廉於財死事後家幾不能自存

奉 旨照提督例議卹 賜祭葬 贈太子少保

子諡壯烈 敕死事地方建專祠 宣付史館立傳

入祀京師昭忠及本籍忠義祠 賞騎都尉加一雲
騎尉世職

屈君蟠字文珍一字見田江西湖口人生時父夢神
人授以二弓幼績學能文章尤練史事爲諸生廩於
庠咸豐五年李君元度以平江軍援江西君從防貴
溪戰鷹潭有功保訓導嗣分屯上清司距貴溪七十
里賊衝也君以五百人搃險守婁卻賊又進攻耳口
砦砦去上清司八十里尤險僻君出不意破之自是
以能戰聞九月僞翼王石達開圍貴溪君回援圍解

卷二十六下

三

遷縣丞 賞戴藍翎八年春西安將軍福興公持節
駐廣信總兵饒廷選率兵五千援廣豐戰大南橋潰
君後至勒兵道旁俟諸軍畢退乃噪而馳之賊卻四
十里福公援衢州檄君從賊攻衢州環城八十餘壁
勢張甚閩粵兵出城與賊戰皆反奔天驟雨饒公阻
墮而立露刃刺奔者不能止君適至從上游三里亂
流濟大呼衝陳賊愕陳動城中兵反乘之追奔十里
蕪賊屯二十師旋福公登陣望問金頂藍翎騎而突
者誰饒公曰平江軍屈縣丞也乃下城圍拊君臂曰

壯士壯士君請進屯賊舊壘遲且罔及饒公去果次
日賊築壘視前有加遠城僅四三里饒公曰悔不用
子言然微子莫敢攫賊鋒請仍逼賊而壘君許之出
結壘賊力爭殊死門不退饒公亦以數軍從君壘與
賊其一壘語笑聲相聞鎗彈穿幄如敝網軍士不能
炊乃別掘坎炊而致諸壘相持三十八晝夜六月五
日賊解圍逃擢知縣七月解玉山圍會曾文正復出
視師以平江軍惟君敢戰奏升同知君率中營分防
湖口自是獨將一軍重築湖口城賊攻不能入明年

卷二十六下

四

冬曾公駐宿松攻太湖前隊被圍小池驛檄君赴援
會破賊太湖復擢知府曾公以君才增軍爲千五百
人令防廣信賊大舉婁犯境婁擊破之累擢巡守道
加按察使銜 賞孔雀翎 賜號利勇巴圖魯同治
元年援浙會攻龍游諸將莫敢屯城下君及潮勇獨
壁其地戰婁捷會賊犯貴溪江西巡撫檄君回援破
之二年賊自皖南入鄱陽眾十萬君自樂平往以眾
寡弗敵用雕剿法脯賊一夕駐某邨賊謀知所在將
圍攻君急引去賊至無所得驚以爲神旣而賊萃陶

家渡官軍數十壁莫能破君夜遣死士燔其柵數重賊稍退遂以偏師獨扼章田渡渡界鄱陽都昌間逆酋憾君悉萃悍賊來決戰君誓眾曰戰勝則都湖彭三縣賊必皆退否則背水阻大河吾屬無噍類也眾曰誓與公破此賊翼日君親突陳士皆以一當十都司張時雨等戰死死者五十人士氣益厲礮碎巨酋首賊崩奔斬馘千餘三縣賊一夕遯江西肅清凱旋樂平百姓遮道燭香拜馬首縣旂燾銘功凡數十輩以觸署得疾八月卒于軍年四十有七將士哭失聲

卷二十六下

五

樂平爲罷市方捷聞 詔加布政使銜卒三日而恩命至尋得 旨賜卹 敕章田渡建專祠以張時雨李綿兆等耐並耐祀廣信羅忠節祠君有血性與人交不相背負既見知于曾文正公沈文肅公待以國士而與人言必首及李君元度以李君爲舉主也平生廉於取家無僮石在軍與士卒同甘苦戰必身先賊百倍於我命之往立往無所畏避可謂剛憲君子矣

金君國琛字逸亭江蘇陽湖人咸豐閒從李忠武公

續賓轉戰武昌九江桐城由監生累敘知縣忠武軍進廬州覆沒三河鎮君出萬死力戰得脫復從李勇毅公續宜禦賊黃州有功保同知直隸州九年七月僞翼王石達開糾眾號稱百萬圍寶慶君爲勇毅營務處首破賊田家渡斬級數千寶慶圍解擢知府其冬胡文忠公曾文正公率師謀皖胡公駐英山曾公駐宿松圍攻太湖潛山令鮑公超擊賊外援當前敵軍小池驛多隆阿公繼之道員唐訓方蔣凝學又繼之副將朱品隆都司余際昌又繼之是時僞英王陳

卷二十六下

六

玉成糾眾數十萬結撚匪龔瞎子圍鮑軍數十重日夜與官軍戰賊循潛山西太湖東連營百里胡公曾公一日一書相謀議令君與余君際昌將奇兵九千人卷旗葦山出天堂圖夾擊爲山內之軍鮑公超等爲山外之軍君自除夕入山冒雨雪行十日至高橫嶺望官軍寇壘皆在目中正月乙亥賊來攻敗之君屯仰天凸賊乘我登山我軍突起躡之磔其酋遂合山外軍夾攻斬馘二萬爲楚軍入皖第一大戰云鮑軍之被圍也壘中礮丸雨下帳如敝網斷汲水一日

微君救幾不振及開壁門相見軍士歡聲如雷遂克太湖潛山擢道員加布政使銜後復從李勇毅公回援湖北破賊孝感麻城詔授安襄鄖荆道同治元年秋援河南解南陽之圍仍同防鄂邊三年調防徽州粵賊平撤兵官至廣東擢儲道擢按察使光緒五年六月卒子湛恩候選主事

任君蘭生字晚香江蘇震澤人咸豐末納警爲同知投效皖營喬公松年委充前敵營務處至則大爲果敏公英翰所賓敬事必咨而後行雉河集者新設渦

卷二十六下

七

陽縣撚賊老巢也貫渦河之中撚賊絕欲得之以躡潁亳壽三州之地同治四年僧忠親王戰沒曹州城下賊酋張總愚任柱賴汶光益橫合眾十餘萬南趨關之數重時守兵三千人形勢寡弱英翰公謀曰今賊眾兵少不冒萬死一生之計以求援則彈丸小集糜爲齋粉矣於是屬君與道員史念祖堅守而自率數十騎卽夜潰圍馳出賊偵知益疾擊君廣設方略隨敵應變神詼鬼吞賊不能窮途巡失氣圍中食且盡君以餘粟分置四門虛內倉而實其外標旆充積

矢守益固相持四十餘日而英翰公以援師至卒大破之聲譽翔起遠近皆奇君才後官至鳳嶺六泗道卒百姓頌其遺愛至今弗衰巡撫陳公彝臚陳事實贈內閣學士祀英翰公專祠于二傳書傳薪

黃君鼎字葵封四川崇慶州人爲諸生有大略咸豐末漢逆亂蜀駱文忠公督師入川前鋒黃忠壯洵熙死事順慶賊方盛文忠憂之屬劉公蓉求蜀人之知兵者聞君名召與語大悅卽薦于駱公駱公令參果毅軍事立功蜀南保知縣同治初松潘番叛駱公命

卷二十六下

八

簡蜀民之驍健者爲一軍往討乃立葵字營劉公旣晉陝西巡撫命君隨征時髮逆僞啟王梁成富破漢南各州縣諸軍失利君督師駐廣元梨坪遏新集黃官嶺入川之路三年正月賊來爭君設伏敗之會諸軍分道并進戰皆捷盡復漢南州縣髮逆東竄二月漢逆曹燦章及川匪藍朝柱黨合眾數萬竄華陽君破之八里坪賊竄雞公梁洵陽壩設伏待官軍君故緩追賊伏久退去君以輕騎裹糧行二百餘里抵兩河夜大雨天黑不見影軍士以趾索途直抵雞公梁

突起衝擊遲明抵洵陽壩斬級二千有奇盡焚賊巢
君由知縣擢直隸州知州 賞換花翎五月髮逆偽
啟王在襄樊爲僧邸擊敗回竄興安合川匪蔡昌榮
黨竄孝義石嘴子旋出大峪及尹家園省城戒嚴君
疾回救敗賊于子午峪賊逃鄠縣追擊破之截賊于
驪馬嶺夜遣壯士焚賊巢至大坪偽天將葉有光率
五千餘人來降會劉公蓉出省督師偕將軍穆圖善
公由東路進逼君與曹提督克忠由西路掃蕩而下
連戰破賊八月賊竄階州駱公劉公令周達武蕭慶

卷二十六下

九

高何勝必胡中和四提督共圍攻時蕭何等部久轉
戰喪亡更代士氣益弱惟君部號敢戰有名五月克
階州擢知府並 賞果勇巴圖魯秋雷提督正綰攻
金積堡失利曹提督克忠陶提督茂林皆飢潰賴君
一支勁旅衛省城爲各路援應十月擢道員旋移防
山陽竹林關明年正月駐荆紫關三月駐潼關皆所
以備撻也五月赴隴州爲勦回之始連破賊于白牛
峪太蟲谷口賊竄湯房梁君縣千金於帳選壯士百
人餉以酒食令日夜斫賊營者取此賞於是各執短

兵火毡宵襲賊營焚之君率大隊由白家灘屈家山
麻子山盡破賊砦各路之賊盡驅而西六月克固關
賊走甘境十月撻酋張總愚糾眾十餘萬由潼關入
陝竄至華陰君回軍會陝西都統蒙克西克榆林劉
總兵厚基漢中蕭總兵德揚各軍由渭南進擊抵華
州賊已入其北門敗之馳追十餘里君以賊眾且近
當留輜重於後輕騎搏戰蕭總兵不信公言先挫賊
至藍田臨潼鎮西精騎二軍又被圍君擊之於新豐
勝之諸軍輕進追越灃橋賊稍卻俄大風揚沙雪盛

卷二十六下

十

一尺賊騎橫衝諸軍于是英毅湘果撫標雄毅鎮西
三十餘營悉覆獨君戰勝破圍出退保省城明日賊
來犯復敗之自是彘軍威名聞關中 朝廷特詢戰
狀劉公蓉奏曰灃橋之役以強弱不齊輜重襍于行
陳故敗微彘軍西安幾不保六年正月賊竄鄠廣東
陸路提督劉公松山援秦時劉公蓉解巡撫印喬公
松年代之檄君統定中營節制德發鎮西五營偕劉
公松山勦賊敗之曹家莊又敗賊小曹邨又敗之張
邨二月陝回竄鳳翔岐山與撻合連營六十餘里賊

勢愈張四月撚回合竄蒲城追抵姜彥邨斬級二千有奇其明月左公宗棠入秦駐潼關令君統湘果勝果鎮西德發奇法五軍實四千人破賊于汧陽斬級三千獲馬如之禽賊首馬者馬等八十三人君以陝西道員加二品頂戴冬次邠州救長武靈臺大敗逆回七年正月破賊三不通三不通爲董志原第一要隘又破賊涇河川連破逆回馬生彥白彥虎之眾斬級近萬追至涇河賊溺死無算涇水爲之不流上功換呼敦巴圖魯名號擢陝安道八年春逆酋白彥虎

卷二十六下

十一

與十八股頭目馬正和崔三禹彥祿藍明太等竄白吉永樂各原君進擊斬彥祿于高里坊斃賊數千平董志原賊巢董志原者數年來裹脅十餘萬眾荼毒生靈秦隴之交赤地千里所踞皆悍賊也由是收復甯州慶陽合水鎮原等城得旨以按察使記名簡放左公奏用趙營平屯田之法君在涇州督理屯務教養有法戰守有方降回甚眾鎮原靜甯隆德通渭土匪悉平九月克固原又敗馮得彥白彥虎之眾于西安洲進打喇赤斬首三千級獲橐佻牛馬三千

上功 恩賞荷包白玉決拾九年正月率千人護運半角城適周簡張三軍失利雷提督正綰被圍乞救公直前搏戰眾寡懸殊亡勇士七百餘部將韋占雄死之君以二百數十人突圍出軍雖挫而雷圍亦解時劉公松山攻金積堡中礮亡賊勢又熾左公奏派君總理營務統領中路各軍君益訓士卒自固原至鳴沙掃蕩四百餘里自張恩堡入峽口斬關奪隘又七八十里克堡寨數百其冬金積堡平 賞穿黃馬褂十年三月左公撥所部勁旅八營交徐提督占彪

卷二十六下

十二

分統徐提督君部將也君部多驍將而徐最有名君部增至十五營令裁併爲十三營君親統五營屯田北山徐統八營會剿肅州十三年九月君丁父憂光緒二年回蜀葬親秋復至秦明年六月左公調君出關檄甫至君在北山爲降人所刺卒譚巡撫鍾麟以聞賜卹如例五年陝民籲請建祠 朝廷允之評曰李公之勇屈君之忠戰章田渡以衛鄜陽蓋同功焉若金君用天堂之伏以救寔營任君堅雒河之守以卻撚眾黃君破瀟橋之圍以保西安所關非細

也是以世皆傳之

卷二十六下

圭

中興將帥別傳卷二十七

朱提督洪章

劉勇介公連捷

彭忠壯公毓橋

李忠壯公臣典

李武壯公祥和


陳武烈公萬勝

郭勇烈公鵬程

王剛毅公紹義

卷二十七

一



朱公洪章字煥文貴州黎平人也咸豐六年入湘軍從曾忠襄轉戰江西安徽積功擢至總兵忠襄東下從破沿江各城隘同治三年夏忠襄攻江甯城久不拔提督李臣典建議於龍膊子山麓堅石最多處重開地道日列隊伍環攻積溼蘆沙草壩壘欲平接而前與城齊以疑寇使多備六月十五日甲申地道告成議推前鋒未決有營務處朱雲章者楚人也不得統軍為恨大言於公前曰若輩自命天下壯士今趣臨大敵便如鼠子卻縮探頭穴中吾知若無能為

也公怒曰孰畏死者而汝爲是言乎攻守未奉帥令若使某爲先登有不蹈萬死以取洪酋生致闕下者如皎日兩人爭論于營幕中忠襄聞之亟召諸將入署名具軍令狀於是公遂署第一武明良弟二劉連捷弟三其他以次署畢凡得九將李臣典實主地道事雖列名未嘗任頭隊也乙酉日中發火城崩二十餘丈公率所部長勝煥字三營千五百人首先登城從倒口衝入是時煙焰漲天甄石雨下賊復擁大眾謀堵築從城頭擲火藥傾盆下燒士死者四百餘人

卷二十七

二

公摧鋒務進所向披靡仰登龍廣山結爲圍陳外傅與賊排擊諸將畢登乃分軍爲三並馳公趨中路直攻僞天府之北大戰一日夜俘禽僞王次兄洪仁達以獻江甯平論功李臣典居首公最四三閏或代爲不平說公往刺幕府公謝曰是何言之鄙也寇亂方平而爲將者爭功相殺害此與賊黨何異不將垂笑萬世乎公止矣吾義不可爲也況吾由行伍擢至總兵今幸東南底定百戰餘生 恩簡實缺已叨竊非分又何求光緒十四年以雲南鶴麗鎮總兵入

觀道過金陵謁見曾公憑弔死事諸人立石瘞所曾公爲之識曰同治三年閏六月十有六日龍膊子地道告成火發轟開城垣二十餘丈專石雨下長勝煥字營首先登城前隊奮勇死者四百餘名同瘞於此嗚呼慘矣亟誌之以表忠蓋云爾十五年忠襄奏留江南署狼山鎮總兵二十年倭人犯邊南洋大臣張公之洞令募十營防金沙衛明年夏卒于軍

卷二十七

三

劉公連捷字南雲湖南湘鄉人也少好誦兵家言從同族武烈公騰鴻討賊武昌轉戰江西瑞州號爲湘後營當是時湘後營最强名聞天下而公實爲營官無役不從瑞州克擢知州武烈亡曾忠襄圍吉安公乃以所部屬焉咸豐八年克吉安假歸十一年從圍安慶拔之陞知府同治元年春攻巢含山和公在巢縣東關賊立石牆於河中羅星山官軍屢攻不下公借民間割禾盆百餘募死士夜渡河縱火燒賊營悍賊皆死後三城迅克以奪羅星山門戶也又克西梁山濡須口要隘夏渡江克太平府金柱關進拔蕪湖公常爲軍鋒於是忠襄乘勝進軍江甯公平城外賊

壘無數八月僞忠王李秀成僞侍王李世賢糾眾百萬攻公軍於雨花臺賊用炸礮轟破營牆公復築橫牆于內拒之賊不能入常夜出斫賊先後破賊壘百數十苦守四十六晝夜而賊遞尋援無爲石澗阜戰守四旬鮑公超救至大敗僞忠王李秀成之眾二年五月會水師克九洲中關下關各賊壘三年六月克江甯擢布政使 加太子少保二品頂戴江南平文正裁湘軍留公軍三千人以爲紀綱之僕令駐舒桐防撻賊撻賊自鄂盪來犯公至遞去靈營叛卒擾

卷二十七

四

江西邊公督軍追殺皆散走又防吉贛以南會勦僞康王汪海洋浙中逸賊海洋敗走廣東嘉應州而滅公以傷病還湘家居十載幅巾蕭散人莫知爲大將者光緒六年曾忠襄撫山西奏起公練軍包頭公安不忘危治不忘亂無日不集軍士而申儆之著臨陳心法一卷皆素所親歷之境故語多切實爲人樸勇無華軍人亦化之其後從忠襄防山海關部督精嚴敵人畏威 朝廷賴之法人起釁忠襄命統萬人駐江陰倚如左右手江防以固十三年病卒 賜卹如

例 子諡勇介

彭公毓橘湘鄉人字杏南咸豐八年從曾忠襄援江西攻景德鎮克之遂復浮梁積功保縣丞十年僞英王陳玉成率悍黨竄踞小池驛勢張甚忠襄思以計取之命公與營將蕭孚泗張勝祿等帥師當其衝別遣守備李臣典走閒道潛焚賊館賊正與我軍相持瞥見火起賊遂亂我軍乘之賊大敗及大軍進規安慶大破賊于菱湖明年三月掘長濠困賊陳玉成率悍賊與城賊夾犯我軍冀毀濠公等前後抵擊鏖戰

卷二十七

五

數日夜適提督鮑公超率師襲賊後賊宵遯鮑公尋殲悍賊于赤岡領公軍遂逼城而屯七月玉成復率黨數萬來援以逆眷在圍城中也公與張公勝祿李公臣典等分三路迎敵血戰竟日斬級數千玉成逃越八日而安慶復公由知州擢知府同治元年公會諸營攻克巢含山和奪西梁山濡須口諸要隘渡江破太平府奪金柱關取蕪湖得 旨以道員記名簡放 賞毅勇巴圖魯名號換戴孔雀翎夏四月大軍進攻江甯公與諸將分途取丹陽鎮秣陵關六郎

橋江甯鎮三汊河大勝關等要隘夷賊壘數十進攻
雨花臺僞城賊死拒未下閏八月僞忠王李秀成率
蘇州賊援江甯號六十萬圍官軍各壘會疫作公等
力疾禦卻之賊用地雷法轟壘壞者數矣並以公等
力禦得完秀成解圍去率眾渡江連陷江浦和州含
山巢縣皆我軍新取之城得而復失忠襄乃分兵守
西梁山遣公與劉公連捷救援江北借水師連收四
城江北大定二年四月破雨花臺僞城嗣是紫金山
高橋門尙方門方山土山七寶橋孝陵衛及解溪龍

卷二十七

六

都湖孰純化鎮散岔鎮諸賊壘以次下公皆在事有
功三年六月拔江甯冊勳 詔交軍機處記名遇有
布政使缺出請 旨簡放 賞一等輕車都尉世職
久之補汀漳龍兵備道未赴會曾忠襄奉巡撫湖北
之 命疏調公領湘軍赴鄂時河南撻寇猖獗竄掠
黃州安陸二郡境公帥師進剿戰比有功六年二月
壬寅師進次蘄水公與部將三十領小隊數百人周
覽形勢至麒麟凹賊黨大至眾數十倍公趣前搏戰
一時許死傷略盡公馬陷泥淖中被執賊脅之降大

罵不屈遇害年四十有一事聞 詔祇布政使陳亡
例議卹 勅建專祠 贈內閣學士銜 賜祭葬
予諡忠壯 賞騎都尉世職撻匪平 詔遣官 賜
祭一壇子秀珽併襲三等男爵

李公臣典邵陽人字祥雲年十八入王壯武公珍營
與劉公松山李公祥和爲壯武與夫後隨曾公國荃
討賊江西隸吉字軍繇萍鄉轉戰安福攻吉安敘把
總 賞戴藍翎咸豐八年六月及賊戰吉安南門外
曾公受重創營將張勝祿亦傷公矚目大呼挺矛進

卷二十七

七

賊始卻退吉安拔追殺至永豐新淦伏尸數十里以
功超擢寶慶營守備湘軍克景德鎮復浮梁公皆爲
軍鋒十年正月從破僞英王陳玉成於小池驛晉都
司換花翎進規安慶與賊戰於菱湖曾公傷股墜馬
以公馳救得免八月圍安慶援賊至樅陽告急公與
張公勝祿張公詩日赴援一戰克之遂塞樅陽河屯
水師明年六月攻安慶西門賊壘曾公左臂受礮傷
公等馳救得免陳玉成復劬僞國宗楊輔清等數萬
人來決死圍我軍數重大戰日中未決勝負公馳告

諸將曰事急矣幸各努力成敗在此舉也諸將皆躍起公橫槊前驅與諸營乘勝決盪呼聲震屋瓦賊大敗奔斬首數千級王成輔清僅以身免八月朔遂拔安慶擢兩江參將 賜號剛勇巴圖魯同治元年春曾公乘勝下沿江各城隘進軍江甯公等分取丹陽鎮壽秣陵關公時年二十五已擢總兵五月攻雨花臺未下張公勝祿中礮亡其秋軍中疫作偽忠王李秀成率援賊六十萬至塵戰十餘日不少休曾公督陳礮傷輔頰公與副將倪公桂力衛之倪公戰沒而

卷二十七

八

賊攻西路急公請備東路既而賊果萃東路參將劉玉春死之炸彈入牆如雨公激厲將士死守卒不能破十月五日圍解 詔加提督銜二年夏與趙君三元破雨花臺偽城秋與蕭公孚泗張公詩日等攻奪紫金山又敗賊於校場斬賊萬人連克高橋門尙方門方山土山賊壘又奪七寶橋孝陵衛堅巢勦賊于解溪龍都湖孰純化鎮皆克之三年正月克天保偽城江甯之圍始合初官軍之擣雨花臺也夜漏三下各軍束草填濠梯偽城將登矣賊驚覺然礮擊我軍

軍少卻公舉旗直前大呼而進諸軍爭先火礮入賊城敵樓火我軍肉薄而登偽城立拔得 旨交軍機處記名以提督 簡放尋補歸德鎮總兵五月合攻江甯城壘隧道三十餘穴並爲賊所破壞已已晦始克地保城六月庚午朔各軍番休進攻賊死拒殺傷相當公偵知賊糧足各營苦戰力漸疲乃請于曾公曰師屯城下二年矣不急克日久且生變請於龍膊子重掘地道功必成某請獨任之龍膊子者地獨高於城賊列礮最密所也曾公壯而許之公遂

卷二十七

九

率副將吳宗國等日夜穴城甲申地道成明日火發城圯二十餘丈諸軍衝入江甯城立拔下令見長髮者殺賊乃薙髮又下令見新薙髮者殺於是殺賊十餘萬人公夜戰過勞明日病熱或曰公恃年壯氣盛不謹疾之由也以七月庚戌卒于軍年才二十七曾公奏功第一 詔賜一等子爵 賞穿黃馬褂戴翎眼花翎 天書未到而公已薨矣 加贈太子少保 予諡忠壯 敕吉安安慶江甯各建專祠 李公祥和湘鄉人咸豐間從羅忠節公東征屢立奇

功由行伍保至參將後繼曾忠襄戲下從克安慶權副將同治元年從東下攻克巢和沿江各城陞四月渡江克太平府及金柱關進拔蕪湖薄江甯公力戰皆有功八月公與諸將破走偽忠王李秀成圍雨花臺之眾是時江甯城外賊壘尙百數十公與諸將次弟鍾平獨鍾山上賊築石壘曰天保城龍膊子山陰築石壘曰地保城未下三年正月公與諸將克天保城江甯城圍合忠襄日令軍士鑿隧道攻城凡南門一穴朝陽至鍾阜門三十三穴皆爲賊覺或火發而

卷二十七

十

賊已堵築不得入或未發而鑿隧相迎軍士死傷已三千餘人公曰此地保城賊壘不下形勢終不便於是公日夜發礮攻擊五月己巳公冒礮石爲士卒先竟奪地保城遂築礮臺其上俯瞰城中而李提督臣與乃得潛開地道于下遂竟全功蓋江甯復由公奪地保城之力也論功 詔以記名提督 賞穿黃馬褂 錫雲騎尉世職四年曾文正奏補壽春鎮總兵令公統和厚二營從征撻寇後歸劉公松山節制從轉戰河南從援陝西公功皆最六年十月勅宣川撻

股劉公命公斷後山路崎嶇隊伍首尾不相顧至太賢郵條遇同匪救撻騎數百至公策馬突陳馬腹中礮仆公下馬持矛戰連刺數賊身被十餘創賊矛及公喉歿于陳同時提督劉芳桂救公亦傷左文襄奏聞照提督陳亡例議卹 子謚武壯附祀羅忠節公湖南專祠

陳公萬勝湘潭人咸豐六年入吉字營從曾忠襄克吉安敘藍翎外委十年從克太湖擢千總十一年從克安慶同治元年從東下克巢和含山渡江克太平

卷二十七

十一

府金柱關取丹陽鎮奪秣陵關六郎橋江甯鎮攻雨花臺公皆爲軍鋒閏八月擊退偽忠王李秀成賊眾公裹創血戰累功擢副將 賜孔雀翎三年六月十五日龍膊子地道成忠襄入隧親勘之賊出太平門直犯地道別從朝陽門出數百人燒各礮臺及所積蘆蒿公血戰竟夕殲賊百數十力竭被執賊裂屍竿其首於城上翼日城拔

郭公鵬程湘鄉人咸豐六年從羅忠節轉戰湖北江西八年從李忠武復武昌拔湖口克九江積功擢游

擊戴花翎充右營營官九年從李勇毅援寶慶圍解
除參將明年攻太湖偽英王陳玉成糾悍賊來援會
荊州將軍多隆阿公提督鮑公超敗賊羅山沖公與
諸軍夾擊禽斬三千有奇遂克太湖遷副將英酋糾
撻匪上犯蘇新安渡撲湘軍我軍分八路進攻公出
弟三路大捷 賜號衝勇巴圖魯十一年五月英酋
竄踞德安隨州圍解安慶圍候補道金君國琛率八
營會剿公與焉賊破追擊至應山斬級近萬 賞二
品封典偕提督蕭慶衍攻銅城關公先破其一壘眾

卷二十七

十三

壘皆下又設伏黃龍邨與蕭公夾擊敗之明年克東
關及和州含山巢縣復江浦浦口皖北肅清 詔交
軍機處記名以總兵 簡放江甯久不下忠襄令與
蕭公共帥入營助攻三年六月掘新隧道公遣卒刈
蘆蒿積城下城上礮彈若飛蝗公奮前督攻與王公
紹義皆中礮没于陳

王公紹義湘鄉人少入湘軍累功洊保 記名總兵
賜戴孔雀翎隨攻江甯於同治三年六月十五日
死綏十六日城克當事上其功 詔曰花翎副將陳

萬勝記名總兵郭鵬程王紹義功績卓著力戰捐軀
朕甚閔之其照提督例議卹各賞三等輕車都尉世
職尋 賜祭葬入祀京師昭忠祠內閣以諡請有旨
萬勝 予諡武烈鵬程 予諡勇烈紹義 予諡剛
毅

評曰朱公洪章英裕沈勇劉公連捷樸實精勤彭公
毓橋聰明果決李公臣典洞達機宜李公祥和志節
堅卓皆干城之選也同建大勳宜哉惟陳郭王三公
先一日戰没不及見江甯之平悲夫

卷二十七

十三

中興將帥別傳卷二十七

中興將帥別傳卷二十八上 長洲朱孔彰撰

蕭節愍公捷三

周貞愍公清元 左光培

黃參將國堯

蕭壯節公翰慶

蕭公捷三字敬南湖南武陵人中道光丁酉武鄉試拔授瀘陰千總咸豐二年敘守省城功升守備繼坐賊陷湘陰去職團防大臣曾公國藩奇其才令帶水師以功復職 賞戴藍翎旋補承綏守備尋隨援武

卷三二

一

昌領所部冒礮雨進先駛至鸚鵡洲彈火毬焚沿江賊柵殆盡諸軍繼之賊不支揚帆下遯又急駛出賊前焚其輜重城中賊始啟北門走論功以都司用賞換花翎適餘賊駕我編百餘棧浮襄河下公扼之新灘口礮碎賊舟賊覆溺無算會上游突下賊艦擲火我舟火灼公額幾殆不為卻裏創追二十餘里而還嗣又連敗賊骨牌磯田家鎮直抵九江趨湖口賊遂將先所掠吳城戰艦數百棧實沙石沈之以截江路又於對岸梅花洲築壘環列巨礮數百以阻我軍

值水涸弗利仰攻我軍多傷公駕火舟徑衝賊柵時

風濤並怒礮轟發如雷當者輒燼遂乘勝駛入內湖

酒大姑塘與游擊孫昌凱黃翼升等簡輕舸二十精

卒二千自大孤塘至平拳出賊不意又燔二百餘舟

賊遂囊土塞湖口扼之各巨艦之洎外江者又為賊

焚九江營亦被襲師弗克歸終夜露宿風雨中旋乘

晦穿襲賊雞公湖敗之遂復都昌嗣賊由大姑塘上

犯勢甚盛公迎拒之青山西賀虎臣率師船分趨東

岸為掎角鼓而並進賊人舟俱燬餘退據湖口為負

卷三二

二

隅計朦朧列數十里我軍議水陸並揉之俄陸師薄城城垂下公率十七舟猛進手自舉旗倏中飛礮殞事聞 贈副將 賜祭葬 予諡節愍 賞世職入祀 京師昭忠祠咸豐七年九月官軍克湖口九年彭公玉麟建水師昭忠祠於石鐘山曾公疏請列祀典首及周貞愍公黃參將國堯耐焉 周貞愍公清元字玉泉湘陰人也世業農兒時與羣兒角戲於牧場立表數十步外飛石命中掘溝尋丈跳越之能往復十次羣兒皆出其下同里左明志者

以拳勇鳴於鄉招致門下傳以技嘗言天下幸無事有事則周清元暨吾子光培皆號將也咸豐二年冬賊自益陽竄臨資口公混迹市人中默識其軍卒舟艦糧械之數聞提督向公榮尾追至八字哨相距三十里公遮道見向公曰廣西能戰賊不過三千餘人餘皆衰脅耳臨資口四面阻水湘包其東南資繞其西北數十里平原渺無障蔽所攜民船笨重不易行一炬可盡也請以兵扼要路使不得偷渡賊糧盡旬日當餓死何怯而不爲向不省公固以請向叱之退

卷二十六上

三

繞道樟樹港至湘陰賊從容駛去矣及東南糜爛公太息曰賊自走絕地向公縱之去能辭厥咎邪三年曾文正募水軍公謂光培曰時至矣丈夫當努力殺賊報國毋從死牖下爲也遂同應募隸楊公載福戲下楊公爲湘陰汛外委夙才公而蕭節愍官湘陰千總時亦知公驍勇及戰必與俱四年賊踞湘潭楊公及彭公率水師進剿時賊掠民船數千旗幟蔽兩岸咸畏縮公大言曰民船不能戰一炬可盡也何懼焉遂隨楊公猛擊逼賊巨艦賊倉卒以資盃來擲公手

接而回擲之中賊渠楊公躍登賊舟公隨登身入用火毬分擲左右舟時風烈火熾賊爭赴水死後軍爭進分途縱火燔賊船皆盡公以功拔充哨官隨攻克岳州嘉魚各郡縣八月攻克武漢受重創力疾進剿蕪黃田家鎮皆有功五年武昌再陷公隨彭公回援駐金口扼上游每戰必先不受創不止六年胡文忠督攻武昌經歲不下議先斷賊糧路乃檄水師清江面公時將副後營先下駛越武漢二城直駐沙口賊數來犯擊敗之駐沙口八閱月而賊糧斷十一月

卷二十六上

四

二十二日遂克武昌公戰黃鶴樓下被礮傷越半月卒於軍年二十有六公繇藍翎外委洵保參將加副將銜 賞驍勇巴圖魯名號並換花翎洎死事 詔賜卹 賞世襲騎都尉祀 京師昭忠祠公勇而廉所得月俸半以充犒賞既卒不名一錢所部贖金送之還葬而左君光培戰績與公埒後官至總兵 黃參將國堯字聰軒乾州廳人居廳東喜鵲營汎城少沈毅有識略道光二十七年冬苗匪楊貴倡亂三

廳戒嚴時汎城兵調出過半民情拘懼父老推君爲團長練鄉丁借汎兵守禦君以兵法部署明賞罰嚴斥埃邨民避亂爭攜家入汎城明年三月事定眾以君知兵勸入伍遂隸鎮溪營從討李沅發以功賞六品服咸豐三年曾文正公治水軍於衡州調充水師營隊長從克湘潭復岳州 賞戴藍翎尋克武漢敘把總田家鎮之捷以功晉千總亡何水師陷入鄱陽湖君從屯江西燔逆艘殆盡明年羅忠節公以湘軍克弋陽廣信君帥戰舟助勦遷守備六年副將周鳳

卷三十八上

五

山師潰於臨江曾文正檄湖口諸軍回援於是南康爲賊踞六年水師復南康君擢都司 詔換花翎君爲人寡言笑重氣誼以樸勇見知於統帥彭公玉麟會皖北賊氛熾當事疏稱無水師不能制賊命而水師莫善於湖南請 敕湘軍選將領馳赴巢湖治戰艦創立水軍有 詔趣行彭公問孰敢往眾逸巡莫對君請行遂以君應 詔七年夏君率匠卒繞道蘇浙出東壩從蕪湖渡江開關抵廬州謁巡撫福濟慷慨陳時務福公以國士待之越五月舟師成名日巢

湖水師盡破瀕湖賊壘澠水爲之一清以功晉游擊福公於旅見時嘗把臂語君曰壽春鎮一席徵君將誰屬勉之蓋福公擬聯師進規安慶且大用君也八年夏福公 內召代者爲翁公同書時大江以北遍地皆賊廬州尤受敵客兵約萬人懷奇絀兵屢鼓噪黠桀者遂與賊通當巡撫更代時軍心益不固君深以爲憂屢言諸廬州守馬新貽相對歎息而已七月十二日馬守召君入城計事書日三至或尼君行君曰公事易敢避難遂駕小舟帥水勇十三人赴之水

卷三十八上

六

寨距城八十里詰旦入郡城與馬守會議殘若尙溫忽報賊入城馬請與君暫避入民舍君不可急上馬帥從者出當賊當是時賊驟入殺人如草火四起人馬騰蹕聲如沸哭聲震地君大呼殺賊手刃數人賊初初入無人之境至是突遇君奮呼巷戰大驚疑中伏遂各披靡使得壯士百餘人繼之城可復也柰諸軍無應者賊環擊君顧從卒僅存徐福田玉清兩人知事不可爲揮令逃生躍下馬手擒一巨酋口嚙其面血如注曰吾且生啗汝賊黨叢刺之遂遇害年

四十有三明日徐福歸水寨君從子兆槐密約水陸
各營期復城亡何陸軍皆潰走賊寨淝水舟師困巢
湖無出路又三日乃沈燬焚舟而散馬守既出城尋
復官未十年至兩江總督君本無民社責又獨身計
事非臨陳比使策馬潰圍出必可得生而君不願以
彼易此也同治元年四月官軍克廬州彭公得君死
事狀牒會公具疏請 卹得 旨贈參將 賞雲騎
尉世職入祀湖口昭忠祠君仗策從軍時四子皆幼
稚君訓之曰勉讀書善事祖母無他言在巢湖甚得

卷三六上

七

民心秋豪無所擾數登岸微行與田更野老談穡事
詢民疾苦困窶者輒周恤之又喜與士大夫唱和其
和落日詩有句云形雖入大地光自射長天時人以
爲詩識云

蕭公翰慶字黼臣清泉人咸豐元年從都司徐大醇
勦賊廣西大醇死綏公冒險扶其櫬歸三年曾文正
治水師於衡州公投效軍中以戰功洊保千總四年
夏進攻岳州賊遞手紅旗報捷文正奇其文雅詢知
爲讀書士改敘從九品從克武昌擢府經歷再擢州

判六年改隸彭公玉麟部下充水師營官同攻武漢
晉同知直隸州冬十月武昌克復晉知府七年從彭
公帥水師自外江會攻湖口將戰公察山後炊煙起
知有伏乃潛從山後進擣一鼓殲之遂拔湖口 詔
賞孔雀翎八年四月官軍克九江公與副將孫昌凱
等登岸截擊北城逃賊無一漏網者敘功加道銜九
年正月僞翼王石達開自江西南安竄湖南道郴桂
圍永州長沙戒嚴鄂撫胡文忠檄公帥礮船援湘四
月朔抵祁陽時沿江皆賊壘公躬入小河乘三板督

卷三六上

八

戰平之總兵周寬世及賊戰於長葉嶺公帥礮船夾
擊之賊大敗湖南肅清乃回鄂 詔以道員交軍機
處記名 簡放十年春江甯賊犯杭州浙撫羅公遵
殿疏調楚軍援浙公與羅公子忠祐有舊遂請行倉
猝無見兵得唐君訓方舊部號訓字營者四千人益
以池州降卒二千馳赴之抵徽州而杭城已陷時左
副都御史張公芾方治徽甯防務疏留公辦賊尋攻
石埭太平克之 詔加鹽運使銜方進攻池州而常
州趣援甚急乃分降卒圍池躬帥訓字六營暨親兵

二營赴之途次聞湖州被圍乃改援湖時前路賊騎充斥眾請緩行公曰湖州皖浙咽喉也儻有失則兩浙糜爛矣行抵禮義橋悍賊突出公截橋而戰勝之日暮大雨賊至我軍且戰且進抵同心橋賊來愈眾圍公數重參將吳修攻鄧茂先戰死公血戰良久力竭死之年三十有四事聞 詔加等賜卹 予諡壯節原籍及死事地方並建專祠

卷二十八上

九

中興將帥別傳卷二十八下 長洲朱孔彰撰

黃武靖公翼升

李勇愨公成謀

李提督朝斌

王提督吉

黃公翼升字昌岐湘鄉人也少業鋸工又設肆鬻爆竹歲荒不能自給曾文正公勸練水軍公應募隸戲下文正命監造戰船有龍降其舟色青長五六寸隱見儵忽文正偕幕客李元度往觀之李曰此黃河廟

卷二十八下

一

中常示見者後統偏師屬彭公楊公轉戰湖南北九江安慶擢至總兵咸豐十一年文正增淮揚水師一支保薦公 詔令總統遂於彭楊所部外別樹一幟八月從克安慶同治元年李公鴻章統陸師援江蘇由輪船赴上海公統淮揚水師輔之由長江直下衝賊巢而過克瀕江各府縣 詔授淮揚鎮總兵 賞穿黃馬褂晉江南提督明年克蘇州遂帥師援浙所過郡縣皆下又明年官軍克江甯粵逆平文正奏立長江水師 詔授公提督節制水師五鎮亡何撻寇

棘公率舟師進剿淮北抵山東所向皆捷六年官軍蹙撻寇于燕齊接壤之運河時河水淺躍馬可渡公禱于龍神廟禱畢舟中龍復見水不雨而漲驟增五六尺賊突圍不能進遂爲官軍所殄戮匪平 詔繇騎都尉加賞一等輕車都尉并爲三等男公督水師十年如湖口東梁山太湖之役戰數日夜皆身先士卒躬冒礮石然彈子或碎翎頂或穿衣而過寸膚未傷咸目爲 中興福將十一年由長江提督乞病歸嘗僑白門與夫人某氏禮佛好施行路僑之先是夔

卷二十八下

二

門鮑公超夫婦來長沙以貧故謀生計不就久之貧罄存錢止數百鮑故烈士以錢市酒肴置醕將與夫人飽飫以死鄰姬知之以告公公微門則戶鍵矣毀門入鮑夫婦方舉箸公問何爲以實對公喏曰壯士柰何效匹夫匹婦死溝瀆鮑曰柰絕食何公曰子主我隸名軍籍豈惟不死且可圖進取王侯將相庸有種邪鮑泣拜公亦拜遂逆以歸不數年鮑由步卒起家官浙江提督封一等子爲時名將微公不及此也光緒十八年復起用補授長江水師提督 賞紫禁

城騎馬二十年正月

皇太后萬壽慶典奉 懿旨加尙書 八月卒于官

年七十餘 贈卹如例 子諡武靖子宗炎卽選道

孫恩綬

李公成謀字與吾芷江人也家貧以補釜爲業父死不能殯葬舅氏賻之公兄弟三人皆嗜博飲私相謂曰今藉舅氏力僅可舉喪事無以治酒食待鄉里弔客孰若攜資入博局以冀一得足自豪負則吾三人昇父而葬何如皆曰然一夜竟罄其資遂用葦棺葬

卷二十八下

三

父于黃牛墩後公兄弟皆貴人以爲得吉兆云咸豐初曾文正公勦水軍公應募隸楊公載福戲下轉戰湘鄂潯陽積功擢副將公軀幹雄偉身長八尺能一手樹大檣張飄而行胡公林翼歎曰詩所謂有力如虎執轡如組者其李將軍之謂乎七年五月師次官牌追賊至湖口前隊輕進爲賊所乘公衝入賊陳拔出諸將轉敗爲勝公統偏師嘗出不意擊賊日夜飄忽數百里倏東倏西旣克湖口彭澤擊馬當燬華陽鎮賊舟殆盡進拔望江先登陷陳明日破東流趨安

慶鹽河平賊壘三焚賊舟數十再攻下安慶對岸賊壘三又明日衝過安慶破樅陽賊壘燬賊船八十餘又明日破大通賊壘三燬賊船五十又二日克銅陵破土橋賊壘四焚賊船百餘駛至舊縣峽口見江南水軍紅單船紅單船上人以楊公一軍從賊中來何以飛渡至此又言銅陵泥汊賊築堅城二攻七月不下楊公令公往攻不半日破之盡夷賊眾獲太礮數百尊奪大拖罟船一三板船四得米六屋軍械無算悉送紅單船紅單船將大驚媿喜八日回駐湖口自

卷二十八下

四

湖口以下七百餘里江面肅清胡公奏是役出奇制勝公功爲最於是天子褒嘉以公有老母在素聞其孝 賞二品封典實異數也後克復九江安慶擢漳州鎮總兵克太平蕪湖金柱關東西梁山各要隘擢福建水師提督同治十一年黃公翼升爲長江提督乞病歸是時公已之福建任用彭公密保 朝廷命公代黃公十餘年長江三千里桴鼓不驚盜賊屏跡皆公之勞也光緒十七年卒于官 贈卹如例子 諡勇毅

李公朝斌字質堂湖南善化人咸豐間入水軍隸楊公載福戡下從克岳州武昌湖口沿江城隘累敘至總兵同治元年攻拔蕪湖金柱關擢浙江處州鎮總兵克九洲洲擢提督曾文正公勅設太湖淮揚水師令公領太湖一軍黃公翼升領淮揚一軍李公鴻章先率陸師八千人援上海公與黃公率水師往佐之七月至上海與程公學啟會師夾浦督師船百艘攻沿湖賊壘下之九月進澹臺湖破賊壘六十月與總兵張遇春破盤門外賊壘蘇州省城既復 詔授江

卷二十八下

五

南提督在官十餘年整飭戎行優劣得所屢出海巡緝操練南洋兵輪江防鞏固彭剛直每歎其賢後乞病歸光緒十九年卒于家公本姓王氏官江南提督時媒請歸宗曾文正批答云來牘具悉貴軍門於始生之際卽爲李氏撫養艱難鞠育至於成立王氏本生父母已隔絕不相聞問事隔四十三年直至今歲始有呈請歸宗之議披閱所鈔李氏族叔傳誠等家信其中所引典故大半本于晉賀喬妻于氏表文末必十分中禮所述從前情事稱王氏恩誼已斷尙非

過當之論本部堂攷核古禮無與此案恰相脗合者
惟查古來名臣如吳之朱然本姓施氏周逸本姓左
氏魏之陳矯本姓劉氏宋之葉夢鼎本姓陳氏卽當
代名族如嘉興錢文端公之先本姓何氏合肥李爵
大臣之先本姓許氏其後皆未歸宗必有權衡於至
當者乃不爲世所譏本朝言禮之書惟秦文恭公蕙
田之五禮通攷最博且精其所引金史張詩一案詩
本李氏子育於張氏閱三十年始知初議歸宗以張
氏無子遂仍其舊秦公稱張詩爲孝今貴軍門王氏

卷二十八下

六

本生之父母尙有眾兄弟承祀而李氏撫養之父母
別無主後正與張詩之事相類權度禮意貴軍門應
爲李氏後不必歸宗豪無疑義惟於李氏別爲一宗
於王氏不通昏姻一以報鞠養之深恩一以明族屬
之大義本部堂當奏明立案以爲貴軍門家業之緣
起至王氏二老以垂暮之年目覩貴軍門身躋通顯
追念前事羨而兼悔自屬常情禮不忘其所自生貴
軍門天性肫摯必宜曲盡敬養之禮恩義周至斯兩
全之道也

王公吉湖南衡陽人由行伍起家道光三十年剿滅
新甯土匪李沅發咸豐元年隨衡州標兵出師廣西
剿粵匪二年回防湖南五年曾文正調赴江西充水
師嚮導官七年攻克湖口梅家洲賊屯又克彭澤望
江東流銅陵皆身先士卒鱗傷徧體保守備九年彭
公玉麟委充嚮導官十年攻樅陽偽城踏平殷家匯
池州城外並蠟蟻各賊壘保都司十一年回援湖北
克復孝感雲夢應城時賊竄麻城公追躡其後裹創
血戰遂解城圍 賞猛勇巴圖魯旋復德安黃州湖

卷二十八下

七

北肅清保副將是年又攻克東流彭澤二縣力解南
陵縣圍同治元年賊分黨由蕪湖上竄會各軍生禽
僞王及逆黨百餘復攻克太平府金柱關又攻克蕪
湖收復東西梁山擢總兵明年以曾文正彭剛直奏
薦補狼山鎮總兵仍進攻青陽並高涇溧水東壩皆
下奉 上諭著有提督缺出儘先題奏九年赴狼山
鎮任在官十年出海巡緝如奈山馬蹟山大洋山小
洋山各島素稱逋逃淵藪咸恪遵約束化莠爲良臥
鼓過亭商民頌戴光緒七年四月卒于官水師中驍

將如鄔桂芳胡俊友官至總兵同治二年五月攻九
洪洲陳亡喻俊明官至浙江定海鎮總兵丁泗濱官
至浙江黃巖鎮總兵王明山任星元彭楚漢官至提
督孫昌凱初為缺工咸豐四年攻田家鎮賊屯與劉
國斌載鑪鼓鞫治鎖斷賊橫江浮橋鑊纜遂大破之
克田家鎮官至浙江處州鎮總兵郭明鼐咸豐六年
入水師從克復九江又從攻安慶大通樞陽賊屯十
年派充營官攻破南陵賊圍十一年克池州同治元
年攻運漕無為東西梁山皆下積功擢總兵從克蕪

卷二十八下 八

湖金柱關中礮殞追 贈提督成發祥累功擢江南
京口協副將克巢縣推為首功克九洲洲先登官至
總兵同治四年冬病亡曾文正公具疏請卹追 贈
提督皆有名
評曰 中興撥亂水師功高楊彭為帥而部下多將
才死事者悉數難終惟蕭節愍周貞愍黃參將蕭壯
節世尤壯之其功成而歷百戰者則黃二李王諸公
勳績皆可述焉

中興將帥別傳卷二十九上 長洲朱孔彰撰

趙剛節公德光

田巡撫與恕 咸應洪

韓果靖公超

趙公德光字輝堂貴州郎岱廳人本姓張氏少從提
督趙德昌征賊遂冒姓趙咸豐六年由勇丁勦雲南
回匪保六品軍功藍翎八年雲貴總督吳振域飭令
回黔勦匪於平越拔補千總十年克修文擢都司
賞花翎苗匪踞獨山州城攻拔之北徇下羊場巴香

卷二十九上 一

直抵清水江剗平四十餘壘明年破賊沙潭江口再
捷於主戎山威名由是漸起 賞豪勇巴圖魯同治
元年進攻王丰王丰者在清水江外賊之老巢也山
等深峭公得降人詞知賊以要蘓溪新寨巖為門戶
旁則花巖梯子巖間道走蘿溪公分軍塞其旁別遣
奇兵瞰寨巖後而建旗鼓自將當其前與賊爭山累
肩越壘以進氣銳甚遂奪王丰拔出男婦數千人追
至尚大平毀賊寨而還眾聲大和 命以副將留黔
補用二年克復舊縣補都勻協副將記名總兵三年

公方營東山平圖霸芒而省門告警率師回援縱擊於紅邊北衙大膊於永樂堡再蹙之小箐又以其閒收復龍里與賊戰於城內江西街賊陷鎮西衛攻清鎮廣順定番長寨俱失公引兵而西連下數城出奇制勝所在戰克復北定開州修文賊逼青巖又南出貴定龍里黔西大定望援切巡撫張公亮基檄公往應公自開州橫出陸廣河掃盪而前又以次或定已而開修再失公憤禍變之靡已也益進部曲而申討之警備不虞雖以記名提督迭署古州安義鎮總兵

卷二十九上

二

遙領而已方是時省之南則潘名杰省之北則何得勝二巨憖者卵翼其閒又傳以苗教回狎黨噪朋咻羣盜如麻公提孤軍當四戰地數不滿六千頻年轉戰無虛日饑餽匱竭至或忍饑赴敵露處於嚴風酷雨之中終日荷戈不獲一飽而含宏淵默未嘗一見顏色人咸以為難愈益欽敬其攻賊也尤善為超距鵬劫之法賊莫知所為備皆畏憚之號曰鍊腳版云五年擢署貴州提督正月克復永甯州城引軍而西至翁貴廣興復引而東至舊縣軍久無功會晷疫回

省其秋赴援安順追賊至頭鋪二鋪大破之安順圍解六年春再援定番出賊不備疾馳至穿心堡乘雷電中奮擊士皆殊死門賊大潰墜崖呈樹死者以萬計斬賊酋許八大等進薄花山降二十餘屯直抵底季登山營兩峰間斷賊樵汲遂拔陳喬生逆巢聲威大震遠近快之 賞換博奇巴圖魯旋密疏奏保按察使鮑桂生請破格擢用上以公武臣擅保文員命傳旨申飭耶岱賊入安平公乘勝要敗于蘆荻哨日加晡率數騎渡河度地勢驟中伏鎗墮馬從者

卷二十九上

三

驚潰賊出剖心裂腹攫公首以去同治六年七月初五日也年財三十越二日趙德昌所遣守備楊嗣基接應公者至公死所賊猶未退眾皆痛憤見紅巾賊十餘負公首疾馳嗣基揮騎窮追及之沙子哨悉數殲滅奪回事聞 上悼惜殊甚加太子少保銜照提督陳亡例 賜卹死事地方及貴州省城耶岱廳原籍建立專祠 子諡剛節 賞騎都尉兼一雲騎尉世職遵義黎君庶昌嘗與余談公逸事言公卒時夫人雷氏生子甫彌月耳公之行軍也一以愛民為主

有警即赴如患難之在其身以故百姓戴若慈父母諸路告急皆求提督親行一聞公至相率輪豬雞菜果或炊飯以待及其卒士民巷哭失聲提督德昌亦有大功於黔黔之人故樂稱趙氏

田公與恕字忠普湖南鎮寧人初爲鎮標兵屬鄧公紹良粵逆攻長沙以地雷壞城鎮寧兵拒之不得入公與有勞賊退屯湘江西岸連營百數巡撫駱文忠公募人夜驚賊公應募擢小舟往潛以火球擲入賊營賊數百追之公棄舟泗水免文忠賞其勇時

卷二十九上

四

年甫十六也咸豐五年充哨官隨湖南候補道王葆生克郴州六年獨將五百人名虎威軍後稍增募隨蕭壯果啟江援江西克萬載復袁州七年由上高進攻英岡嶺賊巢僞翼王石達開糾悍黨數萬圍公營公以千二百人破走之四月進攻臨江掘地道攻城火藥發城裂數丈公率親兵先登城賊死拒諸軍徘徊不進公受重傷左右戰沒百數城遂未下九月賊復糾黨四十萬連營數百來援蕭公畏其眾約公暫退公不可大言曰兵貴精不貴多石逆貪聯大眾其

寶烏合不耐戰與恕保爲公破之蕭公壯其言乃以己所部扼城賊以章武平江兩軍爲公接應明日公率壯士數百直入賊陳迨接應軍至公已戰勝見公旗麾東指西賊莫敢當兩軍夾擊遂破賊壘百餘援賊遠竄城賊亦潰走臨江復八年克崇仁樂安宜黃南豐各城四月克撫州江西肅清敘功升副將加總兵銜並賞尙勢勇雙巴圖魯時貴州黎平圍急駱文忠公檄公援期八月公統軍抵黎平次潭溪司離城三十里明日即攻破北門賊營入城安撫又明日

卷二十九上

五

攻破南門賊營又明日攻破西門賊營經年之圍三日而解閩城官民同慶更生九年石逆竄湖南圍寶慶駱文忠公檄募足四千五百人回援三月抵寶慶駐府南時趙觀察煥聯周提督寬世駐府東石逆圍城號稱百萬分兵圍公營令與趙周二軍隔絕自四月合圍無日不戰初掘濠築牆以自固後牆倒濠填與賊聲息相聞互攻互拒一夕數起一餐累戰至六月中糧藥將罄公益選營中敢死士號曰死勇將決勝負於一戰會李公績宜由鄂來自外攻入公率死

勇由內應之大破賊于九鞏橋殺賊萬餘人于是石
逆遜入廣西公改死勇名曰長勝軍移駐靖州旋奉
命署貴州提督增兵二萬由湖南轉餉督辦貴州
軍務十年取道銅仁分三路進解印江思南石阡等
城圍並克貓貓山賊巢兩旬之間復地數百里四月
授貴州提督十月石逆卒陷荔波獨山定番廣順
省城戒嚴公率所部馳抵省垣布置城防即督大軍
赴定番迎剿石逆聞公至棄城逃走十二月 授欽
差大臣關防明年兼署貴州巡撫時年二十有四也

卷二十九上

六

時上游狃狎各匪下游苗教各匪肆擾府無完縣縣
無完堡公分路援剿屢挫賊鋒招撫著名逆首唐天
祐賈幅保陳大六柳天成等克復歸化荔波定番廣
順獨山等城疏通省道聲威大振同治元年西人文
乃爾傳教入黔公惡其倔強殺之西人譁於朝 命
褫公職交川督查辦隨帶長勝軍出省士庶焚香跪
送數十里不絕行次遵義旺超值總督勞公崇光爲
賊所困甚危公聞之驟馬衝出大呼曰田某在此鼠
輩敢爾賊驚潰翼勞公出四年發往新置效力行至

甘肅左文襄公奏留防秦州甘回不敢犯境十二年
釋歸光緒三年十月卒于家年四十有一公驍勇善
戰雖不讀書用兵與古人暗合自公去貴州貴州兵
事久不振署巡撫時以前政寬弛更繩以法由是謗
怨沸騰卒不安於位公解提督印謝 恩疏有云各
爲其主當懷犬馬之誠無禮於君妄擬鷹鷂之逐天
下傳誦之公罷貴州巡撫時韓公超爲巡撫部將威
應洪最有名

卷二十九上

七

入虎威營從提督田興恕追賊至贛州之殷家嶺甫
交綏賊佯敗興恕馬直前伏賊四起圍之數重應
洪率三百騎馳救之遂翼興恕出重圍論功授把總
由是每與賊遇賊懾其先聲輒披靡積功至參將旋
隨興恕援黔駐師黎平之潭溪時賊據青龍嶺奧巢
峭絕壁立各隘皆壘石嚴守公購土人爲嚮導由間
道繞出其背攀蘿緣絕壁而上直搗其巢賊顛崖踣
死無算即乘勝徇各砦苗酋梁維幹余老柯唐義輔
等相率乞降遂復古州同治三年粵賊李復猷竄臨

平之洪洲勢甚盛公率游擊雷三佳以五百人赴援
遇賊於峽溫徑狹菁密僅容一騎卻而復前者三賊
奪氣回洪洲阻水爲營兼旬保險不出潛於昏夜偷
襲我營火逼帳起營卒大亂公奮臂大呼手格殺數
十人而死事聞 贈提督銜 賜卹 予諡節愍給
騎都尉世職 命於黎平建專祠

韓公超字寓仲號南溪直隸昌黎人也以道光甲午
副貢生就職州判壬寅歲西洋互市啟釁天津設防
公投效軍前和議成獎以本職遇缺卽選二十四年

卷二十九上

八

發貴州冬署三腳屯州同捕盜有聲二十七年署獨
山州城外諸砦素爲盜藪官不能治公親率兵役禽
數十人歸按其罪盜賊屏跡明年夏解獨山任冬丁
父憂北旋服闋咸豐元年復到貴陽黎平太守胡公
林翼聞公名招赴黎帶勇緝盜時粵西寇起勢鸚張
胡公憂國如家愛才如命見公大喜屬訓練勇丁駐
懷遠東粵匪不敢犯境二年烏沙雷公山苗蠢動胡
公往討公爲前鋒數月破平之三年粵寇犯長沙陷
岳州破武昌東下胡公已升貴東道湖廣總督吳文

節公奏調胡公公代選勇士六百從胡公行胡公欲
與公俱公曰黔不久必亂公辦鄂賊超將辦黔賊也
明年果有獨山州之亂獨山匪楊元保糾黨數千人
圍州城先經游擊楊廷柱擊退進營土井寇復來攻
公馳救率壯士陷陳斬級數百賊敗奔又破賊于播
讓洞地壩洞董保四月元保竄至粵境粵軍禽誅之
時大府帥以楊元保肇亂奏實非元保一股或請收
兵公曰不可舍此時不辦賊後更難措手矣五月攻
破蠻往又攻破董蕩山禽賊首劉仲林丁老喬於是

卷二一九上

九

各股敗匪盡入南丹之芒場大山南丹炎熱營兵驕
不用命皆謀欲歸以苗匪無大志不遠攻也公乃回
駐四亭不返州城六月獨匪粵匪約合數千先後來
犯皆大破之斬馘千數百人獨境始平敘功擢知縣
加同知銜 賞戴花翎八月桐梓匪楊龍喜作亂陷
縣城並陷仁懷安南普安又攻綏陽正安黔西遵義
各城公率軍往討先解遵義圍入城安撫眾聲大和
明日公出城營紅花岡時城外八營皆不能戰公官
最卑兵最少名最好諸軍退縮遷延是以賊勢日張

眾問計安出公曰諸公不能從吾言肯從吾言必破賊眾曰請從公公曰近日皆賊來攻官軍不聞官軍往攻賊賊屢勝必輕我我襲之可破矣請與趙提督各將一軍分攻雷台山因保趙曰諾公夜率九百人潛進天未明離賊營數十步賊始覺眾簇擁而登縱火焚賊三營立燔賊遁入山趙違約日出進兵至半途賊迎戰大敗而回謀告公公幾不能收軍乃傳令曰分軍爲左右拒左拒則右退右拒則左退每退五十步樹一紅旗令軍士排立止齊賊乃不敢

卷二十九上

一

逼自是屢創賊斬殺悍酋王三乍巴又以計離其黨羽斬逆首楊龍喜傳首省垣得旨擢知府又破賊于臺拱勝秉鎮遠兵單餉絀爲他人所挂強弱不齊卒不能滅賊然賊見韓軍則膽寒每避之不得接戰公嘗假他軍號臨陳則展旗揚聲大呼韓家人馬來矣賊即敗走世傳韓家軍戰勝時不許取財物獻首級故兵尤神速部勇多不過二千能以少勝眾六年秋補石阡府尋以道員記名簡放八年守青溪克鎮遠詔授貴州糧儲道旋加按察使銜署貴東道

又署按察使十一年冬清鎮匪民戕官圍城公誅其首惡餘不問亂平同治元年詔加布政使銜賞武勇巴圖魯名號奉上諭賞給二品頂戴署理貴州巡撫二年病免歸家四年劉公長佑爲直隸總督奏請公督辦永郡團練八年曾文正公以團練有效奏于朝部議免從前一切處分加一級光緒四年卒於家年七十有九其後直隸總督臚陳生平戰績以聞賜諡果靖公性沈勇有分功與人遵義之役有烏游擊懦而無能公請率軍速進曰某在前君在後

卷二一九上

十一

隔一二日程亦可爲聲援烏知公追及賊大功必成而又知己軍弱不任戰欲別派人統軍在後已與公偕行可分功公念烏怯同行必僨事乃好言尉之曰兄慮不同行則滅賊後無兄功那請選兄部卒最强者五十人而以二弁將之隨我馳騁如此安得不分功那烏乃許之卒禽楊龍喜提督孝順公忠勇樸誠公常侮之欲與共辦下游之賊大府遽撤川兵而狎匪復熾孝公遂爲賊牽綴于上游不得與公軍合從此苗壘鼎沸而教匪擯匪回匪又充斥上下游全局

大壞後公去臺雄至鎮遠守邛水四年苗匪不能過黔人仿宣和遺事作四十八回其目云戰定番孝順寡擊眾守邛水韓超逸待勞蓋紀實也

評曰余聞遵義黎君純齋言想見剛節之爲人剛節豈弟尙桓桓如虎貔哉其愛民之心深矣田公之富勇氣韓公之有讓功是能禁暴安民和眾者也故至今黔人稱之

卷二十九上

三

中興將帥別傳卷二十九上

中興將帥別傳卷二十九下 長洲朱孔彰撰

楊武愨公玉科

陳總兵國瑞

楊公玉科字雲階寄籍雲南麗江其先居湖南善化既貴後奏還祖貫同治初以義勇入滇營三年岑公毓英征曲靖見部將顏雲芳戲下有卒騰蹕陷陳以一當百詢問卽公召與語奇之拔爲隊長保千總旋充營官公由是感激效死所向有功既克曲靖以五品軍功護理維西協篆從岑公克霑益馬龍援昭通

卷三九下

一

生禽僞元帥阮三斬僞王鎖朝升於陳六年五月從克鎮雄禽首逆白金品八月從追賊於雲貴四川三省界連之豬拱箐禽僞王陶三春又破賊於海馬姑礮首逆張項七逆黨三萬餘悉解散補游擊八年平柯渡可郎賊擢副將從援省城時回勢披猖號三十萬環省垣西南北賊壘延袤十餘里省東之江右館石虎岡賊彌林立悍回馬添順踞尋甸城與相應岑公令公率偏師繞四川會理攻武定元謀大姚祿勸定遠白井易門皆下之遂解省城圍擢總兵九年與

諸將黃文學李維述等分攻姚州永北鎮南公功爲最補雲南開化鎮總兵黃文學克永北而亡諸將乞休岑公乃令西北各營皆統於公營戒其勿暴虐勿妄殺授以春秋與論兵事至夜分不倦公於迤西各城山川險夷瞭如指掌岑公歎爲名將因令直擣迤西遂蓮克麗江鶴慶劍川浪穹鄧川賓川永昌 詔記名提督十一年正月克永平三月克漾濞四月克雲南縣五月克趙州 實穿黃馬褂 予一品封典遂抵大理東臨洱海西倚蒼山自回首杜文秀

卷二十九

二

竊踞十有八載內築土垣包偽禁城其中堅且厚公穴地道蟄場東南城率軍士乘缺口衝入賊踞土城猶死拒復用地雷破之斬級二千餘公屯內校場蓮花池增調五千人環攻偽城文秀糾死黨出戰公親擊之賊死五六千人文秀敗入偽城飲毒死文秀黨蔡廷棟昇尸以獻氣息猶屬卽割其首解送省城時岑公軍次紅崖距大理百二十里十二月甲寅岑公至部署撫事蔡廷棟楊榮伴稱乞款陰埋地雷於行館欲害公與岑公偵知之令公率二百人先入

公潛至偽府據礮樓大呼二百人出戰礮發岑公所伏兵乘夜梯登入偽城與公軍合巷戰竟日官軍傷亡千計賊死者萬人辛酉賊焚偽府奪門出走大理三城皆克獲文秀幼子三女一其黨魁楊榮蔡廷棟等百三十人皆伏誅大理平 賞騎都尉世職十二年二月辛酉克錫臘甲戌克順甯四月庚戌與蔡標克雲州光緒元年署雲南提督叛將蘇開先踞騰越作亂公率師討平之得 旨加一雲騎尉世職全滇肅清改爲一等輕車都尉追錄前勳 賞頭品頂戴

卷二十九

三

旋以兼襲叔父世職并爲二等男爵二年移廣西右江鎮調廣東高州鎮總兵後以事鐫級兩江總督劉公坤一奏請改留兩江 上從之十年廣西巡撫潘鼎新奏調公率師出鎮南關法人攻諒山戰歿 賜祭葬 贈太子少保銜予諡武愍雲南及鎮南關建專祠公大小數百戰屢瀕於危庚申永昌之陷初爲馬雙元所得雙元時爲偽大將軍公察其人可以言動因勸自拔雙元曰我等失身於此非得已遂結腹心屬他時得志相援手乃餽公金給憑縱歸後同治

十年雙元約降內應克永昌公亟薦保竟爲干城之將公之攻大理小關邑也回酋詐降設座禮拜寺迎公公入心動命移座心動如故命再移之須臾地雷發得不死伏賊四起公手刃二人馬雙元等以死護公出因屠小關邑公自練鄉團戰鶴慶後破池西城若數百禽悍酋數千斬逆回數十萬皆公功也同治季年入都

先皇詢滇池戰狀視傷痕惻然軫念光緒初今上召見皆賜克食左文襄奏公爲過才之選惟性好

卷二十九下

四

勇而嗜殺嘗殺人報仇岑公惜其才釋不問語在岑襄勤語中家素封豪放至上海與貴人爭買名姬曰凝脂色藝無雙以萬金爲聘錢姬不肯從蓋聞公嘗鞭過健兒有擊落美人齒事然公爲國捐軀如夫人牛氏明大義殉焉初公手錄有從軍紀畧二卷後猶子汝翼又爲續錄一篇紀諒山戰蹟云部將名者徐聯魁劉映豐從公死於陳蔣宗漢後會馮公子材復諒山丁槐與法人戰臨洮皆有大功

陳總兵國瑞字慶雲湖北應城人也幼孤年十一游

河南固始投提督黃開榜戲下黃奇之誓爲父子資以兵擊賊克復正陽關及懷遠縣城奮勇先登咸豐九年十二月賊踞鳳陽府城城甚堅國瑞謂非出奇計不可下會大風率壯士七人懷火毬攀堞上火起奮殺官軍乘之賊眾驚潰相踐踏死者無算遂復府縣二城生禽撫首張元龍等大臣勝保上其功擢守備加都司銜賜技勇巴圖魯名號十年正月欽

卷二十九下

五

差大臣袁甲三奉命討河北賊調國瑞隸其軍時壽州危急命率兵往勦中途聞賊犯壽陽夜潛返破賊立解鳳陽城危擢游擊同治元年賊踞天長六合屢攻未克偵知賊有驍將陳振邦者以計降之遂克其城畜振邦爲義子後振邦亦以戰功著天長旣復時清淮髮撚猶猖獗漕運總督吳棠奏調國瑞往勦僅率壯士五百人赴敵而賊眾十萬已將淮關稅銀數十萬兩掠去國瑞亟揮軍追擊賊敗奔奪回所掠金撚首張樂行之圍清河也國瑞往援賊易其兵少圍之國瑞短小精悍服紅袖褊策馬馳入賊陳與壯士往來奔擊賊披靡敗走自此賊中稱紅孩兒軍聞

名膽寒事聞 諭旨褒獎授副將加總兵銜進剿秦
興宿遷斬級逾萬生禽老賊數百拔出難民八千移
軍邳州累戰皆捷降撚酋高圭江北悉平奉 旨以
總兵儘先題奏旋破賊高郵寶應召伯埭各湖面殲
賊萬人二年六月奉 命剿山東賊率所部二千人
進軍沂州破援賊李成之眾賊畏避不敢出踞蘭山
縣境內築城浚濠自衛國瑞身先士卒越濠梯城斬
其軍師孫化祥降仲邨賊酋宋三綱等餘賊望風納
款乘勝進攻宗城克之賊皆盡夷散遣脅從萬餘人

卷三九下

六

進兵攻兗州白蓮池白蓮池者教匪宋維明等所踞
巢穴中環九大山山峻路險賊砦其上出劫入保爲
患歷有年所國瑞兵至逆酋劉雙印率黨迎戰國瑞
命部將郭寶昌襲賊後遏其歸路命康錦文潛師伏
山徑中俟賊過半橫出截之國瑞自將一軍衝其中
堅三路夾擊斬賊萬餘禽劉雙印等二十餘酋餘賊
負隅死守不出攻月餘未下會夜大雨國瑞料賊防
弛乃冒雨緣崖暗登大破之殲賊近萬斬逆渠宋維
明劉錦春科爾沁僧親王駐軍淄川以捷奏得 旨

賞穿黃馬褂嗣流賊竄曲阜卽率師馳護 聖陵殄
平兗曹沂三府踞賊 賞頭品頂戴無何苗沛霖復
叛江北震動 上命國瑞幫辦江北軍務八月國瑞
率三千人進援蒙城初苗沛霖之圍蒙城也城中兵
少食盡賊數萬蟻附環城築壘城外百里皆附苗民
圩與相倚角他軍援蒙者壁數十里外國瑞至攻紅
里圩王窰等處破之連毀附圩賊營數十轉戰而前
直搗其巢壘苗逆率死黨迎敵國瑞驅軍奮擊賊崩
潰整軍再戰又大敗之賊乃拒河固守不出日用大

卷三九下

七

礮向官軍營中轟擊子落如雨國瑞方閱文書甫離
席礮子碎其坐國瑞大怒命左右置交椅營門外端
坐大呼曰我陳國瑞也任爾施礮無我則有爾有我
則無爾矣賊聞言放數十礮不中乃相顧大駭遂止
不轟擊日以長河高壘自固國瑞一日乘黑夜大雨
令壯士涉河潛入賊船斬守船賊數人奪其船爲浮
橋進逼賊營立營五座背水爲陳奮呼搏戰連破賊
老巢生禽苗天慶等斬首八千苗沛霖夜攜數十賊
巡濠爲官軍巡哨者昏黑中擊殺三日後始知之於

是苗逆平僧忠親王以國瑞攻賊功上 詔以提督
記名簡放 賞三代一品封典 賜福字班指荷包
各珍物同治二年四月授浙江處州鎮總兵時官軍
圍金陵急賊糾合陝西皖豫各省髮撚數十萬赴援
髮首陳德才屯踞麻城白果鎮五月國瑞奉 命由
皖豫入楚剿賊賊聞官軍至先於麻城西築壘數十
樹木柵綿亘四十里與皖楚各官軍相持月餘不下
國瑞始至兵纔八百人不俟大軍齊集卽於是日三
更分五路進兵拔其木柵土壘禽斬大小頭目百餘
人餘賊驚潰下竄先是逆首陳德才聞國瑞將至泣
語其黨曰紅孩兒至吾不得生矣至是果敗國瑞未
抵麻城時有與國瑞不協者誣國瑞逗留有異志及
國瑞至一戰破賊湖廣總督官文公聞捷大喜飛報
僧忠親王王至國瑞單騎往見言狀王聞於 朝仍
命國瑞同營督兵追賊蘄水蘄州羅田廣濟至治溪
河與賊大戰殺數千人賊敗奔潰竄至英山霍山之
界眾尙二十萬國瑞與楚皖官兵合擊賊亦糾各黨
分隊迎敵正酣戰間賊目忽見國瑞旗幟驚曰此紅

卷二十九下

八

孩兒軍也所至衝殺勢如山倒賊大敗不支禽偽端
王藍成春於陳偽將馬融和等乞降陳德才服毒死
遣散脅從難民十數萬人江北大定十一月河南巡
撫張之萬奏調國瑞駐光州堵禦撚匪撚首張總愚
犯鄧州僧忠親王戰不利國瑞督兵赴援四年二月
追賊至確山斬馘萬人脅從步賊乘勢逃散殆盡賊
僅存馬隊由確山竄汝甯汴梁歸德府至山東濟甯
州沂州府又繞道清江竄抵曹州府飄忽千里爲僧
忠親王馬軍追及賊回顧國瑞步軍未到率其精銳
併力迎戰忠親王墜馬遇害追國瑞步兵追至則官
軍已潰勢不可支次日國瑞收集敗軍泣諭將士曰
我軍數年以來戰無不勝今賊如此詭譎喪我親王
誓與決一死戰諸君願從者隨不願者聽言畢策馬
前進從者僅數百人大呼搏戰我軍奮勇爭先無不
以一當百賊卽敗逃尋獲僧忠親王遺骸負入曹州
府城自去頂翎素服治喪嗣以軍敗各督撫及統兵
各帥俱獲嚴譴惟國瑞以力戰貸而言者不已奉
旨免幫辦褫黃馬褂後歸曾公國藩節制曾公愛其

卷二十九下

九

勇欲玉成之又慮其驕欲裁抑之諳諳數千言教戒國瑞不能從以傷病乞歸旋因事革職同治六年十月特召入都賞御前正黃旗頭等侍衛統神機營七年正月撚逆張總愚北犯保定擾及安肅京師戒嚴上命都統都興阿公總統神機營防剿以國瑞隸其軍賊竄正定東南國瑞循滹沱河進戰殺賊無數河水爲赤餘賊尙踞對岸國瑞渡河大破之朝廷慮西回東犯與張逆合命國瑞駐軍太行山之青化鎮以扼東西要隘堵守月餘四月間張逆勢熾

卷三十九

一

郭寶昌身受重傷陳振邦戰歿唐縣賊將北犯國瑞星夜馳回直省繞出賊前賊復南竄至平原在平博平國瑞追及敗之賊嗣由武定竄海豐國瑞與郭松林夾擊復大破之賊目邱良才等皆降餘賊竄至徒駭河國瑞與劉松山劉銘傳郭松林諸軍合蹙賊之張總愚赴水死西撚平論功復提督賞雲騎尉世職請假南歸寓揚州數年與李世忠構毀訟于曾公會公奏革世忠職降國瑞爲都司光緒元年復以總兵詹啟綸毆斃胡士禮事牽連削職戍黑龍江八

年十二月三十日以傷病卒於戍所年四十六九年七月戶科給事中鄧承修上言國瑞秉性忠勇不避艱危隨僧忠親王轉戰山東安徽湖北直隸河南等省平苗沛霖敗張樂行剿流寇張總愚任柱斬葛小元龔耀諸悍賊厥功劇多居平治軍嚴所得賞賜悉分與士卒無所私用能得其死力所向有功請旨量予褒卹嗣翰林院編修尹琳基等復以國瑞行軍有法遺愛在民請於山東建立專祠皆從之尋奉旨復總兵許其歸葬立兄子觀全爲嗣賞還雲騎

卷三十九

七

尉世職初國瑞好私門嘗殺人妄肆譏評惡逆耳之言不能與諸將和衷然至性過人間人談忠臣孝子事傾聽不倦喜親近名儒講誦孟子每見故舊子弟自據胡牀踞坐語曰汝須學好人在戍所歎曰吾早從曾文正公之言不及此夫評曰楊武愍氣質雖麤而勇有餘得岑襄勤之教故克建奇勳陳總兵不能領會曾文正之言謫戍而死惜哉雖然二公善戰豈非英彭之徒歟

中興將帥別傳卷三十一

長洲朱孔彰撰

華爾 法提督卜羅德

勒伯勒東

法爾第福 又名法耳地福又名買武勒 美總兵 旺樂德克

戈登

華爾美國部落鈕要人初仕本國為將以罪廢來上海國人欲殺之會賊陷蘇州上海將治兵候補道楊君坊愛其勇匿之家介上海道吳君煦言於美領事獲免以是德吳君願效死咸豐十年夏五月賊陷松

卷三十一

江吳君令華爾募西勇數十人為前行我數百人半西服半常裝繼之華爾誠曰有進無止者斬賊迎戰鎗礮雨下令皆伏無一傷者頃之突起手加額為號百二十鎗齊發凡三發斃賊數百追之遂與賊賊偕入城置一棹中衢登之黃衣賊五輩乘馬來接戰斃其四最後傷其一賊呼曰走城遂復初吳君與華爾約克城盡賊所有畀之比華爾至賊館空矣蓋我勇入城觀華爾方酣戰先攫之吳君更與華爾五千金令守松江練洋槍勇五百衣服器械皆效西

人同治元年正月賊犯松江廣富林眾數萬華爾率

五百人禦之賊圍之數十重華爾乃分其眾為數圓

陳陳分五重人四嚮最內者平立其外遞俯至最外

者幾踞地矣皆以槍外指望之者如饅首刺賊然將

居中吹角為號一動無不動數十槍齊舉賊披靡遯

走時浦東賊踞高橋逼上海華爾約英法兵列陳海

濱而自率所部攻高橋盡平賊壘上海解嚴 詔賞

四品翎頂以其願改服色隸中國也二月攻蕭塘克

之及李公鴻章率師至上海華爾遂歸李公節制乃

卷三十

立常勝軍募中國勇令華爾教練其勇糧倍於湘淮

各營勇募至三千人令參將李恆嵩為之副三月華

爾會英法二國兵復嘉定青浦留英法兵與常勝軍

共守之英提督何伯請會攻浦東廳縣辛未克奉賢

法提督卜羅德中鎗殞 詔賞貂皮綵絨卹其家偽

忠王李秀成之犯太倉也悉銳攻青浦嘉定英法兵

怵賊眾突圍出嘉定復陷青浦亦危而賊圍松江尤

急甲午夜華爾議棄青浦簡壯士五百人襲破天馬

山由礮路突入青浦擊守軍死戰出城併力守松江

與賊戰大破之遂解松江圍 朝廷賞三品頂戴副將銜七月復青浦八月賊糾眾十餘萬復犯上海華爾自松江倍道赴援會諸軍擊走之後偕甯紹台道史致鄂浮海克甯波餘姚適賊陷慈谿華爾率常勝軍數百人攻城方以遠鏡瞭賊槍丸洞匈蓬背猶揮眾登城克之明日卒美國兵頭那師亦以攻城死華爾以中國章服斂從其志也後葬松江李公鴻章請於 朝從優 賜卹甯波松江皆準建祠初喪歸吳君煦檢其篋得金陵城圖凡賊酋所居百十處距城

卷三十一

三

垣丈尺方位纖悉皆具亦不知何時何人所繪可謂有心人已

勒伯勒東者同治二年以法國副將權授浙江總兵統花綠頭軍一千五百人克上虞進薄紹興城以所奪賊礮攻賊勒伯勒東親然放礮裂殞命乃以法國參將法爾第福權授副將接統其眾法爾第福又名達耳地福又名買忒勒攻紹興西郭門用車輪大礮轟塌城垣十餘丈法爾第福揮軍登城賊眾死拒有黑夷五六十人助賊環放洋槍法爾第福立橋上腦

左中槍亡左公宗棠疏言達耳地福自十年八月到甯管帶花頭黃頭兩隊練勇訓習洋槍防守餘姚勦退各鄉股賊上虞之捷亦與有力此次抵營未及一月忠義奮發身先士卒遽爾捐軀請照副將從優議卹 詔曰可勒伯勒東亦從優 賜卹買忒勒死時李公鴻章令德克碑接統其眾德克碑未至甯波道史士良請英國總兵哇樂德克權代之哇不可曰我國法駐防官不能出百里外史君與領事繙譯等官強之哇乃以打鳥報其提督而率眾行蓋打鳥則可

卷三十

四

出百里矣既至與賊戰大破之俟德克碑至乃退明年正月紹城克復哇因擅離汛地爲其提督劾罷甯人大戚公籲留之不可史君與眾紳籌餽白金萬以爲贖哇不受曰我國法人臣不能受鄰國贈賄也無已則留二千金以犒其軍士曰是從我與中國捍患者其八千金斷不敢受矣遂揚帆去李公鴻章聞之謂此等舉動中國士夫所難不意得之烏客可勝欽佩初買忒勒在上海頗讀華書吳君春泉冬日訪之會北風大作買執吳手曰北風其涼雨雪其雱惠而

好我攜手同行洋將也而有中土儒將風流異哉
德克碑者法國總兵既接統買忒勒部左公令助攻
富陽由寶塔嶺登岸用炸礮盡燬城外賊壘遂克
富陽乘勝攻杭州苦戰十里街克望江門外三石壘
攻鳳山門皆有功浙江平乃撤兵還國

戈登英國人同治二年李公鴻章令領常勝軍二千
入二月攻福山營于舊城之顛令呂宋兵乘小舟薄
賊壘駕浮橋死士伏城牆下日中港東西賊營皆破
緣牆入斫賊牆內賊盡殲遂奪福山石城由是解常

卷三十

五

熟圍授總兵三月進攻太倉毀南門賊卡戈登列大
礮程公學啟營前毀賊二石壘各軍乘之遂克太倉
州程公學啟進攻崑山獨與戈登覘形勢謀先斷蘇
州陸路援賊時水道已有布置遂與戈登乘輪舟繞
出崑山賊後進義鎮猛攻二日賊大潰奪賊壘四偽
慕王譚紹洸自崑山糾悍賊四萬來爭戈登與各路
官軍大破之遂復崑山新陽縣城自是由松江移駐
崑山常勝軍策應各路往來游擊所向披靡六月與
程公學啟取花涇港程公之攻同里也戈登與副將

李恆嵩知吳江賊必無備遽率常勝軍逼北門盡燬
城外賊壘明日賊開門降遂收吳江震澤戈登還崑
山以事謁李公于上海李公先以華爾陳亡令洋人
白齊文領其軍白齊文因閉松江城譁餉撤去匿上
海暗與賊通至是率外國流氓二百人入蘇州城爲
賊購炸礮製小輪船戈登偵知之告李公而急歸崑
山爲備旋進攻蘇州與官軍盡破齊婁二門外賊壘
賊酋郜雲官等乞降戈登與程公單舸會雲官等於
洋澄湖語具程忠烈傳中官軍遂於十月二十七日

卷三十

六

收蘇州省城 朝廷賞戈登頭等功牌銀萬兩李公
犒常勝軍銀七萬兩未幾助攻宜興克之同治三年
常勝軍次第裁撤戈登歸英國稱名將後英國埃及
人作亂戈登督師討之與戰中槍亡 朝廷遣使弔
焉戈登常言中國之民耐勞而易使果能教練陸兵
可使爲極強之兵可以知其將略矣
評曰昔回紇助唐契丹救晉皆率其突騎馳驟中原
雖紆一時之危或貽數世之禍泰西各國始因上海
甯波口岸互市人自爲戰有安危與共之心厥後皆

能效順以彼兵法練我士卒並受疆臣節制有昔人之利無昔人之害雖曰時異勢殊亦馭之者得其道矣今錄有勞于中國者箸于篇見舍短用長 王者無外而殊邦烈士並足多焉

南皮張公有言凡著述由小學通經學者其經學有據由經學通史學者其史學可信富哉言乎 宗燭讀長洲朱仲我孝廉所撰咸豐以來將符傳數十篇歎其銓敘有法事多宋正有陳承祚之風其先人豐芑先生精說文孝廉幼承庭訓由小學通經由經通史采咸同時記載百三十餘種彙摭一編其學派誠南皮公所云者 宗燭得交孝廉知其火急著書書必成成必傳先跋數行用志景仰光緒辛卯夏五月黟縣李宗燭

〔清〕李集輯 李富孫等續輯 後錄 李富孫輯

鶴徵錄八卷首一卷
後錄十二卷首一卷

清嘉慶十五年漾葭老屋刻本

儀徵阮雲臺
無錫秦小峴
兩先生鑒定

鶴鳴齋錄

澧葭老屋藏板

詞林典故
出版

鶴徵錄敘

鶴徵錄者嘉興李君既方與其從弟慶伯所輯康熙己未博學鴻詞科所徵士一百八十六人之名俱在也蓋自

聖祖仁皇帝又安區宇削平諸叛亂天下之民亦既出水火而登諸衽席於是

明詔天下勸學修禮崇化厲賢特開制舉之科以同羅海內耆碩魁奇問達之士夫大樂之成非取乎一音嘉膳之和非取乎一味聖人之德非取乎一道今觀所登用者亦既踏玉堂參紫閣上之論思密勿佐

聖天子開太平之治次亦作漢二史成唐一經炳炳燦燦垂不朽之盛業即其罷遺不敘者亦多高文著述足自表見後世能

鶴徵錄馮序

一

言之士未能或之先也嗚呼盛哉竊嘗論之文章之運與國運相為盛衰故世道至隆必有奇才績學非常之人出而昭耀一世斯固相得而益彰也然當興朝啟運則所謂黼黻昇平者不必皆從龍之彥而每多勝國所留遺則當其生之固已知天意之有在也夫以彼其初當道喪文弊之時符檣兵革盜賊寒餓疾疫之虞幾幾乎不自保矣而乃推排隱約默然興起應聖世弓旌之盛典抑何幸也蓋君子之學非為通也為窮而志不困憂而意不衰也然其遭罹不幸不獲觀興王之運而遂以湮沒不章者則又不知其幾也乃益以歎見於錄者之為大幸也錄具諸人名位里貫亦稍詳其本末其不可考者闕之昔周公於布衣之士所執費而師見者十二人窮巷白屋所先見者

四十九人時進善者百人教士千人而召康公之告成王曰謫謫王多吉士惟君子使媚於天子不必有姓名可稽也况諸人者姓名具在當時稱之後世傳之即以視登用諸賢稱

國朝大科之選者何愧焉既方兄弟為徵士秋錦先生之來孫此錄蓋經三年成之余故樂為之敘使後之人得有所考云嘉慶二年十月日桐鄉馮集梧

鶴徵錄馮序

二

鶴徵錄小敘

向者竹翁晚年欲為鶴徵錄而未就蓋因己未同舉之一時名賢毋論遇不遇崖略其人之人品學問而傳之天下後世誠後死者之責也集少時見曾大父藏書閣中有一箱啟視則前輩詩文還往書札皆屬焉中一卷專記己未

召試京師人數事實今蒐之不復得悵悵於心放廢餘生年且大耋思續成之而表弟徐斐然惠予以鈔本目錄孫壻汪奏雲從吳淞王氏得齒錄以畀子孫而得其人數大略嗚呼士之遇不遇天也而其品詣之孤峻學殖之蟠溪所謂精氣光怪不可得而磨滅者非其人不足以傳也嘗綜古今之人才而論之三代以後惟漢初為最盛蓋當坑儒之後實綜兩朝之才而有之

鶴徵錄小序

經生之學動輒千百人綿延至鄭氏九經皆有著述直繼孔門嗣是而唐之太宗得人最多蓋亦隋之頹敗而適會其盛房杜之政績十八學士之詞章孔氏之正義為鄭君後一人至宋儒空譚道學而人才衰明專以經義取士而人才愈衰中葉有王文成出以不世之助而為命世大儒其後唐應德歸熙甫沿其流而溯其源維持不敝至明季而通經師古之士日起吾朝龍興際其盛而收人才之大成試觀此百八十餘人之學術上而天道下而輿地中而人事其才施之無所不有意惟漢唐初年能及之嗚呼盛矣小子集謹守先公之藏書錄中諸前輩大率先公交好其過者協贊休明為國家黼黻不遇者窮經皓首希蹤鄭孔其所著牛涉家藏墜聞

軼事則得之老輩流傳趨庭訓示所謂文獻者亦備於是焉是錄所述意在表揚遺行散華落藻點筆紛披以志一時之盛若諸公出處大節則有傳誌墓銘匪茲錄所能概云乾隆甲寅八月朔日李集序

鶴徵錄小序

鶴徵錄續輯序

昔天子自詔者曰制科所以待非常之才漢時上嘗稱制詔道其所欲問而親策親覽之若博學宏詞一科助於唐之中葉開元間吏部選未滿者試賦詩論三篇中者即授官名相如陸裴文人如劉柳皆繇此選以昌黎之學識三試吏部一既得之心又黜於中書自陸忠宣而下僅六七人而止然此特以試選人非所稱詞學之大科也宋至紹聖初始立宏詞科許進士及第者詣禮部請試每取不得過五人大觀中改詞學兼茂科紹興三年復立博學宏詞嗣後所取或三人或二人或一人多有至卿相者紹熙庚戌則闕而不取蓋與選之難若此惟我

聖祖仁皇帝崇儒重道法古制科取士特開博學宏詞科內外

鶴徵錄續輯序

一

臣工共薦舉一百八十有六入其才皆不可一世中選者五十人同入翰苑纂修明史得人之盛誠前古所未有也吾里朱竹垞先生嘗謂同時被薦百八十六人皆著作之才不可以無傳思成鶴徵錄一書未及屬稟先從祖敬堂先生晚年歸田欲仿竹翁之意為此書僅輯四十餘人即於是年捐館舍殘墨模糊幾不可識讀富孫從先生游者十餘年聆先生之緒言最悉通謹與從弟遇孫續為纂輯而百八十餘人之出處事蹟崖略具備試一瞻仰焉如星辰之並麗於天也如江河之並匯於海也如鐘鏞琴瑟之並奏於庭球琳琅玕鼎彝珍寶之並燦陳於一室也猗歟盛矣顧見閭閻陋未能芻蕘博采僅就耳目所及綴述遺佚不第以承兩先生之志亦足見我

朝開國之人材有非漢唐宋所能及其萬一耳嘉慶二年歲在丁巳六月既望富孫謹敘

鶴徵錄續輯序

二

鶴徵錄凡例

薦舉名冊得於同里徐敬齋文云朱氏曝書亭本鈔自外祖家錢先生又持朱竹垞太史女夫也竹垞嘗欲輯此書以是冊屬錢先生踵成之今略照其目

王阮亭池北偶譚云己未鴻詞內外薦到者共一百八十六人方渭仁松窗筆乘云是時大臣科道題薦八十三人各衙門揭送吏部七十二人督撫外薦三十一人共一百八十六人先徵士秋錦公在京記錄諸公名摺人數亦同至愚山年譜云同試者一百七十五人竹垞年譜云同徵一百九十餘人俱屬舛誤曝書亭本又增顧氏炎武林氏鵬二人茲不載入

鶴徵錄凡例

吳星叟以嵇宗孟為到京與試王阮亭以王鉞為辭薦不赴餘如章貞董俞夏茵王宏撰朱昱等有臨期而不與試者今仍照曝書亭元目不復改易

與試未用曝書亭元目以楊還吉為首亦祇隨手編錄並無次序今略以科目輩行為前後其無科目者另為編次

竹垞年譜所載本名鶴書集曾有手彙數十番在同里王梧邨處又名鶴徵錄今梧邨書已散佚無存此彙亦不可訪求其體例未知何似先從祖定從竹垞屬彙之名其不用傳體者以便條附軼聞

先從祖原輯四十餘條於各人小傳下先列於前富孫等續輯者以某按別之不至混淆

先從祖纂輯之意務在蒐羅遺聞佚事以表揚其徵家傳墓銘人所共知者不備採錄惟先徵士公下略載朱竹垞所撰行狀誠恐舉一二瑣事不足盡先人之善并獲知而弗傳之

先徵士公嘗欲選文緯一書當時諸公局投贈詩文以冀入選故家藏較夥可資蒐採然所儲究屬有限與弟過孫續輯此書同志諸君贊助之力為多

竹垞謂同時薦舉諸人皆著作之才不可無傳蓋其過者事功文章固在人耳目間不遇者亦皆蘊積非常但年代既遠見聞淺陋尚有十餘人事蹟未能廣為蒐輯詳其梗概統望博雅君子指示不逮幸甚

鶴徵錄凡例

是科薦辟為曠代未有之典人材亦稱極盛其有故實見於他書未盡摭采者伯兄引樹別錄雜綴一卷並附於後

富孫謹識

鶴徵錄目錄

卷首

上諭 部議

卷一

一等二十人

彭孫遜 倪燦 張烈 汪霽 喬萊

王頊齡 李因篤 秦松齡 周清原 陳維崧

徐嘉炎 陸柔 馮勗 錢中諧 汪楫

袁佑 朱彝尊 湯斌 汪琬 邱象隨

卷二

二等三十人

鶴徵錄目錄

李來泰 潘耒 沈玠 施閏章 米漢雯

黃與堅 李鎧 徐欽 沈筠 周慶會

尤侗 范必英 崔如岳 張鴻烈 方象瑛

李澄中 吳元龍 龐塏 毛奇齡 錢金甫

吳任臣 陳鴻績 曹左溥 毛升芳 曹禾

黎鸞 高詠 龍燮 邵吳遠 嚴繩孫

卷三

授內閣中書舍人七人

王方穀 朱鍾仁 申維翰 王嗣槐 鄧漢儀

王 昊 孫枝蔚

未與試授內閣中書舍人二人

傅山 杜越

未試丁憂十四人

曹溶 戴王綸 汪懋麟 王穀章 陸隴其

惠周惕 錢芳標 陳學夔 張貞 柯崇樸

柯維楨 黃虞稷 彭桂 林以畏

未試病故二人

葉舒崇 陳九勝

未試致仕一人

祝宏坊

卷四

患病行催不到十三人

鶴徵錄目錄

應撝謙 嵇宗孟 黃宗羲 李容 魏禧

張九徵 張新標 顧豹文 王追騏 范鄒鼎

陸舜 顧景星 蔡方炳

卷五

與試未用三十人

趙進美 畢振姬 王岱 孫榮 上官鑑

法若真 王紫綬 楊毓蘭 張能麟 王孫蔚

潘颺言 張瑞徵 張合輝 王廷璧 田雯

馮雲驥 傅辰 嵇永福 章貞 程必昇

李念慈 侯七乘 毛際可 徐之凱 徐孺芳

葉封 王鉞 林堯英 趙廷颺 陳宏

卷六

與試未用三十七人

劉瑞遠	魏學渠	顧鼎銓	田茂遇	宋實穎
董俞	江闈	徐懋昭	李開泰	李芳廣
陳玉璠	任辰巨	儲方慶	王祚典	高向台
趙驪淵	馬駿	白夢籊	許孫荃	許自俊
張英	程大呂	高層雲	李瑞徵	王含真
金居敬	陶元淳	李大春	葉灼棠	譚吉瓏
施清	陸次雲	潘藩大	張霍	趙廷颺
宋維藩	朱培			

卷七

鶴徵錄目錄

與試未用三十人

陸元輔	吳雯	李良年	徐林鴻	陳莢
吳農祥	葉奕苞	閻若璩	郎戴瓚	馮行賢
鄧林梓	王宏揆	楊還吉	羅坤	朱士曾
徐成清	夏駟	陳禧	宋涵	葉方蔚
成其愿	紀昉	程易	戴茂隆	許先甲
周起莘	黃始	陳懷貞	宋昱	邵允彝

卷八

雜綴

鶴徵錄參訂姓氏

陽湖劉嗣綰	芙初	海寧楊秉初	書巢			
嘉興葛	嵩春	嶼	嘉興沈學詩	興齋		
錢唐陳鴻壽	曼生	烏程張	鑑	秋水		
長白繼	昌蓮	龔	桐鄉鍾振富	杏邨		
海寧馬	鈺	兩如	嘉興葛雄	圖	杖	陂
嘉興張廷濟	叔未	義烏張	翮	巢	閣	
秀水陳	璜	燕湖	東陽周家駒	距	圃	
義烏陳	一枝	桂林	吳縣嚴長潤	縵	軒	
海寧馬	錦	笙谷	義烏陳	壘	初田	
金山汪奏	雲	今韓	義烏陳	坡	景瞻	
永康潘國望	春臺	義烏虞斯	盛	費	臣	
義烏陳茂勳	麟閣	長白鍾	昌	仰山		

鶴徵錄參訂姓氏

康熙十七年正月二十二日內閣奉

上諭自古一代之興必有博學鴻儒振起文運開發經史潤色
詞章以備顧問著作之選朕萬幾時暇游心文翰思得博洽
之士用資典學我朝定鼎以來崇儒重道培養人材四海之
廣豈無奇才碩彥學問淵通文藻瑰麗可以追蹤前哲者凡
有學行兼優文詞卓越之人無論已未出仕著在京三品以
上及科道官員在外督撫布按各舉所知朕將親試錄用其
餘內外各官果有真知灼見在內開送吏部在外開報於該
督撫代為題薦務令虛公延訪期得真才以副朕求賢右文
之意爾部即通行傳諭遵行特諭欽此

康熙十七年十一月初一日大學士索額圖奉

鶴徵錄卷首

旨各大臣官員題舉才學官人俟全到之日考試其中恐貧寒
難支亦未可知著交與戶部除京城現任官員外其官人布
衣酌量給與食用以副朕求賢重文之意欽此
部奏每人月俸銀三兩米三斗至考
試後停止

康熙十八年正月十七日奉

上諭吏部朕以萬幾時暇留心經史思得博學鴻儒備顧問著
作之選故特頒諭旨令內外諸臣各舉所知薦薦人員已經
陸續到部欲行考試因天寒暑短恐其難於屬文弗獲展厥
蘊抱今天氣漸已融和應定期考試所有合行事宜爾部會
同翰林院詳議具奏特諭欽此

康熙十八年三月初一日 太和殿行禮領題體仁閣下

考試翰林院掌院學士喇沙里等傳

上諭爾等皆係天下有才學之人必考試乃得見爾之長賜爾
等宴歷來殿試及散館考試皆無賜宴之事此係曠典爾等
知之欽此

康熙十八年四月初六日奉

上諭吏部薦舉到文學人員已經親試其取中一等彭孫適倪
燦張烈汪霖喬萊王頊齡李因篤秦松齡周清原陳維崧徐
嘉炎陸棻馮勗錢中諧汪楫袁佑朱彝尊湯斌汪琬邱象隨
二等李來泰潘耒沈珩施閏章米漢震黃與堅李鎰徐鉉沈
筠周慶會尤侗范必英崔如岳張鴻烈方象瑛李澄中吳元
龍龐壘毛奇齡錢金甫吳任臣陳鴻績曹宜溥毛升芳曹禾

鶴徵錄卷首

黎騫高詠龍變邵吳遠嚴繩孫俱著纂修明史其現任候補
及已仕未仕各員作何分別授以職銜其餘見任者仍歸原
任候補者仍令候補未仕者俱著回籍內有年老者作何量
給職銜以示恩榮爾部一併詳議具奏告病者不必補試特
諭欽此

康熙十八年二月十九日吏部為欽奉

上諭事該 臣等議得考試之期恭候

皇上欽定其各薦舉人員俱令於考試之先赴部投供 臣等公

閱內有真正年老有病不能動履者具題請

旨應考人員俱於

欽定之日黎明吏部官帶赴各官行禮處排班齊集內閣請

旨出題後內閣大臣或翰林院學士捧至 太和殿前黃案設

放畢鴻臚寺官指引各考試人員行三跪九叩頭禮畢翰

林院官捧題下階令考試官員跪翰林院官給題吏部官

散卷畢帶赴體仁閣下考試試卷桌張等項由翰林院行

文該部備辦將考試官員照例彌封考試照殿試例每名

鶴徵錄卷首

著擺呀賴監試作完試卷吏部官收接交翰林院官一總

固封進呈

御覽其已取之人作何錄用候

旨遵行奉

旨著於三月初一日考試欽此

吏部題為欽奉

上諭事該 臣等議得薦舉文學人員已經考取奉

旨纂修明史人員內汪霽現任行人司行人喬萊現任內閣辦

事中書王頊齡現任太常寺博士陸萊現任內閣典籍袁

佑現任內閣辦事中書曹丕現任內閣辦事中書此六員

係見任京官停其給與職銜以原官修史如遇陞授考選

京缺昭常陞考補授仍令修史若遇陞外缺停其陞授令

其修史俟纂修告成之日一併酌量再議錢中諧新授湖

廣瀘谿縣知縣汪楫見任贛榆縣教諭李鎰見任蓋平縣

知縣此三員係見任外任官應開缺另補將伊等以原官

停其外陞修史既將伊等停其外陞俟纂修告成之日從

優議敘彭孫適候選主事張烈沈珩俱候選內閣中書米

漢雯周慶曾俱候補主事方象瑛候選中行評博邵吳遠

候補京堂此七員見候京缺之員停其另給職銜仍照伊

等應補職銜食俸修史如遇應補之缺照常挨次補授仍

令修史補授後照見任官員例行李來泰施閻章俱候補

叅議道黃與堅候選知縣尤侗由推官降二級調用高詠

鶴徵錄卷首

候選知縣徐嘉炎龍燮俱候選州同此七員係候外缺之

官不便補授令其前去應將伊等停其補授以原官併所

降之級修史俟告成之日從優議敘湯斌原任叅政道降

三級調用因患病休致應以所降之品修史俟告成之日

酌量議敘汪琬原任戶部主事回籍調理今應以主事職

銜修史吳元龍原任工部郎中回籍終養應以郎中職銜

修史俟纂修告成之日將伊等酌量議敘秦松齡原任翰

林院檢討革職之後保舉發往湖廣軍前候用今考試修

史應給與原職銜修史俟告成之日其錄用之處再議沈

筠浙江進士錢金甫江南進士此二人應給與內閣撰文

中書之銜修史倪燦江南舉人范必英直隸舉人崔如岳

直隸舉人龐塏直隸舉人此四人應給與內閣辦事中書之銜
修史陳鴻績係革職知縣邱象隨江南拔貢李澄中山東拔貢毛升芳浙江拔貢黎鷺江西貢生李因篤陝西布衣周清原江南監生陳維崧江南生員馮昂江南布衣朱彝尊浙江布衣潘耒江南布衣徐欽江南監生張鴻烈江南廩監毛奇齡浙江廩監吳任臣浙江生員曹宜溥湖廣官監生嚴繩孫江南布衣此十七人應給與翰林院待詔之銜
修史內有應鄉試會試者仍准其赴試此給與職銜之人俟修史告成之日其錄用之處再議除在京見任官員照常食俸無庸議外其餘人員俟修史起日交與戶部給俸伊等既奉

鶴徵錄卷首

五

旨修史俟 命下之日將各人員職名開寫交送內閣翰林院其回籍之人內驗看直隸歲貢生王方毅江南廩監生申維翰江南增廣生員朱鍾仁浙江生員王嗣槐江南布衣鄧漢儀王吳陝西布衣孫枝蔚俱已年老均應給與司經局正字之銜以示 恩榮仍知照該督撫至告病人員既奉
旨不必補試則丁憂及咨取未到人員俱應俾其來京可也奉
旨這薦舉取中人員俱授爲翰林官應給職銜著再議具奏杜越傅山及王方毅等文學素著念其年邁從優加銜以示恩榮俱授以內閣中書銜餘依議欽此
吏部題爲欽奉

上諭事該 臣等再議得薦舉取中人員內邵吳遠浙江進士係學道內升以京堂錄用之員應額外授爲侍讀李來泰江西進士候補參議道吳元龍江南進士原任工部郎中因終養回籍湯斌河南進士原任叅政道降三級調用因患病休致將此四員應額外授爲侍講伊等若遇陞缺以侍讀侍講等論俸陞授仍令纂修明史彭孫適浙江進士候選主事張烈順天進士候選內閣中書汪霽浙江進士見任行人司行人喬萊江南進士見任內閣辦事中書王瑱齡江南進士見任太常寺博士陸棻浙江進士見任內閣典籍錢中諧直隸進士原選瀘谿縣知縣袁佑直隸拔貢見任內閣辦事中書汪琬江南進士原任戶部主事告病

鶴徵錄卷首

六

回籍沈珩浙江進士候選內閣中書米漢雲直隸進士候補主事黃與堅江南進士候選知縣李鏗江南進士見任蓋平縣知縣沈筠浙江進士周慶曾江南進士候補主事方象瑛浙江進士候選中行評博錢金甫江南進士曹禾江南進士見任內閣辦事中書應將此十八員授爲編修倪燦江南舉人李因篤陝西布衣秦松齡江南進士原任翰林院檢討革職保舉湖廣軍前候用周清原江南監生陳維崧江南生員徐嘉炎浙江監生候選州同馮昂江南布衣汪楫江南歲貢見任江南贛榆縣教諭朱彝尊浙江布衣邱象隨江南拔貢潘耒江南布衣徐欽江南監生尤侗江南貢生原任推官降三級調用范必英直隸舉人崔

如岳直隸舉人張鴻烈江南廩監李澄中山東拔貢屍壇
直隸舉人毛奇齡浙江廩監吳任臣浙江生員陳鴻績浙
江舉人原任知縣革職曹宜溥湖廣監毛升芳浙江拔
貢黎騫江西貢生高詠江南貢生候選知縣龍燮江南劍
監候選州同嚴繩孫江南布衣應將此二十七員授為檢
討俱令纂修明史查編檢原無定額其陞轉時俱論科分
次序令伊等若遇陞轉員缺與現任編檢將此授編檢年
次較論陞授仍令修史奉

旨邵吳遠授為侍讀湯斌李來泰施閏章吳元龍授為侍講彭
孫適張烈汪霽喬萊王頊齡陸棻錢中諧袁佑汪琬沈珩米
漢雲黃與堅李鎧沈筠周慶會方象瑛錢金甫曹禾授為編
修倪燦李因篤秦松齡周清原徐嘉炎馮勗汪懋朱彝尊邱

鶴徵錄卷首

七

象隨潘耒徐欽尤侗范必英崔如岳張鴻烈李澄中雁壇毛
奇齡陳鴻績曹宜溥毛升芳黎騫高詠龍燮陳維崧吳任臣
嚴繩孫授為檢討餘依議欽此

鶴徵錄卷第一

孫男遇孫

續輯

一等二十人

彭孫適字駿孫號羨門浙江海鹽人明御史宗孟孫順治己亥
進士候選主事由禮部尚書吳正治薦舉授編修官至吏部侍
郎乞歸著有松桂堂南泚香匳倡和等集

先生成進士越數年即為萬里之游所過名山大川仗劍賦
詩自甲辰至丙午囊中得詩三百餘篇名曰南泚集嶺南陳
先生序之余家所藏一冊為阮亭先生評本用朱筆甲出上

鶴徵錄卷一

一

用雙圈次用單圈每卷眉頭必書選若干首楷書之精偏真
褚公枯樹賦又於末幅分行行書云羨門蘇州竹枝嶺南竹
枝其年陽羨西湖竹枝錦湖竹枝揚州清明曲阮亭元墓竹
枝又竹枝四首又續劉商竹枝又竹枝三首送陸冰修都門
竹枝附秦淮雜詩篁邨都門竹枝按阮翁附書紙尾者以其
所愛之詩冀先公之采入文緯也

又集見羣公評詩以蜀道集為阮亭最盛之作以黔中詩為
先公最盛之作汪方壺詩漁洋山人蜀道集秋錦山房癸丑
詩應須心手底相似不信江山能爾為是也羨門詩以南泚
集為最盛之作陳氏所謂壓濟南竟陵者也
富孫按先生驚才絕艷尤工倚聲漁洋推為近今詞人第一

方渭仁謂吹氣如蘭每當十郎輒自愧儉父

王漁洋詩話云南昌重建滕王閣名流競爲賦詩推彭羨門
擅長中聯云依然極浦生秋水終古寒潮送夕陽余嘗喜諷
詠之謂劉文房郎君曾無以過也又題湖口句云湖光盡日
依樓堞山色終朝滿縣城亦是寫照又竹枝古稱劉夢得楊
廉夫近羨門尤工此體如廣州竹枝等詞最佳又云吾友彭
羨門以丁丑假歸己卯九月率子姪甥輩登秦駐山賦詩
云平生幾兩中郎屐更不登臨奈老何明年庚辰重九後遂
下世殆詩識也

倪燦字閣公號雁園江南上元人康熙丁巳舉人由吏部尚書
郝惟訥吏部侍郎張士甄薦舉授檢討卒於官

鶴徵錄卷一

二

先生爲白門諸名宿領袖先公寄以文緯凡例復書云發端
鄭重有古人風某不揣當廣爲徵引冀他日附名編校之列
今先公存彙都歸零落未識先生後賢有能守其手澤否容
至白門親訪之羨門小楷神似董香光先生亦工楷書而並
列前茅誰謂大科不重書法耶

遇孫按先生早歲卽名重海內己未官檢討貧不能僦居館
於張冢宰者十年在史館蒐羅極富所著明史藝文志敘窮
流溯源不下數千百言可與姜湛園刑法志序並稱傑作書
法詩格秀絕一時其尋天池過螺峯遇雨詩云行到螺峯遇
雨時行人如豆雨如絲芭屨拄杖供奔迫古木叢梢相蔽虧
五步穿雲看不見兩來讓路語方知山魃竊食茶丁飯錯當

茶丁問是誰錄以寄先徵士公烏絲小楷至今拂拭如新也

張烈字武承號莊持直隸大興人康熙庚戌進士授內閣中書
由禮部侍郎楊正中刑部侍郎任克溥薦舉授編修官至贊善
富孫按莊持少聰穎讀書數行俱下長卽潛心性學入史館
并纂修典訓及四書講義諸書事繼母至孝生平多著述皆
有關世道之文其預修明史分撰朱之馮金鉉張羅彥羅俊
金毓峒等傳淋漓痛快極得馬遷筆意惟史相國一傳頗覺
簡略余家藏有手書萬柳堂詩云禁城佳氣霽春曠鬱鬱東
偏颺綠絲平步乍迎蒼岫轉高堂正與白雲期地靈開闢艱
謀始樹影低昂合獻奇滿目經營天下計偶成邱壑達人思
汪霽字朝采號東川浙江錢塘人康熙丙辰進士授行人司行

鶴徵錄卷一

三

人由詹事府詹事沈荃薦舉授編修官至戶部侍郎著有東川
日記西冷倡和等集

富孫按東川爲文操筆立就才氣橫溢不可一世薦舉入翰
林嘗典試秦中後擢少司農一塵不染有笑其迂者曰公雖
不取適以飽姦胥之橐耳卽正色曰吾受殊恩愧無尺寸
之效仰答高厚所以潔己者非爲立名地也歸田後杜門掃
軌不與戶外事性伉爽與人交不立崖岸人以是樂親之詩
極清麗不似西陵十子竹垞題汪祭酒霽詩卷有云西陵十
子流派別南宋諸公體製殊絕似章郎浣花集奇章麗則近
來無

方渭仁松窗筆乘云汪東川丁內外艱歸廬墓西湖足不入

城市三年服闋自以二親連喪應服六年乃投牒請假服淺
淡衣履不赴優觴往汪梅齋亦連值二喪守服六年盡情守
禮所見略同

喬萊字子靜號石林江南寶應人明御史可聘于康熙丁未進
士考授內閣中書由禮部主事趙隨薦舉授編修官至翰林侍
讀著有易俟寶應志使粵詩文等集

先生應試前以所擬賦彙百篇質之鈍翁翁大服屬筆敘之
又深於經學所著易俟不附會陳邵朱蔡嘗舉震川之言曰
本義乃邵子之易非孔子之易也以爲名言後先生與鈍翁
同在史館翁分得儒林一門遂以震川先生傳入焉先生亦
深快總裁大臣仍抑之文苑同人咸以爲惜

鶴徵錄卷一

四

富孫按先生爲侍讀時有御史奏濬海口瀉積水總河靳文
襄公上言疏海口則引潮內侵大不便請於邵伯高郵間置
閘洩水復築長隄抵海口以束所洩之水使水勢高於海口
則趨海自迅下廷臣議適先生入直 召問力陳不可行者
四議遂寢未幾中蜚語罷歸家居穿池十餘畝盡種芙蓉時
泛小舟往來榜曰縱櫂園亭曰吟詩送老處家蓄優童客至
張筵演劇日無虛晷方良堂贈以詩云如此退閒殊不惡管
弦吹徹小春天想見高致後復用卒於官
汪堯峯石林賦草序云先是四方搢紳及山林韋素之士咸
集 闕下諸以才藝相炫耀者甚衆而喬子石林尤能絕出
其輩行當 召試文賦之日侍衛諸近臣環列左右他人方

濡墨屬毫作嘖嘖瑟縮狀石林則已展卷疾書千餘言立成
起顧日晷猶未昃也予與同試者旁睨其所爲未嘗不歎息
折服既而石林名在第五予亦濫廁五十人之列見其平時
所擬賦草命意則根體要摘辭則趨雅正故能麗而不淫典
而有法

毛西河制科雜錄云喬石林以內閣中書被薦同集萬柳堂
錄予賦歸次日其同舍江陰曹峨嶠亦在薦中石林出予賦
請教峨嶠反覆曰此非君作也然則誰作曰此非江東毛生
恐不能也一時傳爲佳話後石林峨嶠皆予同籍爲史館官
石林嘗曰予於同籍師事者二人一堯峯一西河也或戲曰
愚山伽陵不足汝師耶曰愚意爾爾

鶴徵錄卷一

五

王頊齡字顯士號瑤湖江南華亭人御史廣心子康熙丙辰進
士授太常寺博士由吏部尚書郝惟訥吏部左侍郎張士甄薦
舉授編修官至大學士諡文恭著有畫舫齋集

先生以鴻詞致位執政其子姓登卿貳者數十人同懷兄弟
三人皆顯位 九齡壬戌進士吏部侍郎 鴻緒癸丑榜眼歷大司空科甲不可勝計 綽楔 崢嶸里人名其第宅曰竹竿滙與海昌陳氏相埒蓋兩家各 精青鳥之術而其效如此

富孫按文恭初以文學進洊歷卿曹諳練典故在政府八載
以風度稱明良交契

御賜詩有云蹟與松喬合心緣敢沃雷因自號松喬老人
世宗憲皇帝登極晉階少保自以年老請致仕不許年八十四

辛孫祖庚乾隆丙辰亦由進士薦舉鴻博

同時施愚山孫念翁朱竹垞孫稱孫

朱竹垞西征草序云華亭王學士主陝西試事榜既放攬成

陽之勝浴乎溫泉躋大華巔出潼關渡河而北往還賦詩五

十首乃甄綜闡墨其言曰文章無絕境譬之登山然其入必

有徑雖懸崖絕壁亦必有磴道可尋縵緜可挽苟力不足以

相赴非困則躓矣華嶽不知幾千仞游者必極於三峯而後

已亦可謂善於論文矣

李因篤字天生更字孔德又字子德陝西富平籍山西洪洞人

布衣由內閣學士項景襄李天馥大理寺少卿張雲翼薦舉授

檢討著有漢詩評壽祺堂集

鶴徵錄卷一

先生與亭林竹垞暨先公為布衣兄弟交先生年小於顧朱

而長先公二歲四人雖在客所及私寓坐次無或亂者先生

最深經學著詩說亭林稱之曰毛鄭有嗣音矣著春秋傳鈍

翁折服老友朱休承竹翁元孫也署富平令余以書屬訪先

生諸著僅得壽祺堂詩集十冊今經義考中載有秦風一篇

而漢詩評註余曾手抄今已刊行然其散佚者多矣

先生精熟前明一代事蹟史館無能及者授職數月乞歸養

母後橫雲山人史彙成欲先生正之時老病在牀褥令二人

捧藥朗誦於枕側先生呼曰改即加竄易塗抹半載而畢功

由是史彙知名

亭林游濟南為一達官置之獄先生於數千里外往抹之得

全亭林賦詩三十韻先生廣二十韻酬之傳青主評云往秋

岳先生評李長律謂風雅以來僅有此製非阿好也余故於

開闔頓挫指而言之以正告天下之為排體者

富孫按先生少孤父名珙林諸生從焉未定遊闡明理學私論孝貞外祖田時需撫

之成立受業其門吾鄉曹倦翁觀察三晉先生以故人子相

從因善代州馮觀察雲驥雅愛其風士人物居句注夏屋間

者十年初膺薦舉以母老家貧力辭不至既敦促入都 召

試入翰苑與朱竹垞潘稼堂嚴萬漁稱四布衣雖馮勉曾亦

以布衣擢用不得與其數授官後上疏乞養情詞懇惻昔人

比李令伯之陳情始又過之鈕玉樵以為 國朝兩大文字

之一部議以係取纂修故明史不允其請奉

鶴徵錄卷一

旨特准其終養以歸出都之日士大夫詩文贈送者數百人天

下莫不高之今附錄此表云臣某奏為微臣母老多病獨子

萬難遠離泣血陳情願 恩歸養臣竊惟幼學而壯行者人

臣之盛節辭榮而乞養者人子之苦心故求賢雖有國之經

而教孝實人倫之本伏蒙

皇上敕諭內外諸臣保舉學行兼優之人比有內閣學士臣某

等苟採虛聲先後以臣因篤姓名聯塵薦膺獲奉

俞旨吏部遵行陝西督撫促臣應 詔赴京臣自念臣母年踰

七十屬歲多病又緣避寇墜馬左股撞傷晝夜呻吟久成廢

疾困頓牀褥轉側須人臣止一弟因材從幼過繼於臣叔曾

祖家分奉小宗之祀臣年四十有九兒女並無母子榮榮相

依爲命躬親扶持跬步難離隨經具呈哀辭次第移咨吏部
吏部謂咨內三人其中稱親援病恐有推諉一概駁回竊思
已病或可僞言親老豈容假借臣雖極愚不肖詎忍藉口所
生指爲推卸之端痛思臣母遲暮之年不幸身嬰殘疾臣若
貪承 恩詔背母遠行必致倚門倚闥夙病增劇况衰齡七
十久困扶牀 輦路三千難通嚙指一旦禱北辰而已遠迥
西景以無期萬一有爲子所不忍言者則毛義之捧檄不逮
其親溫嶠之絕裾自忘其母風木之悲何及餅壘之恥奚償
卽臣承爲名教罪人虧子職而負

聖朝非臣愚之所敢出也

皇上方敬事

鶴徵錄卷一

八

兩宮聿隆孝治細如草木咸被矜容自能空錫類之仁推於士
庶寧忍孑然母子飲泣向隅奪其烏鳥私情置之仕路蓋閣
臣去臣最遠故以虛譽採臣而不知臣之有老親也臣雲翼
與臣皆秦人雖所居里閭非遠知臣有老母而不知其既病
且衰委頓支離至於此極也卽部臣推諉之語概指三人而
言非謂臣當必舍其親而不之顧也且臣謙陋而同時薦臣
者皆 朝廷大臣其於君親出處之義聞之熟矣如臣獵名
違母則其始進已乖不惟瀆敷天倫無顏以對
皇上而循咳負疚躁進貽譏則於薦臣亦爲有靦面目去歲臺
司郡邑絡繹遣臣長行急若風火臣趨 朝之限雖迫於戴
星而問寢之私倍懸於愛日然呼天莫應號泣就途志緒荒

迷如墮雲霧低頭轉瞬輒見臣母在前寢食俱忘肝腸迸裂
其不可瀆官常而干祿位也明矣况

皇上至聖至仁以堯舜之道治天下敦倫厚俗遠邁前朝而臣
甘違離老親致傷風化有臣如此安所用之乃臣自抵都以
來屢次具呈具疏 九重嚴邃情壅

上聞隨於三月初一日扶病考試蒙

皇上拔之前列奉

旨授臣翰林院檢討與臣同官纂修明史聞 命悚惶忝竊非

分念臣衡茅下士受

皇上特達之知

天恩深重何忍言歸但臣於去秋入京奄更十月數接家信云

鶴徵錄卷一

九

臣母自臣遠離膝下哀痛彌侵晝夜思臣流涕無已雙目昏
眊垂至失明臣仰圖報

君俯迫諭母欲留不可欲去不能瞻望 闕廷進退維谷乃於

五月二十一日具呈吏部未蒙代題臣孺切下情惟有哀祈

君父查見行事例凡在京官員門無以次人丁聽其終養臣身

爲獨子與例正符伏願

皇上特霽 恩慈許臣遄歸扶養其母叨沐

聖澤以終天年臣母殘病餘生統由再造不惟臣母子啣環鏤

骨誓竭畢生而報 國方長策名有日益圖力酬 知遇務

展涓埃矣臣無任激切待 命之至緣係陳情事理字都逾

格貼黃難盡統祈 鑒宥施行

王阮亭池北偶譚云富平李天生年三十棄諸生博學強記十三經註疏尤極貫穿長律得少陵家法嘗以四十韻詩贈曹秋岳曹歎曰數百年無此作矣李有句云林谷關音本乾坤老象才子謂理語經語最不易下坡公寫杜詩至致遠恐終泥停筆謂學人云此句不足為法王敬美云曹子建後作者多能入史語不能入經語謝康樂出而易辭莊語無不為用然則用經固以康樂為宗也

朱竹垞經義考云李孔德官檢討未踰月即上疏請終養母後仍堅臥不出終於家無子其著作甚多要不可問矣惜哉阮吾山云李天生為三相國所薦至京師名重一時容齋以同姓年長兄事之天生居之不疑人尊為關西夫子

鶴徵錄卷一

秦松齡字雷仙號對巖江南無錫人順治己未進士遷庶吉士授國史院檢討罷歸由內閣學士項景襄李天稜湖廣總督蔡毓榮薦舉授檢討官至諭德著有蒼峴山人集

富孫按先生年十九官庶常

世祖章皇帝召試詠鶴詩有高鳴常向月善舞不迎人之句指示閣臣曰此人必有品置第一以通糧案呈誤保舉發往湖廣軍前候用旋膺薦擢侍從講幄里居二十餘年研精經學尤邃於詩家有園在惠山之麓擅林泉之勝與故人遺老倡和其中於漁洋為同年友善嘗緘詩一編題曰寄阮集王阮亭居易錄云同年秦官諭雷仙寄所輯著毛詩日箋屬予序書云詩之必用古敘先儒言之詳矣然首句確有承授

不可移易後序未免雜以講師之說或非詩之本意頽瀆詩傳止取首句不為無見註疏之外則歐陽氏蘇氏呂氏嚴氏李氏黃氏多所發明朱子斥棄舊說遂使美刺之意盡叵明儒則郝楚望何元子二家最善松齡謙魯之餘閒傲黃氏日抄之例於諸家之說稍為折衷而偶有鄙見亦附著焉

池北偶譚云無錫秦雷仙從軍荊州兩泊仙桃鎮中夜聞琴聲甚清越跡之乃一老書生也破檣數椽風貌樸野秦遂賦憶秦娥詞贈之

周清原字浣初一字雅楫號且朴江南武進人國子監生由左春坊左中允董誥薦舉授檢討官至工部侍郎著有鴈宕山遊記

鶴徵錄卷一

富孫按海寧范文園善相人謂武進周清原吳江徐鉉皆當不由科甲入翰林至己未同授檢討其言果驗先生嘗官副都御史疏請革鋪舍飭刑具又請直省俱立育嬰堂並得旨允行

聖祖仁皇帝嘗稱爲孝子

御書孝經賜之

先生工書與詩未遇時奔走四方賣以自給嘗宿于忠肅公祠禱夢夜半見忠肅誦王昌齡寒雨連江夜入吳一詩末句壺字易衡字先生曰非衡字忠肅答曰若壺字便不好既覺不知所謂後遊浙東將偕友入楚某暮至江口聞某以愛去遂送友而別快悵無所之陳司空鼓丞見其所書扇箴大為

歌賞同入都 召試賦題爲瓊瑤玉衡心竊喜之果以是入翰林累擢少司空蒙 賜一片冰心在玉壺印章是年卽卒於官其夢一一奇驗如此

毛西河周春坊督學兩浙序云予同年生周君主文山左升書最第一甫竣事卽有視學兩浙之命袁者制科之興實係曠典君以賈傳之年應 召試拔居高等及天南蕩平

大廷獻頌人競進詞賦君獨粹擷六經摺摭其成文篋爲百韻詩而集儷句於其前以爲序東堂學士動容咨嗟以爲僅

見至其高文典冊橐筆 綸閣與夫金匱石室之揆討所謂擅三長而卻五難者又其餘也君既出其所學分應草制歸然登著作之林且復爲斯世典教以大所學意在斯乎

鶴徵錄卷一

三

國子監志云太學生周清原有詩名大學士馮溥見其雜試諸作目爲奇才詩以贈之曰尊酒高齋話夕曛斗問佳氣識龍文十年閉戶遲遊洛千里過都早不羣春草已看傳白傅飛花定見詔韓君 九重側席今方切振筆蓬山爲爾欣後果以鴻博授翰林苑試諸作有太學白丁香詩句云月明有水皆爲影風靜無塵別遞香一時傳誦都下上達

宸聽比官翰林 召見猶誦其詩句獎之

陳維崧字其年號迦陵江南宏興人明左都御史于庭孫副貢貞慧子縣學生由都御史宋德宏薦舉授檢討著有湖海樓全集

龔大宗伯定山最愛先生詞題其烏絲集詞有君袍未錦我

鬢先霜之句未幾公歿先生試宏詞登第後追和秋水軒偕和詞韻痛哭設位以祭知己之感深矣

先生又繪填詞圖徧徵海內詞人題其卷自梁玉峯王阮亭以及羨門西堂豹人竹垞孫友南淳融谷數十人誠天下之巨麗也又寄先公一札云圖送上乞交令弟分虎及虎林吳慶老卽坐索一詞寫其上昭嚴示老爲弟添一小鼓一拍板點綴其間致足佳也先生之於詞殆寢食以之矣家世圖今蘇先生從

孫中丞

遇孫按先生駢體冠絕一時能於徐庾外自闢町畦詩詞皆極豪邁吳梅邨以先生與吳漢槎彭古晉目爲江左三鳳皇居官四年以魚鳥湖山爲念相傳是善權山中誦經猿再世

鶴徵錄卷一

三

疾革時猶吟斷句云山鳥山花是故人

池北偶譚云陳其年少有文名於江左數奇落魄老於場屋小試都不利四十餘尚爲諸生一日過京口有相士熟視良久曰君五十後當入翰林然不由科甲人皆笑以爲妄宣城梅杓司贈詩云朝來日者橋邊過見說功名似馬周後果以宏博薦入翰林爲檢討

王丹麓今世說云其年美鬚氣沖而盛神醉以和才情志意如江湖之浩浩莫可砥竭嘗與汪鈍翁論六朝之文詞雄旨洽鈞入深微多出諸賢尋賞之外特冒樸菴在坐傾聽不置陳遽掀髯謂汪曰與子納交十年今夕始稱知己又云張祖望目其年其行敦篤而立誠其材灑瀚而英精其氣盤礴

而靈淑

徐嘉炎初名馮字勝力號華隱浙江秀水人明兵部尚書必竟曾孫國子監生由戶部侍郎于可託薦舉授檢討官至內閣學士著有抱經齋集

先生彙記絕人九經諸史畧能背誦同舉閩百詩最護短善爭見先生而折服初梅里詩會甚盛先生與俞丈右吉居不中每會必至夏日飲庭中先生曰攜樽來詞移席窗外竹翁曰齊階浴罷里人稱之按總綬武雪堂瑛錄亦載其事

過孫按先生讀書過日終老不怠最熟左氏春秋祖世淳知隨州闔門殉難有春秋慧編父肇森職方主事有三傳合編先生世其家學凡奇書逸典鴻覽之士未睹記者輒就諮焉

鶴徵錄卷一

致仕後

聖祖御書直西清額樹影不隨明月去谿聲長送落花來聯句又唐人張旭隱隱飛橋隔野煙絕句詩一首 賜之

松窗筆乘云徐華隱淹貫經籍常侍直

上命青誦成有一德全篇朗誦不失一字至厥德不常數語則欲容奏曰臣不敢誦

上為嗟異

陸業原名世枋字次友號義山又號雅坪浙江平湖人康熙丁未進士除內閣典籍由兵部侍郎孫光祀薦舉授編修官至內閣學士乞歸著有雅坪文集

先生性愛詞在京師與竹翁並和宋末樂府補題諸調時先

公自製樂府後補題五闕先生見之曰此詞家仙筆也漏和

之且為刻箋敍云去歲竹垞表兄自金陵來攜樂府補題一卷皆南宋名家之作借余屬和余時適館東安門北支芻罕往還詞成不以示人今夏移榻寓齋淨几陳編相對忘暑讀李十九兄自製樂府後補題五調余又同寓齋倚而和之不啻青蠅聲雜鸞鳳響也且仿其箋式以茨木出東家之聲愈形西家之美所不敢辭然長安短檠遽損宜于杖頭十日費終亦悔其多事耳時工詞者皆和之而匿其聲
遇孫按先生傑直 南書房出五臺金蓮花限韻賦詩立奏稱

旨歲甲戌 召翰詹八十九人試豐澤園賦理學真偽論遂冠

鶴徵錄卷一

其曹

毛西河云雅坪年十四值 大兵徇江南父未菴為旗兵所執將加刃雅坪從麥隴中躍出大呼曰寧殺我勿傷吾父也弁將異之乃舍未菴而俘以去獻之固山誠順伯馬光遠試以文大喜遂撫為子時永平舉人李茂春設教遷安之龍起寺馬命往受業即入遷安籍應試縣府皆第一馬慮其名過著不令赴院試畱於旗四年適兄世楷以技真謁選未菴亦領丙戌鄉薦赴公車其訪得之乃請馬第乞放歸後雅坪為中書舍人誠順伯適於是年得疾卒時借諸子侍湯藥服蔬麻以報育恩焉
袁簡齋云雅坪入詞林

聖祖愛其才一日七遷從編修贊善授閣學才一年引疾歸又

十年卒自題華表云一日七遷千古少周年致政寸心安有病不治吟曰無藥能延炎帝壽有人曾哭老耶來

馮勗字方寅號勉曾又號詩東江南長洲人布衣由庶吉士楊作積薦舉授檢討罷歸

富孫授先生性至孝父嘗館中與祖及母家居荒茂乏食先生為郵塾師得升斗奉養與妻采芣以食後父客死阻兵亂弗獲歸櫬徒步入京為諸侯客膺薦得第即請假歸入閩尋父櫬未得伏地慟哭有老人哀之指視其處遂扶以歸後罷官家居癸未歲

聖祖巡幸江南與秦對巖潘稼堂徐虹亭俱復原官

鶴徵錄卷一

七

錢中諧字宮聲號庸亭順天昌平籍江南吳縣人順治戊戌進士由庶吉士彭會淇薦舉授編修

遇孫按庸亭學問淹貫詩文雄贍為諸生時請減蘓松浮賦條議三吳水利開濬劉河皆切於國計民生惜棄散失無存者

汪楫字舟次號梅齋江南儀真籍徽州休寧人歲貢生贛榆縣教諭由江寧巡撫慕天顏薦舉授檢討官至福建布政使著有梅齋詩聞正續集觀海集

先生與先公兄弟交最厚嘗贈耕客先生詩云金自還家盡詩從入險多真寫生語又為竹垞書聯云會須上番看成竹何處老翁來賦詩款云竹翁集杜句汪某書筆法奇逸渾脫

淋漓如舞劍器

遇孫按先生於壬戌歲春 賜一品服奉使琉球國宰臣以下俱有贈言歸作中山沿革志琉球使錄進呈

御覽竹垞撰墓表特詳書之欲使後之尚論者以制科為可行匪獨文學之選也

王漁洋梅齋集敘云楫以詩來謁酒闌月墮抵掌漢魏六代以來作者升降之故當其神解意盡塵尾奮擲頭沒盃中一座屏息楫之詩以古為宗以潔為體以清冷峭蒨為致大抵與吳嘉紀同當其自得於心即亦不必盡同也

今世說云汪舟次兄弟好古力學名沸大江南北戶外屨常滿父汝蕃意歎之誠之曰吾不願爾曹為名士如翦綵繡棘

鶴徵錄卷一

七

實不存也爾曹與人交以其文無寧以其行郭泰之異茅容庾表之敬褚德豈為名高哉爾曹慎之又云梅齋性伉直意氣倜然通達治亂富於學問翰墨妙天下名公卿咸折節願交

袁佑字杜少號霽軒直隸東明人康熙壬子拔貢生授內閣中書舍人由詹事府詹事沈荃監察御史鞠珣薦舉授編修官至中允

富孫按霽軒初舉明經官中書舍人侍直 南苑著紀事詩六十首才調華美大類唐人絕句其詩極清麗如月夜游秋水橋岸云蕩花短短葦花齊漁艇秋煙草閣西出寺谿雲意遠過橋山月趁人低與誰相對維孤鶴何處尋僧信杖藜

砧杵不聞千戶靜蕭蕭城闕夜烏嘯

毛西河袁春坊紀程詩序云當在史館時與袁子杜少分廳
起草每窗紙日落必撤筆相對吟一詩然後騎馬出東華門
計長安聚首及今相別南北各異地約十五六年丙子杜少
奉命主文吾浙榜發後見杜少官亭把袖如不相識其毛
髮容齒皆大減於昔知其以終養復入官勞苦久矣然猶四
顧輾落意氣慷慨如平時乘輅南來津亭記程得詩若干首
其風骨峻上覺與當日相對時不甚相遠就其所經無不以
承 詔品目偶佚繩簡爲兢兢也

朱彝尊字錫鬯號竹垞晚號小長蘆釣魚師又號金風亭長浙
江秀水人明太傅國祚曾孫布衣由總督倉場侍郎嚴沆吏科

鶴徵錄卷一

給事中李宗孔薦舉授檢討罷歸著有經義考日下舊聞臧策
志明詩綜詞綜曝書亭集

先生幼孤其從祖招之家塾所居曰鶴洲草堂先生賦詩云
鶴洲草堂何所有冷飯渾湯與酸酒從祖欲答之塾師曰此
子必以詩名世

吾里文酒之會甲於海內會於吾家如先生及令弟千里若
俞右吉鄭隨始王介人周營谷林於徐皆山褚二覲沈山子
繆天自鍾廣漢諸先生每人三十錢一蔬一肉而燭必盈把
每帶筆視吟詠達旦會王母陸孺人媿之曰此大羅天上羣
仙會也亦紡績至曙

老友朱笠亭謂集曰某聞之老輩海內有三圖其二落梅里

子知之乎集曰願聞其說笠亭曰一爲家竹翁煙雨歸耕圖
一爲秋錦先生灌園圖一爲陳迦陵先生填詞圖蓋三先生
皆命世才仗劍出門窮老盡氣所交皆天下奇士胷中鬱律
不可一世一題一詠其詩詞盡古今之至寶也今填詞圖既
不可得見歸耕圖亦歸他人之手矣

富孫按先生飲食經史綜貫百家海寧查夏重謂博物如張
茂先多識如虞祕監淹通經術如陸德明顏師古熟精史乘
如劉知幾劉原父兄弟貫穿今古如馬鄱陽王浚儀濟以班
馬之才運以歐曾之法詩宗少陵昌黎詞主白石玉田故其
發爲著作闕深懸富無不足以傳世又有瀛洲道古錄五代
史註禾錄諸書俱屬彙未成顧亭林先生不肖多讓人亦以

鶴徵錄卷一

博雅稱之

先生騰笑集序云竹垞主人少無宦情年五十 召試體仁
閣下擢居一等除翰林檢討故事翰林非進士及第與改庶
吉士者不居是職主人以布衣通籍洵異數矣越二年增置
日講記註官主人亦與焉是秋出典江南省試拜 命之
日屏客不見將渡江誓於神入闈矢言益厲公事畢地主問
遺輒以分故舊攜其妻入京師無家具僅載書兩大簾而已
盜劫其居發所藏止餐錢二千白金不及一鎰也明年入
南書房 賜宅景山之北黃瓦門東南居一年名挂彈事吏
議當落職

天子宥之左謫其官復僦宅宣武門外

汪鈍翁說鈴云朱十詩才雋逸文尤跌宕可觀然性好飲酒嘗與高念祖紀入都每日暮泊舟輒失朱所在及高往求之則朱已闌入酒肆中醉臥鑪下矣

松窗筆乘云朱錫鬯夙負才名

上亦久知之

御試時遣侍衛索其草進閱擢官翰林尋入直南書房既罷

官雷京師取都門古蹟輯爲日下舊聞論者謂帝京景物略

所不及也

湯斌字孔伯號荆峴一號潛菴河南睢州人順治己丑進士授宏文院庶吉士歷陞江西嶺北道叅政告病回籍由戶部侍郎魏象樞左都御史金鉉薦舉授侍講官至工部尚書補諡文正

鶴徵錄卷一

三

著有洛學編潛菴集

先生喜陸學嘗云陸子具揮霍之雄才有謹嚴之操守繼孟

韓不愧耳予細讀陸子粹言見其精熟六經且云孔子諸經

具在吾輩不必著書恐流患後世耳先生又言良知之說直

接孟子欲攻王學先攻孟子其論學在陸王間同時陸清獻

專攻文成先生與之書其鍼砭之者至矣予嘗謂必欲論道

學湯居陸上

先生撫吳中廉正自持以上方山五通廟惑民士女燒香祭

賽大爲風俗累上疏請廢其廟得

旨允行於是海內五通廟悉行撤毀神像投之水火一時快之

有狄梁公之風臨去萬姓哀號幾不得行吳人追思不能忘

爲建生祠蓋自周文襄王端毅兩公巡撫而外未有如先生者也

富孫按先生學問事功爲國朝第一流人物先由翰林出

爲潼關道副使駕馭有法所屬遂大治自嶺北乞歸往受業

孫鍾元門下所得益遂所行益力屹然推爲巨儒後巡撫江

南窮郵僻壤無不感誦其政至呼爲清湯擢禮部尚書正直

不嬰竟爲讒言所中平生潛心講貫洵可謂禩洛閩而宗稷

益矣母夫人趙崇禎末
罵賊不屈死難

毛西河湯潛菴集序云予避人睢州值先生以關西叅政請

十旬假就之論知本之學既舉制科同入史館遂得辨前代

得失并古今來禮教名法知先生裕經術外擴而中堅體用

鶴徵錄卷一

三

咸備會

天子重其學進青宮保傅兼領叅知入東閣作宰相判事

遂以春官侍郎開府江南使敷歷中外爲本朝儒術之冠

予乞疾南還過其境見關門坦坦然農安畝而估習市武吏

與暴客刷跡而徙予顧之歎曰儒術之效如此耶未幾還院

補冬官尚書驟遭棟折今將二十年而京朝先後思之者

如昨日江南之民一若服稅服雖相隔多歲月而偶然敘社

必哭泣因有慕其人稽其事願讀其所遺書夫世之所謂三

立者德與功與言也先生踐履篤實務爲善去惡以求慎獨

而出而應世明有實效見諸成事此其功德爲何如而發言

中道不偏不矯爲羣儒所取正周旋政事堂多所建白至於

外臺入告請賑請獨尤極剴切然則先生之言其有繫於世如此

居易錄云戊午春 詔薦宏博戶部侍郎環谿魏公過予邸舍問今人才誰可舉者予答曰公薦人與諸公稍不同諸公薦人文詞足矣公薦人卽非交行兼者不可某交游頗衆挂一則漏萬無已寧舉一素不相識者以副下問之諒可乎聞雅州湯潛菴斌者昔由翰林檢討外遷遼關道副使以一藤載襪被在官數年蔬水自甘去官之日襪被之外無所增益自嶺北罷歸從蘇門孫先生講學躬行實踐教授生徒布衣徒步梁宋間學者師之斯其人歟言未竟魏改容曰得之矣吾亦知其人聖賢之徒也明日遂疏薦之馴至大用又云潛

鶴徵錄卷一

重

菴以天啟丁卯生康熙丁卯其門人王給事公垂紳以艱歸睢州先生臨別慘然執其手曰吾祖吾父卒年皆六十一今吾年適如之子歸矣不知能復相見否果以是歲卒於位汪琬字茗文號鈍翁初號玉遮山樵江南長洲人順治乙未進士授戶部主事降兵馬司指揮陞主事病假回籍由左都御史宋德宜翰林學士陳廷敬薦舉授編修乞歸著有鈍翁前後類彙堯峯文鈔

古文八家乃茅氏繆悠之論予則謂止有四家何云八耶韓之文直紹孟子同時柳州雄深雅健與韓的是對手若歐陽子則天姿絕世者也大蘇則繼韓唐宋止此四家自餘有學無筆無足議也先生則一宗震川而上擬永叔其文文其骨

清其思潔其詞溫斷推第一流與先公稱石交五服考異有關禮教先公嘗駁正數條惜翁已故東都事略跋糾宋史之闕失較柯氏新編直天淵耳

又與先公一札云內中有圈墨器系之以銘銘中二語未知何出滿人欲翻之先生必知其出處乞爲注來緣頗有關係不敢妄於不知其虛懷如此

富孫按先生熟三禮文章出入歐陽子通籍二十餘年浮沈郎署請告者十七年後薦舉入史館僅六十日遽以疾乞歸閉門空山不妄交一人可見其違俗孤介之跡矣

陸清獻云茗文之推重太僕至矣作歸詩考異又作震川年譜蓋其意中自以爲接震川一派殆亦近之

鶴徵錄卷一

重

居易錄云同年汪琬以狂狷多忤交友罕善終者雖子以至誠交之亦不免其齟齬子終不較也海內知交甚多至議論有根柢終推此君

松窗筆乘云汪鈍翁性峭直頗自矜許吳人多訾之至詆爲矯飾過矣予訪之虎邱翁鮭菜畱飲極歡自是時相過從已巳予歸自廣陵便舟過訪翁詣子言別執子手曰吾老矣再至吳門辛一看我言畢慘然登車去及予再赴則已爲故人矣遙望故廬不禁綠竹青山之感

今世說云汪鈍翁讀書勵志行內自重有守又善彊記過目終身不忘舉進士官戶部浮沈郎署位不副志發爲著作原本經術晚築室堯峯之麓幅巾杖履與山樵野叟行歌互答

當道大吏求一見不可得也嘗語人云士大夫行已不可無
本末讀書不可無師承立論不可無依據又云鈍翁性狷急
不能容物意所不可雖百責育不能掩其口其所稱述於當
世人物之眾不能數人

邱象隨字季貞號西軒江南淮安衛籍湖廣空城人順治甲午
拔貢生由監察御史羅秉倫薦舉授檢討官至洗馬著有西山
紀年集

遇孫按西軒為參政俊孫次子年十四即工詩才名早盛與
兄曙戒^象有淮南二邱之目性至孝未仕時父歿廬墓三年
母夫人以食魚致疾遂終身不食魚通籍後積俸置祭田族
人稱之

鶴徵錄卷一

王阮亭香祖筆記云故友邱季貞與張養重游浙東行處州
山中各有卽事詩一云西風黃葉無人徑破廟山神對古松
一云百年無與人間事老死深山古木中今人攘攘入市者
不知世有此境

鶴徵錄卷第一

門人張相校

鶴徵錄卷第二

嘉興李集敬堂輯

從孫富孫

孫男遇孫 續輯

二等三十人

李來泰字仲章號石臺江西臨川人順治壬辰進士兵部觀政
授工部主事出督江南學政補江南蘇常道叅議裁缺候補由
監察御史鞠珣薦舉授侍講著有蓮龕集

王阮亭亟稱先生璿璣賦為冠榜之作予訪之數十年得其
全集始見之雖波瀾綺麗而較之迦陵則遠遜矣阮翁竹翁
並不善四六故其言失當

鶴徵錄卷二

一

遇孫按順治乙未先生督學江南所拔皆孤寒知名士尋任
監司歷官清慎能持大體不事威嚴而所部懾服
王阮亭云己未鴻博之徵璿璣玉衡賦以前蘇松糧儲道叅
議李仲章來泰冠塲雖彭羨門少宰歷卷亦當遜之李改翰
林院侍講一典湖廣鄉試未幾卒

沈歸愚云先生文窮極彫鏤詩獨以平正通達行之能者固
不可測

潘耒字次耕號稼堂江南吳江人布衣由左春坊諭德盧琦刑
部主事謝重輝薦舉授檢討以母憂歸著有類音遂初堂集
富孫按先生幼有聖童之目試以歷日能首尾不遺一字兄
檀章有史才頗承受其學復從顧亭林徐昭法戴耘楚遊故

其學貫穿淹洽無所不通旁及歷術算數悉有神會昭法沒無尺寸之產舉孀婦孤孫以託先生恤之終其身亭林日知錄詩文集皆所刊刻又以未及雕筆域志爲憾

松窗筆乘云潘次耕游肇慶購端谿石數十枚因其質理品式自爲銘構一室藏之客至出石相品賞時謂之石癖

沈珩字昭子號耿巖又號稼邨浙江海寧人康熙甲辰進士由大學士李蔚杜立德馮溥薦舉授編修乞歸著有耿巖集

富孫按先生甲辰會試第一人未釋褐而歸十五年不仕入翰林後一副主順天鄉試無何乞假歸淡於榮利素好古手

不停披輯一書曰十三經名文鈔凡所屬綴皆本經訓無游譚不根語嘗於壬申小春訪先徵士公於梅里款畱看園不

果而別嗣歲先徵士公寄之以詩次韻答云谿堂斜有徑苔兩綠生痕已見藏書塢空尋種藥園山中非價貴谷口舊名

鶴徵錄卷二

二

尊子亦沈冥者披帷願細論刻曲尋幽賞墟邊悼故知隙駒情易感邱壑道堪師淡骨猶追古疎眉未入時霜楓懷友句梅放始能持

施閻章字尚白一字岷雲號愚山晚號矩齋江南宣城人順治

己丑進士刑部觀政授本部主事陞江西湖西道叅議裁缺候

補由大學士李蔚杜立德馮溥薦舉授侍講官至侍讀著有愚

山集

先生以進士起家洊歷監司人品端方不苟取與所至願著

循聲書法二王論詩亦峻絕嘗與先公札云今人和韻詩乃

作韻非作詩也先公稱之

富孫按先生爲刑部員外郎獻決明敏視學山左有冰鑿之與轉湖西叅議湖西故荒瘠多盜先生撫綏有方袁臨問稱之爲施佛子 召試卷間擬一等後以旗字押韻偶誤書旂字改置二等先生五言詩清絕王漁洋極爲推服當時與宋荔裳齊名故有南施北宋之目

先生示子札云試卷傳出都下紛紛訛言皆推我爲第一名久之半月後方閱卷初取在上上卷列三五名中後因詩結句嫌觸忌諱不敢錄得高陽相國爭之畱在上上卷第十五又停閣半月則移在上卷第四後改上卷爲二等高才博士遠出吾上而見放者甚衆吾既犯嫌忌而復收之亞等過望

鶴徵錄卷二

三

矣

居易錄云門人洪昉思問詩法於愚山愚山曰子師言詩如華嚴樓閣彈指即現又如五城十二樓縹緲俱在天際余則譬作室者飯甓木石一一俱就平地築起洪曰此禪宗頓漸義也

池北偶譚云宣城施愚山少孤事叔譽至孝一日值叔誕辰大集親戚上壽而叔以小故忤意堅臥不起愚山跪榻前移晷辛亥客都門每憶叔輒涕泗事叔如此故人所希有也譽有遺詩一卷愚山屬予爲論定敘而行之又云昔人論古詩十九首以爲驚心動魄一字千金施愚山五言送梅子翔云朔風一夜至庭樹葉皆飛孤宦百憂集故人千里歸岱雲寒

不散江鴈去還稀遲暮兼離別愁君雪滿衣此雖近體豈愧
十九首耶己未在京師求予定其全集又予讀施侍讀五言
詩愛其溫柔敦厚一唱三歎有風人之旨其章法之妙如天
衣無縫如園客獨繭約略舉之若別緒不可理酒盡暮江頭
人日月初晴朔風一夜至明月無遠近倚枕不能寐數篇是
也予嘗以暇日撰感舊山水二集所錄愚山詩為多意猶未
盡因別取五言近體為摘句圖傳好事者康熙庚申予與愚
山同過宏衍巷看海棠各有四絕句今庚子二月重來海棠
三株皆已化去而愚山之墓木拱矣不勝今昔存歿之感因
復成一絕云十年不見謝宣城目極澄江遠恨生白首重吟
枯樹賦江潭憔悴庚蘭成

鶴徵錄卷二

四

松窗筆乘云施愚山以文章理學自任觀察湖西集諸生講
學環聽者常數千人及為侍講分撰史傳務求至當與予尺
牘往復不下數十前輩虛懷如此癸亥卒於京邸予以使
命不得往哭至連雲棧夢愚山向予索詩音容宛然作詩二
章紀之

今世說云愚山性本忠愛義篤友朋摻履孤遠學有本原力
以名教為己任嘗講學湖西羣父老子弟環而聽者輒數千
人聞孝弟忠信禮讓之言往往至於泣下當世推論文章理
學莫不以宛陵為歸嘗謂所親曰我輩既知學道自無大疑
名教但終日不見已過便絕聖賢之路終日喜言人過便傷
天地之神

全謝山施先生年譜序云先生分守江西政聲藉甚公議以
為不日當晉開府忽遭東閣蓋安邱相公當先生持節山左
時有所干請不遂至是修怨焉此不畏強禦之大節也先生
之學本於王父中明先生實為新建肝江之傳又嘗從沈公
耕巖得聞漳浦之學故其和齊斟酌不名一家乃學術源流
之所在也先生之造詣與蔚州魏敏果公睢州湯文正公平
湖陸清獻公同道同德不相上下魏湯二尚書雖未竟其用
然尚揚歷槐棘多所發揮清獻則以遭摧挫而愈顯先生最
為闡淡又以工於詩古文詞世人反用是掩其學問之大原
矣

鶴徵錄卷二

五

米漢雯字紫來號秀崑直隸宛平人明太僕萬鍾孫順治辛丑
進士授江西贛州府推官改補建昌知縣丁憂起復補長葛知
縣行取考選主事由大學士李蔚杜立德馮溥薦舉授編修官
至侍講著有始存集

富孫按先生為王文貞簡崇之壻能詩善畫頗得家法當時呼
為小米尤工金石篆刻性放浪不羈入翰林會典雲南鄉試
故事試差復命不得過一年先生六月朔赴雲南事竣浪
蹟江楚至十二月猶未還婦兄王瞿菴遣人敦迫乃就道及
至都自言我為相公押解來京眾咸笑之遂以試事呈誤久
之召入供奉內廷遷侍講賜第西華門尋病卒
說鈴云米進士漢雯詩畫皆工秀書法學米南宮徑寸外者
尤勁媚或評之曰紫來天才造詣當在友石先生之上

香祖筆記云友石太僕有勺園在京城西海淀與武清侯清華園相望亦曰風煙里今暢春苑卽兩園故址也紫來所交游皆海內知名士其詩惜爲書畫所掩亦散佚無傳矣

王應奎柳南隨筆云丁卯米漢雯主試江南八月初八日甫當唱名忽有飛蝗蔽天回翔試院禾苗無損人咸異之這揭曉日金陵諸生見榜多統袴羣聚而譁幾成大獄好事者競作檄文歌曲喧傳遠近事聞漢雯削籍識者謂蝗能食米蓋天所以儆之

黃與堅字庭表號忍菴江南太倉人順治己亥進士由江寧巡撫慕天顏薦舉授編修官至贊善著有忍菴文集

富孫按忍菴生平究心經術輯解甚多易學闡其一也明史

鶴徵錄卷二

六

告成復 命分修一統志詞賦其餘事耳

錢曾忍菴詩敘云往子從行卷中得庭表詩故紙蒙茸昱昱然如有光氣展卷得長安金陵雜感諸篇頓挫鈎鎖纏綿惻愴風情骨格在韓致堯元裕之之間肝衡抵掌謂後來不得不推此賢時人未之知也久之庭表學殖益富才力益老散華落燕驚爆都市梅邨謂子言不虛矣

今世說云黃庭表童年穎悟詩一目文二三目卽記憶三歲能識字五歲能誦詩八歲酷好唐人詩錄小本攜出入輒爲蒙師所禁抑十四歲慨然有志於古學欲徧讀周秦以下書甫三年讀周末諸子及六朝以上者幾盡又云庭表性落落維與人交當生死患難不有轉目相背負

李鎧字公凱號惺菴江南山陽人順治辛丑進士禮部觀政補奉天蓋平知縣由戶部主事邵延齡內閣中書王穀振薦舉授編修官至閣學兼禮部侍郎告歸著有史斷讀史雜述等書

遇孫按先生少孤力學釋褐後益博綜羣籍歷知綏陽蓋平二縣皆著循績於書無不窺至老愈勤政事文學一時稱兼擅云先生爲洗馬 卽季貞之甥

松窗筆乘云山陽李公凱舉進士兩宰邊邑以博學鴻詞舉改編修恬靜不事奔競由宮坊游歷卿寺至銀臺復入爲內閣學士循資漸進遂登三事當時嗜進者未免中道顛躓觀公凱乃知功名信有數也

阮吾山云李公凱宰鐵嶺丁憂歸己未以鴻博徵授翰林官

鶴徵錄卷二

七

閣學 經筵講書理明詞暢當時謂不減范祖禹一生清節不名一錢門無雜賓嘗語門人云孟子爲卿於齊終不受祿君祿且然况交際乎守身若此其嚴而彭更猶以傳食爲泰萬章至比於禦人之貨孟氏守身之嚴可知今人取與不慎多援孟子交以道接以禮之說以自便其私豈不謬哉

徐鉉字電發號拙存又號虹亭晚號楓江漁父江南吳江人監生由戶部尚書梁清標薦舉授檢討尋乞歸著有南州艸堂集菊莊詞

虹亭受業於計甫艸先生鴻詞之舉先生已沒京師老輩都爲太息虹亭以少年得之擅詩詞尤工豔體晚歲成本事詩一時盛傳竹翁寄詩云不應尚戀閒釵釵棗水流傳本事詩

蓋微諷之也

富孫按虹亭少刻鞠莊樂府朝鮮貢使仇元吉見之以金餅購去貽詩云中朝攜得菊莊詞讀罷煙霞照海湄北宋風流何處是一聲鐵笛起相思吳江葉元禮題其詞云往余同菊莊客燕臺一時同人若方虎人遠雪客古直楚鴻鷹垂掌公季友永瞻輩文酒風流殆無虛日剪燭分題必拈小詞紀勝每推菊莊獨步葢菊莊詞綿麗幽深耐人尋味而又能落筆敏妙宜其為諸同人歎服也近復同游武林手一編示余對西子湖光誦花間佳句淡粧濃抹彷彿相宜恨不與諸故人同為擊節耳展卷之餘因念古直蘭摧永瞻玉折回首昔遊高歌幾曲似聽山陽鄰笛也嘗為合肥龔端毅賞識臨沒謂

鶴徵錄卷二

八

梁真定曰負才如徐君可使之不成名耶後果梁公特疏薦之

虹亭善繪事嘗以所作墨松索先徵士公題句詩云虹亭筆墨無不好以詩掩畫誰能知偶寫玉山釵落句流傳今有畫中詩 國初諸老輩無不兼工藝事如嚴藕漁米紫來李杞瞻葉九來法黃石高岷苑薦列詞科者山水竹木並臻絕妙其餘諸公尤難悉數吾家藏有前輩投贈先徵士公書畫便面二大冊洵足寶也

朱竹垞南州集序云電發以詩名江表者三十年游屐所至名流必與酬和予年衰老頗耽著書廢吟詠而電發方肆力於詩古文辭九州之表四海之外尚有賞音者况百世而下

豈無好之者哉

今世說云電發英姿玉立倜儻有大志好古博學通經濟弱冠才名蔚起搖筆數千言倚待立就又云電發早歲韶令天姿英敏年十二和無題詩有殘月無情入小樓之句長老咸嗟異之

沈筠字開平號晴巖浙江仁和人康熙己未進士改庶吉士出戶部主事黃雲企薦舉授編修未久卒著有斗虹集

遇孫按晴巖少有雋才嗜學敦內行嘗割股肉和藥以療父病既而母病亦如之為文唾地立成而選簡清綺諸子百家咸集腕下詩以陶徵士為宗然未嘗以摹仿傷格也

松窗筆乘云仁和沈開平上海錢越江既並膺薦舉又同中

鶴徵錄卷二

九

戊午己未鄉會試三月

御試授翰林五月選庶吉士復列其名兩膺詞林之選士林榮之

周慶曾字燕孫號杞瞻江南常熟人順治戊戌進士兵部觀政考授內閣中書陞補主事由刑部主事俞陳琛薦舉授編修著有硯山遺藁

富孫按先生父名士宏家素封好行其德先生性亦好善鄉試時次京口有官負逋自投湖者盡出其金代償之得解舟而去後成進士念親老即乞假南還薦授翰林甲子典浙闈鄉試將受事卒於杭州公署

尤侗字展成別字悔菴又號良齋晚號西堂老人江南長洲人

順治戊子拔貢生直隸永平府推官以事降調由兵部尚書王熙工部尚書陳鼐薦舉授檢討告歸著有西堂雜俎良齋雜記西堂全集鶴棲堂彙

先生明季為諸生有聲庠序於時各雜以排儷體一時效之我朝以選拔為博士升司理以鑄級去官康熙甲寅居京師與彭先生南昫令弟靈求暨宗人羨門所謂三彭也結壇文星閣頌本願經玉局元君為杜公喬林黃公道周豫告南昫先生以丙辰會狀并許諸人入翰苑至丙辰南昫先生果及第下科寧求亦登鼎甲已未而羨門居榜首先生列二等又許先生以兩世詞垣至戊辰而子珍亦得館選先生感恩賦詩盡悔其少年綺靡之作而西堂雜俎已沁人心脾矣集

鶴微錄卷二

十一

出芝庭夫子之門得見質神錄獲聞其詳附識於此富孫按同入史館者先生年最長以齒敘四十九人悉坐其下未幾乞歸優游林壑復二十餘年已卯

聖祖南巡

御書鶴棲堂額以賜癸未

聖祖復南巡進官侍講先生工樂府早歲作讀離騷諸傳奇又有秋波詞教坊內人播之管弦為宮中雅樂聞者豔之後入翰林時

翰林時

聖祖稱為老名士位雖不尊天下羨其榮遇比於李青蓮云

漁洋詩話云尤梅菴在史館作明史樂府百篇雖儼李西涯往往駕出其上又嘗作外國竹枝詞百首

松窗筆乘云尤梅菴初著臨去秋波那一轉制義流聞禁中

世祖知其為徐立齋業師因取觀之歎為真才子及召試官翰林嘗借諸儒臣進平蜀詩文

上見其名曰此老名士梅菴以此二語刻堂柱左曰章皇天語右曰

今上玉音極文人之榮

今世說云梅菴文辭超軼經術醇深弱冠名播天下所交皆人倫英傑初仕永平司李後薦入翰林朝野榮之年八十七卒

沈歸愚云西堂少歲專尚才情詩近溫李歸田後倣白樂天

鶴微錄卷二

十一

流於太易雖街譚巷議入韻語中或以游戲視之比於王鳳洲之評唐伯虎不知四十至六十時詩開闢動盪軒昂頓挫實從盛唐諸公中出也

范必英原名雲威字秀實號秋濤江南長洲籍吳縣人雲南提學叅議允臨子順治丁酉舉人由庶吉士彭會洪等薦舉授檢討謝病歸

遇孫按秋濤告歸後儲書萬卷日誦讀其中凡古今經世大典及詩文源流歷歷能指數詩古文詞綺麗雅馴晚尤喜淡引後進從游者多名雋之士云

崔如岳字宗五號雪峯直隸獲鹿人明巡撫應麒曾孫康熙乙卯舉人由監察御史勒珣等薦舉授檢討

富孫按雪峯著述罕行於世吾鄉沈吏部叔埏前應禮部試
閣中遇雪峯後人詢其遺著云有詩文等案次日訪之惜不
復值

松窗筆乘云乙丑正月二十五日

上親試翰林詹事官八十一人於保和殿經史賦一首懋
勤殿應制排律二十韻

上親定高下次日傳

上諭徐乾學喬萊等五員文學優通着議敘彭孫適等六十八
員文理亦通着照舊供職崔如岳錢中諧龐壇等八員文理
荒疎着調用雪後嚴寒筆墨皆凍予以任忬力疾完卷蒙
恩尚廁前列忝竊極矣

鶴徵錄卷二

三

張鴻烈字毅文號涇原江南山陽人吏部新標子廩監生由兵
馬司指揮劉振基薦舉授檢討降級除國子監助教遷大理寺
副以憂歸

富孫按涇原詞藻豐蔚一時推為大才官檢討時嘗疏請開
支河轉漕以避河險及時興殿工採木遠省復有寬期減數
之請事皆施行部議以不應密封鐫級憂歸後

聖祖南巡淮上迎獻詩賦特復原職

毛西河送張毅文歸郁洲山序云同官張毅文以言事去職
自言家海東有郁洲山先考功思結廬其中而未逮子將長
往焉竊思毅文無言責其所以譽譽直陳而不自顧者夫亦
以鄉里蕩析思稍拯涇淫而出之於溺因不憚越職言事乃

聖朝既行其言而徒以封題細故少就裁抑反輕去其鄉豈亦
依約亂世之微情乎予隨考功先生父子登曲江樓飲酒賦
詩辟易千百人越二十年考功先生仍就安車應建元之詔
率毅文與予同上金馬門予因得與毅文並授館職不十年
而考功已厭世曲江樓傾廢不可復問而予與毅文復於編
纂之餘亦相繼言去矣

松窗筆乘云張毅文召試官檢討上疏陳三事密封以進
部議降一級調用既罷官放遊西湖與諸名士縱酒賦詩頽
然自放未幾復入補大理寺副告歸

方象瑛字渭仁號霞莊浙江遂安人少傳逢年孫康熙丁未進
士候選中行評博由總督倉場侍郎嚴沈薦舉授編修請歸著

鶴徵錄卷二

三

有健松齋集

富孫按霞莊九歲能詩十歲作遠山淨賦驚其長老釋褐後
需次家居時邑多稅政與仲兄象瑛字雪以亦薦舉以後期未及與試願當
道得允所請歲省脂膏萬計癸亥典試蜀中還不合於時尋
請歸苞苴竿牘一不至於門遇有利弊則獄獄言之卒之日
闔邑建思賢祠於城南又有松窗筆乘三十卷未刊行
朱竹垞錦官集敘云遂安方君渭仁以宰輔之孫早成進士
既而用薦召試入翰林歲在癸亥四川既定補省試於是
君奉命過往歸雁其詩為錦官集二卷凡山川之阨塞風
土之同異友朋之離合悉見於詩君之詩既多信可傳於遠
者

松窗筆乘云薦舉 命下少司農嚴顯亭先生薦予及朱
曾魏冰叔拜疏前一夕手札召余同陸冰修王仲昭顧九恒
飲西軒偶及政府薦士某某九恒曰方君子亦被薦否乎先
生日未也已又曰會須有人物色耳不知已繕疏詰且啓事
矣其薦士不使人知如此

今世說云方渭仁少年負氣自豪甲中時有文會每當同人
擲管拈題苦吟面壁方與毛會侯輒握手修篁怪石間相與
縱譚天下事或誦近所爲詩歌共賞間以諧謔日向午猶不
肯成一字同人來相敦迫方始振筆直書濤怒雲舒不可端
倪又云渭仁性簡重天資穎異年十餘時卽能搦筆成詩暨
短賦爲鄉國鑒傳祖書田少傅尤鍾愛釋褐益發憤讀書日

鶴徵錄卷二

與同好以文章相切劘四方人士翕然宗之

李澄中字渭清號雷田山東諸城人康熙壬子拔貢生由監察
御史鞠珣等薦舉授檢討官至侍讀著有瀕程日記良齋文選
臥象山詩瀕南漁邨等集

過孫按漁邨工詩文遠近學者多宗之庚午會典雲南鄉試
致仕歸里清白自守足迹不入公府

施愚山燕臺詩敘云渭清以諸生被徵梳書臥僧舍不肯干
恩達官其詩多豪逸清遠有類乎閒居之所爲吾以爲有詩
人之風山左舊遊舉進士能詩者既有田子綸曹升六王仲
成諸子李子與卽墨楊子六謙又同 召至都下不爲不遇
吾嘗校其文按最多士今數來論詩詩日有聞吾喜諸子之

足張吾軍也

毛西河臥象山集序云往予來京慕李漁邨之爲人既從
李學士宅誦臥象山人詩愛之又既得交漁邨且同受館職
爲史官乃歎漁邨非常人今之人未有如漁邨者也其爲人
慷慨厭世苟薄以龐達自居與人交不沽激戀戀多布衣驢
其視得一官如贅疣之附於身而獨以文章與山水爲終生
簿領嘗思臥象山不得見對酒躅足曰吾嚮入臥象視如室
房每出一步數顧若辭家人然今羈此有年惘惘然使我爲
無家之客何哉漁邨縱橫偶募詩歌婉附具風人致文激亢
不可下而文采爛然是豈尋常所易及耶

鶴徵錄卷二

吳元龍字長仁號臥山江南華亭人康熙甲辰進士授宏文院

清書吉士歷任工部郎中由督捕理事張永祺薦舉授侍講著
有問月堂集

運孫按臥山奉親以孝聞子廷揆癸巳進士歷官太常少卿
才望亦著

龐壇字霽公號雪崖直隸任邱人康熙乙卯舉人由刑部主事
李模內閣中書張星耀薦舉授檢討改工部主事出爲建寧知
府著有叢碧山房集

富孫按雪崖有詩名頗通禪理爲人恬澹升沈隨時不以經
心叢碧山房詩分翰苑舍人工部戶部等集前人謂其所嗜
專以篤故所成精以深詩也進乎道矣

朱竹垞叢碧山房詩敘云檢討任邱龐君善古今詩戊午以

薦舉得受官又六年復試詩賦於 保和殿君所作不合意當改調於是君閒居集平生詩爲叢碧山房彙誦其詩雅而醇奇而不肆合于唐開元天寶之風格北地之言詩者未能或之先也

王阮亭云在京師五月中與同人爲結夏文字之會一賦得五月江深艸閣寒一鏡湖五月涼一五月賣松風人間本無價麗工部雪崖詩云閒傍蒼松置短牀南風瀟灑透衣裳人間第一清涼散休把千金比禁方南薰灼灼自天中五粒陰多障遠空莫怪山僧開橫口快哉不數大王風嚶嚶鳴蜩毒熱新松枝輕颺午風勻此間好似清涼國遮莫鋪金買售人龍州部雷岸詩云岸幘披襟意爽然憑誰索價且高懸東坡

鶴徵錄卷二

七

只欲時人買剛道清風直萬錢滿袖攜歸且嘯歌紛紛觸熱客何多涼風爭似涼州好此價惟須問孟陀

毛奇齡原名姓字大可一字于又字齊于別號河右又號西河又有僧彌僧開初晴秋晴晚晴春莊春遲諸號浙江蕭山人廩監生由浙江巡撫陳秉直薦舉授檢討告歸著有西河全集

富孫按西河當明末卽有盛名後爲怨家所構避居淮上變易名姓及 召試年已遲暮入史館與陳迦陵並稱爲毛陳李相國湖北以西河詩擬之少陵文擬之韓吏部學擬之孔穎達陸德明輩其所自負者獨在經學其解經多與宋儒相鑿與閻潛邱同以詆諆爲事古文尚書冤詞一書駁正潛邱遠出其上朱竹翁稱其如輸攻墨守未爲平允之論蓋攻者

非而守者是也平生持論喜事功厭空譚於九經諸子芻及禮樂經曲律呂諸事皆能極根柢而貫其枝葉匪苟然者施愚山毛子傳云大可少與兄萬並知名人呼小毛子性恢奇負才任達與人卻坦然無所忤賢者多愛其才暱就之善詩歌樂府填詞所爲大率託之美人香艸以寫其騷激之意纏綿綺麗按節而歌使人悽悅又能吹簫度曲游靖江當鑑馮氏者悅其詞欲私就之毛謝曰彼美不知我直以我爲狂夫也徑去又嘗自言生平可幸者三一行文無宋人論習二無負郭田作衣租食稅男兒三不爲繼子慈孝兩隔制科雜錄云子體羸手背以北方風高每瘋燥作癢族弟會侯送藥劑來飲之忽筋腫膚爛手腕脹如瓠不可執筆因作

鶴徵錄卷二

七

呈詞一紙於過堂時告驗時滿漢太宰皆執不許掌院葉師以爲僞也云君但洗去其藥自愈矣至選君楊公則准人故知予者慰云天下名士有幾若先生告去則此舉爲不尤矣試日仍難執筆及 賜宴時強把金筯指小誦因草草完卷卽出

松窗筆乘云毛大可可在翰林上表進所撰韻書上善之明年遂 特簡分校會闈既謝病家居殫心經學又作太極圖辨謂陳希夷以道家之說解經極詆周元公并及朱子其說甚辨然詆毀太過予嘗以此規之沈歸愚云西河湛深經學著述等身在 國朝可稱多文爲富者惟攻擊宋人不遺餘力至鐫書若干卷以示旗鼓藝林

惜之其詩學規撫唐人而能自出新意不同於規孟賁之目
畫西施之貌者也

錢金甫字越江江南上海籍華亭人康熙己未進士授庶吉士
由戶部主事邵延齡薦舉授編修官至侍講學士著有保素堂
集

富孫按越江少負才藻工詩古文名盛一時典試江西有知
人之鑒尤篤師友之說多陰德父稔有行義鄉里咸推為長
者

朱竹垞錢學士詩敘云錢君越江與子同官翰林予以入直
內廷獲謔君由編修累遷至侍講學士然敝裘羸馬未嘗
謁權倖門惟與鄉黨故人數為文酒之會詞山曲海魚經蟹

鶴徵錄卷二

六

志靡所不譚坐有語及官資遷擢者君輒恚後會其人速
至竟引避之獨對子懽洽無間申之以婚姻余既罷官將歸
君日載酒款曲以為別君雖貧能急人之憂君之師有卒於
官者君以奉錢治喪紀俄而其鄰人失火延及師舍君率力
士負棺出火燎其鬚不顧也又有被遣者三日當出關君亟
稱貸拮据兩晝夜追及其車慟哭而返客或暴卒於都亭外
君犯暑疾馳抵虛溝視其斂或陷於獄當辟君屢率私錢力
援之事得解其篤於師友如是故其為詩纏綿悱惻不失溫
柔敦厚之遺其為文條達無規仿凌駕之蹟自其少日為王
光承玠右吳騏日干兩高士所稱道而君之叔父葆粉亦樂
與酬和子既旋里是夏君以疾殞京師冬孤子長涵扶喪歸

踰年始哭君於黃浦之東高橋里荒溝古水莫有田父可問
途者叩其門有雞犬無僮僕見其孤問其所有僅木棉花地
一頃不足輸井稅為悽然久之尋出君集請予敘因述君行
槩俾後之論世者知君之為人

吳任臣字志伊一字爾器初字征鳴號託園浙江仁和廩生福
建莆田人由內閣中書王穀振等薦舉授檢討著有周禮大義
禮通十國春秋山海經廣註字彙補等書

遇孫按顧亭林稱其博聞強記羣書之府所著十國春秋搜
羅廣博雖有一二疵累不礙其為完書其凡例云帝稱本紀
王稱世家古史家體也後世非天子而遠列本紀誤矣卷中
帝則斷為本紀王則降於世家間有孫子即帝位而追崇祖

鶴徵錄卷二

七

考如吳太祖烈祖高祖闡太祖南漢烈宗尊諡則從後日而
敘事猶號世家所以紀其實也然三代及秦之先皆諸侯而
史公均載入本紀若就一姓之中為王為帝條分縷析致使
父子兄弟書法各異而究其所以異者不過異其名而同其
實非特失史之體亦昧乎史公本紀世家之義矣又云瑣事
繼語不忍遽棄然瑣細之事如趙鎰額上常有肉隱起及其
死破額得珠識者曰此人珠也既死不可復用而載於吳大
祖世家中至書年號當係某帝馬班以來皆然此書開卷之
始祇稱中和三年三月不書明唐僖宗誤矣又吳太祖世家
天復四年夏閏月乙巳唐改元天祐大赦天下秋八月李神
福攻鄂州未下會得疾還廣陵案此年八月壬寅朱全忠弒

唐帝於椒殿輝王祚卽位此史家大關目也何以不書下年載王寢疾遣使召子渥於宣州案新書方帝困鳳翔再遣使督兵以爲行密可亢全忠者然兵至宿州給言糧盡乃還全忠脅帝東遷行密恥憤被病全忠亦知天子倚行密爲重乃弒帝以絕人望行密聞之發喪不視事三日因是病篤書中亦不書明得病發喪之事皆失史家體也

吳星叟云志伊好奇讀書世故未之識也許彖爲學使者黜之陸行人培手其卷註釋徧告士大夫學使者知之遽讀尋釋曰信誤矣亟易之由是名噪生平多所論著又精樂律嘗於市上見編鐘一枚曰此大呂鐘也後滌視款識云古大呂之鐘

鶴徵錄卷二

三

今世說云吳志伊志行端整博學而思深兼精天官奇壬之術射事多中時人比之管郭又云志伊酷耽文籍綜博無遺嘗與吳錦雯會飲馬鳴九齋許錦雯問鄒殿二字何讀志伊曰殿也同本秦權古文鄒許同本說文長箋錦雯歎服

陳鴻績字子遜浙江鄞縣人順治丁酉舉人原任江南睢寧知縣聖誤由監察御史鞠珣等薦舉授檢討

富孫按子遜博涉經史於儒先理學之旨根極底奧令睢寧時愛民重士睢人德之丁巳夏運河衝決子遜身先工築力障狂流閱四月底定河臣具疏獎之

吳星叟云陳子遜以邑令召入未幾而漕督以誤濬參革職尚欠錢糧三千餘及子遜官翰林督撫以下私慰其家許

公爲填補且待之甚厚子遜入翰林僅十二日而卒子遜既卒卽追徵之且下子於獄而畱其孥不遣

曹宜溥字子仁號鳳岡湖廣黃岡籍江西東鄉人廩生由湖廣巡撫張朝珍薦舉授檢討乞歸

遇孫按鳳岡爲學士本榮子順治丁酉召對南苑得稱

旨薦舉官翰林數年乞歸竹翁有餞曹檢討詩云曹子酒戶大十榼飲不休可見其豪

毛升芳字允大號乳雪浙江遂安人明少司馬一鷺孫康熙壬子拔貢生由戶部主事方元啟薦舉授檢討著有古獲齋駢體竹枝詞

富孫按乳雪天才敏異五歲時見王子安滕王閣敘元微之

鶴徵錄卷二

三

連昌宮詞便朗朗成誦音韻鏗然觀書數行兼下爲文頃刻千言塾師督舉子業甚嚴每乘暇竊取詩古文默識之入翰林嚴謹不苟授經顯藩見敬禮焉

曹禾字頌嘉號峨嵋江南江陰人康熙甲辰進士考授內閣中書由大學士李蔚杜立德馮溥薦舉授編修官至國子監祭酒著有峨嵋集

遇孫按峨嵋在翰林時疏請封禪爲給事中王承祖所駁而請舉巡狩阮亭云二者皆著於白虎通未識兩說孰爲是非也康熙辛酉增起居注日講官八人爲峨嵋暨湯潛菴秦對巖徐健菴王瑄湖朱竹垞嚴瀟漁潘稼堂鴻詞居其七云松窗筆乘云曹峨嵋上疏請封禪予在皖城遇倂閣公共讀

其奏子笑曰鍾伯敬評司馬相如封禪頌謂長卿豈真有所求直是胸中有一篇好文字不有埋沒耳峨嵋想亦是此意聞公笑而然之

黎審初字子鴻號瀟僧後字瀟雲江西清江人順治甲午恩拔貢生由監察御史鞠珣等薦舉授檢討

富孫按瀟雲父名祖壽前癸丑進士南吏部郎中入祀鄉賢

督學元寬為瀟雲從祖亦臨江世族云

高詠字阮懷號遺山江南宣城人歲貢生候選知縣由監察御史鞠珣等薦舉授檢討著有遺山堂若巖堂等集

遇孫按遺山幼有神童之目書畫與詩世稱三絕十五省試不售年近六旬始歲貢入太學崑山徐相國時為大司成延

鶴徵錄卷二

三

之家塾嘗謂曰先生弱冠蚤致盛名余甫就傅願一見顏色不可得今乃屈致門下實漸且幸遺山唯唯絕無遜讓意又數年入翰林未幾以老病去官卒

施愚山遺山堂詩敘云阮懷夙有俊名總角補諸生輒仰儼有司試必稱最固宜咄嗟取科第天獨困折之使久不得吐氣其大父瀛臺先生刺興國州廉直無長物阮懷賣書給膏火壯年喪妻積數歲不得娶日夕堅坐手一編苦吟至夜半故其詩優入乎古人今其入對策大廷也囊其書游名公卿間必有折輩行與定交者其立名都下無疑也

吳陳炎曠園雜志云高阮懷少時嘗夢於市上行見幅字不致踐尋側路行不覺輕舉入雲中見樓閣壯麗心知其為天

庭也方疑懼有導行者引至文昌宮命之曰姑坐此驚而寤作飛龍引紀之後以薦舉授史官數年復夢前境心惡之引疾歸里起居如常每語人曰當以二十八日辭世而究不言其故明年二月卒果二十八日也

龍變字理侯號石樓又號雷岸江南望江人廩監生由內閣中書王穀振薦舉授檢討官至中允

遇孫按石樓有詩名工詞曲瓊華夢芙蓉城語傳奇頗稱於時

王阮亭云龍石樓中允作瓊華夢傳奇成招余董觀之余酒闌賦八絕句有自指檀痕親顧曲江東誰似阿龍超之句門人蔣靜山和云玉崑崙碎為檀超余歎曰蔣五此押檀場

鶴徵錄卷二

三

邵吳遠字呂璜號戒三浙江仁和人康熙甲辰進士選庶吉士歷陞光祿寺少卿由江西巡撫佟國禎薦舉授侍讀官至侍講學士著有史學辨誤戒三文存河工見聞錄京邸粵行等集

富孫按戒三初襲舅氏吳姓名遠後復姓更名遠平性耿直不稍斂嬰康熙乙卯視學江右時值滇逆軍興劾午兼理軍芻士民離竄遂捐設試場士子至者隨其後先輒試之甲乙殿最取決俄頃無不驚服列郡學多廢按試皆居城外及再任十三郡學宮悉為重修有建昌士人妻被擄掠者訴之卽傾囊以贖辛酉典試粵東又與修一統志尋致仕歸高祖宏齋經刑部當明世宗朝以議禮廷杖議成所著宏道宏簡宏

藝三錄戒三欲重刊刻內失十二卷徧求不得方授梓有客自吳中得零帙數卷至與所失適符全集遂成歸田後息影湖莊杜門謝客著續宏簡錄并自作年譜敘其出處尤篤族誼置莊田以供祭祀鄉人稱之

毛西河宏道錄序云戒三先生成進士讀中祕書出爲江介宗師復以力學舉制科重侍講筵作東朝保傅於以揚世德之駿誦先人之芬豈復有愧乃校宏藝宏簡錄而續其未備至於宏道則隨類加訂引據既該博而考辨論析往往挾羣書之奧以補前人所未盡會

天子念河功未成特簡先生理南河於負薪之餘重爲檢校既已成一家之書而復刊行之爲天下後世所矜式此其於

鶴徵錄卷二

誦

道爲何如者

李石臺蓮龕集云本朝賓興凡十有三江右獨阨其四奉行者不審朝廷所爲愼重之意務以凌削立威名邵公戒三匡救被濯紀綱始振諸爲援其俘獲恤其化離或下賑旅餼或代輸公府皆出人意量之外支郡多故諸司寄署省會大帥皆擇地而蹈公滅虜從御廚傳叱馭於層巒巨浸中無敢睥睨者經濟大畧已見於是豈尋常知勇可同日語哉

嚴繩孫字蓀友號藕塘漁人江南無錫人明刑部侍郎一鵬孫布衣由刑部主事俞陳琛薦舉授檢討官至中允請假歸著有秋水集

富孫按藕漁六歲卽能作徑尺大字以詩古文詞擅名早棄

諸生 召試日以目疾僅成省耕詩入韻閣中閱卷已不錄聖祖素重其名與三布衣同授翰林尤異數也在史館纂隱逸傳容與蘊藉多自道其志行書法入晉唐人之室兼工繪事山水人物花木蟲魚靡不曲肖又有瀛臺侍直七言絕句詩二十首流傳都下辛酉典試三晉有得士之目擢中允遂謝病歸

朱竹垞秋水集敘云無錫處士嚴蓀友以工詩聞書畫兼臻其妙來游京師公卿薦紳爭爲矜譽子特愛其古支辭澹然而平盎然而和雍容紆裕而不迫庶幾可入古人之域視世之鑿琢字句以眩人耳目者遠矣

徐虹亭云蓀友爲貴公子孫早歲拂衣蕭疎澹遠脫然塵垢

鶴徵錄卷二

誦

之外識者目爲倪元鎮一流詩篇意象超越不爲綺靡之音摘其一二語猶當遺世獨立也

高江村云藕漁負卓犖之才高尚其志徜徉山水數十年所懷猶潔軒冕富貴不動其心詩酒筆墨自娛而已梁谿之人爭以倪雲林目之及官翰林侍講幄記起居於是感激自奮不忍以向之高尚猶潔之懷上負知遇凡職所當盡者罔不夙夜兢兢

鶴徵錄卷第二

門人張湘校

嘉興李集敬堂輯

從孫富孫

孫男遇孫

續輯

內閣中書七人

王方穀字直隸新城人歲貢生授中書銜

朱鍾仁本姓邱字近夫江南崑山人生員授中書銜

富孫按近夫學問頗為當時所推重陸稼書先生薦舉有
理學入程朱之室文章登韓柳之堂語曰此非予所敢當但
見邱近夫潘次耕諸君子同在舉中此則可喜也

申維翰字周伯江南江都人廩監生授中書銜

鶴徵錄卷三

王嗣槐字仲昭號桂山浙江仁和人人生員授中書銜著有桂山

堂偶存嘯石齋詞

富孫按仲昭與同里吳農祥吳任臣海寧徐林鴻蕭山毛奇
齡宜興陳維崧咸為益都馮相國延致邸第稱佳山堂六子
所著太極圖說論意在排斥二氏謂太極圖說出於北固老
僧華山道士傳之點綴其文詭託濂谿之名者凡著論七十
九篇不下數萬言此真可以破圖學之偽而大有功於易義
者

松窗筆乘云王仲昭少工聯體晚乃專為大家之文二體並
傳世罕其匹戊午游京師馮文毅公館之東軒會舉鴻辭御
史成公其範薦之 召試體仁閣以詩韻誤失一字不中格

授中書舍人戊辰

太皇太后升耐禮成仲昭撰 孝德廣運頌

上南巡奏獻於靈隱寺後翠臣送

聖駕 特召仲昭至河干 諭以所進文字已看過尚有數語

以舟行疾聽未真觀者莫不榮之又云仲昭待試 闕下時

撰廣盛詩一百韻又為長白瀛臺二賦皆瑰麗可觀

今世說云王仲昭性簡脫與俗忤年過壯盛鬱抑不得行其

志日借友人散髮袒裸浮拍糟邱意極酣嘻笑怒罵不復

知人間事又云仲昭慷慨善譚論於書無所不窺文詞瑰麗

尤工為賦陸麗京謂西陵儂語家有靈蛇若儂胡秀如春

采仲昭絢若朝霞故當並推

鶴徵錄卷三

鄧漢儀字孝威江南泰州人布衣授中書銜著有過嶺集

過孫按先生淹洽通敏貫穿經史百家之言尤工詩學為騷
雅領袖試歸日以吟觴自適暇或扁舟至聽坐臥童子祠中
執經問業者車馬塞衢巷嘗品次近代名人之詩為詩觀凡
四集別裁偽體力追雅音海內言詩家咸宗之與吳梅邨龔
定山諸前輩時相唱和王阮亭稱其過大庾嶺詩云人馬盤
空細煙嵐返照濃極是畫意

王昊字維夏號碩園江南太倉人布衣授中書銜著有碩園集
遇孫按碩園為麟洲先生之後生有異稟詩古文並如宿習
婁東十子中尤錚錚有聲嘗論歷科應舉之文學者咸奉為
準的

今世說云維夏善詩歌古文詞樂府吳梅邨歎其才爲天下無雙孫介夫遇維夏於邗關執手道故王罔善飲與入酒舍洗爵而酌浮滿數十盡時座客聞甚聞兩人聲奪耳皆瞪眸迎視氣爲不吐

孫枝蔚字豹人號澗堂陝西三原人布衣授中書銜著有澗堂前後續集

富孫按先生幼爲諸生遭流寇與其鄉少年奮戈逐賊落深壑得不死乃走江都從賈人游三致千金皆散去既而閉戶攻詩古文辭名噪海內

施愚山送豹人歸揚州序云豹人北首入都初迫於有司居既久諸待試闕下者多務研練爲詞賦豹人獨汎覽他書

鶴徵錄卷三

間語客曰吾僑居廣陵數十口養餒待我使我官京師不令舉家餓死乎已入試不中良喜遂束書南歸

聖天子詔視諸布衣處士有文學素著老不任職事者其授京銜以寵其行於是及格者七人豹人與焉時論以放還處士膺舍人清秩恩禮甚厚而豹人甚屬踴躍自若其將以年授官也吏部集驗於庭獨臥不往旋被敦促乃徐入逡巡主爵者望見其鬚眉皆白引之使前曰君老矣豹人直對曰未也我年四十時卽若此且我前以老求免試公必以爲壯今我不欲以老得官公又以爲老何也衆皆目笑其愚然卒以老官之豹人今年已六十其詩操秦聲出入杜韓蘇陸諸家不務雕飾

先徵士公出都下口占詩云更愛維揚孫處士陸翁句裏說辭官註孫被徵以老辭吏部驗之不許被放後得旨凡年高悉授舍人三閣老列其名上又以未老辭亦不許陸嘉淑贈詩有增年辭試減辭官之句

居易錄云豹人僑居揚州高不見之節予訪之先以詩云焦獲奇人孫豹人新詩雅健出風塵王宏不見陶潛迹端木寧知原憲貧遂爲莫逆交

池北偶譚云豹人以年老授官放還山初得正字賦詩云一官如籠鶴萬里本浮鷗獻賦曾非晏童年况異劉山人今上路小婦免登樓臨水看蝌蚪惟添錯字愁

漁洋詩話云豹人居廣陵卓犖負奇氣一日游焦山中流遇

鶴徵錄卷三

四

風賦詩云風起中流浪打船秦人失色海雲邊也知賦命原窮薄尚欲西歸太華眠予題其小像云絕矚長松不世情科頭箕踞一先生胸中硯礪無人語落落琴聲大蟹行

今世說云豹人身長八尺聲如洪鐘龐眉廣顙以詩文名天下宗定九題其抱琴圖小像詩云長松千尺挺竈揚箕踞孫郎態更狂世上知音人不見一弦扯去見嵇康

未與試授內閣中書二人

傅山字青主初字青竹別字公之它亦曰石道人又字齋廬山西太原人布衣授中書銜著有霜紅館集

富孫按先生隱居著書工分隸善鬻年七十餘徵至都堅臥城西古寺中未與試授職歸所居名松莊潘稼堂雙塔寺雅

集詩敘云出太原郡城東南行可七八里有寺曰永祚雙塔
巍然捎雲礙日見三四十里外浮浮若旌幢焉其下爲松莊
傅隱君青主所居也太守延津周計百於歲之初吉率子若
登屏騎從翠壺觴躬造於廬竹垞詩所云憑君尋傳叟服即
過松莊是也

池北偶譚云太原傅山母夢老比邱而生生復不嘔一著僧
至門云既來何必不嘔乃嘔六歲食黃精不樂穀食強之乃
復食讀十三經諸子史如宿通者崇禎中袁臨侯成傑督學山
西爲巡撫御史張孫振誣劾被逮山橐饋左右伏闕上書白
其冤馬君常世奇作義士傳比之裴瑜魏邵亂後夢天帝賜以
黃冠衲衣遂爲道士裝醫術入神有司以醫見則見不然不

鶴徵錄卷三

五

見也已未徵聘至京師以老病辭與范陽杜越君異俱授中
書舍人歸山工分隸及金石篆刻畫入逸品子眉字壽毛亦
工畫作古賦數十篇常鸞藥四方兒子共輓一車暮抵逆旅
輒篝燈讀經史騷選諸書詰旦成誦乃行否卽予杖則其父
子皆奇士也按祁縣載楓仲廷扶樹香
四家詩青主父子居其二
全謝山傅先生事略云先生思以濟世自見不屑爲空言亂
後衣朱衣居士穴以養母甲午以連染遭刑戮抗詞不屈絕
粒九日幾死門人有以奇計救之者得免天下大定始以黃
冠自放稍稍與客接嘗自歎曰彎強躍駿之骨而以估畢朽
之是埋吾血千年而碧不可滅者矣戊午給事中李宗孔劉
沛先以先生薦時年七十有四固辭有司不可遂稱疾有司

令役夫舁其牀以行至京師三十里以死拒不入城益都馮
公首過之公卿畢至先生臥牀不具迎送禮蔚州魏公乃以
老病上聞 詔免試放還特加中書舍人以寵之益都詣先
生強入謝不可令賓客百輩說之稱疾篤乃使人舁以入強
掖之使謝則仆於地蔚州進曰止是卽謝矣次日還歸先
生歎曰自今以還其脫然無累哉既而又曰使後世或及以
劉因輩賢我且死不瞑目矣

鶴徵錄卷三

六

阮吾山云太原古晉陽城中有傅先生賣藥處立碑衛生堂
藥餌五字乃先生筆也青主善醫而不耐俗病家多不能致
然素喜看花置病者於花木寺觀中令善先生者誘致之
聞病人呻吟卽言羈旅無力延醫耳先生卽爲治劑無不
應手而愈亭林先生嘗以蕭然物外自得天機稱之
杜越字君異號紫峯直隸定興人生員授中書銜著有紫峯集
富孫按先生爲同郡鹿太常善繼高弟與孫鍾元徵君友善
互相砥礪志行高潔不求聞達家貧布衣蔬食授徒自給一
時名彥咸師事之薦舉至都以老病請於吏部不與試故部
議不及
特旨以文行素著與傅山俱授中書是時年八十四自古未有
之典也
居易錄云定興杜君異先生鹿忠節高弟家貧教授生徒以
給饘粥爇爛衣褐苟完而已卽束脩亦不受孺人與同志紡
織佐之與人處油然和易終身無疾言怒色而剛介絕俗有

學立萬仞之概亂後居新安安人化之風俗一變老穉婦
孺親如父兄年八十餘飲啖不衰縣人高尚書問以養生之
術曰無之但平生未嘗嗔怒或以此得老壽耳所著紫峯集
趙少司馬王峯^上爲刊行趙云至聖言過勿憚改若先生則
無過可改楊常少敬菴^叔云先生年八十五未嘗一日不樂
予謂邵子居洛四十載安貧樂道生平未嘗擯眉先生殆庶
幾矣

未試丁憂十四人

曹溶字潔躬又字秋岳號倦圃浙江秀水人崇禎丁丑進士仕
至御史順治初歷副都御史戶部侍郎出爲廣東布政使左遷
山西陽和道裁缺補用保舉簽發四川軍前候用旋丁母憂不

復出著有靜惕堂集

鶴徵錄卷三

七

先生學問爲禾中冠冕閩中奧衍上接焦弱侯官京師日堂
上列書六七千冊人多至其家借鈔所藏弄尤富性好獎借
後進從曾祖耕客公爲先生門人先是鴻詞之徵前一年早
有信政府首推之先生堅辭云某爲東家婦焉能復理耕效
西家勞乎吾禾有朱彝尊李良年徐嘉炎率皆淹雅閩通深
達國體其材施之無所不可其推轂類如此族祖裕山公名
維鈞少以諸生課徒禾中先生見其時藝一篇大驚曰此大
物也設酒招之維譚古今大略公唯唯且諄致云願君毋自
薄也後公循例起家四川壽昌縣位至直隸制府嘗曰倦圃
先生吾生平第一知己遂爲刻靜惕堂詩集入謂公若以科

名至開府先生以文決之已爲具眼今公以貴郎進而能識
之於邨夫子中是大法眼藏也

先生備兵大同竹翁首訪之會大父送以微先生見之曰此
豈今人手筆耶手錄以去復遺書頌之與先公詩札甚夥惜
逸去其贈竹翁詩連山萬餘里兵甲何洋洋諸章風格在魏
晉間

先生晚年有春草七律四章和者徧三吳耕客公首章云錦
似織時花半露碧相交處柳三眠三章云分開離別東西路
送盡天涯少長人先生定爲壓卷

先生居憂不應 召試杜門著述手輯學海類編其書精簡
蓋唐宋元明以來祕鈔之本先生盡得之綜三百餘種誠龍

鶴徵錄卷三

八

威之祕寶不止中郎帳中物也禾中同學沈子林茂手寫類
編目錄一小本贈予挈以自隨至淮上老友程魚門見而玩
不釋手今不知歸何所矣猶記經部有趙沔金鎖匙集部有
竹翁研說一卷先公詞壇紀事二卷詞家辨証一卷

富孫按先生雄才博瞻當時與龔尚書定山齊名人稱龔曹
愛才若渴雖郭泰之獎拔士類極彙之藻鑒人倫不是過也
晚年於金陀坊築倦圃以歸老世稱倦圃先生薦修明史不
赴輯崇禎疏鈔傳諭錄以呈史館又著續獻徵錄五十輔臣
傳俱未刊行學海類編一書蒐羅極富多人所未經見之書
採有四百三十一種門人陶艾邨續編一百四種先徵士公
詞壇紀事二書家藏並無片稟近於沈雙湖吏部處假得謹

錄一本吾里又有杜宗伯遇徐海防述略一種惜黎棗功鉅
無人能任其事也

池北偶譚云曹侍郎秋嶽好收宋元人文集嘗見其靜惕堂
書目所載宋白柳開以下凡一百八十家元白耶律楚材以
下凡一百十有五家可謂富矣

松窗筆乘云薦舉令下政府諸公皆以曹秋嶽列薦力辭不
至進所藏崇禎朝邸報五千餘冊上史館時崇禎未有實錄
乃取邸鈔輯為長編作史始有所稽考焉

戴王綸字杉極又字經碧號一齋直隸滄洲人戶部尚書明說
子順治乙未榜眼授編修陞補江西糧儲道革職

遇孫按順治戊子北榜有三及第先生第五名乙未榜眼及

鶴徵錄卷三

九

第四名張永祺壬辰榜眼及第八名熊伯龍己丑榜眼
及第洵極一時之盛弟王縉戊戌進士官御史亦同時顯貴
云

汪懋麟字季用號蛟門江南江都人康熙丁未進士授內閣中

書舍人薦舉以未終制辭補刑部主事罷歸著有百尺梧桐閣
集錦瑟詞

富孫按先生授中書每入直必攜書數冊竟夜展讀時有楚
人朱二眉號神仙傾動公卿先生著辨道論力詆其妄他憂

歸兵部尚書宛平王公工部尚書海寧陳公文章論薦徵車
不赴服闋以主事銜入史館與修明史越三年補刑部能辦

疑獄仍重史館尋罷歸杜門絕俗窮治經史文法歐曾詩合

唐宋為一家

王漁洋汪比部傳云君詩才票姚跌蕩其師法在退之子瞻
兩家而時出新意稱詩筆下與田綸霞宋牧仲曹頌嘉丁滄
汝王幼華顏修來曹升六謝千仞葉井叔相倡和號十子歸
田後鍵戶謝賓客書治經夜讀史日有程課銳意著述成一
家之言既得疾彌留令洗硯磨墨嗅之復令烹佳茗以進自
謂香沁心骨口占二絕大笑噓奇絕而逝

漁洋詩話云江都門人汪季用詩才雋異古文學王介甫游
吳題寒山寺云吳中池館日吹簫只有寒山寺寂寥搖落江
楓對漁父行人歸去雨瀟瀟題顧符稹畫云昭陽願生畫樓
觀絳闕瑤房生白雲如螳宮人三百六丰神都似李將軍

鶴徵錄卷三

十

徐虹亭云蛟門天祿燃藜金門據地彈碁頌酒不減名輩風
流常於清明日集諸名士送朱十錫鬯之揚州云今年二月
已春分白裕單衣暖氣曛欲唱渭城誰進酒綠楊樓外見紅
裙又云揚州勝事滿林臯此去猶能賞碧桃無數畫簾鉤落
日一湖春水漾輕篙情致妮人論者以為酷似微之牧之也
今世說云汪蛟門事親孝事兄恭擇人而友之敬而能和其
立心澹蕩而高明居百尺梧桐閣隱囊塵尾頌酒彈碁與致
蕭遠飄飄欲仙

王穀韋字鄂叔浙江會稽人福建參政以寧孫康熙庚戌進士
授內閣中書歷官淮安知府致仕歸

富孫按鄂叔居鄉極有矩矱歲時一報謁長吏外片牘不至

門當時以介節稱所從老蒼頭數輩皆衣履傲敗飭子弟攻
苦食淡其家法爲越中最先由中書薦歷刑部郎中出守淮
安在部時夏包子作亂伏誅

上諭諸脅從從寬楚臬多擬重辟 特命進悉改之湖廣猶蠲
土司欲請開採硫黃詭以土和之云臭泥可代煤鄂叔察其
姦白於尚書不許後蒞淮或以兩淮多隱匿涸田入告 命
熊豕宰賜履抵郡察之鄂叔曰淮屬涸田固多然田坍而正
額未除者亦不少請以涸田與坍田並報疏入果得蠲免四
千餘頃入稅者止三千餘准民德之

陸隴其字稼書浙江平湖人康熙庚戌進士授江南嘉定知縣
官至監察御史雍正間從祀 文廟乾隆初追贈閣學兼禮部

鶴徵錄卷三

十一

侍郎諡清獻著有三角堂集松陽講義日抄困勉錄等書

公少好學初以叔氏之殉不欲出年三十始應試後以進士
令嘉定著循聲改松陽以鴻詞徵蓋兵科給事中吳源起保
舉也戊午冬至京師畱數月聞訃奔回服闋補靈壽令旋登
御史直聲震朝右卒以忤上官放歸尋奉

旨起用學臣公歿已踰年矣

公銳意宋學深非陽明之說湯潛菴嘗遺書規之晚年講求
天文河工水利諸要務所著三角堂牘言多切於實用其爲
御史也重忤時議禍幾不測俄有安置奉天之信公曰奉天
亦可讀書也眞賢達人語
遇孫按公一生造詣務躬行實踐自爲縣令以至御史其

所設施無不爲國計民生起見嘗有宦遊雜記每日之見於
行事者必詳書之大抵有關於道德政治公不欲爲文人不
欲刻文集故篋無遺藁則公之抱負可知也

徐鄆城云清獻公躬行君子道醇德備是立德也作令則爲
循良建言足徵忠直是立功也著書作文無非所以明道黜
邪崇正修己治人無乎不到是立言也可謂一人而具三不
朽矣

惠周惕原名恕字元龍號硯谿江南長洲人康熙辛未進士由
翰林改授直隸密雲知縣著有詩說硯谿詩集

先生成進士卽鍵戶攻經學先是鴻詞之徵以宅憂不赴試
所註毛詩一宗小序多采毛鄭孔氏之說鈍翁先生序之子

鶴徵錄卷三

十二

士奇字半農亦成進士入翰林爲廣東學政每封門畢危坐
大堂溫理史記前後漢書用記遍朗誦俄而繞座循環背誦
一字不遺諸生大驚曰吾輩非人矣一淬於學粵東知讀經
自半農始孫棟字定宇世其家學熟精五經正義許氏說文
陸氏釋文等書其評毛詩註疏曰棟則以爲宋儒之禍甚於
秦灰亘古名言也著九經古義尤精

富孫按硯谿少從徐昭法游究心經學及詩古文詞鈍翁先
生少許可雅重硯谿之文硯谿所居曰紅豆書屋在吳城東
南冷香谿之北吳郡東禪寺有紅豆樹相傳白鶴禪師所種
硯谿移一枝植階前因自號紅豆主人僧上睿目存爲繪紅
豆新居圖自題五絕句屬和者二百家

居易錄云吳郡門人惠周揚詩說言博而雅不主故常可備一家之言已酉予在淮陰始來執贄及余爲祭酒又從遊太學辛未會試予以兵部侍郎爲考試官周揚適以第六人中式入翰林甲戌三月

御試以滿文甚劣照原甲第以知縣用

錢芳標字葆粉號寶汾江南華亭人明刑部侍郎士貴子康熙丙午順天舉人授內閣中書舍人著有金門彙湘瑟詞

葆粉擅詩歌尤精倚聲神似玉田徵車到日服尚未閱遂不赴試後以孝廉爲中書舍人朱竹翁稱其詞可方駕南北宋云

遇孫按葆粉風神秀異弱冠卽以詩名撫臣薦舉爲江南第

鶴徵錄卷三

三

一才人

朱竹垞錢舍人詩敘云華亭錢君葆粉於學無不博尤工於詩其辭雅以醇其志廉以潔其言情也綺麗而不佻信夫情之摯而一本乎自得者歟華亭自陳先生子龍倡爲華縉之體海內稱焉二十年鄉曲效之者往往模其形似而遺其神明善言詩者從而厭薄之以爲不足傳由其言之無情而非自得者也若君者庶其可傳於後矣

池北偶譚云松江錢少司寇艱於嗣與夫人往天童祈子大師爲集衆僧問誰願隨錢居士往衆皆不答一飯頭老矣自言願往已而錢果得子名鼎瑞字寶汾後易名芳標字葆粉詞華麗藻有名東南中丙午順天鄉試官中書舍人旣而假

歸戊午薦舉值丁內艱不赴一日方與客坐齋中有僧至門持一楮書云自天童來舍人啟視之殊不駭訝但云倉卒奈何明日晨起徧召親故與訣索筆書一偈云來從白雲來去從白雲去笑指天童山是我舊游處微笑而逝

今世說云錢葆粉總角卽好倚聲酒肆粉牆倡家團扇每因與會輒有斜行

陳學夔字解菴福建侯官人康熙己酉舉人授山東寧陽知縣陞兵部主事假歸著有性理全註杜詩註解倦菴錄榕城景物略等書

富孫按解菴當耿逆變作抗節匿橋園洲三年不受逆職尋丁父艱廬墓側少司寇在公克溥首薦應 詔略云昔長安

鶴徵錄卷三

三

賣賦洛陽之紙頓貴今全節罵賊睢陽之舌猶存時服未闕郡縣逼迫匍匐赴京顛乞終喪得請歸後授寧陽令典利除弊撫臣錢公珩疏薦陞兵部督理大通橋倉務又督廣東鈔關清慎精明不渝素守以遷葬假歸居鄉七年足不入城市張貞宇起元號杞園山東安邱人康熙壬子拔貢生候補翰林院待詔著有杞田半部潛州娛老等集

富孫按先生少好學博覽羣書遨遊四方與海內名流揚榘今古時稱爲文章巨手常游愚山之門事節母尤孝克承其志薦舉以母憂不赴後史館缺員以翰林待詔用亦不就退居杞城故園日以著述爲事嘗博引古書作杞紀二十二卷王阮亭謂其體大思精深得太史公家法施愚山謂其原

本本可補正史之遺又有鄉賢傳或語耳夢錄行於世

先生自序半部蒙謂生平好讀詩古文詞及自操觚詞為文而不為詩即偶為之亦不似蓋其天性然也故卒舍詩而為文王阮亭嘗求先生定其文亦手定先生文論者至欲於愚山堯峯間展一席地則先生之文可知也

王漁洋半部集敘云張君杞園與吾弱冠定交青州餘三十年而不變博雅好古能鑒別書畫鼎彝之屬精金石篆刻間歲出遊吳越不通鈴下與高上名僧解逅山水間觴詠以為樂既而購書千百卷果然以歸君之為人若此其為文亦如之所謂勁而不詭舒而不俗向求之數十年而未見者乃近於君遇之

鶴徵錄卷三

五

漁洋詩話云沂水高平仲中丞崇禎辛未進士官河南巡撫歸殉壬午之難初登第親政京師製衣一稱寄內自畫花卉其上凡三十六種作三十二叢各題絕句八首張杞園待詔作畫衣記詩略載於此對月偏成憶臨風更有思鄉心無可寄聊寫最嬌枝花枝嬌且妍置之在懷袖好記花枝新憐取衣裳舊輕襦畫折枝悠然感我思畫時腸已斷着時心自知霧縠偏宜暑冰綃迥出塵著時憐百象應憶畫眉人客邸長安一事無畫長人寂影形孤閑將一段鴛鴦絹寫作名花百種圖思致亦極清頴可誦

柯崇樸字寓匏浙江嘉善人給諫聳子副貢生官中書舍人著有振雅堂集

先生所居小幔亭藏書甚富嘗與笛谷竹垞兩翁同輯詞錄以未見乃草窗絕妙好詞為恨屬其從子煜於錢遵王處借鈔之即為刊行可謂好古者矣

遇孫按寓匏與弟翰周早年殫心經籍有文名以好客好書稱寓匏方正自持翰周雍容爾雅弟宏本用楫亦博贈工詩一門子姓時人以比烏衣之盛

朱竹垞振雅堂詞敘云柯子寓匏曹學士子顧館甥其於詞蓋幼而習焉既而助予編次宋元人之詞又同周布衣青士博采詞人體製探其源流為樂章考索一書其用心也勤其倚聲也敏其於詩也兼工而日進於作者往歲在戊午寓匏兄弟與余同以薦留京師明年二月以父喪去又二年訪余

鶴徵錄卷三

六

江南遇於燕子磯又二年至京師每見輒出其詞彙今之工於詞者大都昔曾與學士游讀寓匏詞當有以山抹微雲女壻見目者

柯維楨字翰周一字緘三浙江嘉善人崇樸弟康熙乙卯舉人著有紀游草澄煙閣詩

遇孫按翰周少時從河南至京師省給諫公將歸里門戚友之在客者皆相會賦詩既成集為一卷名燕臺錄別詩晚尤嗜吟詠自號小丹邱有小丹邱客譚一書

先徵士公燕臺錄別詩敘云給諫公既用讜言碩論著聲朝列尤以家法稱於里黨翰周與其兄寓匏聿修並有才名以詩歌相奮勵與人交恂恂謙謹蓋不自矜其家世之貴顯抑

若并忘其才者前年周子青士寓予洞庭紀遊一帙既歎萬
勉事修之工於詩今復讀翰周之詩於長安羈旅中不可謂
非厚幸也然翰周年首弱冠才高而志銳行且纂祖父之業
其可傳者又豈止在區區歌詠之末哉

吳星叟云柯素培長君寓宛次君翰周皆戊午同徵是年素
培六十翁周徵文以壽而回問遂至兩君即以外艱歸

黃虞稷字翁部一字情園福建晉江籍江南上元人生員

先生博雅能文尤深經學館江寧藝方伯署中與令子侍御
衛圃交最契龔藏書甲浙右所刊授經圖春秋纂例諸書經
其校正者為多歲戊午應薦入京聞母喪還白下同人贈賻
送行曾大父詩云幾夜夢驚身負米一時淚落手縫絲又云

鶴徵錄卷三

七

隱同綿上文焉用詩補南陔願已妨無限絕裾親好在天何
摧折到黃香後以著述自娛掩關不出有集未見

先生抵白門復曾大父書云羣公慰唁之章舟中讀之惟尊
作為第一晨夕唸誦血淚已枯云

富孫按先生寓居金陵後徐都憲立齋疏薦以諸生入館修
明史特加七品服俸得以 馳封父母實未授官也藏書最

富尊人海鶴先生官南京監丞居江寧千頃樓中聚書七萬
餘卷他若山陰祁氏澹生堂鈕氏世學樓禾中項氏俗圃曹

氏皆東南文苑淵藪也

富孫筆乘云黃翁部家晉江僑居白門博雅負盛名家藏書
甚富錄有千頃堂書目以薦起同纂修明史徐司寇奉 詔

修一統志復疏請同事洞庭山未卒業不及授官而終

彭桂原名倚字上馨一字爰琴江南溧陽人監生著有泊菴詩

詞

富孫按爰琴詩文浩瀚淹博伸紙數千言立就年十八始拈
帖括為諸生家貧數奇杖策出遊當世名公卿以不能羅致

為憾會膺薦舉以母疾辭不許陳情至再巡撫慕公鑒其誠

為之疏請旋遭母憂性豪邁慨爽敦義尚節詩如謁董江都

故居聽孫良侯搥鼓等極有關合不同風雲月露之作

姜湛園初荅閣詩序云彭子爰琴善遊嘗三登泰岱臨日觀

觀秦漢以來所用事處為詩紀事時人擬之北征南山又徧

歷漢河走豫章尋匡廬諸勝與山僧道流棲遲者累月而後

鶴徵錄卷三

六

出故其詩取象綜博託寄高遠驟即之不可得其徑術既而
悠然與之俱深往而不能返矣余去年與君相識京師自此

並香燕趙梁宋陳蔡之郊以抵於廣陵一年之中寢處飲食

無弗同也

沈歸愚云陳學士子山攜爰琴詩見示係鈔本屬予選定刪

為四卷僅取甚促因節錄九章入別裁集終以不能多取為

憾也

林以畏字 浙江錢唐人布衣

未試病故二八

葉舒崇字元禮浙江平湖籍江南吳江人康熙丙辰進士選內

閣中書舍人著有謝齋詩詞

元禮少補諸生丰標韶令有河陽擲果之目暇日從垂虹橋
過樓頭有女子見而慕之遂病不支死之日葉復經橋畔其
母以聞葉入哭之女目始瞑同人各製詞以志其中進士
不樂仕進鴻詞之徵歿已踰年矣

元禮最工四六愛讀哀江南賦常手註之人謂王逸之註楚
辭不是過也鈍翁說鈴載其為鍾廣漢徵誅文述先公語曰
讀之如聞急風淒雨令人益增鄰笛之悲

遇孫按元禮年十三補弟子員英敏博雅美丰儀望之如神
仙中人後入北雍名噪都下

王阮亭古夫子亭雜錄云葉進士元禮神清不減衛叔寶少
負雋才嘗註庾子山哀江南賦為時所稱已未閣中諸老亟

鶴徵錄卷三

九

薦之皆欲為之道地蓋公論也至京師而病病旬日竟死豈
非命乎

說鈴云元禮素病羸然頗不耐杜門客有憂之者或笑曰猿
狙之性動而彌壽余亦有詩規之

徐虹亭云元禮為仲韶先生孫與星期進士並擅文譽有大
小阮之目早歲漂零倦游京雜嘗與僕輩痛飲燕市有青山

埋骨黃壚選紅豆關心綠鬢殘之句

松窗筆乘云葉元禮少負雋才於書無不讀丙辰成進士名
重公卿間會舉博學鴻詞三相國交章薦之待試 闕下與

子交載酒登臨分題和韻後悅懶園花竹移居之句日遂病
卒時方許哀江南賦未成也予哭之以詩有云淒絕牀頭

竟書此

陳九勝字 江南 人

富孫按同時薦舉者吳郡黃靜御綜選聽嚶堂四六新書錄
先生蘇臺覽古賦一篇撫今弔古極蒼涼歷落之致

未試致仕一人

祝宏坊字子禮浙江山陰人康熙庚戌進士選授陝西會寧知
縣

富孫按先生性耿直學問淹博與嵇淑子交甚契為會寧人
民懷其惠父名紹熾以孝聞鄉人咸重其行誼

鶴徵錄卷三

三

鶴徵錄卷第三

門人張湘校

鶴徵錄卷第四

鶴徵錄卷第四
續輯
孫男遇孫

患病行催不到十三人

應為謙字嗣寅號潛齋浙江仁和人諸生著有六經辨禮學彙編性理大中教養全書潛齋文集

遇孫按先生之生有文在其手曰八卦重耳右重瞳少即以斯道為己任備其同志為狷社取有所不為也有欲試其所守藏妓館舍夜醉先生而歸之先生雖誦達且卒不動喪亂後遇志進取鴻詞之微閣學李公天稜項公景襄交薦與

鶴徵錄卷四

狀以辭范公承謨又欲薦之遂稱廢疾同里袁御史圖南嘗再致價不受一日過堂中方盛暑先生衣木棉衣歸投以越葛二履竟還之弟子甚多因以樓上樓下為差如馬融例平生講學闢之學踐履為實杭人稱為應先生

池北偶譚云先生性至孝母病數年侍疾晝夜不懈母憐之強為發婦終不入私室母卒逾祥禫始行合巹禮坐臥不下樓人罕梯接以經學教授里甲生徒甚盛自撰無問先生傳略云學不逾時不好禪不喜陸王家言為文章不說合自怡悅而已密友多窮交經年不見與日見無異足跡不出百里而秦華溟渤皆於書冊見之生不及古人而義黃堯舜若接聲響也昔書千萬言人來觀者亦不吝云

松窗筆乘云錢唐應嗣寅潛心理學動必中禮其學以躬行實踐為先謝棄制舉授徒自給家素貧外無應門妻女共其晨客至子供役環堵蕭然行誼高古四方賢士造廬請教者屢常滿戊午舉博學鴻儒辭不赴尋卒趙中丞特祀鄉賢刻其性理大中行於世

稽宗孟字淑子號子震江南山陽人崇禎丙子舉人授浙江知縣歷守杭州乞歸著有立命堂全集

遇孫按淑子天資穎異善屬文詞采壯麗守杭州日頗有政聲薦舉鴻博堅以疾辭又有楚江蠡史諸編

吳星叟云己未殿試淑子以病辭臥門扉入吏部執余手曰此非徒手求官者余將歸矣子為世所指名其慎之

鶴徵錄卷四

今世說云稽淑子美鬚眉間一尺居官清介張翰存吏部嘗過署中見其四壁蕭然數椽不蔽風雨案牘筆墨與泥塗相揉雜御鮮懸魚一埤交謫始有中人之產所不能堪者又云淑子治杭州事無巨細皆委曲周詳夜以繼日不以為勞郡有好古樂道之士必折柬招之不至雖在蓬華親造訪焉又云淑子為李太虛明睿作閩園影賦繫繫數千言編珠貫玉地負海涵刻畫都盡李攜示趙洞門李叔則各舌橋不下黃宗羲字太冲號梨洲浙江餘姚人明御史忠瑞公尊素子少補仁和諸生著有易學象數論投書隨筆春秋日食歷孟子師說明史案歷書明夷待訪錄留書思舊錄明儒學案明文海南雷文按文定等書

先生少負異才慨然志當世之務受業劉念臺先生蓋私淑
文成者漢世所講授者在經學宋以後講授者維理學有明
講學盛行而兼經濟才者維王學魏冰叔謂文成功蓋天壤
一洗千古道學空疎之恥不刊之論也先生早年丁陽九奔
走於蜂屯蟻陣中終窮約以老仍守師說以古文經學倡浙
東海內推爲者宿其門人如萬充宗兄弟多通經之士云
先生古文有南雷文案老友抱璞以貽余予讀竟甲出十餘
首然其文終不脫明季衰頹氣性喜天文律算術數之學晚
年名益高如閩若據輩亦執贄其門

富孫按明天啟時忠端公以抗疏劾魏忠賢死詔獄後忠賢
伏誅先生年十九刺血繕疏袖長錐入京訟冤至國門而忠

鶴徵錄卷四

三

端公卹典已下會刑部鞠逆黨許顯純等召先生對簿卽出
錐錐顯純血流被體又毆崔應元胸拔其鬚歸而祭之忠端
公神主前已又擊殺獄卒顏容葉仲文蓋顯純爲大理時銀
鍊忠端公罪而絕命於二獄卒手先生冒死報仇時特以忠
義孤兒有之崇禎末逆桀阮大鍼挾重賄將謀起用先生與
諸名士爲雷都防亂揭討之大鍼切齒福王立大鍼秉朝政
修舊怨曲殺周鏞遂以次逮問值 大兵南下事得解魯王
監國先生隨諸軍於江上授兵部職方主事擢御史晉左副
都御史江上師潰先生入四明山中監國在海上復與郝御
史方端士赴之健跳城破遂變姓名間行歸家杜門匿影始
畢力於著述早歲受業劉戡山先生得慎獨之學至是復舉

證人講會大江南北從者駢集戊午學士葉子吉薦舉先生
寓書止之己未都御史徐立齋薦於 朝復以老病辭乃取
所著書宣付史館後

聖祖復以海內遺獻問徐尚書乾學尚書舉先生以對又言其
衰老乃止先生上下古今穿穴羣言自天官地志九流百氏
之教野乘稗說無不研究學者稱爲梨洲先生

今世說云黃太冲家多藏書裝本厚二寸灑墨塗乙參互散
亂人求不得太冲獨省記之年踰六十尚嗜學不止每寒夜
身擁緼被以雙足置土爐上餘膏熒熒執一卷危坐暑月則
以麻帷蔽體置小燈帷外翻書隔光常至丙夜所學上本五
經旁羅百氏俱能採精獵微得其本末

鶴徵錄卷四

四

李容字中孚自號二曲土室病夫陝西藍屋人材官可從子布
衣著有十三經二十一史糾繆二曲集

富孫按先生起田畯管一就科舉遂隱居讀書有古人風獨
以埋學倡導關中修明橫渠藍田之教當時與孫夏峯黃黎
洲爲三大儒遠近皆重其學行稱二曲先生吾浙駱鍾麟爲
西安郡同知執弟子禮事之後駱遷常州太守請主道南書
院以發願高諸公遺書來聽講者雲集

先生父信吾從監紀孫兆祿死賊難家貧甚母子相依或一
日不再食或連日不舉火恬如也踵門求見力辭不得則一
見之終不報謝再至并不復見有餽遺者雖十反亦不受母
卒三年後徒步之襄城徧覓父遺蛻不得晝夜哭不絕知縣

張允中聞之爲立信吾祠且造冢於故戰場以慰其心乃其塚土歸告於母墓更持服如初喪陝督鄂公善以隱逸薦辭牘入上自稱廢疾長臥不起戊午部臣以海內眞儒薦詞科之徵先生獨以昌明絕學之目必欲致之固稱疾篤昇其牀至行省遂絕粒水漿不入口者六日大吏猶欲強之先生拔刀自刺乃得予假治疾自後荆扉反鎖不復與人接已而聖祖西巡欲見之令陝督傳

旨先生驚泣曰吾其死矣辭以廢疾不至 特賜關中大儒四字寵之

魏禧字冰叔號叔子江西寧都人布衣著有叔子詩文集左傳經世等書

鶴徵錄卷四

五

叔子少負大志丁明季之亂每與同志縱譚天下事軒軒有王景略之風迄不得志兄弟三人與姊婿邱邦士隱金精山中銳意復古不可一世其文推爲大家高者學檀弓國策下者亦不失爲王介甫尤精左氏之學予嘗謂有博洽能文而不能詩者爲魏叔子有博洽不能詩并不能文者爲閻百詩然叔子刊三魏集未附詩一卷尚有可觀百詩著潛邱劄記後自刊其璇璣玉衡賦省耕詩以抒憤懣讀之正當罰以墨汁三升又與其子詠附入詩話一卷殊堪噴飯

富孫按叔子爲明諸生甲申後棄去從父兆鳳結廬翠微峯與彭躬菴望林確齋時益李力負駸邱邦士再彭中叔在曾青蔡燦及兄善伯祥弟和公禮同志九人爲易堂學時青蔡有

兄庭聞晚盛才各號二會以籍寧夏不得預善伯亦時出佐大帥戎幕跡介出處之間堂中人以竹林山王待之八人皆巖處躬耕以自食束身砥行讀書論古名公稱聞其名願見之弗往獨與沈淪窮約者游其爲文日益有名於天下江右自歐陽鄒魏講性學陳艾依復社工帖括聲力氣馥學者景從易堂起而以古文實學爲歸風氣一振由叔子爲之領袖也生平淹通史學左氏傳尤其得力嘗自言不敢依附程朱謬爲精微之論嚴公沈余公國柱李公宗孔等薦舉以疾辭郡縣督趣就道昇疾至南昌醫藥累月稱病篤罷歸後卒於真州妻某氏聞訃不食死

宋牧仲云叔子既謝諸生益肆力爲古文辭授徒窮山喜讀

鶴徵錄卷四

六

史尤好左氏傳及蘇洵其爲文主識議綜練世務而凌厲雄健不屑屑規撫形肖如世之貌似大家者遇忠孝節烈事則益感慨激昂羣畫淋漓故其所爲新樂侯劉文炳傳及姜垞江天一諸傳尤工

松窗筆乘云魏冰叔負重名每一篇出卽時傳布錢唐吳琰符儀一獨面駁之如止友管婢細事也而題曰省刑書刺刺千餘言不已失事之權衡論岳鄂王事謂宜鑄高宗像跪於墓乖君臣之義用字如以肱觸其背類非史家法座客以爲狂冰叔慙然歎服

張九徵字公選號湘曉江南丹徒人順治乙酉解元丁亥進士授吏部主事官至河南提學道

富孫按先生兩爲文選司郎中以按察司僉事視學河南正文體聲記典爲天下學政第一四子仕可字惕存相國文貞書弟亦爲河南提學道父子相距三十年亦一盛事生平研精三傳於明代人物能縷舉其世系正如宋楊仲猷言唐士族其諱行悉記之文貞總裁明史大抵稟承家學爲多

阮吾山云己酉張湘曉視學河南乞歸戊午郝家宰惟訥薦之貽友人詩云少不如人何况老身將終隱又焉文又遣懷云虛名空好羊公鶴肥遯深慚梁伯鸞京雒少年爭獻賦伏生接武賈生難入以是知公不出山矣子文貞公性澹泊從不肉食日麤糲一盂或山藥少許官庶子爲明史總裁湘曉貽書誡之曰此非養生之道食不厭精汝未讀鄉黨耶退食

鶴徵錄卷四

七

後立靜坐片刻養生節勞勿以膏自焚矣古樂府殺君馬者路旁兒謂竭馬之力以娛道旁耳目吾慮汝之馬力竭矣文貞聞命悚然加一餐焉

張新標字鞠存江南山陽人明戶部主事世才孫順治己丑進士授吏部主事降補陝西苑馬寺監正

富孫按鞠存爲涇原檢討之父由中書舍人擢吏部辛卯順天同考以文學吏才稱於時湯潛菴詩云父子登蒲輪史冊亦罕見與嵇淑子爲兒女嫻親父子翁婿並膺薦舉亦佳話也吳星叟謂鞠存召入京時兩眼如墮雲霧入試僅書八大字而出則以爲與試矣

毛西河鄉賢合祀錄序云予游淮陰值儀部郎張公與其孫

農部主事同時舉鄉賢附廟祀相距二十年予被徵來京師農部之子吏部公偕嗣上舍同時膺聘徵車赴都投牒之次見於選堂之牖間重以予游淮之舊握手道故予方念吏部公父子聘幣一時稱勝事而公復以其先人合祀一錄令諸同舉者各爲詩歌而屬予爲序乃歎張氏一門之盛爲未易幾也予昔在淮曾與吏部公父子譙飲賦詩至今相傳有所爲曲江之園雲起之閣者曾幾何時而吏部公安車來京將仍返故廬予亦老病庶幸徵放歸之例獨上舍君與諸同舉者以纂修前史入承明著作之庭焉

鶴徵錄卷四

八

松窗筆乘云山陽張吏部新標爲中書舍人時故相國陳公名夏得罪死無敢殮者公慨然曰溧陽死於法固未嘗禁殮葬乃集同志醮金命老僕張臚製棺衾具殮老僕嘗曰我乃相公義兒公絕口不言也

今世說云毛大可過海陵至淮上時吏部張鞠存父子嗜詩有名園中秋夜會客數十人妓樂合作鼓吹竟夕毛倚醉扣盤賦明河篇凡六百餘言及旦淮上諸家傳寫殆徧宣城施愚山還自京師見之目爲才子

顧豹文字季蔚號且菴浙江錢唐人順治乙未進士授河南真陽知縣官至監察御史著有三楚奏議六書古韻願圃日記世美堂集

富孫按且菴少以才稱讀書續言能記他生之所習兄仲御文龍亦有文名每試互冠其軍世謂顧氏二難合真陽招流亡

立鹽肆建學宮立黃叔度祠行取擢臺切直敢言屢上疏
言事巡視東城發獲伏魔杖而得三轉畏其神明時出按
湖北察川羅諸賊竄伏要領所在嚴營備其巢賊不得恣
蔓修築陸蕙滋口隄以弭水患運義倉一百四十餘所會
撤巡按還京師旋以省親告歸居兩年再入臺疏劾悉當
內外艱遂引病不出得城北葛氏廢園乃葺確荒穢建小樓
與二三老友商略經史名曰願圃家居幾三十年戊午大
交薦以老病辭坎革自作誌銘而卒
今世說云願且菴官侍御彈劾不避權貴然卒無妄言嘗曰
言而當足以裨國是言之不當雖
天子不以為罪使異日轉諫官非計朝野以為得人

鶴徵錄卷四

九

王道騏字號雪洲湖北黃崗人順治己亥進士改庶吉士
陞禮科給事中外補山東武德道僉事革職復候補僉事著
有雪洲詩鈔

遇孫按順治戊戌邱曙戒為會試同考官得二十有八人如
吏部侍郎王封濬翰林侍講譚象給事中姚祖頊吏部員外
郎崔爾仰皆為一時聞人先生則以戊戌中式己亥成進士
也

魏維度雪洲詩序云雪洲詩新穎雋逸不屑屑步趨古人初
讀之月下梅花香影不可即離再讀之如帳中佳人情貌皆
有實際熟讀之如聽成連鼓琴聲忘乎其為天空海闊時也
然雪洲由詞林涉諫垣建節山左以伉直忤時而其詩寄託

遙深絕不露侷條無聊之概宋荔裳觀察比諸三閩大夫謂
其目成於美人含睇於山鬼纏綿悱惻起忽情愔有不自知
其何心者可謂雪洲知已矣予急攜其詩向山巔水涯雲岑
煙樹間一洗絲繆焉

范郝鼎字彪山西洪洞人順治辛丑進士著有理學備考三
晉詩選續垂棘集

富孫按先生以五經中丙戌鄉試副榜辛卯舉人戊戌會試
副榜辛丑中式丁未成進士請終養歸太常寺卿朱公裴薦
舉以母老辭巡撫疏叅

溫旨令遵前諭來京以副求賢至意秀招之典古所未有也

先生性孝友學問淵博闡明絳州辛復元全之學與應潛齋

鶴徵錄卷四

十

李二曲以理學著於南北癸未

聖祖西巡 召詣行宮 賜山林雲鶴四大字嘗進呈理學備
考等書陳午亭相國賦詩云歸來屬車上猶指少微星蓋紀
實也子翻亦以五經中辛卯鄉試副榜癸巳舉人

先生嘗有書致王阮亭略云丁丑三月恭奉手教確是講學
之書即如論文成一節名正言順馮恭定公有言除卻氣節
事功文章將於何處見道學先生云陽明即不名道學而氣
節事功文章皆是第一流人物豈止以道學予文成哉為萬
世立公論為昭代嚴祀典也近日時文選家竟指文成為異
端狎侮前哲訕謗學官先生謂其無羞惡之心某更謂其失
為下不倍之道也至於黃黎洲學案曾見原稟屬意處專在

文成亦屬偏見某取其收羅明儒之富兼取其自敘處不詳
淺深各得醇疵互見之意故統錄之以備參考此霍渭崖之
所以矢入也先生公論竊欲添註於渭崖幅中以見後人眼
目欺騙不得誠有如東林諸賢會議者可否候裁徵鄉幸復
元先生學本闡然某雖極力表章而人微言賤今不與荒煙
蔓草同歸滅歿者實自康熙二十二年十月十二日大疏始
矣跡此舉動因輒以小刻備考兩集備遺左右妄于元嬰既
荷俞命敢不拜嘉河東分守吳公入境卽幽芬見及雖未謀
面一時枯木春而冷灰然先生之德愛噫甚矣過矣長白山
錄考核博而有要篋中著作如織儻惠然肯來引領望之讀
此可見先生之學固非空譚性命者

鶴徵錄卷四

十一

毛西河理學備考序云彪西先生爲河東風儒考道有年乃
復以理學相傳恐有闕略或致是非同異相持不決因輯諸
儒語錄爲備考一書無偏陂之見存乎其中無罣漏之形見
乎其外理學雖繁欲舍此而更爲異同不得也

居易錄云范彪西寄所著理學備考廣備考乞教先生養親
不仕隱居師曠故里講洛閩之學河間人士多從授經薦舉
不出人益仰重之所著書凡數十種

陸舜字元升號吳州江西泰州人康熙甲辰進士由刑部郎中
歷浙江提學道著有雙虹堂集

遇孫按吳州初任刑曹多所平反爲兩大司寇倚重視學吾
浙每試士命題必自制一藝爲諸生程式雖同場屬學分題

以及經論無不備作諸生瞻絳帳中搗筆如飛其文皆精湛
雅馴出入經史競傳誦之以疾乞休家居二十年詩文益富
顧景星字赤方號黃公湖北蘄州人貢生著有白茅堂集

遇孫按黃公與廣濟張長人仁竟陵胡君信承吳既閑驥皆
前代逸民有名江漢間推爲海內耆舊後南都蒐錄人才黃
公試取第一

施愚山顧赤方詩序云余始聞顧赤方而未識其人一日自
楚斬抱其詩直詣門曰非公誰敘者余特異之與之見悅爽
駘蕩其書累寸未易卒業簿書稍閒又時取讀之信乎其可
以豪矣恢博雄悍上之原本李杜下之長吉樂天義山以及
子瞻放翁翁見側出無所不有往往於時人近事一言一笑

鶴徵錄卷四

三

刻畫如生嘗飲酣四顧振衣昂首自謂不讓古人客或詫以
爲狂及其遣興授簡馳騁筆墨食頃累數百言頓挫激昂不
假琢磨雖號稱工詩者見其便給又嗜啞叱咤未嘗不驚其
言若河漢也赤方機警性成今總憲龔公嘗識之總角中際
長益博覽強記諸子百家仙釋諸書無不流覽動輒以贈其
才力故其詩如此有駭其太肆而未純者赤方則掉頭不顧
曰君知言哉余姑爲楚歌放言洗滌以適吾志焉

今世說云赤方出其詩與施愚山相贊校管握手笑曰吾儕
本相好攻瑕索垢當猛鷲如寇讎毋爾纖塵爲後人口實時
歎爲名言

蔡方炳字九霞號息關江南崑山人忠襄公懋德子生員

忠襄公爲白蓮池先生房首以遠大期之通籍後風節耿耿
聲震朝右持節中丞豪強屏伏卒死於封疆先生能世其學
著書不一家繪有著書圖詩文題詠盡一時名流他種不易
得維廣輿記盛行於世子按古之爲地志者惟志其形勢緊
望山谿阨塞何處可以屯糧何處可以守險爲天下大計不
爲詞林嘯歌也自宋有方輿勝覽元有太平混一方輿勝覽
乃採摭詞賦附於其中某山某水某亭某樹名句紛綸應接
不暇有明季陸伯生先生者合而輯入廣輿記一時寶貴先
生乃盡刪其詞賦而推廣事實焉說者嫌其枯寂遂轉思陸
本云

遇孫按明末忠襄公死太原賊難彙葬城外順治戊子先生

鶴徵錄卷四

三

借弟方爝往負樞歸太原之人無不涕泣以送者先生性嗜
學涉獵羣書兼工篆草韜晦窮居嘗繪有著書圖竹翁題句
云中年巾柴車起應鶴書召人多畱嘉慶君乃返蓬蘞立意
在千秋肯貽北隴笑可見其徵聘不出至舊傳 召試日因
不能奏對增廣生扶出此好事者爲之也兄方瘡痛父殉關
賊之難絕意人事隱居以老雖屢空不肯于人卒之日至無
以殮

鶴徵錄卷第四

門人張湘校

鶴徵錄卷第五

嘉興李集敬堂輯

從孫富孫

孫男遇孫

續輯

與試未用三十人

趙進美字凝叔一字韞退號清止山東益都人明布政使叅議
振業子崇禎庚辰進士游歷給事中出爲廣東叅政擢福建按
察使著有清止閣集

按先生詩在陳氏國雅中先公會選二十餘首入文緯其詠
畫竹云記得君山古廟前沙鷗如雪水如天數叢惟在蒼崖
下風雨纔晴便有煙評云佳處不可言傳

鶴徵錄卷五

一

富孫按先生成進士後與萊陽姜如須宋荔裳桐城方密之
華亭陳臥子宋轅文輩以詩名雄視南北順治初補太常博
士龔芝麓曹秋岳諸公時相酬和才名甚盛分守西江思以
兵略自見鴻詞之舉爲李公天馥所薦少時爲詩清真絕俗
得王孟之趣後變爲高華尚聲調使楚一集尤爲藝林所貴
重

漁洋詩話云趙韞退按察官湖西有詩百餘篇余取其南康
登樓一絕句云返照臨高閣寒煙澹澹分城空何所有一半
是匡君其梨花楓葉二詩風致不減青邱海叟

盧雅雨山左詩鈔云先生分守右江日嘗寓書漁洋論詩之
得失漁洋詩云風塵憔悴趙黃門嶺表遷移役夢魂昨見端

州書一紙說詩真欲到河源

畢振姬字亮四號王孫又號頤雲山西高平人崇禎壬午解元順治丙戌進士授平陽府學教授官至湖廣布政使著有尚書註西河遺教四州文獻三川別誌等書

富孫按先生讀書五行兼下嘗師事山東王漢河南李政修由教授入為國子監助教海歷郎中公餘坐臥黃埃黑窟瓦鏗布被俯伏讀書時稱為有官僧尋分守濟南叅議道時歲旱盜王顯張甚流民盤踞峒崖先生日夜馳三百里安插七千口有奇供軍需數十萬泰山香稅羨餘歲給公使費至是充餉七千遷廣東水利使三藩四院使如織立約束無派無折減船減夫六七千有奇歷浙江金衢道叅政擢廣西按察

鶴徵錄卷五

二

使多所平反獲玉璽將軍印壘壘海峒宿患悉平經略洪承疇奇其才題陞湖廣布政使辭不應鴻詞之舉為少司寇劉公健都御史魏公象樞所薦以老病辭歸當道官往返祇一僕一馬食無兼味身無更代衣三娶無衣帛之妾所至率曉夜力學以為常里居時置祭田義田役田戴笠畊蒔服輒指授後學有師法為文主春秋內外傳而與古堅鬱得之管子為多

阮吾山云康熙間山東多詩人山西多名宦陳午亭相國嘗作六公贊敘略曰吾鄉多賢人君子其以清德著者若曲沃衛文靖周祚陽城故刑部尚書白允謙蔚州魏敏果象樞永寧于清端成龍陽城故巡撫張瑤高平故布政使畢振姬六

公生同時在數百里之內皆所謂天下之士也而吾辱從之遊於是作六公贊云魏敏果擢總憲首疏申明憲綱舉侍郎以下有清望者九人畢振姬陸隴其亦與焉後皆擢用余謂頤雲先生之品望風烈當亦文正湯公之亞也

王岱字山長號九青湖南湘潭人崇禎己卯舉人授安鄉縣教諭著有可菴集

富孫按山長能詩文兼工書畫嶽崎歷落以氣節自矜髮甫燥即名滿海內嘗著說雪武陵奪情之冤亦似有理然澹浦之論固萬古不易也

施愚山王山長詩敘云潭州王君山長博涉羣籍卓犖自負不隨俗俯仰放游山水所至與賢豪交歡用氣詎相然諾與

鶴徵錄卷五

三

之言侃侃四座莫能難非所心服雖名公鉅卿不苟推許意有所取凡山人野老方技浮屠之流往往狎遊相傾倒至於一事之長一言之撰述聲名未立亟為推引盡其力乃止則亦可以想見其為人矣

松窗筆乘云湘潭王山長能詩文官京衛武學教授十餘年不遷泊如也善嚴司農策蹇往來蕭然寒素

孫燦字瞻東號青門浙江嘉善人崇禎己卯舉人官直隸開州知州擢吏部郎中

遇孫按青門性穎異願究天文河渠由孝廉授亳州牧時兵燹民逸勞來安集墾田萬餘建巨橋十一以當蕩蕩渠之衝轉開州積穀三千以備荒歉墾田七十頃飛蝗入境盡力

掩捕不爲災人比之中牟三異

上官鑑字企之山西翼城人崇禎己卯舉人順治丙戌進士官至河南叅議著有一經樓集

過孫按先生以進士授潞安府教授河南聘同考拔取七人

五人卽成進士後歷部曹督餉陝中散給不私私忽出爲浙

江嘉湖僉事遷叅議河南督理河道歲省錢數萬復兼理鹽

法官民便之旋復以薦兼管開歸河三府分守道務解組歸

法若真字漢儒號黃石山東膠州人順治丙戌進士官翰林歷陞江南布政使著有黃山詩畱

富孫按先生父孝廉某中年無子李夫人有身夢法真而生

因名若真孝廉督課極嚴故其業淹博順治乙酉鄉試以五

鶴徵錄卷五

四

經疏聞 特賜中式授中書舍人丙戌成進士授編修乙未

特簡京官外用因補外道其藩宣江南一日在金陵方典

武闈而奉家諱倉卒不得出題勉終事桐城何中允采遺人

送詩云門人祇讀孫吳傳何必教渠廢蓼莪後以事論罪弟

若貞同科進士授給事中

安靜子黃山詩集序云膠西法黃石先生少以五經高第授

翰林敬歷藩伯晚居東海之濱不仕者三十餘年子耳其名

疑爲古人庚午冬日大雪予命酒獨酌有平頭目寒走三百

里寄我巨軸開卷則先生自畫李青蓮登華山落雁峯圖寄

我石勢如波與雲捲四壁欲動予感其意作長歌寄之繼而

又以巨幅大書司馬溫公禪偈見貽筆勢沈著飛翥蓋先生

少以詩名書畫則其餘事耳

松窗筆乘云膠州法黃石高平畢亮四學問淵博所撰著皆艱深古奧不欲輕使人上口筆尤晦澀至不可讀蓋焚宗師一流人也

山左詩鈔云黃石入翰林再遷祕書院侍讀與洪南安承疇陳深陽名夏兩相國不協外調浙江觀察轉補福建禦鄭寇

有功遷浙臬平反王式誣告等案浙人詫爲神明轉安藩坐事去官以詩畫自娛

王紫綬字金章號蓼航河南祥符人順治丙戌進士官翰林出爲浙江糧儲道著有知咫堂詩集

過孫按蓼航嘗分巡江西南贛道頗有政聲尤篤於師友之

鶴徵錄卷五

五

證

王阮亭云汴梁王金章嘗從老儒劉文奇學崇禎末劉家沒

於水王爲置田園廬舍於蘇門山中後年七十餘病卒爲之

營葬情禮甚備余見其哭師詩哀樂有過人者其警句云門

無司馬求書使室有黔婁正被妻餘不具錄陶九成載構李

顧德玉葬其師新昌俞觀光事此近之矣

楊毓蘭字 河南新鄉人順治丁亥進士官至提學道

過孫按先生於康熙戊申曾任浙江巡鹽御史頗有惠績

張能鱗字玉甲又字西山直隸宛平人順治丁亥進士除浙江

仁和知縣官至川南道副使著有儒家理要

富孫按先生儒家理要采輯宋五子遺書中有正學論朱陸

異同說並緒言主敬論皆其已說又有義眉志略則任川南時所志也

王孫蔚字茂行陝西臨潼人順治壬辰進士官四川叅政

遇孫按順治辛丑茂行曾任福建布政使後降調湖北糧儲道叅議丁憂起復應鴻詞之徵阮亭有懷茂行大叅詩

潘颺言字陳伏山東章邱人順治壬辰進士授吏部主事降調保舉湖廣軍前候用

張瑞徵字鶴山東萊陽人順治壬辰進士選庶常歷官允出為河南汝南道副使革職歸

富孫按汝南水旱頻仍荆榛滿路先生下車即修城垣捐資賑濟漸有生聚之謀其折獄明敏能辨冤晰在光州賊襲商

鶴徵錄卷五

六

城會勦擒戮先生之力居多

松窗筆乘云康熙初

上以翰林官教養有年命內外互轉使歷民事覘其學問經

濟以資任用、親定吳正治張瑞徵戴王綸等十五人俱才

堪外任照例遇缺補用

張含輝字韞璘山東掖縣人順治壬辰進士官吏部郎中遷四

川督學道著有東山吟蜀草

富孫按韞璘工詩詞清綺多姿制有雲樓送客詩云行落曉

露向雲樓漸望朝霞日影流野斷蛩音方寂寂煙迷客思正

悠悠送君暫借盃中物念我期消馬上愁滿座西風吹別意

誰知分袂在新秋

王廷璧字崑良河南祥符人順治壬辰進士授刑部主事官至陝西副使著有珠樹堂聚遠樓等集

遇孫按崑良由禮部郎中督學嶺南報最擢越東少叅越地沿海海濱木城之設里甲每借此居奇計戶派木而實無益

防守陳請得免寧郡帥議移鎮并欲以每甲雜駐一兵崑良持不可遂撫小過嗾之去左遷汀州司馬去之日越民肖像

以祀至汀州值總兵劉炎剋餉一軍大譁城門盡閉崑良單騎入營反覆曉諭皆叩頭泣伏寧帥敗起擢陝西涼莊副使

致政歸

田雯字綸霞一字子綸號漪亭又號山蘊晚號蒙齋山東德州人順治乙未進士官至戶部侍郎致仕歸著有長河集山蘊詩

鶴徵錄卷五

七

選

先生負幹才善詩歌由進士出為副使徵詣闕下試不錄

同人為之不平未幾督學中州不十年而位至大中丞

先生與趙君執信為德水才人往時在京師宿馮魯巖寓長

夜蕭寂見其插架有田趙二家集先取趙集讀之未終卷欲

臥矣再取田詩讀之風標颯颯鐵骨稜稜乃朗誦至五更魯

巖入直問何人詩曰田山蘊也

富孫按山蘊任戶部員外時滇楚用兵軍需旁午時請以白

糧附漕艘帶運費不煩而民力省至今著為定例後出撫江

寧請動司庫大挑濟運河以省歲冬募挑之勞費又減湖田

之增稅免蘆課之辦劍百姓德之由貴撫陞補少寇轉少農

出督河工以病歸壬午

聖祖幸德州會 賜寒絲堂扁額生平於史學最深文亦渾灑

雄健自成一家言

惠視谿紅豆山莊集云田公薦舉鴻詞一時名士率皆懷刺跨馬詣司枋者之門乞其聲譽以進公獨屏居蕭寺中不見一大人長者今來江南昇以肩輿從兩廡載衣裳一箱五經子史兩方底蒼頭奴兩人踽踽行道上戒有司勿置郵傳給供張自市蔬菜十把脫粟三斗不為酒醪佳設惟日矻矻以文章為事蓋公之居官如是

居易錄云田子綸撫貴州嘗著黔書七十六篇篇不一格其記苗蠻種類記水西烏蒙馬記革器記朱砂水銀雄黃凱里

鶴徵錄卷五

八

鉛筠醬印竹諸篇有似爾雅者似考工記者似公穀檀弓者似越絕書者讀之如觀化人之戲

漁洋詩話云己未薦舉田綸震以工部郎中與焉已而被落題溫飛卿集後云一代才名乾臞子八叉吟手亦徒然不教詞賦陪雕筆空讀南華第二篇然不十年官至巡撫江南僉

都御史

阮吾山云德州田山蘊讀書掇拾字句有徑行之目嘗云奇字古人所常用於古詩為尤宜班馬等賦所以令人鬼眼傾耳者政由時出奇字襯貼之方今文尚古吾黨之士獨不訪子雲之亭熏班馬之香乎子友李柳亭云山蘊告歸臥病牀第醫以方進惡藥俗名不飲易以他名乃喜如以枸杞為天

精人參為地精木香為東華童子其癖好新奇老而愈怪柳亭即山蘊女孫婿也案香祖筆記載此事云問諸其弟需子益所說也

馮雲驥字訥生山西代州人方伯如京子順治乙未進士就大同教授遷國子監博士官至四川提學僉事

先生工詩兼善書法有與曾大父小箋寫高麗紙上筆法類坡翁

遇孫按先生藉華貫不習為統緒態奮蹟詩書以早年決科第而勤修職業不斬獵進所至以廉明著尚書魏環谿嘗言訥生見識高議論正稱為長友任學博時與雲中徐化溥游梓其集行於世環谿尤亟稱之弟雲驥丙辰進士官至禮科給事中

鶴徵錄卷五

九

松窗筆乘云馮訥生督學四川所取皆一時才雋癸亥子典試赴蜀訥生籍三川名士三十人為一冊驗其得失榜發中式二十五人副榜三人所未見者二人耳蜀中稱予得人實訥生拔其尤也

傅展字蘭生一字彤臣號麗農山東新城人順治乙未進士官至江西道監察御史著有奏疏讀書隨筆硯田漫筆姓譜補增訂堯山堂外紀新城軼事詩文等集

富孫按先生事親以孝聞初仕河間府推官為畿輔第一行取入京奉使按江西舟抵彭澤聞九江兵且變遂疾馳湖口具威儀而入盛服坐堂皇將弁入謁畢諭以大義士卒皆震動感泣事遂解散其從容定變如此惜未竟厥志所著有一

十三種

王阮亭云傅彤臣修軀偉貌鬚眉如戟博學強記嘗過一友人家有女為狐所祟聞傳至忽語曰傅公正人將來必貴吾去矣果不復來又云同年傅侍郎博雅能詩作詞曲亦跌宕有致順治辛丑請急歸已未報罷嘗於滄州道上賦柳枝詞二十首多可誦身後著述散佚略載於此滿橋橋畔美人居性慧能為倒薤書一觀靚容頻問訊十眉新樣近何如絕代容華照眼明幾年聲價重金城誰言青鬢垂垂老一到臨風百媚生零露蕭晨半未乾日高猶自怯輕寒連錢聽馬驕嘶過青眼樓頭帶笑看殘照芙蓉溢頰紅珊珊仙骨玉瓏聰幾回眠起嬌無力披拂偏宜少女風垂金小篆不曾訛葉葉紛

鶴徵錄卷五

十

披撇與波截柳編蒲無用處祇傳新樣似元和靈和前殿見風姿成辟耽情寫豔詞九月受風秋色裏冶游心醉麴塵絲拂隄又復映征驛折贈還宜女手摻薄暮一番微雨過江州司馬溼青衫其風致故自濯濯可愛

嵇永福字爾遐號漪園江南無錫人順治乙未進士授嚴州府推官左遷歷城縣丞著有漪園遺藁

富孫按漪園降補縣丞保舉湖廣軍前侯用故王漁洋有送送嵇爾遐從軍荆州兼寄秦雷仙李杞瞻詩云帕首韉刀氣不羣秀才今復學從軍也知好句翰中散惟有相思寄楚雲秦子清貞五字詩李生磊落萬人姿他年幕府論功日七寶莊嚴合是誰註謂爾遐嘗赴制府范公承勳幕耿逆叛范不

屈死爾遐拘囚三年作百苦吟廉訪秦小現先生謂漪園曾孫承烈今為平陽邑丞言有家傳並未入范公幕蓋以雷山先生事誤也

章貞字合可浙江會稽人順治乙未進士授壽光知縣以科場註誤降榮陽丞陞棗陽令著有東銘解等書

過孫按合可兩世孤露曾祖八十翁督課之工詩古文辭令壽光棗陽均有善政薦舉行抵江寧以病歸

毛西河云予少時與章君舍可同以小試受知於王雪于師予以鼎革之際為怨家所構會順治辛卯章君登賢書遂

於填親供時為予訟冤於部使軍門一時聞者爭頌之

程必昇字陝西韓城人順治乙未進士原任山東棲霞知

鶴徵錄卷五

二

李念慈字吧瞻號劬菴陝西涇陽人順治戊戌進士授湖廣竟陵知縣著有過嶺吟谷口山房集

關中諸李惟先生暨天生先生與曾大父交至契如親兄弟

先集中東家明府吧瞻詩有宦情閒五柳詩格勁三秦之句

富孫按先生善繪事詩詞並擅時名與天生二曲當時稱關

中三李成進士授河間推官又補廉州以裁缺罷後改授新

城知縣多惠政卒以註誤去官會討滇逆以才能薦往湖廣

從軍補竟陵知縣薦舉試京師咸謙傳已前列不知所從來

迨報罷無不搢腕太息者

王阮亭谷口山房詩序云秦人詩自李空同文太清莫不伉

厲用壯有車鄰駟驥之遺聲配瞻獨不然行安節和一倡三歎殆有蒹葭白露美人一方旨意未可謂之秦聲也

施愚山李吧瞻詩序云吧瞻秦人也余見之孫豹人坐上其雄爽之氣勃勃眉宇自秦之晉南游江淮所遇山川風物奇興屬懷情隨境移蔚焉蒸變觀其羈旅無聊不平之作蓋秦聲而兼乎吳楚者耶嘗爲余言母夫人見背時生甫十許日失恃之痛銜恨終天往往見之於詩使人不可讀

分甘餘話云李吧瞻汴梁竹枝詞云紅油車子賣蒸羊啟蓋風吹一道香余見之笑曰信陵賓客東京夢華古今應有少少感慨而顧采頤於紅油車子之蒸羊此正呂頤浩所云指大知甚好惡者耶

鶴徵錄卷五

三

侯七乘字仲輅山西汾西人順治戊戌進士授福建閩縣知縣歷江西廣信府同知

富孫按仲輅知閩及武平二縣廉靜慈祥能寬徭恤民又喜講學課士頗有政績以憂去後擢廣信郡丞

毛際可字會侯號鶴舫浙江遂安人順治戊戌進士授彰德府推官歷知城固祥符二縣著有安敘堂詩文鈔浣雪詞鈔黔游日記

遇孫按鶴舫爲推官時廉明不阿有連奇才者殺人巧脫感折庭槐之異讞實抵罪寧陵盜犯房有才等十三人已奏當大辟力白其冤釋之由祥符令薦舉放歸閉戶著書文名馳四遠嘗與人書云自惟生平既肆志於古文精力短淺不能

兼綜並致故絕筆不爲詩者十餘年其專如此晚構問字亭以汲引後進焉

毛西河會侯詩序云予往與會侯被召京師唱和邸里嘗謂君詩高警而劃滌上之無故朝邪廓之習下之與時俗昇弁卻之恐浼非嬗世何爲及予歸田後老不能詩會侯亦汎汎置之其舊作亾於火乃取向時被選者併作一卷好其詩者將必由此而倍思其全詩也

今世說云鶴舫負才雋異淹雅博聞胸次瀟灑虛懷善下文極工妙有刻意彈射者輒欲下拜至與朋友往還必以無所規益相督宦轍所至著聲績爲羣吏冠宰城固多異政邑人梁樟爲折尾虎所攫毛爲文禱於神果獲之人謂不減昌黎

鶴徵錄卷五

三

聖齋又云李坦園目會侯文精鍊有法度不爲枝葉之詞徐之凱字子強號若谷浙江西安人順治戊戌進士授四川臨安縣推官歷湖南桂陽陝西安化真寧茂州知縣著有初學北思汶山流憩等集

富孫按先生成進士司李滇之臨安撫軍袁懋功深相器重未幾裁缺調補瀘陽令再補陝西安化請免浮糧有賊結寨於山屢勦不服遂以一騎赴寨招安之制府以軍功許補知府旋值逆藩吳三桂舊黨王輔臣構亂平慶相繼陷沒以蠟丸達書督撫擒斬僞帥慶郡得完旣而賊兵大至城復陷被執劫以白刃不爲屈幽禁囹圄逆黨吳占春力救得免事平將軍圖公檄補真寧令薦舉後量移茂州部臣以前失印事

被議落職退居林下者二十年

先生嘗有木蘭花慢一闕贈先徵士公云乍飛到青鳧枝雀
報喜蹊蹊數酒債尋常茶傭瑣屑空罄重懸笑東方非獻賦
與侏儒漫索米論錢更搜歸遺 賜脛細君一笑嫣然羊裘
敝盡已成瓊猶作黑貂憐歎寒氣嶙峋小臣餐後日傷鑪邊
春來

聖恩還渥助看花應令水衡添過此青蚨影斷直須榆莢垂簷
徐孺芳字 浙江仁和人順治己亥進士授山西平遙知縣
官至福建提學

葉封字井叔號慕廬湖北黃崗人浙江嘉興籍順治己亥進士
除延平府推官陞工部主事著有嵩山志嵩山石刻記嵩遊草

鶴徵錄卷五

遇孫按慕廬本禾人徙居武昌康熙中由推官改知登封縣
遷兵馬司指揮薦舉罷歸自號退翁銓授虞衡司主事未上
而卒所著嵩游草識者以為可與施愚山中岳少室諸詩相
伯仲朱竹垞贈詩亦極稱之

朱竹垞葉指揮詩敘云井叔之詩清而婉麗而不靡戍削而
無刻劃之迹於友朋山水之好流連唱歎而不已君前知登
封縣事入為西城兵馬司指揮與尚書郎以下善詩者九人
合刻其集以行君雖家於楚實余里人也

王阮亭云黃州葉井叔篤實君子也以詩介其宗人詡菴質
余余曰君之詩未也惟嵩山詩足傳耳盡刪其舊作為敘嵩
陽集刻之又選其己未庚申詩刻之列於十子中井叔之名

益曠後薦舉不見收自楚屢寄新詩求余刪定其鄂中懷古
二十首殆無一字不佳井叔精爾雅說文學有根柢所輯嵩
山志嵩山石刻集記皆可傳又云井叔未第時酷貧嗜讀書
家焚口湖中王宗伯吳廬常扁舟過之值湖漲不辨涯涘
日已暮聞有書聲出蘆荻中先悲哀而後愉樂曰此必井叔
也迹之果然

王鉞字仲威號任菴山東諸城人順治己亥進士授廣東西寧
知縣著有水西紀畧粵游日記讀書叢殘暑窗臆說世德堂集
富孫按先生知西寧八年訟庭閤寂甲寅孫延齡反陷梧州
西寧距梧八十里梧鎮帥班際盛欲移師避寇先生與際盛
書極言不可相距二十餘日賊果退梧州初陷先生繕治城

鶴徵錄卷五

守具賊引軍寇西寧先使謀持偽劄至知有備乃逝去於是
以治最膺薦行取尚可喜忽具疏請畱行取官先生度可喜
子之信必反遂移疾歸戊午薦舉後遂不出家居三十餘年
香祖筆記云王仲威暑窗臆說山繭一條甚詳曰藥谿譚記
禹貢萊夷作牧厥篚檠絲爾雅曰檠山桑師古曰山桑之絲
其鞞中琴瑟之絃蘇氏曰唯東萊有此絲以之為縉堅韌異
常萊人謂之山繭繭爾雅又曰蠟桑繭繭由檠繭今萊陽之
山繭繭蓋檠繭也按山繭即禹貢之檠絲今之山繭檠繭又
別一種乃今之檠繭也檠不才木土人嫌其名故借名檠取
莊子大椿之義然則爾雅所云蠟桑繭即今山桑檠絲是也
雖由檠繭今檠繭借名檠繭是也

林堯英字蜚伯號澹亭福建莆田人順治辛丑進士選授江西
陵陽知縣官至河南學政著有澹亭詩略

富孫按澹亭性好學工詩歌燕臺十才子詩略澹亭居其一
薦舉時已歷戶部主事後 賜宴瀛臺晉本部員外郎轉刑
部郎中出視中州學政以古學導士人文丕振

趙廷履字 陝西膚施人順治辛丑進士授浙江天台知縣
遇孫按先生為天台令有循聲後移調順天良鄉捐貲為內
閣中書舍人

陳宏字 直隸大興人順治辛丑進士候補主事

鶴徵錄卷第五

鶴徵錄卷五

去

門人張湘校

鶴徵錄卷第六

嘉興李集敬堂輯

從孫富孫

孫男遇孫 續輯

與試未用三十七人

劉瑞遠字 直隸三河人順治乙酉舉人官海州知州

魏學渠字子存號青城浙江嘉善人順治戊子舉人授成都推
官擢至江西湖西道

青城負詩才工四六兼擅書法知名於時王阮亭彭羨門各
賦無題詩合而刊之號彭王倡和青城為之效又西樵實巷
亦相屬和西樵云情至之語風雅掃地不過於宣尼廡下狂

鶴徵錄卷六

一

豆無分耳以西樵之孝行告母文三篇幾於泣鬼神矣而言
情之作如此實所未解

富孫按青城少負雋才為柳州八子之一推官成都他蜀中
初定招撫流亡綏輯兵民事事得宜陞刑部主事改嚴例十
餘條歷湖廣學道補江西少叅與王阮亭田紫來諸公相倡
和生平輕財好施桐城錢澄之知交尤深感德不諉至名其
樓曰懷青

顧鼎銓榜姓張字 浙江仁和人順治甲午順天舉人授山
西蒲城知縣

遇孫按先生令蒲城值兵燹後百計招徠民皆復業歲旱鑿
石為渠以資灌溉又廉得巨猾置之法民咸喜曰較疏山引

水之利更什伯也時以循吏稱子祖榮官內閣學士

田茂道字樹公號歸淵江南青浦人順治丁酉舉人授山東新城知縣不赴著有水西草堂集

按丁酉科場事發九重震怒命嚴鞠之覆誌之日堂上命題二書一賦一詩監試官羅刻偵視堂下武士銀鑰森布未刻繳卷諸生文皆如朽撫臣以覆卷奏進事乃解復原名先生其一也惟有據者充發數人世皆以吳漢槎為可惜云富孫按先生少受業於夏彝仲先生以詩文雄壇坫會試入京與王敬哉魏環谿諸前輩相酬和以魏柏鄉喬介薦舉召試罷歸築水西草堂藏書萬卷鵲詠以老又選有高言集清平詞燕臺文鈔等書

鶴徵錄卷六

二

今世說云田歸淵少時名善屬文陳黃門謂夏考功曰此子才氣卓犖他日心成偉器後黃門歿于幼貧墓旁荒田數十畝歸淵代內官租二十年復與友人督其遺集謂客曰無以償黃門大德生平每以為愧又云歸淵才辨器識絕出流輩讀書穿穴經傳落筆為詩歌古文哀哀不能自休與人交好傾身為之盡窮達盛衰誓不得而移妻孥終歲布衣糲食客至治具甚盛留數月不厭後進以詩文就正有小癖必極口稱許世謂歸淵家貧而能好客才富而能好善
宋寶穎字既庭號湘尹江南長洲人順治庚子舉人試罷官興化縣致論著有讀書堂老易軒玉磬山房等集
先生為吳下名孝廉與吳江計孝廉稱石交遂以女字其子

計子年十五滿諸生及期而殤甫草先生構思子亭無何宋女以不食死甫草又合葬之並屬其友汪鈍翁為之記鈍翁曰合葬禮之變也思子亭則孺子雖賢殤也禮之過也王敬哉曰甫草之情深者文之論正父子朋友之間兩無憾矣富孫按先生淹貫經史博綜旁投當時推為名宿待講繆歌起少嘗執經其學得於先生者為多

先生嘗作黜朱梁紀年圖論其義嚴正云王莽不得為新安祿山不得為燕全忠豈獨得為梁乎且其時移檄與復唐室者有晉岐蜀淮南四國或為唐之臣子或為唐之世族則唐實未嘗亡也今黜朱梁紀年而以晉岐淮南之稱天祐者為主始於天祐四年至後唐莊宗同光元年而止亦春秋書公

鶴徵錄卷六

三

在乾侯之義也從叔厚齋嘗欲撰後唐書亦黜朱梁而以後唐為正統自昭宣帝天祐元年始至南唐烈祖興元元年止以正歐陽公五代史之謬惜年未及三十而卒其書僅存敘例一卷未獲卒業
魏冰叔云宋寶穎孝廉母夫人葉氏當乙酉歲兵亂與季子實方女雪娥實穎婦朱氏同赴井仲子實栗見母投亦從井既經日母及實栗死而實方雪娥與朱氏皆直立水中竟不死此與汪季用先生母夫人李事相類
尤梅菴云既庭自贛州早飲香名一時有江東獨秀之目說鈴云既庭與宗弟疇三俱以孝廉知名時稱大宋小宋或問大宋何如人予言既思曠鄙不及真長逸少而能撤有諸

人之勝

今世說云宋既庭靜寡欲動止皆有常則才名早著三十舉孝廉以公車至京師輒攝衣據諸貴人上坐意氣岸然絕無所顧讓自名公卿訖四方游士慕之者無不日夜持謁到門以望見顏色為幸

董俞字蒼水號榜亭別號尊鄉釣客江南金山衛人少宰選初孫順治庚子舉人著有榜亭浮湘度嶺等豪

富孫按榜亭詩文當時與錢葆齋齊名江左稱才子羣推錢董赴 召至山東遇盜劫其裝生平著作在行篋中追索之被刃傷而返兄舍字閩石辛丑進士亦有文名

宋荔裳蒼水詩敘云董君蒼水本貴公子孫年三十舉孝廉

鶴徵錄卷六

於其鄉居無何江南通賦之獄起紳士同日除名者萬餘人君不幸掛名其間棄去帖括究極於風雅正變之間爰及漢魏下訖三唐朝蓬暮鹽蕭然如後門寒砒而其詩亦閎深涵演非復專家小乘之所敢望

汪鈍翁云雲間董二孝廉最善賦學如鏡賦鴉賦採桑賦皆清婉流麗可與吳兵曹綺頡頏又有送客入都詩云蕭條易水逝駟馬向空臺岸柳春前放江鴻雪後來語極澹雅有自然之致

徐虹亭云蒼水與閩石讀書崑山詞藻翩然竝擅機雲之日今世說云蒼水董時喜讀古人詩略上口即能為聲偶之言父師見而叱之乃吟詠自如不少奪庚子舉孝廉與兄進士

閩石竝以才名顯後坐公事摧挫不得用於世卜築南邨方塘小榭竹翠花深灌圃鋤菜歌嘯自得雖突煙常冷意豁如也又云蒼水渡洞庭至鹿角山風浪大作波翻浪湧上流覆舟蔽湖而下僮僕震懼無人色董坦然危坐賦二詩投湖中竟得無恙數時輒行三百餘里見者疑有神助則其度量之靜鎮可知矣

惠定宇云蒼水丁巳年入都與漁洋山人偕和頗有知己之感其北游草云余所寓蕭寺與阮亭先生寓齋相望晨夕過從四方風雅名流至輒邀余晤對誠快事也其次韻答阮亭贈詩云廿載行吟老翠微疎狂久與世情違騰驥冀北千神駿潦倒江南一布衣燕市筑聲愁裏和機山月色夢中歸僧

鶴徵錄卷六

寮竊喜幽齋近繼繼交情似爾稀丰致極和婉可誦

江閩楊姓越字辰六貴州貴陽籍江南歙縣人康熙癸卯順天舉人授湖廣益陽知縣歷解州知州著有河汾集

遇孫按辰六薦舉後選授縣令歷知解州為政簡靜不擾先是民多宿逋檄一歲竝徵辰六詳請分年帶徵民德之詩格亦頗清雄

王阮亭覽古詩序云門人江子辰六早歲絕江淮泛洞庭南窮夜郎盤瓠發為歌詩浩浩有奇氣繪有借書圖當時諸名公多賦詩題詠

松窗筆乘云江青園以子閩迎養至益陽值 覃恩戒勿製冠服曰吾以

君恩重不以章服重也邑中寮屬紳士醜袍帶為壽固辭不得乃移所餽創祠龜臺山祀邑之先哲十九人邑人傳為佳話徐懋昭字仲協浙江鄞縣人康熙甲辰進士授河南沛縣知縣薦舉後陞河南南河同知

富孫按仲協素工詞翰同里黃御史斐薦舉鴻詞廷試日以疾不能終卷放還陞任郡丞

李開泰字子如直隸大興人康熙丙午解元

富孫按子如少孤事嫡母以孝聞為諸生時受知于熊鍾陵蕭惟豫丙午領解困於公車薦舉後與修邑乘踰月以疾卒平生嗜讀書講程朱之學家貧課徒以繼朝夕絕不干瀆當事茹素三十年尤為高行云

鶴徵錄卷六

六

李芳廣字河南柘城人康熙甲辰進士原任山東壽光知

縣候補內閣中書舍人

陳玉璠字廣明號椒峯江南武進人康熙丁未進士授內閣中書舍人著有學文堂集

椒峯受知臨胸相國最深頌不絕時閱卷為三相國一學士馮亦在列而不遇亦命也

遇孫按椒峯舉進士官中書舍人鴻詞之徵三相國交薦之後以戊午北闈事黜革家居拂鬱益發憤著書撰史論數百卷

今世說云陳椒峯少有大志凡天文地志兵刑禮樂河渠賦役諸大事莫不講求爛熟言之娓娓賓客輻湊感酬旁午以

至彈琴投壺嬉戲之樂靡所不為偶有所觸發為詩文旬日之間動至盈尺見者遜其俊才比於劉穆之云又云椒峯讀書至夜分兩眸欲闔如綫輒用艾灼臂久之成痂每一顧益自奮不敢怠其猛厲如此

任辰且榜姓韓字千之號待菴浙江蕭山人康熙丁未進士授江南上海知縣官至大理寺丞著有介和堂集

富孫按上海租賦盈四十萬漕復半之地產木棉不給漕粟待菴以意調劑不緩不急民困獲甦黃龍浦墮屣圯久不成命匠範石於陸第其甲乙牝牡之募善泐者暗埋石而累塚其中且壘石作堞使水無橫溢而又善下至今以為利賴薦舉後擢工部給事中改授大理寺丞

鶴徵錄卷六

七

毛西河集評記云子與任君待菴讀書城東草堂期為管樂不期為董鼂既遭鼎革子避物去待菴以第四人舉於鄉丁未成進士與禮部廷問第一人俱出頻陽門下各虛館職以待而待菴拂衣歸就子舍者八年例初改官者始縣令於是筮令上海操割其地若有餘刃予嘗過海濱觀其治歎曰此可謂非古之廉辦者與世稱君節儉有幹用予見君衣木棉疏屨廢馬無棧豆日買水二百錢親勿飲寢輒假標棧於薦紳之知者屋腐不葺天雨則持蓋行屋下薦紳之賢者請其教卻其所餽餉縣民有斃於追逮者君憐之不令制隸得執帖到鄉削木為牘遇有應逮書其姓名使都亭保給寄召之如期而至於爭相輸納不事鞭扑

王師南征造舟船渡湖檝諸縣督造道臣晉人郭度木子婦求
觀縣令者遮道出且有餉茶及鮮菓熟者既得木給值民
各辭金捐談林木間不得已令不取值者則散還其木於是
領去後度商人木給商值亦有辭至者予親見之案記中
所載

監戰事尤
明法如神

毛西河介和堂集序云少與待菴誦實長沙疏三過龍記及
旬日而予忘之而待菴不忘人嘗以此定優劣置予為詩歌
待菴著權書十篇示有用嘗戲為瑤瑛詩曰吾但為一詩而
千百詩具是焉自升賢以洎通籍間暇日多然究不為詩即
為詩窮極工麗擅庾鮑之勝猶棄去不存及試仕海上偶一
為之所稱介和堂者則官舍名也其吏治優游鎮靜得字人

鶴徵錄卷六

八

之大能不負所學矣又云戊午之秋待菴與予同在舉中會
收復西川不即較六論畱公車門待菴日為詩與長安舊游
酬酢往來今集中所為 帝京湯泉諸詩皆是既已大具詞
業呈門下兩省就試 殿前而其後以取數限也

今世說云安西估魏丙質齊布上海市中夜就旅宿醉臥風
雨大作失蒙金三百兩時上海令為任待菴素善識至是獄
不能定因詣城隍廟禱於神請以實告乃畱捕隨往者使待
命於神寢宮捕夢寢宮有幼婢出右手抱細女左手擊衣與
之及接視則裙襦也歸以告令俯首再三仰而曰夫賜衣
而得裙襦則非衣也非衣者裴也豈有裴姓其人者耶捕叩
頭曰似也閭左有裴愛無厲不事家人產其人儼旅舍傍而

得出入於其舍即欲得裴姓此當是今日然則其抱細女者
抑可知矣夫細女愛女耳吾聞納音之數陽姓從左今非
衣而右愛女其為裴愛無可疑者遂收裴拷之得實

儲方慶字廣期一字雪持號遜菴江南宜興人康熙丁未進士
授山西清源知縣著有遜菴文集

富孫按遜菴令清源時值軍興糧糧芻藁之費俱資以辦不
徵民間一錢邑中諸逋賦暨貧不能娶者多捐俸以之及山
水數漲為城害歲修白石堰禦之復以餽運不給因停修堰
徒步禱白龍神廟明年春山水改道而南去城十里喜曰吾
可保清邑數十年無患矣乃移建白龍廟以鎮之諸上官爭
為引重問入幕賓姓名而事皆手裁幕中故虛無人也

鶴徵錄卷六

九

吳星叟云戊午同徵 殿試廣期名在第一甲第五無何遭
易去又為眾所指名廣期作快驢行以譏當時長安貴人嫉
之益其帶性負氣如此

王祚興字 山西永寧人康熙丁未進士戶部郎中官湖廣
提學僉事

富孫按先生嘗為三水令興利除弊惠愛在民當時以循吏
稱及為提學孤寒名峻無不識拔頗有知人之譽

居易錄云族姪祚興嘗知三水縣云文太青光祿家婢皆能
詩曾得其倡和一卷許貽予又貽太青書扇一字畫甚奇怪
詩是攜內登文昌閣有句云酒盃好喚中黃老侍女都看夢
線筆

高向台字 山西翼城人康熙丁未進士內閣辦事中書舍

人

遇孫按先生學問淹洽賅博薦至都下名噪一時寶坻相國極推重之

趙驪淵字積生一字溥之浙江仁和籍上虞人康熙己酉舉人試罷任東陽縣教諭

遇孫按先生有送弟千里南還後答友人詩書寄先徵士公

云天涯樹色暗征鑣豁眼飛塵逸興饒燈火夜浮燕市月酒泉人湧浙江潮黃金未必酬雙闕白雪先煩寄六橋知有雲

山高際關一鴻南去慰無聊

馬駿字圖求江南山陽人康熙己酉舉人

鶴徵錄卷六

十

白夢鼎字仲調號孟新又號蝶菴江南江寧人康熙庚戌進士官大理寺評事著有天山堂彙

富孫按蝶菴少與兄夢鼎勤學尚志節時有二白之目當開

末俱以公論忤貴人陷於獄母陳氏怡然曰子為范滂吾獨不為滂母乎會國變得釋鴻詞之徵為總憲魏公象樞所薦

庚申副主福建鄉試

池北偶譚云金陵白評事為湯陰王東臯

丁巳吏部卒於家訃聞京師仲調為位而哭又於慈仁寺中

受弔凡弔者拜之如子弟執父兄之喪蓋本檀弓孔子之於

伯高古禮也一時稱之

許孫荃字蓀友一字生洲江南合肥人康熙庚戌進士官至翰

林院侍講陝西學使著有慎學堂詩集

遇孫按生洲負穎嗜學肆力於文辭詩激昂悲壯多燕秦之

聲如潼關等作非循行數墨家所能辦由庶古士改戶部郎

中出督陝西學政勤於課士行部所至遇古聖賢名蹟力為

修復表章敬事李二曲為刻其所著書

姜湛園思硯齋記云僉憲許生洲先生示余以施侍講思硯

齋記先是僉憲大父中丞公為紹興守得硯於臥龍山麓刻

天然硯三字畫其背為東坡小像中丞寶之終身兵亂失去

子封奉直公追念出涕因營齋而居之以思硯為名僉憲官

京師徧謁於所知求詩文以述其尊先生追慕之至而冀少

慰其思侍講謂奉直公能不匱其孝僉憲能曲成其志信也

鶴徵錄卷六

十

僉憲公新奉 命督學關中裝行有日緣奉直公志將躬行

表帥講學明道以興起其一方之士子意甚盛也

鄧孝威詩觀云四山督學秦中數載不得其音問戊辰從郵

筒兩得其華嶽集時選事已竣採其高篇復為附入校士方

冗乃能吟詠如許之多且高華沈鬱俯單詞壇其胸次何如

也

許自俊字子位江南嘉定人康熙庚戌進士試罷授山西聞喜

知縣著有左氏提綱歷游山水記三通要錄司計全書了公宗

旨潛壺韞齋等集

富孫按韞齋知聞喜時攜一子一僕食脫粟飯佐以青菜往

來郡省策蹇而行費上官詩扇外無他物用法甚平民多勸

喻雅工詩文名勝處題詠殆徧尋以乞休歸行李蕭然當時
稱為清白吏

張英字仲張浙江海鹽籍海寧人康熙癸丑進士候選中書官
至廣東提學道著有一經堂集

遇孫按仲張幼有聖童之目博綜典籍著述俱有根柢癸丑
成進士出桐城張文端之門師生同一姓名當時以為奇及
戊午分校北闈文端子廷瓚復出仲張門雖以因緣論理藩
院知事而淵源鍼芥之合至今傳為佳話薦舉後遷中書科
歷禮戶二曹以僉事提學廣東將之官以母憂歸旋卒於鞞
州旅舍

程大呂字

湖北孝感人

康熙癸丑進士

三

遇孫按先生有題吳孟舉黃葉邨莊詩極工見篋中集

高層雲字二鮑號讓苑別號菰邨江南華亭人明檢討承祚孫
康熙丙辰進士授大理寺評事官至太常寺少卿著有改蟲齋
集

先生工詩工畫工書法京師稱為太常三絕

富孫按先生嘗為吏科給事中章奏屢上皆秉禮執法多所
彈正工詩文善書畫得者多寶藏之有長亭怨詞送先徵士
公之濠州云見寒柳一枝斜偃試折空條怯憐秋晚樹隱青
帘短亭人去夕陽遠郭家荒宅應猶剩殘書幾卷舊日濠梁
魚縱樂和誰同看題怨野橋分袂後慵到向時吟館重繙小
譜怎忘得竹根擊棹甚涼雲也滯愁飛悵雁影半行催斷使

夢繞淮南拚把雙坊尋徧尾末自註云濠州郭近澤傳寫書
籍至萬卷號為書藏錢易詩云郭家書藏舊焚香數盡書來
宅已荒夢曉坊中人不見昔年門館共淒涼此照玉田集兩
闕填其第五句遠遊歸後共誰語詞綜後作時想刻本訛也
字法極似香光洵為能品復作秋亭送遠闕於扇頭云余與
秋錦先生別既譜小詞贈行離情黯黯復作此圖使面旅中
展玩恍似郊原攜手時蓋我兩人相得甚歡雖關河之遠猶
欲奇之翰墨以志不忘如此也畫亦淡雅絕倫

阮吾山云康熙二十六年正月二十六日諸王大臣議禮永
康左門諸王以次環坐內閣九卿科道議畢閣臣白其議向
諸王長跪移時武定李公之芳年老踣地吏科給事高層雲

鶴徵錄卷六

三

披章彈奏 天潢貴胄大臣禮當致敬獨集議國政無不列
坐况承康左門乃 禁門非大臣致敬諸王之地大學士輔
弼大臣當自重諸王宜加以禮接疏入交宗人府吏禮二部
議凡會議時大臣見諸王不得引身長跪著為令

李瑞徵字 直隸容城人康熙丙辰進士

富孫按先生學問該博嘗與修畿輔通志惜未見其遺著
王含真字樸齋號寅若山西猗氏人康熙丙辰進士

遇孫按寅若幼穎悟工文章學有根柢與人言率本諸經好
義樂施知舊多賴以舉火嘗建尊經閣聚邑文士月試之如
鄉闈例皆予以館穀猗氏學滋興當太常卿朱公裴保薦時
以父嚴徵齒高不欲出父促之不得已就試試畢即日馳歸

父卒雜骨苦居見者咸歎其孝至戊辰赴銓疾作而卒

金居敬字穀似江南長洲人康熙乙丑進士授山西靈邱知縣

富孫按穀似出阮亭門下少負才名遂於經史制義取法震

川屢蹟塲屋登第年已暮矣嘗與孫致齋同修 幸魯盛典

書成授靈邱令惜未竟其所學尋卒於官

王阮亭蠶尾集云穀似以文章擅名當世未登館閣謁選得

雲中下邑無幾微慍色作長律十六韻畱別都下同志不鄙

棄其民而唯願以文翁為法此其志不在溫飽可知也

陶元淳字子師一字紫司江南常熟人康熙戊辰進士授廣東

昌化知縣著有南崖集

富孫按紫司以太學生薦舉業有聲於時後師事閩潛邱

鶴徵錄卷六

十四

益高覽載籍令昌化作浮糧考魚鱉冊會稽經費錄區分縣

事如家事為民請命與上官往復于言動以至誠海外武弁

驕橫盡發其姦狀將吏無不歛戢時行却落問民疾苦行不

坐珠著不張蓋以勞卒於官邑人尸祝所謂古之循吏非耶

全謝山云紫笥以古文雄於吳下時論比之范蔚宗崑山徐

尚書雅重之延之書局其後以募元致失歡而同里翁尚書

排之尤烈及成進士不能入詞館知昌化縣孤羈窮島竟卒

於官

李大春字 陝西西安人舉人

葉灼棠字 江南江寧人貢生官福建興泉道

遇孫按函公任閩副使時頗有政聲其條教告諭剴切詳明

得王文成公遺意至今人多稱之

譚吉璵字舟石浙江嘉興人明太僕卿昌言孫監生試補宏文

院撰文中書遷延安府同知陞登州知府著有延綏志肅松錄

爾雅廣義嘉樹堂集

先生父名貞良五經進士其才不可一世人稱築巖先生一

目數十行下嘗以諸生應秋試五經文並完雙行小字以繳

監臨中丞大驚封卷奏進遂以五經舉進士前朝五經之科

自公倡之也

富孫按築巖先生入漳遇寇先生尚幼以身蔽父擊之不去

寇曰此孝子也舍之與弟左羽並能文同知延安時副將朱

龍叛身宿城上與民死守川寇陷延綏運道絕命勇士間道

鶴徵錄卷六

十五

渡河以山西粟突圍入榆林得完尋膺薦舉遷登州太守

顧亭林云舟石勤於讀經叩其書齋插架十三經註疏手施

朱墨始終無一誤句我行天下僅見此人

施清字伯仁浙江錢唐人拔貢生考授布政司經歷補永州通

判著有十三經異同解攬雲懷新等集

富孫按伯仁少穎悟篤學嗜古及長工詩文補博士弟子以

選貢授國子監官學教習課士嚴而有法除陝西參軍尋知

巴州薦舉後起廣州判以內艱歸補永州主岳麓書院講席

學者雲集

陸次雲字雲士浙江錢唐人監生考定州判試罷出知河南鄭

縣丁父艱起復知江陰縣著有八紘繹史繹史紀餘荒史峒谿

志餘 清詩選湖塘雜記北墅緒言澄江集玉山詞

富孫按雲士詩極排募能獨出新意徐健菴先生敘其集知

邨縣有惠政去之日民走送累百里雜著甚富又有條論經

史三書其發揮意理者為尚論持平辨証疑似者為析疑待

正較析句讀文字異同者為專文標異

潘藩大字 江南 人監生考選江西宜春知縣

張雀字一衡福建侯官人副榜授光澤縣教諭

遇孫按韓慕廬有送張雀還侯官詩云往惠子琅玕氣與江

湖奔真奇欣激賞交臂不可讓又云神物必騰躍高鳥歟飛

翻三年泣和氏百里豈士元

趙廷颺字 陝西 人拔貢生原授鞏昌府文縣教諭候

鶴徵錄卷六

補國學員缺

宋維藩字 浙江 建德人貢生候補州同著有白雲閣詩集

遇孫按先生詩極清綺嘗有寶華洲和楊仲延韻云一湖蒼

翠護城灣高閣登臨晝掩關涓滴流來曹洞水雲煙堆出米

家山游魚應解濠間樂舉世誰知竹裏閒不謂使君多逸興

尋詩終日竟忘還

朱培字 浙江 人歲貢生考定訓導

鶴徵錄卷第六

門人張湘校

鶴徵錄卷第七

嘉興李集敬堂輯

從孫富孫 續輯

孫男過孫

與試未用三十人

陸元輔字翼王號鞠隱江南嘉定人布衣著有十三經註疏類

鈔菊隱集

先生為黃陶菴先生高第弟子博貫叢籍尤深經術同人推

重之有折角奪席風焉 召試之日恍惚見陶菴先生以不

入格罷

余同年友金蓉曰曝書亭藏書八萬卷為古今之大觀及至

鶴徵錄卷七

廣陵書局見馬秋玉至十六萬卷然細閱之秋玉於正本之

外得宋元善本兼收並蓄又錄其副是以倍之其實亦止八

萬卷其精本鈔之竹翁者居多又曰竹翁書最可惜者有二

一為明西亭王孫之經序錄歸有光敘之實未有刊本自孔

子後凡十四經之夥畢載焉為總敘為自叙為題跋為書後

凡註釋經者纖悉畢探覽其敘目竟不必見元書也西亭之

書沈於水竹翁此書不知流落何所一為陸先生之續經籍

考馬氏通考惟經籍出門人手大約取材讀書志及書錄解

題間有誤處先生訂其謬而正其失自宋末元明至 本朝

初年苦心搜羅零篇斷簡無弗登之竹素凡姓氏爵里人品

功業國志閭書一目了然末附以評論有已出者有採之他

人者識者謂遠勝王圻之窟入二氏也竹翁經義考以二書為藍本惜又逸去無存矣西亭鈔本約四五十冊續考亦稱是今附書於此以俟訪求焉

富孫按先生少師陶菴先生以敦篤之姿精微之學稱之其學博極羣書而要歸於六經人皆稱陸先生不舉其字學行洵不愧師門

姜湛園菊隱說云陸君翼王少事舉子業中遭感憤廢輟窮研於六經無虛日夜各成疏義十餘卷其自號菊隱予視其庭中無一菊者竊疑其所稱非實然菊之為性掩葩於豔陽之日挺節於嚴霜之候是屈子之所欲餐而陶公之所嘗采者也以君之慕乎古合是其奚取焉

鶴徵錄卷七

二

陸冰修十三經類鈔叙云翼王嘗讀書王太常煙客家家曉城先輩多經學之士如張公路張茂仁邱子成唐叔達徐汝廉之流指不勝屈翼王又親為陶菴入室弟子宜其學有師承而著書足以垂後也

經義考云嘉定陸翼王毅然欲別撰續經籍考以洗王圻之陋窮年鈔撮積至數冊未經刪定而歿然元明遺籍索隱抉微不少

吳雯字天章號蓮洋山西蒲州人生員著有蓮洋集

先生少負異才所至輒傾其座有題雲林秋山圖云經營慘澹意如何渺渺秋山遠遠波豈但穠華謝桃李空林黃葉亦無多亟為阮亭所稱竹翁贈詩云吾鄉詩人李十九常把君

詩懷袖中蓋先公亦愛其才又嘗集古人嘉事為一編名曰蓮洋烏絲集手寄先公一小冊書法古雅惜逸去

遇孫按先生詩情高邁當世無輩先公畱別詩云磊落寓浮湛雯也得其趣悠悠彼何知但賞子詩句竹翁贈天章詞亦極推重徵赴京師獨不掃門時相臨胸馮相國讀其所作詩文大加歎賞素琬二氏書頗有出世之志

王阮亭云蒲坂吳天章予同年臨穎君允之子初至京師未知名余亟賞其詩謂為仙才一日待漏朝房誦其句於葉訥菴云泉繞漢祠外雪明秦樹根濃雲溼西嶺春泥霑條桑又門前九曲崑崙水千點桃花尺半魚葉大驚異下直卽命駕訪之吳詩名大噪都下在京偶得漢銅印文曰河聲嶽色

鶴徵錄卷七

三

吳家中條山南永樂鎮臨大河對岸卽華嶽三峯也玉谿李義山家於此又云天章天才超軼人不易及嘗為予題雲林秋山圖尋常眼前語正自百思不到晚買小圃中條之陰有竹數百竿榉橋各數株余題之曰中條竹陰乃未及歸老而天章死矣惜哉其集遺言屬余刪定後世必有知之者

李良年字武曾初名法遠又名兆潢號秋錦浙江嘉興人生員著有秋錦山房集

富孫謹按先世與海鹽虞氏為世戚先徵士公初襲虞姓諱兆潢占籍補博士弟子後卽更易鴻詞之舉趙磨部隨以今姓名本貫列薦於朝查嘉邑儒學竝無其名磨部幾于吏議曾有書致先徵士公云但得申時虞某卽李某便可免

議全謝山詞科據言戴蕝塘吏垣贖略兩名並列俱屬謬誤
朱竹垞徵士李君狀略曰君九齡能草時文十齡解賦詩余
方避地長水借里人詩篇酬和處士屠燼曰子之才甲中罕
儷吾門有李生將來庶幾與子並駕乎君兄繩遠弟符江左
言詩者目爲三李後君至都下無所遇畱宣府余從逆旅見
君復偕入都游西山題詩於壁傳抄者不絕一時朝士爭欲
識吾兩人每名客輒問座中有朱李否合肥龔端毅公鼎彝
爲文酒之會延知名士三十餘人君以墜馬後至燭見跋矣
必俟君至乃舉爵宛平孫侍郎承澤謝客著書特與君爲忘
年友長洲汪編修琬爲文高自矜詔獨傾心下君君方欲羅
當代之文甄綜爲一集曰文緯人咸冀君之錄其文也故編

鶴徵錄卷七

四

紆之投恆倍又持論和婉多可少怪故人皆樂就君論說永
年申檢討涵盼常語人曰聞朱十論詩文使人心惛未若李
十九之可親也時曹侍郎申吉出撫貴州引君爲助既聞三
藩同撤曰亂將作矣遂力辭歸既抵家雲貴告變已未試罷
有鳳陽守延君君與借畱久之歸築秋錦山房於漾葭灣南
曰觀槿東曰剡舫北曰息游草堂坐臥其中弟子著錄者日
衆其後兩至福州贊巡撫軍事尋以崑山徐尚書乾學開書
局於洞庭山君應其招助修一統志自是歸不復出
附文緯敘例
某不敏自束髮受書迄今二十年所性不近名聲踈晚晚未
能有所表見願亦嘗自奮於作者之林而窺其梗概矣夫文

章關乎運會頃者海內又安上自公卿百執事下逮山林間
巷之英並以餘閒發爲著述起衰救弊此千載一時也某竊
觀往帙如唐文粹宋文鑑元文類各有專書明雖無定本選
帙尤繁所以昭一代之文獻備將來之徵考非祇粉飾太平
已也今 昭代鴻篇度越前古樂其散軼何以闡揚盛業垂
示來茲乎用是不揣固陋妄謂斯任可肩擬有

皇清文緯之選蓄志有年復以今日選家林立必有出而哀斬
者需其善本又歷歲時今者目擊時趨不能自己爰以夏五
經始搜羅但耳目難周隕越是懼伏冀羣公盡發篇章更爲
指示弗以小生末學狂僭迂疎坐觀其不逮則斯文幸甚而
某亦藉手以觀厥成矣

鶴徵錄卷七

五

文體先後略如文粹例而去其冗繁補其疎略先詩以古體
分樂府次騷次賦次奏疏次制策策問次經旨次論次議次
不另列次騷次賦次奏疏次制策策問次經旨次論次議次
碑表誌銘次記次頌贊次書次敘凡時文序及上書次考次
辨次解次說次祭文哀辭誄次傳次書事次題跋次雜著凡
爲類二十有一爲體三十
文以代分凡甲申以前之文不錄至如勝國名賢或廟堂之
上晚謝簪纓或韋布之士永矢巖壑尚欲另爲哀輯茲集未
敢徧徵至於聞見所及偶登一二比於元文亦列遺山而鐵
崖雲林諸公並見國雅及各家詩選內往例可循初非混載
閱者諒之
詩列卷首與專選詩集不同古體詩近體稍略

經國大文莫先奏議茲選尤所亟求然如糾彈一人題請一事者美不勝收恐滋簡帙未敢悉登

各體文必關經術持風教紀山川述異人異事則錄他或漫無寄託或敘記等篇迫於酬應有諛無規作者既非本懷雖美弗入

閉戶著書末由宣索人既遠遺草終湮表章推輓之功於斯為亟大雅君子伏惟留意事展轉以相尋冀傾筐而見示諸名家專集見投篇章浩繁必再三詳慎而汪鈍翁左司時相晨夕每聞高論取益良多凡臆見所不能定者悉從商推選家非急於沽名即貪於射利或推尊一方標榜數子或瑕瑜並載良楮雜陳既非海內之完書徒示將來以不廣此昔

鶴徵錄卷七

六

今通患也某一介淺儒何敢妄加評定然稍知自好正欲力矯流弊歸於正大庶無仰玷名篇亦見編摩微意

選家附見已文久成陋轍某茲集不敢攙入隻字

河山迢遞郵寄為艱然是選也薦紳多匡助之雅吾友著同聲之應都會所在浮沈無慮如都下諸先生則寄汪鈍翁程

澧榛兩戶部劉公敵考功王阮亭儀部譚舟石舍人處維揚王築夫孫無言處白門倪閣公處吳中計甫草孝廉處武林

陸左城王古直處嘉興鍾雪園俞右吉兩處士家兄斯年處徐林鴻字大文一字贊名浙江海寧人生員著有兩間草堂集

富孫按大文之先本莆田林氏後徙海寧贊徐氏因襲其姓大文天才俊逸早有聲藝苑時婁東雲間江左與武林諸名

士各立壇坫以文章震耀一時大文以年少馳騁其間爭相引重試有司輒冠一軍學通今古工辭翰上擬左氏下類兩晉咸謂有良史才巡撫陳公秉直薦舉應試放歸掃一室讀書其中作為詩歌清新典麗尤篤友誼漢陽王明府世顯南昌王處士猷定客死於杭太倉王徵士吳四明周處士容卒於京皆為經理其喪復收遺集以付其孤竹垞撰墓銘深以不得同入史館惜之

毛西河徐寶名詩序云往者見寶名於姜侍御座間已知其詩不詭隨及與子同舉制科時諸賢各以詞業投相公幕下子從高陽益都兩相公許讀寶名詩怪其違時而孤行暨子歸田後僦居杭州在昔同方講藝文者皆老死無復存而寶

鶴徵錄卷七

七

名歸然往往相見道故舊外自傷年及桑榆經學之不明又何暇及藝文事而寶名之詩則哀然為學者所宗豈非主平時而不與斯時為低仰者與寶名抱長才重與時違四方羔雁不絕於門聲名播寰宇其作述之盛何止聲律嘗為貴陽使作龍番志惜先我而逝徒以遺詩數卷拭泪眼而為之校讐也

今世說云徐大文少時即名播江左數好遊所至公卿大夫及賢豪長者爭願交歡又云大文將游豫章其友吳慶百林玉達送之時徐年少慷慨涉江遙指笑曰吾過洪都惜子安已歿無可與言詩者客或乞吾書正恐麻姑碑板羞見吾耳其簡傲如此

陳英字堯夫浙江秀水人生員著有東谿詩藁

先公集中有晚泊京口堯夫乘風便先發一詩云識路不妨
我後涉乘風輸與客揚舫益途中感遇之作也然聞陳先生
先發被劫返適告捕頭踰後至都門事誠有不可測者

吳農祥字慶百號星叟浙江錢唐人明官充太沖長子生員著
有輿圖隸史彙考補錄文獻通考嘯臺讀史綠窗讀史梧園雜
志宣齋南歸雪鴻流鉛嘯臺等集

星叟博綜能文與志伊齊名虎林呼為二吳

富孫按星叟少異敏一覽即能成誦家有賜書鍵戶伏讀如
經涵史馳騁百家陳司空鼓永謂經國宏業固賈生晁令之
倚即雕蟲小技亦相如子雲之亞其推重如此戊午司空遂

鶴徵錄卷七

八

首疏薦巡撫陳公秉直亦以名聞俄為忌者所中放歸網羅
遺佚以著書自娛總督尚書李公鄴固既定閩亂聞星叟名
請見欲留之幕中辭歸尤精於易與毛西河極為友善論議
不肯苟同又有錢邑志林唐詩辨疑詞苑等書

星叟云益都相國集名流於幸舍古文則舉農祥及汪琬儷
體則舉祥及陳維崧詩賦亦舉祥及毛奇齡小詞則舉陳維
崧彭孫適趙閩而又以祥為首此語楊雍建自西道之言公
在會場編告賓客也

松窗筆乘云錢唐吳慶百海寧徐大文同學文善皆有詩文
名吳尤工儷體徐通敏諸大吏皆延之上客吳疎懶放浪文
酒間戊午同席薦入都止竹林寺聲譽並噪一時又云兩君

皆與予同庚 召試時予繕寫垂竟忽眩暈久之始能完卷
時以薄暮大文交卷訖復留待余同出長安門今墓木已拱
念之未嘗忘也

葉葵苞字九來江南崑山人監生

先生兄某早歲成進士入翰林頗自矜許先生少負異才博
雅擅詩歌至京師名出兄上與先公交至契己未之徵先生
名登薦牘與先公同為所忌并試卷匿之

遇孫按先生善繪事嘗有水墨山水便面贈先徵士公極澹
雅之致與兄割分一園名曰半齋當時諸公多題詠之

陳迦陵葉九來詩序云九來年少負盛才為人礪礪善使氣
目光閃閃若巖下電酒開譚說聲如洪鐘余嘗於棘闈中漏

鶴徵錄卷七

九

下四鼓聞有呼於明遠樓前者私語同舍生此必吾九來已
而果然鹿城葉氏華要甲天下九來居平獨崧腕言曰大丈
夫富貴吾所自有不可知者年壽耳吾鳴筆跼蹐旦晚而
遊於鳴珂狹斜間猶不失吾游閒公子態也以故九來於里
中頗多狂名

施愚山青及軒記云葉子九來作軒於玉峯之南名之曰青
及去年夏秋間以博學鴻詞徵之有司敦迫切峻單車詣

闕逾冬涉春遂巡待 詔乃南望歎曰春已過半遂逐無所
底安能舍吾軒蕪吾田而塵盍處乎然葉子方擅文辭多游
好又有伯氏學士為顯官於 朝吾虞葉子之歸不果也孰
知竟以忌見斥耶

吳星叟云九來爲人豪達爽直爲掌院學士劾菴從弟 殿
試擬第二甲第四名學士歡噪遣女奴馳白之九來感涕不
知何故失之嘗於未試時命諸名士製其藹園雙鶴詩余有
素翎凌雲丹頂奉日之語及余同有第一甲第三之擬笑曰
君言詩識矣後俱駁放誦前言而黯然命余更爲之仍邀余
南歸遊蘭園當作平原十日之飲急歸不果今又六年矣未
知故人何如耳又云吳衡才三閣臣而收掌則掌院也
皇上已呼召宣付至四十八人忽顧杜立德馮溥葉方藹項景襄
李天馥曰此外豈無龍虎漏珊瑚之網者乎於是馮以農祥
徐林鴻咸清王嗣槐對杜以白夢蘊施清高向台對而葉以
奕苞對且捺吳音曰渠臣從弟也臣若不舉當啣恨刺骨

鶴徵錄卷七

十一

顏不擇迷悉罷去不用而是日補入者爲邵吳遠爲嚴繩孫
閻若璩字百詩號潛邱山西太原籍江南山陽人生員著有古
文尚書疏證四書釋地潛邱劄記等書

遇孫按潛邱五世祖自太原徙居淮安小時口吃資頗鈍讀
書至千百過未熟十五歲冬夜讀書有所礙沈思堅坐心忽
開朗自是穎悟異常是年列學官弟子康熙初始游京師在
都日與汪鈍翁反覆辨論不合性好詆訶詞科五十人中獨
許吳志伊之博覽徐勝力之彊記謂李天生杜撰故事汪鈍
翁私造典禮所服膺者三曰某曰黃太冲曰顧寧人平生長
於考覈有闡先儒所未發所著疏證一書攻擊古文可謂不
遺餘力矣後崑山徐尚書健菴開局洞庭纂修一統志潛邱

與顧景范黃子儀胡肫明俱以專精地理共爲編輯越秋谷
至謂百詩學問博洽幾欲前無古人子詠進士官中書舍人
毛西河送閻徵君歸淮安序云子避讎之淮安與閻君潛邱
交暨之梁宋復歸淮則稍稍有言潛邱君年損而學多者於
是躬詣之與之遊及予還舊鄉會開制科舉天下彊才有學
之士徵車四出其在淮則潛邱君首應之子得相見於京師
觀其所著書夥願哉言洋洋乎乃不見用而罷值司寇徐公
承 命修天下志書未成聘潛邱君掌其局多所論著既而
謝去出其所辨尚書二十五篇廣其文約數十卷挾之游錢
唐時潛邱亦垂老毛髮種種而予則歸田有年越七十衰矣
乃取所爲文讀之謂之曰吾不知於漢北海君相去何等若

鶴徵錄卷七

十一

唐之孔仲遠宋之深寧叟則出之遠矣

郎戴瓚字 浙江錢唐人生員

馮行賢字補之一字圃芝江南常熟人布衣著有餘事集

富孫按圃芝爲定遠先生之子詩學白樂天卻有自得之趣

與吳蓮洋最善

居易錄云補之交於余能詩工書予二十年前曾選定其詩

云

鄧林梓一名琳梓字官堂號玉山江南常熟人布衣

富孫按官堂爲明孝廉文度先生曾孫生而穎異年十三作
空谷詩見賞於松園老人呼之爲鄧空谷爲諸生名藉甚尋
以糧累黜去益肆力於詩歌唱酬皆一時勝侶屢集冒氏版

強園同人集頗載其詩久之被薦入都而卒

王宏撰字無異號山史陝西華陰人監生著有易圖象述筮述
砥齋集

先生博貫載籍書法逼真右軍尤深易學曾為先公書扇小
楷如鍼匹細繹之乃所著易學乾卦也象義兼該不肯附和
宋人至今寶藏之

富孫按先生工書法博學能古文酷嗜金石王阮翁稱為博
物君子所著十七帖述并註極雋而核又刻華州郭宗昌金
石史家藏漢唐以來金石文字甚富古文辭亦嫻雅已未徵
至京師居城西昊天寺不謁貴游有病臥昊天寺述懷云
盛代開東閣徵書下五雲彈冠疑貢禹對策憶劉蕡敢謂功

鶴徵錄卷七

三

名薄無如出處分故山冰雪夜猿鶴數聲聞遂以老病辭不
入試罷歸關中蓋張雲叟一流人物所居華山下有讀易廬
潔穠無纖塵阮翁典試滇南嘗訪之山居聯額皆孫鍾元鄭
谷口李天生諸名士書其獨鶴亭在華北與三峯相向嶽影
滿窗陰翠可愛易圖象述等書即讀易廬中所著

汪鈍翁砥齋集序云王子既與子定交因出是集示予讀孫
督師傳庭公傳采輯情事既詳且核加以敘次簡潔有法頗
得太史公傳傳斬削成之遺意王子多讀前明故實尤好鑑
別唐宋以來法書名畫平生為文甚夥其議論馳騁今古悉
有依據非苟作者

池北偶譚云頃來京師觀山史所攜書畫聊記之定武蘭亭

五字未損本有米元暉宋仲溫二跋又仲溫臨趙文敏十七
跋又興唐寺石刻金剛經貞觀中集王右軍書又漢華山廟
碑沈石田秋實圖三物皆華州郭宗昌允伯家物皆有允伯
跋華山碑有虞山長歌即所謂郭香香察未選辨者也又李
營邱古木賈秋壑題詩語潦倒可笑華亭董宗伯得之南充
陳文憲公者有跋又唐子華水仙圖甚妙今諸物惜不知流
落何所矣

今世說云王山史學粹天人性命克紹濂雒關閩之緒與李
天之初未相識一日邂逅長安茶肆隔席遙接各以意擬名
姓及詢之皆不謬遂與定交

楊遠吉字六謙山東即墨人貢生著有味道樓集

鶴徵錄卷七

三

遇孫按 國初詩人山左稱盛如趙清止宋荔裳王西樵阮
亭諸公名滿海內六謙與田子綸曹升六李漁邨王仲威後
先並起各自成家了無扶同依傍之病嘗有秋夜寄彙征伯
兄詩錄跡先徵士公云游子久不歸畱滯在何方白露忽已
屆夜雨凝清霜不知霜早晚但見草木黃南園收芋栗臨崖
割蜜房及此歲末暮好治我衣裳於物雖少取與世幸無妨
俯仰體自適邱壑性難忘漢陰有父老策杖話羲皇書法亦
似褚河南

施愚山贈楊生序云卽墨楊生還吉志潔而行芳才茂而年
盛其鄉皆稱之不肯就有司試縣令張君琛折柬招之強而
後出余為補諸生冠軍鑄其文生以其詩文為費逾年萊州

憲使張君又合校萊士而冠之遇以國士張君號知人生用是名益著

羅坤字宏載浙江會稽人監生著有蘿邨詩詞集

富孫按毛西河謂宏載新詩已能到河間平視近代邊徐一輩其文大率記所游雖小品頗善摹畫每讀一首如展畫一幀又精小學能篆刻偶作竹木奇石法老遠為舉放歸益肆力詩古文辭名流咸推重之嘗題楚中見嶽樓有一城樹色圍煙火百里江聲送夕陽之句

朱士曾字 浙江山陰人布衣

遇孫按先生與朗詣為兄弟行擅詩歌工書法竹翁嘗有蘭亭行贈朱大云吾宗韓也書絕倫頻過論書仍論文臨池就

鶴徵錄卷七

古

我一題扇世上俗學徒紛紛又送與錢六同游白下云一朝

並馬金陵去間殺羊欣白練裙

徐咸清字仲山浙江上虞人明兵部尚書人龍子蔭監生著有

資治文字

富孫按仲山居會稽之稽山一歲能識字五歲通一經甫束

髮以官監生應鄉舉有文名娶冢宰商等軒周幼女嗣音能

詩乃就稽山闢廣庭構藥欄設長筵發所藏書散瑑之對坐

縱觀暇則抽牘各為詩文昭華執經於毛大可亦有詩才仲

山嘗博取訓纂說文玉篇篇海諸書以正字形取切韻唐韻

廣韻集韻諸書以正字聲而縱考經史子集暨唐宋元諸大

小篇帖凡有繫於說文者悉搜採以正字義名曰資治文字

凡一百卷戊午至都謁高陽李相國爵相國工小學與論字多辨詰是非深為折服

毛西河資治文字序云仲山洞精字學其於三蒼爾雅諸書自李程以下正變沿革源流瞭然且又博極墳典資所考核古文篆隸無不殫哲觀其發凡大約有正字正音正義三端依韻分部部下分畫畫下分母前正後俗始古終今其訂証之確引據之博自經史子集及九流百氏稗官小說搜輯貫穿洋洋乎一巨觀也蓋將以佐一代同文之治豈僅為載籍之先資哉然仲山為是書雖本學力實有夙悟太君俞夫人以識字稍魯發願惜字句鬻一善識字兒見利字必拾出入贏管仲山生甫歲餘即識字稍長學書法輒能自為起止學

鶴徵錄卷七

五

象亦然其穎悟如此

制科雜錄云同志有學最相好者惟上虞徐仲山以其無寓薦之益都師將遠至外舍時吳志伊與諸公先在舍仲山偶以辨字與志伊不合遂不果後益都力薦仲山 召試拆卷時於上卷中斥去一卷

上命擇一有名者補之益都以仲山薦

上曰有著作乎曰有資治文字若干卷旁一學士曰字書小學

也遂置不問

阮吾山云徐仲山 召試歸益都馮文毅贈聯曰 北闕上書識盡西京才子東軒 賜食歸貽南國佳人商夫人後年八十容貌如二十歲朝夕惟飲乳汁猶吟詩讀書不衰

夏駟字文茵一字宛來浙江烏程人歲貢生著有爛谿堂集

富孫按宛來工古文游屐徧天下已未總憲魏公環極以浙江學使程某歲試湖州關防不密為一戚屬舞弄至以簞盞不飭見於彈章辭連宛來薦舉時在京師有書數千言致魏公自為剖別言程學使未經抵浙先已入都然事未得白竟不獲與試

戴履塘吳興詩話云康熙己未鴻博之選吾湖只舉夏宛來旋以蜚語未試借趙黃門吉士赴交城任著交山平寇本末採鐵鑄劍佩之有青鋒三尺腰間雪斑管干枝夢裏花之句淪落以終沈閣學涵贈詩云一笑功名看塞馬忘機心事羨沙鷗

鶴徵錄卷七

六

陳儋字謫公直隸清苑人拔貢生著有燕山草堂集

富孫按謫公嘗受業於清苑高淵穎其文為當時推重堯峯集中有與陳謫公論文書謂劉公誠盛稱其文以為不減古人計甫草亦稱其所為邊大綬傳等作

居易錄云門人陳儋以古文名河北來京師弔真定梁公示余上谷殉節紀事敘述甲申流賊之變邵同知宗元張光祿羅彥金御史毓峒諸公事蹟甚得太史公筆

松窗筆乘云清苑陳謫公以詩文名河北豪邁不羣自言生平不肯作無關繫文字 召試入都貽余書有云素不耳食非目覩不敢信獨於予歎相見之晚蓋愛而忘其陋也余奉使過保定擬造訪之以 王程致迫不果

宋涵宇叔遂江南溧陽人監生著有蘭楚堂集

遇孫按叔遂髫歲即善制藝肆力詩古文詞探抉閎奧縝紉盡天下知名士後以父年衰欲博一第以娛親乃就童子試即獲雋戊午薦徵鴻詞罷歸徜徉泉石舊交貴顯者不妄削牘以干人歎為高雅

葉方蔚字 江南崑山人生員

富孫按先生為學士訥菴弟放歸後讀書吟詠以徵士終鏡竹汀宮詹會覽其行狀為予言之

成其愿字 山東樂安人生員

遇孫按先生與少司馬思崑能為兄弟行思崑通知天文賦據岳州官軍未即攻拔時為御史密疏言當於某日克復

鶴徵錄卷七

七

岳州已而捷至如所言後長沙之捷雲南會南之捷皆密疏克復時日不爽曾任浙藩亦有惠政

紀吳宇仲弄號肫菴直隸文安人生員

遇孫按肫菴兄愈字孟起康熙丁未進士官戶科給事中夙具偉略歲己酉倡先守禦土寇邑賴以安弟元中順治乙未進士官淮安府同知文安紀氏亦推望族肫菴詩蔣景祁瑤華集中選錄數首

紀曉嵐云河間紀吳作獻舉鴻博以天性疎放恐妨遊覽稱疾不預試

程易字兼三江南休寧人廩監生

富孫按兼三少力學工詩詞善屬文並有名於時皖中稱為

才子

方渭仁程兼三詩敘云今士之能詩文者莫不待詔 闕下新安程君兼三游京師褒然舉首余從江君辰六得觀其所為文一口介朱君續菴以其詩屬余為之敘君負才不偶所為詩未嘗輕示人顧乃抑然善下就拙工而問繩尺然則君之虛懷誠不可及也

戴茂隆號蘿軒浙江平湖人監生

富孫按徐圃臣清引堂集謂蘿軒本松江籍徙居當湖嘗有春藻堂讌集詩錄寄先徵士公云物候三秋換賓筵兩地分遠方欣命駕終夕與論文屋角明蟾魄天風落雁羣百年華歆會揮手謾紛紛

鶴徵錄卷七

許先甲字彝千浙江杭州人廩監生

遇孫按先生為勉無子勉無讀書竟夜不輟先生能臥聽父讀書巨輒默誦無遺少岐嶷總角風氣更進嘗詣從祖原老每索冠見之左右曰孫見祖何復著此原孝曰此子是許氏南來之秀

今世說云彝千嘗登語谿大橋目城中青楓歷歷歎曰此樹不知幾歷興亡司訓桐鄉時值盜警城無守禦邑令惶怖彝千曰是可先聲奪之邑中火炬齊發金鼓震撼盜以有備駭去邑令歎曰公此舉雖古曳柴增炬剪楮削木何以過是

周起莘字次修浙江蕭山人廩監生

遇孫按次修詩有氣岸嘗贈林爾公云洛陽花近清明日旅

况蕭條缺欲彈金谷園中唳鵝滿銅駝市裏鬪雞寒聽魚雪

暖黃河度竝馬雲明華嶽看別後相思君不見幾時消息到長安過臨邛弔司馬相如故里云倦游四海卻歸來意氣凌雲五色開盡道茂陵能作賦懸知漢武亦憐才琴臺日暮多愁病酒肆人間不賈財誰有風流還繼此古來奇遇獨徘徊黃始字靜御別號東吳廡客江南吳縣人生員

遇孫按靜御有句云一聲唳鳥半江月才到兩山天欲明漁洋極稱之為諸生以事黜革嘗綜同輩駢體選有聽嘯堂四六新書

陳懷貞字 山東曲阜人歲貢生

富孫按先生勤問學敦行誼遠近無不欽其架範歿後入祀

鶴徵錄卷七

鄉賢祠

宋昱字懼聞浙江山陰人布衣

富孫按竹翁手錄續題名單作宋昱山陰布衣構李詩繫作宋昱云字懼聞山陰諸生已未薦舉不赴有辭朱德園中翰書今僑寓禾中載有山居詩云綠陰多樹處老屋紫苔肥坐久谿雲出日長山鳥依偶占詩句好補索韻音稀曾有鄰家子花時來叩扉

見聞隨錄云懼聞明末諸生居江頭里游京師作感遇詩百首會徵鴻博中書朱公尚隆素無交酬見所作大愛之急以名上下郡邑迹之無其人疑迹迹緇流檄僧綱司徧索諸越中諸蘭若而不知是已入閭終不應人以朱公愛士之篤與

是自處之高爾奇之讀大學甚病時翁改本之韻越每更不齊深仇巨痛別作古本解疏匡救之一時狂於科舉積習親知皆咋舌相規夷然不顧也其子為松江郡倅至其署不久卒子亦歿竟無後當是旅居京師遇鄉人必邀至其邸脫粟相對又時時臨岐送行無虛日有遺詩嘲之者口十載長安老秃鶯常將茗酒款交遊臨行更唱陽關曲送別杭州與越州是老而髮秃故云

邵允彝字

江南

人監生

鶴徵錄卷第七

鶴徵錄卷七

明人張湘校

鶴徵錄卷第八

雜談

李超孫續輯

毛西河制科雜錄云康熙十七年吏部奉

上諭特開制科以天下才學官人文詞卓犖才藻瑰麗 召試

擢用備顧問著作之選名為博學鴻儒科 敷內外大臣各薦

舉來京先是二年間

上厭薄八比已 諭內三院九卿於甲辰丁未兩科改換策論

著以經濟時務取士而廷臣狂於故習皆言古學不可猝辦仍

暫用八比以俟除復因特開是科振厲其事兩浙州縣所薦各

五十餘人核至五人而予名預焉是時相傳為博學宏詞科按

鶴徵錄卷八

一

博學宏詞為前代科名此並非是但世不深考不曉鴻儒所自出遂以宏詞當之即同試與同籍諸公亦尚有自署其銜為宏詞者不知鴻儒二字出自董仲舒繁露有云能通一經者曰儒生博覽羣書者號曰洪儒故其後作陋室銘者曰譚笑有鴻儒鴻即洪也猶古洪水稱鴻水也

尤西堂年譜云余以七月至都時同徵者未集

上命待 詔闕下月給米三斗銀三兩自十一月初一日始

施愚山上內閣書云伏聞

御批有薦舉人員著候到齊之日考試之旨

聖恩汪濊屢沛 溫綸張八紘之網集四海之士即累月浹歲

沒齒餘榮豈草莽臣所敢言抑寒蟲羈鳥有迫而欲鳴者敢以

獻於閣下計天下被薦者內外出處凡百八十餘人除丁憂准免者九人見在驗到者百三十一人續到者七八人物故者四人題明不到奉

旨續催及未經查明題報者共二三十人以所部敦促上道度必有疲瘵衰疾實不能起者且今之耆舊如傅山杜越年垂耄耄病不能輿馬昇以籃筥馳臥國門外亦可見

天朝之曠典莫敢不舉踵希風矣秦楚閩越檄往還非兩月不達說者謂歲月沍寒短景孟春凍未解二月又舉禮閣非三四月不暇及此其在富厚有力所親官京師者坐擁輕裘飲酒讀書甚樂也四方寒素之士多不敢過望作持久計僉謂八月赴限九月 陛試取進止以僕薄宦餘二十年坐臥一羊裘盛

鶴徵錄卷八

暑出門都無所攜頃方稱貸營寒具其他貧士且遠出僕下今聞有就食畿輔他縣者有寄宿僧廬者狼狽萬狀北地苦寒裂膚此輩短褐不完糞糞不給萬一老病凍餓間且溘焉填溝壑誠無異九年一毛然

皇上仁覆海宇側席闔門惟恐一士之不集 董下使 董下待 詔之士若此當亦惻然不忍聞也伏計

皇上回鑾在陽月中旬倘久霽冬和或尚可炙硯一試其年逾七十有疾者禮有憲老之典或從寬免其試而見放者猶可歸田卒歲及此憑軒策士使天下應 詔大小臣工布衣野老受簡進言即不逮董賈揚班亦可以歌詠盛事垂諸竹素始徵之甚渴既待之甚溫不忍終置之經年逾歲之久亦所以宣曠

恩光盛舉也

毛西河佳山堂集序云予以應 召來京師會

天子審時機無暇親策制舉得做舊例先具詞業繳丞相符子因獲隨儕眾謁府門下延入為賓客當其時居門下設食授室粲然成列者已不啻昭王之館平津之第也

閣百詩云已未徵士一百四十三人雲集京師

上意嘉悅欲盡官之為人沮抑乃止

制科雜錄云己未正月晦日

上諭薦舉人員着二月初三日親試高陽李師奏時日迫促不能預備試卷桌子等項遂

諭十六日啟奏時 幸溫泉回益都馮師又簡入會闈作主文

鶴徵錄卷八

官未啟奏間十七日傳

諭該部同翰林院確定試日并應用事宜奏因定三月初一日考試二月二十九日吏部過堂子時以右手腫爛告病不許三月初一日平明齊集太和門以魚貫入詣 太和殿前鴻臚寺唱行九叩頭禮畢是日

上御殿祭 堂子回命諸薦舉人員赴東體仁閣下太宰掌院學士奉題出用黃紙十張上寫題二道放黃幙桌上跪領題訖用矮桌列墀下坐地作文及已牌太宰掌院學士復宣

旨云汝等俱係薦舉人員有才學的原不必考試但是考試後顯你門才學所以

皇上十分敬重特賜汝宴凡是會試殿試館試狀元庶吉士俱

沒有的汝等要曉

皇上德意宣訖 命起赴體仁閣設高桌五十張每張設四高

椅光祿寺設饌十二色皆大盃高擗相傳給直四百金先 賜

茶二通時菓四色後用饌首饌子紅綾餅粉湯各二套白米飯

各一大盃又 賜茶訖復就試時陪宴者太宰滿漢二員掌院

學士滿漢二員皆東北向坐謂之主席以賓席皆東西向也餘

官提調皆不與焉子仍告手腕難執筆不聽其夕晚出者十餘

人皆給燭竣事然後彌封諸試卷作四封當夜呈進相傳先試

一日

上命內閣諸學士及翰林院掌院擬題皆一文賦一詩高陽李

師擬璿璣玉衡賦賦得雨中春樹萬人家寶坻杜師擬王者以

鶴徵錄卷八

四

天下為一家論省耕詩益都馮師擬十三經同異考耕籍詩內

閣學士項公擬士先器識而後文藝論賦得春殿晴薰赤羽旗

閣學李師擬岫巒碑贊遠人向化歌掌院學士葉師擬珪璋特

達賦三江九江考賦得龍池柳色雨中深

上用高陽師賦題寶坻師詩題

朱竹垞年譜云三月朔 召試太和殿廷發題璿璣玉衡賦并

四六序省耕詩排律二十韻學士院散官紙光祿布席 賜謄

體仁閣下中使傳

旨向來殿試進士定例立而對策今以爾等績學博聞特 賜

坐 賜食僉謝 恩畢既納卷閣臣以八寸卷進呈次日

天子行大蒐禮次鄧州東卷授大學士高陽李公爵寶坻杜公

立德益都馮公溥掌院學士葉公方謫定其高下

王應奎柳南隨筆云康熙戊午正月二十三日

上有薦舉博學鴻儒之詔於是在京三品以上及翰林科道官

在外督撫藩臬各舉所知以應計北直與薦者十有九人江南

與薦者五十有八人浙江與薦者四十有七人山東與薦者十

有二人山西與薦者十有一人河南與薦者四人湖廣與薦者

六人陝西與薦者十人江西與薦者四人福建與薦者二人貴

州與薦者一人次年三月初一日

上御體仁閣臨軒 命題學士捧黃紙唱給散訖 命就坐撤

護軍吟詠自適日中鴻臚引出跪聽

上諭云諸士皆讀書博古當世賢人朕隆重有加遂命光祿授

鶴徵錄卷八

五

餐使知敬禮至意引上閣設席 賜椅四人一席繡衣捧茶陳

饋十二簋加四飯豐饌苾苾緝御恭肅 詔二品三人陪宴既

畢叩頭謝 恩從容握管文完者先出未完者 命給燭至漏

二下始罷吏部收卷翰林院總封進呈

御覽取中一等二十名二等三十名皆授翰林職入館纂修明

史其有舉到在京老病不能入試及入試而不與選者年近七

十以上加中書正字等銜以寵之此一代掄才盛典故備記之

制科雜錄云試之次日

上攜卷至霸州觀魚貯以黃絹箱至初十日大風帳房內 親

看抽出其一卽子卷且夾一紙籤於卷中

初書文媽寧三字以子賦詞有云日升於東匪彎弓所能落天

於其立鍊石之可補疑鍊石句不經將以詢大臣也時以大風起不終聞仍入箱訖十四日還宮十五日發卷出中堂三公暨學院學士參閱十六日閱訖十七日啟奏呈繳照前代制科分等第進士科分甲乙例判作四等曰上上曰上曰中曰下時閱卷者見予卷紙籤不知所謂且疑

上不善其詞三相公欲置之卷之首而學院踰躄曰第置上卷末伺

皇上意旨何如耳會二十日殿試二十二中堂掌院俱作讀卷官

上諭前所試上上卷上卷著入史館纂修明史餘俱遺回其年老者量加虛銜未到者不再試亦不必令來遂問有不完卷者

鶴徵錄卷八

六

何以列在中卷衆對曰以其文詞可取也又問上上卷內有駁於天者不必驗於人語無礙否透彭衆對曰雖意圓語滯然故無礙也又問或問於子曰及唯唯否否語豈以或指朕子自指耶汪衆對曰賦體本有子虛區是之稱大抵皆寓言似不必有實指也又問有女媧補天事信否益都師曰在列子諸書有之似乎可信

上曰朕記楚詞亦有之但恐燕齊物怪之詞不宜入正賦否益都師曰賦體本浮夸與銘頌稍異似可假借作鋪張者

上曰如此則其文頗佳今在何等對曰已置之上卷末矣

上命稍移在上卷中嗟乎予實不才且是日腕脹全不盡平生所長不知何以猥蒙

聖眷如此

施恩山示子札云今

上傳案出又改上上爲一上等上卷爲二等初取一等二十六名二等五十一名今重經

欽定兩共止五十名

朱竹垞嚴君墓誌云十七年春詔在廷諸臣暨外將撫大吏各舉博學之彥無論已仕未仕徵詣闕月給太倉祿米明年

三月朔召試殿廷

天子擢五十人纂修明史部議分資格進士出身者以館職用餘給待詔銜俟史成日授官詔下五十人齊入翰苑布衣與選者四人

鶴徵錄卷八

七

吳星叟云己未以三月初一日試

皇上卽以是夕遊西海至十三日還宮命閣臣定諸詩賦甲乙十五日先後某某皆有成案余一甲第三葉奕苞二甲第四儲方慶二甲第五無何俱遭易去至二十七日始御太和殿宣付吏部共五十人而前後頓易矣閣臣皆不知其故蓋是舉衡才三閣臣而收掌則學院學士也又云時試後紙貴京師者其年與鄙作也如者造作飛語入句句各一人中有維崧賦內愚生有食客農祥禮亦宜之語粘乾清宮門其曰愚生者以其年序中臣字誤作愚生猶是書生棘圍後場習氣而農祥句旁註云係馮溥門下士宜其私之賴

皇上睿聖笑曰此是憎渠才地耳悉置不問

制科雜錄云拆卷後

上曰詩賦韻亦學問中要事何以都不檢點賦韻且不論即詩韻在取中中者亦多出入有以冬韻出宮字者李來有以東韻

出逢濃字者泰卷有以支韻之旗誤出微韻之旂字者章卷此

何說也衆對曰此緣功令久廢詩賦非家範戶誦所以有此然

亦大醉之一疵也今但取其大焉者耳

上是之遂定為五十卷上上卷二十作一等上卷三十作二等

餘中卷下卷分作三等四等總名為下第不填榜內至拆畢因

於上卷中斥去一卷

上命擇一有名者補之時中堂掌院各有所薦皆不允

上自取嚴繩孫卷補之即前云中卷中不完卷者發榜後二日

鶴徵錄卷八

尚未授職至二十四日

上諭吏禮二部這取中人員該授何職著確議具覆時二部不

諳舊制科例但擬已仕者照現任品級或陞或加級其去任在

籍者或宜起用或宜在籍加銜一應未仕者俱授翰林院待詔

具覆

上命閣臣取前代制科舊例來閱查得兩漢授無常職晉止授

尚書郎唐制策高者特授以尊官其次等出身因之有及第出

身之分宋制分五等其第一第二等皆不次之擢第三等始為

上等恩數比廷試第一人第四等為中等比廷試第三人皆賜

制科出身第五等為下等賜進士出身

上乃降旨薦舉取中人員俱授為翰林官應給職銜著再議具

奏其杜越傳山王方毅等文學素著念其年邁從優加銜以示

恩榮於是已仕者俱照品級授講讀官坊編修等其未仕者概

授檢討總充史館官纂修明史其杜越等俱授內閣中書聽其

回籍依議乃擇四月二十日到任各朝服頂帶於欽天監火神

廟齊集到衙門行禮畢次日遂赴史館後同籍五十人集於衆

春園做題名故事各賦詩一首施愚山為之序

劉廷璣在園雜誌云 本朝已未 召試博學鴻詞最為盛典

其中人材德業理學政治文章詞翰品行事功無不悉備洵足

表彰廊廟矜式後儒可以無慚鴻博不負

聖朝之鑑拔誠一代偉觀也無如好憎之口不揣曲直或多夙

怨或挾私心或自媿才學之不及而生嫉妒或因已之未與薦

鶴徵錄卷八

而肆蜚譏一時呼為野翰林且以詩譏之

王阮亭居易錄云已未徵聘諸人取彭孫通等五十人其監司

郎中改侍讀侍講進士及舉貢已官者為編修未官者及監生

生員布衣皆檢討入館纂修明史後至三品以上大僚惟湯斌

潛卷工部尚書彭孫通羨門吏部侍郎陸萊義山徐嘉炎勝力

內閣學士兼禮部侍郎王頊齡瑁湖宗人府丞李鏗公凱通政

使司通政司

毛西河史館輟錄云自

上開制科以予輩五十人充明史館官其到任日監修總裁與

諸史官只一揖監修總裁負北牖南面鋪簞登土炕坐諸史官

以次登炕接總裁南面東西環坐東環者轉而西面至門止西

環者轉而東面又轉而北面亦至門止全無比肩抗顏之嫌其
收掌司錄皆中書主事並不上堂參揖而監修係滿漢中堂凡
侍立者皆內閣中書多進士出身與諸史官亦並不一肅手即
供事者點茶數巡自監修總裁諸史官外亦並不一及甚至查
檢史書則侍立中書執鑰啟金龍大櫃取書列長筵繙閱其一
時相形如此是以當事重舉纂修主事并纂修監生以消其局
而主事監生亦仍居廊房未嘗上堂乃復薦諸舊同館官若干
人並充纂修則一體升降有何分別然其題已闕分不得另闢
而萬厯以後題未經分者或以忌諱陰相推諉應俟五十人中
有出館者則接受其題而數年之間即有告歸者有死者有充
試差者有出使外國者有作督學院使者且有破格內陞京堂

鶴徵錄卷八

十一

并外轉藩臬及州府者自康熙己未至辛未在館者不過一二
人餘或陞侍郎或轉閣學或改通政使不復與史事矣

鶴徵錄卷第八

同里張湘核

諸城劉信芳
儀徵阮雲臺
兩夫子鑒定

鶴鳴九皋
聲聞于天

漾菴老屋藏板

鶴徵後錄序

余五六歲時先太淑人教識字每舉古人鄉里官爵表字相問難後漸知著述喜筆及細瑣所謂不賢者識其小者也又屢司書局河間紀文敏公嘗以順治初年縉紳書付校閱嘗爲之跋南昌彭文勤公嘗以明代貢舉攷俾綜核遂有所述自有制舉以來凡科名掌故之書雖殘紙廢縑無甚關係余必收之還閱軼事往往而在李子既沅明經秋錦徵君來孫也承其家學博雅好古於百餘年來文獻尤留心諮訪先有鶴徵錄之刻茲復著乾隆丙辰詞科爲鶴徵後錄以余同嗜好千里郵書乞序竊念儀徵阮芸臺巡撫有康熙己未詞科摭錄之輯無錫秦小峴侍郎有己未詞科錄之輯詳備無遺余嘗校而序之今觀前

鶴徵後錄法序

所編錄簡核有體要依竹垞鶴書手彙及家乘記載綜括而成之者言必有據事必有徵釐然井然實與二書相發明蓋阮書以淵博勝秦書以辨晰勝而此書以矜貴勝皆足以敷陳朝廷之盛典矣若杭大宗之詞科掌錄幾於自述其事而世或憾漏畧之未免焉既沅出其記誦緒餘爲增損而續之旁蒐博采紀事蹟備故實視詞科掌錄爲尤詳不可與前錄並重也哉嘉慶十四年十二月梧門法式善拜序

鶴徵後錄自序

詞學一科始於唐上元垂拱間自元明以來專用制義取士而詞科久廢至我

朝重熙累洽稽古崇儒特兩開大科以罔羅海內博洽之彥其膺薦辟者名臣循吏儒林文苑俱出其中得人之盛遠軼前代康熙己未薦舉一百八十六人出處大畧既具著於鶴徵錄矣迨乾隆丙辰鴻詞館僅有杭堇浦先生詞科掌錄一書復畧而不詳其選入詞館與放還田里既不分曉且取者十數人未取者八十餘人行事撰著均不見於錄覽者不無遺憾此殆未成之書與曩潘德園侍御索閱鶴徵錄彙本復書云符堇浦先生爲詞科掌錄同時所徵猶多闕漏君能於百年後廣爲摭輯厥功

鶴徵後錄自序

不淺矣伏念

世宗憲皇帝聖德相承

光昭隆軌爰下

明詔令舉博學鴻詞之士

高宗純皇帝登極復申

前旨側席旁求史策罕覩於是中外共薦二百六十七人皆一時瑰奇偉麗之才自丙辰

御試於

保和殿後次季丁巳復行補試無論用與不用其文章學問有不可得而磨滅者宋司馬溫公嘗欲乞朝廷設十科

舉士有經術精通可備講讀科學問該博可備顧問科文章典

麗可備著述科有官職官人皆可保舉此即唐詞學之遺意而

後代仿行之誠以拘於一格不足展其所長惟制科之舉非通經師古洽聞渾見者不能與薦故登於廊廟足以贊

文治潤鴻猷卽或沈滯山林亦得羽翼經傳發抒華藻入著作之林炳今燦古遭際之隆誠有非偶狀也爰復取丙辰詞科做前錄之例分列次第綴輯選聞軼事并雜采諸家所著彙而錄之雖其間或有未能盡悉而傳之後世庶幾徵文獻攷掌故仰見

兩朝盛典實爲曠代所希遇而其時耆儒碩學淹貫闕通之士繼起奮興洵足後先媲美也已嘉慶十有二季歲在強圉單闕易月十日李富孫書於婺州郡齋

鶴徵後錄自序

二

鶴徵後錄參訂姓氏

石門胡 枚梁園

陽湖劉嗣維夫初

長白繼 昌運龕

桐鄉程同文香廬

秀水錢 昌齡恬齋

東陽盧炳濤秋樵

錢唐陳文述雲伯

嘉興沈維鏞鼎甫

吳江程邦憲竹厂

鄞縣童 槐夢君

平湖朱爲弼某堂

灌陽柳祖培復齋

山陰童 黃圃堂

泰順董正揚眉伯

錢唐諸嘉樂秋士

長白鍾 昌仰山

吳縣嚴 晉楨雲

德清徐養灝確菴

嘉興黃 灝錫泉

會稽顧廷綸鄭鄉

鶴徵後錄參訂姓氏

一

仁和張迎煦晴厓

桐鄉金錫皐荷藪

鶴徵後錄凡例

已未鶴徵錄前後編次本照朱竹垞檢討纂書亭目及先徵士公所記茲錄分列標目亦悉仿前例惟畧有互異則因為增易之

是科內外薦舉共二百六十七人惟元年與試李穆堂類藁云一百八十餘人道古堂文集云一百八十四人藤陰雜記云一百九十三人先從祖敬堂隨筆云一百七十六人數各不同即袁隨園親與 召試而小倉山房集云一百九十三人詩話云一百八十人不能符合良由臨場尙有不入試茲錄並以見於前人著述為據

鶴徵後錄凡例

詞科掌錄於薦舉人數以舉主為分列不能知其中選不中選即有為部所駁及病不就試亦未詳盡茲仿前錄悉重為次第并各分以科目先後其無科目者仍編于後

詞科掌錄祇据薦舉時出身未及詳後日之科目官爵以及著作茲錄悉為補入其不知者則仍闕如以俟增輯

吾 朝兩開大科得人最盛已未諸徵士檢查各郡邑志多有闕漏或并不詳其姓氏是科亦然茲特摺訪同時人著錄及老輩傳聞亦可備將來志乘所采

前後兩制科所錄薦舉人數俱以具題到部為據已未科欲舉而未題部者甚多概不綜錄茲科如越風以餘姚鄔希文 湖海詩傳以錢唐陳章江都馬曰瑄江西詩徵以臨川李茹 旻南昌戈溥兩浙輞軒錄以錢唐唐樞歸安沈榮備烏程董

惚山陰何暉碧溪詩語以錢唐丁敬皆為薦舉鴻詞亦不具錄

前錄意在表揚遺行於家傳志銘不備采錄富孫嘗欲蒐輯另為一編迄未成帙茲錄於諸徵士志傳間采一二以見梗槩

前後兩舉詞科吾家均得膺薦辟前為先徵士秋錦公後為先族祖蕉窗公雖未與選亦為杖林佳話但先徵士公欲選文緯一書當時同薦諸公投贈詩文集頗多蕉窗公為張司寇文敬公家贊壻旋徙居吳淞書籍散亡未得見其一時酬倡之什故蒐采較渺

鶴徵後錄凡例

臣工保舉四十九人諸徵士為當事交章論薦復膺是舉者二十八人茲並著於錄亦見一時人才之盛

已未鴻詞諸公著作彙布海內者居多又有當時鉅公藻鑑人倫操牘紀載是科距今七十餘年諸公所有雜著別集未盡刊刻流傳詞科掌錄外僅有全謝山公車徵士錄又未成書蒐羅轉難且交游落落淺見罕聞尙有未能悉其出處大畧者統冀博雅君子或繫桑梓或屬後賢倘有家傳及詩文遺集鈔錄惠示載為補輯幸甚

鶴徵後錄目錄

卷首

上諭 題目

卷一

一等五人

劉 綸 潘安禮 諸 錦 于 振 杭世駿

二等十人

楊度汪 陳兆倫 劉玉麟 沈廷芳 夏之蓉

汪士鎰 陳士璠 齊召南 周長發 程 恂

卷二

補試一等一人

鶴徵後錄目錄

萬松齡

二等三人

朱 荃 洪世澤 張 漢

不入詞館不與試四人

金德瑛 曹秀先 金門詔 全祖望

未試丁憂四人

金 虞 嚴遂成 符 曾 楊煜曾

卷三

未試病故七人

杜 詔 柯 燧 孫天寅 魏 樞 朱厚章

黃濤樞 葉翥鳳

部駁不與試十四人

許 遂 萬 經 方榮如 張宏敏 傅王露

葉長楊 宋 照 胡 浚 宋士宗 于 梓

胡期頤 汪芳藻 祝維詰 邵 岷

卷四

不就試二十五人

夏策謙 顧陳埒 諸菊書 華希閔 王 照

瞿 駿 靖道謨 萬承芬 閔元晟 奚 源

黃世 黃永年 方觀承 馬曰璐 周 京

周振采 余華瑞 龔 纓 蘇 珥 方貞觀

蔡寅斗 翁 照 陸榮桓 陳 揆 屈 復

鶴徵後錄目錄

卷五

與試未用三十四人

王 霖 吳 麟 吳 銳 陳以剛 劉自潔

孫見龍 丁 凝 于 栻 沈 虹 李清藻

李春耀 查 祥 厲 鶚 汪援甲 俞鴻德

萬邦榮 徐本僊 劉世澍 車騰芳 汪 祚

黃之雋 顧棟高 梁 機 梅 枚 鄧 牧

吳王坦 何夢篆 張振義 徐文靖 魏允迪

饒一辛 鄭長慶 曹廷樞 曹 憤

卷六

與試未用二十六人

李 紘 王文清 周 欽 劉始興 姚 星
劉斯組 韓 曾 王延年 甘 禾 王祖庚
王 系 史鳳輝 胡天游 西 成 徐廷槐
劉暉澤 張 敘 金 鑑 馬榮祖 馬樸臣
戴永植 夏之翰 迨雲龍 張鳳孫 劉大樞
王士讓

卷七

與試未用二十三人

閻介年 張廷槐 桑調元 沈 瀾 楊廷英
李光型 牛運震 王世樞 馮元溥 金 焜
張懋連 姚世鍊 秦懋紳 潘遇莘 吳龍見

鶴徵後錄目錄

三

凌之調 李宗潮 萬光泰 王會汾 周玉章
鍾 獅 倪承茂

卷八

與試未用十六人

沈德潛 趙永孝 葉 酉 金文淳 袁 枚
裘日修 申 甫 張雄圖 楊述曾 許伯政
沈樹德 吳 檠 張甄陶 張星景 余騰蛟
耿賢舉

卷九

與試未用二十八人

王騰蛟 潘思光 陳長鎮 錢 載 周六樞

龔元玠 尚廷楓 峻 德 李 錯 長 佳
陳景忠 許佩璜 施念曾 王作人 王起鵬
勞孝輿 易宗瀛 王 藻 朱稍孫 程 川
易宗譜 鄧士錦 黃天策 閻式鑛 朱 超
江其龍 李 灝 沈 彤

卷十

與試未用三十三人

陸祖錫 龔 正 顏懋倫 邊連寶 邵昂霄
饒允坡 劉五教 毛一聰 李光國 車 文
陳世龍 張廷奏 黑 瑒 陸桂馨 陳一策
吳張元 邱 迴 趙 昱 沈炳震 沈炳謙

鶴徵後錄目錄

四

劉世基 陳黃中 陸 枚 胡鳴玉 葉榮梓
劉鳴鶴 程光祚 許 鏘 郭 東 胡二樂
方辛元 李希稷 梅兆頤

卷十一

與試未用三十五人

汪 臺 盧存心 汪 沆 孫詒年 沈冰壺
周 炎 陳 繩 陳繼善 方鶴鳴 王元芳
陳大炎 傅 涵 張錦傳 廖 理 陳洪淡
盛 樂 鄧獻璋 陳世賢 解含章 田 荃
秦 涇 周汝舟 張 範 葉承點 錢 斌
吳 溶 劉師朝 任 瑗 趙 信 段梧生

王元 南昌齡 許儒龍 張庚 趙寧靜
卷十二
雜綴

鶴徵後錄目錄

五

雍正十一年四月初八日奉

上諭國家聲教覃敷人文蔚起加恩科目樂育羣材彬彬乎盛矣惟博學宏詞之科所以待卓越淹通之士俾之黼黻皇猷潤色鴻業膺著作之盛備顧問之選

聖祖仁皇帝康熙十七年

特詔內外大臣薦舉博學宏儒召試授職一時名儒碩彥多預其選得人號爲極盛迄今數十年館閣詞林儲材雖廣而宏通博雅淹貫古今者未嘗廣爲摻羅以示鼓勵自古文教休明之日必有瑰奇大正之材况蒙

聖祖仁皇帝六十餘年壽考作人之盛涵濡教澤薄海從風朕延攬維殷闢門籲俊端崇實學諭旨屢頒宐有品行端醇文

鶴徵後錄卷首

材優贍枕經菲史殫見洽聞足稱博學宏詞之選所當特修曠典嘉與旁求除現任翰詹官員無庸再應薦舉外其他已仕未仕之人在京著滿漢三品以上各舉所知彙送內閣在外著督撫會同該學政悉心體訪遴選考驗保題送部轉交內閣務期虛公詳慎蒐拔眞才朕將臨軒親試優加錄用廣示興賢之典茂昭稽古之榮應行事宜著大學士九卿會議具奏特諭欽此

雍正十三年二月二十七日內閣抄出奉

上諭朕令薦舉博學宏詞以廣育才之典爲督撫者自應秉公採訪加意蒐羅以副朕愛人才之至意乃降旨已及兩年而外省之奏薦者寥寥無幾以江浙兩省人材衆多之地至今

未見題簿此非人材之不足應選乃督撫學臣等奉行不力之故也大凡薦舉之典臣工得以行其私者往往踴躍從事爭先恐後若不能行其私則觀望遲回任意延緩其跡似乎慎重周詳其實視公事如膜外也凡督撫學臣之所考取者不過就耳目見聞之所及彼伏處巖隅學問淹雅素有抱負之士未必肯以文章筆墨求售于有司以俾邀一日之遇合是在督撫學臣留心訪察加意劾求屏虛名而崇實學以佐國家右文之治如李衛吳應棻合舉二人吳應棻又獨舉二人就中則有宣化府進士夫以宣化北邊一郡尙有可舉之人何況各省內地之大可見李衛吳應棻乃實心爲國家留意人材者著再通行宣諭無論已奏未奏之省俱著再行遴

鶴徵後錄卷首

二

選倘因朕此旨而遂昌濫以行其私亦難逃朕之鑒察若果有才華出衆而與例不符者著具摺陳奏候朕降旨其在京三品以上之大臣均有薦舉之責將此一併曉諭知之特諭欽此

雍正十三年十一月初十日內閣抄出奉

上諭國家久道化成人文蔚起

皇考樂育人材

特降諭旨令直省督撫及在朝大臣各保舉博學宏詞以備制作之選乃直省奉

詔已及二年而所舉人數寥寥朕思天下之大人材之衆豈無足膺是舉者一則各懷慎重觀望之心一則鑒衡之明視乎

在已之學問或已實空疎難以飾色流品此所以遲回而不能決也然際此盛典安可久稽朕用再爲申諭凡在內大臣及各省督撫務宜悉心延訪速行保薦定於一年之內齊集京師候旨廷試倘直省中實無可舉亦即具本題覆特諭欽此

乾隆元年二月二十四日內閣抄出奉

上諭內外臣工所舉博學宏詞聞已有一百餘人祇因到京未齊不便卽行考試其赴考先至者未免旅食艱難著從三月爲始每人月給銀四兩資其膏火在戶部按名給發考試後停止若有現任在京食俸者卽不必支給並行文外省令未到之人俱於九月以前到京若該省無續舉之人亦卽報部

鶴徵後錄卷首

三

知之免致久待欽此

欽命試題

謂曰儒者之學莫尚於窮經籍浩繁毋煩臚舉今試撮其大綱凡通儒所宜共曉者為多士詢焉經之名昉於何時五經六經七經九經十一經十三經之名分於何代秦燬雖烈而不能掩其光者藏於何人所藏何書其後出於何地獻於何朝頒於何世各經授受源流何所依據章句註疏傳解箋詁之屬有何異同其施諸學宮用以取士者何所因革又如古有三易夏何以稱連山殷何以稱歸藏周何以稱周易且連山不始於夏歸藏不始於殷周易不始於周其說可得聞與傳周易者有四家其興廢可得考與書何以有古文今文之別詩何以有齊魯韓毛之殊春秋左氏公穀而外又何以有

鶴徵後錄卷首

四

鄒氏夾氏鐸氏虞氏之類諸家分門別派其說可悉數與禮始於高堂生顯於后倉其轉相傳述者誰與二戴何刪馬氏何補冬官何闕儀禮何逸羣儒議論紛紜其說可詳陳與論語何以有魯論齊論大學孝經何以有古本今本尔疋或曰周公作或曰子夏作其說何居孟子何以或刪或疑或翼或尊何其識之相遠與惟中庸無異說而學庸二篇原皆載於戴記其別為詮說而列於四書者自何而始與凡此經傳源委其能條分縷析闡其微言抉其奧義而銖黍之不爽與漢唐以經學取士或專通或兼通或帖十通五皆得與選舉之格多士果能博學該通條對精詳斷制明決者固膺上第即或就所已知各抒所見而言有條理詞歸雅馴亦足以備采

若其悉言毋隱朕將親覽焉

謂曰儒術學術之要先經次史凡具淵通之學必擅著作之才然非熟於掌故周知上下數千載之事理而剖決其是非者不足以語此則史學尚矣今之稱正史者皆曰廿一史豈廿一史之外別無正史與又豈正史之外別無他史與考之漢唐宋藝文志及隋經籍志所載諸史其名類甚多而稱史學者惟以馬班諸人為宗何與史記漢書成於遷固不自遷固始也開之者誰補之者誰解之者又誰也范史一書與馬班並稱三史而袁宏荀悅之作獨不可媲美與陳壽之志帝魏退蜀正統已紊孰稱其是孰正其非可與三史並傳與卽三史之書又果無遺憾與晉書創于何人其有幾家唐太宗命

鶴徵後錄卷首

五

房喬等再加撰次所稱房喬者何人也其稱房喬等者又其幾人也觀其文多駢麗史體固應然與南北史皆成於李延壽而考之南朝北朝各有專史乃延壽復為合之合者可取則專者宜刪專者既行則合者可廢而八書二史皆得並行辭多重復後之作獨不可棄而修之與六朝之後隋書頗善其所撰諸志綜覈尤工近世儒者專稱五代史而不及隋書又何說也唐書新舊二編各有短長自新書出而舊書流布無多不得並載十七史中其故何與梁唐晉漢周皆有史薛居正嘗修之歐陽氏之本誠善矣而薛氏之本猶可得見與宋遼金三史已不及前代而元史成於倉卒舛謬尤多乃後儒罕能制定以成佳史豈古今人果不相及與且史之體

有二曰編年曰紀傳紀傳之善自司馬遷史記始而編年之善則自司馬光通鑑始通鑑本春秋之注至朱子則綱目春秋目仿左氏而前編續編之作亦皆得其遺意此外體例甚繁沿革互異作史者奚啻數百家多士有能悉數其姓氏詳其名目以證其是非者與將備舉作者之優劣以考正諸史之得失則一代著作之任殊有厚望焉母剿說母雷同母苟且以干名母徇人以自誤有志進取者倘慎旃哉其各矢乃心獨抒所見以毋負朕延訪之至意

五六天地之中合賦 以敬授民時聖人所先為韻

賦得山雞舞鏡 七言排律十二韻得山字

黃鍾為萬事根本論

鶴徵後錄卷首

六

欽命補試題

制曰士不通經不適於用治經之學於民生本務先王體國經野之宜尤所當考詳而切究者周禮九職首列三農所謂三農者以地別耶以人別耶其各見於注疏者同異若何禹貢之三壤周禮之再易尔疋亦曰三田又何所稱指也上農夫食九人下至五人又何差別之殊也夫通勞逸而人力可均畫井疆而地利先辨井田五義見於何書條目若何五地九土九地九田九等十二土分見於何書其餘目若何多士剖析言之無泛無隱朕將親覽焉

制曰稽古碩儒名臣嘉猷謨論彪炳方策畧舉數端聊用咨詢夫六籍之微言無論已三本六務三具四齊其說維何賢云

三策鼂董不同者焉在言世務書嚴徐所見者孰優仲長統之稱政論申鑒之詳政體其言可采者皆得而敷陳與嗣是而後莫切於十思之疏五規之論至以十事陳說唐宋諸臣不一而足何人何事孰得孰失可得而論述臚列與伊川言先務紫陽言大本純儒之學異於管荀諸人者又何在也多士數其辭陳其義能條對者朕嘉與之

指佞草賦 以生於堯階有佞必指為韻

賦得良玉比君子 七言排律十二韻得來字

復見天心論

鶴徵後錄卷首

七

鶴徵後錄卷第一

一等五人

嘉興李富謙書甫輯

劉綸字春涵號繩菴江南武進人廩生由禮部侍郎江蘇學政張廷璐薦舉授編修累官至文淵閣大學士加贈太子太傅諡文定入祀賢良祠著有繩菴內外集

文定家本舊閩力學敦行以文詞受

高宗純皇帝知遇游歷執政康熙己未制科五十人惟華亭王

文恭公位至宰執而文定亦以鴻博起家立朝風度端謹

尤甚婉美在政府十載明良契合襄贊雍容遇事直陳無所

依附與劉文正公同在相位尤稱善品望亦相亞故時有南

鶴徵後錄卷一

一

二

劉東劉中堂之稱後以艱歸里依然一老諸生出入從不乘輿投戚友名東未嘗作大字洵可為縉紳居鄉之法生平以

清節自持歿後囊橐蕭然毫無資產後人至賃屋以居

錢文端武進相公繩菴內外集序云

今上御極之元年遵奉

世宗前詔復開制科武進繩菴相公以諸生應試

欽定第一識者謂制科不數舉與斯選者較春秋得雋之榜為

難而冠倫魁能鬱為選首則又儒生不世之殊遇也公既以

詩賦通籍不數年由坊局躋列卿超走禁禦益矢勤慎

眷注有加遂忝揆席屢柄文衡士之遊其門者咸以為斯文

之嫡系在焉予曩佐秋官每直次連茵接席欸語移時暇輒

攷評所詣因得叩其底蘊則淵滋澄深未易窺測大要求其原于經暢其支于諸史百家蒐羅富歸于雅醇予得謝歸田二十餘年曾郵寄所刊詩文就正客歲入京公出內外集若干卷請予序既卒讀益歎前此心賞之不虛也間嘗與公論為文大畧極言鄉曲俗學罕識經訓本旨讀公集亦可以知所趨向矣

湯緯堂奕硯瑣談云大學士劉文定公武進學廩生年二十六舉鴻詞科擢第一廷試五六天地之中合賦諸徵士不解所出多瞠目縞手公獨揮翰如飛桐城張文和公故睨公

卷對眾朗吟始共得題解詩題山雞舞鏡有句云似擬投林

方戢戢可能對語便關關一時傳誦時吳郡沈歸愚宗伯亦

鶴徵後錄卷一

二

以諸生赴召試未第頰首日吾輩頭顱如許乃不如一白望後生得不愧死

王述菴蒲褐山房詩話云文定謙和恭謹尤以清修自厲少

在尹文端公幕府得其指授繼以鴻博第一人入翰林汪文

端公愛其才兼重其度晚年尤與劉文正公相得和而不流

無所附麗代言應制皆為一時之冠子嘗以要事繕奏

藁夜半詣公門請閱公起難燭操筆點定時仲冬寒甚公呼

三公子為具酒脯而厨傳已空僅有白棗十餘枚以侑酒公

亦自歎其儉陋為可哂也

繼蓮盦塵定軒譚粹云文定公自諸生釋褐授編修以文章

學術受知遇供奉內廷直軍機未三十年忝預閣務天

下皆望爲鉅人長德

純皇帝習知公忠信可倚用又八年而眞拜秉節簡諒朝野翕服號後

詔皇子臨其喪賻金 賜祭 錫謚

親製碑文 恩禮罕比公爲文取法六朝於詩獨喜青邱子前

後典文武鄉會試者五得士皆有名於時器量凝重未嘗有

喜愠退朝手一冊兀坐服食儉素蕭然如布衣勲業之大者

在人口此亦可見公之德矣

潘安禮字立夫號東山江西南城人雍正丁未進士原任刑部

員外郎降補太常寺典簿由大學士朱軾薦舉授編修官至左

諭德著有東山艸堂集

鶴徵後錄卷一

三

東山少與張百川江何從之天爵羅劬公曠齋名才華博瞻

工於吟詠著作甚富今所傳東山艸堂集六卷皆其官京師

時所作

杭堇浦詞科餘話云潘立夫有乙卯歲暮遣興云僕指爲郎

近十年當關紙尾浩如煙流光青鏡驚霜鬢素業緇塵委石

田只合巢書消二六敢誇奏牘滿三千山公題目增顏甲策

鈍新添勸學篇

諸錦字襄七號艸廬浙江秀水人雍正甲辰進士改庶吉士散

館以知縣用改就教職遷金華府教授由戶部侍郎趙殿最薦

舉授編修官至左春坊左贊善著有毛詩說禮禮補亡夏小正

註絳趺閣集

先生性耿介不隨時俗博綜典籍浸淫不勒幾於度食俱廢

而擊究經學用力尤深康熙庚子領鄉薦試授中書旋捷南

宮散館改選婺州廣文膺薦再授館職歷陞宮贊嘗纂修三

禮後典試閩晉號稱得士歸田後仍鍵戶讀書好畱心邗邦

文獻手輯 國朝風雅皆浙中諸家之詩凡十二冊未經編

定付絳絳閣詩分學古近遊等三十一集共一千五百餘

篇

陸陸堂絳絳閣詩序云余庚子同年多通經汲古之士同郡

中則以諸君襄七爲最少孤奉慈母之教苦辛誦讀其至性

已大過人復能事賢友仁凡鄉邦之利器引爲琢玉雕金之

助故其今古文雜著皆言近指遠根柢深而英華自茂微獨

鶴徵後錄卷一

四

擅長于詩願卽其詩觀之體源六義而音節之古直逼兩漢

魏晉雖唐人所稱善鳴者奚能過焉襄七與余近復同館余

嘗推重其才以爲讀書種子蓋相知久而相期者遠也

鄭璣尺絳絳閣詩序云嘉禾諸子余獲交十餘年其爲人孤

立行一意其中穆然簡靜專壹遇不可輒義形于色弗隨俗

媵阿于人世榮華聲利視之泊如也所著詩文指擢胃腎抉

摘杳微窈然而深淵然而醴攄幽發粹而和以天倪皆味道

之高言非屑屑焉矜才炫博者胸緼恢奇淡於世味左官山

郡不以爲戚再入 承明不以爲欣惟力蘄至于古之道

言立者今親見揚子雲者或不知敬而後之人讀諸子之詩

文固可以想見其爲人矣

錢文端香樹齋詩注云艸廬少時家貧無買書費聞吳下書估某愛客詣之畱數日主人敬其好學謂曰觀君舉止欲讀竟此架上線裝邪艸廬笑而頷之三年靡不徧覽俠君匠門未寫時聞而訪之爲之延譽名遂噪吳下

朱桐川金華詩錄云先生博學好古介然特立居鄉十餘年卒沈酣載籍不問戶以外事依然一老書生也初官金華八年士論翕然歸之至今猶有傳其遺著墨跡以爲珍者

袁簡齋隨園詩話云陸陸堂諸襄七汪韓門三太史經學淵深而詩多濫闕所謂學人之詩讀之令人不歡或誦諸詩秋艸馴龍種春羅狎雉媒九秋易灑登高凌百戰重經廣武場差爲可誦又云襄七檢討性情迂傲有弟子求題圖先生開

鶴徵後錄卷一

五

卷見齊次風侍郎周蘭坡學士先題矣乃大書曰齊大非吾偶周衰尙有髭兩人都已寫何必我題詩

蒲褐山房詩話云絳袂閣集歿後門人刪定鄭璣尺江以爲招擢胷腎扶摘杏微陸陸堂奎勳以爲言近指遠根深華茂皆定論也余甲戌春入都請予相見每日苦茗一甌薺魚晶飯襟談經史危坐相對必至日下春而後許返先生出臨川李公穆堂門下生平博聞彊識詩法山谷后山而志節傲然甘寂寞守耿介權貴之門徵逐之地未嘗一至蓋古之聞人而世之畸人也

李引樹超孫云艸廬毛詩說二卷通論一卷小序采其首句仿蘇樂城例也隨篇不拘篇數仿歐陽公張宛邱例也先左

證後發明毛鄭諸子外有佳說則采之有與義則補之所以廣益也饗禮補一卷以吳幼清所補儀禮經傳諸篇獨饗禮尙缺因據周官賓客之職事而比次之并采傳記中相發明者條注其下以補焉夏小正詁一卷則專釋名物多以經詁經

子振字鶴泉號秋田江南金壇人雍正癸卯一甲第一名進士授翰林院修撰降補行人司司副由戶部尙書史貽直薦舉授編修

先生以第一人登史館文采風流照耀海內視學湖北獎拔眞才有知人之譽以事降行人薦舉鴻詞復以甲等入詞垣士論榮之在京邸日與周石帆諸襄七陳句山諸公時相酬

鶴徵後錄卷一

六

倡夏禮谷有集于鶴泉寓齋詩云朝回聯步出 承明共說君家新釀成不速自來文舉座有懷同賦退之漿酒杯春近圍爐節街柝寒呼守夜兵霜月滿天俱酩酊更烹香乳滌餘醒

杭世駿字大宗號蕙浦浙江仁和人雍正甲辰舉人由浙江總督程元章薦舉授編修改監察御史著有續禮記集說金史補史漢北齊疏證前後漢書蒙拾文選課虛續方言詞科掌錄榕城桂堂等詩話道古堂詩文集

先生讀書五行俱下博綜廣覽於學無所不貫所藏書擁揚積凡不下千萬卷沈酣其中幾忘晷夕故發爲文章宏肆與博一時莫與抗者雍正壬子以孝廉充福建同考官在史館

纂修三禮奉 命編錄 內府書籍改御史條陳四事下
議落職然

高宗皇帝仍納其言天下督撫漢人泰半於四條中已行其一
又曰天下藩庫宜有餘款存留以備不虞先生已削禁並不
以示人歸田後仍嗜學不倦自號秦亭老民與里中耆舊及
方外之侶結南屏詩社日以吟詠著述為娛

王曾祥送杭大宗北行序云吾友厲鶚杭世駿博覽精覈於
學無所不貫所為文詞高旨深若觀濤重溟莫得畔岸顧自
壯盛僅充秋賦志用不達連屈于春卿世之人合二君之遇
觀其所為功幾疑學廣聞多匪所以適用蓋古制不講於茲
六十年矣白

鶴徵後錄卷一

七

聖祖仁皇帝御極之十七年頗絃舉網特闢大科一時苞純稟
精之彥應運磨至揚輝宣烈照灼貫古迨後良遇弗再決科
發策僅循常選末師後進靡所傾風二君枕經菲書含英發
藻獨知而寡諧供已而殫力故學古之獲二君獨深疾驅方
輪人之疑二君滋甚茲

天子嗣踵隆緒側席幽潛興繼舊典浙省郡邑博學鴻詞薦者
前後合六十人呈試大憲掇什之二三二君以瑰麗卓越炳
乎十八人之列以十一郡之廣旌簡所及僅止數人得無少
隘然上嚴虛授下顯良具拔尤升萃乃獲二君四海稱雋等
競疇曩見少之意其亦可以不作矣

詞科餘話云予自乙卯除夕辭家以丙辰正月晦抵都時

徵之士磨集京師故人吳江述雲龍錢唐桑調元符曾喜子
主皆有次韻詩

全謝山云萬九沙先生喜引掖後進於杭人物色今編修杭
君世駿於髫年以為鄭漁仲之流又云董浦董志局於海昌
得絕句共百首請予為之引董浦之詩之工不待余言海昌
故支獻之窟也董浦拜無垢之祠式持正之里搜錄查職方
罪維諸篇豈僅騷人之遊錄哉

隨園詩話云董浦先生詩以嶺南集為平生極盛之作題陳
元孝遺像四律云南村晉處士汐社宋遺民湖海歸來客乾
坤定後身竹堂吟暮雨山鬼哭蕭晨莫向厓門去霜風正撲
人秋并苦花漬荒廬屢氣蒸飛潛兩難問憂患况相仍拄策

鶴徵後錄卷一

八

非關老裁衣祇學僧淒涼懷古意豈是屈梁能巢覆汚完卵
皇天本至公參我篇久廢薇蕨采應空劫已歸龍漢家猶祭
鬼雄等身遺著在泉下告而翁袁粲能無傳嵇康亦有兒古
人誰汝匹信史豈吾欺寂莫徒看畫蒼涼祇益詩懷賢兼論
世淒絕卷還時此種詩悲涼雄壯恐又非樊榭寶意所能矣
查蓮坡詩話云杭董浦編修首唱方鏡詩二十四傳誦 葢
下和者自王侯以逮公卿士大夫方外閨秀無不有作幾及
數千家

蒲褐山房詩話云董浦先生書擁百城胸羅四庫入翰林未
久即以言事罷歸沈文愨公送之有句云鄰翁既雨談牆築
新婦初昏議竈炊葢深情之也既歸益肆力於詩古文詞海

涵地負日光玉潔實足以雄長藝林兩浙文人自黃梨洲先生後全謝山庶常及先生而已乾隆丁丑秋予至西泠相見共論古今文章流別謂予曰子無輕視放翁詩文至此亦足名家其冲懷樂善迥異乎世之放言高論者矣先生有十子自第八子賓仁外餘皆下世諸孫亦零落殆盡其道古堂集梁山舟侍講刻之生平著述甚夥今付剞劂者未及其半

法時帆悟門詩語云杭大宗自謂吾經學不如吳東壁史學不如全謝山詩學不如厲樊榭齊次風侍郎特愛杭作淹博嘗集蘇詩及大宗詩句爲一卷題曰蘇杭集句餘姚黃璋論詩絕句云安世胸中三篋書膽詞捷給決瀾渠當年緒論曾忝坐經史詩皆說不如藥師一誤謫千季差比髯蘇仙佛兼

鶴徵後錄卷一

九

小卷短書齊禮侍蘇杭絕句手題籤

二十人

楊度汪宇若千號勗齋江南無錫人拔貢生由禮部尚書任蘭枝薦舉除庶吉士散館出知江西德興縣尋丁外艱解職歸著有雲逗樓詩集

勗齋家故饒能勤學砥志以拔萃入成均都下諸公皆欽其才盛爲延譽卒薦登大科散館奉

旨改授知縣宰德興日有政聲後以憂歸遂不復出

陳兆崙字星齋號句山浙江錢唐人雍正庚戌進士分發福建學習由福建巡撫趙國麟薦舉授檢討官至通政使著有紫竹山房詩文集

丙辰登大科者十五人杭郡居其四當時稱爲極盛而角壇坫主持騷雅尤推董浦句山兩先生辛酉先生以侍講典試湖北所得多知名士生平平易近人有以詩文請質者備極獎借人故樂親之今先生之後克繼家聲仕躋通顯咸以爲厚德所致

杭董浦榕城詩語云星齋天才駿發而虛襟善下人有寸美愛不去口大手名篇衆人氣短星齋默而深湛必勝之後已篤於友朋昆弟之誼聞予入闈喜極不寐賦詩寄示余亦依韻答之在闈行雜錄撤闈後同居蕭寺接席聯牀陸孝廉秩既旅蕭蕭雨沈秀才陸則劉盧世親兄弟畜把袂拍肩筆視之伍鶴疊交錯圍棋射覆雅令窮經均此遙情排爲清課

鶴徵後錄卷一

十

彥和云灑墨以成酣歌和墨以成談笑此其選也旣而星齋奔走上官同人賃船北上禪榻春風聞其雲散分岐雪涕書此志之星齋有承明著作之才庚戌成進士觀政海疆非其好也又云星齋大令爲人和易胸無城府尤好汲引後進有求賢若渴之想善飲每遇知己輒連飲數觥未嘗醉而談鋒彌健生平以古文爲時文故制藝縱橫排弄自成一家居京師士大夫奉爲文章宗匠凡應試鄉會者必持文請決利鈍門外屢滿工行書得力古人嘗自言吾書法第一文次之世人但以文譽吾未可爲真知吾者

詞科餘話云甲寅冬余與太鴻旣同被徵星齋以進士學官閩省亦列薦牘濡滯未至時郵縣全紹衣祖望望望京師除

夕夢余及太鴻兩人抵京歡然道故有詩紀其事又云與余同薦者凡十人星齋亦自闔至公繼於汪西巖小巖齋徵歌選勝極一時之盛

隨園詩語云陳星齋先生題畫云秋似美人無礙瘦山如好友不嫌多江陰翁徵上則夫尚湖晚步云友如作畫須求淡山似論文不喜平二語同一風調

蒲褐山房詩話云先生入宏詞游登卿寺侍直 上書房兼尹京兆而意致蕭散寢處輒有山澤間儀書法蘭亭取意簡遠梁侍講同書云 本朝不以書名而書必傳者陳文簡公元龍及先生也余得其手蹟頗多適滇後皆失之壬寅修西湖志於杭州因索先生遺詩而合子同知王敦深閱不肯出

鶴徵後錄卷一

十一

及其孫桂生來京師始以全集見示并乞序言

劉玉麟後名藻字麟兆號素存山東荷澤人雍正丙午舉人觀城縣教諭由山東巡撫岳濬薦舉授檢討官至湖北巡撫

素存以詞賦受

高宗皇帝特達之知不數年游歷卿貳辛酉以少宗伯典順天鄉試後巡撫滇南兼署總督時值用兵緬甸辦理軍需羽檄紛馳以失事機落職

王述菴征緬紀畧云乾隆二十八年劉藻為雲南巡撫緬人滋擾普洱之十三板納檄土司各率兵禦之衆潰走三十年命藻為總督孟良土司召孟容弟之子召散令人分侵車里土司地據其城藻檄大理順寧營兵七千往勦復之然賊

衆往往竄合未肯即退藻議益兵二千未至而參將阿璉等率兵過滾弄江不設備遇賊兵賊皆論斬藻

上知藻書生不諳于軍旅弗深罪也 命陝甘總督楊應琚管雲南總督事務往視師降藻為湖北巡撫繼革職藻懼三月壬申夜自刎死

沈廷芳字晚叔一字秋林號茶園浙江仁和人監生由兵部侍郎楊汝毅薦舉除庶吉士散館一等授編修官至河南按察使著有十三經注疏正字隱拙齋詩文集

先生為查聲山宮詹外孫少受業於查浦初白兩先生之門得其詩法尊甫東隅先生又日以杜詩課誦長受古文學於方望溪侍郎既入翰林充 武英殿校理日與侍郎講求問

鶴徵後錄卷一

十二

學旋改御史以言事被黜乙丑復起視漕山左以少陵嘗遊任城南池即於其地創建少陵祠一時俱賦詩紀其事己已觀察萊州載擢河南廉使望溪侍郎嘗請以湯文正公從祀孔庭先生復踵請之不果行自豫入 覲以母老乞養歸辛卯至京值七十壽錢瑋石少宗伯有詩云同徵齒序方三紀前輩心儀有幾人逾年即卒平生究心經術嘗以監本及毛本十三經注疏多譌脫著十三經正字八十一卷校勘極為精核洵有功於治經者

方望溪茶園文評云賢文筆極清體法具合將來定以此發聲但南宋元明以來古文義法不講久矣吳越間遺老尤放恣或雜小說或沿翰林舊體無一雅潔者古文中不可入語

錄中語魏晉六朝人藻麗俳語漢賦中板重字法詩歌中語
語南北史俳巧語今文士惟研南冠雲足語此研南才高而
筆峻惜學未篤冠雲特精潔肯究心于經得吾賢而三矣
沈文愨家某園于東集序云癸酉春某園觀察郵示予于東
二集皆奉 命視漕改官登萊作某園之詩至是凡四變方
其閉居寄興雅淡絕俗予昔比之清渠寒流空山殘雪及爲
翰林轉爲春容和易而骨幹自存迨入諫垣遇事納忠慷慨
奮發近少陵問夜如何避人焚艸之什自經泚水入青齊使
旌所至輒有詠吟弔古則沈雄激壯登山則靈奇峭削憂旱
潦念明發喜兄弟之會合傷朋舊之別離悵惻纏綿協風人
之旨所謂變而愈工者耶蓋某園生平無他嗜好惟究心卷

鶴徵後錄卷一

十一

軸居京師退 朝入直車中手一編伊唔不絕猶憶己未夏
予移寓拙隱齋日夕論詩互有麗澤之益今別去六七年遠
隔二千里獨學無友詩格未高某園乃能於政事之餘進而
日上其所詣可涯量耶讀其詩輒神往于東萊官閣間矣
桑綏甫沈荻林集序云吾同門友荻林起家文學侍從陟西
臺時封事如黃鐘大呂之重彌抑然自下而

九重曰都曰俞特嘉許其錚錚誠不負大科也已晚潛究餘山
先生之學滋不局于莖而海內久膾炙其清辭麗句臚陳各
體高文典冊絕不類俳者之所爲予衰病侵尋輟筆研累歲
且羞悔曩時誤耗精於蟲刻爲無聞之人以終老堆堆故紙
畧不省視于其集成不可無一言用以詭天下之讀是集者

匪徒以此事推之乃其可貴者也顧藻翰本原所在豈有屋
哉予耄矣猶願與執友共泝尋之

隨園詩話云仁和沈某園查聲山學士外孫也其尊甫麟洲
先生宰文昌被累戍寧夏母查太淑人留居嘉善不從行椒
園每歲南北省視極行路之苦有詩云秋生紅豆辭南國春
到青銅赴朔方青銅者寧夏山名又雲影有心隨望眼淚痕
和綫綻征衣爲厲樊榭孝廉所賞沈歿後張少儀有詩哭之
云塞上草枯雙淚白瀛洲雲淨一襟清草枯用裴子野事蓋
紀實也觀察尊甫笠亭先生宰印江與沈同成觀察徒跣萬
里號呼求救卒獲安全嗚呼三君皆與余同舉詞科而沈張
兩觀察又同舉詩社於李玉洲先生家往來尤狎今皆先後

鶴徵後錄卷一

十四

化去追思六十年中升沈聚散音塵若夢可爲於邑
蒲褐山房詩語云椒園風流儒雅詩筆亦同書法在蘭亭丙
舍間乾隆戊寅予入都遇於臨清同行者經月青簾畫舫書
籤硯格纖塵不染望而疑爲魏晉間人也爲臬使時嘗欲以
湯文正公斌崇祀兩廡事雖不行士論韙之
徐敬齋斐然云先生舉詞科入翰林於時如葦浦次風艸廬
諸公以沈博絕艷之文震耀當世而先生獨守望溪家法尺
寸不敢自恣人見其鄰於枯過於淡而不知枯而腴淡而旨
也以視堆垛爲富塗澤爲妍者其相去爲何如

夏之蓉字芙蓉號醴谷江南高郵人雍正癸丑進士淮安府鹽
城教諭由工部尚書涂天相薦舉授檢討著有讀史提要錄字

舫齋偶輯半舫齋詩文集

先生天才宏放於風騷之旨上下數千年間能窺其源流正變之所在一時壇坫諸公莫不斂手推服丙午領鄉薦旋官鹽濱教諭易以端品立身之道復會城鄉遠近之士考其所業輯為興莪錄任滿入都成進士薦舉鴻詞官翰林甲子典試闈中次年督學嶺南於治經外示以古文之學錄為汲古編戊辰移節湖南造士一如在粵東時復論次其文為湖南汲古編先生星輅所至綜所見聞繫諸篇什著有賦征集後解組歸主講鍾山麗正書院憐才愛士孜孜如不及盛名者德實為海內所矜式

鶴徵後錄卷一

十五

師與周石帆陳句山諸公拈題角藝見其紙筆伸紙黃河滾滾落几案間竊心服其才嗣是出使楚粵著賦征一集子曾序之而未罄其指要今乃得卒讀其半舫齋編年詩不事雕飾舉數十年中一切憂悲愉懌觸景摠懷皆長言詠歎以矢其音子為往復雜誦知其得於性情之際者深已醴谷年逾七十神明不衰聞其退休以後日事丹鉛手不釋卷庶幾乎老而好學者子故因論詩而並著之
方望溪半舫齋古文序云癸丑歲高郵夏君醴谷捷南宮文名藉甚而未與木天之選時子教習庶常以三江五湖攷命題醴谷為文示子見其援據精確氣色淵古竊謂時賢遠不逮也嗣子刪定唐宋八家文體谷間出議論與予相辨難往

復至再三不厭雖所見畧殊而指歸不異予益重之知其醇釀者深矣後醴谷舉鴻詞科歷奉

天子簡命膺校士之任著述日緜波瀾愈老視向之所為殆有進焉予益歎醴谷之邃于學而其傳將寢廣也往者羨君西溟與予論古文之學至前明而衰至本朝而復振今醴谷崛起子後以嗣興為己任擇而精語而詳駸駸乎與侯魏諸子比烈其亦昌黎所云能自樹立不因循者與披閱之暇為書其大畧而歸之

隨園詩語云夏醴谷督學廣東有門生鄭齊一者年少貌美舟中妓醉而逼之鄭勃然怒曰使不得夏贈以詩云柔情似水從頭抹硬語如刀帶酒聽

鶴徵後錄卷一

十七

汪士鏗字君宣號筠川江南休寧人副貢生由兵部尚書直隸總督李衛薦舉除庶吉士散館一等授編修

筠川入詞館後名滿都下踰年散館

欽定一等第九名授職甲子典四川鄉試未幾乞養以歸

杭葦浦劉侍講藻席上送同年汪編修士鏗歸休陽詩云敢將巨手壓諸公策馬天衢意氣同華省競推湘管健鎖關一顧羣羣空神依夕膳黃山下 恩戀晨光 紫禁中聞道澗

河秋漲濶推遙細細數歸鴻

陳士璠字魯章號魯齋晚號泉亭浙江錢唐人生員由浙江總督程元章薦舉除庶吉士散館改授戶部主事歷轉員外郎中出知江西瑞州府著有使蜀集夢碧軒詩交鈔

先生爲邑增生屢試高等十踏省闈不售既被薦入史館旋改戶曹辛酉副朱中允良裘典四川鄉試稱爲得人在部壹以清案牘免拖累不與同官立異亦不曲徇上官爲郎十一年出守瑞州有惠績中丞胡公寶璵歎爲品高學邃積勞成疾死之日官無餘財遺愛在民至今多稱道之

枕堇浦題同年陳戶部士璠使蜀集詩云暫辭畫省擁油旌雲棧風陪細算程一概不曾驚父老七經端可化諸生卷中錦字江流濯閣外蘭舟峽雨迎靈女弓衣新織就笑他春雪任知名

隨園詩話云同試鴻博陳魯章以諸生中式卽授庶常途中紀事云月映湖光分外明蘆花影裏一舟橫夜深聞有鄉音

鶴徵後錄卷一

一七

在曉起開蓬問姓名又嘗夢人贈句云路迴碧落三千里筆瀉銀河十二時醒殊不解後守瑞州郡靡後有碧落山江右去京師恰三千里惟銀河句不知後有驗否

陳曼生鴻壽云先大父以增廣生舉大科入詞館改戶曹典試蜀中得士稱盛出守瑞州持躬廉介莅政和平任戶部時大學士公某以素精岐黃召之曰吾知爲郎官不知爲醫竟不往以是十年不得遷後某公事敗始出爲郡守所爲詩早年追踪漢魏步趨三唐晚乃出入白蘇黃陸陶冶性靈謹守繩墨直抒胸臆而氣骨自適

齊召南字次風號瓊臺晚號息園浙江天台人雍正己酉副貢生由浙江總督程元章薦舉除庶吉士散館二等授檢討官至

禮部右侍郎乞養歸著有水道提綱歷代帝王表後漢公卿表賜硯堂詩寶繪堂文集

先生少穎敏讀書十行俱下尤具異稟目光炯炯能隔一二十里嘗登杭州鳳凰山視隔江西興渡人皆歷歷可辨學問奧博經術湛深自天文律歷以至山川疆域險阻要隘瞭若指掌又深知古今治亂得失通習掌故既入史館陟卿貳文章學術一時罕有倫比歸後主敷文講席十餘年獎掖後進從者雲集適諸城寶臬臬先生視學兩浙時相過從輒作竟日聚城鑰已上滿聲數下猶談論未輟云

秦小峴山人文集云公爲翰林克日講起居注在上書房行走既由檢討遷中允又遷侍讀學士以大考第一擢閣

鶴徵後錄卷一

一八

學旋陞禮部侍郎歷充大清會典一統志續文獻通攷纂修官校勘經史定通禮以一諸生不數年驟躋卿貳人皆謂公特以交詞被知遇顧公問學淹貫世盡知之至其立身耿介伉直有不愧古大臣者雖同列或不盡知且公位望雖顯總不出文學侍從之列又遽乞歸未盡其用此有天下所共惜者累主檄山敷文書院講席造士甚衆族兄齊周華獻其所著書于巡撫熊公語多不法并揭公十罪以是下刑部獄議以徇隱擬流

上鑒公無他僅削職放還甫匝月而卒

詞科餘話云天台齊次風讀書之室生竹一莖窗設鼓節相對是年甲寅次風適應大科之徵山陰胡天游爲賦瑞竹詩

隨園詩話云詩占身分往往有之齊次風宗伯年十二登巾
子山云江水連天白人煙滿地浮巾山上望一覽小東
又云壬寅余過天台齊侍郎召南人久矣其昆季延余小飲
捧侍郎全集高尺許乞作序盡半日之暇爲之翻顯見其詞
富美不勝收僅記其詠漢武七律一首後四句云親承文景
昇平業閑闢唐虞未有天到底英雄晚能悔輪臺一詔是神
仙

陶篔簹村鳧亭詩話云次風齊公博聞強記觀書日十行下一
覽則終身不怠應徵北上謁某邑宰留宿署中見架上有異
書八冊以借觀請主人曰諾次日黎明將次登程命持書去
曰吾已閱訖矣主人末之信隨抽一二冊詢之皆能探喉而

鶴徵後錄卷一

九

出不差一字主人大驚公嘗謂余曰吾自紫禁城墜馬腦
髓迸流日睛眩轉神魂飛越蒙古神醫亟以牛腦實之即用
生牛皮冒首使真氣聚而不洩且徧體椎扑使十二經脈復
具本初三百六十五骨節各還部位三日而知痛五日而知
飢不三月而能起立然記性頓減覽書不及旬日即已遺忘
前後如兩人云

蒲褐山房詩話云侍郎賦才敏慧博學多聞自詞林以大考
前列即登卿貳入上書房退直歸澄懷園上馬守門兵
舉赤棒驅之馬驚墜地傷于額腦髓盡流皇子聞之亟遣
蒙古醫生往視殺牛取其胃絲繩包裹昇回館舍至半夜乃
得蘇又傳以祕藥閱六七月始痊然于平生所讀已不能記

憶矣其所著撰皆未能成編惟水道提綱係充一統志館纂
修時所撰於源流上下縷析條分使讀者如指諸掌又有寶
綸堂文集浙江臬使秦君瀛刻之詩藁尙藏其家

梧門詩話云齊次風少宗伯熟於三禮尤精地理之學假滿
時郭韻清先生送行詩有地志似借章亥步天官解訂石申
書可謂工切宗伯目力勝人夏棲萬松山中每視雲起必牽
一縷如絲繫於峯顛踪跡之獲石數枚有文印之成書畫形
後積漸多因以作謹用東坡石鼓韻題長歌紀之所謂謹從
乙亥至丁丑松嶺日伴蒼筠叟看雲疑是結繩初得石便同
畫卦後行書斜整雁銜蘆縵篆螭蝨食柳是也劉繩菴杭
堇浦趙石函方立亭程存齋諸公皆有和詩阮吾山侍郎云

鶴徵後錄卷一

二

自謂青天雲盪胸不羨黃金印繫肘苦花千載繡山靈松嶺
三年契石友遂爲一時佳話

李介石穀云先生宏搜博覽強記過人爲閣學時

高宗皇帝於寧古塔得古鏡未詳款式問朝臣莫有對者先生
引證書史羅縷具奏

天顏大悅顧左右曰是不愧博學鴻詞矣沈文愨公嘗因奏言
天台石梁之奇

高宗皇帝詢及先生對曰荒山磽确不足以勞
聖駕人笑其奏對率易然以此益重之

周長發字蘭坡號石帆浙江會稽人雍正甲辰進士原任翰林
院庶吉士改樂清縣教諭由浙江總督程元章薦舉授檢討遷

侍讀學士降補侍講著有 賜書堂集

先生幼卽刻厲爲詩古文詞博學多才以庶常出爲廣昌知縣復改教諭薦舉重入詞館值修綱目續文獻通考諸書皆充纂修官兩奉 使祭告嵩華吳山江淮等處家有 賜書百數十種嘗乞假省母 恩賜內緞豐貂令歸爲母壽尤極 篤母之榮

商寶意越風云學士擅校馬之才翱翔 禁近鼓吹休明曾賦覺生寺大鐘歌應 制稱

旨揮翰捷敏不亞張宮詹向以 賜書堂詩數千篇屬予手定 摛華採藻可方近先隨 輦二集其在永嘉學署有和蘇詩百餘首最佳曩時見之今已散失

鶴徵後錄卷一

三

隨園詩話云雍正乙卯春予年二十與周蘭坡同試鴻詞於杭州制府其時主試者總督程公元章學使帥公念祖詩題是春雪十二韻因試日下雪故也蘭坡有句云堆從梨蕊消難辨遊入梅花認亦稀又云余平生所見敏于詩者四人前輩中一爲宮詹張南華鵬獅一爲學士周蘭坡同學中一爲侯夷門嘉縉一爲金進士兆燕俱可以擊鉢聲終萬言倚馬又云斷句入耳有終身不能忘者周蘭坡送別云臨行一把相思泪當作珍珠贈故人又云蘭坡多詩冬日同周元木談雪和東坡尖叉韻元木押鹽字韻云修綉繞作離離竹妙句清于昔昔鹽

鳧亭詩話云學士博聞強記下筆敏捷超羣余一日訪其家

適學士由 上書房請假歸詢及近作因以憶家園七律四首口誦一過學士曰吾將依韻和之益少坐便當覽索求是夕有讌會催飲者甚亟登車去後離不週里許未幾至而學士和章已莊寫一箋至矣學士又嘗奉 使祭江源以紙八十番編成一本曰吾歸必吟滿此編余以一律贈行學士卽和韻首書之比歸詩果滿紙無贖紙其好吟如此故生平著作甚富因貪速成未免有率易處而倚馬萬言不煩思索固屬異才

汪小海淮云周石帆官翰林以詩捷敏負重名且晡握管成七言近體三十首

程恂字慄也江南休寧人雍正甲辰進士原任北運河同知由

鶴徵後錄卷一

三

兵部尚書直隸總督李衛薦舉授檢討陞中允

先生精於三禮在都時嘗延江先生慎修于邸舍互相討論學益深博入詞垣充 大清會典三禮館纂修官與李少宗伯清植同聚儀禮之誤極爲研審

杭墓浦寄同年程檢討恂休陽詩云一度看花百首詩有詩兼酒復奚之劇憐南國音塵杳那解西軒讌賞蓬屋外蓬山仍舊識座中熟客半同時明年管領知誰氏留待君看已後期

鶴徵後錄卷第一

鶴徵後錄卷第二

嘉興李富孫既汴甫輯

補試一人

萬松齡字星鍾號葆青江南宜興人雍正己酉舉人內閣中書
由兵部侍郎楊汝毅薦舉授檢討

先生父伯安先生以詩文名海內迄不獲一第著有鯖餘集
天台齊息園侍郎序之先生文學德行見推于世為諸生時
偕父客遊滇南流離抑塞父歿于旅寓先生徒步走萬里負
骸骨歸肩脊皆生瘡痂觀者歎息為之泣下後舉制科入詞
館聲望大著

先生在詞館與同薦諸公時為吟社分題賦物嘗有雪夜集

鶴徵後錄卷二

清漣社聯句云寒凝綬綬然夏之三歲三會雪騰空勢悠揚

沈冠 著物冷金鐵漫漠寒霰于掠亂瓦溝瞥穿窗透一點

劉綸 照簡影三滅模稜無圭角前光怪竦楹悅厚非天地閉

程齊 此萬物潔前期見霜杭世茲夕盡蟬蛻大白酒深深

朱小 把柴烈烈豈矜舊雨來周長聊紹聚星哲順時屈屢臘

劉藻 休徵掃蝗蟹預想麥有秋張行看草初茁思艱邁虎冰萬

齡 調燮仰稷契懸知連十稔陳士不但慰載渴遂止無已太

諸 錦附詩當補缺起看攀頭山陳光踏凍除木屑之

二等三人

朱荃字子年號香南浙江桐鄉人生員由大學士管浙江總督
嵇曾筠薦舉除庶吉士散館一等授編修著有香南詩鈔

香南奉 使視學四川篋蓋不飭并有他事爲人所劾遂棄官走 詔捕不得逮繫家屬其弟拘囹圄累年莫可踪跡後竟不知所終矣

隨園詩話云朱香南子年分校禮闈有句云寄語羣公高著眼青衫明日泪痕多余甲子分校亦有句云帶入秋闈示同伴當時落第淚痕衫

洪世澤字叔時福建南安人廩生由福建巡撫盧倬薦舉除庶吉士散館二等授檢討

華亭黃唐堂先生以中允督學閩中造就人才總持風雅士子有一莠之長無不誘掖獎厲之叔時與安溪潘亞卿閩縣張希周輩俱邀拔識兼有無雙之譽後舉制科奉天盧公皆

鶴徵後錄卷二

二

列于薦牘叔時入詞館潘張亦先後登第人服其有知人之鑒焉

張漢字月槎雲南石屏州人康熙癸巳進士原任河南府知府由署兵部侍郎王士俊薦舉授檢討改監察御史乞歸著有月槎集

先生嘗守河南行縣過宜陽甘棠砦在其境內僅存故地因補植棠十三本以昭古蹟并以菱棠題集邀同志爲詩一時屬和者甚衆諸草盧宮贊詩云甘棠新補十三枝今日疇賡召伯詩君子須眉皆甚古丈人清畏不錮碑懸同合浦車爭挽豈必桐鄉像設祠他日輜軒問原隰廣基臺榭幾人知能令望國封嘉樹總爲風詩愛到今郭璞樊光勤補注白棠赤

杜想連陰忘勞重整周行菱聽訟當年一片心詎似漫無真桂性朱唇點綴不能禁

胡稚威送張侍御歸雲南序云張先生爲御史有年既論事屢上書一日忽假去期不復來夫先生去其鄉萬里以官京師于官復貧行李不計乏車船不顧具滇南之險且遠然乃竟歸方謂其去之愈於其仕其決以果哉夫知止賢也疏廣受之猶足有稱也若夫退不辭祿爲高居不虞辱是懼獨顧其道不失其守伉伉鏗鏗明白以行彼二子之視又何如也先生前守河南值上官奸殘羣屬惴惴風靡獨持理砥柱遂被誣劾其後復用宏詞入翰林改列臺署其夷直茂厚過中州士大夫嘆其去不可留而尤重其別故特於言然

鶴徵後錄卷二

三

隨園詩話云丙辰 召試有康熙癸巳編修雲南張月槎先生年七十餘重入詞館先生以前輩自居而丙辰翰林欲以同奉視之彼 狐特後五十年余遊粵東飲封川邑宰彭公竹林署中西席張旭出見詢知爲先生嫡孫急問先生遺藁渠僅記秋夜回文一首云煙深臥閣草凝愁冷夢驚回幾樹秋懸壁四山雲上下隔簾一水月沈浮翩翩影落飛鴻雁皎皎光寒靜斗牛前路客歸螢點點邊城夜火似星流

已入詞館不與試四人
金德瑛字汝白號檜門浙江仁和人雍正丙午舉人內閣中書由太僕寺卿蔣漣薦舉乾隆丙辰一甲第一名進士授修撰官至都察院左都御史著有檜門詩存

先生爲秀水汪氏婿讀書金陀園遂家於范湖入翰林累官
遷授分校北闈者一典試江閩者四視學江西山東順天者
五會試總裁者一初任江西時奉

旨有操守甚好取士公明之語得再留任嘗奏請加賑鄒滕飢
民徐究水災宜復黃河故道並得

旨允行性孝友置義田建宗祠鄉人德之

錢文端金總憲詩存序云金檜門先生少博雅宦學吾郡汪
丈鶴桴郡中老宿也居范湖稱藏書家予官翰林時奉母假
旋往復過從見先生於甥館每出所爲詩春容與衍有古作
者風予一見以國士遇之先生亦心重予引爲知己歲丙辰
先生以公車來京師首蒙

鶴徵後錄卷二

四

聖主特達之知 廷試擢第一松泉汪文端時爲同考雅器重
先生與予尋入直 內廷同趨 禁鑿作爲詩歌和平大雅
退食之暇昕夕討論汲古虛受益自淬鍊故職屢遷而業亦
雋上屢典試事東厯泰山華不注之高南踰江淮浮洞庭渡
彭蠡窮三山五嶺之奇每登臨題詠人爭傳誦先生爲人醇
古澹泊宋元人中尤愛東坡梅溪遺山曼碩諸家故其所作
往往相近顧生平著作多不自收拾以故散失不少子員外
忠澤主事潔綴拾遺藁得詩四百餘首請予名其集予以詩
取足存而已一二首與千萬首無以異也因畧敘之以爲後
學趨向

蔣莘畬檜門詩存序云公寢饋經史至老弗倦斗室一燈丹

黃典籍汲汲如不及性樂佳山水凡使節經過勝區古跡必
命駕登覽至則留連傾挹吟嘯久之而後去蓋天懷清曠如
此通籍二十有七年任斯文衡尺者無虛歲雖未膺封疆民
社之寄而驟從所經凡有關大政者皆切實入 告爲

上所嘉許得以施行蓋學具體用心涵忠盡而經世之畧因端
發見者又如此

杭葦浦詞科掌錄云金汝白原籍休寧丙午孝廉官中書舍
人常熟蔣公所薦未及試丙辰以第一人及第授修撰入直

南書房是舉有兩狀元金壇于振鶴泉及汝白也汝白讀
書精細通鑑點勘皆徧五言清微朗潤希風錢劉

蒲褐山房詩話云總憲酷嗜涪翁故論詩以清新刻削酸寒

鶴徵後錄卷二

五

瘦澁爲能於同鄉最愛錢君坤一督學江西識拔蔣君心餘
于諸生中而汪子康古其戚也甲戌予入京師總憲時時招
同游宴于一經齋清談終日率以爲常及予南歸又以書薦
于前山東吳運使凌雲其愛才推轂皆此類也總憲歿後四
十餘年而杭城士大夫請祀鄉賢時予主講敷文因送其粟
主奉于學宮歸而重復其詩爲之淒黯

張秋水鑑云檜門先生淹貫經史篤嗜不勒屢掌衡文之任
愛才若渴視學江右時獨識蔣莘畬太史以第一才人口之
先生卒後莘畬太史至繪像以祀同人多詠其事知己之感
深矣

曹秀先字冰持號地山江西新建人雍正壬子舉人內閣中書

由戶部侍郎李紱薦舉乾隆丙辰進士改庶吉士官至禮部
書讀文格

文格公性不能飲健飯每日可盡十五年十四補博士弟子
雍正己酉入選貢中副車壬子舉京兆試考授中書舍人丙
辰成進士選庶常散館授編修公天才瞻博問學該明自通
籍 承明以後益求為有用之學於以上贊

聖治光輝篤賞濬用六卿由臺諫歷寺司領成均晉閣學工部
戶部吏部各侍郎又特晉禮部尚書侍 經筵直 內廷其
間扈 時巡典試事察省海嶽獄獄浙江充纂修充大總裁
遭際之隆近所罕觀而又年臻耄耄 寵眷有加 賜紫禁
城騎馬殿後易名有制亦極儒臣之榮矣

鶴徵後錄卷二

六

金門詔字易東號東山江南江都人康熙丁酉舉人由順天府
府尹陳守創薦舉乾隆丙辰進士改庶吉士
已未開鴻詞科

聖祖仁皇帝特取五十人入詞館纂修明史外如萬季埜斯同
姜西溟宸英俱以薦預史局久之未成至雍正初始有全
世宗憲皇帝復令重修相國張文和為總裁官東山以鄉貢士
薦入史館衆推其才書成當晉秩旋膺大科之徵先入詞垣
後竟以試罷職歸

詞科餘話云金易東以孝廉薦修明史長洲沈德潛以詩簡
之
杭堇浦送金東山歸維揚序云廣陵金先生與余同就鴻詞

之徵未幾東山成進士先余入館授已未鴻詞舊事握手較
同籍之誼東山善談笑喜賓客圍棋賭酒酣嬉累日夕而不
厭胸無柴棘稱心肆口屢尤于人而不以為悔修飾遯幅者
習為罄折余獨與東山仍其疎野余方倚東山以自壯東山
亦以余兀岸不可貶損就余狎不余棄也方是時京師交驩
者莫吾兩人甚東山負 承明著作之才與修勝國之史直
而不阿簡質而當理書成晉秩既而充三禮館纂修官時方
重其事非耆儒碩學專門名家者不獲與是選東山亦恢廓
自信思勒成一家言以為

聖世昌明經學之一助竟以試落館職一旦委而去之余不敏
猥以謏劣承其未竟之緒東山與余習以熟於其去也不能

鶴徵後錄卷二

七

無釋然於其中矣

全祖望字紹衣號謝山浙江鄞縣人雍正壬子舉人由戶部侍
郎趙殿最薦舉乾隆丙辰進士改庶吉士散館以外補假歸著
有經史問答結埼亭詩文集

先生有兄祖謙慧甚六歲而殤太夫人哭之哀忽張目曰吾
當再來補之後十年生先生亦慧甚故小字曰補又有傳為
錢忠介轉生者年十四補博士弟子戊申督學交河王公將
以賢良薦上書辭之次季即充選貢壬子舉京兆試春闈下
第將歸有詞科之徵遂為吏部所留時詞科諸公尙未盡集
臨川李公以問先生為奏記四十餘人各列所長李公歎曰
使 廟堂復前代通榜之例君亦奚慚退之哉其後四十餘

人李公多展轉道地登之政事應 召二百餘人半與先生
逆緣符因得盡其人之文章學術乃彙爲詞科摭言一書而
先之以康熙己未百八十六人徵士仿高允徵士頌之例詳
書之而後以今科已成大半會放歸未卒業僅得前後姓名
及舉主及試錄三卷丙辰先入詞館深以不預大科爲憾丁
巳散館列下等歸班外補望溪方公欲薦入三禮館辭之遂
南歸殫心著述不復有出山之志續選李杲堂甬上耆舊詩
兼修南雷黃氏宋儒學案七校水經注欲註班氏溝洫志而
未果主講葦山從者雲集家貧雖至藜藿不給人有所餽弗
爲動後往粵東主端溪書院因病歸卒于家先生之學淵博
無涯湊于書靡所不窺歷碌貫穿能發前人所未及而於水

鶴徵後錄卷二

八

道源委考核尤精誠深寧東發以後一人也

詞科餘話云全紹衣撰詞科擬進帖子援據精核爲 召試
諸公所不能及

鮑西岡稗勺云乾隆元年 廷試鴻博全太史撰公車徵士
小錄八卷中式者十五人不第者若干人蓋敘其姓氏里居
世系也更撰詞科摭言尙未成書

隨園詩話云全謝山以丙辰春闈先入詞館故九月間不與
鴻博之試丁巳散館外用謝山不樂賦詩呈李穆堂侍郎云
生平坐笑陶彭澤豈有牽絲百里才秣未成醜身已去先幾
何待督郵來有虬仙傳謝山爲錢忠介後身者故有舉子詩
云釋子語輪回聞之輒加嗔有客矣附會云我具鳳根瓊江

老督相于我乃前身一笑安應之燕說漫云云按謝山年三
十六方娶滿洲學士春臺之女逾年舉子時忠介公後人名
芍亭者侵晨入賀謝山驚曰何知之神耶芍亭曰夜來寒
堂中不知何人揚言曰謝山得子故來賀耳此事朱心池爲
余言之余悔在都見謝山不曾一問

袁陶軒鈞云里中范氏天一閣陳氏南軒陳氏雲在樓多藏
書謝山徧讀之復從武林趙氏小山堂借所未見學益沈博
負氣忤俗喜雖黃人物究心鄉邦文獻所著書十數種皆卓
然可傳

未試丁憂四人

金虞字長孺號小樹浙江錢唐人康熙庚子舉人湖北孝感知

鶴徵後錄卷二

九

縣由工部尙書涂天相薦舉著有小樹軒集

小樹博綜羣籍其所爲文無不根柢經術時藝尤爲世所重
詩亦極清麗如詠帆影云高樓暮雨經年別野岸斜陽一片
愁柳絮云六代繁華終變滅一生飄泊坐清狂刺蝟云拳如
雲後屯邊騎怒卽風生罵客髭體物尤工

詞科掌錄云金長孺以保舉合湖廣之孝感邑人大司空涂
公薦于 朝旋丁外艱不與試長孺於書無所不讀文筆高
秀爲吾鄉人士之魁從人視學粵西有雙江臥遊草詩極清
雄

隨園詩話云吾鄉金長孺先生以時文名世不知其能詩也
有人爲述其禹廟云授笈儼陪蒼水使奉香猶贖白頭僧

步云打頭黃葉忽飄墜知是隔林松鼠來

嚴遂成字崧瞻號海珊浙江烏程人雍正甲辰進士原任山西臨縣知縣由浙江總督程元章薦舉後補直隸阜城知縣陞雲南嵩明知州著有海珊詩鈔

先生天才駿發早已名播海內詩力大思深不拘一格雄渾綺麗兼而有之當時壇坫諸公雖與抗手竹垞初自後不得不推爲一家嘗作明史雜詠四卷賦明一代之事古體近體相間曾經浙撫奏進錄入 四庫全書存目持論頗多允當海珊詩鈔自序云余少爲詩以偏窄相尚罔識律令吾鄉姚憲田同年厲焚榭方負能詩聲推與余善而於詩未之許也甲寅被薦居內憂弗逮赴 朝考顧虛聲一時藉甚思有以

鶴徵後錄卷二

十

曠之辛酉夏量移阜昌吾師穆堂先生典試江南止郵亭余謁見迎謂曰吏亦不易爲知生百無暇獨詩可分余一席愼毋廢余憮然汗下嗣後收視返聽知功夫有在於詩之外者厚其所積窮其所變別構巨厲不屑苟同昔人迄於今不自知其至猶未也然我才亦既竭矣後梅花詩傳誦京師明史雜詠人以詩史目之今哀集若干卷都從零佚中以次改竄無復前後年地可問大參徐南岡先生閱竟評曰君詩必有所爲始作無一字無來歷筆頭勾得數十斤起楚中余同麓歎爲知言辱參之於竹垞阮亭二家之間相勸付梓惜乎樊榭憲田早下世無緣重定吾文此足貽千古知己之憾也詞科掌錄云嚴海珊令山西之臨縣丁父憂回籍浙江總督

上蔡程公合試一省之士海珊爲第一旋違母憂不與試七言造句瘦硬灑中舟行云修鯉躍波雨點大怪禽呼樹風聲寒太行云孕生碧獸形何怪壓住黃河暗不驕城隅春望云兩方得氣能醫草風自生香不借花皆有別材

詞科餘話云江都唐改堂紹祖以名翰林出守吳興雅負人倫之鑒時嚴進士遂成持父憂居里旣闕徵書屢促以啟辭之

隨園詩話云讀史詩尤雋者嚴海珊詠張魏公云傳中功過如何序爲有南軒下筆難冷峭蘊藉恐朱子在九原亦當乾笑又云海珊自負詠古爲第一余讀之果然三垂岡云英雄立馬起沙陀奈此朱梁跋扈何赤手難扶唐社稷連城猶擁

鶴徵後錄卷二

十一

晉山河風雲帳下奇兒在鼓角燈前老淚多蕭瑟三垂岡下路至今人唱百年歌

梧門詩話云嚴海珊工於詠物詩思力過深詠桃云怪他去後花如許記得來時路也無海棠云睡味似逢鶯喚起酒痕仍借笛吹消梅云殘笛一聲涼在水遠峯數點碧于煙著筆幾似李龍眠白描畫矣又海珊詩鹽城徐南岡謂其無一字無來歷筆頭勾得數十斤起信然如常山旅夜云櫓聲離岸小山氣壓城寒東坡書院云竹非因月瘦山不厭雲痴冷泉亭云怪鳥呼風天忽冷危峯到地晝常陰秋草云斷霞古道無人過寒雨空城有雁飛宿見山樓云如此夜深猶有笛可能春盡竟無詩

阮雲臺中丞定香亭筆談云海珊司馬詩具兩種筆意如骨
堆石勒漚麻嶺血浴高歡避暑宮盧龍已買房秋塞上谷盧
傳突騎名弓懸屋角秋防虎旗閃城頭夜舉烽鷓鴣盤大漠寒
無影冰裂長河夜有聲造句雄奇詠桃云怪他去後花如許
記得來時路也無蓮花莊云無數垂楊遮不住好風吹出讀
書聲言情旖旎

符曾字幼魯號藥林浙江錢唐人監生戶部學習行走由刑部
侍郎勦宗萬薦舉後官戶部郎中著有春鳧小葉半春倡和詩
賞雨茅屋雪泥紀遊等藁

雍正戊申特奉

諭旨令內外臣工各舉賢良方正之士送部引 見擢用藥林

鶴徵後錄卷二

十三

為太常卿汪公澹保舉分部學習為戶曹處膏不潤襟情高
曠日事吟詠詩超然意遠亦適如其為人

胡稚威符員外詩序云員外詩名天下三十年同時多自負
或與爭聲終弗能勝員外之詩思旨要眇遠絕畦畛外恍乎
結虹蜺乘雲霞以濯清冷雖然非或深于是要亦未能識也
故相鄂公故廷尉汪公于知員外尤深既官戶部故尚書深
陽任公顧其僚曰符郎真詩人今司徒嵇侍郎嘗對座客誦
其篇句之尤警出者員外志清行和臨事有守其賢於世不
徒以其詩也

杭莖浦符藥林雪泥紀遊藁序云歲丁巳春予友藥林符先
生南歸省墓渡唐暨三天子都周覽其景物息輟舊里

金之裝周貧問疾隨手散盡既還京師手一編謂託曰斯吾
雪中鴻爪也藥林體無凡骨意尚高遶湖平日落空江無人
萬慮壹澄靈響獨結釋道研之稱缺瓊所謂竟將我致青雲
間何由論地上事也此誠內景之博徒真語之別子乎故標
舉其趣以告來遊來歌者

詞科掌錄云符幼魯以工部侍郎休寧汪公保舉授七品小
京官在戶部監萬安倉宏詞為靜海勳公所薦丁內艱不與
試詩章脫手清便氣韻尤高韻惟在骨始非俗清到無言但
得香詠梅句也又有句云秋山到曉露全骨涼月伴人成苦
吟又有句云三日不來秋滿地蛩聲如雨落空山皆在人口
居京師刻春鳧小葉錢唐陳榜山以為操舍自命不限常律

鶴徵後錄卷二

十三

洗削凡近出於自然如春在花如意在琴軼妙造神難以迹
尋長洲沈碭士以為如鶴鳴空山泉流斷壑使讀者夷然冷
然不自知其矜平躁釋也其為名流所推服如此

隨園詩話云符郎中幼魯詩主高淡嵇相國為予誦其三日
不來秋滿地蟲聲如雨落空山一聯余記其齋宮云寒雲添
暝色老屋聚秋聲詠唐花云當時不藉吹噓力少待陽和也
自開哭揚州馬秋玉云心死便為大自在竟歸仍返小玲瓏
小玲瓏山館者馬氏花園也屬對甚巧賀周石帆學士納妾
云藥爐經卷都拋却只向燈前喚夜深尤蘊藉

蒲褐山房詩話云余初入京時即見春鳧主人時年已六十
有餘為戶部郎常以病假所居韓家潭令余直入臥內床轉

之外書籤書卷茗椀香爐列置左右几案無纖塵四時長供
名花數盞余笑謂曰入君燕寢已如在斯橋籬落間使人不
復憶西子湖矣其雅潔蕭澹非東華軟香塵土中人所能企
也蓋自少與樊榭葦浦玉几同學故其襟情如此詩亦清絕
不免窘于邊幅而翛然物外之致可想見其風韻焉

梧門詩話云符幼魯舊藏梅花研楊子苑仙見而作歌查儉
堂愛苑仙之才妻以女幼魯即贈研為聘且圖焉阮吾山賦
詩云琢就琳腴澹練光湘壺添得紫雲香才人一曲梅花引
不用吹笙學鳳凰花影娟娟鬢影嬌東窗紅日麝煤調玉臺
好試珊瑚管鏡裏春山著意描

楊愷曾字吾三號江西南武進人監生出兵部侍郎鎮國將

鶴徵後錄卷二

十四

軍宗室德沛通政司使趙之垣交薦舉

吾三傲岸負奇氣學亦淹通名公卿咸傾倒其人袁簡齋有
詩云吾三意氣顛如雷姓名久被羣公推昨日別我心不樂
毋戰忽輸三百杯

詞科掌錄云楊吾三世胄清華曾祖修撰廷鑑明崇禎癸未
狀元祖諭德大鶴有盛名于時父編修祖楫與兄學士椿先
後在詞館吾三與修曲阜盛典偕從弟述曾並舉大科為
海內所艷稱

鶴徵後錄卷第二

同里錢希憲撰

鶴徵後錄卷二

十五

鶴徵後錄卷第三

嘉興李富孫既汴甫輯

未試病故七人

杜詔字紫綸號雲川江南無錫人康熙壬辰進士原任翰林院庶吉士由大學士嵇曾筠薦舉著有雲川閣集浣花鳳髓蓉湖漁笛譜等詞彙

雲川天才秀逸學有根柢以諸生獻詩 行在

聖祖皇帝特命供職 內廷壬辰會試榜後蒙 賜一體殿試改庶常日與都下名流相倡和當朋賓款集刻燭分題散華落藻然其襟韻瀟灑超出塵埃之表盛年即告養歸里門庭闕寂几格清嚴前輩嚴中允藕漁極稱契合今傳雲川閣集

鶴徵後錄卷三

一

僅有古體詩殆非全本其詞深得白石玉田之意說者謂可繼吾鄉金風亭長夫何媿焉

詞科掌錄云杜紫綸少從鄉先輩嚴中允孫友顧舍人梁汾遊工于倚聲康熙四十四年

聖祖南巡以諸生進迎 鑿詞 駕幸惠山又進梁谿望 幸

詞 召見 御舟 賜綾詩一幅已而被 召來京一日傳待 詔者八人入 南書房 命寫

御製金蓮花賦各賦紀 恩詩一首紫綸獨進一詞拔置第一旋 命纂修歷代詩餘又 命修詞譜辛卯舉京兆秋試壬辰

欽賜進士改庶常假歸以原品休致未及試病卒

顧梁汾云浣花風流醜藉詞如其人麗而則清而隴其固之流亞也

沈文慤別裁集詩話云雲川以詩受知於

聖祖會試不第 賜進士入詞館士林榮之而雲川以養親歸不復出晚與道士榮漣僧天鈞結九龍三逸社有廬山東林之風焉中歲嘗選唐詩叩彈集皆中晚名作故生平得力亦在大歷以後云

隨園詩話云無錫杜紫綸先生選叩彈集以晚唐為宗同余

習試誦送春一聯云自是東風無著處本來西子有歸時

真晚唐也黃準田亦云人自夸東晉詩惟愛晚唐

劉芙初嗣綰云杜雲川為諸生時每遇試時輒夢場中試題

鶴徵後錄卷三

二

論語子之燕居一節秋賦前數日必以此題擬作一藝卒不驗至辛卯應京兆試主司為武進趙公申喬雲川即以是科中式始悟前夢之應甚為幻合

柯煜字南陔號實菴浙江嘉善人康熙辛丑進士衢州府教授由內閣學士方苞薦舉著有石庵樵唱月中簫譜詞

先生為給諫聳之孫上舍宏本子前徵鴻詞崇樸維楨兄子孺染家學見聞彈洽又嘗受業於朱竹垞檢討之門與吾鄉

周籥谷沈山子暨當湖沈覃九暉日諸前輩往來唱和以詩文相質故其詩歌駢體以及倚聲無不擅場咸稱為謝庭玉

樹大學士王公頊齡以山林積學薦引 見為明史纂修官

鴻詞之舉年已七十有一未淺卒於官

方望溪集云鴻詞檄下南陔疾已亟矣喟然曰方君此舉使海內窮士聞之一鳴耳耳

詞科掌錄云嘉善柯南陔康熙辛丑登第以磨勘黜落雍正癸卯復成進士初為宜都令改衢州教授工詩及駢體雙溪沈吳二氏刻唱和詩東甫幼牧皆其高第弟子

詞科餘話云柯南陔向有盛名 明詔初下趙鐵崖侍郎即欲薦之後為桐城方閣學所舉未及試卒於衢州官舍

別裁集詩話云石庵困頓場屋老而始遇一官顛顛以病乞身至薦舉鴻博而石庵則已沒矣詩私淑 親炙鈍翁論

者謂得兩家之長予謂不襲兩家之貌斯為善學兩家者孫天寅字雲舍江南常熟人雍正甲辰舉人由兵部尚書江蘇

巡撫高其倬薦舉

鶴徵後錄卷三

三

雍正甲寅蘇撫高大司馬以州郡所舉堪應鴻詞試者三十人試以古學取者六人雲舍名在第二次年具題惜不及赴徵車而卒

詞科掌錄云孫雲舍寄籍吾浙之仁和奉天高公所薦凡六人而雲舍與長洲朱厚章二人皆不及試而卒雲舍與余為

同年歿後詩集散亡其從子實君客京師從其抄撮得數篇魏樞字又弼號慎齋奉天承德人雍正庚戌進士直隸永平府

教授由奉天府尹宋筠薦舉著有東易問春秋管見慎齋研究經學於易理尤深所著東易問自謂生長遼東與東人相問答故敘其原委而集之以示初學其論卦變三

剛柔皆當指卦不當指爻凡言剛者皆陽卦言柔者皆陰以剛來柔來指一爻而言固未足以盡其義矣其說亦可存春秋管見雜采三傳及胡傳之文以已意附註於後大抵不出胡氏之蹊徑

朱厚章字以載號葑亭江南長洲人一作崑山人廩生由兵部尚書江蘇巡撫高其倬薦舉著有多師集

以載寓居嘉定雍正丙午七月連雨至次年春始晴禾稼不登民有饑色歲暮詩云吳氓殫力辦租庸霖潦深秋駭老農信有檜巢師鳥雀盡拋糶極黍魚龍漫空水氣難為雪照野陽威未化松聞道中丞能入 告便令寒谷轉春容詞旨微婉深得詩人之致

鶴徵後錄卷三

四

沈文愨朱葑亭遺詩序云朱子葑亭崑山人予舊與相識然距百里外無由數數會合雍正甲寅大吏奉 詔徵博學宏詞之士葑亭與選來郡城數月予因時過其寓齋葑亭故豪於才古歌詩雜文及駢體小詞俱合格又工八法嘗於其坐間見菊列二人各執筆磨墨操紙以待葑亭口授一成四六序一改友人長律而已又謄寫某孝子傳約千餘言中有得令二人參錯書之頃之序成多新語長律亦完善已所謄寫極工楷無脫誤中又與予道別後相思語以是知五官並用驚其才能是年冬遇病回嘉定明年三月大吏敦促赴徵車而葑亭則已先一月死矣嗚呼以葑亭之人才正宜應徵召入詞館以當 國家之求而又值蒐羅人文唯恐或失

傑魁有用之士乃竟困抑菟鬱以死此理之未可知者也後四年門下士金子昂千哀集其詩郵寄京師屬前輩張雨華檢討與予論定因共商確存十之三其才華發越者如時花佳木之應時而榮如驚濤奔湍之迫險而下其安和整飭者意有餘於匠技不傷其本而一切蕭索坎塹冰澤堅凍之狀無自而中之拘乎爲才人之詩而不解其中道摧折之何由也葭亭工時藝歲科輒冠曹偶長身鶴立儀表軒出衆人上四坐喧爭時出一二語皆屈服無枝梧者並著之使讀葭亭詩者如見其人

詞科餘話云朱厚章徵書甫下遽以病卒嘉定張檢討鵬神題其集後有云把君詩卷配離騷名士由來多壞坎細探格

鶴徵後錄卷三

五

律妙毫顛融液精華消糝糲直同崖蜜味中邊豈待微甘回苦澀五言况復擅長城山嶽森嚴誰得撼

別裁集詩話云以載言論侃侃五官並用人也歿後門下士金君昂干刻其集行心喪禮鄉邦並重之

黃濤楫字逢源江南江寧人廩生由署兵部侍郎王士俊薦舉逢源根柢樸茂才藻翩翩薦舉後方以歲貢入成均惜未及與試而卒

葉翥鳳字江南荆谿人監生由山西巡撫覺羅石麟薦舉先生學究經學頗有見解能發前人所未言客遊晉撫石公幕中鴻詞之徵卽列名疏薦之

詞科掌錄云葉翥鳳論著淵洽句甬全謝山多采其說未及

試病卒

部駁不與試十四人

許遂字揚雲廣東番禺人康熙丙子舉人原任江南清河知縣由廣東巡撫楊永斌薦舉

揚雲才學優裕爲清河合綜理殷繁肆應不迫以事呈吏議去職鴻詞之舉爲部所駁不得試詩格律甚高清矯拔俗學太白而得其神如山月一篇云不知誰抱鏡挂在白雲岑萬壑照成雪梅花寒一林美人此遙夜千里結愁心解帶松風下霜華流素琴

萬經字授一號九沙浙江鄞縣人康熙癸未進士原任翰林院編修由戶部侍郎趙殿最薦舉著有增補禮記集解續纂春秋

鶴徵後錄卷三

六

隨筆明史舉要列代紀年分隸偶存

先生爲充宗先生子諸父著書滿屋幼卽捕染家學一切世俗之佔卑不得牽引經學史學俱親承指授後入翰林嘗主山西試事尋視學黔中及報政還京爲人所忌遂有通州修城之役同年趙鐵崖侍郎以詞科應薦先生年已七十有八在同徵中爲最長爲部議所格然亦本無出山意已而三禮開局李穆堂侍郎又欲薦共纂修終恐不能就而止

全謝山鮎埼亭集云公少隨諸父讀書南雷黃子方移證人書院于鄞申明戴山之學充宗先生兄弟最稱高座公侍於席末豫聞格物傳心之教長受三禮說數十萬言春秋說數十萬言於充宗先生又受三禮說數十萬言於季楚先生受

易說數十萬言於世父正符先生受尙書說數千言於從兄
言又受明史紀傳三百卷及列代史表數十種於季堃先生
受明史綱目及崇禎長編於從兄言復叩性理之學於應
士嗣而求漢隸原委於鄭君谷口參攷通鑑地理遂釋於閩
徵士百詩公成癸未進士是年公高弟今大學士海寧陳公
亦同與省試且同館衣冠以爲盛事及視學黔中康奉稍優
九宗五族之中隨分施之通州修城歸家既罄蕭然如布衣
賣所作隸字得錢給朝夕於是增補充宗先生禮記春秋及
從兄尙書說以成萬氏經學續纂從兄明史又重修季堃先
生列代紀年以成萬氏史學此其晚年著述也

鶴徵後錄卷三

七

趙公所薦部駁未試其尊甫充宗先生著有禮記集說未脫
藁而卒授一闈明遺緒搜擇羣言在衛陳兩家之間可謂繁
簡得中矣又有歷代建元考晚歲精研分隸時人珍若琪璧
詩文不多作惟見南宋雜事詩序一篇

李引樹云梨洲黃子爲劉念臺先生高弟嘗講學於鄞有解
經會每會舉十三經中疑義數條問難折衷以期闡前人所
未言萬充宗季堃兄弟皆親受業得其講說充宗邃於經季
堃精於史卓然成通經師古之儒九沙早聞緒論淵源經史
所觀爾博所習爾多洵克繼其家學

方榮如字文軒號樸山浙江淳安人康熙丙戌進士原任順天
豐潤知縣由署兵部侍郎王士俊薦舉著有鄭注拾藩集虛齋

學古文

先生爲海寧徐徵君寶名壻少嘗受業於毛西河太史之門
稱高第弟子博聞強記自經史諸子百家靡不淹貫於漢儒
箋注尤能指其舛訛暢發精確鴻詞之微以前任豐潤令事
去職格於部議後主敷文講席口授指畫有叩卽應如傾河
倒峽無不折服杭堇浦侍御稱其學問淹洽以古文雄於東
南弟榮如亦工詩時以元方季方相目

方望溪集云博學宏詞稱此者實難自計執友之存者惟南
昌龔孝水歙縣余西麓遊好之久者則嘉善柯南陔淳安方
文翰乃以四人汜詢於羣公皆曰是誠無忤矣或曰其學與
行信稱矣而舉者則非宜文翰前挂吏議例不得與於斯其

鶴徵後錄卷三

八

三人皆就毫矣徵之不能至至矣能入試哉余曰雖然使知
實至而名必附無求而志自通於風教亦小補焉又贈序云
文翰以時文名天下其於三代兩漢之書童而習焉及成進
士則一以爲古文其仕也始出而顯人皆惜其年力之盛強
吾獨謂天將開之而使有得於古也

王柳南集虛齋古文序云江浙之間得強筆之儒二人制義
外兼以古文詞伏一世其人皆出方氏蓋一爲望溪先生一
爲賦溪先生天不慙遺又弱一个而賦溪先生乃以耆年宿
德歸然魯靈光特聞先生秀氣孤稟而篤嗜惟書意以爲枕
食以飴口寢饋既久富若生蓄發而爲文剖其膏腴入我爐
鞴衆美輻輳與古大適周情孔思流溢簡外班香宋艷浮動

毫端與世之貌爲歐曾以自文其空疏者判若蓬蘞矣在昔
義山之稱韓碑也謂爲點竄堯典舜典字達改清廟生民詩
然後知爲古文者非點竄塗改伐材於古而理以貫之氣以
使之則不能句奇語重入人肝脾先生之文融經液史範秦
鑄漢而所謂點竄塗改者絕無痕跡可尋如千狐之腋會粹
成裘而滅盡針線也如百花之萼醞釀成蜜而化盡渣滓也
當此人不說學之世而先生之文出焉用以鉗持嗽發吹回
蟲濫庶空券榜腹之徒擺指而退而讀書汲古之士挾轂而
起乎

吳澹川南野堂筆記云方樸山先生淹博經籍鉤貫百家不
專以詩名世其書家信後句云貧家苦趣多男子樂府傷心

鶴徵後錄卷三

九

病婦行又壬子元日云坐守庚申憐影隻重來甲子當生初
於老境苦思中組織成吟轉饒風韻

劉寓槎滄云樸山先生文鎔範經史刻深奧峭雖不襲尋常
畦徑究非唐宋諸大家正軌恭閱

欽定四庫全書總目云桑如散體之文亦頗奧勁有筆力然喜
雕琢新句襲積古辭遂流爲別派誠定論也

張宏敏字訥夫號紅洲江南丹徒人康熙甲午舉人原任湖北
孝感知縣由署兵部侍郎王士俊薦舉著有紅洲詩集

紅洲爲相國文貞公弟之子與廉察學林爲從昆弟並擅才
譽紅洲始中副車有詩云瓊樓高迴絕躋攀大藥功成第八
還行到半天仙骨少罡風復遣落人間

桑敦甫張紅洲集序云紅洲以繼接登入金匱傳 禁厨被
宮袍修 祕殿書不可謂不遇然竟厄於春官遲回出宰

昌注上考矣而卒蹶且羈滯不得賦歸來類湘纍之憔悴頗
頽以終天之於紅洲何如哉當依光日下其伯父文貞公方
秉鈞軸又其時風會多有爲求奇材獻所益者而其家羣從
負焚煌鴻藻俱不得志於有司紅洲於文貞公歿後始僅僅
得舉京兆此足以見沙隱之無私交而門才之不說遇爲絕
無而僅有也紅洲居長安桂玉之地窘旣若東方生而罷官
涇川亦絕無送老資前夜奇困幾同拾橡者之所爲華髮蒼
浪望大江之船帆經石門之風雨夢想故園渺不可卽嗚呼
其不謂之窮矣乎平生詠歌多情歎九達事理善持論胸有

鶴徵後錄卷三

十

不可往往借史編陳跡以寫其靈傷之心雖在廢棄猶關心
見聞疾苦忘我躬之不闕怛然若痛之在己吾又以知其詩
之本原至深且厚也唐以來詩人之達者若高忠公范石湖
王弇洲輩一代指不多屈而窮者接跡若一轍紅洲有此編
足以壽其聲光亦可以無悶矣

傅王露字良木號玉筍又號聞林浙江會稽人康熙乙未進士
原任翰林院編修由太僕寺卿蔣漣薦舉後晉中允著有玉筍
山房集

先生以乙未第三人及第入翰林後卽退歸田里不復出
孜孜好學至老不勸嘗纂修西湖志一書優游林下頗以著
述自娛

越風云玉笥先生館選後退居鄉里幾四十年嘗作蓬山筮
闕圖以寓子牟之戀晚號信天翁築信天書屋以卷軸日
娛年踰八旬尚能揮翰乾隆初年
上春注舊臣 恩加宮允士林榮之

隨園詩話云人有生而瀟灑者不關學力也傅玉笥先生有
句云鶯花日辦三春課風月天生一種人嘗同遊西湖年八
十餘舟中自誦陪申向衣遊西湖絕句云正是金牛紀瑞年
小春風景似春天蓬萊原近孤山寺遊舫多停六一泉一到
湖心眼界寬雲光靈霧接風湍

三朝恩澤深如許莫作瑤池清淺看先生耳聾與談者以手畫
字卽能通解癸未春遊攝山與之談聲振屋瓦

鶴徵後錄卷三

十一

葉長揚字爾祥號定湖江南吳縣人康熙戊戌進士原任翰林
院編修由內閣學士伊爾敦薦舉

定湖爲葉星期先生門下士與沈宗伯文愨稱高第弟子皆
請業於二葉草堂討術業之淵源合通門之情好乾隆丁卯
歲定湖年八十一文愨年七十五與同門顧處士嘉謦張處
士鈇謝徵士淞洲輩譙集於二葉草堂時人比之香山洛下
稱爲盛事

隨園詩話云乾隆辛未予在吳門五月十四日薛一瓢招宴
水南園座中葉定湖長揚虞東臯景星許竹素廷鏞李容山
果江山樵俊俞賦拙來求皆科目耆英最少者亦過花甲惟
余才三十六歲得遇此會是夕大雨未到者沈歸愚宗伯謝

淞洲徵士而已葉年八十五詩云瀟瀟風雨滿池塘白髮清
尊掃葉莊不有忘形到爾汝那能舉座盡文章軒窗遠度雲
峯影几席平分水竹光最是葵榴好時節醉吟相賞畫方長
宋照字謹涵號喜墨江南長洲人康熙戊戌進士原任翰林院
庶吉士由內閣學士吳家驥薦舉著有禮經彙解史聞息軒雜
文等書

先生少孤每讀父書涕泣不自禁事母孝康熙辛卯領鄉薦
後登詞館放歸杜門著書嘗謂經學之弊在說理而不證以
事失之窈渺史學之弊在綜事而不繩以理失之支離大科
之役被薦北上遭部議不准先生在諸徵士中推爲老宿高
安朱文端公薦入三禮館悉心編纂以勞悴致疾歿於京邸

鶴徵後錄卷三

十二

詞科餘話云宋謹涵改庶吉士以撰文件
憲皇帝意革職放還田里同年閣學桐鄉吳公薦復來京邸駁
不得與試當事薦修三禮病卒

胡浚字希張號竹巖浙江山陰人康熙庚子舉人原任河南滑
川知縣由刑部侍郎王紘薦舉著有綠蘿山莊詩文集
吾浙康熙庚子鄉闈越郡稱盛大半皆知名士如周粹存魯
啟人徐笠山及竹巖其最著者竹巖學極奧博詩文浩瀟崛
奇不可羈勒尤工駢體與胡雲持名價相埒瓊麗富贖得唐
初四家之遺

齊息園綠蘿山莊集序云會稽竹巖胡先生學博才雄久以
詩古文名天下舊刻綠蘿山莊四六全集臨川李公穆堂同

邑魯公秋勝序之今刻詩集并前編屬余爲序余荒陋烏足
以言詩古文先生所著元元本本彈見洽聞取精多而用物
宏功力深而收名遠文於五色其爲天孫之雲錦詩於八音
其爲廣樂之琅璈乎余讀元黃二賦始覺笑六合爲愚者眼
猶針孔讀游仙數什又覺登七篇於選者才實遲庭也

詞科掌錄云胡希張任洧川令以事落職交河王公所薦爲
部駁不得試駢體最華贍

宋士宗字司秩號崑圖江西星子人雍正丙午舉人原任南豐
縣教諭由光祿寺卿那爾泰薦舉著有史學正藏學統存

崑圖史學正藏五卷上自三皇下訖昭烈各有辨論凡二百
三十八條自序云不獲竣事始取其就緒者亟爲錄出此未

鶴徵後錄卷三

三

成之本也學統存分二十四門各爲一卷多摘錄前人之說
大抵攻陸王而尊程朱者

于梓字 江南金壇人原任廣東東莞知縣由兵部侍郎吳
應棻薦舉

金壇于氏一時門才最盛大科膺薦者三人鶴泉以殿撰兩
登詞館先生與廣文斌爲兄弟並有才名後文襄公復以殿

撰至幸輔人多羨之先生以東莞令被議事不得與試
胡期頤字永叔湖廣武陵人原任江西臨江知府由大學士稽

曾筠薦舉

永叔與頤行人王停交最契頤在河陽頤用方中丞幕有遇
永叔話舊詩情意綢繆又贈永叔應薦北上行蕩蕩金馬

今日爲君開之句注云永叔應鴻詞之薦中丞下車時首以
余應 詔余謝弗就

詞科掌錄云胡永叔知臨江府被劾落職寄居無錫之西門
大學士稽公江蘇巡撫滿洲顧公交薦之竟爲部駁不得試

永叔家世通顯祖統虞內祕書院學士父獻徵江蘇布政署
直隸巡撫兄期恒甘肅巡撫舉主錫山中堂則其姻家也罷

官後家益貧落所向皆不得志在都時與大興薄學士海偕
詞最密

葛杖破雄圖云永叔早著才名吾鄉竹垞太史嘗序其詩謂
永叔昆友移家無錫相往還酬和者率吳越大夫卿士宜其

詩之不類於楚遺派也

鶴徵後錄卷三

三

汪芳藻字蓉洲江南休寧人貢生原任興化知縣由兵部侍郎
楊汝毅薦舉著有春暉樓集

蓉洲才華博瞻揮灑千言嘗遊都門一時 輦下諸公爭相
羅致尤工駢偶之文可與山陰二胡相亞

詞科掌錄云汪蓉洲教習期滿官江都令以事落職懷寧楊
公所薦部駁不得試蓉洲工四六少遊京師出入吉水李醒

齋德清蔡方麓兩宗伯之門都下一時酬應之作皆出其手
祝維誥字宣臣號豫堂浙江秀水人增監生由奉天府府丞管

學政事王河薦舉乾隆戊午舉人官內閣中書陞典藉著有
淡詩藁

先生爲斗巖員外之孫清才淵雅詩文深得家法與豫石

坡偶園諸老交最契時相酬和居京師作燕臺新樂府如賣
漿行潑水謠縫窮歎太平鼓引諸篇有合風人之旨家住園
花爲錢氏綠溪莊擅泉石之勝因以名其集

全謝山綠溪詩案序云今館閣中言詩者共推江右萬先生
孺廬爲第一嘗顧予邸四顧壁間獨長哦豫堂清明遊陶然
亭詩以爲冲融俊雅有唐賢三昧集之遺則豫堂之詩之工
固無待予之辭贊豫堂爲人温文而靜穆夷然自拔於塵海
之中而不爲片然難近之狀蓋真詩人之遺也

詞科掌錄云祝宣臣淳祐王禮爲上賓詩出入韓李頗極雄
放小詩如雁橫孤日飛南北魚噴寒沙趁夕潮京口舟中春同
好友將離我心逐飛花欲上天春市樓過社人稀飲卮舍將

鶴徵後錄卷三

殘鳥亂號高樓家山夢斷眠空好高館花飛聽轉愁春致可
誦也山陰王公薦於 朝格於部議不得試

詞科餘話云宣臣以奉天府丞之薦部議謂非三品大臣所
舉不淮試留京師

蒲褐山房詩話云先生少有才名一直徽垣公卿皆爲延譽
查張兩相國尤器之屢隨 清蹕故潑河遼海風景數見於
詩李布衣鐵君謂其怡穆醇靜沈宗伯稱其出塞諸作激壯
適上蓋是時風雅中巨擘也然沈淪下秩久之當出補同知
而非其意所願量遷內閣典籍乞病以歸未及家而歿余至
京師卽辱先生獎許以綠溪詩稿屬爲點定留篋中者垂四
十餘年今始歸其孫世守焉子詩亦已謝世

三

鶴徵後錄卷三

三

南莖堂筆記云祝豫堂先生居綠溪莊曰小方壺其詩清麗
纏綿樂府體尤佳如冬夜云羣星芒寒水生骨澹月半沈山
碑硤破籬犬作元豹嗥巷內醉人笑咄咄風吹草廬小如囊
密林斜漏燈光動臥憶龍山寺裏遊殘鐘忽引尋僧夢山行
云人影松門小山風石路斜塞驢欺客倦嘶入木棉花詠蟬
云高居無奈爾秋至亦徒然誰施螳臂力清我北窗眠吳宮
云冷落紅闌徑裏春吳王臺榭已成塵館娃歌舞歡遊日忘
却西施是越人楚宮云十二晚峯江上靑楚宮何處闕精靈
只今雲雨年年在不信襄王夢未醒秦宮云殿閣橫江複道
開重闌不閉楚人來咸陽一片燒殘土都是椒蘭焚後灰開
立云短籬數家成小邨老樹隔水蟠雲根晚來义手傍檐立

九十九峯青到門江陰句云地荒秋少稻江近市多魚枯樹
云古苔壓朽骨夜火流空心

邵岷字百峯江南元和人武生由太僕寺卿蔣漣薦舉

百峯學博才敏倜儻不羈僑居元和其所爲詩最工游覽如
五丁峽雞頭關等作酷慕少陵後復遊燕歸安孫太史叶飛
送之以詩云舊別九衢裏新逢萬里天流光不相待華髮各
蕭然乍見還分秩重來又隔年金臺餘故侶爲話老雲煙

詞科掌錄云邵百峯本吾浙龍游人後遷虎邱爲武生屢遊
學幕薦贖誤列附生爲部所駁不準試與秀水張庚皆工五
言古詩而百峯登覽之作尤勝

別裁集詩話云百峯少歲作詩汨於異說總以險怪爲主後

爲劉君東郊女夫日漸月摩一歸於正至三十餘居然作手
矣能者固不可測不信然耶聞其七言律詩最工而遺稿散
軼歎息彌襟

鶴徵後錄卷第三

吳縣嚴良裘校


鶴徵後錄卷三

一七

鶴徵後錄卷第四

不就試二十五人

嘉興



甫輯

夏策謙字 湖北孝感人康熙己卯舉人湖南寶慶府教授

由工部尚書涂天相薦舉

先生宏才博瞻早有名於江漢間司教湖南與諸生口講指
畫往復不勤以故從遊者日衆鴻詞之役邑人涂公所薦以
老病不赴試

顧陳埈字玉停江南鎮洋人康熙乙酉舉人原任行人司行人
由詹事府詹事王奕清薦舉著有鐘律陳數八矢注字圖說
桐軒抱桐軒等集

鶴徵後錄卷四

一

先生性行耿介宗尚陸學舉於鄉六試南宮不中官行人嘗
給札 蒙養齋又充樂府館纂修雍正元年奉 詔書下浙
江旋監耀潞河三年以目昏自劾歸閉戶著書四方以幣乞
文詞者恒填戶乾隆改元被 新綸起官以親老不出辟鴻
博亦堅辭不行家居奉杖履以爲歡生平精於樂律音韻所
著鍾律陳數於徑三圍九之說雖仍疎於術其用功已深八
矢注字圖說譬字爲的以八矢注之一分四聲二經聲三定
清濁之界四審五音五分陰陽六分正變七分輕重八分望
送凡八門頗以三十六母爲非

先生與王拙園官詹書云伏承薦牘采及陳人 曠典靈光
將與六十年前前後輝映緬思爾時雲蒸蔚起何等人物靈

云後來居上亦期足嗣前軌某何人斯敢擬筆於其際哉秦
菽之下榮愧交并某自引疾以來十有二年杜門守株嘗無
足道惟覺俯仰天倫頗有樂地緣此不自嫌其禱散似可聽
其無用於世署撫軍與某有舊下車伊始亦見慕鴻博給咨
赴部某以親老固辭而止今先生雅誼寧不更深但聘學既
同即去就之問不容有異謹已具陳下情由州達院撫軍自
必據情咨覆獨是朽木柱靡焉踴躍蒙仰員栽培揆拭之盛
惶悚無地知何如又與方靈泉書云埽通籍以後宦情既
淡日青時作隱居社門思景菽水盡歡與一二友朋朝夕相
期務取躬行實踐無偽混同用方中丞撫吳猥以博學鴻詞
見辟拙園宮端亦惟有爲庸以親老固辭不出且思六十年

鶴徵後錄卷四

二

前已事其體甚優其人亦非易良不願以聲悅之學與浮蕪
之徒苟且干進襄此曠典也乾隆辛酉恭逢開設樂部以
某洞曉音律有

旨宣召時埽大祥未屆讀禮之餘業殖荒落但爲朝廷劬力
不得以服未闕爲辭若非實在病廢不免托故涉欺雖非疾
稱疾古人有之何如實疾之爲安哉

別裁集詩話云婁東詩人雖各自成家大約宗仰梅邨祭酒
玉停晚出欲自關所好而能不離正軌亦後輩中矯矯者

諸菊書字榮九浙江嘉興人康熙辛卯舉人江南上海知縣由
內閣學士伊爾敦薦舉後陞滁州知州著有易經象數臆解讀
杜臆說投筆齋集

先生縱覽多才下筆敏捷頃刻伸紙千言名公卿咸爲提挈
平生無他嗜好以讀書吟詠爲樂知涑州日與州人講學賦
詩修前賢故事後引疾歸

詞科掌錄云褚榮九有凡案才雍正丙午丁未間屢以大臣
薦召見仍令會試後出知上海縣事旋去職

華希閔字豫原號劍光江南無錫人康熙庚子舉人江南涇縣
教諭由兵部侍郎吳應棻薦舉著有廣事類賦

雍正間西林鄂文端公宣藩江蘇愛才下士設春風亭招致
四方賢俊如先生及歸愚先生皆以耆舊見重一時名士固
羅殆盡至今人猶樂道其事

方樸山書華豫原事云無錫有奇士曰華豫原歲乙未撫吳

鶴徵後錄卷四

三

儀封張公坐事逮部使者偕制府卽訊於澗州羈管城隍廟
甲而守之門生故吏無敢嚮邇者豫原聞難自無錫疾馳一
晝夜踰三百里至京口噙焉旣抵廟門不得入顧見有官人
傳呼來騎而從者數人官人下馬入從者皆入豫原則闕然
隨之入數折而達張公請室門外卽又不得入徘徊往來門
者曰客何爲者始吾以客爲從官人來故不誰何客乃今知
妄男子耳不去且得罪制府怒不可犯也豫原大笑應曰若
乃以制府嚇我耶向令吾惴惴制府者吾安得來此且天下
事不可知往者張公嘗與噶禮訟矣無直張公者順

天子明聖張公撫吳自如而噶卒抵罪以去今張公雖就逮萬
一如異時事若等何面目復見張公言已則索筆大書其箇

甲名廷付門者遠張公所曰可達達之不可則以此紙上制
府言則惟制府死生時日漸西夕而豫原語侵制府急門
者無可奈何則入自守者為言於張公張公命之入相勞苦
如平生欲其久辭去初部使者視學江左有聲吳中人士為
祠於江陰張公之當張公與嚮禮交訟部使者按事至吳不
直張公吳中人固怒其及是部使者與制府劫張公其謾不
能忍且至死吳中人心深憤不知所為曾豫原自京口奉
具言張公執廷其則益河海然無所發怒豫原遂倡議
將部使者竊其德之其起馮數十里制府聞狀大駭陰使人
廉問主名疏以去然竟無如何也當是時豫原幾不免亦以
此名聞江淮間其原好讀書學治古文以涇縣訓導副江南

鶴後錄卷四

四

幸卯解試榜丁酉試京兆復得副榜主試者即故撫吳張公
也識者兩難之

詞科餘語云華希閔被徵以年老不至丁巳歲子款計借于
京附徵謝舉主吳眉菴少司馬云閱文樸拙不務悅時日十
試布政司兩以副榜充貢至庚子始列賢書年近五十矣試
禮部文未得達主司之日或咎其拙於進取閱獨自謂非拙
也命也守其拙而不變亦命也五十後不與計借俯仰一室
危危如蠹魚甘之不言瘁者十年矣癸丑夏 詔開博學鴻
詞科縣郡漫舉其名達三院檄令就試閱自顧枵腹無可試
者以疾辭乙卯秋制府趙公專檄趣徵力辭免蓋壯不如人
豈能以踰六望七之年復與英俊爭得失於寸管去夏部徵

至吳有司督促就道知出自閣下薦刻其為榮寵何如者然
愧悚倍甚陳情江撫咨達大部 廷試已竣得雋者皆魁傑
闕通之材以謫陋命塞如闕者屨其間必無幸焉然則守拙
引退以善全閣下推獎之盛心者未為全非也

隨園詩話云西林鄂公春風亭會文贈華豫原一律中四句
云謬以通家尊世講敢當老友列門生文章報 國科名重
洙泗尋源管樂輕其好賢禮士情見乎詞

王照字晉三浙江仁和人康熙庚子舉人由內閣學士姚三辰
薦舉著有論古堂集

晉三與樊榭同舉於鄉並有詩名然兩家各得其性所近晉
三以情取勝特饒風致樊榭以意取勝別造深境

鶴後錄卷四

五

詞科掌錄云王晉三少有美才試輒高等處士陸梯霞先生
掌教萬松書院愛其文以女妻之少宰湯西崖為陸氏甥風
雅絕盛晉三恒為入幕之賓懷清堂集中所倡和諸什是也
同邑閣學姚公女嫁於湯故與少宰婿汪臺抱璞同薦丙辰
九月後始來京師明年三月復入溧陽史尙書湖督幕兩試
皆不與晉三熟於兩漢詩調敷腴圓媚格雖不高情寄特勝
濯暖字雲堦江南常熟人康熙庚子副貢生由詹事府詹事劉
統勳薦舉

雲堦旅食京師雍正中有薦其才行當為河南令惡其六宮
貪殘不肯為之屬決棄去天台齊息閑宗伯嘗以東漢處士
擬之終不仕不娶甘於窮困客死其可悲矣夫

詞科掌錄云瞿雲堦未弱冠遊京師期登第後始歸娶而卒不得遇所聘妻至五十尚未嫁鬱鬱以卒終其身竟不娶矣居西城晉陽巷踰四十年晚節益窮尙耽吟事亦可哀已

隨園詩話云同徵友瞿雲堦曾與章藻功太史蔣文瀾相公同時角逐名場而流落不偶誓不登科不娶寓京師五十餘年而卒余有詩弔之云五十四年蕭寺老終身一曲雄朝飛又云雲堦七十生日金江聲觀察率同人攜尊晉陽巷卽席賦詩云卅年京洛已成翁經學人推駙子弓酒熟漫將孤影

勸詩成先揀妙香烘燴燈清晝同惻惻慧業前生定玉童天眼視君多道氣紛紛真愧可憐蟲

靖道漢字 湖北漢陽人康熙辛丑進士原任雲南姚州知

鶴徵後錄卷四

六

州告病在籍由兵部侍郎王士俊薦舉

先生爲江漢名宿與柯石庵顧左畚輩同登進士第由縣令陞滇南刺史威德兼至邊民悅服性伉直不能脂韋因病乞歸後膺鴻詞之舉仍以疾辭

萬承芩字 江西南昌人雍正癸卯進士直隸盧龍知縣由

通政司使趙之垣薦舉

孺廬先生高才碩學早登詞館以詩文名海內重蒲謝山諸公咸爲折服先生亦博涉羣籍當時有二萬之目惜僅出試大令未得展其著作之才

聞元晟字 號茗厓浙江嘉善人雍正癸卯舉人由內閣學

士吳家驥薦舉著有竹洲詩鈔

茗厓少工制藝甚有詩名詩亦清婉可喜性落拓不事修飾爲桐鄉吳公所薦不赴試袁隨園序其詩似未知其爲同徵友且以爲雍正進士攷進士題名錄並未有其名噫吾恐一二百年後傳聞舛錯而湮滅不稱者豈獨茗厓一人已哉

袁簡齋聞茗厓詩序云前年冬楊君洪序來山中授一編曰此吾師茗厓先生詩也公爲序將刊焉先生姓聞名元晟橋李人雍正進士當校讀先生文時年十二隔三十三年而重讀其詩驚且喜以爲文字緣莫先生若也楊君長詩後占卦得訟不暇爲開雕事而枚亦無能有所匡定詩久不歸轉得時時誦誦清微駘宕想見其爲人高士也年齒過差雖私淑卒不得一見然就詩述其生平蓋嘗入長安游淮海海官雁門

鶴徵後錄卷四

七

登高懷古思鄉感舊未嘗不潛心深思自信其詩之可傳也老且死竟不能付梓而存之家家貧子孫又不能付梓以授楊君君故豪士甫欲料理旋以禍敗雖精神至者天不能做而遲之又久鴻寶不宣當時學文之童子亦將如先生老矣悲夫

奚源字 江南當塗人雍正丁未進士刑部員外郎由工部

尙書涂天相薦舉

黃世成字培山號平庵江西信豐人雍正壬子舉人由兵部尙書甘汝來薦舉乾隆丙辰進士授禮部儀制司額外主事著有平庵詩集

平庵淹博經史薦舉鴻詞以乞假歸未預試袁文達有送培

山乞假旋里詩云籍甚聲華滿 帝京承明猶得領靈英天
街官種垂楊柳只解縈青送客行注云甘大司馬以鴻博薦
不就後巡撫阿公欲以經學保薦感而賦詩云上官真有愛
才心日夜徵書降故林小經江南此未轉春風嶺北夢徒深
百年何意煩三聘一札真堪抵萬金欲倩殷勤報知己 清
時未聽濫華符

黃永年字靜山號松甫江西廣昌人雍正乙卯舉人由江西巡
撫常安薦舉乾隆丙辰進士授刑部福建司額外主事出知江
南常州府著有希賢編春秋四傳異同辨靜山詩文集

崧甫於試時以已任部曹不復預歷轉郎中嘗奉 使江南
讞獄旋授鎮江知府調常州頗有政譽

鶴徵後錄卷四

八

詞科掌錄云黃靜山善古文刻有初學文類與說三篇氣勢
凌厲有西江前輩風

李旭齋菴華云崧甫詩格高邁不落凡近與劉蘭谷王毅齋
兩侍御友善倡和甚多其喜蘭谷過訪云叩門喜君來悠然
相與深意悅已忘言茲意何古今送別毅齋云別後勤書問
相思多滯淫

方觀承字遐穀號問亭又號宜田江南桐城人內閣中書由詹
事府詹事王奕清薦舉後官至直隸總督加太子太保諡恪敏
著有河渠考宜田彙纂

恪敏少時愛楚詞自憊云愛讀離騷便不祥後以本族南山
集集起全家誦成黑龍江公弱冠歸金陵家無一椽借居清

涼山僧寺有中州僧知爲非常人厚待之公與其兄觀承注
來南北營塞外菽水之資或日一食或徒步行百餘里有族
人某薦入平郡王藩邸王與語大奇之雍正壬子王爲定邊
將軍征準噶爾奏公爲記室

世宗皇帝命以布衣 召見 賜中書銜借往凱旋以軍功實
授內閣中書薦入鴻博臨試不赴尋遷侍讀歷職方司郎中
出觀察清河累遷至制府公雖貴手不釋卷好吟詩善騎射
於世事物理瑩徹通曉識力超卓卽當危疑轉輻之際能堅
持不爲動偉業鴻勳彪炳史策年六十有一生子名維甸

高宗皇帝聞之代爲欣喜卽至

御前解所佩金絲荷囊 賜之今節制閩浙

鶴徵後錄卷四

九

錢文端方問亭述本堂詩集序云制府太保問亭先生本名
家子祖父皆以詩文名於時以族人累徙居塞外先生未弱
冠卽偕其兄捆書擔登重趺徒步歎然相從誅茅結廬引架
種瓜帚馬通爲薪點漣乳爲餌手瘃坼而不知勞瘁奉侍尊
闈怡怡色養暇輒讀書窮討經籍所爲歌詞道窮苦而記風
土孺慕之誠溢於言表惟以事親守己爲安身立命之學初
不計寓內功名事業有何梯級可階而先生益不自棄凡險
阻扼塞畜牧防守攻戰備儲罔弗周知間亦往來故里涉詞
庭游大梁登泰岱泛秦淮歷吳會民情土俗體閱殆備往往
形之篇章居無何平郡王奉 命統師北路夙知先生才奉
請書記蒙

世宗憲皇帝授中書舍人以行軍中鉅細事莫不高推而先生亦悉出謀發慮無隱

皇上誣膺寶錄遠夷效順奉 詔撤兵於是先生由銓曹擢用監司踏方伯其撫吾浙也值婺州苦旱民食不給先生設法以賑全活無算其總制直隸也酌盈劑虛釐奸剔弊護輔爲首善重地先生經理盡善鄰省咸取則焉少時跨驢背坐船脣蓆帽經過所周咨而得至是悉見諸施設向使先生席祖父之盛振翼文壇俯拾魏科如操左耳然不能讀萬卷書行萬里路其詩必不能蒼老俊拔若是卽其才亦必不能肆應邇達若是且使先生沈抑患難之餘委靡不克自興又何能宏此遠讓以仰副 特達之知至於斯耶是則天之所以成

鶴徵後錄卷四

十

就先生者有獨厚矣

沈文愨方氏述古堂詩序云桐城方氏代有鉅人長德臯宗先生以才生官水部子沃園先生以名進士官中翰孫宮保問亭先生甫成童卽能紹述祖父世業若王謝家聲惟方氏足以當之者茲辛卯以明舊負辜牽連及禍水部謫戍窮邊中翰奉親遯左問亭省視絕塞往來京畿金陵皖城間人生境遇困窮無喻此矣乃天能困窮其境遇不能困窮其志節於治經讀史暇發而爲詩凡天時之變幻地勢之阻深人事之嶮巖與夫友朋之死生急難物類之詭狀殊形一於樂府古今體中見之洵可謂一家之言增光藝苑者已乾隆十有九年春宮保以三代述古堂詩郵寄予發而讀之水部詩

激壯蒼涼音節高爽中翰詩雄俊廉悍縉紳盡銷宮保詩詞達理舉稿構謹嚴而述先德感

君恩處流離顛沛之中一歸於和平溫厚祖孫父子若合符節由其涵養深而至性純也方氏初罹患時如霜雪滄加並疑其力不能支然境危心泰外物不搖負有爲之才修行遠之詞水部中翰雖歿謝塞外而其言已立宮保以軍功受天子知秉節鉞任封疆爲今之方叔召虎而餘事成詩復足以繼先人之余疋此皆從患難刻苦中淬厲而成者也則始之困之非正所以成之也耶

詞科掌錄云方問亭少被家難謫戍出塞遂習邊情遇赦還里復從平郡王至大軍奏授中書舍人試前一日

鶴徵後錄卷四

二

上以題密授平郡王時問亭方客王所恐被嫌令勿試桐城方氏舉者凡三人南堂辭不就有名辛元者以經解背謬置劣等問亭有用世之才辭藻煥發宜其一遇而卒不得當人以爲恨

隨園詩話云恪敏未遇時祖父俱以罪戾塞外公南北奔走備極流離清涼寺僧號中州者知爲偉人時周恤之公贈詩云須知世上逃名易只有城中乞食難後官制府爲中州弟子龐雅重建清涼寺殿宇煥然余過而有感亦題詩云細讀籠紗數首詩尙書回首憶前期英雄第一心開事揮手千金報德時又云方制府問亭栽棉花招募府吟詩多至數十韻桐城馬蘇臣曰我止兩韻提筆云五月棉花秀八月棉花乾

花開天下煖花落天下寒方公擊節不已又云方恪敏公擊
位隆赫而詩情極佳未第時途中看花三絕云數枝紅豔困
輕塵隴後風前別有春袖底飛英吹特地似憐驢背有詩人
女兒裝罷鬢鬢底桃花一面酣結伴前郵攜手去每逢
花處又重簪稽首茅庵古白華道旁人獻道旁花慈雲座下
無多願每到花時婿在家又云恪敏公六十一歲生兒當八
月十四日賦得子云與翁同甲子添汝作中秋

塵定軒譚粹云恪敏公由監生薦授中書舍人官至制府遭
際

聖朝備蒙 恩眷封疆宣力懋積勲勞而性嗜吟詠政務之暇
不廢詩歌其未遇時詩為松漠草述本堂集後官中書出為

鶴後錄卷四

三

監司歷制府為薇香燕香等集總名曰宜田彙葉

馬曰璐字佩兮號半槎江南江都人監生候選知州由通政司
使趙之垣薦舉著有南齋集

韓江馬氏小玲瓏山館儲書之富著於東南然藏書非難藏
而能讀者為難半槎與兄嚶谷並擅清才博覽旁稽沈酣
造不僅充漁獵之資學問淹洽故非閉閣不觀之藏書者比
曾編有叢書樓書目若干卷一時名流無不交相傾倒吾浙
如壽門樊榭董浦謝山竹町槐塘諸先生咸主其家文酒留
連款洽無虛日竹西觴詠之盛於斯為最
詞科掌錄云江都馬佩兮藏書甲於大江南北詩筆清削有
兄曰瑄秋玉亦貴士有詩才

杭董浦道古堂集云半槎兄弟不以俗學繕性而志不求時
名清思竊渺超絕塵埃親賢樂善惟恐不及方聞有道之士
過邗溝者以不踏其戶限為闕事

陳授衣云嚶谷兄弟性好交游四方名士過邗上者必造廡
相訪近結邗江吟社以倚聲與賓朋酬倡與昔時圭塘玉山
相埒

隨園詩話云馬氏玲瓏山館一時名士如厲太鴻陳授衣汪
玉樞閱蓮峯諸人爭為詩會分詠一題哀然成集至今未三
十年諸詩人零落殆盡而商人亦無能知風雅者

周京字西穆一字少穆號穆門晚號東雙橋居士浙江錢唐人
廩生由內閣學士姚三辰薦舉後考授州同知著有无悔齋集

鶴後錄卷四

三

穆門為人淵靜早補郡學生學使彭公始博目為國士工於
詩嘗與厲樊榭杭董浦諸人為詩社咸以穆門為主持中年
南游閩海北燕趙西秦晉所歷山川墟莽多所寄慨書法奇
逸酒酣興發數十紙立盡後以貢入成均考授州丞晚歲息
影蓬廬縱浪湖山醉題酒樓壁好事者競鈔詩賈酒有詩價
高如酒價高之句終連蹇不遇以死樊榭竹田相與論定其
詩山陰舒令埜畝為之雕板以傳

鮑琦亭集云穆門以詩名天下五十餘年平生嘗徧歷秦齊
晉楚之墟所至巨公大卿皆為倒屣顧終於躑躅不遇士無
賢不肖皆曰周先生長者乃其中則有確乎不可拔者大科
之役姚侍郎薦之力辭不得應徵至京徘徊公車門下數日

稱疾卒不就試以歸杭之詩人為社集羣雅所萃奉穆門為職志詩成穆門以長箋寫之醉墨淋漓姿趣頽放或弁數語於其端得者以為鴻寶湖社風流百年以來於斯為盛皆穆門之所鼓動也尤篤於人倫之誼其婦賢而頗不得於其姑穆門戒之曰黃涪翁之姊文城君困於洪氏雖有三令子莫能申也汝其善事姑矣婦卒以是困悴死穆門事其母益孝不敢有幾微見於顏色然私憐其婦終身不更娶以報之有弟已析產乘穆門出遊而鬻其居穆門歸更僦屋不以一語及之其為人可想見也

桑嶺甫文集云西穆里居見面垂三十年前歲長至日同廬玉巖論交金牛湖之四賢閣各賦七言古詩一章三人約為

鶴徵後錄卷四

一百

昆弟交數數過從今歲周盧申之以昏姻盧之女孫余外孫女也許字周之孫書札往還甚歡

厲樊榭南宋畫院錄云馬和之畫有楊妹子題周京題二絕云雙龍小篆玉錢圓淡墨香消五百年遙想署書楊妹子綠窗朱戶繡簾前洗盡鉛華馬傳郎獨留綵筆帶宮黃鳳凰山下莓苔路露井寒林幾夕陽詞婉而寄慨特深

別裁集詩話云少穆足跡遠到欲結契字內英傑 召試鴻博不遇歸時借一二友生遊讌西湖賦詩寫懷蓋自此無四方之志矣詩體和平中正不為錢刻艱深之語

炙硯瑣談云周穆門同人湖上句云野鷗導我有閒意新柳笑人成老夫風趣可挹沈歸愚宗伯承稱之

隨園詩話云余幼時遊西湖見酒樓張五柳居者壁上題詩甚多不久即污去惟西穆先生一首墨瀟灑清字寫爭坐位帖歷七八年如新酒樓主人及來游者皆護存之敬其為名士故也題為冬日同樊榭放舟湖上念樂城赤皂都已下世彌覺清遊之足重也分韻同作云一角西山雪未消鏡光清照赤闌橋小分寒影看梅萼半入春痕是柳條閒裏安排塵外跡酒邊珍重故人招孤燈落日空臺榭歲晚重來話寂寥後四十年余再至湖上則壁詩無存西穆樊榭久歸道山而酒樓主人亦不知名士為何物矣

意亭詩話云周穆門山行詩風從荒野過來橫雪向雲山莽遠明寫景非淺人所能追而莽字亦非老手不能下

鶴徵後錄卷四

十五

李引樹云穆門詩源出劍南厲樊榭以高岑豪健比之在一詩詩社中酒旗茗盃拈韻分題足以傾倒流輩

周振采字白民江南山陽人拔貢生由兵部侍郎署江蘇巡撫顧琮薦舉

白民詩材清雋負盛名於時後漕運總督瑚公寶以經學保舉有篤志窮經持躬純樸之語

齊息園周白民小傳云海內言時文者無不知有山陽周白民先生幼即端謹好學年十五入郡學試必冠其曹困躓棘園者數十年竟以選貢老然淮海言經學品行彷彿古人者必曰先生生平樸誠恬淡視勢利聲華得失毀譽人情欣戚百變泊如也與人交人皆服為飲醇至於節行之大一意孤

行毅然不可奪尹公博野嘗稱曰進止不愧儒者近世文人
中罕見自幼至老寢食書卷中研精覃思自標清醇一格於
前明章羅陳艾之外凡數百篇方公望溪稱之至不容口方
樸山先生曰白民經學不必盡逮古人而能到古人之所不
到其於史不喜觀大意而心解處出人意表乃適得古人意
中士林以爲確論後督撫以孝廉鴻詞及經學三舉應詔
皆不就家居待選教職自訂其已刻文存數十篇卒年七十
詞科掌錄云山陽周白民薦至京師病不就試有盛名於江
淮間詩宗選體時有遠致

鶴徵後錄卷四

七

別裁集詩話云白民制義比於天半朱霞雲中白鶴典江南
試者每以不得白民爲媿然終於不遇天也詩不多作亦矯
矯拔俗

李引樹云白民工於詩尤長制藝與同里劉萬資王鏡湖程
風衣契最深析疑辨難過從無虛日曾邀一時名手結課於
曲江樓金沙王墻東評選授梓以白民爲巨擘杭堇浦詞科
餘話選其手抄子史書後詩十首亦足見其底蘊

奈華瑞字西麓江南歙縣人貢生由內閣學士方苞薦舉

先生植學敦行爲海內耆儒應 召至京意在觀 盛典訪

友朋識宏才終以老不就試而歸

方望溪送奈西麓序云吾友西麓博學有文名稱蓋州部而

少壯未嘗一至京師近六十忽來游叩之曰昔吾有弟能服
賈以養吾親吾是以能不離親於外也吾弟死而家落父不
能葬母無以養故顛頓至此館於余踰年凡春秋霜露未嘗
不痛其弟也風雨寒暑未嘗不念其母也一日告余將南歸
曰吾女弟之夫死吾不歸吾母疾將作矣因叩其家事始知
西麓少失母母撫之不異於所生而西麓之於弟妹亦終其
身無間疑夫古稱孝者多以後母之不慈而彰而西麓之孝
乃以母之慈而隱是其母子皆可風也又再送南歸序云雍
正八年議開鴻辭科西麓以乾隆元年孟秋至余曰子尙能
卽事耶曰吾腕不勝書數年矣固以請而有地治者難之戚
友致道齋念

鶴徵後錄卷四

七

聖天子方興至治吾扶杖天衢以觀德教且得與衰殘執友講
問逾時而歸此行豈虛也哉衆試畢余告二相國將舉君爲
太學六師兼纂一統志二相國以爲宜而西麓決意治行曰
吾始願已畢矣子視吾年力尙能有立耶將以爲名乎抑有
所利之也西麓孝友文學爲鄉國所衆信久矣茲行也又以
見君臣朋友之義進退辭受之衡故詳敘之以贈其行

冀纓字孝水江南江寧籍江西南昌人貢生由內閣學士方苞

薦舉

鴻詞之徵方望溪先生以稱此甚難惟孝水及奈西麓柯南

陔方文翰四人能無愧怍因特薦於 朝而孝水亦以病不

能行

蘇珥字瑞一廣東順德人廩生由刑部侍郎楊超曾薦舉

元和惠天牧學士親學粵東獎拔高才瑞一與羅天尺何蔭

瑤陳海六時稱惠門四子與學士子松崖講論文藝為莫適
交

方貞觀字履安號南堂江南桐城人人生員由都察院左都御史
孫嘉淦薦舉著有南堂詩鈔

方氏南山集獄起族人俱牽累被禍先生與望溪先生皆隸
旗籍後遇赦放還羈孤連蹇生平刻意為詩骨格清醇深得
唐賢微旨

李可淳南堂詩序云履安詩凡數變最初學張籍王建既又
學孟東野三十以後盡棄其所素習沈淫於貞元大歷之間

鶴徵後錄卷四

六

繆鍊詢汰獨標孤詣務極雅正

詞科掌錄云桐城方南堂康熙癸巳以族人牽連隸歸旗籍
雍正元年放歸屢客揚州左都御史興縣孫公所薦辭不就

詩詩體惟律最工五言尤勝

詞科餘話云方南堂總憲孫錫公先生所舉士也丙辰三月
徵書至老不能赴有言懷志感上孫公詩云身事支離雙鬢
白可憐遭際十年遲都牒復至備見敦迫終不能赴

隨園詩話云遊仙詩大半出於寄托方南堂居士云到底劉
安未絕塵昨宵相與共朝真漫將富貴誇同列手版橫腰道
寡人此刺暴貴兒作態者也又云南堂有無意懷人偏入夢
有心看月未當圓之句人傳誦之其他如閏年入夏花猶在

積雨逢晴草怒生皆佳又云桐城二詩人方扶南與方南堂
齊名魚門愛扶南余獨愛南堂何也以其詩骨清故也如風
定孤烟直天遙獨鳥沈因潮通估客隔葦見漁燈又清風時
一來悠然復徐歇真陶詩之佳者

蔡寅斗字芳三號九寶江南江陰人監生由翰林院侍講福建
學政周學健薦舉乾隆丁卯舉人授國子監學錄陞助教

芳三淹貫羣籍甚有文名於時已巳工部侍郎何公國宗以
經學保薦當時有忌其名者沈文憲有詩懷之云高才於世
真何礙流輩偏多忌姓名願爾養雞師紀消莫教盛氣與能
鳴

沈文憲松陵詩話云芳三工古今文及駢體韻語聞四方有
才人必遠道走訪之與之定交蓋以文章友生為性命者也

鶴徵後錄卷四

九

壬申 恩科會試自經於號舍中不解其故人謂之遇祟文
人之厄一至此耶

和邦頰夜譚隨錄云蔡寅斗江左名士也公車入都館某氏
家其家主人物故已久主母待之甚厚一老僕亦素重蔡名
甚喜幼主得師敬禮不替會以事致僕縊死次年蔡入闈精
神恍惚下帷解帶自經比人知覺體已冰矣尤可怪者面壁
端坐帶纒去喉寸餘不解何由致死

袁樸村松陵詩徵云先生天賦警敏博綜典籍為文必自出
新意無一語拾人牙慧教弟子能因材造就勤懇不倦嘗授
經予家循循善誘轉瞬數秋哲人長往甚可痛也

翁照字朗夫號霽堂初名玉行字子靜江南江陰人監生由南河總督稽曾筠薦舉著有賜書堂詩文集

丙辰諸徵士得親前輩論者甚少先生曾請質於西河竹垞兩太史學術淹通有倚馬之才當代名公卿咸相敬禮如相國錫山稽文敏公渤海高公並稱老友應 詔入都血痰間作未及試文敏招至幕中已已高相國以經學薦亦不遇後周石帆學士贈詩云徵書同憶赴詞科挂腹推君萬卷多又云一日百函真作手十年三賦早名家
杭某浦翁霽堂文集序云江陰有淵懿純篤修潔博習之君子曰霽堂翁先生讀書經世務以詞學經術屢列大吏之薦

鶴徵後錄卷四

三

天子知其名氏將 召而收用之而細於時命給 大廷之筆札條石渠之異同皆以病不能與退而結茅於青山之陽將遂沒齒焉而已年幾大耋矣霽堂召美才往來江淮之間舟車刺促將為畜妻子營衣食之謀并其窈渺之思英絕之識絢爛之文章悉舉以供有力者之用其所為抒性情導勤苦夷猶而自得者十曾不得二三存焉獨其說經之文則以自伸其獨見而又為當世之所不好故僅而得全嗚呼其可悲也已今河道總督東軒高公禮部侍郎歸愚沈公皆於霽堂為深交將盡采其所為詩歌雜著以托之久遠所以慰霽堂者至矣霽堂過武林揖予而請曰微子言無以申吾之隱微而答二公之殷勤有是哉吾以詩若文以衡量霽堂而霽堂

之生平見不若以霽堂之病衡量霽堂之詩文而霽堂之生平愈見霽堂少嘗失血以是終其身而不得寧息方病發時隱几臥伏面無人色千詩百賦誅求踵接霽堂揮霍應之精氣奕奕曾不異居常無病時且若較他人之不病者而尤工且密焉霽堂之才令其力疾以應 明詔必有一當而猶兼兼慮無以稱側席之求而副舉主之薦其矯然不欺其素於茲可觀矣霽堂之於經穿穴牢固搜擇幽滯析羣言之精發諸儒之覆雖號為經師者猶不能窺其窔奧而指其玷尤其何所暇而得若此意必其隱几臥伏時冥心孤往深探而樂玩之而後乃能臻此純粹以精之一境也

鶴徵後錄卷四

三

沈文憲翁朗夫詩序云康熙戊子歲江陰翁子朗夫謁余於葑溪故居述遠道命駕之故謂子詩能追逐古人讀之既久若飲食嗜慾之難遽舍也及出所自為詩過余之樸拙遠甚由是流連日夕唱和於鳴榔釣車間兩人遂得定交後朗夫留海陵留中州間歲偶歸歸偶遇以詩相商權後留遼左之錦州余或客南徐客鹿城婁東客臨安踪跡漸疎後朗夫受相國稽公知薦應博學鴻詞之 詔乙卯夏來京師與予復相見於燕臺客舍明年冬朗夫病嘔血未及應 保和殿試余亦鍛羽歸自是或出或處踪跡又疎歲丙寅余請假南還復遇朗夫於治河制府完公署中距初相見時已三十四年卽 召試離別時又已十年朗夫少余四歲鬚毛俱白而余之精力益頽然坐廢然朗夫年既長學殖益醇詩品日益上

讀其近作語超格俊氣澹韻流中多見道親切語雖多師爲師而載實抒文軌途自一向特賞其言語妙天下者祇品其平時雕琢之工而不足概其老境也

詞科掌錄云翁朗夫德性醇謹篤於氣誼少以所業質蕭山毛檢討檢討序云意充而舒度遠而不拘於隅其才思縱發所至開適質無不足而文又見其有餘見賞如此壯歲歷遊大幕章奏尤工錢唐沈垞云豈有後山四六之工乃無子蒼二三之嘆非虛美也

詞科餘話云朗夫病不與試既從錫山中堂出都後復從盧中丞來京師詞科同籍諸君握手道故皆有詩送其之錢唐隨園詩話云江陰翁明經朗夫館稽相國家相公非朗夫倡

鶴徵後錄卷四

三

和不吟詩人呼爲詩媒乙卯以鴻博薦朗夫謝詩云此身得遇裴中令不向香山老一生一時傳誦朗夫有春柳云千里因依惟夜月一生消受是東風迎來桃葉如相識猜得楊枝是小名皆佳句也平生有謙癖拜起紆遲年登八十猶薰衣飾貌寸莖不留余初相見知其多禮乃先跪叩頭逾時不起先生愕然余告人曰今日謙過朗夫矣又題霽堂三十三山草堂圖云四海才名六十春青鞋布襪軟紅塵平生事事謙冲甚只有青山不讓人試罷 彤庭戶不開談經重薦伏生才一時猿鶴驚相顧花外蒲輪今又來
別裁集詩話云朗夫小心敬慎雖僕隸下人不衣冠不見也事上接下以誠以禮稽高一相國先後以鴻博經學薦皆不

遇與予相約爲耦耕伴侶結廬有日矣乃條焉狙請女生爲位以哭多失聲者少年詩專工佳句後漸臻老境氣力俱高有虞伯生老吏斷獄之目

蒲褐山房詩話云霽堂少時曾奉教於毛西河太史西河其詩盛爲推挹嘗詠蓑衣有風雨一身秋之句從此得名後在浙幕中詩亡失大半今所彙賜書堂集十之三四爾其爲時傳諷者則有一抹夕陽連漢苑二分春色在蕪城小樓衣半朦朧月深院秋千澹岩風青拂河橋風下轉綠昏江店雨初來春寺煙深聞羯鼓千塘風暖度傷蕭一聲啼鳥破春痕數點落花生暮寒殘月半痕巫峽曉夕陽一片洞庭秋開索梅花愁裏曲池塘芳草夢中詩夾岸綠陰垂柳渡滿蓬紅雨

鶴徵後錄卷四

三

落花天沈椒園臬使云先生年高藤杖方袍須眉朗映其詩風致盎然而神韻瀟灑

陸榮柅字錫三號香林江南華亭人監生由都察院左副都御史陳世倌薦舉著有香林詩文集

香林居邑之陳山少著文譽歷試有聲後引例入成均素與焦南浦友善詩歌酬唱晚尤耽心禪悅南浦嘗謂累心處都盡惟香林足以當之

蒲褐山房詩話云香林以薦預修駢字類編又經海昌陳公疏薦博學宏詞不赴其詩極清麗和程中丞梅花十首如雲塢無聲喧翡翠月溪有影浸玻璃數瓣漸開春色面一枝常抱歲寒心忍笑似憐經歲別褪寒如免積年通十霜參破千

場夢一笑能生四海春青嶽忽開羣玉圖碧霄飄墮蕊珠仙
數點疎星明小院一聲橫笛斷高樓此去年華誰獨擷小來
風月早能勝雲深竊恐成龍去風軟還宜伴鶴來半休艷發
瓊田暖萬樹光搖珠斗寒能開生面不爲青邱諸賢所束
陳撰字楞山號玉几浙江鄞縣人布衣由通政司使趙之垣薦
舉著有玉几山房吟卷繡鉢集

玉几敦古絕俗詩筆高超清削如其爲人尤工畫著墨無多
儻然意遠一時爭寶之屢遊江淮間青鞵布襪羣目爲高士
雖窮愁寡合悽斷怨咽之音時見於詩而其間曠固自若也
杭皇浦玉几山人小傳云玉几性孤潔不肯因人以熱煦解
榮而侈泠汰詩有逸才天然高澹不琢自雕讀書不多室無

鶴徵後錄卷四

三

儲籍卒然語及輒能條其出處亦未嘗見其挾一冊咿唔也
游道甚廣胸中無軒冕數數稱道者禹航嚴定隅廣陵魏旭
棠而巳有敬通之婦無伯道之兒終身甘旅偶一歸轉如旅
人客鑿江項氏彝鼎圖書之富甲天下充塞眼孔亦未嘗向
人辨真贗矜鑒賞別館子居如退院枯僧僕人娶妻生子衣
食資於主人了然不以爲累舉鴻詞不就項氏亦中落江都
江鶴亭迎而館穀之書無師承畫絕摹倣每一紙落人間珍
若拱壁歸老江鄉買山之計甫成大差之嗟俄及詩有繡鉢
集秋吟已刊行後不多作亦不肯以詩酬應人
詞科掌錄云錢唐陳楞山布衣自稱鄧人初有繡鉢集秋唱
擬古諸刻壯歲以來客於儀真長年不歸意思蕭澹屏絕人

事詩意冲逸高簡通政寧夏趙公祭告南鎮聞其名薦於
朝辭不赴有謝啟極工

蒲褐山房詩話云楞山爲毛西河弟子又工寫生以墨暈之
若不經意者而蕭疎簡遠品格極高亦不苟作故時人寶之
余定交邗溝時年已六十餘戍削而修望之若聞鷗野鶴嗜
吟詠今所傳吟卷蓋一鱗半爪佳者或不盡是也然句如二
分明月樓頭影十里平山檻外雲兩時茶板伊蒲饌一樹梅
花貝葉書詩卷白頭悲舊雨燭花紅淚滴秋堂焚香自寫圖
中影把卷何須絃上聲饒有晚唐人風韻

梧門詩話云楞山又號玉几生蓄書畫最富精賞鑑詩格高
簡古蕩歸途云日暮東風急歸途雨正繁泥深黏屐重雲濕

鶴徵後錄卷四

三

帶林昏野水喧漁艇人家掩竹門遙憐折梅處回首更西村
楞山工畫其詩不媿有聲畫矣
程松門鳴云楞山修行讀書驟然古處厭棄流俗如驚絃之
雁見機之鷗故其文章械用不存落筆高妙而有韻之言亦
復成削簡別固已掩抑推藏蓄心羊體冷清清徧七絃而
沈萬木繡鉢一集篇什雖僅足以徵其微詣之所在
屈復字見心號悔翁陝西蒲城人布衣由刑部侍郎楊超曾薦
舉著有楚詞新注李義山詩意江東瑞草集
悔翁性迂僻工於詩兀傲自喜所注楚詞采合舊註自以新
意疏解之有得騷人言外之旨義山詩意惟在就詩論詩亦
頗有獨得如錦瑟碧城無題諸篇前人穿鑿附會之解一舉

而洗之

詞科掌錄云乙巳丙午之間屈見心來遊西湖居紫陽山道觀以所註漁洋秋柳詩徧謁名流古詩闌單少力惟律調近熟晚遊京師弓刀宿衛之徒皆從受業頗有詩聲遂自尊侈論詩則詆訶老杜注騷則摘據紫陽每為士夫所鄙其流傳之詩有不必為之題如書中乾蝴蝶水中雁字多至數十篇有不可通之句金壇史公度會舉其楊花詩予存其可通者

隨園詩話云丙辰以布衣薦鴻詞者海內四人一江西趙寧一河南車文一陝西屈復一嘉禾張庚車之著作余未經見張善畫長於五古人亦樸誠獨屈復傲岸自號梅翁出必高杖四童扶持在京師見客南面坐公侯學詩者入拜床下

鶴徵後錄卷四

三

專改削少陵嘗詆太白以自誇身分耳食者抵死奉若神明山左顏懋倫心不平獨往求見坐定即問曰足下詩有書中乾蝴蝶二十首此委巷小家子題目李杜集中可曾有否屈默然慚人以為快沈歸愚刻別裁集僅錄屈王母廟一首云秦地山河留落日漢家宮闕見孤燈如今應是蟠桃熟寂寞何人薦茂陵

鶴徵後錄卷第四

奉天子普保校

鶴徵後錄卷第五

嘉興李富孫既訪甫輯

與試未用三十四人

王霖字雨豐一字雨楓號弁山浙江山陰人康熙乙酉舉人由內閣學士吳家驥薦舉後官直隸南宮知縣著有西山遊草弁山詩鈔

弁山七歲能詩至老篤學不倦上白漢魏下逮唐宋元明諸家靡不洞悉研究著作甚富令南宮時以清廉自厲民歌其惠歸田後設教西泠從遊者日衆

越風云弁山老人宗仰放翁恬吟密詠時見清標而卷帙之富亦復相似晚歲有集杜集陸等詩

鶴徵後錄卷五

一

詞科掌錄云王雨豐試日與會稽徐笠山聯席笠山不工為排律即用其詩為考官所糾部議徐革職王補官日罰俸一年今官南宮令

詞科餘話云雨豐詞科被劾歸里頗有田園之樂感懷十律傳寫徧遠近同縣胡國楷敬方為禮部主客司主事詩才敏麗日下少雙有次韻詩工力悉敵

吳麟姓吳查拉氏字子瑞號晚亭鑲黃旗滿洲人康熙戊子舉人原任內閣中書由禮部侍郎徐元夢薦舉著有黍谷山房集晚亭擅史才兼工山水意致蕭散晚更恬退自高其歸田雜興云敢效龐公去鹿門晚年生計落孤村隨人作苦甘驅犢課子勤農試灌園百畝有秋終歲望一家長物舊書存力田

求包原非易追感從前廩祿恩入口人家斗大腹當關心與世緣疏濟時技拙開行藥學古疑多敢著書老覺文章增三變新於習氣解消除行藏任運吾何事笑看浮雲自卷舒

詞科掌錄云吳子瑞原任中書舍人與修明史與西林相國交好今為明史綱目纂修官奏授中書

吳銳字穎長江南當塗人康熙辛卯舉人江都縣教諭由內閣學士方苞薦舉

先生力學好古孜孜如不及困於公車司教江都雖年已老猶日與諸生講論不輟

詞科掌錄云吳穎長任江都教諭年近七十矣陳以剛字燭門江南天長人康熙壬辰進士池州府教授由安徽巡撫王紘薦舉著有燭門詩

隨園詩話云天長詩人陳燭門進士余宰江寧蒙其過訪余愛買書而官廨甚小都堆簽押處故贈詩云六朝山立簾鉤外萬卷書橫簿領中卽姚武功印殊沾墨研戶籍雜經書之意

劉自潔字 直隸武強人康熙癸巳進士原任翰林院編修由兵部尚書直隸總督李衛薦舉

孫見龍字叶飛號潛村晚號春齋浙江歸安人康熙癸巳進士原任翰林院庶吉士改補知縣由兵部尚書江蘇巡撫高其倬薦舉後官山西洪洞知縣著有五華纂訂四書大全潛村詩愛

潛村癸巳會試第一其第二名為黃文虎時有龍虎榜之稱

學極該洽詩亦清超拔俗試後復薦充 咸安宮總裁令洪洞頗有政聲纂訂四書大全乃其掌教雲南五華書院時所輯故以五華為名

詞科掌錄云孫叶飛少司空配贈在豐弟子也與竹溪沈幼牧皆少宗伯嚴存菴我斯之婿癸巳會元改庶常出令青浦以事去總督奉天高公台兩江士試于白下題為時雨賦叶飛為第一

戴蕙塘吳興詩話云孫太史嗜飲先祖作止酒歌以勸終以作上官去任久主漢南五華書院費學士南英癸卯使滇贈詩云五華山院鬱蒼蒼十五年中化雨長冊府別開吳下版酒槽爭壓會稽香門牆已徧青雲彥教授猶仍白髮郎顧我

昔曾呼小友不辭疑咽問蠻荒

丁凝字琴山號靜者浙江長興人康熙癸巳舉人國子監學正由詹事府詹事覺羅吳拜薦舉著有靜者詩集

靜者為工部主事爾俊子幼穎敏年十二作詩有老成風長益肆力於古沿流溯源故其著作能自成一派

詞科掌錄云丁靜者國子學正今陞禮部司務為沈宮贊三曾女夫故與竹溪諸沈酬倡最密

稗句云余舉長興孝廉丁凝格於省試後復為覺羅閣學吳拜薦於 朝又被落亦命也

魏 采若編云靜者束脩砥行沈毅有器識先是在成均時與諸名士結文酒之會驚才積學名動公卿所著篇帙甚

富

于叔字 江南金壇人康熙甲午舉人通州學正由內閣學士伊爾敦薦舉

沈虹字衛梁一字渭梁江南長洲人雍正丙午舉人句容縣教諭山兵部尚書江蘇巡撫高其倬薦舉著有逢莊詩鈔

逢莊學問博洽工於詩嘗自編其所作以先後為次每卷皆有自序紀其遭逢閱歷即可以考其生平矣

李清藻字 福建安溪人康熙丁酉舉人由刑部侍郎王紘薦舉

先生為相國文貞公孫孝廉鍾倫子朝夕承學潛筆經義淵源有素屢上春官不得志弟清馥承蔭由郎官出守大名以

鶴徵後錄卷五

四

廉正著聲

李春耀字東谷湖北孝感人康熙丁酉舉人由工部尚書涂天相薦舉

詞科餘語云李春谷以鄉前輩大司空涂公薦來京試後病歿旅邸鄞縣全祖望醵金歸其櫬秀水蔣光泰以詩哭之

查祥字星南號穀齋浙江海寧人康熙戊戌進士原任翰林院編修由刑部尚書徐本薦舉後充律例館纂修官著有雲在樓詩咸齋文鈔

先生學有淵源詩得家法律例館書成復七品京銜既歸歷

主講席年八十餘卒

詞科堂錄云查星南庶常散館授編修原品休致丁巳歲補

試今為律例館纂修官查氏門才甲於海內查田喜獎借社遂查浦持律甚嚴星南少從查浦授詩故所作皆見矜慎

厲鶚字太鴻號樊榭浙江錢唐人康熙庚子舉人由浙江總督程元章薦舉著有遼史補東坡雜記湖船錄宋詩紀事南宋畫院錄樊榭山房集

樊榭之詩能於漁洋竹垞兩家外獨闢畦徑自成一派其幽

深精妙窮極雕鏤譬如幽崖峭壁幾乎斷絕人跡當時杭

董浦全謝山輩無不推服錢籜石翁有評本亦為心折今海內言詩者標新領異務脫恒蹊多以樊榭一家為宗

歸琦亭集云樊榭少孤家貧其兄賣淡巴菰葉為業以養之將寄之僧寮樊榭不可讀書數年即學為詩有佳句是後遂

鶴徵後錄卷五

五

於書無所不窺所得皆用之於詩故多異聞軼事為人所不及知而最長於遊山之什冥搜象物流連光景清妙軼羣又深於言情故其擅長尤在詞深入南宋諸家之勝然其人孤瘦枯寒於世事絕不諳又下急不能隨人曲折率意而行畢生以覓句為自得其為諸生也李穆堂閣學主試事聞中見其謝表而異之曰是必詩人也因錄之計車北上湯侍郎西厓大賞其詩會報罷侍郎遣人致意欲授館焉樊榭襖被潛出京翌日侍郎迎之已去自是不復入長安及以詞科薦同人強之始出穆堂閣學欲為道地又報罷而樊榭亦且老矣乃忽有宦情會選部之期近遂赴之同人皆謂君非有薄書之才何孟浪思一擲樊榭曰吾思以薄祿養母也然竟至津

門與盡而返予諧之曰是不上竿之魚也嗚呼以想惻爲吏
固非所宜而以其清才使行吟於荒江寂寞之濱以死則不
可謂非天矣

詞科字錄云厲太鴻爲詩精深華妙截斷眾流鄉前輩湯少
宰西厓先生最所激賞自新城長水盛行時海內操奇觚者
莫不乞靈於兩家太鴻獨矯之以孤澹用意既超徵材尤博
吾鄉稱詩於宋元之後未之或過也性耽閒靜愛樂山水一
再計借遂絕意仕進以薦來都試題誤寫論在詩前遂罷歸
生平詩逾萬首勇於刪擇樂府爲今海內第一仿計敏夫例
爲宋詩紀事百卷採采極富是科徵士中吾石友三人皆據
天下之最太鴻之詩雅威之古文紹衣之攷證穿穴求之近

鶴徵後錄卷五

六

代軍有倫比紹衣丙辰先成進士改庶常例不當試後以散
館出外雅威以疾太鴻以違式皆不得在詞館豈非命哉
別裁集詩話云樊榭學問淹洽尤熟精兩宋典實人無敢難
者而詩品清高五言在劉翥虛常建之間今浙西談藝家專
以自餽掃摺爲樊榭流派失樊榭之真矣
江積山尊聞錄云太鴻出居道古儵然意遠詩文之外銳意
於詞嘗病倚聲家治蕩者失之靡豪健者失之肆因約情儉
體深秀絲遯典至思集輒自比之孫氏一絃柳家雙璣要以
自寫胸抱非求悅衆耳也有秋林琴雅四卷

吳既亭雲蘊齋詩話云厲徵君肆力於詩鏤心役腎句雖字
琢吾鄉百年詩人中殆難其匹性雅好遊所至搜剔名勝攬

蔞蔞藤蕪回吟賞必興盡而後已集中西溪諸什直抒胸臆
可當山經一卷讀也

蒲禱山房詩話云徵君性情孤峭義不苟合讀書搜奇愛博
鉤新摘異尤熟於宋元以來叢書釋說以孝廉需次縣令將
入京道經天津查蓮坡先生留之水西莊觴詠數月同撰周
密絕妙好詞箋遂不就選而歸揚州馬秋玉兄弟延爲上客
嗣後來往竹西者凡數載馬氏小玲瓏山館多藏舊書善本
開以古器名畫因得端居探討所撰宋詩紀事遯史拾遺極
爲詳洽其先世家於慈溪故以四明山樊榭爲號所作幽新
篇妙刻琢研鍊五言尤勝大抵取法陶謝及王孟韋柳而別
有自得之趣盎然而清窅然而邃擷宋詩之精詣而去其疎

鶴徵後錄卷五

七

蕪時沈文愨公方以漢魏盛唐倡吳下莫能相掩也予於戊
辰歲在長洲趙君飲谷小吳船遇之辱爲忘年交後徵君過
吳必訪余於朱氏蘋花水閣凡三年而徵君下世矣至其詞
直接碧山玉田子已錄入琴畫樓詩鈔故不具論又云樊榭
下世葬於西溪王家塢因無子嗣不久化爲榛莽後四十餘
年何君春渚淇游西溪田舍見草堆中樊榭及姬人月上粟
主任焉取歸偕同人送武林門外牙灣黃山谷祠掃灑一室
以供之予爲撰丈室花同天女散摩圍詩共老人參句以題
其楹陶鳧香梁諸子皆有詩詞記之

鳧亭詩話云樊榭寶石山云林氣暖時濛似雨湖光空處淡
於儻此真善於領畧西湖也其他如遊智果寺云竹陰入寺

綠無暑荷葉繞門香勝花元日對雪云無人可造真閑日有
雪相娛此老翁山莊卽事云疏圃鳥鳴秋境界竹房人語佛
家風南湖秋望云橫塘秋水明菰菜老屋殘陽上薜花皆佳
句也

汪接甲字麟先號澗亭浙江錢唐人康熙庚子舉人由都察院
左副都御史孫國璽薦舉後官山西絳縣知縣著有夕秀齋詩
鈔

澗亭爲處士汝謙曾孫博覽能文與兄振甲砥礪績學時有
二難之目

俞鴻德字 浙江海鹽人康熙庚子舉人由內閣學士伊爾
敦薦舉

鶴徵後錄卷五

八

先生與兄弟輩俱登科第當時有七鴻之稱嘗應春官試不
得志薦舉詞科放選歿後無子今訪其著述亦散佚無存

萬邦榮字西田河南襄城人康熙庚子舉人由河東總督王士
俊薦舉後官山東莘縣知縣著有紅崖草堂詩集

西田慷慨有才畧學亦奧博詩格如千尋老幹奇崛輪囷惜
未得竟其所施有詩云南山石可耕俟時台高寄又云上書
光範門斯亦賢者累可見其安命俟時矣

桑坡甫紅崖草堂詩序云萬君西田志堅而才雄平生萃精
力於詩年近五十始領鄉薦既老一對大科終不遇津沈史
館出爲宰縣令僅三月卒於官卒後十年吾始來大梁書院
君之子園持君詩集乞序於予予受而讀之見其奇氣鬱勃

如雷奔濤立震蕩天地而清微竊眇則又若冷風吹空孤月
在水飄然氛埃之外渺不可卽蓋其人固慷慨奇思有所
建豎於時而壞坎不得志故勁絃無懦響其視人世蠅營狗
苟之爲不值一唾故持身特峻潔而介立清音之孤發有由
然也君既晚不達得一同之地思爲古循卓以大摅其所欲
爲不幸三月死矣其治譜粗見莘之人至今能道之自少爲
諸生目擊流離沈痛惻怛以歌詩代監門之圖欲陳闔闔無
由吾有以信君之爲政不苟同於流俗也弔古詠史誅姦發
潛時出歎見君夙蘊之根氏畧見於此

徐本僊字 湖北蘄水人康熙庚子舉人雲南雲龍州知州
由署兵部侍郎王士俊薦舉

鶴徵後錄卷五

九

劉世澍字 湖南善化人康熙庚子舉人由總督倉場戶部
侍郎呂耀曾薦舉

車騰芳字 廣東番禺人康熙庚子舉人由廣東巡撫楊永
斌薦舉

汪祚字 江南江都人康熙庚子副貢生由都察院左副都
御史陳世倌薦舉

黃之雋字石牧號屠堂江南華亭人康熙辛丑進士原任左春
坊左中允由刑部尚書徐本薦舉著有香屑唐堂等集

唐堂才華博瞻冠絕一時詩風流儻儻下筆不能自休著述
甚富學尊程朱而排陸王時見於詩文中所編香屑集凡古
今體九百三十餘首對偶工整渾若天成亦可見其記誦之

博運用之巧矣

唐堂後書目序云歲丁未之十月罷官歸囊篋無所蓄獨著書倍前遂并前所貯合為目錄經史子集之正大者共二萬有餘卷餘雜細者八百八十餘冊不計卷附焉曩夢中得句云產業僅添書數種者是矣而惜乎已老矣目老而昏艱於視手老而倦艱於披口老而乾艱於讀心老而衰艱於思然猶強勉朝夕把一編老妻見輒諷曰是取第作官歸矣尙吾伊欲應舉耶予自惟幼習舉業誦孔孟程朱之書講求性命仁義之旨以闢發題目弱冠為詩古文以迄於今於道終已無所發明而蹉跎老矣昔之所誦什不記一今之所誦什不熟一書增而學減為可恥也聊錄其日以傳於家且自訟焉

鶴徵後錄卷五

十一

詞科掌錄云黃石牧成進士授館職撰文稱

旨加 日講起居注官晉中允視學八閩以事落職錢唐徐公薦於 朝試日詩賦既就日昃眼眇不能作字納卷出石牧僻居陶宅風流自賞少時好為輕豔詩通籍後門人海寧陳編修邦直為刻香屑集皆集唐豔體也千首中句無重出一首中人無疊見又集唐人文句為自序多至三千餘言嘉定張檢討每服膺不去口可以當才子之目矣
詞科餘話云石牧試日以燭下不能作書日既夕遂舍去有試博學宏詞不成自紀七十韻
別裁集詩話云雲間詩自陳黃門振興後俱能不入岐途累累繩貫至盧文子後又日就衰隤妙所宗法矣唐堂學殖富

有而心思才力又足以驅策之故能自開生面仍復不失正軌謂之詩學中興可也

隨園詩話云黃石牧太史未遇時館於青浦盛氏范笏溪先生訪之為闈人所阻懊惱而返華亭至青浦已百里矣黃知之深不自安贈詩云高鴻渺渺過無跡凡鳥匆匆去未題如殺綠楊絲萬縷曾牽范舸在長堤後海寧陳文簡公延石牧於家范所薦也范於黃為先輩范卒後黃為序其四香樓詩集而述其在葉忠節公席上贈欠山詩云有客夜歸迷舊路隔村樹黑遠疑山又黃石牧先生以翰林中允督學閩中因公落職吾鄉徐文穆公薦舉鴻博與余同試 保和殿先生年過七旬神明衰矣以不完卷累薦主議處蓋馬伏波自忘

鶴徵後錄卷五

十二

其老之過也唐堂詩集生新超雋美不勝收姑錄短句以志一嚮之嗜芭蕉云日不紅三伏天惟綠一巷北路買餅云駐馬一錢交易羈留三刻行程玫瑰花云生來合是依人命從不容渠在樹看集中七古遠勝潘稼堂又云楊花詩最佳者前輩如查他山云春如短夢初離影人在東風正倚闌黃石牧云不宜雨裏宜風裏未見開時見落時嚴遂成云每到月明成大隱轉因雲熱得伴狂

顧棟高字復初一字震滄又自號左翁江南無錫人康熙辛丑進士由兵部侍郎署江蘇巡撫顧琮薦舉乾隆辛未以經學徵官國子監司業晉祭酒著有尚書質疑春秋大事表毛詩類傳震滄集

先生者儒碩學望重一時於治經尤深於春秋大事表一書兼綜條貫非掣究數十年不能有此精當經學之徵大理寺卿鄒一桂以老成謹厚淹貫經籍保薦時命閣部大臣於所舉中核其實允孚者得四人常熟陳祖范金匱吳鼎介休梁錫璵及先生得

旨召見問以治道先生以儉德示天下對洵不媿儒臣之言

詞科掌錄云顧震澹深於經學文不多見有爲其鄉人吳鼎三正攷序一首第字借巖考凡二卷援據亦博

蒲褐山房詩話云震澹先生少與蔡進士德晉吳孝廉鼎精心經術尤長於春秋既提南宮官中書以奏對越次罷官遂不復出所著大事表萃公毅之微言正杜孔之義疏凡轉輟

鶴徵後錄卷五

三

紛紛之說悉爲定其指歸表而出之蓋宋元以後諸儒無其精確也乾隆辛未以經學徵賜官國子監司業未就丁丑迎鑾晉祭酒銜時年幾八十矣是時寓維揚者數月猶見其撰毛詩類釋先生不好吟詠而大事表後附論春秋詩皆無關風雅

梁機字仙來江西泰和人康熙辛丑進士原任翰林院庶吉士改補知縣又改教授未補由大學士朱軾薦舉著有北遊草趙遊日記三華集

仙來少時卽負才名嘗從漁洋山人得受詩法詣極超雋其自編三華集一曰入洛志勝多題詠古跡之作一曰燕雲詩鈔隨侍其父官遊京邸之作一曰徵草爲召試入都之作

一曰還草則試不入格歸途之作也

詞科掌錄云梁仙來庶常未散館改知縣又改儒學教授弱冠卽負異才父弓以庶常授武庫司主事仙來來京省謁處士北平王源或菴愛其才卽有婚姻之約

詞科餘話云仙來以庶常出知山西某縣與江西巡撫常公鼎同官有素常公屢以書幣延之仙來固辭不出其從子欽自京寓書勸其應詔仙來答數百言其文甚偉書云阿叔撇躡名場幾三十年幸際

聖朝備員中外中間爲當路喜怒所中年方知命退託山林引分守拙日惟學易以求寡過亦遂有終焉之志邇者詔開博學鴻詞之科羅淹貫之士以昭文治潤鴻猷海內夙負

鶴徵後錄卷五

三

博雅沈滯未達之耆舊早歲慧辨健文通藝之英銳與夫失職能文章之臣思用其所未足者莫不峩冠振策欣然自慶其遭逢而

聖朝所爲殊科優擢一試卽列之清要者要皆未易才也汝猥以阿叔素號多聞又爲朝士所推致書忱忱勸之就試意良厚顧君子立身自有本末出處大節詎容苟違於道阿叔弱歲遊董下與時賢豪角逐游藝之場自顧胸中亦頗有知識棄置以來雖不廢藝情而道心頗重於所慕固有一牽履不敢越者頃聞明詔未嘗不爲天下之績學者慶又未嘗不爲己之處地與勢惜也蓋欲阿叔之就此選其不可乃有三焉夫已列朝簪不能奮立功名有故而去方當思過之不

暇不然既俯仰可自安矣則益志道樹德以謝當時之望用舍一聽之世而已乃欲復以語言文字爲梯榮之藉縱不自醜故態能免高人鄙笑乎其不可一也往者康熙己未開是科亦并及失職之臣當時但詔內外大臣擇薦以其姓名上而已試事則惟

天子親主之就之猶可也今在外則先試於督撫矣此在朝廷恩意濶漏必俾之鄭重以免叨濫而在臣子愛惜國體則一揆諸理道以爲避就阿叔忝竊侍從在詞館屢經

御試曾邀殊恩受

高命官雖降調而故階尚在乃與老不得科第輩及後生小子低首下心搦筆啣喙塗雅於戟門之內其願之厚豈獨羞士

鶴徵後錄卷五

十四

論抑且辱朝廷而朝廷又焉用此不自慚之博學鴻詞爲也其不可二也妾帛蒲輪古來徵隱逐者以道不以藝也如以藝則功名之士耳顧躡嘉遜之跡爲慕道之人猶懷鉛挾纒角藝以干進古今曾聞此有道之隱遜乎此又北山之文所不屑移者也其不可三也汝在仕路貴游多高明試出愚言質之并以謝勸駕諸君子當不至河漢而不謂然蓋人心之同然者道也况在正誼明道之君子乎

隨園詩話云庚申在京余與裴叔度同年同車遇雨裴誦其薦鴻博入都與余相遇於琉璃廠書肆中詠桃花云渾疑人面隱下馬誤題門贈妓云欲作歌聲畏花落選詞先唱鎖南

枝鬢巢云老去還嗟耳力退自吹羌管不聞聲沙邱云荆卿七首漸離筑可惜不逢祖龍三十六

梅枚字功升號慕堂江西南城人康熙辛丑進士河南儀封知縣由河東總督王士俊薦舉後陞山東泰安知府

慕堂以縣令被薦召試後仍還任候進止吾鄉錢文端公有送其還河南詩云梅君古文學我友之所畏作令別十年轉徙梁宋地所居無威名頗師保障意王公領三州

天子方倚畀緇衣感風詩往往好是懿先以循良徵復以鴻博被姓氏入楓宸遭逢實茲始最績著上考閣門應明試千

言寸暑成縱筆無贖思吾老輒倒棚對之能不愧行矣且之官其以吾言治曾賓谷臬使詩徵以薦舉後改官翰林殊誤

鶴徵後錄卷五

十五

詞科掌錄云梅功升任儀封令平越王公所薦召入先試卷封內閣陞泰安知府卒官

曾賓谷江西詩徵云慕堂少遊豫章與知名士九十餘人相切劘顏其堂曰正學成進士授河內知縣擢禹州薦舉鴻詞適報最入觀遂先試

鄧牧字乃夢江西南豐人康熙辛丑進士撫州府教授由江西巡撫常安薦舉

吾鄉諸草廬有懷南豐鄧乃夢詩云燕臺判袂垂三載眼訝清江雙鯉無妻妻碧草東西路渺渺雲山大小孤春風麗箋鬪玉茗夜雨畫楹傾麻姑冷官著述貧亦好腰折眉摧何所須先生亦有聞諸在金華詩召試報罷尋卒

詞科掌錄云鄧乃夢主臨川李侍郎家與侍郎弟巨州秀六
諸教諭襄七勤縣全吉士謝山信學嚴富

吳王垣字衷平榜姓王江南華亭人雍正癸卯進士廣西永福
知縣由廣西巡撫金鉉薦舉後陞平樂府同知

衷平祖世龍父熙俱善詩畫衷平釋褐選庶吉士散館改官
行人出知永福縣撫輯備至嵒撞悅服權攝義寧前令因苗

亂招撫被害衷平泣任即集吏民諭以大義防禦嚴密賊因
畏威遠竄 召試後行取擢平樂同知以病乞歸卒

何夢象字 江南江寧人雍正癸卯進士廣東新安知縣由
廣東巡撫楊永斌薦舉

張振義字 江西龍泉人雍正癸卯進士直隸趙州寧晉知
縣由大學士朱軾薦舉

鶴徵後錄卷五

一六

徐文靖字容尊號位山江南當塗人雍正癸卯舉人由兵部尚
書甘汝來都察院左都御史孫嘉淦交薦舉乾隆壬申特授檢
討著有山河兩戒考禹貢會箋皇極經世考管城碩記

位山學極淹博貫串羣言僻於好古其所撰述甚多已已
詔舉明經之士安徽巡撫衛公哲治即以淹貫經史薦之王

申會試禮部榜發 恩命落第舉子年逾耄耋者給與新銜
位山特授檢討誠異數也

詞科掌錄云徐位山嘗為佛手柑賦穿穴焚夾驚絕流輩又
嘗以之乎者也矣焉哉七字冠首為七言長句十章其仲子

脊樞應滋亦佳士博求故實逐句為訓

全湖山經史問答云三十六宮之說偶與當塗徐檢討容尊
語及之曰君不讀擊壤集詩乎物外洞天三十六都疑布在
洛陽中小車春暖秋涼日一日祇能移一宮是非三十六宮
之明文乎天根月窟老氏之微言也三十六宮圖經之洞天
福地也其必以復姤之說文之者猶之參同必以乾坤坎離
分氣值日而究之參同契之用易非聖人作易之旨也檢討
所著管城碩記最精博有考據

隨園詩話云乾隆間以老受 恩得官者當塗有二人焉徐
位山曹洛禮徐同余丙辰 召試年九十餘授翰林院檢討

甲戌秋寄所註竹書紀年詩一冊來湖居云天將幽致啟湖
濱共我盤桓幾十春守業願為清白吏著書羞傍草元人妻

鶴徵後錄卷五

一七

綠貧慣無交謫子未驕成肯負薪那得向平昏嫁畢三江烟
雨任垂綸白駒幾向隙間過在苒年華長薛蘿開極有時評
北苑愁來無夢寄南柯文標司馬尊元符帖檢來禽署永和
湖上遊行湖上立顏唐老大竟如何又雲生漸覺網絃潤潮
上徐看釣艇斜酒綠齋日陳三雅茶為眠時試一槍皆典雅
可誦

李金瀾遇孫云位三管城碩記三十卷條辨經史疑義旁及
楚詞詩賦字學等類分門編次極為精洽與縣孫文定公序
稱其先人之言以發其端加案以發其義著事以徵其實
博引羣書祛疑從信不妄參以已意

魏允迪字功夏號懋堂江西廣昌人雍正癸卯舉人由兵部尚

書甘汝來薦舉後官內閣侍讀

懋堂家本貴顯意氣自豪盛劍山有詩懷之云番刀殿拜送刻作夷門雲椎牛饗古鼎持壽信陵君上邪甲與乙要補徒紛紛可想見其概

詞科掌錄云魏功夏長於考證辨著甚多今授內閣中書舍人

隨園詩話云魏懋堂豪邁不羈官中書侍讀以撫軍公子而家資散盡因之失官詠山中積雪云寂寞山涯更水濱漫天匝地白如銀前村報道溪橋斷可喜難來索債人干霄篁竹翠盈眸雪壓風欺撲地愁莫訝此君無勁節一經淪落也低頭又出門云憑著牽衣兒女送只揮雙淚不回頭讀之令人

鶴徵後錄卷五

六

神傷與余同 召試友也

僥一辛字治人江西廣昌人一作南城人雍正癸卯舉人新建縣教諭由順天府府尹陳守創薦舉著有經義管見

先生學單經學管見一冊列易圖說七多發連山歸藏之義

又周易統天旋卦賦一說卦傳論一納音五行論一古今本

得失論一凡數則合題曰先甲堂經義初刻尚有諸經著述

惜未得見

鄭長慶字

江西貴溪人雍正癸卯舉人由戶部侍郎李紱薦舉

曹廷樞字

古謙號六菴浙江嘉善人雍正癸卯副貢生由內閣

學士吳家騏薦舉著有謙齋詩集

六菴少承家學篤志好古丰神韶秀不媿養炬覽奉之目詩文俱極清婉廣陵舟次留別鴈樊榭詩云君暫停棹廣陵驛去留意緒總難堪雲山一路愁兼別風雪三年北又南賦漫勞尋往事挑燈不盡接深談歸來好傍西溪住筇杖樓鞋取次探弟廷棟善詩歌工分隸名亦相亞

詞科掌錄云曹古謙少宰蓼亭之孫烏衣子弟羣屐風流在羣從中允為韶令天資敏慧悅學不倦故所就大可觀

詞科餘話云古謙廣陵舟次留別鴈太鴻太鴻次其韻有前輩風流空日下故人憔悴滿江南句傳誦一時

別裁集詩話云古謙應博學鴻詞 詔入都口課一賦一詩同人斂手推讓試後放歸復入都病歿

鶴徵後錄卷五

十九

隨園詩話云嘉禾徵士曹古謙與葛卜元同教習 宗學葛

北方人長於考据自負博雅而曹專工詞章二人不相能度

山蔣公滿洲世公各有所庇遂相參劾古人洛蜀之分皆由

門下士起也曹詩自佳詠春雨云兩兩溪邊水鳥呼漸看檐

際濕模柳憑闌花重紅疑滴隔座山橫翠欲無吟苦莫愁春

冷淡病多偏穩睡工夫卷簾自愛虛無景未要蕭湘入畫圖

曹慎字

廣東保昌人雍正癸卯副貢生由刑部侍郎楊超曾薦舉

鶴徵後錄卷第五

鶴徵後錄卷第六

嘉興李富孫既訪甫輯

與試未用二十六人

李紘字巨州江西臨川人雍正甲辰進士由大學士朱軾薦舉
著有南園藁

諸草廬宮贊與巨州為甲辰同榜進士最為投契嘗有七愛

詩其一為巨州云臨川有季龍每見豁懷抱經戶闕無人披

帷富搜討悠然挹皇墳適意忘温飽卽此壺中冰可以蠲熱

惱江西詩徵以巨州官知縣乞假歸養母不出未知所據

詞科掌錄云李巨州本字川侍郎紘第六弟也登第後闕南

園養母不出南昌萬編修字兆亟稱之以薦來京第一場試

鶴徵後錄卷六

一

時賦稟為人所竊不能省記遂納卷出所著有南園答問一
篇與柳州晉問深寧七觀頡頏西江掌錄此焉為最

詞科餘話云巨州養母不仕以座主高安公之薦出山有郡

城登舟及會城別姪子元長詩皆就徵所作也又有北征和

少陵韻詩仲兄穆堂侍郎及萬孺盧編修暨從孫友棠皆有

和章

王文清字廷鑑號九溪湖南寧鄉人雍正甲辰進士原任岳州

府教授由湖南巡撫鍾保薦舉後陞宗人府主事著有周禮會

要考古畧考古原始鋤經餘草

先生性質樸淹通經籍而尤深於禮己巳大學士史貽直協

辦大學士阿克敦刑部侍郎梅穀成俱以潛心經學交薦後

入三禮館方望溪侍郎極爲推舉

夏禮谷王廷鑑詩序云唐宋以制科爲大科所得皆魁壘杰出不凡之士 國家循用舊典兩舉制科戊午之役得人滋

盛今茲丙辰吾友胡君雲持王君廷鑑亦嘗披筆案研以應斯舉乃倉卒嬰義疾並見黜落人咸惜之雲持抱其所學日

夕鹿鹿未暇有所撰次願獨以詩名於京師廷鑑既謝編纂之役布衣疏食杜門窮山中嘗著攷古源流一書條列品彙

該悉衆有兩公詩故皆可傳然泰山華嶽包孕深富其不必以一草一木見奇也審矣

詞科掌錄云王廷鑑熟精三禮著有考古源流二百餘卷循例當外補兩中堂薦修三禮奏授中書科中書

鶴徵後錄卷六

同字

江南宜興人雍正甲辰舉人由戶部尚書史貽直

萬舉

宜興諸氏自遜叟雪持兄弟以才學著而在陸先生繼之根

抵經史蔚爲家學六子胚胎濡染俱先後登科第發名成業

師爲極盛先生天才清雋與六子相還往得其家法早以文

名於世學問亦有本原非徒工於時藝者

劉始興字 江南金壇人雍正甲辰舉人由都察院左都御

史孫嘉洽薦舉後官霍邱縣教諭

先生鑽學經籍篤志不倦己已安徽巡撫衛公哲治奉 詔

保舉經學以志行不苟優於經學篤好講求現有著作刊傳

姚焜字鸞伯江南桐城人雍正甲辰舉人興化縣教諭由兵部尚書江蘇巡撫高其倬薦舉

漳浦蔡文勤公以理學經濟倡導後進爲翰林時 命侍讀

上書房備見敬禮遠近從遊者甚衆鸞伯亦執贄其門

劉斯組字斗田江西新建人雍正甲辰舉人由都察院左都御

史孫嘉淦光祿寺卿劉吳龍交薦舉後官廣東西寧知縣著有

周易撥易堂解太元別訓

斗田邃於經學試罷司諭分宜副都御史葉公一棟素知斗

田己已以經學貫通薦於 朝後宰西寧歷知杞縣有循良

聲所著撥易堂解前記梓此書時其婿夢二童歌詩曰不

不九六乾坤七四執黃農非古世非今理數瓜分一太極又

鶴徵後錄卷六

載著是書時其姪夢閣上有硃題撥易閣三字因以爲名

韓曾字續古江南長州人雍正丙午舉人由戶部侍郎陳樹蒼

薦舉後官安徽泗州學正

續古爲宗伯文懿公之孫朝夕濡染庭訓學有源本時文懿

公文望天下仰重海內名流半出其門續古皆得聆其緒論

與兄洗馬彥曾並登丙午賢書名譽日盛

王延年字介循浙江錢唐人雍正丙午舉人由太僕寺卿蔣漣

薦舉後官國子監學正陞司業 賜翰林院侍講著有補通鑑

紀事本末

先生熟於諸史著述多可傳嘗以史編經進 賜國子監學

正己已戶部尚書蔣公溥工部尚書劉公統勲以經學交薦

俱稱其老成敦樸潛心經史登之啟事其於史學殆寢食以之錢擇石宗伯題其紀夢詩後云園子先生冬病解夜夢有適戶闔扉立者胡來陳承祚坐者不識習彥威三揖立者答且顧一揖坐者蹇弗揮立者乃指坐者語帝魏之正其庶幾前身後身君豈憶盍卽寫此吟依稀白頭累舉猶未第史學可傳復何祈風寒夢回記其一一十四字懷珠璣足成六章章四句說夢向人人笑譏乾隆壬申會試以年逾耄耄由助教晉司業後 賜侍講屢荷 知遇尤爲稽古之榮

杭董浦補通鑑紀事本末序云其比事也若春秋之決獄其著評也若月旦之方人一以爲建安之諍臣也可一以爲涑水之別子也可然鉤較之抉摘之自髮未燥以迄於老之將

鶴徵後錄卷六

四

至蓋已三十易寒暑矣以史證經以鑑貫史居則成一家言舉而措之家國天下而裕如所謂有用之實學者此也故予比介眉於唐杜君卿宋劉仲原父世有讀其書則知予言之非妄也

詞科掌錄云王介眉史學洽熟以建安袁氏作通鑑紀事本末不言田制漕運所託始又唐不載府兵之制皆爲闕漏并取陳邦瞻馮琦所續者悉爲補編余嘗爲之序方丙午發策介眉引杜詩雲帆轉遼海之語謂海運不始於元爲虞山蔣文肅公所擊賞旣從吳門馮太史在史局草創儒林忠義兩傳旣應制府彭城公聘修浙志沿革離合之表分晰特詳遂爲全志之冠所撰述甚富

隨園詩話云吾鄉孝廉王介眉少嘗夢至一室秘帖古器雖然橫陳榻坐一叟短身白髮見客不起亦不言又有一人頤而黑揖介眉而言曰余漢之陳壽也作三國志黜劉帝魏實出無心不料後人以爲口實指樹上人曰賴彥威先生以漢晉春秋正之汝乃先生之後身聞方撰歷代編年紀事夙根在此須勉而成之言訖手授一卷書俾題六絕句而寤寤後僅記二句曰慚無漢晉春秋筆敢道前身是彥威後介眉年八十餘進呈所撰編年紀事 賜翰林侍講

甘禾字周書號愛廬江西奉新人雍正丙午舉人由順天府府尹陳守制薦舉著有愛廬詩鈔

愛廬曾大父樂天翁家富於財好施與父莊恪公汝來位至

鶴徵後錄卷六

五

大家宰雍正丙午大父萬達世父汝蓬暨愛廬同登賢書人咸以爲厚德之報至今傳爲盛事

甘莊恪公集云丙午秋九月二十九日粵西撫署得家君舍弟及承兒鄉試捷音三世同榜喜而賦之詩云當年壯氣負雄圖健舉如何駐副車家君甲子初應鄉試卽中副榜今四十二年矣欲爲科名增盛事故遲孫子共賢書碧桐秀發新枝早丹桂香分老榦餘莫羨前驅執父者錄揚糠粃獨慚子

詞科掌錄云甘周書大司馬汝來之子少有詩才臨川李侍郎素所激賞

江西詩徵云周書少聰敏有詩才爲當時名公巨卿所推重王祖庚字孫同號礪齋江南華亭人雍正丁未進士山西興縣

知縣由山西巡撫羅石麟薦舉捐選主事出知隰州歷安寧國知府

先生爲相國文恭公頤齡孫父諱圖焯康熙辛卯舉人先生少負異稟潛心勤學雍正丙午丁未聯捷成進士謁選得山西聞喜知縣自以不諳吏治求內用

世宗皇帝諭桐城相國曰想是他怕衝繁缺可傳旨山西巡撫調一好簡缺赴山西巡撫石公遂奏補興縣遇大旱申請開倉平糶不待報卽令民赴倉買穀三日大雨民以安集丙辰徵試鴻詞未與選捐部主事被薦在武英殿校對書籍充經史館纂修官辛酉秋

高宗皇帝以晉省吏治需才命大臣各舉所知虞山蔣文恪

鶴徵後錄卷六

六

公以名送部出知隰州除戶書鹽課諸弊踰年移平定治績爲三晉冠以卓異擢直隸順德知府旋調保陽恭逢

聖駕巡幸及秋獮木蘭諸大典屢荷召見奏對悉稱賑水災捕旱蝗皆盡心力爲之在任八年膺卓異者再循例捐陞監司未得缺改補寧國知府抵江甯兩月而卒

詞科掌錄云王孫同後以需次選人閣學張天瓶薦校書武英殿己未仲冬

皇上大閱南苑獻賦一首

詞科餘話云孫同家世詞科一門鼎盛早成進士出宰茂縣既被徵書旋以循蜚內召謂蓬瀛指顧可到一遭擯落吳江迨耕石錢唐厲太鴻嘉善曹古謙聯袂出都

袁簡齋錫壽堂公謙詩序云元年余與王生同太守偕升名

於鴻詞科今年入都領郡宣州亞相劉繩菴率諸徵士饒諸

錫壽堂爲生同大父文恭公故第三十年來同人寥落與

者七人庶子錢坤一爲寫七清圖各賦數詩憶枚召試時

才二十一歲在徵士錄中最居牘尾今又以不與會之故題

詩亦居紙尾豈有數存乎其間耶卷中闕五律一體爲續成

之又云余題生同公謙圖畢卽往蘇州生同捧檄來省竟未

交付及余還山而君已恒化於毘盧菴矣展卷懷人悽愴不

已重題二律付令嗣紹曾顯曾兩太史藏之

隨園詩話云松江王太守祖庚終身以不入詞館爲恨兩子

皆入翰林而先生不樂也與彭芝庭尙書同出尹文端公門

鶴徵後錄卷六

七

下有納涼聞笛云碧空如水淨無雲斗轉參橫夜欲分長笛

不知何處起好風偏送此間聞江梅片片傷春暮岸柳絲絲

縮夕曛曲罷無端倍惆悵階前涼露濕紛紛亦同余召試

友也

梧門詩話云王礪齋爲相國文恭公家孫幼穎異公愛其類

己且生同甲因名而字之文恭以鴻博起家礪齋亦由進士

列薦於朝一時傳爲佳話乾隆甲子礪齋以隰州守留史

局校書感懷云無端潘髮已星星誤我槩鉛檢汗青滿地落

紅人已往傷心猶坐草元亭悔讀南華恨八又半生虛願向

誰賒東塗西抹成何事潦倒風塵日已斜蓋深以不入翰林

爲憾也

王系字 山西榆次人雍正丁未進士大同府教授由山西
巡撫覺羅石麟薦舉

史鳳輝字南如江南宜興人雍正己酉舉人內閣中書由兵部
侍郎楊汝霖薦舉

南如嘗受業漳浦蔡文勤公之門博綜古籍敦行誼不備
沾沾於章句之學者

胡天游一名駮字稚威號雲持浙江山陰人雍正己酉副貢生
由禮部尚書任蘭枝薦舉著有石筍山房集

雲持性耿介學極淵博才思浩瀚滔滔莽莽下筆數千言立
就瑰宏奇麗觀者莫不驚服湖北萬御史年茂日為浙江一
人已已 詔舉經學大學士史公貽直協辦大學士阿公克

鶴徵後錄卷六

八

敦以學問淹博工部尚書劉公統勳以品行端潔博覽經籍
倉場侍郎彭公樹葵以為人樸直潛心經學大理寺卿王公
會汾以淹通經史博習藝文交章良馬其為當時名公卿所
推重如此

齊息園石筍山房集序云曩者詞科之役海內徵士二百餘
人畢集京師才學各有專長而言詩文工且敏磊落擅奇氣
下筆驚人矯挺縱橫不屑屑蹈常襲故雄深瑰偉足與古作
者角力必首推山陰胡子稚威操行清嚴不但以詞章顯初
入都與予共館任宗伯邸第晨夕商榷讀書未嘗挾一刺於
公卿公卿素慕其名思一見不可得其為詩文多在友朋聚
會時卽席揮毫甫脫草人卽持去無所惜久之遂傳誦編人

口余與杭董浦嘗力勸其訂存含笑唯能無成焉經學之
薦名姓至動 九重記憶以稚威之才迷時而不獲盡其才
此則稚威之命也今年夏得其子元琢去冬書方刻遺集三
為序憶予告病還里時稚威送至潞河舟次執手欲飲問何
時復得相見嗚呼孱弱猶在良友已矣悲夫

袁簡齋胡稚威哀詞云首相西林鄂公欲見稚威不可強聘
焉雅跽相對問兩戒形巒九乾躑度八十一家文墨口汨汨
如傾海相驚揚於朝曰必用胡某以榮館閣未幾試 殿上
諸人捧黃紙加墨而稚威鼻胤壅不止血汚其卷幾滿相公
嘆息延為三禮館纂修相公薨稚威益困賃長安半椽自居
四方求文者輦金幣踵門而稚威性歌呼宴客所獲立盡公

鶴徵後錄卷六

九

卿爭欲致門下稚威意氣岸然不屑一顧策文至二千言論
或數十字與常式格不合三改乙科十六年再薦經學有一
品官忌之為蜚語聞

上御正殿問今年經學中胡天游何如衆未對大學士史公貽
直奏胡天游宿學有名

上曰得毋奔競否史免冠搖首曰以臣所聞太剛太自愛
上默然自後薦舉無敢復言稚威者

朱梅崖胡稚威傳云天游少好奇任氣有異才於書無所不
窺應 召入都主任尚書蘭枝家四方文士雲集每稠人廣
座天游輒數千言落紙如飛文成輿博見者嗟服天游於文
工四六偶儷得唐燕許二公之遺詩亦雄健有氣古文自言

學韓愈澁險處時以唐劉蛻元元明善非其至也然自喜甚一統志成富進

御鄂張相國屬表於齊檢討召南檢討因推天游鄂相國驚歎其文欲招之檢討曰天游奇士豈可招耶卒不至其任氣不肯輕下如是居京師十餘年名日以盛忌日以深歲辛未舉經明行修爲忌者所中而罷蓋天游負才名三十餘年再薦特薦卒不遇而天游亦已老矣嘗與田侍郎懋有舊田家居山西因往依之卒於蒲州

越風云胡天游榜姓方浙江北直兩中副榜疎放不羈博極羣書下筆千言未嘗起草生平所著經史論解古文詞賦甚富久困場屋後應鴻博試以血汚卷易而復汚者再文章憎

鶴後錄卷六

十

命達非人力所能爲也

詞科掌錄云胡稚威溧陽任公所薦其座主也漢羅高翔才名爲詞科中第一所作若文種廟銘靈濟廟碑安順先生碑任御史趙總兵兩墓志遜國名臣贊序柯西石宕記皆天下奇作使李文饒權載之執筆不能過也以持服不與試丁巳補考鼻血大作納卷而出識與不識皆爲搃擊云

詞科餘話云溧陽任宗伯問士於門下士任編修應烈陳舍人兆崙首舉山陰胡稚威穉威方里居有九秋得厲伏淮周元牧長安齊東書札說座主溧陽公垂意鄙生許於制科監加噓引感興述懷一百二十韻

隨園詩話云胡穉威以曠代才受知於大宗伯任香谷先生

其待之之厚不亞於令狐相公之待玉溪生也館於其家八月五日宗伯指庭前葡萄曰彼實垂矣若能以儕淮險韻刻畫其狀當令某伶進酒爲歡稚威刻燭二寸成四十韻一時傳誦後乾隆辛丑冬日嚴冬友侍讀在沈學士雲椒席上偶談及稚威以險韻詠蒲桃事沈因指席間橄欖命其門人陳梅岑云汝能以十三覃韻賦此否陳卽席成二十韻又云丙辰諸徵士進京師余獨心折於胡稚威嘗言吾於稚威則師之矣於元木循初則友之矣其他某某則事我者矣稚威駢體文直掩徐庾散行恥言宋代一以唐人爲歸詩學韓孟過於澁拘今錄其近人者如明妃云天低海水西流處獨有琵琶堪解語斷然枯木本無情猶勝人心百千許詠諫果云苦

鶴後錄卷六

十一

心泉所揮餘甘幾人賞置蜜銀鋸端或者如砥掌贈某營將云大聲當鼓急片影落槍危劍血看生瘦天狼對捋髭皆奇句亦有風韻獨絕者曉行云夢闌鶯喚穆陵西驛吏催詩雨拂衣行客落花心事別無端俱趁曉風飛

鳧亭詩話云雲持筒有卷軸而筆又足以達之弱冠時爲文過於典贍猶有士衡才多之病及抵京師後蘊釀愈深全以灑氣流行蒼莽無滙涇嘗自謂所作當在儲畫山方望溪李穆堂三人之上第恃才嫂罵人多忌之余在閩青崖齋頭見其詩鈔一本計一百五十餘首五言偏似少陵五古純乎漢魏惟絕句非所長耳此皆越風所未載者余曾勸其付梓雲持笑曰未能餽八口何暇鑄五言蓋自傷其貧也

西成性 氏字有年號樗園鑲黃旗滿洲人雍正庚戌進士
由兵部侍郎鎮國將軍宗室德沛薦舉後官禮部主事歷太常
寺卿著有玉汝堂集

乾隆甲子長洲沈文愨公典試湖北樗園時任御史爲副考
官以同徵友而共主試事悉心衡校得人稱盛

徐廷槐字立三一字笠山號墨汀浙江會稽人雍正庚戌進士
後補教授由禮部尚書任蘭枝薦舉著有南華簡鈔墨汀詩草
墨汀少工舉子業名重一時年四十舉於鄉主司爲臨川李
穆堂侍郎何義門稱其得人削職後主戴山書院得其指授
者咸自名家

方樸山徐笠山文後序云吾友徐笠山先生才士也治古文

鶴徵後錄卷六

三

作爲詩歌高騁夔屬一滌滓竅而亦全其力於今時文往余
爲之序竊舉李賀骨重神寒語題目之今又別幾年矣深妙
奇博水神玉骨融爲一味而向之所爲寒與重者已欽其寶
而莫能名又壽序云笠山年四十舉於鄉踰十年又舉於禮
部文一出無不低頭拜東野者其後數年制科開人或以笠
山名上余私獨念是役也殆可以逞無經生之家法無有司
之尺度擺脫羈柱不主故常以今之世不肯循諸生帖括宜
無先笠山者而事乃大謬李將軍有言豈吾相不當侯耶且
固命也

詞科掌錄云會稽徐笠山以進士改教授不工爲俳體試口
用山陰王霖雨楓之詩爲考官所糾部議落職然其爲人自

佳士文章峭刻清厲詩亦摧落凡近與山陰周幾山徐彩至
交有詩九首哭之

越風云墨汀爲予庚戌同年友性情高曠言語妙天下不藉
科名爲重輕試鴻博以山雞舞鏡詩雷同被議其質墨汀非
不能詩也觀其軒轅臺篇雖太白何讓焉

鬼亭詩話云笠山今古文爲世推重吾郡能文之士多出其
門雖不以詩名然偶有所得輒饒清永余猶憶其邨居詩云
麥熟童催餅蠶眠婦守燈此等句尤真樸有味

劉曄澤字芳久湖南長沙人雍正庚戌進士四川宜賓知縣由
四川巡撫楊勳薦舉

先生與陳句山銀臺同榜進士亦以縣令用分發四川學習

鶴徵後錄卷六

三

補宜賓令文章政事異於俗吏所爲大學士查郎阿總督四
川纂修通志先生亦與編香之役

詞科餘話云劉芳久以四川宜賓令被徵旣罷祁陽鄧獻璋
方侯送其還任詩有云十二巫峯裏風流寄一官

張敘字冰瑣一字賓王又字鳳岡江南鎮洋人一作太倉人雍正壬
子舉人由湖南巡撫鍾保薦舉著有易貫詩貫孝經精義後錄
或問餘論

鳳岡深於經術易貫十四卷每卦以大象傳隸六畫下而以
小象傳依乾卦例合編於六爻之後意在參酌古今本取其
詞意相貫其於經旨頗多發明詩貫十四卷前有說詩本旨
詩音表各一卷立義多參序說其遵朱者不復致詳於近時

最取李安溪之詩所論韻則專宗顧寧人之詩本音云

詞科掌錄云張冰瑣以孝經五引詩書屬五孝節首蓋字此字乃釋詩語而斷庶人節之本無闕文又順皇侃加開宗明義等目非是皆發前古之蒙丁已有臨雍詩百韻未及獻

金鑑字 江南江陰人雍正壬子舉人由禮部侍郎徐元夢薦舉

馬榮祖字力本號石蓮江南江都人雍正壬子舉人由兵部尚書江蘇巡撫高其倬薦舉後官河南閩鄉知縣著有亭雲堂石蓮堂等藁

石蓮淹貫史學專治古文遒勁有法深合古作者之旨嘗爲文頌九十二章以自道其利鈍得失之故當時推爲斲輪手

鶴徵後錄卷六

十四

後宰閩鄉錢璋石宗伯送之以詩云昨者見除書得黔之仁懷山川萬里行何以慰朋儕

聖恩適改調雪霽春陽纔旋調鹿邑俱有善政尋乞歸性尤伉直與人交出示肝腑慨論古今事掀髯抵掌聲如洪鐘既耄無衰軀態就一官不竟其用一無所屑意

杭董浦馬石蓮傳云君少負異才左國班馬之書若宿讀弱冠名雋一黌所爲制舉文雄邁駿厲桐城方望溪金壇王耘渠尤所愜心而俗目往往見嗤以是屢細於有司壬子始得一當而年幾艾矣詞科之制江南大吏以君名厠薦剡中宜必有合淹於時命復報罷君叩囊底之智復理故業屢不得志乃循例謁選人初仕閩鄉城廢不修大府趨其言發帑更

新閩十月而巖城屹然君自爲文記之創設荆山書院政親至爲諸生講授至移日晷不忍去研鞠獄訟詰音藁後手不敢上下四境大治繼遷鹿邑如在閩鄉時而教士彌篤未幾引年歸年七十有六卒

詞科掌錄云馬力本爲文清道深亮見賞於博陵尹運使會一嘗擬劉彥和爲文頌百首又爲演連珠箴百首宜興儲六雅謂爲窮探變邃瀘州先遷甫以爲與衍橫驚

詞科餘話云馬力本詞科既罷丁巳已未連不得志於春官山陰胡天游賦長古二篇送之次韻者長洲沈德潛嘉定張鵬翀天台齊召南臨海侯元經皆擅勝場

鶴徵後錄卷六

十五

於盧轉運席上汪雖布衣詩才實出馬上馬意頗輕之汪又不肯自下於是二人終席不交一語後五日馬病卒沙斗初戲可舟曰汝與馬君前日席間已陰陽分界矣

馬樸臣字相如江南桐城人雍正壬子舉人內閣中書由工部侍郎張廷璩薦舉

相如爲人豪俊不羣詩亦超軼埃壘曾寓揚州天寧寺有詩云客到幾人曾跨鶴我來三月不聞鶯爲世傳誦歿後其弟湘靈屬會稽陶篁村索遺稿於沈平山處篁村因題卷末云山陽人去笛聲秋斷紙零縑小宋收七字淒涼三月客不聞鶯語住揚州

詞科掌錄云馬相如才氣豪邁所至傾其坐人與方南堂貞

觀爲石交爲詩懶自收拾所作隨手散去有弟曰蘇臣字淵靈亦美士

隨園詩話云桐城馬相如山陰沈可山少年狂放路逢親迎者不問主人直造其家索紙筆替新婦催妝云江南詞客太翩躚打鼓吹簫薄暮天應是天孫今夕嫁碧空飛下兩雲仙隨郎共枕心猶怯別母牽衣泪未乾玉筯休教褪紅粉金蓮燭下有人看娶婦家頗解事讀之大喜飲以玉爵各贈金花一枝

戴永植字于庭號農南浙江歸安人雍正壬子舉人由刑部侍郎王紘薦舉後官湖南龍陽知縣改餘姚縣教諭著有汀風閣集

鶴徵後錄卷六

農南襟懷曠爽學有本原詩精思搆微滌去塵滓而又春容和雅非鑿險絕幽可比新建裘文達公稱其以才人之筆抒正始之音極爲得之

陸陸堂汀風閣集序云農南負雋上才蓄道德而能文章尤長有韻之語詩無體不備其比屬典麗似西崑性真流露似眉山而以史事入詩則驢背登樓諸集貫穿全史奔赴於手腕之間上下千年縱橫萬里是殆草堂嗣音匪直雄踞越壇已也

錢題往來著書問集云湖上蘋開王暮雨林間客夢沈秋涼清詞麗句傾時輩何似孤城戴夕陽集中有一匝孤城半夕陽之句時人以此名之

張鏡奎題集後云鍊字獨操良史法運於醋甕苦吟餘詩家例得真名句一字號君爲戴漁集中答箸冷挂水清淺一足鸞鷺漁夕陽藝苑爭傳爲絕唱

夏之翰字知畏江西新建人雍正壬子舉人由光祿寺卿劉吳龍薦舉著有檀園初稟

先生詩胎息漢唐長於五七言古真情樸厚不肯落中晚以後家數邗溝行等作尤有關係

詞科掌錄云夏知畏古詩淳古有真意雜著原本經術不事塗澤客惠郡王所旋以憂歸

詞科餘話云夏知畏試不得志作砥志賦又有四十初度病中答妻弟裘曰修叔度韻詩

鶴徵後錄卷六

七

廷雲龍字廣若號耕石江南吳江人雍正壬子順天副貢生由兵部侍郎署湖北巡撫吳應棻薦舉著有汗漫吟

耕石高才娟雅微岸不羣詩文洋洋灑灑千言立就踔厲之氣凌壓儕輩後自滇復之京金檜門總憲有耕石宿寓齋與陳向山齊息園握手感嘆一律云猶逐孤雲到帝城相逢令我氣崢嶸正平方寸藏山岳師魯邊疆策甲兵乍喜盍簪聯舊侶幾多泛梗失同盟潞河且勿匆匆去十載襟懷待細傾

沈菽林送廷五經耕石序云廷君耕石博學能文孝於親篤於朋友少卽受知於其鄉之耆長長而好遊其來京師公卿大夫士識與不識無不知廷君者然才高而數奇嘗鬱鬱不

得志好從余飲少輒醉歎曰家貧親老我髮亦且種種矣
子之視我爲何如哉余聞之惻然蓋君視余厚兩人者相
與莫逆余雖才不逮君什一而境遇坎壈有不遜倍蓰焉
者安能不交感於中乎今年春黔陽中丞元公聞君名讓
書具幣不遠萬里遣使延致幕府君感其意將成行矣過
余爲別余謂古之人有切知已之分而不憚行之遠者顧君
有老母在今

天子重文學 詔舉宏博之士君才宜應 詔入承明備掌故
以答 國家養士恩而以祿奉其親君親之於朋友緩急先
後宜何從君曰我母年八十我歸壽吾母且以黔行告必不
得請將却中丞之聘焉余以君之歸出於至性也義不可

鶴徵後錄卷六

以留因集朋徒酌之酒而賦詩以贈其行

詞科掌錄云廷耕石才氣高岸遊道最廣諸生謝給月俸表
其手筆也爲京都賦數千言句甫全紹衣錄入詞科撫言試
後游滇中入慶國公幕不復應制舉矣

費開岐松陵詩話云耕石幼穎敏有神童之目遊何侍講義
門門深器重之二時名噪試京兆中副車第一人咸惋惜耕
石意泊如也制府慶公向爲莫逆交隨至滇南留幕中三載
與公唱和成集淚水芙蓉其風流至今可想見也

楊書巢秉初云耕石有冰村取適陶沈文慈題詩云天隨風
趣想依稀短棹衝寒雪尙飛但使寸心無一與取魚取適總
忘機蒹葭叢畔發清音可是吳吟是越吟生計由來最安穩

釣船不到大江心水鄉到處是尊蘊合向煙波作釣徒
樵青蕩輕槳順流直溯女兒湖萬里崎嶇行路難滇黔茶蜀
興俱闕歸來倍覺風光好珍重生涯釣雪灘

張鳳孫字少儀江南華亭人雍正壬子副貢生由兵部尚書江
蘇巡撫高其倬薦舉後官貴州貴定知縣歷陞陝西道告
歸

少儀醇謹樸厚性極真摯詩辭秀麗凌軼一時乾隆甲子復
中副車已巳 詔舉經學大學士張公允隨以學問淹遠留
心經術貴州巡撫愛公必達以潛心經術尤善於詩文薦之
沈秋林隱拙齋文鈔云少儀父出宰印江以舊事牽連禍且
不測少儀詣 闕急父難時奔走四方衣履俱敝形容結結

鶴徵後錄卷六

九

若不終日卒出父於刑部籍 輦下自宰執以至士友胥重
其至行稱張孝子其文傑出一時所至傾倒名聞天下後舉
宏詞不第兩副賢書因就職黔中官貴定知縣本躬行以爲
治有古循吏風

詞科掌錄云張少儀父之瑛任貴州印江令以負帋下獄少
儀走萬里之京師徧貸於所親知卒得論出駢體清麗詩草
秀傑履履所至諸公皆折節下之

隨園詩話云蘇州張少儀觀察爲諸生時封公謫戍軍臺徒
步入都爲父贖罪一時有三子之稱蓋云公子才子孝子也
沿門托鉢尙缺五百餘金偶與李玉洲先生席上言及此事
伶人劉三慨然曰此何難公子有孝心我能相助遂徧告同

人設席江南會館請諸豪貴來已乃繼踵而出一座傾靡
金錢者如雨果得五百餘金盡以與張而封公之難遂解文
云少儀母願恭人若憲卽畢秋帆太夫人母也有挹翠閣集
與武林林以寧顧熒齊名隨宦牂牁卒於官所

劉大魁字畊南號才父又號海峯江南桐城人雍正壬子副貢
生由內閣學士方苞薦舉後官教諭著有海峯小稱等集

近世言古文辭者推方侍郎望溪先生海峯學於望溪却不
似望溪而能自成一家已已大學士張公廷玉以經學保薦
諸城寶東泉先生少所許可獨與海峯論文極爲折服惜終
於學博然其文足以傳矣

海峯集與高督齋書云明公欲以樾充博學宏詞之選將薦

鶴徵後錄卷六

三

之

天子而未知樾之任受否也夫樾素非山林逸遺之士不求聞
達以爲高者客遊京師八九年矣皇皇焉求升斗之祿而不
可得智窮力屈乃一爲省親而歸歸未數月又將負篋攜囊
駕言遠涉持貨賄日遊於市豈其辭沽直者雖然博學美數
也宏詞高名也入而在位以朝夕備

天子之顧問重任也空空而爲博學而爲宏詞滋愧焉無所
挾持不量粗鄙而肩荷天下之重任樾滋懼焉既歸之一月
卽欲求船東下聞太守尹公已遷爲運使將及涼秋稽首聞
公之庭階又不幸有采薪之憂於今三月餘矣雖獲小愈而
氣血肢體未能和暢是明公之愛育人才出於中心之誠懇

而樾終不克享德於明公也

吳荆山海峯文集序云去年春予遇劉子畊南於旅舍與之
語温然以和叩其胸中之藏浩然不可以度量計予固異劉
子非尋常人既而出其所爲詩賦古文詞以示余讀之洋洋
乎才力之縱恣無所不極而斟酌經史未嘗一出於矩矱之
外因與之訂交攜其文至京師以示搢紳大夫莫不以劉子
之文爲非世俗所及踰年劉子來京師復時出其近著則每
進益上蓋劉子之才固足以追步古人而力爲之不止方將
與古之莊騷左馬杜李諸人馳騁上下而非徒爲一世之聞
人已也

詞科掌錄云劉畊南雍正己酉壬子兩中副榜善古文有小

鶴徵後錄卷六

三

稱集吳縣吳文恪公有劉生詩傲昌黎卽其韻贈畊南

隨園詩話云桐城劉畊南以古文名家程魚門讀其全集告
予曰畊南詩勝於文也聽琴云香臺初上日檐鐸受風微好
友不期至僧廬同叩扉彈琴向佛坐餘響入雲飛余亦忘言
說烏棲猶未歸獨宿云江村黃葉飛猶掩蕭齋臥時有捕魚
人榜聲窗外過真清絕也哭弟云死別漸欺初日諾長貧難
作託孤人

王士讓字尚卿福建安溪人雍正壬子副貢生由福建巡撫廬
倬薦舉後官湖北蘄州知州

詞科掌錄云王尚卿出陳進士句山之門研精三禮力學不
倦試後留京師當軸薦入三禮館

海寧馬 泗校

嘉興李富孫既訪甫輯

與試未用二十三人

閻介年字葆和直隸蔚州人雍正癸丑進士由兵部尚書直隸總督李衛薦舉

張廷槐字 江南江陰人雍正癸丑進士由兵部尚書江蘇

巡撫高其倬薦舉

桑調元字伊佐一字崧甫浙江錢唐人雍正癸丑進士工部主事由都察院左副都御史陳世倌薦舉著有論語說躬行實踐

錄崧甫初續等集

先生為孝子天驪子少即博覽強識以文章馳驟一時後乃

講學受業於勞餘山尤留心宋儒之書雍正癸丑 召試通

知性理

欽賜進士授工部屯田司額外主事乞養歸里有別業在東皇

闕餘山書屋以友教四方之士論文講道從者雲集比於河

汾之盛如錢蔣石宗伯盧抱經學士俱出其門學士為先 生 名 女 夫

譽重海內當事咸相幣聘歷主大梁道山濂溪歷下諸講席

敦學尚行所著學規皆近裏著已在於真實以期為明體達

用之儒時執業者無不欽為桑門弟子

崧甫集自序云予年十四五及餘山先生之門先生教之行

所言悅而學之未能也尋為朋儕牽率倣作詩古文辭年少

氣盛伸紙輒千言不數年卷帙填溢既而省觀之知弗善悉

棄去思擊經討古以求其所自得謀養走四方昔聖賢載道之書如騎而觀佳景卽小憩流連恒不厭乎其心五車四庫夢想未能卒讀以是爲恨然自是筆墨亦知慎矣迨遊京師爲人作副應文字例不存片楮中年厭薄蟲篆之爲戲薄有所自見竊講求當世之務漫浪一出抱愚守拙竟不可施遂請急歸有終焉之志少愛山水登眺適興時時發爲歌詩此景歷蒼素髮不變涉世懷古亦嘗振筆抒所鬱塞本不知古作者意亦不遑撫古作者海內著述家林立予耽閉戶稀與之往還總角之交老蒼之友磊砢寂寞之士膠漆無多屈指年來凋喪畧半存者率星散故有韻無韻之文贈答最簡諸草稟委敝篋中門人輩私相鈔錄將付剞劂予恐其雜沓撫

鶴徵後錄卷七

二

收定詩十四卷文六卷嗚呼予豈以是爲足行世傳後哉顧自念童年稟先君之訓奉人師爲師疲篤未克自立年向五十碌碌無成愴焉痛心若攢芒刺區區無用之言非欲寶千金敝帚亦非留雪泥鴻爪聊志吾愧而已

詞科掌錄云桑葢甫任工部額外主事少有雋才賦鎮海樓詩多至四百韻

隨園詩話云余祖居杭州大樹巷鄰有隱者桑文侯鸞綜爲業性至孝父病榻文侯合羊脂和粥以進父死乃抱鑕而哭人爲繪抱鑕圖徵詩萬君光泰詩最佳其詞曰羊脂數合米一狗病父在牀惟噉粥父能噉粥子亦甘粒米勝于五鼎肉升屋臯某無歸魂束薪斷火鑕寡恩牀前呼父鑕畔哭抱鑕

三日鑕猶溫嗚呼恨身不作鑕中米臨以爲能道一七謂鑕不聞鑕有耳文侯之子葢甫先生性孤癖能步行百里素主事官裏糧遊五岳留別袁石峯云莫定畸人物外踪夢魂飛入碧霞重浮雲形似世情幻秋樹色添遊興濃白練橫過天際馬烏藤直上嶺頭龍憑將一斗隴糜汁灑徧天門日觀峯過華山云華山門下兩盈盈玉女秋期會玉京十萬雲鬟梳洗罷漫空盆水一齊傾嵩洛雜詩云鐵梁大小石縱橫似步空廊屨有聲世外多情一明月直陪孤影到三更非深於遊山者不能言

李引樹云先生性好遊徧歷五岳自署獨往生又號五嶽詩人所至吟詠成帙有洞庭嵩山華山泰山衡山恒山閩嶠等

鶴徵後錄卷七

三

集皆能據所自得先生文孫庭樵與余同舉於鄉有文行沈澗字維涓號泊村又號法華山人浙江烏程人雍正癸丑進士由兵部侍郎署湖北巡撫吳應棻薦舉後官江西瑞州知府著有雙清草堂詩

泊村出守瑞州以廉潔自守興利剔弊民懷其惠與郡人恒論學賦詩爲風雅領喪生平所作多典則深醇如田家雜謠等篇尤得古樂府遺意

隨園詩話云湖州進士沈澗詩近皮陸人多輕之然典雅處不可磨滅寄懷杭葦浦云休向江潭悵獨醒青山偃蹇稱開庭枕函自秘娜嬈記農社還修耒耜經小艇瓜皮乘月泛清歌菱角隔簾聽朝衫拋却饒幽興好伴維摩著素屏步履經

過屢結跌同牀各夢一悲吁蓬窗聽雨都元敬酒郡移官張
藐姑琴作家貨空送別鶴分俸料耐償通耦耕他日期相訪
穩臥瓜牛號野夫

初年西江名作網羅殆盡去取頗有別裁

楊廷英字

江西新建人雍正癸丑進士由光祿寺卿劉吳

龍薦舉

李光型字儀卿福建安溪人雍正癸丑進士署河南彰德府管
河同知由戶部侍郎趙殿最薦舉著有易通正洪範解詩六義
說文王世子解天問解

鶴徵後錄卷七

四

儀卿深通經術得其本原著述淵邃能繼文貞公一家之學
試罷嘗以薦充經史館校對條辨異同頗為精核

詞科掌錄云李儀卿雍正癸丑以性理 召對

欽賜進士試用知縣署彰德同知潛心經學與兄檢討光燠廣
卿齊名人有二李之目儀封張司寇撫閩時為序其經說在

河南時著農書輯要以教民

牛運震字階平號真谷山東滋陽人雍正癸丑進士由山東巡
撫岳濬薦舉後官陝西秦安知縣歷知平番縣著有空山易解
空山堂春秋傳允吾草歸田吟空山堂集

先生為秦安令嘗以實心愛民自矢遇事剖斷明決平時所
講求者無不見諸施行刑清政簡一時稱為良吏其學博涉

羣書於金石考據為最深有金石圖二卷本邵陽鑄工嵒
所摹先生各系以說其假借通用之字亦畧訓釋後復自增
益凡六十圖並極精審經義亦頗罕究易解務在通漢晉唐
宋為一大旨主理不主數故於卦氣值日等說皆排抑之

先生與五弟書云吾在秦載餘政簡無事審斷平允聲名漸
著甚為上憲所知百姓亦大懷服吾本非長才不過殫精竭
慮極吾耳目所能而出之以至誠將之以小心事自易辦保
甲嚴行禁令漸張鬪爭獄訟日即於少五月中縣北玉鐘峽
山崩塞河河水浸居民漸就漂泊吾聞報單騎往視親荷
畚鍤募率丁夫併夜開濬凡兩日夜河開水下大小七百口
獲安堵水退緣山步行載米與錢俵諸災戶百姓資以活濟

鶴徵後錄卷七

五

吾為此事廢寢食心力幾瘁近日清查戶口確覈地糧異日
另有成效至于責士過嚴懲盜已甚初來時誠亦有之五弟
以為言大是但邊鄙之地風俗疵悍不如此則法不立令不
行民不可得而治且吾當官治民要通盤打算與其輕刑十
人而不足不如重處一人而九人畏是我懲一而怨九也吾
惟於此行之不疑然邇日吾法禁已行漸亦歸於平允當俯
從吾弟之言也又與人書云僕為縣官有三字曰儉簡檢而
已儉者薄於自奉量入為出所謂以約失之者鮮此不虧空
不婪賊之本也僕願為秦安中產分衣食甘苦簡者令繁則
民難遵體亢則下難近一切反之毋苛碎毋拘執毋聽陋例
毋信俗諺儀從可減減之案牘可省省之當無日不與百姓

相見差與之齊而訊其苦樂惟求一切便民雖驅世笑我以
黃老吾不知也檢者天有理人有情吏部有處分上司有老
課豪強在國將吾伺奸吏在衙將吾欺入一錢乙諸簡得毋
納賄施一枝榜讀冊得毋濫刑耶今日去官吾倉庫不畏後
任明日還鄉吾心跡可白友朋此又所謂檢也三者僕實有
所不能盡亦未必真是要道但以循其性之所近而勉其所
可能已矣

詞科掌錄云牛階平陸洮岳公所薦山左碩學無在其右者
既不被錄海大司農為悼惜者久之

盧雅甫山左詩鈔云真谷生有夙慧穎悟絕人張舍人完質
嘗為余言真谷之博浩無涯際而深自謙抑獎進後學常如

鶴後錄卷七

六

不及試宏詞不第深為惋惜舍人篤行君子不妄交者余因
心儀真谷後十餘年余再轉運兩淮始與真谷相見於揚州
官舍叩其所學乃益歎舍人之不吾欺也真谷才高學富其
上下千古辨若懸河而折衷至細獨稱詩與余不同然持論
具有根柢年五十有三無疾而歿惜哉其家傳云真谷未死
之前月屢夢遊金碧樓臺一夕復夢如前既醒語家人曰將
復尋吾好夢慎勿驚我及午遂逝慧業文人有玉樓之召其
信然耶

王世樞字斗初號詡齋江南寶山人雍正乙卯舉人由刑部侍
郎勵宗萬薦舉後官崑山縣教諭

先生本嘉定學生居邑之南翔里析縣改隸寶山雍正戊申

拔貢乙卯舉京兆試見聞該洽為名孝廉 召試放還以明
通榜選崑山教諭講畫指授其所造就者甚衆

馮元溥字 江南金壇人雍正乙卯舉人由內閣學士春山
薦舉

金焜字以寧號赤泉浙江錢唐人雍正乙卯舉人由工部侍郎
王鈞薦舉後官國子監典簿著有蠡測錄妙明書屋詩濃蘭詞
金繪甫先生少時嘗館於龔蘅圃侍御田居所盡讀其藏書
學問益該博詩古文與杭厲相埒令子赤泉及質甫幼承庭
訓早著才名大科之徵並列薦剡時人多豔稱之

詞科掌錄云金赤泉內閣侍讀志章令嗣也詩律精細世其
家學

鶴後錄卷七

七

尊聞錄云江聲兩丈夫子俱稟家學能詩文其長以寧學於
余曾見其游清平山句云僧分古寺東西隱人踏山雲一再
來自注云寺有東隱西隱兩房又楊柳青時夜雨多皆佳句
也

張懋建字介石號石癡浙江鎮海人雍正乙卯舉人由浙江總
督程元章薦舉後官福建長泰知縣著有易學五經韻纂讀書
樂續越書肯綮錄學校祀典考蛟川耆舊詩庭學草介石初集
石癡續學敬行博通經史以已酉選貢補國子監教習乙卯
登賢書後知長泰頗有政績民戴其德邑向有六賢祠遂配
入為七賢

齊息園送張介石序云張子將之闔之長泰都下士友皆太

息谷嗟謂以張子之學與才常用文詞取科甲登館閣不當
屈宰小邑余謂不然張子之學與才將以爲文詞之用乎抑
將以行其志也將以行其志則親民之職莫如令政理之繁
且雜其難爲也亦莫如令志在愛民朝行焉夕卽及于民矣
夕行焉朝卽及于民矣利與爲興害與爲去以張子之學與
才而宰小邑其能用儒術爲吏治宜恢恢乎游刃有餘而仕
由令起則天下無不可居之職張子亦勉爲其難無負其志
而已

姚世鍊字念慈後名汝金字改之號貞菴浙江歸安人雍正乙
卯副貢生由兵部侍郎吳應棻薦舉後選湖南長沙縣丞以艱
歸著有孤笑集五臺山遊草

鶴徵後錄卷七

八

先生與從兄憲田同居友善著才名試罷在三禮館最久
書上上三中副車後銓長沙二尹將行復丁內艱歸嚴海珊
有詩云才華見許慮思道規矩難繩禱正平可想見其人
詞科掌錄云姚念慈同鄉吳公所薦病不得試丁已補考已
崇進呈以卷中塗抹過多報罷詩才清雋律絕尤見擅場後
以西林中堂薦與修三禮
陳句山紫竹山房集云庚辰重九前二日姚二念慈自金臺
書院辭赴山石郡中丞之招諸生送別有垂涕者不可無詞
以贈詩曰罷尉河西遂去官客中爲客感無端青山直指屨
來路白髮行飄風裏冠生計幾時歸書水故鄉今日是長安
東門帶草叢叢在待繫先生去轍難姚廿年前選授某縣丞

以病去任僕爲京尹時延爲山長

隨園詩話云余錄近人中有才未遇者詩號幽光集以待付
梓采取未畢姑先摘數首及佳句存詩話中歸安姚汝金性
落拓冠履欹斜有南朝張融風味謝吳眉菴少司馬薦啟云
十年老女猶畫蛾眉百戰將軍空爭猿臂一時傳其工整題
李將軍夜逢醉尉圖云隴西將軍雄且武猿臂開來聊射虎
良宵與客飲田間飲罷歸遭亭尉侮將軍醉矣尉未醒宿之
亭下良復苦羸馬單車野次借昏燈淡月殘更吐是時將軍
正失官意豈須與忘滅虜暫屈龍沙熊豹姿試聽鶯啞蝦蟆
鼓畫師摹寫如目靦面帶微酣色微怒古者門官各有司彼
候人兮實主之夜行必禁犯必罰由來啟閉惟其時今將軍

鶴徵後錄卷七

九

尚不得爾斯言良是非醉詞倘師文帝獎細柳此尉應得蒙
恩知或如丙相怨酒失異日可藉聞邊機請俱一旦快私忿
將軍之量宜偏裨看劍云齊金楚鐵擅名高碧血模糊舊戰
袍不躍不鳴兼不化問渠何處異鉛刀念慈受知於鄂文端
公公卒念慈哭云未報公恩徒一慟自憐此淚亦千秋在山
左時有訛傳其死者後入都諸桐嶼太史贈詩云學道終朝
銀闕去入都快比玉門還念慈答云欠來一事能逃否聞到
同心自愕然

梧門詩話云念慈詠酒徒云氣從田竇筵前短興到荆高市
上豪備保亦應憐姓氏生涯原不稱旌旄逐客云故人書札
雙魚懶商婦琵琶一雁哀倦僕云主恩酬過千頭橘世態看

如一片雲病僧云千劫難灰心寸寸一塵猶隔路重重

云桃非手種何堪竊玉不田荒却費耕吐屑微婉兼有寄託

李金瀾云姚貞菴為鄂文端公所器重薦修三禮書成將特

薦館職文端公卒姚僅敘縣丞感賦云雕刻千言雙鬢苦挽

回一命萬牛難又云折柳魂銷燕市酒開箱泪墮晉公謙後

借公子弱之晉撫幕獲買山資得歸老著有中州紀畧

秦懋紳字 江南武進人雍正 舉人由工部侍郎王鈞

薦舉

潘遇華字 江南寶應人雍正 舉人由兵部侍郎署江

蘇巡撫顧琮薦舉

西林鄂文端公藩宣江左構春風亭以課士愛才若渴一時

鶴徵後錄卷七

十一

英俊罔羅殆盡甄綜詩文為南邦黎獻集先生有擬賜安南

國王詔詞意樸茂公稱其真善於摹古者

吳龍見字恂士江南武進人增生由兵部尚書江蘇巡撫高其

倬薦舉乾隆丙辰進士授戶部主事累官 布政使著有薛

帷文鈔

詞科掌錄云吳恂士奉天高公所薦入北關聯捷成進士派

戶部貴州司額外主事註事降調

凌之調字廣心號惕園江西新建人雍正丙午舉人由通政司

使趙之垣薦舉乾隆丙辰進士授工部額外主事著有易論丹

麓山居前後藁

揚園試鴻博後尋以乞養歸鍵戶著書詩才浩瀚直欲規摹

盛唐不屑為繳靡之語

李宗潮字坤四號蕉窗浙江嘉興人雍正甲辰貢生由浙江

總督程元章薦舉乾隆丙辰順天舉人選授廣西灌陽知縣著

有二守齋詩鈔

蕉窗族祖為澁院嶧山公次子幼聰穎受業當湖陸坡星先

生深加器異遂肆力於詩古文辭年甫冠以選拔貢入成均

文譽藉甚又為張文敏公照姪女夫時往來雲間預四焉齋

文會每詩文脫橐黃唐堂焦南浦曹濟寰諸公必為之擊節

入都名公卿爭相延譽益廣交四方碩彥為詩壇文社所撰

述流播遠近尤精音律丙辰舉京兆試鴻詞報罷尋以薦入

律呂館長白鄂文端高安朱文端並有國士之目川陝總督

鶴徵後錄卷七

十二

慶公走書幣延入幕因遊秦隴訪漢唐遺蹟憑弔今古一發

於詩所著秦蜀遊草識者謂可繼少陵秦州放翁蜀中詩云

自是往來秦晉歷河東甘肅幕府晚年始就選人得桂林之

灌陽值辦軍需馬匹無絲毫科派及民政尙寬平咸懷其德

焉

許晦堂梅里詩話云蕉窗為澁院陳常仲子文采風流翩翩

公子博聞強識聲在藝林詩體純雅不屑騁才使氣

陸明夫耀云坤四外託沈冥天懷內朗足跡所至少不合意

輒掉臂竟去余客晉陽同舍累月每見舉杯引滿語雜詼嘲

坐客以為笑樂嘗和阮籍詠懷百餘首

萬光泰字循初號柘坡浙江秀水人生員由浙江總督程元章

薦舉乾隆丙辰順天舉人著有轉注緝言漢音存正遂初堂類音辨柘坡居士集

先生應鴻詞之徵年甫冠上蔡程公嗟賞不置讀書能穿穴經傳詣極精微于小學音韻天文律算尤貫串獨有所得其著述皆卓然可傳非近世學者所能及

胡稚威萬循初樂于集序云予友循初自浙右來京師以詩聞國中甚久之所作愈多亦更自少凡數簡其篇之錄聚于篋者以爲稱乎人者之未有臻焉今夫冶者烹金而和之色必竭其黝然者三竭而泉然秋鏡然洞然後善之循初之詩氣餘力完始絕巧麗而務窮所變試於 朝雖不中已得京兆舉將歸秀州更一年當復集禮部吾卜子之來其聞之甚

鶴徵後錄卷之

三

之愈於今也夫且益遠矣

鮎埼亭集云循初應薦入京時人盛稱其詩予不過以詞章之士目之又十年遇齊次風於淮上爲予言循初學精進近人未見其比予始心重之然終未知其底裏也今年循初卒取其遺書讀之其穿穴六藝排比百家如肉貫鼎而尤卓然獨絕者則周髀之學也上自注疏旁及諸史以至明之三歷呵麗喝利布算了了何其神也循初之述作種種皆有可稱然卽以是傳亦已足矣

袁簡齋萬柘坡詩集跋云亡友萬柘坡詩程魚門昵之陳古漁非之二人皆深於詩者也詔而質于余余按集中五七古沈摯之思如窮淵泉而絕出之真古豪矣近體殊少真氣說

者謂爲宋人所累然宋名家絕無此種考厥濫觴始于吾鄉幹材詛說之徒專屏采色聲音鈞考隱僻以震耀流俗爲浙派一時賢者亦附下風不知明七子貌襲盛唐而若輩乃皮傳殘宋棄魚菽而噉菘苓尤無謂也柘坡與余總角之交九原有知必喜聞過爲挾其瑕而大美乃以益彰矣

詞科掌錄云萬循初少年有高才詩骨秀朗小詞溫麗如周秦體若不勝衣而文章氣奪萬夫罷後客津門查氏倡酬之樂逾于都下

隨園詩話云同徵友萬柘坡精於五七古程魚門讀之五體投地近體學宋人有癡澁之病陳古漁專工近體宗七子聞漁門贊萬詩大相抵牾余爲作跋釋兩家之憾且摘柘坡近

鶴徵後錄卷之

三

體之佳者以曉古漁其題開元寺云古樹烏巢密疏寮客到稀鈴空隨瓦墜碑斷入墻填方鏡云自笑相逢同柄鑿封侯誰有面如田金鰲玉竦橋云曉來濃翠東西映也算蛾眉對仗班陳乃折服

王會汾字蓀服號晉川江南無錫人雍正乙卯舉人由兵部尚書江蘇巡撫高其倬薦舉乾隆丁巳進士改庶吉士累官吏部侍郎左遷大理寺卿著有梁溪詩鈔

先生少時家甚貧刻厲讀書肄業紫陽書院嘗徒步往來每課輒冠其曹同舍如其才恒陵侮之後入詞館癸亥

高宗皇帝親試翰詹擢取第一陞侍讀學士游歷卿貳操持嚴峻不苟扶同歿後著述散佚有塞垣等藁近存劉庶常嗣綰

家

詞科掌錄云王孫以進士改庶常已未散館授編修恂恂如不及鍵戶讀書無間寒暑詩章秀發亦館閣之英

顧響泉梁溪詩選云先生沈敏峻潔少刻苦下帷雍正乙卯舉鴻博丁巳成進士癸亥

御試翰詹

上親閱卷拔第一擢侍讀學士一歲三遷不數年洊陟卿貳立朝審審無所附麗方簡佐中樞遇京察自陳舉侍講學

士齊召南自代朝野以為有推賢讓能之風至以法司清要入直尚書房委蛇退食學者宗之出其門者咸以文行相

高斯其流風餘韻遠矣

鶴徵後錄卷七

十四

周玉章字淑大號蔚蘭浙江仁和人人生員由浙江總督程元章薦舉乾隆丁巳進士改庶吉士散館授編修陞侍講學士

葯關雅才淵思工文章于史學尤為專長詩詞摧落凡近獨

見超羣為諸生時與錢瑛沙朱東江並負盛名後入翰林校

秘書館閣諸英無能出其右者假歸主婺州麗正講院從遊

者麇至人文丕振

詞科掌錄云周淑大上蔡程公所薦旋舉京兆鄉試後成進

士入詞館精史學能文章篤於氣誼詞賦迥異俗蹊

鍾獅字作韶廣東番禺人雍正壬子舉人由廣東巡撫楊永斌

薦舉乾隆丁巳進士

倪承茂字稼咸號頓塘江南吳縣人監生由兵部尚書江蘇巡

撫高其倬薦舉乾隆戊午舉人著有頓塘詩橐

頓塘安貧履素覃思六籍抱遺經聚學者教授里中有劉季

珪王仲淹之風

詞科掌錄云倪稼咸精學家巷著錄甚盛與長洲沈確士齊名第不工詩耳

別裁集詩話云頓塘得名最早成名甚遲藝苑方重望之而

候焉辭世子哭之以詩末云比似方干差足慰生前鄉舉已題名慰之實悲之也素長于詞而詩亦工穩妥斯不落宋人

以後

鶴徵後錄卷七

十五

鶴徵後錄卷第七



同里徐林



鶴徵後錄卷第八

與試未用十六人

嘉興



沈德潛字確士號歸愚江南長洲人廩生由兵部尚書江蘇巡撫高其倬薦舉乾隆己未進士改庶吉士累官禮部侍郎予告歸加尚書銜贈太子太師諡文愨著有竹嘯軒詩鈔歸愚集文愨公為諸生時久困場屋省試十七上不第薦舉鴻博年已六十有四 廷試報罷屢車南還同徵諸公皆賦詩送之或恐不及再見旋以戊午舉于鄉己未登進士入翰林數年間驟遷禮部侍郎年七十八致仕歸

鶴徵後錄卷八

一

一官必 賜一詩優游林下者復二十餘年詩人遭際之盛

與得天之厚古所未有也

傅玉笥矢音集序云先生為諸生日姓名已聞 九重迨入

翰林應制 命和

御製消暑詩深愜

宸衷召對時惜先生博通晚達嘉先生風格老成遂同魚水契

合五年之內晉秩列卿 敕和殆無虛日中間用先生頡而

先生仍和

御製者十居三四此歐陽氏所云聖賢相遭萬世一遇者也辛

未冬先生祝

皇太后萬壽赴京 陛辭時

皇上製詩序以 賜先生因取全葉釐定重裝而以 敕和詩

別為一集起銷夏十詠後及 巡行嵩洛 省方吳會之作

題曰矢音晉穆修稱韓愈元和聖德詩平淮西碑柳宗元雅

章鏡歌制作如經聳唐德於盛漢之表而先生隨所據寫皆

寓古大臣忠愛之忱和詠柳絮而念萬姓之無衣和駿骨圖

而慮權奇之隱伏和觀打魚則思物命之宜留和各省告豐

則恐文具之無實和肇藍

御筆而陳山左鴻哀和豆班集而壽金陵蟻穴如此之流未易

枚數先生因事納規

皇上虛衷善受 賜詩有云笑予結習多難遣嘉汝臨文不忘

箴君臣之間兩無猜嫌此又韓柳當日未聞膺茲隆盛也前

鶴徵後錄卷八

二

予西湖志纂就附先生名進呈蒙

皇上賜詩代序兼文綺之錫今又挂名簡末何其幸歟

袁簡齋小倉山房文集云壬戌春公與枚同試 殿上日未

映雨黃門捲簾

上出賜諸臣坐問誰是沈德潛公跪奏臣是也文成乎曰未也

上笑曰汝江南老名士而亦遲遲耶翌日授編修屢和

上詩稱

旨遷左中允少詹事典試湖北歸 召入 上書房再遷禮部

侍郎校戊辰天下貢士公自知年衰薦齊召南自代而已諱

老

上許之 命枚

御製詩畢乃行

上賦詩以賜曰朕與德潛可謂以詩始以詩終矣歸後三至京師入九老會圖形 內府

皇上四巡江南每一晝接必加一官嗟乎公以白髮一諸生受聖人知三十年 賜詩至四十餘首其他酬和往來者不可勝紀嘗進詩集求序

上欣然許之於小除夕 坤寧宮手書以 賜比以李杜高王海外日本琉球諸國走驛券索沈尚書詩集既老所選詩或不能手定庚辰進 本朝詩選體例舛午

上不悅 命廷臣改正付棊而待公如初此雖 皇上優老臣赦小過而亦見公之樸忠有以格天之深也

鶴徵後錄卷八

三

詞科掌錄云沈礪士少工詩名滿大江以南有竹嘯軒詩鈔金壇王汝驥序以為其為詩也一以淳古淡泊發於自然為至集中好句不可勝數但隨舉數則何一不天然神妙為大歷以前諸詩人化境耶新城王尚書寓書尤滄澗宮贊問確士有云橫山門下尚有詩人不勝今昔之感云云辛亥春今少司農鳳臺王公為兩浙運使時聘修西湖志與余同在志局後以戊午己未聯捷成進士改庶常 隨園詩話云西林鄂公為江蘇布政使刻南邦黎獻集沈歸愚尚書時為秀才得與其選後此本進呈

御覽沈之受知從此始也又云沈歸愚尚書晚年受

上知遇之隆從古詩人所未有作秀才時七夕悼亡云但有生

離無死別果然天上勝人間落第詠昭君云無金贈延壽妻自誤平生深婉有味皆集中最出色詩六十七歲與余同入翰林紀 恩詩云許隨香案稱仙吏望見紅雲識

聖人

蒲褐山房詩話云先生潦倒名場晚登科第膺西林桐城之薦即蒙

主眷不數年游貳春卿卿雲復旦之歌卷阿矢音之什賡颺稠疊往昔所無繼以年近八旬陳情歸老復 賜詩以寵其行有云清時老名士吳下舊詩人又有云玉皇案吏今仙客天子門生是故人其嘉獎至於此及 鸞輅南巡 恩榮晝接加銜食俸優禮彌隆宜海內誇為盛事吳中傳作美談矣先

鶴徵後錄卷八

四

生少從學於吳江葉星期鑿葉居橫山故阮亭尚書云橫山門下尚有詩人然先生獨綜今古無藉而成本源漢魏教法盛唐先宗老杜次及昌黎義山東坡遺山下至青邱空同大復臥子阮亭皆能兼綜條貫嘗自進其全集

御製敘言以高王為比誠定論也所選別裁諸集滙千古之風騷聚一時之壇坫年至九十八而終蓋得於天者厚矣或又有反唇而譏者真少陵所謂汝曹昌黎所謂羣兒爾

金金粟光烈云沈文憲未遇時早已名重一世李敏達為浙江制府延致當時名宿纂修通志文憲共與斯役後運使王公復聘修西湖志圖說十餘篇皆出文憲手論者謂不減鄴善長注水經筆及至晚達待從賡颺莫與比盛史稱有唐以

來詩人之達者高常侍蓋已賸乎後矣

趙承孝字漢忠一字謹凡江南常熟人雍正甲辰舉人由詹事府詹事王奕清薦舉乾隆己未進士後官教授

虞山趙氏白前明文毅公以勲業著聞于時後稍衰替謹凡偃蹇半生晚得一第薦舉大科不得志既釋褐改選教授嘗續增祀田以繼考志命子王德定規條勒諸石

詞科掌錄云趙謹凡文毅公曾孫也潛心理學有尚論微吟百許篇

葉西字書山號花南江南桐城人監生由太常寺卿王潯薦舉乾隆己未進士改庶吉士累遷左春坊左庶子降補編修著有詩經拾遺春秋究遺口下詩草

鶴後錄卷八

五

先生不喜為科舉之文以家貧嘗為童子師志行堅確不妄與人交讀書奮發冬寒雨雪每依燈火坐讀禮經門外雪深猶不輟尤邃於經學後入翰林纂修三禮其所著述頗有所得惟詩經拾遺以已意為分合一變漢以來相傳之次第矣袁簡齋葉庶子日下草序云同試鴻詞科同舉京兆同登進士同入詞館者余平生得二人焉其一為歸愚尚書其一為書山庶子尚書以詩名而先生以說經聞論者曰說經人多不能詩又曰詩類聖者難工不知詩即經也廢歌喜起半頌聖也果能說經而何有於詩果能頌聖而何憂其不工先生晚年督學楚黔歸恭逢天子有謚

陵平西夷兩大典先生拜手賦詩彙而頌口日下草質不過樸

麗不傷雅洵足以光揚繼熙昭章元妙因念先生與尚書俱持節衡文俱詠卷阿又俱予告回籍以其道傳東南之學者文人遭際晚年益益余齒最少官最卑三十年來與先生宦轍乖迂通一訊不可得今忽相依石頭城下花欄水窗時時張飲置具婆婆文墨先生白髮蕭蕭而余亦蒼蒼在鬢文人遇合晚年益親然回首玉堂彼此都如天上自今以往所以重科名而報國恩者在數行文字間乎昔也同升翺翔王路今也同歸詠歌昇平天寶為之非偶然也故承命為序而不禁欣然奮筆焉

金文淳字質甫號金門浙江錢塘人廩生由大學士管浙江總督稽曾筠薦舉乾隆己未進士改庶吉士後出知直隸順德府著有蠟子錄讀史卮言

金門根柢家學與兄赤泉互相砥礪枕經菲史聲稱藉甚詩賦俱典則溫醇得風人之旨後守順德以事落職曾擬大辟袁簡齋過保陽有詩云江南哀庚信儂耳老東坡白刃餘生健青雲舊夢多小窗重翦燭大海早揚波莫靳醇醪飲蛟龍

脫網羅

詞科掌錄云金質甫為赤泉同懷弟時有二難之目無錫嵇公試於浙省以第一人薦丙辰卯舉京兆秋試後以進士改庶常深於經術詩歌清婉秀出為館閣後來之英做王伯厚困學紀聞為蠟子錄三卷

鶴後錄卷八

六

詞科掌錄云金質甫為赤泉同懷弟時有二難之目無錫嵇公試於浙省以第一人薦丙辰卯舉京兆秋試後以進士改庶常深於經術詩歌清婉秀出為館閣後來之英做王伯厚困學紀聞為蠟子錄三卷

隨園詩話云余在都與金質夫裘叔度居最近金其劣于裘而偏欲饒裘金移居裘以詩賀云迨趨閣閣兩年餘一日何曾賦索居雪苑對裁新著稿風簾同校舊鈔書吟筒惠我寧嫌數棋局饒人實自譽早有聲華傳口下故知名士定無虛余作七古一首中四句云我願同年如春樹枝枝葉葉相依附不願同年如落花鸞飄鳳泊飛天涯裘讀而歎曰子才終竟有性情嗚呼此皆四十年前事今裘官至尚書聲施赫奕而質夫爲太守兩遭罪遣謫戍以死豈亦如花之飛茵飛溷各有前因耶金死後余搜其遺詩了不可得僅得其遊張園一首

鶴徵後錄卷八

七

尊聞錄云質季登燕子磯云濤聲寒夕照亭影落孤鴻絕壁

疑烟雨虛堂蕭暮風句法甚佳又春痕如夢怯風尖恐非近日少年能道此

袁枚字子才號簡齋又號隨園浙江仁和人廩生由廣西巡撫金鉉薦舉乾隆己未進士改庶吉士散館以外用補江南江寧知縣著有隨園詩話隨園隨筆小倉山房集

先生幼聰穎絕人年十二補博士弟子丙辰之粵西撫軍德山金公試諸徵士以銅鼓賦命題得先生作擊節不已至以國士相目并賦彘入省志薦表有云 本朝鴻博停五十七年廩生袁枚裁二十一歲奇才應運卓識冠時臣所特薦止此一人先生有啟謝之在同徵中年最少報罷旋以聯捷入詞林乞 恩歸娶一時戚里姻族咸以爲榮壬戌散館改官

縣令歷任溧水江浦沭陽江寧等縣後引疾歸尋起赴秦中念母年老陳情致仕先生年僅三十二僑居金陵之隨園頗饒亭榭水木清華傲西湖爲隄井爲裏外湖爲花港爲六橋爲南北峯長廊複房琉璃施窗琴書尊疊玉石之屬橫陳几榻梅百枝竹萬竿桂十餘叢小倉山色在戶牖間春秋佳麗彈琴賦詩煙霞供養無以過之當時名公卿爭相投贈莫不一至隨園爲幸尤喜獎借後進凡有一藝之長無不掄揚汲引青衿紅粉並列門牆晚年好遊歷所至輒倒屣相迎凡武彝匡廬羅浮黃山天台雁蕩諸勝遊屐殆徧見者皆疑爲神仙中人

鶴徵後錄卷八

八

胡稚威送簡齋太史改官江南序云往歲天下以宏詞薦幾

二百人簡齋袁君與舉於其中年最少才最異自粵西使府隨牒來至名起公卿間落落大滿同歲生成服比於終童君年始十二千有司能試諸經甚悉因爲秀才自其鄉萬里以遊於蒼梧桂林其所望涉江漢彭蠡洞庭湘灘之波衡山之奇九疑之阻深詩歌恢瓌能與其地相詭俶其來京師也問以時之當務能議論問人黑白好醜能辨聞有賢者尙節嫌慨者裕於文不滯滯於俗者能樂道余嘗以爲士於今而視若君者雖古之世猶將進焉無疑焉其於官尤惟翰林宜旣成進士選庶常三年以試翻譯勿辦外出爲令丞相不能請無所於留凡好君者嗟咨其去率載酒在邸爲之醉以慰其行

薛起鳳小倉山房集序云隨園先生論詩之旨一見於集中答吳愚宗伯書再見於續詩品三十二首凡古人所未道者業已白道之無俟再爲序述第披其所編始弱冠終花甲四十年之行藏交際具在於斯可當康成年表請矣

詞科掌錄云袁子才奉天金公有國士之目力薦於朝在諸徵士中最爲年少兼有美才一時名滿日下後以戊巳聯捷成進士改庶常

鶴徵後錄卷八

九

吏談公事外必及余之某詩某句津津道之并及其容止動作余在屏後聞之竊喜探公見客必隨而竊聽焉呈七排一首有句云萬里關前修薦表百官座上嘆文章蓋實事也又云已未 殿試了傲諸同年云霓裳三百都輸我此處何來第二回蓋試鴻博曾在 保和殿也又云已未 朝考題是賦得因風想玉珂余欲刻畫想字有云聲疑來 禁院人似隔天河諸總裁以爲語涉不莊將置之孫山大司寇尹公與諸公力爭曰此人肯用心思必年少有才者尙未解應制體裁耳此庶吉士之所以需教習也尙進呈時

上有駁問我當獨奏羣議始息余之得與館選受尹公知從此始未幾

上命公教習庶吉士余獻詩云琴爨已成焦尾斷風高重轉落

花紅又云江西帥蘭臯先生督學浙江余年十九考古學賦秋水云映河漢而萬象皆虛望遠山而寒煙不起公加歎賞又問國馬公馬何解余對曰出自國語注自韋昭至作何解枚實不知繳卷時公閱之曰汝輕年能知二馬出處足矣何必再解說乎曰尙有父馬汝知之乎曰出史記平準書曰汝能對乎曰可對母牛出易經說卦傳公大喜拔置高等後帥公爲陝西布政使賫死臺上余賦五古哭之又云余以雍正丁未年入泮今又丁未矣戲做重赴鹿鳴故事作重赴泮宮詩云記得垂髫泮水遊一時佳話徧杭州青衿乍著心雖喜紅粉爭看臉尙羞夢裏榮華如頃刻人間花甲已重周諸公

鶴徵後錄卷八

十

可當同年看替採芹香插白頭和者百餘人

蒲褐山房詩話云子才少舉宏詞旋成進士嗣以散館出爲縣令初在江寧總督尹文端公絕愛其才旣丁憂再起至陝西與總督黃文襄臭味差池上書萬餘言不省遂乞病歸得廢圃於江寧小倉山下疏泉架石釐爲一十四景窗牖皆用五色琉璃遊人填集時吳越老成凋謝子才來往江湖從者如市太邱道廣無論貴賤夫互相酬倡又取英俊少年著錄爲弟子授以才調等集挾之遊東諸侯更招士女之能詩畫者共十三人繪爲授詩圖燕釵蟬鬢傍花隨柳問業於前而子才白鬚紅髯流盼旁觀悠然自得亦以此索當途題句於是人爭愛之所至延爲上客適館授餐而子才又擇其精

饌彙作食單梓以行世故三十年中瑞門納屢爲向來名人所未有才華旣盛信手拈來矜新闢捷不必盡遵軌範且清靈雋妙筆舌互用能解人意中蘊結今石庵相公在江寧時聞其蕩佚將仿而投之子才投以二詩公閱畢卽請相見頓釋前疑其詩得力如此然謝世未久頗有違言吳君嵩梁謂其詩人多指摘今刪蕪去佻自無慚於大雅矣

裘曰修字叔度一字漫士號諾臯江西新建人廩生由順天府寄尹陳守劄薦舉乾隆己未進士改庶吉士累官工部尙書加太子少傅謚文達入賢良祠著有叔度灌亭等詩鈔

文達天資明敏學有體用及官翰林受知

高宗皇帝入直 內廷游擢卿貳晉陞尙書前後三十年間內

鶴徵後錄卷八

十一

參密勿外理簿書 朝廷大著作又多出其手兼屢奉 使命勘治河讞疑獄丈地察邊東極遼瀋西踰哈密南至閩嶠事無鉅細從容以應洞中窾要雖至紛紜膠轕無不剖斷如流先從祖敬堂先生出文達之門嘗館於邸第見其氣度靜穆通達治體立 朝侃侃直言無所依回偶值畿輔少雨高宗皇帝詢以禱旱文達以省刑修德陳奏有古大臣風烈詞科掌錄云裘叔度丙辰先舉京兆秋試後以己未成進士改庶常

隨園詩話云裘文達公與余同出蔣文恪公門下後余入都補官裘典試江南相逢在平道上見贈云車中遙指影翩翩忽訝相逢古道邊粗問行藏知大槪諦觀顏色勝從前南來

我愧山濤鑑北去君夸祖逖鞭後會分明仍有約歸程期在暮春天是夜宿旅店見余壁上詩和其後云漫空飛絮擬春情十日都無一日晴水斷虹橋迷古渡雲埋雉堞隱孤城故人已別心猶惜舊壁來看眼欲明我正聳肩聞覓句不勞津吏遠相迎已卯秋裘又典試江南到山中爲余誦之又云公出使伊犁襄贊軍事在黃制府行臺中卽席有作云使相鈞衡大將旗西來賓閣喜追隨談深席上杯行數坐久窗間日過遲任事肩無旁卸處安邊功是已成時 天兵討叛非勤遠此意須教萬姓知又元日試筆云年年染翰揮豪手乍喜金鞭控鐵驄嗚呼以一書生而能走萬里贊軍機與沈文愨公以詩人而受

鶴徵後錄卷八

十二

帝寵者皆近今所未有可稱吾榜中得人最多張乖厓不得擯美於前 蒲褐山房詩話云公神閒氣靜明敏自然事無大小談笑應之雖盤根錯節迎刃而解每遇 朝廷大議論衆說紛紜而談言微中分肌劈理如奏刀砉然如土委地人人各適其意以去總督高君書麟謂天仙化人不可湊泊者也公歿後相傳爲燕子磯水神後有家人遇之拜祝祠下云若果在茲願乞順風頃之東風果作挂帆而去故顧晴沙詩曰爐香燭影曉猶紅稽首陳情語未終試看靈旂微颺處春江已借一帆風

塵定軒譚粹云文達公聰敏機警遇事神解超捷判決如流

入詞館以 大考擢高等驟遷侍讀學士游歷至尙書雖侍

內廷領六部而掌文衡審疑獄理簿書奉 命奔走足迹

常半天下五主鄉試一至湖北兩至江浙三至河南八勘水

利兩至江南四至直隸計議密勿無苛無縱皆能上符

睿慮下協輿情立 朝侃直無隱雖忤

旨時加 嚴訓不逾時 恩禮如初近代儒臣所僅有也

李金澗云乾隆癸酉公再典浙試先大父出其門後成進士

需次入都延課公行簡深為契合先大父憫浙人之歿於

京邸者創舉廣誼園以殮旅櫬實公與于文襄力贊成之

申甫字及甫號笏山浙江西安人布衣由大學士管浙江總督

稽曾鈞薦舉乾隆辛酉舉人授內閣中書累遷左副都御史著

鶴徵後錄卷八

十三

有笏山詩鈔

乙未秋笏山與曹地山少宰錢籟石少宗伯扈 蹕熱河相

邀為同徵之會有二集三集各賦詩紀事宗伯有句云吉士

南宮先已達注謂少宰布衣西浙後方來注副憲籍江南以丙辰

保和殿給官屬今叨

扈從者惟副憲及載

笏山詩鈔云七月朔日籟石招同地山少宰小集山齋為鴻

博同年之會兩公各賦七律六章予亦和之書於籟石所畫

歲寒三友圖後以誌一時盛事又云丙辰秋冬之間厲樊榭

沈東甫沈幼牧進耕石汪槐塘諸君同寓於菽葉亭試畢先

生出都同人咸於此餞別
詞科掌錄云江都申及甫僑寓西安詩章秀拔律調尤妍

隨園詩話云丙辰 召試鴻詞到丙申四十餘年矣山詩由

在都中與錢籟石曹地山小集賦詩云尺五城府遂散仙歡

場一散似飛煙多生那得離文字後死何容細骨肩醉後吟

聲驚戶外雨餘山色入窗前百人尙有三人在似得天憐亦

自憐嗚呼笏山歿又十餘年矣今海內 召試者只余與籟

石二人尙在近聞其年過八十亦已中風然則天憐自憐能

無再三誦之乎又云查他山詩以白描擅長近繼之者光祿

卿申笏山笏山卒後畢秋帆尙書梓其全集五言云雨聲涼

入硯花氣潤侵簾看桂云香于半路先迎客花已全開正及

時與同徵士謝茂秦云凡作近體誦之流水行云聽之金聲

玉振觀之朝霞散綺講之異繭繰絲

鶴徵後錄卷八

十四

蒲褐山房詩話云笏山副憲以中書舍人直軍機掌內制十

餘年代 言起草指事類情 九重時嘉賞之為詩抒寫性

情羌無故實白樂天楊誠齋查初白其兎園冊子也好句如

行攀石磴無人迹靜聽流泉冷客心幾日閒眠開竹戶一番

細雨長秋花寒歸木末全無葉暖入梅梢漸有花尙有晚香

留紫菊不妨小閨到黃楊至今有吟諷者歿後畢中丞為選

擇而梓之

張雄圖字 號礪山河南洛陽人廩生由河東總督王士俊

薦舉乾隆辛酉舉人

詞科掌錄云張礪山世有醇行當事聘主周南書院辛酉科

舉於鄉

楊述曾字一思號企山江南武進人雍正乙卯舉人由戶部侍郎陳壽薦薦舉乾隆壬戌一甲第二名進士授編修陞侍讀贈侍講學士著有南圃文集

先生稟家學於諸史尤精心貫弗博而知要初侍父學士公在史局時方編纂明史綱目三編參預屬草方望溪侍郎見之稱爲史才聲譽大起 召試報罷丁巳以 國史館議敘候選知縣後入詞垣壬申

御試翰詹一等第三名晉官侍讀戊寅再應

御試適遇足疾左遷編修分纂通鑑輯覽復晉中允陞侍讀充日講起居注屢司文枋輯覽將脫稟而卒總裁大學士傅公以先生有事入轍殫心編排書垂成而身故不獲邀敘錄

鶴徵後錄卷八

五

特奏 聞得

旨賞給四品職銜亦不啻生被其榮矣

蒲褐山房詩話云學士爲內閣學士椿之子博綜史傳乾隆己卯冬

上修通鑑綱目輯覽 命學士及大興朱編修筠武進蔣編修和寧仁和張舍人霽同余充纂修官發凡起例斷斷不少假余輩常集其邸家人善治庖討論之暇輒出飲饌以恣燕衍酒酣以往諧譚四出猶見先輩風流也詩不多作偶獲二章亦駸駸入作者之室

沈興齋學詩云丙辰諸徵士後復有由科第而躋顯仕者堪岷山官中允時爲同徵之會與劉相國繩菴陳道政句山由

光祿笏山錢詹事璠石集王太守礪齋錫壽堂設讌賦詩卽送太守赴三晉未至者王大理晉川曹參議地山都門傳爲佳話

許伯政字惠棠湖南巴陵人雍正己酉拔貢生由湖南巡撫鍾保薦舉乾隆壬戌進士累遷山東道監察御史著有易深詩深春秋深全史日至源流

惠棠究心經學所著易深以圖書皆出太昊之世卦數生於河圖著數生於洛書又兼取漢人卦氣納甲及京房易傳火珠林之法而不用卦變及變占之法其詩深博考旁証取古字及諸家之說詳審而折其衷日至源流皆論步算之術頗有確當

鶴徵後錄卷八

六

沈樹德字申培號畏堂浙江歸安人廩生由大學士管浙江總督儲曾筠薦舉乾隆辛酉拔貢甲子舉人

竹墩沈氏一門羣從媿雅多才畏堂少從諸父兄遊耳擣目染學有根柢後 詔舉經學湖北巡撫唐公綏祖以品行端方淹貫經史列于薦牘

詞科掌錄云竹溪沈氏風雅自閣學心齋先生首倡翰編翰翁繼之一門羣從有端文揆曾素菴允相麀仲楷世同叔楨國植庭樹槐殿擊柱臣及東甬三昆弟人人有集標映一時於時申培尙在髫年故唱和集中不與省試河圖洛書辨小阮蒿師翰編恒稱之

吳槃字青然江南全椒人增生由安徽巡撫王紘薦舉乾隆乙

丑進士官刑部主事著有咫聞齋詩鈔陽局詩鈔

青然博學工詩與劉海峯葉書山諸人並著名於時試罷客順天學使劉公墓中後領鄉薦成進士官至比部未能竟其

所用
劉海峯青然詩集序云青然世家滁之全椒少即工詩而居室人倫之間獨遭其變其有無聊不適悲愁憤歎一託於詩然哀而不傷怨而不怒中聲清越犖然其均當於人之心而適然其獨極於己之志與余同被徵召於京師相識也既而同權放黜相憐因相善也邸舍相近旦暮相過從每相與飲酒留連愁思至夜分不寐青然曰我生平精力單微於詩非子無以知我子其為我序之余應之唯唯夫青然之詩人

鶴徵後錄卷八

皆共知其必傳於後而終以不遇豈非其命耶

詞科掌錄云吳青然詩學晚唐時有秀句五言如鳥歸山影外人語樹聲中露氣三山夜江聲六代秋迴風幽谷響返照遠江明七言如孤僧影入溪雲亂清梵聲移落照斜古木應盤青嶂迴虛堂僧定白雲閒皆入吳子華韋端已之室

張甄陶字希周號楊菴福建閩縣人廩生由福建巡撫盧倬薦舉乾隆乙丑進士改庶吉士散館出知廣東高要縣著有讀書翼註

楊菴博綜羣籍考核精詳翼註一書能條貫眾說而以己意折衷之在兎園冊中最高有根據之學令高要以廉明著聲詞科掌錄云張希周總角即肄業龍峯書院潛心經義九易

寒暑巡撫奉天盧公學使奉新周公皆有國士之目丁巳始來京補試

詞科餘話云希周館於子同年友柴舍人宅距子寓不數武朝夕過從投分甚密性情溫粹才亦縱橫留京師未即去張星景字行之江西奉新人廩生由兵部尚書甘汝來薦舉乾隆乙丑進士

先生究心理學營主講鸞湖追企陸子盛劍山詩云輕塵諦虛元裁冠譚性命于世苟無濟何論宋與晉獨有象山翁不負荆門令註云行之將有牧民之責

余騰蛟字非睡號善庵江西武寧人拔貢生由兵部尚書甘汝來薦舉乾隆乙丑進士

鶴徵後錄卷八

十六

盛劍山有歲暮懷非睡詩云永叔初為文北面于師魯淺深各有涯後先或相取九晚淒且荒十年槐風雨其學問氣韻可以畧見詞科掌錄以余為山東武定人然是科薦舉山左止四人恐誤今從槐廳載筆耿賢舉字山山東館陶人雍正癸卯舉人由山東巡撫岳濬薦舉乾隆乙丑進士著有泉山堂刺稿

雍正癸卯三月舉行鄉試各省同考官監臨先期始試以時藝一篇時主山左試者為王侍講傳柯侍御喬年先生即中是科解元聲名大噪

鶴徵後錄卷第八

鶴徵後錄卷第九

嘉興李富孫既汴甫輯

與試未用二十八人

王騰蛟字步元浙江錢唐人貢生由兵部尚書江蘇巡撫高其倬薦舉乾隆丁卯順天舉人

先生為介眉侍讀同懷弟工詩詞能文章當其並薦大科人多羨之惜歷遊四方無所遇終身連蹇僅一舉京兆試與梁冲泉少空同榜歿後無子遺著皆散佚梁山舟學士為予言其崖畧如此

潘思光字亞卿福建安溪人廩生由福建巡撫盧倬薦舉乾隆戊辰進士

鶴徵後錄卷九

詞科掌錄云潘亞卿奉天盧公以第一人薦丁巳歲補試

陳長鎮字宗五湖南武陵人貢生由戶部侍郎陳樹萱刑部侍郎楊超曾交薦舉乾隆戊辰進士改庶吉士

錢載字坤一號蘊石浙江秀水人雍正壬子副貢生由浙江總督程元章薦舉乾隆壬申進士改庶吉士累官禮部侍郎著有蘊石齋詩集

先生嘗問業於桑岐甫先生故學有本原早歲中副車一時名公卿咸相推重已巳詔舉經學吏部侍郎介公福以素行敦樸究心經史戶部侍郎嵇公璜以為人醇謹殫心經籍上章交薦四十後成進士入翰林海擢卿貳屢主試事迄致仕歸依然一寒素士性樸誠坦率無少掩護人或行過即加

面斥詩不事雕飾具有真氣溢於言表兼工繪事花石竹木極疎秀之致遠近皆寶之

先生葦石齋詩集自序云

世宗憲皇帝詔天下舉博學宏詞之士雍正乙卯夏本縣府申載於省總督考取以入奏

皇上登極重申 前詔乾隆丙辰中外所薦士雲集京師九月御試於 保和殿而載卷不可以中選歸而境益困以學侶相牽復客京師已已

皇上詔天下舉經學之士朝之大臣以載入奏辛未議罷明年中式順天鄉試 廷試成進士改庶吉士於是載年四十有五矣官翰林詹事者二十有二年為侍從者十有六年癸卯

鶴徵後錄卷九

二月蒙 恩子原品休致幸歸田野五六年來僻居窮巷時復讀書病矣德甚固知無及於自責矣

藤陰雜記云錢少宗伯載雍正壬子中副榜時金檜門總憲客禾訂交丙辰大魁宗伯屢試不售日者謂逢申方中年四十五壬申果聯捷出睦朝棟門睦乃總憲辛酉江南所得士也於是執小門生禮維謹自是典文衡陟卿貳七十歸田八十七方卒

蒲褐山房詩話云葦石襟情蕭曠真率自如乾隆甲戌初夏從金檜門總憲一經齋與余訂交遂成雅契性豪飲嘗借朱竹君學士金輔之殿撰陳伯恭王念孫兩編修過余冬夜消寒卷波浮白必至街鼓三四下時竹君推戴東原經術而葦

石獨有違言論至學問可不得失處葦石顛發赤聚訟紛絮及罷酒出門斷斷不巳上車復下者數四月苦霜濃風沙蓬勃餘客佇立以俟無不掩口而笑者善鑒別法書名畫望之審其真偽故尤工繪事晚年致仕歸藉以給朝夕乾隆庚戌年八十三上元日猶為予做黃鶴山樵長林修竹極雨葉風枝之妙詩率然而作信手便成不復深加研鍊殆其鄉李日華姚綬一輩人也

梧門詩話云葦石侍郎壬申聯捷成進士是年會試在八月香樹先生賀詩云刻成楮葉廿年遲著論韓公伸紙時 朶殿爭看和氏璧瓊筵笑插菊花枝注云今年會試即廿年前中副榜題也與退之不貳過論題事相類

鶴徵後錄卷九

南野堂筆記云葦石少宗伯詩體以博大為宗神景開闢不媿作家鉅手五七言佳處皆清老蒼秀台東坡半山山谷為一家

周大樞字元木一字元牧又字爰穆更字園牧號存吾浙江山陰人生員由浙江總督程元章薦舉乾隆壬申舉人官平湖縣教諭著有周易井觀居俟堂集存吾春軒詩鈔調香詞

元牧學問浩博才思橫溢已已經學之徵吏部侍郎介福復以究心經籍尤嫻易學薦舉說易不取宋儒所傳圖位詩文於蒼莽中自見清勁無愧於古之作者嘗以丙辰同徵二百六十餘人之詩撰鴻爪錄一時爭傳播之

沈荻林周徵士詩序云周君爰穆窮而能詩見稱於鄉邦乾

隆初元以徵至京師與之交醇雅篤摯一語一言洞見胸臆其詩不爲藻采浮聲而體靜旨遠悠悠可思蓋善道其性情而有合於古作者之旨已余與爰穆論詩既有針磁之合誦其所作輒爲歎賞不置夫爰穆抱窮愁抑鬱之思能不苟同時俗而爲此大雅不羣之什其人亦卓然有立而非所常得見者也余能無深服乎哉

詞科掌錄云周元牧詩文高勁秀出力追古則 廷試日瘡疾綿月未愈手艱於作書多所遺落不得入等幼工詩餘與秀水萬光泰相友善嘗自序其調香詞及爲萬作樊鄰詞序風豔不減三唐其詩長於五七古五排七律意欲參取諸家自成一體雖或未逮而志則遠矣

鶴徵後錄卷九

四

詞科餘話云元牧與穉威在江東詩社中最稱傑出均列徵書會稽商編修盤寄四律示喜其第三云君家髯客舊清班况有嶽崎老念山風雅一門傳賦詠鳳鸞三鳥稱疎頑才超金箭東南外詩到韓蘇伯仲間慚愧六鈞弓在手病夫無力未能關元牧亦有次韻四首

隨園詩話云丁巳春予與元木循初同在穉威寓中夜賦聽雨元牧見贈一篇云文章之家無不有袁郎二十膽如斗詞甚奇論不能備錄壬申歲予病起長安元木再贈七言古詩起句云憶昔相見長安邸志氣如虹挂千里狂飛大向風雨來頭沒酒杯笑不已真乃替予寫照元木 廷試報還果殺公延爲上客每公餘之暇命講通鑑數則亦想見當日雅度

也元木詩最堅瘦獨詠桃花頗婉麗其詩曰寂寂朱塵度歲華又驚春色到桃花五陵遊客知何限只有漁人最憶家管仲墓云浪說儒門羞五尺只今江左幾夷吾

蒲褐山房詩話云元木在京師寓虎坊橋小衙衙門有大井老屋三間齋鹽終日子贈以句云小住常依元亮井出游誰問孝廉船蓋紀實也學博而才長滔滔莽莽動以數百言蓋其時浙中詩人如胡穉威桑敬甫皆門奇騁異故元木亦如之然文從字順自較兩家爲優

梧門詩話云園牧學問淹博與陳星齋杭葦浦齊次風相友善詩工七古洋洋灑灑沈鬱似杜奔放如蘇近體余未多見雨後一作云雨後江郵路新泥屐齒加夕陽明晚稻秋水倒

鶴徵後錄卷九

五

疎花碧岫披雲出紅樓帶樹斜渺然成獨立歸詠後棲鴉亦是佳構

陸 云園牧於詩球抉爬搔勤無暫休應詞科試不遇境益窮吟益苦年近六十始舉京兆充 咸安宮教習做袍徒步無異編氓生平與胡穉威萬循初輩交最深諸君皆貧而在下氣類相感切劇尤至長子朱城次子堅先後皆登賢書能世其業

龔元玠字鳴玉一字珠山號畏齋江西南昌人廩生由光祿寺卿劉吳龍薦舉乾隆甲戌進士官貴州銅仁知縣著有十三經客難

己巳奉 詔薦舉經學詞科同徵之士復被薦者二十人畏

齋亦爲江西巡撫阿公思哈所薦其學尤歷級貴非僅爲一家言者

尙廷楓字嶽師號茶洋江西新建人廩生戶部主事由都察院左副都御史孫國璽薦舉

茶洋曠世軼才於經史諸子靡不博涉旁通下筆雲飛濤捲莫能測其涯涘吾鄉馬墨麟觀察在京師日以茶洋與萬柘坡袁簡齋有三異人之稱五言詩如孤帆秋色斷斜月夜光遲日照雪中樹人居川上山野人無瓦屋春色自柴荆石苔人去積山鳥客來驚獨由春水外笑入暮雲間石白松依寺天清月在山我友欲歸隱結廬在峯陰七言如曉風吹水客磨鏡春日照山僧打包空林古廟忽聞簾落日老僧忘打鐘

鶴徵後錄卷九

六

三徑綠苔人別處一江紅樹日高時皆語極超妙

詞科掌錄云新建尙嶽師原籍陝西興安以父濼浙江提督廕任戶部山西司主事詩骨清曠故是逸才

詞科餘話云茶洋有逸才臨川李侍郎亟言於副憲孫公遂列薦牘有上副憲詩四首

隨園詩話云與余同薦鴻詞者有戶部主事尙廷楓爲人誕誕不羈忽而結駟連騎忽而布衣藍縷賦詩有奇氣如落花平地二尺厚芳草如天萬里青月華照樹有烏鵲雲氣上天如白羊皆警句也

張秋水云嶽師隨父任之浙江游江南與厲樊榭最契有送行詩云四野夕陽羣鳥散萬山秋草一人歸

峻德姓納蘭氏字克明號慎齋正白旗滿洲人歲貢生戶部筆帖式由都察院左副都御史孫國璽薦舉著有使秦集

納蘭氏門才最盛 國初容若侍衛以年少雋才與健菴司寇竹垞太史遊擅詩詞并爲司寇築通志堂經解慎齋淹雅好古工吟詠能不媿家風

詞科掌錄云納蘭克明與同官保祿在中皆有詩名南城酒安禮序其使秦集云覽其感物造端道古吟風動生千載之思而風俗政治之大端一篇之中間見側出和載揚王子清明看花詩者納蘭氏居其三

梁硯瑣談云納蘭峻德詩格幽秀絕類晚唐趙北口云西風垂柳復垂楊斷盡南來客子腸卻更長堤三十里亂荷殘水

鶴徵後錄卷九

七

雁聲涼銅雀臺云三臺羅綺土花凝舞袖香銷黯漆燈翠釵不來環珮冷夜深紅鬼哭西陵感舊云玉臺詩寫蜜香箋影春生杏葉煙馬首一枝紅照眼傷心事往十三年

稗勺云納蘭戶部慎齋嘗寓盤山天城寺與水月菴僧然西以詩往還系於小犬之項云相望一峯隔相呼恐不聞寄詩憑小犬好去度深雲僧答詩有昔有鴻傳信今憑犬寄書句蓋不知陸機黃耳千歲實學白犬故事也但犬寄詩則古未有者可爲廖融添一詩奴

李錯字鐵君一字眉山號鷹青山人又號焦明子正黃旗漢軍人原任官庫筆帖式由宗人府左宗正多羅慎郡王兵部侍郎鑲國將軍宗室德沛交薦舉著有尙史馳集後集

借山以華胄之門肆力於古品詣高潔經學之徵工部尙書
趙公宏恩兵部侍郎觀公保以淹通經史交薦詩藹意慇懃
擺脫俗蹊尙史以馬氏釋史爲棄木而離析其文改爲紀傳
體有本紀世家列傳表志諸目其體例準諸史記而排纂之
法則仿路史而小變之

秦樹峯睫集序云山人詩始讀之淵然以古炳然以則寔
淫乎漢魏初盛唐諸家而歸本於少陵其言有物其品亮以
潔其志宏以遠其氣廉以平其詣邃以正聲律蓋筌蹄云爾
詞科掌錄云奉天李鐵君先世蜀人故一字借山家世貴顯
父輝祖累官少司寇又大學士索額圖介婿獨耽清寂隱盤
山廬青峯下號廬青山人又號焦明子自爲傳曰焦明子有

鶴徵後錄卷九

八

靜澗喜行無人徑嘗犯雨雪歷谿谷中獨遊以爲樂蛇虎迹
縱橫不顧也苦嗜茗爲鐵鑄瓦缶使奚所至負從之每茶烟
起水石邊樵采者咸知其焦明子也淳郡王爲刊其集曰焦
明詩文刪稱爲高寒幽窅博奧崛奇整暇如佩玉鳴琴奔驟
如雲車風馬文真秦漢以上手筆詩非中晚以下格韻視世
之以薦花爲國妝以紅粟爲法物者超然遠矣

別裁集詩話云身青係勛臣後當得大官乃借其醜隱於盤
山旣老歲一至京師然一二日卽歸人罕見其面詩古奧峭
削自闕門徑高者胎原杜陵次亦近孟東野

隨園詩話云遼東三老者戴亨字遂堂陳景元字石問馮大
鉢字雷溪三人皆布衣不仕不與人世交接來往者李鐵君

一人而已鐵君作尙史專摻三代以上事而不知 太初有
馬驥之釋史亦囿於聞見之一端又云鐵君父爲總督而能
隱居不仕自稱廬青山人有雌驥集行世錄其梅花云衆木
正如夢一枝方自春送令江水上直見獨醒人詠月云清絕
自成照何曾掛樹生有時通夜白一片得秋明遠水若相接
浮雲或並行年年圓便缺誰悟善持盈

長住姓王氏字松儕號蘭谷正白旗包衣漢軍人監生 景陵
八品茶上人由宗人府左宗正多羅慎郡王薦舉後陞內務府
郎中

蘭谷爲大學士查郎阿妹婿詩才清綺與吾鄉祝豫堂舍人
襟情交契有往來投贈之什

鶴徵後錄卷九

九

詞科餘話云奉天王長住蘭谷世居遵化州馬蘭峪時爲
景陵茶上人秀水祝宜臣奉陪淳郡王謁
陵與之款洽有贈詩

芾芸墅文孫云蘭谷有贈李純九詩云淮海賢聲廿載餘又
從淑問服官初夢回塵世詩情遠心寄雲山宦味疏苔蘚映
階飛雀下菱荷隔水晚風徐高槐蔭滿西華路白首重來檢
簿書饒有韻致

陳景忠字又方號橘洲鑲紅旗漢軍海城人監生由兵部侍郎
鎮國將軍宗室德沛薦舉後官同知

橘洲與兄石問並力學好古以能詩稱與遼東諸老時相酬
和有李廌青移居詩云千載田盤隱誰期此願違相憐春楚

楚依舊燕飛飛山月來窮巷東風入故衣憐君不得意吾燕與同歸

隨園詩話云遼東陳石閻弟景鍾字楠洲有夜闌曲云春夜頻傾金巨羅胡姬按板對筵歌低回笑語牽紅袖如此風光可奈何

許佩璜字渭符江南江都人監生河南衛輝府管河通判由河東總督王士俊薦舉後陞知州

渭符幼承母教工詩詞爲當時所推吾鄉錢文端公稱其詩音節清越有漢魏餘響

沈文愨許雙渠抱山吟序云吾友許子雙渠少承家學誦場清芬又研窮經術以經世務及出而從政綜理民社分治河

鶴徵後錄卷九

十

渠肆應孔迫矣究無一日或廢乎探原竟委之學而又以其餘事兼及於詩詩固陶冶性靈之一也然其爲詩必蒐據六籍討論子史卽下而說部類書亦廣爲徵引以供驅遣之用歲乙卯雙渠應博學鴻詞詔來遊京師余因與定交見其捆載典籍鉤元纂要余得常與借書而雙渠有未經流覽者亦廣爲乞假鈔謄不厭惟時名流咸集文酒會合雙渠詩成墨瀋未乾頃刻傳寫都下識者並推爲學人之詩而非藉口自戰以自詡爲美無故實者也後風流雲散天各一方余旣日就頽廢而雙渠屢任繁劇於督菱捷宅鴻雁時一一見諸於詩與元道州春陵行示官吏諸作不襲面目而得其神理老杜所謂乃知正人意不苟飛長纓者洵於今日見之也

詞科掌錄云許渭符平越王公所薦旋升同知先試母夫人徐爲漕帥清獻公女有才學

詞科餘話云渭符以開封通守奉詔之京特旨先試卽歸汴州

隨園詩話云比來閩秀能詩者以許太夫人爲第一其長嗣佩璜與余同徵鴻博讀太夫人綠淨軒自壽云自分青裙終老婦濫叨紫綵拜鄉君元旦云剩有濕薪同爆竹也將紅紙寫宜春喜雨云愆期休割乖龍耳破塊粗安野老心不爲清涼宜翠簾可知黠滴盡黃金皆住句也夫人爲徐清獻公季女名德音字淑則王太倉相公揆出清獻之門其視學浙江也遣人告墓夫人有句云魚菽薦羹惟弱女松楸酌酒屬

鶴徵後錄卷九

二

門人又云溧陽公由總督入省兼領六卿許刺史佩璜有句云三朝元老裴中令百歲詩篇衛武公余有句云南宮六一先生座北面三千弟子行俱爲公許可

施念曾字得仍一字得齋又號蕤齋江南宣城人拔貢生廣東興寧知縣由廣東巡撫楊永斌薦舉後陞河南禹州知州未赴卒著有藥心集

丙辰詞科之徵有祖父以己未鴻博起家而其孫復膺薦辟者三人吾鄉朱竹垞太史孫稻孫華亭王相國文恭公孫祖庚及愚山侍讀孫念曾兩世俱應大科之召雖不得中選一時以爲榮亦可見淵源之有自矣

歸琦亭集云蕤齋爲愚山先生曾孫學有宗傳以拔萃入成

均奉大對 命往廣東揚歷知縣以課最得 召見近移

浙江再試二大縣前後十五年粵中巨豪憑其城社君杖而錮之浙東奸民煽動君以靜填之而自息其才請有過人者其令新會嘗葺白沙先生祠姚江為黃忠端公贖祭田皆非近世俗吏所有也所至聚書雖在官衙不廢稽古嘗繙閱至夜分風吹其燈燕及長髯左頰亦燭次日予適過其署相視而笑後山德清遷河南之禹州尚未赴為前縣尉所誣解官聽勘葉齋平生自好屢遭毒瑩不勝其憤大吏頗知之欲亟白其獄而已病不可為遂卒于杭州之寓寮夫以葉齋之勤慎和平愛民下士而竟橫罹憂患年甫踰四十無子身後大吏窮竟其事皆無有尉反坐以去然歸裝蕭然斥賣及書卷

鶴徵後錄卷九

三

平時賓客交游無至者惟吾友杭董浦不替歲寒之誼抵家太宜人亦遂以哭子死人倫之慘備矣

詞科掌錄云施得仍昆明楊公所薦丁巳補試令祖愚山先生已未中詞科詩各海內得仍守其家法格律清適恩促別去未暇鈔其集

李旭齋云葉齋詩學清深溫栗不徇乎時嘗與同郡張汝霖輯宛雅三編以續梅鼎祚蔡素春初二編之後復補輯唐宋以來至 國朝共得二百七十九人

王作人字育才浙江錢唐人生員議敘原任貴州黔陽知縣由太僕寺卿蔣漣薦舉

詞科掌錄云王育才工書法初以諸生直 武英殿議敘官

德清教諭例當改縣丞

憲皇帝特旨授黔陽令以事落職復以司臬王柔舉起復候補今署直隸新河令育才詩不多作亦不肯輕以示人予五弟為愛婿屢索不得僅見其黔江秋泛一篇

王起鵬字翹如浙江歸安人拔貢生陝西青澗知縣由陝西巡撫顧色薦舉

翹如有才學雍正己酉拔萃入成均 廷試以知縣用分發陝西任青澗令巡撫顧公深加獎異大科之役遂以其名薦之

詞科掌錄云王翹如署青澗令雍正戊戌予下第將歸時翹如方以 廷試來京師朝夕過從有和全謝山韻送予詩

鶴徵後錄卷九

三

勞孝與字巨峯一字阮齋廣東南海人拔貢生由廣東巡撫楊永斌薦舉後官貴州鎮遠知縣著有春秋詩話

阮齋才氣豪放學亦博贈所著春秋詩話專取左氏之言詩者一曰賦詩如重耳賦河水秦穆賦六月之類二曰解詩如御至解兔置穆叔解三夏及文王鹿鳴之類三曰引詩如鄭

公子忽引自求多福陳敬仲引翹翹車乘之類四月拾詩乃古詩佚句左氏拾而出之五曰評詩為吳公子觀樂一篇每條後各以所見附著之

詞科掌錄云勞孝與與里人羅天尺蘇珥齊名天尺有瘦疊山房詩勞為之序云余嘗好浪遊妄欲跡徧海內與天下士交髮未燥即從先君溥遊瓊南甫弱冠杖策踰嶺渡河倘伴

江淮問氣愈豪則益自喜而猶以未得交當世鉅公偉人爲
歉未幾鱗門夫子視學吾粵以古學爲斯文倡吾黨二三子
若羅子履先陳子海六何子贊調陳子聖叔蘇子瑞一輩皆
從之遊余亦勉自淬厲詎見後旋以憂告今年夏有省志
之役與履先襄事於粵秀山堂討論時事發爲詩歌更出其
道草示余回憶數年前與二三子劇歌縱論時曾不轉盼而
風流雲散聖取薄宦江浙贊調離去將卑棲桂林若海六
瑞一輩俱不得志散居鄉塾而余與履先棲遲省會以手膺
供人役抑獨何哉

易宗瀛字公仙湖南湘鄉人貢生試用浙江西塘場鹽場大使
由宗人府左宗正多羅慎郡王薦舉

鶴徵後錄卷九

古

公仙姿制明敏詞藻翩翩遊京師慎郡王愛其才嘗延之於
邸詞科之徵因首疏薦之

詞科掌錄云易公仙弟宗浚兄弟皆遊朱邸監生祖忭公仙
子也工畫

御製集中有題其墨竹詩

王藻字載揚號梅泚江南吳江人監生由都察院左副都御史
孫國璽薦舉後官國子監學正著有鷓鴣湖莊集

丙辰 詔舉鴻博臨川李穆堂先生時爲少司農已薦六人
格於例限因取諸所知者名姓於 朝房中廣託九卿載揚
尙未有薦主乃交門下士孫副憲薦之孫有雉色先生大怒
責其微賢孫不得已長跪謝罪允薦乃已次日其事

上聞以浮躁失大臣體鑄二級若先生者真以愛才爲性命之
事矣

劉海峯王載揚詩集序云王君載揚不屑爲科舉之學一意
肆力於歌詩而性又疎放不能深自策厲以趨於仕進之途
家本貧衣食不足以瞻而顧嘗好載籍筆墨器雕刻玩弄
之具星羅於几席以自爲娛樂其於書必求其刻之最工者
而錦函以盛之至於惡衣糲食冬寒衣敝袍人多笑之而不
悔昔米芾作唐人冠服違時異俗人謂之顛載揚亦似顛倪
瓚構雲林之堂置古鼎尊罍玉器書畫其中人謂之迂載揚
亦似迂而載揚之窮則又昔之顛與迂所不及者宜其詩之
每進而益上也載揚之於詩無所不窺而其雕鏤刻畫之巧

鶴徵後錄卷九

五

未嘗不與其玩弄之具同如珠如玉如時花如蜀錦之新濯
如藻火粉米之煌煌蓋其工如此然則載揚其將益窮窮且
無有已時哉與余同寓居少宰吳公之家知之最深於是爲
之敘

詞科掌錄云王載揚詩學辨香漁洋雍正王子清明日徧選
輦轂諸名公集宛平相國怡園各賦七言古詩一首迨和
宋蘇子瞻明楊孟載兩先生作凡三十餘人載揚爲之倡
別裁集詩話云載揚少工詩人無知者歸安沈翰翁緝修見
而賞之編告詩壇名遂著

隨園詩話云丙辰徵士王載揚販米爲業偶題桃源圖云相
看何物同塵世只有秦時月在天以此受知於沈翰翁先生

四處掄揚遂棄業讀書薦舉詞科報罷往來揚州與詩人結社吟詠貌瓊瘦急遠小聲音好蓄宋板書壽印石印章有友借觀誤墮地碎載揚垂泣三日其風趣如此讀梅村集云百首淋漓長慶體一牛慚愧義熙民剪榜云大抵端相求入畫最難割愛似剛詩又云王載揚接家信知兩子孿生喜賦詩以寄云可無致語來清照會有明妝避伯喈用典切而雅又云載揚吟詩以對仗爲工有句云百五正逢寒食節十千誰前美人家愛余滕王閣詩阿房有焦土玉樓無故釘一聯湖州徐階五先生贈沈萊園詩云詩派同初白官情共軟紅以沈初白先生外孫故也王亦愛而時時誦之

鶴徵後錄卷九

七

衆以梅泚對太史訪之一見歎爲異才招之主其家由是學益進而名日起後膺鴻博之薦至京師每名流會合分題角韻梅泚詩出輒壓倒儕輩晚寓維揚咸奉爲壇坫歿後爲板行其集云

朱相孫字稼翁一字芋陂晚號娛邨浙江秀水人貢生考授州判由詹事府詹事王奕清薦舉著有六峯閣稿

先生爲竹垞太史孫幼承祖父之教胚胎濡染得其家法且暴書亭藏書具在恣意瀏覽不假外求嘗與里中芒園菜畦在兩南諸同輩爲詩課拈題分韻竹垞太史親爲點定每成卽寫長箋付梓先生詩格適上楷法在褚歐間尤工分隸晚景益窮稍藉以自給詞科之辟在兩南翁州縣亦以名上格於省

試皆爲後來之秀吾里自先國博霽巖公以詩學爲橋李倡皇甫子循謂足與空同于鱗鼎峙至先徵士秋錦公兄弟及竹垞太史雷谷藍村兩處士往還酬倡殆無虛日故百年以來騷雅遺風猶有存者

盛袖堂娛村行畧云先生自幼天資超妙父上舍公多病不督以章句之學自能以詩文翰墨世其家困於場屋太倉王相國揆爲春秋館總裁引爲助因挾其家藏二百七十餘家之書以備纂修所得館俸大半供朋友之費不留餘金纂成例得州倅先生赴友人李宗渭之難於關中事平而還選期已過或云銓曹吏可商也不聽終不得選鴻詞試罷穆堂李公薦修三禮於朝有阻之者事遂寢性剛介不容物一言

鶴徵後錄卷九

七

非禮雖公卿滿座必慷慨義形於色因此亦不諧於俗生平足跡半天下晚年家居追憶舊遊作紀行絕句二卷擬古樂府三卷又訂定羅浮蝴蝶詩二卷昔竹垞檢討自嶺南攜歸羅浮蝴蝶與里中人爲蝴蝶詩會至是羅浮蝴蝶忽見於暴書亭南深樹中先生首步檢討近體四首原韻爲倡和者亦數十人爲後蝴蝶詩會所刻六峯閣詩皆少年之作又有續彙十餘卷先生三世以能書名而先生書法不由家學初從汪編修士鉉問津後自取柳誠懸米南宮書晨夕撫之遂自成一家小楷尤精

顧玉停題娛村詩稿云竹垞先生藏書冠海內多秘木人所未見著述播人口而經義三百卷尙未行世余生恨不得侍

先生而壯歲獲交娛村娛村瓊偉男子也擅詞章妙言語尤工八分小篆顧數奇一無所遇應舉則困場屋嘗試京兆搜檢嚴監者朱邸也娛村坦其腹自如瓠鼓之曰此中大有夾帶邸笑領之衆皆曰屬歎爲神雋然斥洛如故修書則困殿館初與余同被薦校讐春秋繼從事子史精華旋給札武英最後余隨 圍熱河幕中和樂府欲引娛村不果就殿館成勞竟委逝波乾隆初以鴻博徵不得當薦修三禮又或尼之復數年依然故娛村也忽一日見訪蓋不相見者幾二十年而各已老矣訊藏書無恙乎曰吾護之不啻頭目則髓也經義開雕乎曰架未半輟矣有力者請繼或欲竄改以爲己名因拒弗與也乃出囊中擬古樂府擬步兵詠懷效唐

鶴徵後錄卷九

六

人詠物洎紀遊懷古合五百六十餘篇余卒讀喟然曰嗟乎天之厄娛村何其甚歟雖然必有說也夫人處富貴之境而克保其先人之手澤此中材子孫優爲之惟其畢生潦倒衣食於奔走而琅函寶笈什襲局固豈不難哉又使娛村委質通籍身非已有則富不在詩卷卽有所作以鳴得意應不足爲娛村貴也且安見富與貴者所享之爲愈耶天之待娛村孰厚孰薄不俟知者能辨之矣

詞科掌錄云朱稼翁竹垞檢討之孫文益上舍之子少遊京師太倉相公薦修春秋故與宮詹有舊遂舉之

詞科餘話云稼翁罷後踰年由潞河歸時錢唐汪沆秀水萬光泰皆館於查氏爲設宴水西莊限豪寒二韻送之

蒲褐山房詩話云稼翁少孤其祖撫之漁洋題小長蘆卷所謂桐孫稻孫者是也稼翁以名人之後所至人傾慕之乙亥丙子間年近七十游揚州爲盧雅雨運使上客因出其祖所撰經義考後半未刻者雅雨爲刻其全其後開 四庫館詔求遺書得以全帙獻於 朝

上題詩冠首由是流傳海內蓋可謂能守先澤者矣晚年貧不能支暴書亭藏書八萬卷漸至散佚而已之所作亦久不傳余與其孫伯承爲鄉試同年又在揚州同寓梅花亭數月故得見其詩張匠門序所云始則氣猛而格上後則境觸而情遙殆不虛也

梅里詩話云徵君門第既高學問亦富性殊嚴冷遇遂屯邇

鶴徵後錄卷九

九

曾賦詞科一入經局與修浙江通志卒成經義遺書身雖不達名重藝林六峯閣乃其少壯所作至老篇章尙未付棗梨戴松門光曾云曾大父笑亭公暨族祖坤釜公皆受業於竹垞太史與西陵朝夕討論酬倡最多芋陂後起能繼家學與沈菜畦王上濤輩同結吟社太史分題限韻有牡丹橋李釣竿荷葉諸題目詩成太史評定甲乙長箋短簡遠近傳鈔亦爲後來騷壇盛事

程川字廊渠號春曇浙江錢唐人拔貢生由浙江總督程元章薦舉後官縣丞著有朱子五經語類運木集

先生志行端懇詞華敏贍下筆千言立就當時有才子之稱家明經循五族祖爲其女夫著述多散軼五經語類乃肄業

敷文講院時所編後官二尹有解木之役故其詩即以運木名也

詞科掌錄云程鄜渠籍本歙縣來家於杭纂輯有朱子五經語類及五經文類

易宗浚字公申湖南湘鄉人監生候選縣丞由湖南巡撫鍾保薦舉

公申性至孝居母喪廬於墓側杭董浦侍御贈詩云心目雙瞿劇可憐聖廬土席靜相便七篇禮服無人讀獨向空山臥四年尤邃於經所著七政六宗三江九河諸論實能貫串羣言而折衷至當與兄公仙在朱邸並擅機雲之譽

鄧士錦字太初江西南城人廩生保舉廣東瓊州府額外教授

鶴徵後錄卷九

三

由兵部尚書甘汝來薦舉著有來園集

先生以雍正丙午保舉孝廉甚負詩名如登上封寺云僧房聽落葉客夢到孤松病中云老知秋信早病覺道心長客黎川云纔逢三月暮又逐一帆歸夜坐東立夫云往事悔從孤榻得還家夢向隔年多俱是性靈語

詞科掌錄云鄧太初以廩生保舉孝廉任瓊州府額外教授與同縣潘安禮立夫俱酬最多

黃天策字一峯號香山江西信豐人生員由江西巡撫常安薦舉後官教諭

一峯以諸生應薦試罷尋以選貢入成均後官教諭詩亦清雅可誦盛劍山有詩寄之云結屋香山下奇峯九十九中有

一峯高勢與華衡躡鶴度遙音時時落虛扁

閻式鑛字 河南祥符人孟津縣教諭由河東總督王士俊

薦舉

宋超字 河南祥符人濬縣教諭由河東總督王士俊薦舉

江其龍字若度江南桐城人生員由安徽巡撫趙國麟薦舉後選江寧府訓導

先生與劉海峯並為古文學得望溪先生家法尤熟於諸史能見本原不僅涉獵其詞藻

劉海峯江若度文序云余同里江君若度幼即穎異好讀書其為人質慤其學無所不窺其文章湛深而有本然困不得志年四十五始得除江寧府學訓導未適官遽遭父喪遺疾

鶴徵後錄卷九

三

而卒嗚呼謂天之無意邪荒郊僻處胡為而有斯人也謂天有意以生之矣年不及中壽位止於學博而又不待一日之官以致此何為者邪友人方君巨川求得其平生遺稿鏤版以行於世四方之知江君與不知江君者因其文以考其實而江君之懷抱可一寓目得之江君於是為不死矣

詞科掌錄云江若度三禮兩漢書皆有論糾注家之繆

李灝字柱文江西南豐人生員由江西巡撫常安薦舉後官永寧縣訓導著有易範同宗錄問荪堂集

柱文學問淹洽終不得志于有司後以歲貢入成均司訓承寧未幾病卒

周鉅圍焯字柱文易範同宗錄取劉歆河圖洛書相為經緯

之義以易與洪範合而一之卷首自署曰南豐前有雍正丁未自序又自署曰嘉禾亦所未詳

沈彤字冠雲號果堂江南吳江人廩生由內閣學士吳家驥薦舉後議敘九品官著有周官祿田考羣經小疏果堂雜著氣穴考畧內經本論果堂集

吳江沈氏在明中葉有二光祿以直臣稱甲申後有以兄弟殉國難者果堂為義門先生弟子博究典籍精於考據務求古人之異同以折衷至當其於周官禮用力尤深同時如陳少章輩有所不逮集中多訂正經學文字雖不尚詞華而援證精密頗有羽翼傳注之功

結埼亭集云果堂為人醇篤盡洗中吳名士之習讀書以窮

鶴徵後錄卷九

三

經為事實穿前人之異同而求其至是其為文章不務辭華獨抒心得顧聞淡自修世無知之者而果堂亦不甚求知於世應薦入京方侍郎望溪李侍郎穆堂皆稱之生平有所述作最矜慎不輕下筆幾幾有含豪腐頽之風予以為非場屋之材果以奏賦至夜半不及成詩而出遂南歸兀兀著書予往來江淮之上道出中吳必造訪即出所著傾倒就予互相證明

天子求明經之士予以為果堂足副其選而竟未有薦之待

詔公車門下者寒種一席泊如也

沈文憲果堂傳畧云君總角能文有聲庠序屢入棘闈不售舉鴻詞 召試保和殿不遇薦修一統志三禮書成授九品

官不就以諸生終性孝友年逾成童教課生徒供潔白養親

沒哀痛嘔血數斗三年中不茹葷不內寢朝夕食必哭進近嘆息謂居喪者僅見少講業何侍讀義門繼遊儀封張清恪江陰楊文定之門中歲善方閣學望溪商訂三禮書疏往復辨論精核李侍郎穆堂折節定交阿尚書南邨特延訓其子君胚胎前光加師友之益沈酣典籍藉故發而為文深厚古質吳中言古文者必屈指君慨自古文之敝尚法律者求工於波瀾意度而根柢無存宗考據者羅列故實而性靈不屬君之乎六經斟酌乎唐宋大家專精殫思窮年繼晷成一家言以期不朽卒後門人私謚文孝先生

詞科掌錄云沈冠雲潛心經學長於古文拙於有韻之辭不

鶴徵後錄卷九

三

終試事

松陵詩徵云果堂徵君慨然以古學自任六經為根柢唐宋大家為準則專精殫思篤嗜不倦務成一家言今讀其文法律謹嚴氣味樸茂而考論諸作尤能援經据疏別是非而歸於至常洵吾邑四十年來一作手詩非其心力所聚然尚氣骨遠浮靡望而知為有本之言

張叔未廷濟云果堂篤古窮經尤精三禮方望溪先生稱其能守樸學不事浮藻以周禮司祿經亡諸家疑公田不足以供官祿因為之例推曲證以補其闕為周官祿田考又取書之二典禹貢春秋之左傳儀禮之士冠士昏及喪服士喪等篇各舉其微文佚義以疏證之為三經小疏皆非博考精思

得其源委者不能至此

鶴徵後錄卷第九

同里張昌齡校

鶴徵後錄卷九

三

鶴徵後錄卷第十

嘉興李富孫既汴甫輯

與試未用三十三人

陸祖錫字念劬浙江平湖人雍正己酉拔貢生由兵部尚書直隸總督李衛內閣學士陝西學政王蘭生交薦舉著有松鱗集念劬性敏異童年能詩文即為前輩所激賞書摹褚永興駢體入玉溪生之室以選貢考取教習館錢太傅文端公一見契愛之後視學畿輔招入幕中 召試放歸未幾即卒

張浦山強恕齋文集云徵士少孤力學學使王公振聲深賞之拔貢入成均王公視學陝西挈之行旋入錢香樹幕薦舉鴻博九月 廷試報罷裁書即附徵士與香樹以余長女妻

鶴徵後錄卷十

一

之徵士古文尤長駢體入唐人勝處詩宗選今律類玉溪與兄畏蒼人稱二陸一日忽展參同契有悟即閉閣端坐八閱月而卒臨卒語妻曰毋即蓋棺句餘妻以指揉其額肌猶動皆異之

俞雲莊寶華云念劬少孤母林授以經書過目不忘詩文數千言立就尤擅小楷得河東家法梁文莊相國贈句新樣從君擅柳家是也

龔正字 江西南昌人雍正己酉拔貢生由光祿寺卿劉吳龍薦舉

劉大司冠紹聞與先生為鄉先達素重其才盛為推挹故特疏薦之

顏懋倫字 山東曲阜人雍正己酉拔貢生由山東巡撫岳
澹薦舉

先生爲復聖後裔博雅能文酷嗜金石夏商以來彝敦百
諸奇器收藏甚富一時名公卿莫不以得觀爲幸

邊連寶字趙珍一字肇珍直隸任邱人雍正乙卯拔貢生由兵
部尚書直隸總督李衛薦舉著有隨園詩集

肇珍學問淹貫爲吾鄉錢文端公所知己巳文端時爲少司
寇卽以沈潛經學薦之香樹齋集中有任邱代東邊鴻博句
云好賣文園賦曾懷光範書隨園詩集末附錄禪家公案頌
一卷則其晚年頗耽禪悅也

詞科掌錄云邊趙珍研辨經史篤學不倦北方學者未能或
之先也

鶴徵後錄卷十

二

邵昂霄字麗震一字子政號最甫浙江餘姚人雍正乙卯拔貢
生由浙江總督程元章薦舉著有萬青樓圖編萬青樓彙

子政精於天文算法萬青樓圖編十六卷專論天文算數之
術分十有四目皆援引漢晉以來天官家言及歐邏巴之說
各附以己見其於推測之法頗爲精密所著詩文身後俱散
佚今所存僅殘編一卷而已

鮎埼亭集云姚江邵子最亦詞科同籍也獨精歷算之術嘗
欲子序其書諾之而未果子最卒歛卽家抄其書亦未能也
隨園詩話云余乙卯科試考列前茅其時在師學使幕中閱
卷者邵君昂霄也相遇湖上有所贈云韻到梅花清有骨軟

於楊柳怯當風余有知己之感故至今誦之

詞科掌錄云邵子政長於天文歷算著論甚多省試洪範五
行聯珠獲雋者八人獨子政作爲奧衍

張南阜姚江詩存云西人測算之法本於周髀自中土失其
傳西人改易名目以衍其術世遂奉爲絕學子政通中西之
術推策布算細析豪芒手製儀象西人見者咸服其精巧

饒允坡字右蘇號介岡江西進賢人雍正乙卯拔貢生由福建
學政周學健薦舉著有近詩代鈔

介岡詩頗清綺同輩咸爲推服有詠苔云杖履不到處幽人
一片心平生依水石多是伴蟲吟雨細連階積秋空覆葉深
柴門無客掩寂莫到而今

鶴徵後錄卷十

三

詞科掌錄云饒右蘇爲周勿逸先生所薦嘗攜其集至京師
山陰周元牧亟稱之歸里後不可得見矣從其鄉人錄得無
題詩二首非其至者

劉五教字 山西臨縣人雍正乙卯拔貢生由都察院左都
御史孫嘉淦薦舉

毛一馳字 湖北東湖人雍正乙卯拔貢生由兵部侍郎署
湖北巡撫吳應棻薦舉

李光國字定齋江南興化人拔貢生由詹事府詹事覺羅吳拜
薦舉

定齋涉獵諸史洞悉本末著有詠史詩品騭是非獨抒己見
能得古人真面目非率於往昔之說傳於一人之私者

車文字彬若河南太康人拔貢生由都察院左都御史孫嘉謨薦舉

詞科掌錄云車彬若深於經術五經皆有論著嘗為井田三圖論古今溝洫之制甚備洵中州之冠楚也聲律本非所長

廷試遭斥落士論惜之

陳世龍字 湖南祁陽人拔貢生由湖南巡撫鍾保薦舉

張廷奏字 山西榆次人拔貢生由山西巡撫覺羅石麟薦

舉

黑瑪姓葉赫覺羅氏字石夫正紅旗滿洲人歲貢生由禮部侍

郎徐元夢薦舉

石夫文才秀綺詩格蕭澹秋興云西風應是徧天涯開滿池

鶴徵後錄卷十

四

塘白藕花有意不關沙上鷺傷心難訴樹間雅醉鄉但可干杯盡鏡影還驚兩鬢華老景那堪對蕭瑟平生回首事空嗟

詞科掌錄云黑瑪石夫葉河人居教授推有儒風

陸桂馨字元萼號馥園江南震澤人歲貢生由江蘇學政張廷璠薦舉後官丹陽縣訓導

馥園為孝廉方濤子少負才舉鄂文端公任江蘇藩使時以詩賦試士通省得五十三人馥園亦與其列詩說理而不近腐異於白沙定山一派

陳一策字爾忱福建晉江人歲貢生由福建巡撫盧倬薦舉著有香雪齋集

爾忱為明相國洪謐之曾孫遠於經術洪範說一篇以九疇

並非洛書孔安國劉歆班固之言皆臆見穿鑿斥為異說其論九疇次第聯絡通貫莫非天人至理洵能舉諸儒之說而一洗之

吳張元字萬長江南吳江人優貢生由兵部尚書兩江總督趙宏恩薦舉

萬長學頗淹雅名著江南北以優行貢成均 召試後卒無

所遇今訪其里人後嗣凋零遺著亦俱散佚矣

邱迥字爾求江南山陽人貢生由兵部侍郎署江蘇巡撫顧琮

薦舉著有雜錄筆記翼堂詩藁

先生季父為西軒洗馬以已未鴻博起家與兄曙戒早有淮南二邱之日先生幼承庭訓又得同里張虞山劉水心諸宿

鶴徵後錄卷十

五

老送館於家目染耳濡見聞彈洽長游漁洋鈍翁竹垞之門學益深邃年幾七旬應薦赴都此亦馬伏波自忘其老也

詞科掌錄云邱爾求侍講曙戒先生之子年近七十試卷塗抹過多為考官所糾置劣等歸以詩自娛有才子曰誰曰柱

柱已未庶常刻其詠物詩數十篇

李引樹云爾求垂老應薦不得用家居桐園積書數萬卷寢饋其中素長於詩自漢魏六朝及唐宋元明諸大家皆能窮

其旨趣故其所作本之性情幹以風骨藁中哭母懷兄等詩尤悽惻動人

趙昱字功干原名殿昂號谷林浙江仁和人貢生由戶部侍郎李紱薦舉著有愛日堂集

谷林父東白先生學爲經師三主縣教谷林少稟庭閨內行醇備問學淵懿母夫人朱氏爲神忠敏公外孫女忠敏子遊孫以事謫潘陽少婦家居因撫爲女東白先生猶及見曠園東書堂之籤軸谷林兄弟刻意讀書力購手鈔小山堂插架之富遂爲海內所推同學之士讀書其家無不解衣推食以鼓舞之子一清字誠夫能昌其家學

杭董浦趙谷林愛日堂彙序云余少時銳意科舉之學不得爲詩後交於趙氏谷林昆季谷林有園亭甲於通邑其時沈个庭符藥林兩詩人皆主其家嘗所往來吳明經繡谷厲孝廉樊榭及余三人霜雪晝時過二林吟屋效劉白之倡酬鬪孟韓之聯句余乃稍稍自見谷林結體清醇口無凡語余

鶴徵後錄卷十

六

望之若寥天之鶴戲海之鷗而不敢狎也旣而藥林意林應京兆試余亦疲於續食个庭繡谷皆歸道山風流雲散已如昔夢谷林應詞科北上浮沈人海淹忽三年風塵委頓意不自聊藉雕鐫五七字以遣日余與句甫全吉士謝山在詞館吳通守東壁以與修三禮留京師每會合必有詩未幾谷林折閱而歸余落莫子居方藉谷林以附庸風雅天不憖遺又弱一个謂之何哉嗣子誠夫編其遺詩一十六卷請余序之願望蒼茫曩時推襟送抱諸宿老無一在者卽欲辭讓而不可得淒然攬筆不禁涕泗之橫集也

全謝山愛日堂吟稿序云予與谷林定交且二十年江湖之郵寄京洛之追尋家園之止宿分題刻燭良亦多矣及下世

取其集讀之其氣穆然以清其神油然以瑩其取材浩平莫窮其町其別裁蓋非一師一家之可名也詩固三百篇之遺苟其無與於人倫之旨雖百計求工不過爲世俗之詩谷林事親以孝兄弟以友恭御下以慈接友朋親戚以厚可謂得溫柔敦厚之教者矣時與命乖微車之役不得待詔承明未央之廷臨川詹事將處以三禮書局谷林睽懷寢門拂衣竟返晚年稍爲客所負家事漸細顧怡然不以挂胸日益聚書斲斲所居小山堂池館之勝甲於錢唐竟日游息其間巖壑之流止花草之菀枯澄觀默驗不必遠窮屐齒而化機已畢具於胸中然則谷林之詩之日進而上蓋有由然而區區蒼萃之富澄汰之嚴淵源之邃與夫諸先生之所夸爲秘傳者猶其末焉者也

鶴徵後錄卷十

七

詞科掌錄云趙功千以臨川李公與其從兄鐵巖同官少司農聞其才且賢薦之功千雅詠溫恭築春草園有池館之勝異本書近數萬卷與同里沈嘉轍樂城吳焯尺鳧陳芝蔚九符曾幼魯厲鶚太鴻及弟信意林摛集南渡遺事系以斷句名南宋雜事刊行之盛爲海內所稱說詞科餘話云癸丑春余以禮闈被放尙客京邸旣奉明詔貽書趙氏昆弟及谷林令子誠夫促其努力清時潤色鴻業三趙皆有詩寄余又云功千罷後羈京師復五年集其詩名秋芙蓉吟彙錢唐鄭侍讀有詩題其後

朱青湖彭云谷林與弟信同舉鴻博報罷歸讀書自娛築春

書奏於

天子有 詔付書局時方令史館校勘唐書諸公得之大喜盡
采之卷中東甫其亦稍暇目於重泉矣

詞科掌錄云沈東甫明太傅襄敏公六世孫為陸德明張參
之學者也廿一史四譜五十四卷一紀元二封爵三宰執四
議法汪謙堂學士序稱其體蓋出于表歷之流而變其旁行
斜上者為標日舉帝紀之要撮世家列傳載記之綱而類聚
區分合於書志薈萃羣言之法其生平所致力於唐書尤深
合鈔新舊之書為二百六十卷除其重複補其漏遺最為明
備又以新書宰相世系表外譌特甚以孫為子以弟為兄甚
則以甥舅為父子合二氏為一族為訂譌十二卷附後其師

鶴徵後錄卷十

十

嘉善柯煜為之序又采掇唐詩中之麗字妍辭為金粉十卷
又云東甫有集二冊曾攜至京師卒未暇抄撮今不可得
見矣其少作在雙溪唱和集中難弟曰炳異釋旃曰炳謙幼
牧皆工詩釋旃著有補正水經

陳曼生云東甫九經辨字排比鈎稽頗為細密可以因文字
之異同究訓詁之得失實有裨於經學唐書合鈔有綱有目
本紀列傳以舊唐為綱分注新書為目天文五行等志舊書
多漏畧以新書為綱分註舊唐為目一展而兩書燦然就並
浦嘗欲博采六典會要諸書訂得失以補其闕亦卒未能也
沈炳謙字幼牧號勞山浙江歸安人貢生由浙江總督程元章
薦舉

丙辰鴻詞之徵有兄弟並列薦牘者若湘鄉易公仙公中仁
和趙谷林意林錢唐金赤泉質甫王介階步元及東甫幼牧
競爽齊名人皆以為盤洲厚齋之家風復見於今日一時傳
為佳話

詞科掌錄云沈幼牧東甫第六弟也少即工詩居竹墩翠從
倡酬極一時之盛上蔡程公總督浙江時與提學奉新帥先
生蘭皋雅志摻羅幼牧以五法九政說受知薦牘列名第五
在余與天台齊次風間余時有王前盧後之謔其師嘉善柯
南陔方掌教太未寄詩有洛如花正為君開之句蓋深喜其
遇也後余與鴈二太鴻扁舟過訪留止信宿時前輩輪翁先
生適里居觴詠不間日夕今所傳積照堂聽雨聯句其一也

鶴徵後錄卷十

十一

幼牧罷歸童稚不戒於火堂為煨燼累世遺書皆隨之盡難
兄東甫又抱人琴之痛幼牧侘傺不自聊賴將遊歷四方以
抒其鬱鬱而迄無所合亦可悲已

劉世基字崧嶽江西贛縣人一作會昌人貢生由順天府府尹陳守
創薦舉

崧嶽擅詩才嘗宿半山寺有句云林深知寺近門靜覺僧閒
當時多稱之

陳黃中字和叔號介巖又號東莊江南長洲人生員由兵部尚
書江蘇巡撫高其值薦舉著有宋史稿東莊遺集

東莊博綜史籍有經濟才歷遊幕府恥事干調不得一試其
抱負歿後桑敦甫工部哭以詩云川巖正氣毓斯人節義文

章迴絕倫竹簡崢嶸揮直筆茅廬龍驤挺孤身晚為孟母銜
幽憤死比黔婁守賤貧老淚還須沾葛屨豈惟總帳足悲辛
錢竹汀宋史稿跋云陳和叔宋史案共二百十九卷其糾舊
史之失調韓琦與陳升之王珪同傳董蒼無別陳東歐陽澈
與宋季一僧一道士同傳礙不於倫康保裔戰敗降契丹官
節度使事見遼史而以冠忠義杜審琦卒于天成二年而以
冠外戚凌唐佐本紀既書降金而又入忠義李穀實貞固皆
五代遺臣入宋未仕不應立傳皆確不可易於姦臣傳進史
彌遠嵩之而出曾布與鄒意合此稿增刪塗乙皆出和叔手
迹然前後義例未能畫一紀傳無論贊志無總序蓋猶未定
之稿較之柯氏新編當在伯仲之間耳

鶴徵後錄卷十

三

詞科掌錄云陳和叔父景雲少章有漢聖之目和叔能世其
學而才藻過之

詞科餘話云和叔還吳卽入閩赴王中丞幕胡天遊有詩送
之

蒲褐山房詩話云和叔爲少章先生子校讐考訂是其家傳
而和叔少時卽留心史學頗以經濟自負常遊督撫幕府晚
年歸家病宋史繁蕪如湯養仍王損仲屢有刪改皆未成書
因將宋史紀傳表共改定一百七十卷但以未諳天文歷律
故各志尙屬闕如歿後其槩本尙存於吳下藏書家詩不多
作彭尺木收而刻之未爲完本卽予所見其在長沙作五言
排律六麻一百韻則已失之矣

陸枚字實君江南吳縣人生員由詹事府詹事王奕清薦舉
實君擅雅材工詩詞同時俱爲欽挹 召試罷歸後以歲貢
入成均終不得一見用於世

詞科掌錄云陸實君少遊京師與索檢詩泰查解元爲仁周
秀才炎王孝廉霖結社賦詩甚有時名

胡鳴玉字廷佩號吟鷗江南青浦人廩生由兵部尙書江蘇巡
撫高其倬薦舉著有訂謬雜錄

先生博綜多聞訂謬雜錄多取經史中字考其音訓以訂沿
襲相用之謬網羅薈粹可謂勤矣長洲沈文憲爲作序盛稱
之後以歲貢入成均詩亦清綺有訪友詩云喬木疏籬似畫
圖數椽老屋向城隅隔林雨霽鳩呼婦近戶風輕燕引雛花

鶴徵後錄卷十

三

委藥闌紅欲盡草深蔬圃綠全蕪知君剩有鄒筒酒許我池
邊一醉無

蒲褐山房詩話云吟鷗博洽能詩雍正乙卯 詔舉鴻詞巡

撫高其倬學政張廷璐薦之 召試以疴疾發罷歸長洲沈

尙書德潛與同薦嘗集唐人句贈之云漢南詩老猶存社稷

國諸生半在門年八十三歿著訂謬雜錄考其出處辨其疑

似殊有益於學者

葉榮梓字孝常號容齋江南青浦人廩生由兵部尙書江蘇巡
撫高其倬薦舉著有紀季稟容齋詩藁

容齋詩才清雋揮灑自然性愛佳山水遊屐所至輒登臨題

詠集中訪古諸作俱饒秀逸之致

劉鴻鶴字皇聞江南陽湖人廩生由禮部侍郎江蘇學政張廷
塔薦舉

皇聞與文定同族沉潛經義尤精於易試罷尹文端公偕至
關中後 詔舉經學時文端總督陝西即修薦牘上之

詞科掌錄云劉皇聞試後留京師館於畢禮部家後從尹大
司寇之川陝

程光祚原名默字啓生號繇莊又號青溪江南上元人廩生由
安徽巡撫王紘薦舉著有太易擇言易通讀易管見易說辨正
春秋識小錄岫雲閣詩鈔

先生深於經學貫穿百家詣極精微於易詩書三禮傳論均
有撰述確然言其所言而無所依附嘗言口墨守宋學已非

鶴徵後錄卷十

十四

有墨守漢學者為尤非務以深造自得為主庚午吏部侍郎
雅爾哈善復以涵養淳篤學問淹貫尤能掣深易理應經學
之薦惜終不遇

小倉山房文集云先生年十四作松賦七十餘言驚其長老
弱冠舉茂才屢闕于有司遂棄科舉專治經一切星經地志
樂律禮儀元元本木識其大者乾隆元年開鴻詞科十五年
徵窮經耆老江南大府薦先生應 詔雖兩如京師足絕公
卿門卒不遇棄弁棧歸余同試 保和殿通數語已而官白
下相與為忘年交後買山隱園所居宅相鄰益親每讀書疑
必質先生先生有所作必袖來嗚呼今遺墨尙存先生不可
復見而余亦將老矣弟嗣章有濟世才以經讓先生而專攻

史學人以比南朝劉瓛昆季良不媿云

詞科掌錄云程啓生春秋識小錄九卷凡三種曰職官考
曰地名辨異曰左傳人名辨異其論晉軍政最詳又有賦頌
五篇名曰日下新草

隨園詩話云丙辰秋 召試者同領月俸於戶部同鄉程郵
渠指一人笑曰此吾家娘子秀才也入學時初名默寓居金
陵工詩今遁而窮經改名延祚以其間靜修潔故號程娘子
因與數言而別讀其海澱園林一絕云隔岸迢遙 御路明
林間倒影見人行朝天多少朱輪過添入山泉作水聲京中
憶女云三齡幼女紫離夢一自能言未得看戲罷頗聞知記
憶書來漸解問平安慰情欲比真男子努力應加遠客餐啼

鶴徵後錄卷十

十五

笑更教聽隔舍茫茫愁思到更闌武林懷古云一自休兵國
怨除君王酣醉九重居雲開鳳嶺笙歌滿夢冷龍城驛路疏
海日忽驚宮漏盡春潮猶笑將壇虛誰知立馬吳中客不惜
千金買諫書詩甚懸麗不作經生語後蘇撫雅公薦先生經
學卒報罷年七十七無子而卒著書盈尺俱付隨園

許鏘字 江南上元人生員由兵部侍郎署江蘇巡撫顧琮

薦舉

郭東字元城江南寶應人廩生由兵部侍郎署江蘇巡撫顧琮
薦舉

元城綜覽多才不屑鬼瑣之學屢試高等交遊所至唱和雜
採詞致翩翩枕堇浦侍御稱其甚負時名

胡二樂字

江南歙縣人廩生由都察院左副都御史陳世

倌薦舉

方辛元字

江南桐城人生員由總督倉場侍郎呂星曾薦

舉

方氏自臯宗先生官水部以詩稱於時有述古堂稿沃園繪

公詩格清真拔俗漳浦蔡文勤謂其秀骨獨異清音自遠門

才日盛是科徵辟者三人南堂先生暨恪敏公俱不赴試而

先生以疎於經術斥之

李希穆字貽年江南宣城人生員由安徽巡撫趙國麟薦舉

梅兆頤字恕漪江南宣城人生員由安徽巡撫趙國麟薦舉

詞科餘話云梅恕漪庚申長夏始得南還留有別胡泰舒兄

鶴徵後錄卷十

六

弟詩句云安定諸昆弟學各有深造交近四十年把臂輒傾

倒

鶴徵後錄卷第十

同里張士椿校

鶴徵後錄卷第十一

嘉興李富孫既汴甫輯

與試未用三十五人

汪臺字抱樸一字復園浙江仁和人廩生由內閣學士姚三辰

薦舉

抱樸工吟詠家有復園因以自號花石竹木頗饒幽趣旁構

城北水房同時厲樊榭杭堇浦周穆門施竹田諸宿老常相

過從刻燭分題為一時吟賞之盛嘗繪有亭角尋詩圖名流

都為題詠

王慶徵復園記云復園舊名北園於會城諸園為最曠地接

闌闌去埃氛甚遠歲己未秋主人汪君抱樸觴客於園之先

鶴徵後錄卷十一

一

春亭余交君最晚今始得過其地為之淹回瞻矚若不能以

舍去君喟然謂余曰子第見吾今之園之差足自適抑未親

昔之園之所為盛乎自吾先大父之構此地凡六十餘畝其

間為層樓飛閣花臺月榭穹林窈洞殆不可僕數而卉木狎

獵不止數千本身世多故事有不可言吾先君歷官中外既

弗克恬居是園者亦展轉易主尺寸舉不為吾有傾陲蕩析

往跡幾於堙盡及吾之身自幼至壯日經陟道路迫倦而旋

歸且無以寄吾足於是量吾恒產之所入筆墨之所獲自婚

嫁薪米雜費外重自節齋以留其餘而漸復夫故一切高下

可喜之觀尚未能以得半而吾力則已殫矣余聞而瞿然因

以賢君之志書其言於園之左壁

詞科掌錄云汪抱樸婦翁湯少宰西厓以詩名海內得其家法絕句特工

隨園詩話云乾隆初杭州詩酒之會最盛名士杭厲之外則有朱鹿田吳臨亭汪抱樸金江聲張鷟洲施竹田周穆門每到西湖隄上倚裳聯藝若屏風然有明中讓山兩詩僧留宿古寺詩成傳鈔紙價爲貴南屏坐雨宋云一角山昏秋欲晚滿窗夜戰雨來初汪云雲氣半遮山下塔秋光早入水邊村施云濃雲擁樹湖先暝涼雨到窗山欲墮張云荷聲冷帶跳珠雨鏗語遙飛潑墨山皆可愛也

齊心原名琨字敬甫號玉巖浙江錢唐人廩生由都察院左副都御史陳世倌薦舉著有白雲詩集

鶴徵後錄卷十一

二

先生居貧力學經史百家靡不綜貫嘗私淑勞餘山立行不苟外馮山公景以文章著先生深得其淵源尤聚於詩逢豐會落紙蠅虱如飛後以歲貢入成均子文昭歷官侍講學士龍昌明家學先生有示子詩一千五十言云外祖馮山公文章驚在宥衣鉢無後人瓣香落汝手

桑葢甫白雲集序云予生平兄事友二人一盧敬甫一朱子齋敬甫才奇橫倚馬萬言老賣文爲人作充物不返顧其自作亦散失今所存者如于其弱冠作勸行篇足比昌黎原道爲宇宙有數文字又壽序云子兄事無多人惟敬甫交最篤亦最先自總角坐同席吟同研出入早晚必俱居東苑中嬉遊嘯歌之地形影無一日離里之婦孺所稱爲雙先生者也

鶴徵後錄卷十一

三

入大梁客居岑寂屢書邀敬甫將同登吹臺之上嗣慷慨懷古之遺踪敬甫有以自樂莫肯來也

隨園詩話云詩用經書成語有對仗極妙者前輩盧玉巖云頭既責余余責頭腹亦負公公負腹近人吳文溥云人非磨墨磨人我自註經經註我姚念慈云野無青草霜飛候菊有黃花雁到初汪韓門云白鳧化後成衰老黃雀飛來謝少年胡穉威云春水綠波芳草色雜花生樹亂鶯飛朱鹿田得子云我求壯艾三年藥汝似王瓜五月生皆用經書樂府成語也

汪沆字師李一字西顛號槐塘浙江錢唐人生員由浙江總督程元章薦舉著有小眠齋彙盤西紀遊集活上題襟集槐塘詩

文集

先生博覽載籍沈敏多才所至名公卿無不傾倒嘗分修浙江通志及西湖志鴻詞報罷客天津查氏大學士史公貽直欲薦舉經學以母老辭自津門歸轉客閩中新將軍幕府爲撰福州八旗志後復之京之武昌屢爲諸侯上客草檄飛書倚馬立就樊謝贈詩云舉遭書好才稱捷橫架詩成氣自雄性伉直不阿有不當意輒拂衣而去平生好求有用之學自農田水利邊防軍政沿革利病所在靡不綜貫晚年自定撰著有湛華軒雜錄小眠齋讀書日札全閩採風錄蒙古氏族畧新安紀程識小錄泉亭瑣事汪氏文獻錄諸書詞科掌錄云汪西顥少從樊榭厲君學得其詩法文辭清豔

鶴徵後錄卷十一

四

博極羣書上蔡公補試全浙之士以景陵瑞芝賦春雪詩評二十一史浙江通志序受知罷後客津門查氏賓主留連極文酒之樂守令聘修郡縣志乘采其風土謠俗爲雜事詩百首杭堇浦津門雜事詩序云吾友汪君西顥滯淫是邦載離寒暑有南湖賢令君以爲之囊橐而蒐討有藉有水西查氏以恣其遊息而酬倡不孤參稽地乘溢爲聲詩意主於揚厲風騷表章士女正習俗之訛著土風之異蓋以詩傳事非以事爲詩也夫山川寂寥城邑隱賑攬奇紀遊之什大抵詳南而畧於北津門地非阻僻當前修既往墜簡就湮之會其緒積數百年而未出西顥一客卿耳一旦抽妍騁祕抉發之而無

所餘豈非談藝者之權輿省方者之惇史乎

隨園詩話云李敏達公撫浙時威不可犯獨能敬讀書人設志局修書所延皆一時名士公餘之暇放艇西湖屢開文譙汪西顥賦詩云西湖大好作春遊環佩如雲簇水頭誰似尙書能愛士日斜隄外未回舟其時余才九歲後五十年西顥在莊相國席上見贈云花卮同泛小山堂回首星霜三載強野叟尙能夸舊政羣公每見譽文章君卿老去言逾妙陶令歸來樂未央莫道隨園秋色淡萱庭日月閉門長與余在席上論元次山文有惡圓一篇余道天體尙圓何可見惡西顥因指身上衣覆冠領席上盤碗壺碟曰諸物皆圓才適於用彼此大笑

鶴徵後錄卷一一

五

孫詒年字毅仁號壽門浙江歸安人生員由浙江總督程元章薦舉壽門爲少司空在豐之孫稟承家學博雅多聞詩亦清婉可誦辛未南巡召試復不獲預選沈冰壺字心玉號梅史浙江山陰人廩生由太僕寺卿蔣漣薦舉著有古調自彈抗言在昔等集梅史熟於子史能抒已見然論議不免涉於偏僻如詠古一卷指事論情純駁間出其欲以莊子配易管子配荀子配禮老子配論語皆似有意示奇本朝阮亭竹垞堯峯湛園諸公詩文無不爲其指摘者周元牧鴻爪錄云心玉頗涉獵書傳詩雖多非所工也嘗盡

擬古樂府一卷桑主事故甫攜入都以是知名得膺薦牘及
廷試最後納卷被斥落或言其史論中欲黜蜀帝魏及進
金元而黜南宋當事惡其偏謬故也

越風云梅史性孤峭於時寡所合常有古人不見我之恨喜
博覽家貧無書恒借披閱有得卽見諸筆墨經史最所窮究
更熟勝國諸老軼事詩不規規講求音韻采色而善於持論
觀其詠史樂府可見一斑

隨園詩話云心玉古調獨彈集以新樂府論古事極有見解
如辨永王璘非反李白受誣作夜郎行雪李贊皇之非黨作
崖州行笑隋主誅宇文身死於宇文作南氏怨以何平叔之
不父曹瞞爲孝不從司馬爲忠其粉白不離手之說卽梁冀

鶴徵後錄卷十一

六

誣李固之胡粉飾貌也人言崔浩毀佛遭禍乃詠崔浩云仙
不能救佛豈能厄尤爲超脫

周炎字西序號青瑤浙江蕭山人生員由浙江總督程元章薦
舉著有幽思草可耕堂集

青瑤少卽能詩弱冠登岱云帝座仰窺纔尺五黃河下視直
三千氣象甚偉咸以遠大期之然竟不遇以諸生終

詞科掌錄云周青瑤賦性温茂淵懷若不及古文刻厲精粹
似孫可之

詞科餘話云周西序貧居奉母盡護壽圖乞言宗人玉章有
詩送其南歸

鳧亭詩話云西序詩詞爲一邑之冠四十年前寶意商君爲

鎮江司馬時有越郡舒華之選託余徵詩余與西序世誼交
最善因錄其詩二十餘首郵寄之其題西施廟云誓死未酬
亡國恨偷生肯上五湖船秋園云秋林無靜葉寒水有沈魚
又如曉行云馬馱殘夢過江東法相寺云山深寒月凍琉璃
皆佳句也舒華之選今改名越風粹以行世而所載西序詩
不及諸作豈久而遺其橐耶然則越詩之佳者越風之所遺
亦多矣

陳繩字 福建閩縣人廩生由福建巡撫盧倬薦舉

詞科掌錄云陳 奉天盧公所薦中允黃之雋石牧督學

閩中時有國士之目

陳繼善字敬堂福建閩縣人生員由福建巡撫盧倬薦舉

鶴徵後錄卷十一

七

方鶴鳴字 福建晉江人廩生由福建巡撫盧倬薦舉

王元芳字 福建晉江人生員由福建巡撫盧倬薦舉

陳大炎字 福建龍巖人廩生由福建巡撫盧倬薦舉

傅涵字聖涯江西臨川人廩生由戶部侍郎李紱薦舉著有新
橋集

聖涯學問淹貫爲穆堂侍郎所重嘗由維揚至姑蘇道中晚
晴有詩句云屋多籠雨亂山遠積雲平

張錦傳字與輝江西臨川人生員由江西巡撫常安薦舉

與輝性質直學問淹通已巳江西巡撫阿公思哈復以經學

保薦

詞科掌錄云張與輝滿洲常公所薦同里李進士紱南園雜

著中載其文識賦一篇

廖理字 江西南城人廩生由江西巡撫常安薦舉

陳洪淡字 江西高安人廩生由刑部侍郎王紘薦舉

盛崇字水賓號劍山江西武寧人生員由刑部侍郎王紘薦舉
著有劍山集

劍山為教授際斯季子與兄謨鏡並以詩文名人稱三盛先生劍山學尤淵邃詩格高曷不蹈宋人蹊徑嘗有歲暮懷人詩三十首一為諷誦真自序所云遠望可以當歸悲歌可以當泣者矣

江西詩徵云劍山七歲能詩十一通經史以貢生應舉不第歸慨以著述自任南昌楊子載屋武寧汪輦雲軻皆師之

鶴徵後錄卷十一

八

鄧獻璋字方侯湖南祁陽人廩生由湖南巡撫鍾保薦舉

方侯淹雅擅詩詞不屑屑於章句之學詞科報罷留京師後直 武英殿甚有時譽

陳世賢字 湖南祁陽人生員由湖南巡撫鍾保薦舉

解合章字 陝西韓城人廩生由陝西巡撫碩色薦舉

田荃字荃生陝西富平人廩生由戶部尚書總理陝西巡撫史

貽直薦舉

李天生先生為田氏外孫先生無子歿後遺著多散佚荃生世父少華大令為梓其壽祺堂詩集賴以僅傳

秦涇字幼湜陝西郃陽人生員由陝西巡撫碩色薦舉

幼湜布素樸學為關中所推重試罷胡稚威送其歸郃陽詩

云相士常苦衣相馬常苦肥古來豈不然勿謂今更非秦士
焚舟來超乘爭騰希自許一戰霸空振干鈞機仍將片葉身
遠向瀾岸歸瀾陵夜半雪南山奪光輝句芒遲遲春倉庚鳴
不違浮雲浩浩茫茫安知所從依謾謾秋樹林下有雙石扉
竹闕青火亦足忘寒饑去矣勿嘆嗟各自從風飛

詞科餘話云秦幼湜年五十餘古詩樸老疎硬似其為人攜其子詒謀徒步二千里入京臥病空館不堪其苦同人稍贖金資之去

周汝舟字道夫江南吳江人監生由內閣學士吳家驥薦舉著有悅汀詩稿

道夫為明太僕忠毅公宗建元孫明經龍藻子稟承家學具

鶴徵後錄卷十一

九

有根抵以府庠生入國子監詩意和平不入險怪迂僻之徑陳受之松陵詩話云 本朝鴻詞一科為千古曠典而吾邑

人材特盛康熙中稼堂虹亭並以布衣入翰苑乾隆元年

詔舉鴻博邑中如沈冠雲王載揚廷耕石吳萬長陸元夢周

道夫或祖述風騷或湛深經術雖遇不逮潘徐而學問文章

今人亦未可薄也

張範字 江南華亭人監生由衍聖公薦舉

葉承緒字子異江南奉賢人監生由刑部侍郎勵宗萬薦舉

子異被薦入都與吾鄉錢文端公投契時往來酬和香樹齋

集中有燈花聯句四十韻極勁峭有致

錢斌字 江南太倉人監生由湖南巡撫鍾保薦舉

商邱宋漫堂巡撫江蘇訂吳風一編時若杜紫綸吳荆山諸公皆錄其詩文先生有寄題三高祠五言占一首詞致清綺其畫聲壇坫有素矣

吳濬字 江南陽湖人監生由工部侍郎王鈞薦舉

劉師韜字 江南寶應人監生由兵部侍郎署江蘇巡撫顧

琮薦舉

任瑗字恕菴號東澗江南山陽人監生由兵部尚書兩江總督趙宏恩薦舉著有纂註朱子文類論語中庸困知錄易學象數傳心錄太極圖說析疑通書測讀經管見小泉筆記困學恐聞正經說傳習錄辨知言劄記讀史衡說史記論文史記筆譚六溪山房文集小泉集六有軒存稿詩漫鈔

鶴徵後錄卷十一

十

東澗系出先賢任城伯講求理學博極經世之務嘗佐父廷平公平順昌寇興舉進安水利俱有成教年八十餘方遭疾猶對客劇譚以淮陽水患爲憂閱三日河大溢其識議有過人者

顧震滄六有軒集序云吾友東澗任君資穎異弱冠卽發問部下惟攻苦尤穿穴宋五子之書著述等身顧不甚喜作文間一爲之冥心孤詣超軼絕倫非韓柳歐蘇之文而自成爲任子之文也大臣有知之者公薦于朝 召試保和殿歸來放浪山水泊如也予謂東澗之爲人不必以文重而此一卷又不足以盡東澗之文雖然一鱗一甲而知應龍之神一嘷一笑而知夷光之美然則謂此不足以測東澗之文者非

方隅之見與

劉寓樞云東澗弱冠卽棄舉業以倡明正學爲已任高安朱文端公器重之一時學者稱爲東澗先生所著書甚富皆潛而未出

趙信字意林浙江仁和人監生由通政司使趙之垣薦舉著有醴畧秀硯齋吟藁

意林與兄谷林清才淵雅並擅詩名意林嘗與梁文莊公相倡和編有同林唱和集詣極超雋裴衷倡歎有條然意遠之致

李穆堂送意林序云余蒙 恩以久廢起用官戶部與仁和趙公同爲侍郎其從弟意林來謁投南宋雜事詩七卷同賦

鶴徵後錄卷十一

十二

者七人人賦百首而意林與其兄谷林並在焉詩七百首隸事至三千餘條其學可謂博而辭亦可謂鴻矣亟欲舉意林應 詔意林顧辭讓謂公誠有意願舉吾兄賢哉讓乎世人急名利小得失走若鶩博學鴻詞大名也中卽官清華大利也獨以讓兄豈易得哉余未識谷林止見其詩然能致其弟敬讓則其能友愛可知二趙子詩筆如彼學問固優贍而人品豈不亦端純哉因舉谷林以成意林之意而意林旋亦被舉明年二趙子並報罷未幾意林來告歸願得贈言余謂博學鴻詞以實不以名有其實雖不中猶中也韓文公三試於吏部卒無成然唐之中是科者其學與詞未嘗敢加於韓公子歸益勉其學充其詞不遇固無害况無不遇乎

詞科掌錄云趙意林與兄功干齊名稱二林功干又字谷林也

詞科餘語云予與谷林兄弟過從尤密溫經研賦未嘗不借館子穀子惟予所取求故諸徵士錄別皆作數日之惡唯意林獨黯然銷魂也

段梧生字[]湖南長寧人監生由湖南巡撫鍾保薦舉

王元字[]湖南華容人監生由湖南巡撫鍾保薦舉

南昌齡字念貽湖北蘄水人監生由兵部侍郎署湖北巡撫吳應棻薦舉

念貽見聞博瞻詩格雋上吾鄉萬孝廉循初有題其行卷後云軼事津津述晉唐春秋菊菊各分行他年剪割成圖障好

鶴徵後錄卷十一

三

句寧翰李十郎

許儒龍字士元四川郫縣人廩監生由四川巡撫楊勳薦舉

詞科掌錄云許士元壻父楊丹山為福建運使士元往遊因

依焉時陳進士兆崙方觀政閩疆相得甚歡倡酬最多丹山

名宏緒新繁人辛丑進士後為浙江按察有風力亦能詩

張庚字浦山號瓜田逸史晚又號彌伽居士浙江秀水人布衣

由翰林院檢討湖北學政蔣蔚薦舉著有五經臆通鑑綱目釋

地糾繆補注畫徵錄續錄蜀南紀行畧短檠瑣記強恕齋詩文集瓜田詞

集瓜田詞

先生家素貧少孤事祖母及母盡孝不樂為科舉業性嗜畫

及詩錢南樓太夫人為先生表姑與講明六法大有悟遂為

翁婦于南樓之下年二十七授徒吳江研究注疏史漢唐

宋大家之集後入江西志局與諸名士相倡和歷遊博燕梁

楚兩辰試罷歸復佐蔣檢討校士於蜀雖未嘗為科舉文而

能因文決人之福澤後皆不爽先生文簡老樸實詩亦新

山水入董巨視黃之室而能自成一家時罕有及者

奚毅南瓜田集序云吾執友張君瓜田少孤露母夫人教之

義方學成為君子儒以貢米奔走四方足跡半天下不金紫

是鑿而營潔白之養衣布以終身曾一對大科放還山所至

人傾心尊奉求為碑板之文時時詠歌其志往來贈答穆如

海風長途跋涉遇巖險峻濤瀾奔煙雲變態百出勞者

之歌加以江山之助益發其光怪陸離之藻思不可方物如

鶴徵後錄卷十一

三

入蜀詩雖老杜亦不避其旌竿卓成一家之則其騁妍抽秘

一出於孝弟忠信之根源肫摯醞郁使人抹涕輸忱激發於

善而莫敢萌非僻之心其哭母也嗚嗚若孺子啼灑血於爛

煤破楮號聲嗚悲年既髦而不輟痛誠蓼莪之續也餘事工

於六法有史裁春秋經傳地里攷其疆索而正厥謬訛並刻

有成書經臆一帙鏗鏗道古他古文詞詩賦及倚聲滙為全

集其門人濟陽令胡君德琳為授之剞劂子與君定交在中

州客舍亡兒繩篋亦時承長者教誨今故人已逝吾無以為

質而西河之戚猶振觸於遺編傷老成之凋枯感大雅之零

落青燈拾蕪不自知老淚之泫泫也

魯克恭文集云瓜田五古原於三謝流行於曹陸左範三張

七古則遠宗浣花近補北地五律多以古運七律純以氣行不軌一家也

詞科餘話云張浦山以古調自鳴不工律體試日棄去復就湖北蔣學使幕萬循初有詩送之句云山人好詠詩作古不作律所法魏以前作五不作七又云含精茹英數十年溢爲畫法尤清妍荆關董巨路久絕山人尙欲躋其巔金馬門開來後彥白衣獻賦 明光殿羊角風高未得搏依然歸抱紅絲硯卽今重泛楚江雲仍是天涯瀟灑人東華軟塵高百尺誰能居我山人輪

蒲澗山房詩話云浦山工於山水世多以翰墨稱之不知學問淹博如釋地糾繆補注極爲精審古文簡樸五七言古體

鶴徵後錄卷十一

十四

詩頗見古人堂奧丙子丁丑間君來往廣陵常同尊酒盡讀所著書故得悉其深造

李引樹云先生肆力於詩古文兼精繪事晚益研求元四家山水氣韻深厚幾及麓臺先生女孫適崔爲余外母嘗言先生性孤峭有知已索畫丈幅立就每自矜許否則寸縑尺紙不以予人後客睢陽十餘年人重其學生平遊歷公卿間多與賢豪長者交嘗主吳興李太守李署其室曰浦來軒其爲時所推如此

趙寧謨字方白號藜村江西南豐人布衣由兵部侍郎鎮國將軍宗室德沛薦舉

已未鴻詞布衣與選者五人馮檢討勗名不甚著故當時只

有四布衣之稱其薦薦而未與選者尙有十一人是科布衣僅五人與試三人均未中選人亦多以四布衣稱未得其實也

詞科掌錄云趙方白江西撫臣欲薦之不果宗室德公薦於朝出爲浙閩總督攜入幕


隨園詩話云丙子九月余患暑瘧性命在呼吸間忽有同徵友趙藜村來訪家人以疾辭曰我解醫理乃延入診視命速買石膏及他藥投之飲未半孟沈沈睡去須臾醒君猶在坐問思西瓜否卽命買瓜曰憑君盡量我去矣食片許如醍醐灌頂頭目爲輕晚便食粥未幾君歸余送行詩云當時同日賦長楊廿載賓鴻過草堂白下秋燈明舊雨青山花影澹重

鶴徵後錄卷十一

十五

陽元方齒長居兄輩中壘才多解祕方剛是仲宣愁體弱苦教秤藥累真長已將仙露挹靈苗便引晨風去碧霄活我只因緣有舊離君轉恐病難消秋深古道詩逾健霜滿黃河浪不驕倘拜東平憲王墓爲言故吏鬢飄蕭藜村故簡親王客先生亦見贈云同試 明光人有幾一時公餘髻先斑又云藜村雜鳴埭訪友云佳辰結良覲言采北山杜雞鳴古埭在登臨渾漫與蕭梁此化城貽爲初地祖六龍行幸過金碧現如許欲辨六朝踪風亂塔鈴語江南山色佳元武湖激澈豁開几益間秀出庭木末延陵敦夙尙藉以紆蘊結山能使人澹湖能使人澗聊共發嘯吟無爲慕禪悅

從弟啟孫校



鶴徵後錄卷十一

十六

嘉興李富孫既訪甫輯

雜綴

方望溪文集云雍正八年議開博學鴻辭科 詔閣部院司府寺三品以上暨直省督撫學臣舉學與行兼者諸公多叩余以所舉余應之曰稱此者實難而辨所應舉則易夫行必有迹學與辭尤藝之外祿而與眾共之者非若德蘊於心或深潛而不易識也然必鄉國莫不知天下莫不聞然後舉者無作在人可疑是則匪易耳

詞科掌錄云 明詔既下首訖凡四年合內外所舉凡二百六十七人重薦者六人

鶴徵後錄卷十二

一

錢樺石詩集注云乾隆丙辰 詔舉博學鴻詞先後舉者二百六十七人滿洲五漢軍二直隸三奉天一江蘇七十八安徽十九浙江六十八江西三十六湖北六湖南十三福建十二河南五山東四山西三廣東六陝西四四川一雲南一詞科餘語云甲寅九月總督上蔡程公合試全浙之士題有河清海宴頌仁和處士吳穎芳擬作極工歸安沈炳謙以後到補試題有九法五政論蓋初學記偶儷牽合之辭榜後試帖盛行仁和孫之驟子駿向任慶元教諭家居著述其松源經說中亦有一論似攻擊沈君而作者然風檐應試之作未可與暇日獮祭者同論也又云丙辰夏大學士無錫嵇公署浙江總督復試多士於院署有春秋三傳異同說余小友仁和趙一清誠夫最

為詳盡竟遭斥落

沈文愨公年譜云雍正十二年 詔舉博學鴻詞縣令沈諱光曾以札幣來聘予以學術淺陋辭文宗召往堅命應 詔五月督撫學三院考試題係 硃批

上諭頌時雨賦一實萬分論三才萬象共端倪長律十二韻與試三十一人取六人子名第三第一孫兒龍癸已會元第二孫天寅舉人第四倪承茂第五吳龍兒第六朱厚章期明年具題赴京十三年四月予偕同郡倪稼咸武進吳恂士入都定寓後日課古學四方名流時會台不荒正業也八月薦舉諸生許應北闈試予循例入場不遇十二月移寓彭芝庭宮允家家茶園名廷芳來受業乾隆元年仍日課古學八月應北闈試不遇九

鶴徵後錄卷十二

二

御試保和殿五六天地之中合賦山雞舞鏡詩七言長律十二韻黃鍾萬事根本論二場經解一史論一閱卷者鄂文端爾泰張文和廷玉二相公少宰邵基取一等五人二等十人某園姪中二等予失寫題中字以不合格不遇同稼咸歸到家雖失意歸歌吟嘯呼無戚戚容也

王礪齋十四日兒年譜云雍正乙卯 詔徵博學鴻詞猶康熙己未科故事也外則直省督撫得舉薦晉撫石公以余名應先是方伯溫公觀風通省余擬卷呈送蒙獎賞詞科之薦以此四月離興縣任入京候試前已未文恭被徵入選時祖孫先後得與制科者余與朱稻孫兩人朱則竹垞先生孫也乾隆丙辰元

年九月

御試諸徵士於 保和殿第一場賦詩論各一第二場經史論各一 命大學士鄂張兩相國少宰邵公基閱卷取十五卷進呈不得與舊例外吏不入選仍回原任余以加捐主事當在部候選十一月歸張溪康熙己未文恭公以太常寺博士徵試列一等六名閱六十一年祖庚復與是科之薦雖未入選而得借海內諸名宿奏藝 闕廷何其幸也

劉海峯文集云雍正十一年

天子有意久道人文之化肇開博學鴻詞之科 命王公巨卿暨督撫諸路州縣羣有司悉心延訪萃九州之衆積四年之久內外臣工共所推薦得二百餘人而余幸與其選

鶴徵後錄卷十二

三

詞科餘話云前己未時四布衣名動

天子今時所舉亦有布衣四人南豐趙寧靜余未知其人秀水張庚西安申甫詩皆清古可味蒲城屈復則年近七十尙事塗抹如三五少年時去古遠矣夫布衣之名為不耕而食者所易託一介之士操觚率爾輒動

聖主之旁求其不得怨律之審矣

袁簡齋小倉山房集云丙辰同一百九十三人試博學鴻詞於保和殿下時班中無弱冠者諸王公都來疑年口號以對襴衫青入 九重天岳牧科慚員半千末坐竟陪燒尾宴遲來猶領大官錢時鴻博未試者恩給月俸書完黃紙三千牘身到紅塵二十年家是南朝舊臨汝敢將才語向人傳

詞科餘記云兩中堂意以保舉多有濫觴取額遂隱其資亦亦遺珠不歸離珠象罔也九月後諸徵士皆返故園不能盡誌其所若朋好聞開有投眎者輒錄數家

李穆堂類稿云雍正十有一年

世宗皇帝特詔開博學鴻詞之科令在京三品以上大臣在外總督巡撫會同學臣薦舉人品端純學問優贍者應試蓋自康熙已未 召試距今垂六十年矣事嚴典曠中外相顧莫敢先發逾年河東督臣舉一人直隸舉二人他猶莫有舉者特旨切責諸臣觀望又踰年大學士高安朱公舉四人而封疆大吏所舉猶趨起不前

今上登極再 詔督促明年天下所舉士集 闕下者百八十

鶴徵後錄卷十二

四

餘人

天子臨軒親試之執事者猶持嚴重之意僅以十五卷上

御覽蓋取數隘視己未四之一耳己未三取一人而今十不能得一也

隨園詩話云乾隆丙辰 召試博學鴻詞海內薦者二百餘人至九月而試 內殿者一百八十人山雞舞鏡詩劉文定公有句云可能對語便關關

上深嘉獎親拔為第一遂以編修致身宰相二百人中年最高者萬九沙先生諱經最少者為枚全謝山庶常作公車徵士錄以先生居首枚署尾己亥枚還杭州先生少子名福者持先生小像索詩余題一律有當年 丹詔召耆英驥尾龍頭記得清

之句詩載集中

塵定軒譚粹云己未詞科仁和沈開平鈞上海錢越江金甫既同中己未進士三月 召試授編修五月復選庶吉士當時以為榮是科相國某特奏凡經保舉而已成進士入詞林者不與再與鴻博之試檜門謝山諸先生皆不復入試故是舉無兩府詞林之選者

沈某園隱拙齋詩集注云乾隆元年考取詞科諸臣甲等五人俱授編修乙等十人內五人以科甲出身授檢討五人以諸生改庶吉士踰年散館

御試時臣士鎧臣廷芳皆拔置甲等奉旨授編修實異數也

鶴徵後錄卷十二

五

諸草廬終附閣詩稿云乾隆丙辰十月初五日以博學鴻詞劉綸等一十五人引 見授職有差

欽賜日知舊說各一帙是日 殿中引 見之時雙鶻噪 殿脊良久

夏醴谷半舫齋詩注云自康熙己未試博學鴻詞距今垂六十載時與試者月給膏火費故事給札 體仁閣下上以雪後特 命保和殿考試題皆御筆硃書試卷進呈

欽定甲乙等十有五人十月五日 養心殿引 見

天顏溫霽獎厲有加是日同授職翰林有差

詞科掌錄云雍正十一年 詔舉鴻博至乾隆元年丙辰合內外所舉凡二百七十六人試授館職者十五人一等五名二等

十名武進劉綸為之冠二年丁巳補試鴻博復得萬松齡等四
此條見槐廳載筆
人檢詞科掌錄並無

詞科餘話云華亭張司冠照時失職閒居奉 命書十五人試

卷

隱拙齋文鈔云制舉之行昉於漢而以名其科則昉於唐唐選
舉志稱天子自詔者曰制舉所以待非常之才是也顧唐時制
舉其名隨時更易所謂博學鴻詞者開元中嘗舉之與賢良方
正直言極諫博通墳典辭藻宏麗才識兼茂諸目俱稱制科宋
世猶沿其法而專以博學鴻詞名科則自紹興中始得人之盛
前史亦班班可稽矣我 朝文教昌明超越往古康熙己未歲
聖祖仁皇帝特開是科擢五十人入翰林時稱極盛又五十餘
年

鶴徵後錄卷二

六

世宗憲皇帝復詔中外大臣悉心蒐訪薦於 朝廷今

天子御極多士雲集 闕下乃以乾隆丙辰九月試於 保和

殿拔十五人明年秋續試其後至者拔四人俱置詞館蓋曠世

之典非唐宋時間歲一舉士子先期投牒有司臨時奏名者可

同日而語也廷芳學殖夙侷倖獲廁名嘗考前代有諱行錄同

歲名諸書即今春秋二試所編齒錄也畧倣其例首登

詔旨次錄試題及甲乙等第後列同籍諸君之姓氏里居世系

舉主而詳書之合為一集名曰詞科同年錄夫科名之重重以

人也漢自晁董以還其可並者曾不數人唐宋中制科者尤眾

至今赫赫在人耳目 國朝己未科有湯文正之正己化物李

天生之孝誼純備喬石林之正言去國施愚山之學行醇雅毛
西河朱竹垞徐花隱之間學淹洽汪鈍翁陳迦陵潘稼堂李石
臺之才藻炳煥之數公者實堪追配古人故足重也預是科者
可不思共勉以答知遇哉

先從祖敬堂隨筆云乾隆元年薦舉諸公到京已百餘人 詔
許每人月給銀四兩御史吳元安奏准分二場考試首場經史
發難規其抱負越日次場詩賦論應制觀其詞藻並准給燭九
月廿六日 保和殿考試一百七十六員廿八日二場閱卷為
鄂張兩相國邵少宰基十月初三日 奏名

欽取一等五人授編修二等十人由科甲出身授檢討未中舉
人者庶吉士初五日引 見初六日授職二年七月十一日續

鶴徵後錄卷十二

七

考方天游等二十六人閱卷者張文和廷玉孫文定嘉淦中元
日 奏名

欽取一等一名二等三名本日授職 詔不必引 見次年散

館楊度汪改知縣程恂改知州陳士璠改部主事齊召南漢字

二等十名授檢討沈廷芳一等十名授編修汪士鐸漢字一等

九名授編修四年散館洪世澤二等 名授檢討朱荃一等十

一名授編修

戴蕞塘藤陰雜記云乾隆丙辰考試鴻博一百九十三人年長
萬經癸未進士年少袁枚廩生取入翰林十五人亦見館選錄
不取而後登顯仕者沈尙書德潛王少司馬會汾裴大司空曰
修錢少宗伯戴葉庶子西楊亭上述曾金總憲德瑛曹大宗伯

秀先以春榜已入翰林不與試全祖望撰公車徵士小錄

鶴徵後錄卷第十二

姪仲亭校

鶴徵後錄卷十二

八

曩者鶴徵錄成予嘗雜綴一卷附末葉行仲弟既高又輯
乾隆丙辰詞科為後錄予於卷中亦間列數條今年春弟編
香既竣旋赴金華郡館屬予覆閱付梓其有續得事蹟者復
補一二竊惟我朝兩開大科人才輩出其間勲業赫奕照
耀史冊至文章足以補國著述足以傳後更不知凡幾兩大
科雖相距六十年而醞釀鬱積其才之幹占凌今先後一轍
願後錄之輯較前錄更難蓋前錄以續前輩未成之書後錄
網羅散佚非一時易竟之業弟以積勤蒐采兩閱寒暑成是
錄不獨雍容揄揚其所以徵文考獻實可與前錄並時傳播
有足備藝林之掌故者爰於開雕之始識數語于簡末嘉慶
十有五年春二月兄超孫跋

鶴徵後錄跋